

# বামাবোধিনী পত্রিকা।

“কাল্যায়ীৰ্ণ মালনীয়া শিল্পীযাতিয়নতঃ।”

কল্যাণকে পালন করিবেক ও যত্নের সহিত শিক্ষা দিবেক।

৩৩ সংখ্যা। { বৈশাখ-বঙ্গাব্দ ১২৭৮। } { ১ম ভাগ। }

## নববর্ষ।

নববর্ষ আগমনে নূতন জীবন  
ধরিয়া ধরনী শোভে নয়নরঞ্জন।  
পুরাতন পাপ তাপ করি বিসর্জন,  
নরগণ! নিজ কার্যে কর প্রাণপণ।

নববর্ষ আগমনে নূতন জীবন, শোভা ও আনন্দ নিয়ত বর্ষণ করিতেছেন। এই নববর্ষের আগমনে আমরা তাঁহার সৃষ্টির নূতন সৌন্দর্য্য দেখিয়া কত না মোহিত হইতেছি! কিন্তু তিনি সৃষ্টিকে যেমন পুরাতন হইতে নূতন ভাবে অধুর্জিত করিতেছেন, সেই সঙ্গে আমাদের জীবনকেও নব উৎসাহ উদ্যমে পূর্ণ করিবার জন্য উৎসাহ দান করিতেছেন। এখন আইস সকলে জগতে ও জীবনে সেই আনন্দময়ের নূতন আবির্ভাব দেখিয়া পুরাতন বৎসরের দুঃখ, শোক, পাপ ও আলস্য এককালে পরিত্যাগ করি এবং নূতন আশা, যত্ন ও সাধুভাবে পূর্ণ হইয়া নব জীবনের পথে অগ্রসর হই।

নববর্ষে বামাবোধিনীর বিষয়ে নূতন কিছু কিছু বলিবার থাকে, আমরা এখানেও সে প্রথা পরিত্যাগ করিতে পারিতেছি না। গতবর্ষে



কারণ তাঁহার মন আত্মপ্রসাদ রূপ স্বর্গীয় আনন্দে সর্বদা ভাসমান, অতএব কেন তিনি অনিত্য পার্থিব ছুঃখে কাতর হইবেন?

কিন্তু হায়! নির্দয় ব্যক্তির মন কি ভয়ানক! সে নিজের সুখের নিমিত্তই সর্বদা বাস্তব, পরের ছুঃখে তাঁহার পাষণ্ড মন কিছুমাত্র দ্রব হয় না। সে কোন প্রকারে স্বার্থ সাধন করিতে পারিলেই, আপনাকে চরিতার্থ জ্ঞান করে। হা! নির্দয় ব্যক্তির দ্বারা কোন্ পাপ না কৃত হয়! সে দুর্জয় অর্জুন স্পৃহার বশীভূত হইয়া, কোন পিতৃহীন বালকেরও সর্বস্ব আত্মসাৎ করিতে পারে। সে ক্রোধাক্ত হইয়া কোন ব্যক্তির প্রাণ পর্য্যন্ত বিনাশ করিতে পারে। সে নিজে লক্ষপতি হইলেও দরিদ্রের অন্নভাবে মৃত্যু পর্য্যন্ত দর্শন করিয়া তাঁহার দয়ার সঞ্চারণ না হইতে পারে। হায়! এমন ব্যক্তি কি কখন মনুষ্য নামের বাচ্য হইতে পারে? কখনই না। তাহাকে নরাধম পশু বলিলেও অত্যুক্তি হয় না। সকল প্রকার দয়ার পাত্রের মধ্যে পাপী, মুর্থ, ও পীড়িত ব্যক্তি অধিক রূপাই। অতএব পাপী ব্যক্তিকে ধর্মোপদেশ প্রদান করিয়া তাঁহার মনকে পবিত্র করা, মুর্থ ব্যক্তিকে বিদ্যা দান দ্বারা তাঁহার অজ্ঞানাক্রান্ত দূর করা, ও পীড়িত জনকে ঔষধ পথ্য প্রদান করিয়া রোগ হইতে মুক্ত করা অপেক্ষা উৎকৃষ্ট কার্য আর কিছুই নাই।

মনুষ্য যতই কেন দয়ালু হউক না,

তথাপি তাহার দয়ার সীমা আছে, কিন্তু পরম পিতা পরমেশ্বরের যে দয়া তাহার কিছুমাত্র সীমা নাই। তাঁহার দয়া অনন্ত! তাঁহার দয়া অপার! হা! তাঁহার করুণা ভাবিতে গেলে বুদ্ধি তাহার পার পায় না, বাক্য তাহা বর্ণন করিতে সক্ষম হয় না। আহা! তাঁহার করুণাই পাপীর এক মাত্র গতি। তাঁহার করুণা যদিও না থাকিত, তাহা হইলে পাপীর দশা কি হইত! আমরা তাঁহার নিকট কত সহস্র সহস্র অপরাধ করিতেছি, তথাপি তাঁহার করুণার কিছুমাত্র হ্রাস নাই। আহা! আমাদের প্রতি যে তিনি কত প্রকারে রূপা বিতরণ করিতেছেন, তাহার সংখ্যা কে করিতে পারে? কি গর্ভ মধ্যে, কি বাল্যাবস্থায়, কি যৌবন কালে, কি বৃদ্ধাবস্থায়, সকল অবস্থাতেই তাঁহার অপার করুণা জাজ্বল্যমান প্রকাশ পাইতেছে এবং পরলোকও যে তিনি আমাদের অশেষ মঙ্গল সাধন করিবেন তাহার কিছু মাত্র সন্দেহ নাই।

হে অশেষ রূপাময় পবিত্র পরম দেবতা! ধন্য তোমার করুণা! ধন্য তোমার প্রেম! পিতঃ! তোমার নিকট এক্ষণে আমার এই প্রার্থনা, যেন আমরা তোমারই ভক্ত হইয়া যাবজ্জীবন বাপন করি, এবং যেন নীচ স্বার্থপরতার বশীভূত না হইয়া, দয়া ধর্মে ভূষিত হইয়া মনুষ্য নামের গৌরব রক্ষা করি।

শ্রীমাম্বন্দরী ঘোষ।

# বামাবোধিনী পত্রিকা।

—৩৪—

“কন্যাঽয়ং দালনীয়া শিল্পনীয়াতিয়ত্ততঃ।”

কন্যাকে পালন করিবেক ও যত্নের সহিত শিক্ষা দিবেক।

৯৪ সংখ্যা। } জ্যৈষ্ঠ বঙ্গাব্দ ১২৭৮। { ৭ম ভাগ।

## স্ত্রীজাতির সামাজিক উন্নতি।

ভালই হউক আর মন্দই হউক, “যস্মিন্ দেশে যদাচারঃ পারম্পর্য্যং বিধীয়তে” যে দেশের যে আচার বরাবর তাহা রক্ষা করিয়া চলিতে হইবে এ বাক্য কে না কুসংস্কার পূর্ণ বলিয়া স্বীকার করিবেন? কিন্তু ইহার তুল্য অনির্ঘটকারী সত্য কালোচিত আর একটি কুসংস্কার আছে “প্রাচীন আচার ব্যবহারের সম্পূর্ণ পরিবর্তন করিয়া এককালে বিদেশীয় বা মূতন প্রথা প্রচলিত করিতে হইবে।” সমাজের যখন পরিবর্তনের অবস্থা উপস্থিত হয়, তখন এই শেষোক্ত সংস্কারটি লোকদিগকে উন্নত করিয়া তুলে এবং তুফানের জল যেমন বাঁধ না মানিয়া দেশকে প্লাবিত করিয়া দেয়, তাহাদের কার্য-শ্রোত সেইরূপ সমাজ বিপ্লব উপস্থিত করে। ইহাদ্বারা উপকার নাই তাহা আমরা বলিতেছি না, কিন্তু তৎসঙ্গে সঙ্গে ভয়ঙ্কর অপকারও সংঘটিত হয়। বিশেষতঃ যে সকল সামাজিক ব্যবহারের সহিত ধর্ম-নীতির গাঢ়যোগ, তাহার আকস্মিক পরিবর্তনে যোরতর পাপানল প্রজ্জ্বলিত হইয়া উঠে। বর্তমান সময়ে হিন্দুসমাজের যেরূপ পরিবর্তনের ভাব তাহাতে দেশহিতৈষী ব্যক্তিগণকেই বিশেষ চিন্তিত হইতে হইতেছে। একদিকে পুরাতন কুসংস্কার পরিত্যাগ, অন্যদিকে বাতুলতা পরিহার করা আবশ্যিক। যাহাদিগের মন সত্যনিষ্ঠা ও ধর্মবলে দৃঢ়,



তাহারা এসময়ে যথার্থ কল্যাণপথ অবলম্বন করিয়া চলিতে পারেন। কিন্তু অধিকাংশ ব্যক্তি যেরূপ আমোদপ্রিয়, হিতাহিত জ্ঞানশূন্য এবং ধর্মভাব বিবর্জিত, তাহাতে তাহাদিগের স্বেচ্ছাচারিতাদ্বারা এমন অনিষ্ট নাই যে ঘটিতে পারে না। ইহারা জাতিভেদ অনায়াসে অস্বীকার করিতে পারেন কিন্তু লোকের সহিত দলাদলী করিতে সক্রোধে প্রস্তুত; বিধবাবিবাহের পক্ষপাতী হইতে পারেন, কিন্তু বিধবাদিগকে বিপথগামী করিতেও কুণ্ঠিত নহেন; হিন্দুধর্মের সকল বন্ধন ছিন্ন করিয়া পদতলে দলিতে পারেন, কিন্তু সুরাপান ও বেশ্যাসেবায় লজ্জিত হয়েন না; পিতামাতাদিগের ক্রন্দন অগ্রাহ্য করা তাহাদিগের সহজ কার্য্য, কিন্তু কুসঙ্গীদিগের পাপ অনু-রোধ অতিক্রম করা অসাধ্য। এই সকল দৃষ্টান্ত দেখিয়া কি সতর্ক হওয়া উচিত নয় এবং যাহাতে নূতন ধর্মবন্ধনের আয়োজন না করিয়া পুরাতন বন্ধন কেহ ছেদন না করেন ইহা কি প্রার্থনীয় নয়? সামাজিক যে সকল নিয়ম পদ্ধতি আছে, তাহা পরিত্যাগ করা এক মুহূর্তের কার্য্য, কিন্তু তৎ-পরিবর্তে সুনিয়ম অবলম্বন করিয়া চলা বহুবিবেচনা ও ধীরতাপক্ষেপ।

বর্তমান সময়ে এদেশের সাধারণ পরিবর্তনের সঙ্গে সঙ্গে নারী সমা-জেরও পরিবর্তনকাল উপস্থিত হইয়াছে। এই সময়ে বিবেচনা পূর্বক প্রাচীন সুনীতি পদ্ধতি সকল সংরক্ষণ ও নূতন উন্নতির উপযোগী উপায় সকল অবলম্বন করা নিতান্ত আবশ্যিক। পুরুষ সমাজে যেমন একদল উচ্ছৃঙ্খল যুবক হইয়াছে, নারী সমাজে যদি সেইরূপ একদল যুবতী হয় নিতান্ত দুঃখের বিষয় হইবে সন্দেহ নাই। কিন্তু সেইরূপ হইবার কয়েকটি কারণ বিদ্যমান রহিয়াছে। একদিকে স্ত্রীলোকেরা অল্প অল্প বিদ্যা শিক্ষা করিতেছেন, দ্বিতীয় স্বেচ্ছাচারী যুবকদিগের প্রবর্তনা ও দৃষ্টান্ত এবং তৃতীয় সভ্য ইংরাজ জাতির রীতি নীতি অনুসরণ করিবার ইচ্ছা। অল্প বিদ্যা-দ্বারা গর্ভিত হইয়া যাহারা কোন বৃহৎ কার্য্য করিতে যান, তাহাদিগের দ্বারা নানা অনিষ্ট সংঘটন হয়, কেননা তাহারা সকল দিক্ দেখিয়া বিচার করিতে পারেন না। স্বেচ্ছাচারী যুবকেরা কোন প্রকার ধর্মশাসন মানিতে চায় না, সুখেছার বশবর্তী হইয়া যে দিকে প্রবৃত্তি যায় সেই দিকেই ধাব-মান হয়, দুঃসাহস পরায়ণ হয়, সুওরাং তাহাদের দ্বারা পরিণামশুভ

কোন কার্য্য কিরূপে সম্ভবে? সভ্যজাতির অনুকরণ একটা বিষম সংক্রা-মক রোগ। কোন জাতির আচার ব্যবহার সম্পূর্ণ দূষ্য বা সম্পূর্ণ দোষ-শূন্য নহে। কিন্তু অপর জাতির নকল করিতে গেলে তাহার অসার ও দূষ্য আচার সকলই সহজে গৃহীত হইয়া থাকে। আমাদের ইংরেজ অনুকরণ-কারী পুরুষগণ পেন-টুলন পরিধান, সুরাপান, গোমাংস ভক্ষণ ও পিতা-মাতার প্রতি হতশ্রদ্ধা যেরূপ শিক্ষা করিয়াছেন, ইংরাজদের সাহস, অধ্য-বসায়, অনশীলতা, উদারতা প্রভৃতি সদগুণ সেরূপ শিক্ষা করিতে পারেন নাই। এইজন্য আমাদের বড় আশঙ্কা, আমাদের নারীগণ বিবি অনুকরণ-কারী হইলে গাউন পরিধান, যথেষ্ট বিহার, বিলাসস্পৃহা, পতিভক্তি পরিত্যাগ, সন্তানগণের প্রতি নিষ্সমতা, চাটুবাদ শ্রবণেচ্ছা, এবং বাহ্য-দৃশ্য প্রদর্শন এই সকল অগ্রে শিক্ষা করিবেন। ইহাতে বিবিদিগের দোষ নাই, কিন্তু অনুকরণ স্বভাবের গতি এইরূপ।

এক্ষণে যাহারা নারীজাতির প্রকৃত হিত সাধনের অভিলাষী, তাহারা আর নিশ্চিন্ত থাকিলে চলিবে না। বামাগণের অভাবের সময় উপস্থিত। ক্ষুধার সময় ভাল আহার না পাইলে কাজে কাজেই মন্দ আহার দ্বারা উদর পূর্ণ করিতে হয়। অভাবের সময় ভাল উপায় না পাইলে অনেক স্থলে অসদুপায় অবলম্বনের সম্ভাবনা। নারীগণের প্রকৃত অভাব কি, যাহারা বুঝিতে চান, তাহারা নারীজাতির বর্তমান অবস্থার কেবল একদেশ দেখিবেন না, সকল দিক্ ভালরূপে পরিদর্শন করি-বেন। তাহাদিগের জানা কর্তব্য, হিন্দু-সমাজে যখন যে রীতি নীতি প্রবর্তিত হইয়াছে তাহার কিছুই নিরর্থক হয় নাই, সে সকল দ্বারা এক সময়ে সমাজের পবিত্রতা ও শান্তি রক্ষা হইয়াছে। বাল্যবিবাহ, সতীদাহ, প্রভৃতি ভয়ঙ্কর প্রথাও এক সময় শুভ সাধন করিয়াছে। যাহাহউক এক্ষণে কালের পরিবর্তনে পূর্বের রীতি নীতি সম্পূর্ণ সংলগ্ন হওয়া অসম্ভব। বালিকার আভরণ বয়স্কা রমণীর পরিতে যাওয়া উপহাসকর মাত্র এবং তাহাতে কেবল ক্রেশ স্মীকার সার হয়। কিন্তু কোন রীতি নীতি সংলগ্ন বা অসংলগ্ন তাহা সম্যক্ বিবেচনা ব্যতীত অব-ধারিত হইতে পারে না। অনেক স্থলে পরীক্ষা করিয়া দেখাও আবশ্যিক।



বিবেচনাস্থলে আমরাদিগকে দেখিতে হইবে, এখন কোন-কোন-প্রথা অনাবশ্যক ও অহিতকর এবং তৎপরিবর্তে আমরা যে আচার অবলম্বন করিব তাহাতে কোন আপদের আশঙ্কা আছে কিনা? অনাবশ্যক ও অহিতকর আচার বুঝিবার জন্য কোন বিজাতীয়দিগের মত গ্রহণ করিবার প্রয়োজন নাই এবং কোন ব্যক্তিবিশেষের কল্পনারও বশবর্তী হওয়া উচিত নহে। নিজ সমাজের প্রত্যক্ষ ফল দেখিয়া বিচার করিলে আর কোন সংশয় থাকিবার বিষয় নাই। এক প্রথার পরিবর্তে যখন অন্য প্রথা অবধারণ করিব, তখন যতদূর সম্ভব তাহার আপদ-সম্ভাবনা অনুধাবন করিয়া দেখা বিধেয় এবং যখন তাহা অবলম্বন করিব তখন তাহার আপদ-নিবারণের উপায় সকলও যেন সঙ্গে রাখিতে পারি। রোগে পড়িয়া ঔষধ সেবন দ্বারা আরোগ্য হইব এরূপ ব্যবস্থা না করিয়া রোগ যাহাতে না আসিতে পারে সেই উপায় গ্রহণ করাই বুদ্ধিমানের কার্য।

এদেশীয় জীজাতির সামাজিক উন্নতি সাধন করিতে হইলে তাহাদিগের সকল প্রকার অবস্থা পর্যালোচনা করিতে হয়। তাহাদের বাসস্থান, তাহাদিগের পরিধেয়, তাহাদের ভরণ পোষণের উপায়, তাহাদিগের বাল্যশিক্ষা, তাহাদিগের বিবাহ, তাহাদিগের সাংসারিক কার্যপ্রণালী, পুরুষজাতির সহিত তাহাদিগের সম্বন্ধ ও আচার ব্যবহার, তাহাদিগের ধর্মসাধন প্রণালী এ সকলই বিবেচনাস্থলে আসিতে পারে। আমরা সংস্কারোপযোগী এক একটা বিষয় ক্রমে ক্রমে গ্রহণ করিব এবং তদ্বিষয়ের বিহিত উপায় নির্দ্ধারণের চেষ্টা করিব। এবিষয়ে যিনি আমরাদিগকে যে সাহায্য দান করিবেন আমরা তাঁহার নিকট তৎস্বজন্য চিরকৃতজ্ঞ থাকিব।

## নারী-চরিত ।

### আবিয়ার ।

আমরা গত সংখ্যায় ধর্ম পরায়ণা নীরা বাইর উপাখ্যান বর্ণন করিয়াছি, এবারে আবিয়ার নাম্নী আর একটা ভারত কামিনীর আখ্যায়িকা প্রকটন করিতেছি। দাক্ষিণাত্যে তামল জাতির মধ্যে চারি জন বিদ্যা-

বতী রমণীর নাম শ্রবণ করা যায়, তন্মধ্যে আবিয়ার সর্কপ্রধান। ইনি ভগবান-নামে এক ব্রাহ্মণের কন্যা। ইহার জন্মরত্নান্ত ও জীবন চরিত অদ্ভুত উপাখ্যানে পরিপূর্ণ। কেহ কেহ বিশ্বাস করেন ইনি শাপ-ভ্রষ্টা ব্রহ্মার পত্নী এবং সেই জন্য যাবজ্জীবন অবিবাহিত অবস্থায় ছিলেন। এই অসামান্য নারী অনেক বিদ্যায় পারদর্শিনী ছিলেন। তাঁহার বিলক্ষণ কবিত্ব শক্তি ছিল এবং শিল্প ও বিজ্ঞানে তাঁহার ব্যুৎপত্তির পরিচয় পাওয়া যায়। তিনি জ্যোতিষ, ভূগোল ও চিকিৎসা শাস্ত্র বিষয়ে অনর্গল লিখিয়া গিয়াছেন। রসায়ন বিদ্যাতেও তিনি সুপণ্ডিত ছিলেন। কিন্তু তাঁহার রচিত নীতিগ্রন্থ সকল যেমন সুপ্রসিদ্ধ, এমন আর কিছুই নহে। আমাদের দেশে পাঠশালাতে যেমন চাণক্যের শ্লোক পঠিত হয়, তেমন দাক্ষিণাত্যে তামল বিদ্যালয় সকলে আবিয়ারের নীতিগ্রন্থ পঠিত হইয়া থাকে। তাহার রচিত কতকগুলি উৎকৃষ্ট নীতি নিম্নে উদ্ধৃত হইল।

- ১। নিত্য সুখ অন্বেষণ কর।
- ২। ঈশ্বর চিন্তায় রত থাকিবে।
- ৩। যেখানে শান্তি সেখানে গমন করিবে।
- ৪। শান্ত ব্যক্তির সহিত আলাপ করিবে।
- ৫। যাহা উদ্ভব দৃঢ়তা সহকারে তাহা রক্ষা করিবে।
- ৬। যাহা নীচ তাহা পরিহার কর।
- ৭। যাহা দুর্মূল্য তাহাতে যত্ন করিবে।
- ৮। ইন্দ্রিয়সক্ত হইও না।
- ৯। অসৎ প্রসঙ্গ করিও না।
- ১০। পরের হিত চিন্তা যেন তোমার আমোদকর হয়।
- ১১। কাহার কৃত উপকার ভুলিবে না।
- ১২। দানের সময় রূপণ হইও না।
- ১৩। অন্যের হিতেচ্ছার ব্যাঘাত করিও না।
- ১৪। অগ্রে অন্যকে দিয়া আপনি ভোজন কর।
- ১৫। অন্যের অপরাধ ক্ষমা কর।
- ১৬। অন্যকে রক্ষা করাই মহত্ব।
- ১৭। পিতা মাতাকে ভক্তি করিবে।
- ১৮। পিতৃপুরুষদিগকে সম্মান কর।
- ১৯। কাহাকেও ক্লেশ দিও না।
- ২০। কাহার ক্ষতি হয়, এমন বিষয়ে হস্তার্পণ করিও না।
- ২১। প্রিয় বাক্য বলিবে।



- ২২। তোষামোদ করিও না।  
 ২৩। কুটিলতা সহকারে কথা কহিও না।  
 ২৪। সকল প্রকার ভান পরিহার কর।  
 ২৫। কাহাকেও উপহাস করিও না।  
 ২৬। তোমার কথাতে যেন কাহাকেও লজ্জা পাইতে না হয়।  
 ২৭। অধিক কথা কহিও না।  
 ২৮। গুপ্ত কথা প্রকাশ করিও না।  
 ২৯। যাহা দেখিয়াছ তাহাই বলিবে তদতিরিক্ত কিছু বলিও না।  
 ৩০। স্পর্শ করিয়া কথা কহিবে যে তুমি যাহা বল লোকে বুঝিতে পারে।  
 ৩১। লোকের চরিত্র অগ্রে জানিয়া তাহাকে বিশ্বাস করিবে।  
 ৩২। প্রকৃত বন্ধুকে পরিত্যাগ করিও না।  
 ৩৩। খেলের সহিত ক্রীড়া করিও না।  
 ৩৪। সময়ে শস্য বপন করিবে।  
 ৩৫। যুবা বয়সে শিক্ষা করিবে।  
 ৩৬। শ্রবণ কর ও আত্মোন্নতি সাধন কর।
- ৩৭। জ্ঞানের উন্নতি করিতে কখনই বিরত হইও না।  
 ৩৮। যখন কোথাও যাইবে বিবেচনা কর কোথা তুমি যাইতেছ।  
 ৩৯। চরের ন্যায় ভ্রমণ করিও না।  
 ৪০। ভিক্ষাবৃত্তি লজ্জাকর।  
 ৪১। অন্নের মূল্য স্বাক্ষি করিও না।  
 ৪২। শ্রম করিয়া যে জীবিকা লাভ হয়, তাহাই সর্বোত্তম।  
 ৪৩। যাহা করিবে ভালরূপে করিবে।  
 ৪৪। ক্রীড়াপ্রিয় হইও না।  
 ৪৫। কোন কার্যে আলস্য করিও না।  
 ৪৬। সাহস পরিত্যাগ করিও না।  
 ৪৭। শরীরের পক্ষে যাহা মঙ্গলকর তাহা ভুলিও না।  
 ৪৮। আপনাকে রোগগ্রস্ত করিবে না।  
 ৪৯। সর্বদা পরিষ্কৃত বস্ত্র পরিধান করিবে।  
 ৫০। কোন নির্দিষ্ট স্থানে স্থায়ী-রূপে বাস করিতে চেষ্টা করিবে।

### কারা-কসমিক।

(৩৮ পৃষ্ঠার পর)

চার্ণি প্রত্যুত্তর করিলেন “আপনি পুত্রের প্রাণবধের প্রতিশোধ লইবার জন্য বোনাপাটীর প্রাণবধের না ষড়্‌যন্ত্র করিয়াছিলেন?”

রুদ্ধ উর্দ্ধ দিকে দৃষ্টিক্ষেপ পূর্বক ঈশ্বর সাক্ষী করিয়াই যেন বলিলেন “আমি দেখিতেছি, তুমিও সেই মিথ্যা অপবাদে বিশ্বাস করিয়াছ। সত্য বটে, যখন আমার শোকের প্রথম আবেগকাল, তখন নেপোলিয়নের জয়ধ্বনিতে গগন ফাটিয়া যাইতে দেখিয়া এক একবার আমি রোষ প্রকাশ করিয়াছিলাম। তাহাতে আমি ধৃত হই, দুর্ভাগ্যক্রমে আমার নিকট একখানি ছুরিকা পাওয়া যায়। যে সকল গুপ্তচর মিথ্যা-ব্যবসায় দ্বারা জীবিকা নির্বাহ করে, তাহারা আমাকে বোনাপাটীর প্রাণনাশেচ্ছু বলিয়া প্রমাণ করিতে চেষ্টা পাইল; হা! পুত্রহীন শোকাক্ত পিতাকে তাহারা হত্যাকারী বলিয়া নির্ধাতন করিতে লাগিল। সম্রাট প্রতারণিত হইয়াছিলেন সন্দেহ নাই; যদি তিনি তাদৃশ মন্দ লোক হইতেন, আমাদের উভয়েরই শিরশ্ছেদ করিতে পারিতেন। তিনি যদি এখন আমাকে কারাগার হইতে মুক্ত করেন তাহা হইলে আমি তাঁহার দয়ার জন্য ধন্যবাদ দিব, কিন্তু তিনি পূর্বকৃত একটা ভ্রম সংশোধন করিবেন না। আমার নিজের জন্য আমি ভাবি না, ঈশ্বরের দয়ার উপরে আমার দৃঢ় বিশ্বাস আছে এবং তাঁহার ইচ্ছায় আত্মনমর্পণ করিয়া কারা-যন্ত্রণা আমি বহন করিতে পারি; কিন্তু আমার হৃৎথে টেরিসার হৃৎসহ হুঃখ হয়—একত্রে থাকায় উভয়ের কষ্ট লাঘব হয় বটে কিন্তু তাহার জন্যই আমার কারাগার হইতে মুক্ত হইতে ইচ্ছা হয়। তোমাকে ভালবাসে এবং তোমার সুখে সুখী ও হৃৎথে হৃৎখী হয় এমন কোন আত্মীয় অবশ্যই আছেন এবং তোমাকে বলি আপনার জন্য না হউক এইরূপ আত্মীয়ের সুখের জন্য বৃথা গর্ক পরিত্যাগ কর। আমার বন্ধুগণ তোমার জন্য যে সাহায্য করিতে পারেন তাহার প্রতিবন্ধক হইও না।”

চার্ণি কাষ্ঠহাস্য করিলেন। তিনি বলিলেন “স্ত্রী, কন্যা বা বন্ধু আমার কাঁদিবার কেহ নাই। আমি এখন আর অর্থদান করিতে পারি না, অতএব আমার পুনরাগমন জন্য কেহ দীর্ঘ নিশ্বাস পরিত্যাগ করিবার নাই। আমি সংসারে এখনকার অপেক্ষা অধিক সুখী ছিলাম না, অতএব তথায় গিয়া কি হইবে? কিন্তু সংসারে যদি আমার বন্ধু বা সুখের আশা থাকিত অথবা নৌভাগ্য পুনঃপ্রাপ্তির সম্ভাবনা দেখিতাম তথা-



পিও যে নেপোলিয়নের ক্ষমতার বিনাশার্থ আমি প্রাণপণে সচেষ্ট ছিলাম, তাহার পদানত কখনই হইতাম না, সহস্রবার তাহার প্রতিবাদ করিতাম।”

“পুনর্বীর বিবেচনা কর।”

“যে আমার সমকক্ষ ছিল, তাহাকে কখনই সম্রাট বলিয়া সম্বোধন করিব না।”

“আমি বিনয় পূর্বক বলিতেছি, এই রথগর্ভের বশবর্তী হইয়া তোমার সমুদায় ভবিষ্যতের আশা বিনষ্ট করিও না। ইহা স্বদেশহিতৈষিতা নহে, প্রগল্ভতা মাত্র। কিন্তু ঐ শুন এবার কে একজন যথার্থ আসিতেছে—বিদায় হই।” এই কথা বলিয়া গিরহাদী গবাক্ষদ্বার হইতে সরিয়া গেলেন।

তিনি সম্পূর্ণরূপ চক্ষুর অন্তরাল না হইতে হইতে চারুনি বলিলেন “অণুবীক্ষণ যন্ত্রের জন্য নমস্কার নমস্কার।”

তৎক্ষণাৎ দ্বারের ঘর্ষর শব্দ হইল এবং লুডোবিক উঠানে উপস্থিত হইলেন। তিনি দৈনিক আহার আনিলেন, কিন্তু চারুনিকে গভীর চিন্তায় মগ্ন দেখিয়া কিছু বলিলেন না। কেবল আহার প্রস্তুত জানাইবার জন্য রেকাবগুলি নাড়িতে চাড়িতে লাগিলেন। আর তিনি কাউন্ট ও রক্ষকে কর্তা ও কর্তী ঠাকুরাণী বলিয়া সম্বোধন করিতেন, তাহাদিগকে নিঃশব্দে প্রণাম করিয়া চলিলেন।

চারুনি ভাবিতে লাগিলেন “অনুবীক্ষণ যন্ত্রটী এখন আমার হইল, কিন্তু কিরূপে আমি এই দয়ালু বিদেশীর দয়ার পাত্র হইলাম?” তৎপরে লুডোবিককে উঠান দিয়া যাইতে দেখিয়া তাহার প্রতি দৃষ্টিপাত করিলেন এবং মনে মনে বলিতে লাগিলেন “এ ব্যক্তিও আমার কৃতজ্ঞতার আশ্রয়; এই কর্কশ চর্মের মধ্যে কেমন সাধু ও কোমল হৃদয় অবস্থান করিতেছে!” কিন্তু যখন তিনি এইরূপে চিন্তা করিতেছেন তখন শুনিতে পাইলেন যেন কোথা হইতে একটা বাক্য আসিল ‘ছুঃখই তোমাকে এই দয়া অনুভব করিতে শিক্ষা দিল। এ ছুই ব্যক্তি কি করিয়াছে? এক ব্যক্তি তোমার অজ্ঞাতসারে তোমার বক্ষে জলসেচন করিয়াছে; আর এক ব্যক্তি ইহা

সূক্ষ্মরূপে দর্শন করিবার যন্ত্র যোগাইয়া দিয়াছে।” চারুনি তখনও মনোমধ্যে বিতণ্ডা করিতে করিতে বলিলেন “কিন্তু বুদ্ধির বাক্য অপেক্ষা হৃদয়ের বাক্য অধিক সত্য; আমার হৃদয় বলিতেছে তাহাদের দয়া সামান্য নহে।” সেই বাক্য উত্তর দিল “হাঁ, এই দয়া তোমার প্রতি প্রদর্শিত হইয়াছে বলিয়া তুমি ইহা স্বীকার করিতেছ। কারা-কুসুমিকা যদি না থাকিত, তুমি এ ছুই ব্যক্তিকেও ঘৃণা করিতে। একজনকে তুমি অতি হেয় ক্রীড়া-সত্ত্ব নির্বোধ বুদ্ধ বলিয়া দেখিতে, আর একজনকে নিষ্ঠুর ইতর লোক বলিয়া অবজ্ঞা করিতে। আপনার স্বার্থপরতা শৃঙ্খলে বদ্ধ হইয়া পূর্বে কাহাকে ভাল বাস নাই, এখন পিসিওলাকে ভাল বাসিয়াছ বলিয়া অন্যের ভালবাসা বুঝিতে পারিতেছ; রক্ষদ্বারাই তুমি তাহাদের প্রতি আকৃষ্ট হইয়াছ!”

চারুনি একবার কুসুমিকার ও একবার অনুবীক্ষণের প্রতি নিরীক্ষণ করিতে লাগিলেন। নেপোলিয়ন, ফ্রান্সের সম্রাট, ইটালির রাজা। এই ভয়ানক উপাধির প্রথমার্ধ ইতিপূর্বে তাঁহাকে ভয়ানক চক্রান্তে প্রবর্তিত করিয়াছিল, কিন্তু এক্ষণে ইহার গরিমা ক্ষণমাত্রও তাঁহার মনে স্থান পাইল না। একটা পতঙ্গকে গুণ গুণ শব্দ করিয়া তাঁহার পুষ্পের চারিদিকে ঘুরিয়া বেড়াইতে দেখিয়া তিনি যত চিন্তাশ্রিত, সম্রাট ও রাজার জয় সংবাদে তত চিন্তিত হইলেন না!

চারুনি নিজের অণুবীক্ষণ পাইয়া আগ্রহ সহকারে পরীক্ষা করিতে লাগিলেন। আমরা যদি গল্প না লিখিয়া একখানি উদ্ভিদ শাস্ত্র লিখিতাম, তাহা হইলে এক এক করিয়া তাঁহার সমুদয় আবিষ্কৃত্য বর্ণন করি-তাম। যদিও সত্য বর্ণন আমাদের উদ্দেশ্য, কিন্তু তাহার সবিস্তর বর্ণনা কখনই হইতে পারে না। এক জন যেমন অক্ষকারের মধ্যে চলিতে চলিতে পদস্থলিত হইলে পুনরায় ফিরিয়া চলিতে আরম্ভ করে, চারুনির মনে সেইরূপ একটা যুক্তি নিরস্ত হইয়া আর একটা উদয় হইতে লাগিল। যাহা হউক স্বভাব তাঁহার শিক্ষক—সেই রক্ষ, পক্ষী এবং মধুমক্ষিকা; সূর্য্য, বায়ু এবং রক্ষি তাঁহাকে শিক্ষা দিতে লাগিল। জ্ঞানলাভার্থ বর্তমান প্রবল উৎসাহে তাঁহার গত অজ্ঞানতার পূরণ হইল। যদিও



লিনিয়সের\* প্রণালী কিছু কিছু তাঁহার স্বরণ ছিল, কিন্তু স্বয়ং সতর্কতা ও আনন্দ সহকারে পরীক্ষা করিয়া পুষ্প সকলের মধ্যে একটা অপূর্ব বিবাহ কৌশল অবলোকন করিলেন এবং তাহাতেই যে নিগূঢ় বন্ধনে সমুদায় বিশ্ব দৃঢ়বদ্ধ রহিয়াছে তিনি প্রথমতঃ তাহা অস্পষ্ট ভাবে অনুভব করিলেন। তাঁহার দৃষ্টি অশ্রুপূর্ণ হইল, অণু বীক্ষণ যন্ত্রটা দূরে স্থাপন করিলেন এবং ভাবে গদ গদ হইয়া কাষ্ঠাসনোপরি হতচেতনের ন্যায় হইয়া পড়িলেন। তিনি বলিতে লাগিলেন, “পিসিওলা! এক সময়ে আমি ভ্রমণ করিবার জন্য সমুদয় পৃথিবী প্রাপ্ত হইয়াছিলাম; আমার অসংখ্য বন্ধু ছিল অথবা অনেকে ঐ নাম ধারণ করিয়াছিল; আর আমি প্রত্যেক বিজ্ঞান বিভাগের পণ্ডিতগণ দ্বারা বেষ্টিত ছিলাম; কিন্তু ইহাদের কেহই তোমার ন্যায় আমাকে শিক্ষা দিতে পারে নাই এবং তোমার নিকট হইতে আমি যে উপকার লাভ করিয়াছি উপযাচক বন্ধুগণ হইতে কখন তাহা পাই নাই; এই সফীর্ণ প্রাপ্তি কেবল তোমাকে অধ্যয়ন করিয়া যে রূপ ভাবিয়াছি, দেখিয়াছি ও বুঝিয়াছি, জীবনে এরূপ আর কোথায় কখন হয় নাই। তুমি আমার অন্ধকারের আলোক হইয়াছ, নির্জন স্থানের সহচর হইয়া চিত্তবিনোদন করিয়াছ, এবং সকল গ্রন্থ অপেক্ষা আশ্চর্য্য গ্রন্থের কার্য্য করিয়াছ—তুমি আমাকে আমার অজ্ঞানতা হৃদয়ঙ্গম করিয়া দিয়াছ এবং আমার অহঙ্কার চূর্ণ করিয়াছ; তুমি শিক্ষা দিয়াছ যে ধর্ম্মের ন্যায় বিজ্ঞানশাস্ত্রও বিনয় দ্বারা শিক্ষা করিতে হয় এবং উচ্চে উচ্চিতে হইলে প্রথমে নীচে নামিতে হইবে; তুমি দেখাইয়াছ যে এই স্বহৃৎ সরণির প্রথম সোপান পৃথিবীতে নিহিত এবং তদ্বারা ইহা আরোহণ করিতে হইবে। এই পুস্তকের প্রত্যেক শব্দ অগ্নিময় অক্ষরে লিখিত, কিন্তু ইহার ভাষা এরূপ আশ্চর্য্য যে প্রত্যেক শব্দ যেমন আনাদিগকে ভয় ও আশ্চর্য্যো নিমগ্ন করে, সেইরূপ হৃদয়ে সান্ত্বনা আনিয়া দেয়। তুমি আমার নিকটে চিত্তার জগৎ প্রকাশ করিয়াছ—শ্রুতি, স্বর্গ, অনন্তের সূতন রাজ্য দেখাইয়াছ। প্রীতির নিয়মে সমুদায় জগৎ

\* লিনিয়স্ নামে এক পণ্ডিত উদ্ভিদতত্ত্ব বিষয়ে অত্যন্ত পারদর্শী ছিলেন। তিনি বৃক্ষদিগের পরীক্ষা করিয়া নানা শ্রেণী বিভাগ করেন।

শাসিত; ইহাই একটা পরমাণুর আকর্ষণ এবং গ্রহগণের ভ্রমণপথ নিয়মিত করিতেছে; ইহাই একটা পুষ্পকে নক্ষত্রমালার সহিত গ্রথিত করিতেছে এবং ভূগর্ভশায়ী পতঙ্গের সহিত গর্কোন্নতশীর্ষ গগনপ্রেক্ষী—ঈশ্বরানুসন্ধারী মনুষ্যকে এক শৃঙ্খলে বদ্ধ করিতেছে।” বতই হৃদয়ে চিন্তাশ্রোত প্রবল হইল ততই চার্নির মন ঘোর আন্দোলনে আন্দোলিত হইতে লাগিল; তিনি অক্ষুটস্বরে আবার বলিলেন, “হে ঈশ্বর! হে ঈশ্বর! কুমৎস্কারে আমার বুদ্ধিকে মলিন করিয়াছে এবং তাকিকতার আমার হৃদয় কঠিন হইয়াছে! আমি এখনও তোমার বাক্য শুনিতে পাই না, কিন্তু তথাপি তোমাকে ডাকিব; আমি তোমাকে দেখিতে পাই না, কিন্তু তথাপি তোমার অন্বেষণ করিব!”

কুটীরে ফিরিয়া আসিয়া তিনি দেখিতে পাইলেন প্রাচীরে লিখিত রহিয়াছে “ঈশ্বর একটা শব্দ মাত্র।” তিনি তাহার পার্শ্বে লিখিলেন, “কিন্তু কেবল এই শব্দে কি সৃষ্টি প্রহেলিকার নীমাংসা হইতেছে না?”

হা! এখনও এ বাক্যে সন্দেহ! কিন্তু চার্নির যে রূপ কঠিন গর্কিত মন তাহাতে এ সন্দেহ দ্বারাও আপনাকে তিনি অর্দ্ধ পরাজিত স্বীকার করিলেন এবং ধর্ম্মশাস্ত্র শিক্ষা ও ঈশ্বরের প্রতি সম্পূর্ণ বিশ্বাস লাভের জন্য পিসিওলার প্রতি দৃষ্টিপাত করিতে লাগিলেন। প্রকৃতি গ্রন্থের যে পত্র তাঁহার চক্ষুর সমক্ষে প্রকাশিত, তাহার চিন্তা ও অধ্যয়ন করিতে করিতে তাঁহার সময় শীঘ্র শীঘ্র অতিবাহিত হইতে লাগিল। যখন গভীর চিন্তায় পরিপ্রান্ত হইতেন, তখন পূর্কোক্ত দিবাস্বপ্নে আমোদ অনুভব করিতেন—সেই সুন্দরী বালিকা আশ্চর্য্য কৌশলে তাঁহার প্রিয় পিসিওলার সহিত মিলিত হইয়া তাঁহার চক্ষুর নিকটে দৃশ্যমান হইত। তিনি একখণ্ড বস্ত্রে কেবল স্বপ্নের পরিবর্তন ও উন্নতি এই বাহু ঘটনার বিবরণ লিখিয়া সন্তুষ্ট হইতেন না—গভীর কাব্য ভাবপূর্ণ তাঁহার দিবাস্বপ্নও তাহাতে চিত্রিত করিতেন। তাঁহার ইচ্ছা সমুদায় স্বানদিক ভাব লিপিবদ্ধ করেন, কিন্তু ভাব কি কখন কথা দ্বারা সম্পূর্ণরূপে ব্যক্ত হয়?

একদা তাঁহার স্বপ্নদর্শন কষ্টকর হইল; হঠাৎ সেই বালিকা যেন সূত্বের করম্পর্শে বিবর্ণ হইয়া গেল। সে চার্নির দিকে বাহু প্রসারিত করিল



কিন্তু তিনি সেখানে যেন শৃঙ্খলবদ্ধ ; অদৃশ্য প্রতিবন্ধক উপস্থিত হইল এবং তিনি পরিত্রাহি চীৎকার করিয়া স্বপ্ন হইতে জাগরিত হইলেন । কি আশ্চর্য্য ! বামাস্বরে তৎক্ষণাৎ তাঁহার চীৎকারের প্রতিধ্বনি হইল । সৌভাগ্যের বিষয় ! তিনি দেখিলেন, সে কক্ষ কেবল স্বপ্ন মাত্র, নিজে কাষ্ঠাসনে উপবিষ্ট এবং তাঁহার সম্মুখে পিসিওলা বিকসিত কুস্মমে সজ্জিত রহিয়াছে ; কিন্তু তথাপি তিনি অমঙ্গল আশঙ্কায় ভীত হইতে লাগিলেন । লুডোবিক অমনি সেখানে দৌড়িয়া আসিয়া জিজ্ঞাসা করিলেন “ ও কাউন্ট ! পুনরায় আপনি পীড়াক্রান্ত হইয়াছেন দেখি-তেছি ; যাহা হউক ভয় নাই পিসিওলা ঠাকুরাণী এবং আমি আপনাকে আরোগ্য করিষ । ”

চারনি তখনও কম্পান্বিতশরীরে বলিলেন “ আমি পীড়িত হই নাই । কে তোমাকে পীড়ার কথা বলিল ? ”

“ কেন ? মক্ষিকাপ্তকারীর কন্যা টেরিসা বলিলেন ; তিনি আপনাকে গবাক্ষদ্বার হইতে দেখিয়াছেন, আপনার চীৎকার শুনিয়াছেন এবং আপ-নার সাহায্যার্থ আমাকে পাঠাইলেন । ”

চারনির হৃদয় আর্দ্র হইল ; বিদেশীয় বালিকা তাঁহার পীড়ায় এত চিন্তিত এবং বহুমূল্য অণুবীক্ষণ যন্ত্রটীর সাহায্য করিয়াছেন এই বিষয় ভাবিতে লাগিলেন । কৃতজ্ঞতারসে তাঁহার হৃদয় এককালে অভিভূত হইল, এবং গবাক্ষদ্বারে দুই তিন বার যে মূর্তি দেখিয়াছিলেন, তাহার সহিত কল্পনার প্রতিমা তুলনা করিয়া দেখিলেন, আশ্চর্য্য সৌন্দর্য্য, কেবল প্রথমটীর কবরীতে কুস্মমভরণ নাই । মনোমধ্যে একটু দ্বিধা ও গ্লানি সংবরণ করিয়া তিনি কারাকুস্মনিকার একটী পুষ্প তুলিয়া লইলেন । মনে মনে করিতে লাগিলেন “ পূর্বে আমি অক্ষুন্ন মনে জঘন্য রমণীগণ ও কপট বন্ধু সকলকে রাশি রাশি স্বর্ণ ও মণিমুক্তা বিতরণ করিয়াছি ; কিন্তু দাতার হৃদয় দেখিয়া যদি দানের মূল্য স্থির হয় তাহা হইলে হে পিসি-ওলা ! তোমার নিকট হইতে যে পুষ্পটী হরণ করিলাম এতদপেক্ষা মূল্যবান পদার্থ আমি কাহাকে কখন দিই নাই । ” পরে পুষ্পটী লুডোবিকের হস্তে প্রদান পূর্বক বলিলেন “ আমার এই ভেট রত্নের দুহিতাকে দেও । ”

তাঁহাকে বলিও যে তিনি যে আমার এত কল্যাণ প্রার্থনা করেন তজ্জন্য তাঁহার নিকট অত্যন্ত কৃতজ্ঞ আছি এবং দুঃখী কারাবদ্ধ কাউন্ট ডি চার-নি এতদপেক্ষা মূল্যবান কোন পদার্থ তাঁহাকে দিতে সমর্থ হইলেন না । ”

## স্ত্রীজাতির বিভাগ ।\*

X } ধরা ধামে সতী নারী সর্ব সুখ সার,  
X } কুভার্যা সমান দুঃখ কিছু নাহি আর ॥

প্রসিদ্ধ ট্রয় নগর ধ্বংসের ৪০০ বৎসর পরে অর্থাৎ বর্তমান সময়ের প্রায় ২৬০০ বৎসর পূর্বে গ্রীস দেশের প্রাচীন কবি সাইমোনাইডিস স্ত্রী-জাতির দোষ গুণ উল্লেখ করিয়া একটা পরিহাস পূর্ণ প্রবন্ধ লিখিয়া গিয়াছেন । তাঁহার লেখায় প্রাচীনকালের সরলতা ও অসভ্যতা বিলক্ষণ পরিদৃশ্যমান হয় । ইহাতে তৎকালীন গ্রীস দেশীয় স্ত্রীজাতির প্রকৃতি অতি সুন্দর রূপে চিত্রিত হইয়াছে । কিন্তু আশ্চর্য্য এই, ইহার অধি-কাংশস্থলে বর্তমান কালের বামাগণেরও প্রতিমূর্তি দেখিতে পাওয়া যায় । আমরাদিগের পাঠিকাগণ যে সকল নারীর সহিত পরিচিত তাঁহারা কে কোন ধাতুর লোক ইহা দ্বারা পরীক্ষা করিতে পারেন, কিন্তু আনা-দিগের অনুরোধ, সকলেই যেন শেষোক্ত আদর্শটীর অনুকরণ করেন ।

“ সৃষ্টির প্রারম্ভে জগদীশ্বর তিন তিন মূল উপকরণে স্ত্রীজাতির প্রকৃতি ও মন নির্মাণ করিলেন ।

১। যে সকল উপকরণে শূকরজাতি সৃষ্ট হইয়াছে, এক জাতীয় স্ত্রী-লোক তদ্বারা নির্মিত । ইহারা অতি কদাচারী ও উদরসর্বস্ব । ইহা-দিগের শরীর অপরিষ্কার, বেশ অপরিচ্ছন্ন এবং বাসস্থান যেন দুর্গন্ধময় গোশালা হইয়া থাকে ।

২। শৃগালের উপকরণে কতকগুলি স্ত্রীলোক সৃষ্ট হইয়াছে । ইহারা বিলক্ষণ সূক্ষ্মদৃষ্টি ও ধূর্তা । ভাল, মন্দ সকল বিষয়ই ইহারা তলাইয়া বুঝিতে পারে । ইহাদিগের মধ্যে সৎ ও অসৎ উভয়ই পাওয়া যায় ।

\* ইংরাজী স্পেক্টেটর হইতে সংগৃহীত ।



৩। এক শ্রেণীর স্ত্রীলোক কুকুর জাতীয়। ইহাদিগের ডাক হাঁকে বাড়ীতে তিষ্ঠান ভার। ইহারা সর্বদাই ব্যস্ত। কেহ নিকটে গেলেই চীৎকার করিয়া উঠে। ইহাদের সহবাসে কেবল কলহ।

৪। মৃত্তিকার উপাদানে স্ত্রীজাতিবিশেষ সৃষ্ট হইয়াছে। তাহারা জড়ের ন্যায় সমস্ত দিন আলস্যে কাটায় এবং নিষ্কর্মা হইয়া বসিয়া থাকে। শীতকালে কেবল রৌদ্র পোহায়, গ্রীষ্মকালে নিদ্রা যায়। ভোজন ভিন্ন আর কোন কাজ করিতেই চাহে না। ইহারা চিরকাল অকর্মণ্য ও অজ্ঞানতায় অন্ধ হইয়া থাকে।

৫। সমুদ্রের ন্যায় কতকগুলি স্ত্রীলোকের প্রকৃতি। ইহাদিগের মেজাজের চিক নাই সর্বদাই পরিবর্ত হইতেছে। এক সময়ে ইহারা বাড়ের ন্যায় চঞ্চল ও উন্নত। সময় বিশেষে স্থির, যেন নির্মল জলে রৌদ্র পড়িয়াছে। স্থির সময়ে কোন নূতন লোক ইহাদিগকে হঠাৎ দেখিলে কহিবে, 'একুপ আশ্চর্য্য ধীরস্বভাব স্ত্রীলোকত কখন দেখি নাই।' কিন্তু কিয়ৎক্ষণ পরেই বাতান্দোলিত সমুদ্রের ন্যায় তাহারা উগ্রচণ্ডা মূর্তি ধারণ করিয়া সমস্ত বাটী তোলপাড় করে এবং তর্জন গর্জনে মেদিনী কাঁপাইয়া দেয়।

৬। তারবাহী রাসভের প্রকৃতি কোন কোন স্ত্রীলোকে লক্ষিত হয়। ইহারা স্বভাবতঃ অলস, কিন্তু স্থানী যখন রাগে ও প্রভুত্ব খাটায়, তখন ইহারা ভালরূপ অন্ন না পাইলেও কায়ক্লেশে কাজকর্ম করিয়া তাহাকে পরিতুষ্ট করিতে চেষ্টা করে। ইহারা ইন্দ্রিয় স্বেধের পরতন্ত্র, সর্বদা পুরুষ সঙ্গ ভালবাসে।

৭। সপ্তম জাতীয় বামাকুল ওতুগুণ বিশিষ্ট। বিড়ালের ন্যায় ইহারা পুরুষ সঙ্গে বিরক্ত, সর্বদাই বিষয়, অবাধ্য, এবং অপ্রিয় স্বভাব। ইহারা অবসর পাইলে চুরি ও প্রবঞ্চনা করিতে ক্রটি করে না।

৮। যে তুরঙ্গিণীর লম্বিত কেশরদাম মানব হস্তে শ্রীভ্রষ্ট হয় নাই, যে অদ্যাপি মানবের দাসত্ব বল্গায় শাসিত ও শ্রমনিযুক্ত হয় নাই, সেই সুন্দরাকৃতি বন্য তুরঙ্গিণীর সহিত কোন কোন ললনার সৌন্দর্য্য আছে। ইহাদের পতি-অনুরাগ যৎসামান্য। ইহারা সমস্ত দিন বেশবিন্যাস,

গাত্রমার্জ্জন, ও সুগন্ধীলেপনে অতিবাহিত করে। বহুল কেশ পাশ বিন্যস্ত ও কুসুমশোভিত করিতেই ইহাদের সময় গত হয়। অপরিচিত জনের চক্ষে এ প্রকার একটী কামিনী আপাততঃ স্ত্রীরত্ন বলিয়া বোধ হইতে পারে। কিন্তু তাঁহার সহবাসে জানা যায় তিনি গৃহস্থের গৃহে কোন কার্য্যে আসিবার লন। কোন বিলাসী রাজকুমারের যদি একুপ খেলনায় অভিরুচি হয়, তবেই তিনি রাজগৃহে একদিন শোভা পাইতে পারেন।

৯। বানরের প্রকৃতি বীজ নবম জাতীয় স্ত্রীলোকে রোপিত আছে। ইহারা অতি কুৎসিত ও কুস্বভাব। ইহারা নিজে বিশ্রী, সর্বদা পরের অনিষ্ট চেষ্টা করে, আবার পরছিদ্রে পরিহাস করিতে বড় তৎপর।

১০। মধুমক্ষিকার বীজে দশম বর্গের স্ত্রীজাতি সৃষ্ট হইয়াছে। যিনি এই বর্গীয় একটী স্ত্রীরত্ন লাভ করিয়াছেন, তিনিই যথার্থ সৌভাগ্যবান। তাঁহার চরিত্র বিশুদ্ধ, স্বভাব নিষ্কলঙ্ক। যে গৃহে তাঁহার বাস তথায় লক্ষ্মীর শ্রী। তাঁহার পতির প্রতি দৃঢ় অনুরাগ, পরিজনবর্গ ও দাস দাসীর প্রতি দয়া বাৎসল্য। তিনি সর্বদাই শ্রমশীলা ও সকলেরই প্রীতিভাজন। তাঁহার সন্তান সন্ততিগণ সুশীল, সুন্দর ও ধর্ম্মানুরাগী। কামিনীকুলের মধ্যে তাঁহার যশঃসৌরভ সুবিস্তৃত হয়। কুলোকে সহিত তাঁহার আলাপ নাই, কুকাজে তাঁহার প্ররক্তি নাই। কুচরিত্র ভগিনীগণের সহিত তিনি একদাও কুকাথার আলোচনা করেন না। তিনি ধর্ম্মশীলা ও বুদ্ধিমতী। তাহার অপেক্ষা আর উত্তমা স্ত্রী নাহুয়ের ভাগ্যে ঘটে না।

এই দশ বিভাগে সাইমনাইডিসের পরিহাস রচনা সমাপ্ত। প্রাচীনকালের পণ্ডিত গ্রন্থকারগণ যেরূপ স্ত্রী জাতির কেবল নিন্দাবাদ প্রকটন করিয়াছেন, সাইমনাইডিস সেরূপ নহেন। তাহার প্রবন্ধে স্ত্রীজাতির দোষ গুণ উভয়ই বিবেচিত হইয়াছে, এজন্য আমরা তাঁহাকে প্রশংসা করি। কিন্তু তাঁহার শ্রেণীবিভাগ সত্যকালের উপযুক্ত নহে। সর্বকালেই পুরুষ-জাতির ন্যায় স্ত্রীজাতির মধ্যেও উত্তম, মধ্যম ও অধম এই ত্রিবিধ দৃষ্টান্ত দেখিতে পাওয়া যায়। কিন্তু গর্দভ, শূকর, কুকুর যেমন অন্য কোন



উৎকৃষ্ট জীব হইতে পারে না, যাহুবের পক্ষে সে প্রকার বলা অন্যায়। শিফা, সংসর্গ এবং সদমুঠানদ্বারা অতি নীচ প্রকৃতির লোকও দেবতুল্য হইতেছে। স্ত্রীগণের মধ্যে সেইরূপ যিনি যে অবস্থায় থাকুন না কেন, যত্ন চেষ্টা করিলে উৎকৃষ্ট হইতে পারেনই পারেন তাহার সন্দেহ নাই। আমরা সর্বগুণাবিতা আদর্শ রমণীর দৃষ্টান্ত প্রত্যেক রমণীর জীবনে দেখিতে চাই। এইরূপ নারীর সংখ্যা যত বৃদ্ধি হইবে ততই পরিবারের কল্যাণ ও মানব সমাজের মুখোজ্জ্বল হইবে। অসৎ প্রকৃতির স্ত্রীলোক অপেক্ষা দূষিত পদার্থ আর কিছুই নাই, তাহার সংসর্গে পরিবার, কুল ও জাতি দগ্ধ হইয়া যায়।

### আশ্চর্য্য বৃক্ষ।

আমেরিকা খণ্ডে গোপাদপ (১) বৃক্ষ হইতে অতি সুস্বাদু দুগ্ধ পাওয়া যায়, ইহার বৃত্তান্ত আমরা পূর্বে লিখিয়াছি। মরুভূমিতে যেখানে অত্যন্ত জলকষ্ট, সেখানে পথিকদিগের তৃষ্ণা নিবারণার্থ কতক প্রকার বৃক্ষ আছে তাহাদিগের বিষয় আলোচনা করিয়া দেখিলে মঙ্গলময় জগদীশ্বরের ব্যবস্থার শতনুখে প্রশংসা করিতে হয়। এই সকল বৃক্ষ পত্রসকলের মধ্যে অতি যত্নে জল পূরিয়া রাখে এবং তদ্বারা তৃষ্ণার্তি পথিকদিগের প্রাণরক্ষা করিয়া থাকে।

আফ্রিকার মাদাগাস্কার দ্বীপে রাভানানা বা পথিকদিগের বৃক্ষ নামে এক জাতীয় বৃক্ষ দেখা যায়। উদ্ভিদতত্ত্বজ্ঞ পাণ্ডিতেরা ইহাকে কদলী বৃক্ষের শ্রেণী মধ্যে গণনা করেন। বাক হাউস নামে এক সাহেব আফ্রিকার পূর্বাঞ্চল ভ্রমণ করিয়া ইহার এইরূপ বিবরণ লিখিয়াছেন:—এই বৃক্ষের এক মূল হইতে অনেক গুলি শাখা উৎপন্ন হয় এবং এই বৃক্ষরাশি দেশের চারিদিকে দেখা যায়। ইহার গুঁড়ি অথবা সংযুক্ত শাখারাশির বেড় দুই হাত হইবে এবং তাহা ২০ হাত উচ্চ হইয়া উঠে। বৃক্ষ ছোটই হউক আর বড়ই হউক, ইহার পত্র সকল লম্বে প্রায় দেড় হাত এবং আড়ে

(১) বা. বো, ২০ সং—২৪৮ পৃষ্ঠা দেখ।

প্রায় এক হাত হয়, চিকণির মত তাহার অগ্রভাগ সকল দন্ত বিশিষ্ট। বৃক্ষের নাথাটা তালবৃত্ত অর্থাৎ পাখার ন্যায় এবং পুষ্প সকল তাদৃশ সুন্দর না হউক, প্রশস্ত ও রহৎ খাপের ভিতর হইতে বহির্গত হয়। পত্রের বোঁটা সকল পত্র অপেক্ষা কিঞ্চিৎ খাঁট, তাহার ধার কাটিলে অথবা একত্র করিয়া টিপিলে পথিকদিগের শাস্তিকর, অতি সুস্বাদু, নির্মল জল নিঃসৃত হয়, মধ্যের বোঁটা সকল হইতে অধিক জল পাওয়া যায়। শিকড়ের বোঁটা নরম ও ফাঁপা। ইহার ফল ছোট ছোট কলার ন্যায়, শুষ্ক এবং বিস্বাদ। মরুভূমিতে কোথায়ও জল নাই, গাছের পাতায় এত জল কোথা হইতে আইসে? শিশির সকল একত্র হইয়া জমে এবং পাতার বেরূপ আকৃতি, তাহাতে তন্মধ্যে যথেষ্ট পরিমাণে প্রবেশ করিয়া রক্ষিত হয়!!

সিংহল ও কোন কোন পূর্বাঞ্চলস্থ দেশে কলস বৃক্ষ নামে এক প্রকার জলাধার বৃক্ষ আছে, তাহার রচনা প্রণালী আরও আশ্চর্য্য ও অদ্ভুত। বারো সাহেব কোচিন চাইনা দেশে ভ্রমণ করিতে গিয়াছিলেন। তিনি বলেন এই বৃক্ষ বেরূপ নীরস ও প্রস্তরময় স্থানে পাওয়া যায় তাহাতে এইরূপ জলের উপায় না হইলে ইহা বাঁচিতে পারিত না। প্রত্যেক পত্রের নিম্নে বোঁটার নিকট কলসের ন্যায় একটা করিয়া থলিয়া থাকে। ইহার পাতল বর্ণ হয়। ইহা চতুর্দিকে একটা বক্র সূত্রদ্বারা বেষ্টিত এবং একখানি ঢাকনী দ্বারা ঠিক করিয়া ঢাকা। এই ঢাকনী একটা হাঁসকল বা শক্ত সূত্র দ্বারা লড়িতে চড়িতে পারে, সেই সূত্র আবার পত্র ও কলসকে সংযুক্ত করিয়া রাখে। যখন বৃষ্টি হয় বা শিশির পড়ে, তখন সূত্রটা সঙ্কুচিত হইয়া বা কুঁকড়িয়া ঢাকনী খুলিয়া দেয়। শুষ্ক উত্তপ্ত বায়ুদ্বারা এই সঙ্কোচ কার্য্য পাওয়া যায় না। জলীয় পদার্থ পড়িয়া পাত্ৰটা যত পরিপূর্ণ হয়, তাহা ততই প্রশস্ত হইতে থাকে। পাত্ৰ জলে পূর্ণ হইলে ঢাকনী এমন দৃঢ়রূপে আঁটিয়া যায় যে তাহা হইতে আর জল উঠিয়া শুকাইয়া যাইতে পারে না। এই জল বোঁটা দিয়া ক্রমে ক্রমে প্রবাহিত হইয়া পত্র এবং সমুদায় বৃক্ষটাকে পোষণ করিতে থাকে। জল ফুরাইয়া গেলেই পাত্ৰের ঢাকনী




আবার খুলিয়া যায় এবং যে কিছু রসি বা শিশির পাত হয় তাহা গ্রহণ করে। রসের বীজোৎপত্তি হইলে ও গ্রীষ্ম প্রচণ্ড হইলে জল শুকাইয়া যায় এবং কলসের ঢাকনী সর্বদা খোলা থাকে। আবার জলে পূর্ণ হইলে তাহা ঢাকিয়া যায়। কত সময় মরুভূমিতে পথিকগণ এই জলপান করিয়া প্রাণরক্ষা করে।

জ্ঞানময় ঈশ্বর যেখানে যে অভাব, কেমন আশ্চর্য্য কৌশলে তাহা পূর্ণ করিতেছেন!

### পরিপাক ক্রিয়া।

আহার দ্বারা আমরাদিগের প্রাণ ধারণ হইয়া থাকে, কিন্তু কিরূপে যে এই গুরুতর কার্য্য সম্পন্ন হয় আমরা তাহার কি জানি? আমরা কেবল খাদ্য হাতে করিয়া মুখে তুলিয়া দি এই পর্য্যন্ত, তার পর কত রকম কৌশলে তাহা পরিপাক হইয়া রক্ত হয় এবং সেই রক্ত হইতে অস্থি, মাংস, শিরা প্রভৃতি শরীরের সকল অংশ গঠন ও পোষণ হইয়া থাকে। তাহার জন্য আমরাদিগকে কোন পরিশ্রম করিতে হয় না। করুণাময় ঈশ্বর এই কার্য্য নির্কাহের জন্য অতি আশ্চর্য্য যন্ত্র সকল শরীরের মধ্যে তৈয়ার করিয়া রাখিয়াছেন এবং স্বয়ং সেই কল চালাইয়া আমরাদিগের প্রাণরক্ষা করিতেছেন। সুলভ সমাচার পত্রে অতি সহজে পাকযন্ত্রের যে বিবরণ লিখিত হইয়াছে আমরা তাহা আদর পূর্বক এস্থলে গ্রহণ করিলাম। ইহা পাঠ করিবার সঙ্গে সঙ্গে সৃষ্টি কর্তার জ্ঞান, শক্তি ও মঙ্গলভাব যেন সকলের হৃদয়ে প্রকটিত হয়।

### পাক যন্ত্র।



“আমরা যাহা আহার করি তাহা মুখে দন্ত দ্বারা চর্কিত হইয়া ও খুথুতে গলিত হইয়া গলার ভিতরে একটা নলী আছে তাহার মধ্য দিয়া উদরের বাম দিকে একটা খলির মধ্যে প্রবেশ করে। এই নলীর ঠিক সম্মুখ দিকে নিশ্বাসের নলী আছে, তাহার মধ্য দিয়া বাহিরের বায়ু ফুস-ফুসের মধ্যে প্রবেশ করে। যাই আহারের বস্তু প্রথমোক্ত নলীতে যায় অমনি শেষোক্ত নলীর দ্বার বন্ধ হইয়া যায়। সুতরাং এক সময় আহার নিশ্বাস দুই হইতে পারে না। যদি আহারের সময় অন্যমনস্ক হওয়াতে



কোন খাদ্য দ্রব্য নিশ্বাসের নলীতে হঠাৎ প্রবেশ করে তাহা হইলে আমাদের বিষম লাগে। ক্রমাগত কাশিতে কাশিতে ঐ দ্রব্যটি স্বস্থানে আসিলে তবে আরাম বোধ হয়। যদি কোন বড় সামগ্রী সেখানে আটকাইয়া যায় তাহা হইলে ডাক্তারেরা শীঘ্র টুটি কাটিয়া নিশ্বাসের পথ পরিষ্কার করিয়া প্রাণ রক্ষা করেন। সহজ অবস্থায় যাহা কিছু খাওয়া যায় তাহা আহারের মোটা নলী যাহা উপরে চিত্রিত আছে তাহার ভিতর দিয়া এক এক করিয়া নীচে একটী থলির মধ্যে আসিয়া জমা হয়। ঐ থলির নাম “আমাশয়”। আহারের দ্রব্য উহাতে আসিবা মাত্র এক প্রকার টক রস নির্গত হইয়া উহার সঙ্গে মিশ্রিত হয়, এবং ঐ থলির ভিতরে ঐ দ্রব্য গুলি ক্রমাগত এদিক্ ওদিক্ ঘুরিতে থাকে এবং ওলট পালট হয়। এই রূপে উহা ক্রমে কাদার ন্যায় হইয়া যায়। ছেলেরা দুধ তুলিলে দেখা যায় যে সেই দুধ দধির ন্যায় হইয়াছে; ইহার কারণ এই যে ঐ দুধ আমাশয়ের টক রসের সঙ্গে মিশ্রিত হইয়াছে। পরে সেই কাদার মত দ্রব্য আমাশয়ের দক্ষিণ দিকে একটী খুব লম্বা নাড়ীতে প্রবেশ করে; এখানে ক্রমে ক্রমে আর তিন প্রকার রসের সঙ্গে যোগ হয়। যকৃৎ হইতে পিত্ত রস বাহির হয়, তাহা আহারের বস্তু হইতে পুষ্টিকর অংশ ও মল পৃথক্ করে। দ্বিতীয় প্রকার রস আমাশয়ের নীচে “ক্লোম” নামে যে যন্ত্র আছে তাহা হইতে বাহির হইয়া আহারীয় দ্রব্যের স্নাত এবং তৈল ভাগকে পরিপাক করে। যে লম্বা নাড়ীর কথা পূর্বে বলা হইয়াছে তাহার গা হইতে তৃতীয় প্রকার রস উৎপন্ন হয়। এই সমুদয় রস দ্বারা যতই খাদ্য দ্রব্য মিশ্রিত হয় ততই উহার সার ভাগ দুধের মত সাদা এক প্রকার পদার্থে পরিণত হয়, এবং ছোট ছোট শির দিয়া উপরে উঠিয়া সে দিন যে রক্তাধারের কথা বলা হইয়াছে সেখানে আসিয়া উপস্থিত হয়। এই রূপে আমরা যাহা কিছু খাই, তাহার ভাল অংশ রক্ত হইয়া বৃকের ভিতর রক্তাধারে জমা হয়, এবং তথা হইতে সমস্ত শরীরে ব্যাপ্ত হইয়া পুষ্টি সাধন করে। অসার ভাগ লম্বা নাড়ীর মধ্য হইতে যাহাকে নাড়ীভূঁড়ী বলে তাহার ভিতর দিয়া “বৃহৎ অন্ত্র” নামে প্রকাণ্ড নলের ভিতর দিয়া অবশেষে মল রূপে নির্গত হইয়া যায়।”

কোথা অবিশ্বাসী নর হের একবার,  
কোন দেবতার হস্তে জীবন তোমার,  
সতত রক্ষিত হয় অতি সুযতনে,  
না দেখিতে পাও তাঁরে ভ্রমাক্ত নয়নে!  
ক্ষুধার উদ্রেক হয়, অনকর গ্রাস,  
বলবীৰ্য্য পাও দেহে, হৃদয়ে উল্লাস।  
সে ক্ষুধার কে আধার ভাব কি তা মনে,  
অনের সংযোগ কেবা করেন যতনে,  
কে দিল এ হাত যাহে খাদ্যতোল মুখে,  
কে গড়িল দন্তপাঁতি চর্কিবারে স্মুখে,  
রসনারে নানা রস করিতে গ্রহণ,  
মুখের সম্মুখে কেবা করিল স্থাপন?  
তার মূলে রসভাণ্ড বিবিধ প্রকার,  
অবিরত মুখামৃত করয় সঞ্চার।  
চর্কণ লেহন করি গিলিলে আহাৰ,  
কোথা গেল বলিতে কি পার সমাচার?  
উদর শীতল হল জানিল উদর,  
আপন কার্য্যেতে আছে সতত তৎপর।  
কণ্ঠনালী পার যাহা হয় একবার,  
উদর পেটক মধ্যে প্রবেশ তাহার,  
করিতে তগুল পাক কত আয়োজন।  
আগুণ সলিল কাষ্ঠ যত প্রয়োজন!  
উদরে খাদ্যের পাক অদ্ভুত কৌশল,  
শিল্পকর বসি তথা ঘুরাইছে কল।  
আহার উদর যত করয় পেষণ,  
অনর্গল রস তাহে হয় উদগীরণ,  
রসাক্ত আহাৰ পরে বহির্দ্বার দিয়া  
ক্লোম পিত্তরস সহ যায় মিশাইয়া,  
জারক পাচক রস আপনি যোগায়,  
নূতন পাকের যন্ত্রে খাদ্য লয়ে যায়।  
উদর গর্ভের মধ্যে বিষত প্রমাণ,  
তিরিশ চল্লিশ হাত নলের সংস্থান।  
অর্দ্ধচন্দ্রাকার তার মাঝে থাক থাক,  
চাপিয়া চাপিয়া অন্ন করে পরিপাক।



অধোতে নামিল যাহা চলে অধোদেশে,  
উপরের পথরুদ্ধ যেন রাজাদেশে ।  
পুনঃ পুনঃ পুনঃ পুনঃ পেষণে পেষণে,  
সুজীর্ণ হইলে অন্ন জঠর ঘর্ষণে,  
অসার যে সব ভাগ মোটা নাড়ী দিয়া,  
মলরূপে দেহ হতে যায় বাহিরিয়া ।  
সারভাগ দুষ্কবৎ হইয়া তরল,  
রক্ত প্রবাহের সহ মিশে অবিরল ।  
মেদ নাংস অস্থি চর্ম্ম যতেক প্রকার,  
আশ্চর্যা কৌশলে হয় তাহাতে তৈয়ার ।  
ধন্য জগদীশ ধন্য তোমার করুণা,  
এত যত্নে পালিতেছ কিছুই জানি না ।

### রাজকন্যা লুইসের শুভবিবাহ । (১)

গত চৈত্র মাসে আমাদিগের মহারাজ্ঞী বিক্টোরিয়া চতুর্থ কন্যা লুইসের সহিত ডিউক অব আর্গাইলের পুত্র লর্ড লরণের শুভবিবাহ কার্য যার পর নাই আনন্দ ও সমারোহ পূর্বক সম্পন্ন হইয়াছে । রাজ্ঞীর কোন কন্যার বিবাহে এত ধুমধাম হয় নাই । ইহার কারণ এই এতকাল রাজ-

(১) আমাদিগের রাজপরিবারের জন্মদিন ।

মহারানী আলেকজান্দ্রিয়া ভিক্টোরিয়া	...	১৮১৮	সালের	২৪এ	মে
১ রাজকুমারী রয়েল (ইনি প্রুসিয়া রাজার পুত্রবধূ)	...	১৮৪০	"	২১এ	নবেম্বর
২ প্রিন্স অফ ওয়েলিং (ইনি মহারাজ্ঞীর সিংহাসন প্রাপ্ত হইবেন)	...	১৮৪১	"	২ই	"
৩ রাজকুমারী আলিস্	...	১৮৪৩	"	২৫এ	এপ্রেল
৪ আলফ্রেড আর্নেস্ট আলবট (ইনি ভারতবর্ষে আসেন)	...	১৮৪৪	"	৬ই	আগস্ট
৫ রাজকুমারী হেলেনা	...	১৮৪৬	"	২৫এ	মে
৬ " লুইসা (ইহার বিবাহ হইল)	...	১৮৪৮	"	১৮ই	মার্চ
৭ আর্থার উইলিয়ম প্যাট্রিক আলবট	...	১৮৫০	"	১লা	মে
৮ জর্জ লিওপোল্ড ডনক্যান	...	১৮৫৩	"	৭ই	এপ্রেল
৯ রাজকুমারী বিক্টোরিয়া	...	১৮৫৭	"	১৪ই	"

কন্যাগণকে বিদেশীয় রাজপুত্রগণের সহিত বিবাহ দেওয়া হইত, তাহাতে রাজপরিবারের সম্মান রক্ষা হইত বটে, কিন্তু ইংরেজেরা বিদেশীয়দিগের প্রতি বিরাগী বলিয়া বড় সন্দেহ হইতেন না । রাজ্ঞী আত্ম অভিমান খর্ব করিয়া একজন প্রজাকে কন্যাদান করিলেন, প্রজারা রাজবংশ হইতে আপনাদিগের উৎপত্তির গর্ব করিতে পারিবে এবং উত্তরকালে ধনী ও গুণসম্পন্ন প্রজাদিগের রাজবংশের সহিত বৈবাহিক সম্বন্ধের পথ হইল এই সকল চিন্তায় ইংলণ্ডবাসী সর্ব-সাধারণ আনন্দে উন্নত হইয়া উঠিয়াছে এবং শতমুখে ইংলণ্ডেশ্বরীর প্রশংসা গান করিতেছে । বস্তুতঃ রাজ্ঞীর যে সহৃদয়তার দৃষ্টান্ত আমরা বারংবার প্রদর্শন করিয়াছি, এই কার্যে তাহা অতি উজ্জ্বলরূপে প্রকাশ পাইয়াছে । কিন্তু যে প্রজার সহিত বিবাহ হইয়াছে, তিনি রূপে গুণে ও মর্যাদায় রাজকন্যার যোগ্য বর তাহার সন্দেহ নাই । ইহারই পিতা ডিউক অব আর্গাইল ভারতবর্ষের ফেট-সেক্রেটারী অর্থাৎ সর্বময় কর্তা, গবর্নর জেনারল তাঁহার আজ্ঞানুবর্তী হইয়া ভারতবর্ষ শাসন করিতেছেন । পাত্রের বয়স ২৪ । ২৫ বৎসর । পাত্রীর বয়স ২২।২৩ বৎসর । তিনি অতি সুশীলা, গুণবতী ও পরমা-সুন্দরী । আমাদিগের কোন শ্রদ্ধাস্পদ বন্ধু যখন বিলাতে মহারানীর সহিত সাক্ষাৎ করেন, রাজকন্যা তাঁহাকে বথেষ্ট সমাদর করিয়াছিলেন এবং এদেশীয় নারীগণের অবস্থা বিষয়ে অনেক কথা জিজ্ঞাসা করিয়াছিলেন । ইনি যথার্থ প্রণয়ের অনুরাগিণী হইয়া মনোমত পতিকে বরণ করিয়াছেন ।

উইগ্‌সর নগরে এই বিবাহোৎসব হয় । সমুদায় নগরটী অপূর্ব শোভায় শোভিত হইয়াছিল এবং নানাস্থান হইতে 'বড় বড় লোক, প্রধান কর্মচারী ও রাজদূতগণ স্বর্ণ হীরক মণিমুক্তা জড়িত বিচিত্র পরিচ্ছদে বিবাহ সভাকে উজ্জ্বল করিয়াছিলেন ।' ইংরেজদিগের বিবাহ দিবা দুই প্রহরে গিরিজার মধ্যে হইয়া থাকে । যথা সময়ে পাত্রের পিতা মাতা বরযাত্র ও বর ধর্ম্মালয়ে উপস্থিত হইলেন । তৎপরে কন্যাযাত্রীয়েরা আসিলেন—কন্যার একদিকে স্বয়ং মহারানী ও অন্যান্যদিকে তাঁহার জ্যেষ্ঠ-পুত্র যুবরাজ আলবার্ট । চারিদিকে লোকারণ্য, ইংরাজী বাদ্যের ঘোর



ঘটা। রাজ্ঞী স্বয়ং কন্যা সম্প্রদান করিলেন, পুরোহিত বৈবাহিক সমুদায় কার্য যথানিয়মে নিৰ্বাহ করিয়া পাত্র ও পাত্রীকে প্রতিজ্ঞাবদ্ধ করাইলেন এবং উভয়ের কর্তব্য বিষয়ে উপদেশ দিলেন। পরে রাজ্ঞী স্নেহভরে বিবাহিতা হুহিতার মুখচুম্বন করিলেন এবং জামাতা অবনত মস্তকে তাঁহার হস্ত চুম্বন করিলেন।

বিবাহান্তে বরকন্যা রাজবাটীতে গমন করিলেন। তথায় রুহৎ ভোজের ব্যাপার। বেলা দুইটার সময় রাজ-পরিবারের প্রায় ৬০ জন লোক একত্রে প্রীতিভোজন করিলেন, অপর লোক অন্য অন্যস্থানে আহার করিতে লাগিল। ৩টার সময় বরকন্যা বিদায় লইয়া চারিটা শ্বেতাশ্বশোভিত যানে আরোহণ করিয়া বাটীর বাহির হইলেন। আমাদের দেশে বরকে লইয়া অসভ্য পরিহাস করা হয় বটে, কিন্তু সভ্য ইংরেজদের কাছে আমাদের গকে হারি মানিতে হয়। সেখানে বর যখন বিবাহের পর কন্যাকে লইয়া গৃহাভিমুখে যান, চারিদিক হইতে তাঁহার উপরে পাছুকা রষ্টি হয়, তিনি সেই পাছুকা ছুড়িলে তাহার গায় পড়ে তাহার নাকি বড় সৌভাগ্য—শীঘ্র বিবাহ হয়!। রাজ জামাতাকে রাজবাটীর বালক বালিকারা পাছুকা এবং নৃতন ঝাঁটা ছুড়িয়া সম্মান করিয়াছিলেন। অনন্তর অপরাহ্ন ৬টার সময় পাত্রের এক বাটীতে বাজী-পোড়ান ও আহারের ধুমধাম হইয়াছিল। শুভবিবাহ ক্রিয়া এইরূপে সমাপ্ত হইল। আমরা এই নববিবাহিত দম্পাতিকে কি উপহার দিব? জগদীশ্বরের নিকট প্রার্থনা করি, তিনি ইহাদের সৰ্ব বিষয়ে কল্যাণ বর্ধন করুন।

## হিন্দু শাস্ত্র।

### স্ত্রীধনের অধিকারী নির্ণয়।

১। অবিবাহিতার ধন।

“ঋক্খং মৃত্যয়াঃ কন্যায়া গৃহীযুঃ সোদরাঃ স্বয়ং।  
তদভাবে ভবেন্মাতু স্তদভাবে ভবেৎ পিতুঃ ॥”

দায় ক্রম সংহিতা।

অবিবাহিতা স্ত্রীলোকের ধনে প্রথমে সহোদর ভ্রাতা, তদভাবে মাতা এবং তদভাবে পিতা অধিকারী। কন্যার বরদত্ত ভিন্ন অন্য ধনে এই বিধি।

বরের নিজস্ব ধনে বর অধিকারী।

“অথাগচ্ছেৎ সমুচায়াং দত্তং পূৰ্ববরোহরেৎ।

মৃত্যয়াং পুনরাদদ্যাৎ, পরিশুদ্ধোভয় ব্যয়ং ॥”

দায় ক্রম সংহিতা।

বিবাহিতার পূৰ্ববর আসিলে নিজদত্ত ধন লইবে, সে কন্যা মরিয়া গেলে উভয়ের কৃত ব্যয় পরিশোধ করিয়া যে ধন উদ্ধৃত হইবে তাহা বর ফিরিয়া পাইবে।

২। বিবাহিতার ধন।

বিবাহিতা স্ত্রীর ধন দুই প্রকার—যৌতক ও অযৌতক। (১) যৌতক ধনের অধিকার নির্ণয় করা যাইতেছে :—

“মাতৃশ্চ যৌতকং যৎস্যাৎ কুমারী ভাগ এব সঃ।” মনুঃ।

মাতার যৌতক যে কিছু ধন তাহাতে কুমারী হুহিতার অধিকার। কুমারীর অভাবে বাগদত্তা, তদভাবে পুত্রবতী বা তাহার পুত্র হইবার সম্ভাবনা, তদভাবে বন্ধ্যা ও বিধবা কন্যারা তুল্য অধিকারিণী।

কুমারী বা বাগদত্তা অধিকারিণী হইয়া পরে যদি বিবাহিত হয় এবং পশ্চাৎ যদি বন্ধ্যা হয় অথবা পুত্র প্রসব না করিয়া বিধবা হয়, তবে তাহার মৃত্যু হইলে তাহার ধনে তাহার পুত্রবতী বা সম্ভাবিতপুত্র ভগিনীরা, ইহাদের অভাবে বন্ধ্যা বিধবারাও অধিকারিণী, তাহার স্বামী অধিকারী নয়।

“হুহিতৃণামভাবেতু রিক্খং পুত্রেষু তন্তবেৎ।, কাত্যায়নঃ।

সকল প্রকার হুহিতার অভাবে পুত্রের অধিকার।

“মাতৃহুহিতরঃ শেষ মৃগাৎ তাভ্য ঋতেহম্বয়ঃ।” যাজ্ঞবল্ক্যঃ।

মাতার ঋণ শোধান্তে হুহিতারা অধিকারিণী। তাহাদের অভাবে পুত্র।



পুত্রাভাবে দৌহিত্র অধিকারী। দৌহিত্রাভাবে পৌত্র, তদভাবে প্রপৌত্র। তদভাবে সপত্নীপুত্র অধিকারী।

কাহার কাহার মতে পুত্রের অধিকার বলাতেই সেই সঙ্গে দত্তক পুত্র ও সপত্নীপুত্রও বুঝিতে হইবে। দৌহিত্রের পূর্বে তাহাদের ও সপত্নী কন্যারও অধিকার।

সপত্নীর পুত্রাভাবে সপত্নীর পৌত্র, তদভাবে সপত্নীর প্রপৌত্র অধিকারী।

ইহার পর অপ্রজা স্ত্রীধনে যেরূপ অধিকার, সেইরূপ।

(২) বিবাহিতার অর্ঘ্যতক ধন।

বিবাহের পূর্বে বা পরে লক্ষ (পিতৃদত্ত ভিন্ন) অর্ঘ্যতক ধনে প্রথমে কন্যা পুত্রে এককালে অধিকারী।

সামান্য পুত্রকন্যান্যং মৃত্যুয়াং স্ত্রীধনং স্ত্রিয়াং।

অপ্রজায়াং হরেৎ ভর্তা মাতা ভ্রাতা পিতাপি বা ॥

মৃত্যু স্ত্রীর পুত্রকন্যা সাধারণ রূপে স্ত্রীধন অধিকার করিবে। সন্ততি হীনার ভর্তা, মাতা, ভ্রাতা বা পিতা ধন লইবে। এস্থলে কন্যা অর্থ কুমারী ছুহিতা।

তাহাদের একের অভাবে অন্যের অধিকার। তাহাদের উভয়ের অভাবে বিবাহিতা ছুহিতার অর্থাৎ পুত্রবতী ও সম্ভাবিতপুত্রার তুল্যাধিকার।

ইহাদের উভয়ের অভাবে পৌত্রের অধিকার।

পৌত্রের অভাবে দৌহিত্রের অধিকার।

দৌহিত্রাভাবে প্রপৌত্র অধিকারী।

তদভাবে সপত্নীর পুত্র, তদভাবে সপত্নীর পৌত্র, তদভাবে সপত্নীর প্রপৌত্র ক্রমে অধিকারী।

অনন্তর বঙ্গ্যা বিধবা ছুহিতারা একত্র অধিকারিণী।

(৩) পিতৃদত্ত অর্ঘ্যতক ধন।

বিবাহকালে, তৎপূর্বে বা পরে কোন নারীকে পিতা যে ধন দেন, তাহাতে প্রথমে অবিবাহিতা ছুহিতার অধিকার।

“স্ত্রিয়াস্ত যদুবেদিতং পিত্রাদত্তং কথঞ্চন।

ব্রাহ্মণী তদ্ধরেৎ কন্যা তদপত্যস্য বা ভবেৎ ॥” মনুঃ।

নারীর যে কোন রূপ পিতৃদত্ত ধন ব্রাহ্মণীকন্যা গ্রহণ করিবে বা তাহার সম্ভানের হইবে। ব্রাহ্মণী কন্যা কেবল কুমারী বোধক।

তৎপরে পুত্র অধিকারী। অনন্তর পুত্রবতী ও সম্ভাবিতপুত্রা ছুহিতারা অধিকারিণী।

তদনন্তর দৌহিত্র, পৌত্র ও প্রপৌত্র ক্রমে অধিকারী।

অনন্তর সপত্নীর পুত্র, সপত্নীর পৌত্র ও প্রপৌত্র ক্রমে অধিকারী।

তৎপরে বঙ্গ্যা ও বিধবা কন্যা এককালে অধিকারিণী।

## মাতৃশিক্ষা হইতে উদ্ধৃত।

৩১৮। ক্রন্দন দ্বারা শিশুর কি কি অসুখ জানা যাইতে পারে—সদ্য-প্রসূত সম্ভানের ক্রন্দন দ্বারা ই উহার জীবিতাবস্থা জানা যায় এবং যত উচ্চৈঃস্বরে ক্রন্দন করে, ততই উহাকে সবল ও সুস্থ বলিয়া গণ্য করিতে হইবে। কিন্তু কয়েক ঘণ্টা পরে শরীর সুস্থ থাকিলে ইহা প্রায় আর অধিক ক্রন্দন করে না। যন্ত্রণা, বেদনা এবং ক্ষুধার জন্য প্রায় পরে ক্রন্দন করিয়া থাকে। ক্ষুধার জন্য ক্রন্দন করিলে প্রায় চক্ষুর জল পড়ে না ও উহা এক প্রকার বিলাপের ন্যায় বোধ হয়। দন্তোদ্ভেদের উপক্রমে কখন কখন শিশু অস্থির হইয়া ক্রন্দন করে। কাণ কামড়ানর ক্রন্দন স্বল্পস্থায়ী, প্রথর ও চিৎকার ধ্বনী এবং ইহাতে শিশু প্রায় মস্তক নাড়ে এবং আক্রান্ত কর্ণের উপর হাত দেয়। পেটকামড়ানির ক্রন্দনে উপরি-উক্ত চিৎকার ধ্বনী হয় না, ইহাতে মধ্যে মধ্যে বিরাম আছে, কাঁদিবার সময়ে কোঁত দেয় এবং উদরের উপরে জাম্বুঘর তুলিয়া থাকে। কাশী বশতঃ ক্রন্দন করিলে স্বর ভার বোধ হয়। কুস্ফুসের প্রদাহ জনিত ক্রন্দন গোঁগাঁনির ন্যায়। ক্রুপ নামে এক প্রকার কাশী আছে তাহাতে কাঁদিতে কাঁদিতে স্বর ভঙ্গ হয় ও খাতু দ্রব্যে ঘা দিবার ন্যায় খন্ খন্ করে। নস্তি-স্কাবরক প্রদাহ জন্য ক্রন্দনে শিশু মধ্যে মধ্যে প্রাণপণে চিৎকার করিয়া



উঠে ও ঐ চিৎকার স্বর শ্রবণেই বিজ্ঞ চিকিৎসক পীড়ার স্বভাব জানিতে পারেন। কোন দুর্ভাগ্য পীড়ার উপশম হইলে ক্রন্দন কালীন স্বভাব অতি চঞ্চল এবং একগুঁয়ে হয়, মধ্যে মধ্যে ঝগড়া করিবার ন্যায় ও কোন কারণ ব্যতীত চিৎকার করিয়া উঠে এবং এই ক্রন্দনের সহিত প্রায় চক্ষুতে জল আইসে। দুর্ভাগ্য পীড়া কালীন অশ্রুজল পাতিত হইলেই উহার উপশম বিবেচনা করিতে হইবে। এরূপ পীড়া থাকিতে প্রায় কখনই শিশুর চক্ষে জল দেখা যায় না। অন্ধকার গৃহে আলোর জন্যেও শিশু ক্রন্দন করে।

মাতার পক্ষে এই সকল ক্রন্দনের কারণ এবং স্বভাব অবগত হওয়া নিতান্ত আবশ্যিক। শিশু ক্রন্দন করিলেই যে উহাকে আহার দিতে হইবে, এমন বিবেচনা করা উচিত নহে।

### নূতন সংবাদ।

১। কলিকাতার দক্ষিণে একটা পল্লীগামে কোন ভদ্র হিন্দু মহিলা এককালে তিনটা সন্তান প্রসব করেন, তিনটাই সদ্য মৃত হয়।

২। কোমগরে একটা গোয়ালার গাভীর তিনটা বাছুর এককালে প্রসব হইয়াছে। তিনটাই বাঁচিয়া আছে।

৩। মহীশূরের কৃষি-সমাজ চীন দেশ হইতে এক প্রকার শশার বীজ পাইয়াছেন। এই ফল লম্বে ৪।৫ হাত। ইহার বেড় প্রায় এক হাত। ইহার স্বাদ ঠিক এদেশের শশার স্থায়।

৪। মহারাণীর চতুর্থী কন্যা লুইসার বিবাহোপলক্ষে কলিকাতার

জর্নৈক ভদ্রমহিলা একটা বালিশ উপটোকন পাঠাইয়াছেন। মহারাণীর সেক্রেটারী উহা আদর পূর্বক গ্রহণ করিয়া তাঁহার নিকট কৃতজ্ঞতাশূচক একখানি পত্র লিখিয়াছেন।

৫। গত ১০ই জ্যৈষ্ঠ রাত্রি প্রায় ২।১ টার সময় জেলা ২৪ পরগণার অন্তর্গত এড়িয়াদহ থানার অধীন বনহুগলী গ্রামে একটা ভয়ানক ডাকাইতি হইয়া গিয়াছে।

৬। সোমপ্রকাশে এক ব্যক্তি কুলীন কন্যাদিগের বিবাহ বিষয়ে একখানি কৌতুকজনক পত্র পাঠাইয়াছেন। ফুলিয়া বেলগড়িয়া নামক গ্রামের কোন কুলীন ব্রাহ্মণ চারিটা ভ্রাতৃকন্যার বিবাহ দিবার নিমিত্ত

৬৩০ টাকা পণ স্বীকার করিয়া যশোহর জেলা হইতে একটা পাত্র আনেন, পাত্রের বয়স প্রায় ১৪।১৫ বৎসর। কন্যাকর্তার দুইটা অবিবাহিতা ভগিনী ছিল তাহাদের একটার বয়স ৪০ ও অপরের ৩০ বৎসরেরও অধিক। তাহাদিগকে পার করাই তাঁহার গুপ্ত অভিসন্ধি ছিল। ১৮ই জ্যৈষ্ঠ বিবাহের দিন স্থির, এদিকে ১৫ই জ্যৈষ্ঠ পাত্রকে জলযোগ করাইবার ছলে কন্যাকর্তা বন্ধা ভগিনীর বিবাহোদ্যোগ করিয়া আপন বাটীতে লইয়া গেলেন। পাত্রের সঙ্গে তাঁহার জ্যেষ্ঠ ভ্রাতা ছিল, আপত্তি করাতে তাঁহাকে মারিয়া ধরিয়া তাড়াইয়া দেওয়া হইল। বর ক্রন্দন করিতে লাগিল, পুরোহিত মন্ত্র পড়িলেন এবং ৪১ বৎসরের বালিকা ঘোমটার ভিতর হইতে “ওরে আজি আমার বাপের কুল বজায় হইল” বলিয়া আনন্দধ্বনি করিয়া উঠিলেন—বিবাহ ক্রিয়া সম্পন্ন হইল। পর দিবস ৩টা ভ্রাতৃকন্যাকেও বরকে সম্প্রদান করা হইল। কি ভয়ঙ্কর ব্যাপার!

৭। ইংলণ্ডে পার্লামেন্টে মহাসভায় স্ত্রীলোকেরা সভ্য হইয়া স্ব স্ব মত দিতে পারিবেন বলিয়া যে কথা হইতেছিল, অধিকাংশের অমত হও-

য়াতে তাহা অগ্রাহ হইয়াছে। ইংরেজেরা স্ত্রীগণকে স্বাধীনতা দান করিতে অদ্যপি সাহসী নহেন। এবিষয়ে আমেরিকাকে ধন্যবাদ দিতে হয়।

৮। শিক্ষায়ত্নী বিদ্যালয় গ্রীষ্ম উপলক্ষে তিন সপ্তাহ বন্ধ ছিল, পুনরায় তাহার কার্যারম্ভ হইয়াছে।

### বামাগণের রচনা।

আমরা এবারে একটা ভগিনীর নূতন ভাবের রচনা সমাদর পূর্বক পত্রস্থ করিলাম। শিক্ষিতা অবলাগণ তোতা পাখীর ন্যায় পাঠাভ্যাস করিয়া এবং পুরাতন কথার নাড়া চাড়া করিয়া দিনপাত করিবেন ইহা দেখিয়া আমরা বড় সন্তুষ্ট হইতে পারি না। একটু একটু তাঁহারা স্বাধীনভাবে চিন্তা করিতে শিক্ষা করেন, ও আপনাদিগের অবস্থা হৃদয়ঙ্গম করিয়া তাহার উন্নতিসাধনে চেষ্টা করেন ইহা দেখিলে যার পর নাই আনন্দ হয়। স্ত্রী স্বাধীনতার বিষয় পুরুষসমাজে আলোচিত হওয়া যত আবশ্যিক, স্ত্রীগণের মধ্যে তদপেক্ষা অধিক। কিন্তু এবিষয়



সম্বন্ধে আমাদের স্নেহাস্পদ ভগিনীগণকে ছুএকটি কথা বলিয়া রাখি। তাঁহাদিগের স্বাধীনতা তাঁহাদিগের নিজের হস্তে, তাঁহারা যে পরিমাণে স্বাধীনতা গ্রহণ ও সংরক্ষণ করিতে পারিবেন, সে পরিমাণে তাঁহারা আপনা হইতে তাহা পাইবেন। তাঁহাদিগের ঈশ্বরদত্ত ন্যায্য অধিকার হইতে কে তাঁহাদিগকে বঞ্চিত করিতে পারে? তাঁহারা যদি ভাবেন যে পুরুষেরা তাঁহাদিগের স্বাধীনতা হরণ করিয়াছে ও তাঁহারা একদিন অনুগ্রহ করিয়া তাহা ফিরাইয়া দিবে ইহা একটা ভ্রম। অন্যের উপরে যে স্বাধীনতার নির্ভর, তাহা পরাধীনতার নামান্তর মাত্র এবং বস্তুত অনেক স্থলে বাহ স্বাধীনতা পরাধীনতাই হইয়া থাকে। স্ত্রীগণ কি জানেন না, তাঁহাদিগের নিজস্ব ক্ষমতা ও প্রভাব আছে কি না? আজি কালি অনেক বিজ্ঞ ব্যক্তি বলেন এ দেশের স্ত্রীলোকেরা পুরুষদের যত অধীন না হউক, পুরুষেরা স্ত্রীলোকদিগের অধীন হইবে ও আজ্ঞাবহ। বাহা হউক অবলাগণ আপনাদিগের স্বার্থ হিতপথ বুঝিতে পারিলে স্বাধীনতার কিছুমাত্র অভাব হইবে না। অন্তরের স্বাধীনতা লাভে সর্বাগ্রে

সমধিক যত্নবতী হউন, বাহ স্বাধীনতা আপনা আপনি সম্পন্ন হইবে।

## বঙ্গদেশীয় মহিলাগণের স্বাধীনতার বিষয়।

অসম্ভব দেশীয় মহিলারা স্বাধীনতা অভাবে যে এক প্রকার জড় পদার্থের ন্যায় দিনাতিবাহিত করেন, তাহা বিজ্ঞ মহাত্মারা অনায়াসেই বুঝিতে পারেন। তাঁহারা সদাসর্বদা এক প্রকার স্থানে বাস ও এক প্রকার লোক দর্শন ভিন্ন আর কখনই কোন সংলোকের সহিত আলাপ ও উত্তম স্থান দর্শন করিতে পারেন না। এমন স্থান আছে যে সেখানে গমন করিলে ঐহিক পারত্রিক উভয় মঙ্গলই সাধিত হয়, এমন লোক আছে যে তাঁহাদের সহিত আলাপাদি করিলে নানা প্রকার সচুপদেশ পাওয়া যায় তাঁহারা ইহার কিছুই নিকটবর্তী হইতে পারেন না। তবে দেখুন দেখি স্ত্রীলোকেরা এক স্বাধীনতার অভাবে পৃথিবীর অধিকাংশ উৎকৃষ্ট স্থানে কি প্রকার বঞ্চিত!

এখনকার মহোদয় ব্যক্তিদিগের মধ্যেও অনেকে বলিয়া থাকেন যে পুরুষদিগের সহিত স্ত্রীলোকদিগের

এখনও ভ্রাতৃত্ব হয় নাই, তবে কেমন করিয়া তাহারা বাণীর বাহির হইয়া স্বাধীনতা ভোগ করিবে? তাঁহাদের এই বাক্যাবলী আনার নিকট যুক্তিসিদ্ধ বোধ হয় না, কেন না স্ত্রীলোকেরা পরমাত্মীয় স্বামীর সহিত ও আর আর আত্মীয় বন্ধুবান্ধবের সহিত ইচ্ছানুসারে গমনাগমন করিবে ইহাতে কোন প্রকারেই মর্যাদার হানি হইতে পারে না। দেখুন অঙ্গনাগণ ব্রাহ্ম সমাজে গমন করিয়া আত্মীয়দিগের সহিত পরব্রহ্মের উপাসনা ও গুণানুকীর্ণনে সমর্থ্য নহেন, এবং বিদ্যালয়ে গমন করিয়া নিয়মিত রূপে বিদ্যাধ্যয়ন করতঃ বিদ্যারসে অভিষিক্ত হইয়া জ্ঞানের প্রধান সোপানে পদার্পণ করিতে পারেন না, কেবল পিঞ্জরবদ্ধ কোকিলের ন্যায় এপাশ ওপাশ ঘুরিয়াই কালযাপন করেন, ইহাতে তাঁহাদের বুদ্ধি বৃত্তি সকল একবারে সঙ্কোচ হইয়া অতি সঙ্কীর্ণ ভাবে ভস্মাচ্ছাদিত অগ্নির ন্যায় অবস্থিতি করিতে থাকে। পূর্বকালে সাবিত্রী, কুম্বিনী, দ্রৌপদী প্রভৃতি রাজমহিষীরা কেমন ধর্মশীলা, পতিব্রতা ও বিদ্যাবতী ছিলেন। তাঁহারা স্বাধীনতা সহকারে রথারোহণ করিয়া ইচ্ছানুসারে নানা স্থানে গমনাগমন করিতেন, তাহাতে তাঁহাদিগের উপকার বই কিছুই অল্পপকার হয় নাই, কেন হইবে? বাণীর বাহির হইলেই কি চরিত্র যুগিত হয়? তবে তো ইউরোপীয় বিবিগণ সকলেই

অসচ্চরিত্রা হইতেন, কিন্তু তাঁহাদের মধ্যে প্রায় সকলেই যে প্রকার নানা গুণালঙ্কারে ভূষিতা, সাধনী, ধর্ম পরায়ণা ও বিদ্যাবতী তাহা অসম্ভব দেশের মহিলাগণের স্বপ্নের অগোচর বলিলেও অত্যুক্তি হয় না। যে সকল মহামান্য বিবিদের জীবন চরিত্র লিখিত আছে তাহা পাঠ করিলে কাহার মন না আর্দ্র হইয়া যায়? তবে এখন বিচার করিতে হইবে যে কি উপায়ে তাঁহারা নারীকুলের ভূষণস্বরূপ হইলেন, আর আমাদের বঙ্গদেশবাসিনী ভগিনীরাই বা চিরকাল কেন এত হীনাবস্থায় রহিলেন। এক একজন বিবির গুণের শতাংশের একাংশও এতদেশীয় যৌবাগণ ধারণ করেন না। ইহাতে স্পর্ধাই জ্ঞান হইতে পারে যে কেবল স্বাধীনতা না থাকা হেতু এই প্রকার শোচনীয় দশায় পতিত হইয়া বঙ্গাঙ্গনাগণ জন্মাবধি পর্য্যন্ত মৃত্যু পশুপক্ষীদিগের ন্যায় পিঞ্জরে বাস করেন। হায় কত দিনে ললনাগণের অধীনতারূপ ঘোর তমসাম্বল দিনে স্বাধীনতারূপ সৌভাগ্য সূর্য্য উদিত হইয়া তাঁহাদের হৃদয়াকাশকে আলোকিত করিবে! এখনকার সভ্য শ্রেণীভুক্ত কৃতবিদ্যা জ্ঞানবান্ মহাত্মাদিগের মধ্যে যদিও কাহার নিজ নিজ পরিবারদিগকে স্বাধীনতা দিবার একান্ত মানস আছে, কিন্তু সামাজিক ভয়ের বশবর্তী হইয়া তাঁহাদের মনের আশা মনেই মিলিত হইয়া যায়। স্ত্রীগণ চিরকাল অন্তঃপুরে



রুদ্ধ থাকিতে থাকিতে এ প্রকার ভীক স্বাভাবাপন্ন হইয়া যায়, যে কাম্বিনকালেও তাঁহারা বাটার বাহিরে যাইতে হইলে অথবা কোন আত্মীয় বন্ধুদিগের সহিত কথোপকথন করিতে হইলে মৃত্যু সদৃশ ভয়ঙ্কর জ্ঞান করেন।

স্ত্রীলোকদিগের উপর পুরুষদিগের অতীব প্রভুত্ব। তাঁহারা যাহা ইচ্ছা তাহাই করিবেন কিন্তু স্ত্রীলোকেরা তাহাতে কিছুই আপত্তি করিতে পারিবেন না। কি আশ্চর্য্য! মহিলারা বিদ্যাভূষণে ভূষিতা হইয়া স্বাধীনতা সহকারে সংসার ধর্ম্য নিক্ষেপ করিতে যত্নশীলা হইবে, দেশ বিদেশীয় সকল লোকের নিকট আদরের পাত্রী হইবে ইহা অপেক্ষা পুরুষদিগের আঙ্কাদের বিষয় আর কি আছে?

যিনি আমাদের সৃষ্টিকর্তা পিতা, তিনি সকলকেই সমভাবে সৃষ্টি করিয়া কি পুরুষ জাতি, কি স্ত্রীজাতি সকলের উপরই সমান করুণা কটাক্ষপাত করেন। আমাদের দেশীয় অঙ্গনাগণ যে প্রকার প্রগাঢ় অধীনতা শৃঙ্খলে বদ্ধ হইয়াছেন তাহা হইতে যে কোন দিন উদ্ধার হইবেন তাহা বলা যায় না। মনে করিয়াছিলাম বিদ্যাবান্ উদার চরিত্র মহাশয়দিগের দ্বারাই বঙ্গ ভগিনীদিগের দুঃখানুককার দুঃখভূত হইবে তাঁহারা ই বুঝি উক্ত ললনাগণের দুঃখ শান্তি করিয়া স্বাধীনতারূপ

হিরণ্য সোপানে তাহাদিগকে আরোহণ করাইবেন। কিন্তু আমার এই আশালতা এখন পর্য্যন্তও ফলবতী হইল না এবং ভবিষ্যতে হইবে কি না এবিষয়েও সন্দেহ রহিল।

হে সর্বশক্তিমান বিশ্বকর্তা পরমেশ্বর! আর কত দিন তোমার কন্যাগণ অসহ কারাগার যন্ত্রণা ভোগ করিবে, তুমি তোমার দুর্বল কন্যাগণকে আর কতকাল পশুর ন্যায় রাখিবে। হে ককণানিধান পরম পিতঃ! করুণা করিয়া অস্বদদেশবাসিনী ভগিনীদিগের দুঃখবস্থার প্রতি একবার দৃষ্টিপাত কর, তুমি তাঁহাদিগের পিতা ও সহায় থাকিতে তাঁহারা আর কাহার নিকট আশ্রয়তির নিমিত্তে প্রার্থনা করিবে, এখন তোমারই নিকটে রোদন করিতে প্রবৃত্ত হইলাম, তুমিই আমাদের একমাত্র সহায়, তুমিই আমাদের পিতা, আমরা নিদাঘের চাতকের ন্যায় তোমার রূপা প্রতীক্ষা করিয়া রহিয়াছি, তুমি আমাদের দেশীয় মহাশয়দিগের ভ্রমাকার দূর কর আমাদের এই প্রার্থনা।

বোয়ালিয়াস্ত কোন ভদ্রমহিলা।

# বামাবোধিনী পত্রিকা।

—৩৩—

“কন্যাশ্রম দালনীয়া সিন্ধুযাতিযল্লতঃ।”

কন্যাকে পালন করিবেক ও বহুর সহিত শিক্ষা দিবেক।

৯৫ সংখ্যা } আষাঢ় বঙ্গাব্দ ১২৭৮। { ৭ম ভাগ।

## উন্নতি ও স্বাধীনতা।—(১)

জীবন বিশিষ্ট পদার্থ মাত্রই উন্নতিশীল। এই উন্নতি উদ্ভিদ রাজ্যে ও প্রাণি জগতে ভিন্ন ভিন্ন প্রণালীতে সম্পন্ন হইয়া থাকে। স্বকলতা প্রভৃতি জড় পদার্থের উন্নতি স্বাভাবিক নিয়মে সম্পন্ন হয়, তাহাতে স্বকলতাতির কিছুমাত্র কর্তৃত্ব নাই।

প্রাণি জগৎ পশু পক্ষী কীট পতঙ্গ মনুষ্য ইত্যাদি শ্রেণীতে বিভক্ত। প্রাণীদিগের মধ্যেই উন্নতি ও কর্তৃত্ব একত্রে দেখিতে পাওয়া যায়। কীট পতঙ্গের উন্নতির সহিত উদ্ভিদ জগতের অনেক সাদৃশ্য আছে, তথাপি তাহারা কিয়ৎ পরিমাণে স্বাধীন বলিতে হইবে। পিপীলিকা, প্রজাপতি, মশক, এবং কীটপুসকল অত্যন্ত ক্ষুদ্র হইয়াও নিজে নিজে আহার অব্বেষণ করিয়া জীবন ধারণ করে। স্বাধীন ভাবে আহার না করিলে তাহাদের প্রাণ বিরোগ হয়। পশুপক্ষিগণও স্বাধীন ভাবে আহার বিহার করিয়া সুখে জীবন ধারণ করে। শরীর ধারণ পক্ষে তাহাদের যতটুকু স্বাধীনতার প্রয়োজন, পরমেশ্বর ততটুকু স্বাধীনতা তাহাদিগকে দান করিয়াছেন। তাহাদের সেই অল্পমাত্র স্বাধীনতাকেও তাহারা অন্যের হস্তে অর্পণ করিতে উচ্ছা করে না এবং কেহ বলপূর্বক আক্রমণ করিলে তাহাদের

(১) শ্রীযুক্ত বাবু বিজয়কৃষ্ণ দেওয়ানী কলিকাতা বামাবোধিনী সভায় এই বক্তৃতাটি করেন।



অসুখের সীমা পরিসীমা থাকে না। প্রজাপতিকে ধরিতে যাও উড়িয়া পলায়ন করিবে, পশুপক্ষীকে অতি যত্নে স্বর্ণ পিঞ্জরে বদ্ধ রাখিয়া সুখাদ্য প্রদান পূর্বক পালন কর তাহাতে তাহারা সন্তুষ্ট হইবে না—অবকাশ পাইলেই পিঞ্জর হইতে পলায়ন করিয়া স্বাধীন ভাবে বিচরণ করিতে ব্যগ্র হইবে। পশুপক্ষী প্রভৃতির এই স্বাধীনতা শরীরগত স্বাধীনতা বলিতে হয়। এজন্য পশুপক্ষ্যাদির অবস্থা এক ভাবে চিরকাল রহিয়াছে। মধুমক্ষিকার মধুক্রম, বাবুই পক্ষীর বাসা নিৰ্ম্মাণ কৌশল, হস্তি অশ্ব কুকুর বানর প্রভৃতির বুদ্ধি কৌশল সৃষ্টিকাল হইতে একই ভাবে অবস্থিতি করিতেছে।

শারীরিক, মানসিক ও আধ্যাত্মিক মনুষ্যের এই ত্রিবিধ উন্নতি সূত্রাত্মক মনুষ্যের স্বাধীনতাও ত্রিবিধ। মনুষ্য স্বাধীন ভাবে আহাৰপান না করিলে শরীর রক্ষা হয় না। স্বাধীন ভাবে শরীর চালনা করাও শরীর রক্ষার পক্ষে প্রধান উপায়। আহাৰ পান না করিলে যেমন শরীর ধ্বংস হয় তদ্রূপ শরীর চালনা না করিলেও শরীর ধ্বংস হয়। এই জন্য শরীর সম্বন্ধে মনুষ্যের সম্পূর্ণ স্বাধীনতা আছে। কেহ মনুষ্যকে গৃহে বদ্ধ রাখিলে মনুষ্য অসুখী হয়, অথচ আপন ইচ্ছাতে আজীবন গৃহে থাকিয়া কাল-বাপন করিতে পারে। এই শারীরিক স্বাধীনতা শরীরের সঙ্গে সঙ্গেই বিলুপ্ত হইয়া যায়। যাহারা মান মর্যাদা রক্ষার জন্য অলস হইয়া সমস্ত কার্য ভূতা দ্বারা সম্পন্ন করে আহার মতে তাহারা শারীরিক স্বাধীনতা নষ্ট করিয়া পদে পদে অসুখী হয়। এক বাবু শীতকালে গজাতে প্রাতঃ-স্নান করিয়া গাত্রমার্জনার জন্য ভূত্যের অপেক্ষা করিয়া শীতে কষ্ট পাই-তেছেন। এইরূপ হস্ত ধোঁত করিবার জন্য, বস্ত্র পরিধান করিবার জন্য, এবং প্রয়োজনীয় সমস্ত কার্যে ভূত্যের প্রতি নির্ভর করিয়া অনেকে শারীরিক স্বাধীনতাকে বিনাশ করিতেছেন। তথাপি অলসগণ কারাবাসে পরম সুখে কালবাপন করিতেও অভিলাষ করিবে না। মনুষ্যের যদি কেবল এই শারীরিক স্বাধীনতাই সর্বস্ব হইত তাহা হইলে পশুতে মনুষ্যে কিছুমাত্র প্রভেদ থাকিত না।

মনের উন্নতির জন্য মনুষ্যের মানসিক স্বাধীনতা আছে। জ্ঞানের

উন্নতি দ্বারা জনসমাজের উন্নতি করাই মানসিক স্বাধীনতার কার্য। আমরা যে বংশে জন্ম গ্রহণ করিয়াছি সেই আৰ্য্য মহর্ষিগণ অতি পূর্বে অন্যান্য জাতির ন্যায় অসভ্য ছিলেন। পরে গঙ্গার তীরে বসবাস করিতেছেন, আধুনিক কুকি জাতির ন্যায় বিবস্ত্র থাকিয়া পশু হিংসা করিয়া জীবিকা নির্বাহ করিতেন। কালে সেই আৰ্য্যজাতি বিজ্ঞান, দর্শন, সাহিত্য, জ্যোতিষ, চিকিৎসা শাস্ত্র, যুদ্ধবিদ্যা, কৃষিবিদ্যা প্রভৃতি সমস্ত শাস্ত্রের আবিষ্কার করিয়া মানবসমাজে সভ্যতা আনয়ন করেন। যদি মানসিক স্বাধীনতা না থাকিত তবে আমরাও পশুপক্ষীর ন্যায় এক ভাবেই জীবন যাপন করিতাম, মানব সমাজের উন্নতি লক্ষিত হইত না। যাহারা জ্ঞানের আলোচনা না করে তাহারা শরীর সম্বন্ধে সম্পূর্ণ স্বাধীন হইলেও পশু তুল্য সন্দেহ নাই। অভাব মোচন করাই স্বাধীনতার কার্য, অভাব দেখিয়া স্বাধীনতা স্থির থাকিতে পারে না। এই জন্য মনুষ্য অজ্ঞান অন্ধ-কারে বদ্ধ থাকিতে পারে না। যে ব্যক্তি মনুষ্যকে মুর্থ রাখিতে চায়, সে মনুষ্যের মানসিক স্বাধীনতা নষ্ট করে সন্দেহ নাই।

কেবল মনের উন্নতি করিয়া মনুষ্য সন্তুষ্ট থাকিতে পারে না। আত্মার উন্নতিই প্রকৃত উন্নতি। এজন্য আধ্যাত্মিক স্বাধীনতা মনুষ্যের প্রাণ। আমাদের পূর্ব পুরুষেরা যেমন মুর্থতা হইতে ক্রমে সভ্যতা লাভ করিয়াছেন, তেমনি প্রথমে জড় বস্তুর পূজা করিয়া এক ঈশ্বরের পূজা আরম্ভ করেন। আধ্যাত্মিক স্বাধীনতা ধর্ম রাজ্যের সমস্ত অভাব মোচন করিয়া মনুষ্যকে মুক্তির সোপানে লইয়া যায়। মনুষ্য ধর্মের উন্নতি না করিলে প্রকৃত স্বাধীনতা হইতে ভ্রষ্ট হইয়া অধোগতি প্রাপ্ত হয়। এজন্য পিতা মাতা জাতিবন্ধু বিরোধী হইলেও, রাজদণ্ডে শরীর খণ্ড খণ্ড হইলেও, স্বাধীন মনুষ্য ধর্মের বিরুদ্ধে সত্যের বিরুদ্ধে কোন কার্যই করেন না। অনেকে শরীর সম্বন্ধে স্বাধীনতা রক্ষা করিয়া হৃষ্ট পুষ্ট হইয়াছেন, মানসিক স্বাধীনতা রক্ষা করিয়া মহাজ্ঞানী পণ্ডিত হইয়াছেন, অথচ আধ্যাত্মিক স্বাধীনতার অভাবে একটী দ্বাদশ বর্ষীয়া বালিকারও মোহশৃঙ্খলে বদ্ধ হইয়া অধর্মাচরণ করিয়া মানব সমাজকে কলঙ্কিত করিতেছেন। যিনি যে বিষয়ের স্বাধীনতা রক্ষা করিবেন, তিনি সেই বিষয়ের উন্নতি লাভ করিবেন।



এই ত্রিবিধ স্বাধীনতা পরমেশ্বরের সহিত অভেদ্য সূত্রে আবদ্ধ রহিয়াছে। এই সূত্রে কৰ্তব্য জ্ঞান অথবা বিবেক কহে। মনুষ্য বিবেকের অধীন হইয়া কার্য না করিলে প্রকৃত স্বাধীনতা রক্ষা করিতে পারে না। বিবেকহীন মনুষ্যকে স্বেচ্ছাচারী কহে, তাহার কার্যকে স্বেচ্ছাচারিতা কহে। অতএব ত্রিবিধ স্বাধীনতা সম্বন্ধে যাহা ঈশ্বরের আদেশ বিবেকের অনুমোদিত বলিয়া বুঝিতে পারা যায়, তৎক্ষণাৎ তাহা সাধন করা কৰ্তব্য। লোকের অনুরোধে, দেশের অনুরোধে, ঈশ্বরের আজ্ঞা অবহেলা করাই সম্পূর্ণ অধীনতা। আবার বিবেককে অবহেলা করিয়া আত্মসুখের জন্য, আনন্দ আনন্দের জন্য, বিলাস সুখের জন্য, কার্য করাও স্বেচ্ছাচারিতা। স্বেচ্ছাচারিতাই বাস্তবিক অধীনতা। যাহারা রিপুদমন করিতে না পারে, সত্য প্রতিপালন করিতে না পারে তাহারাই বাস্তবিক পরাধীন। ঈশ্বরাজ্যের অধীন থাকাই সম্পূর্ণ স্বাধীনতা।

এই ত্রিবিধ স্বাধীনতাতে স্ত্রী পুরুষের সম্পূর্ণ অধিকার অথচ স্ত্রী পুরুষের কার্য প্রণালী ভিন্ন ভিন্ন। বর্তমান সময়ে অনেকে বলিয়া থাকেন যে স্ত্রীজাতির স্বাধীনতা নাই। পুরুষেরা স্ত্রীজাতিকে স্বাধীনতা দেন না। আমি ইহাতে সম্পূর্ণ সায় দিতে পারি না। বঙ্গদেশের অনেক পল্লীগ্রামে দেখিয়াছি স্ত্রীলোকেরা ইতস্ততঃ স্বাধীন ভাবে বিচরণ করেন, উত্তর পশ্চিমাঞ্চলে এ দৃষ্টান্ত আরও অধিক। যাহারা জগন্নাথ প্রভৃতি তীর্থে স্ত্রীলোক যাইতে দেখিয়াছেন, তাঁহারা স্ত্রীলোকের শারীরিক স্বাধীনতা অস্বীকার করিতেন পারেন না। অনেকে স্ত্রীজাতির মানসিক স্বাধীনতা নষ্ট করেন এ কথা মিথ্যা নহে। কিন্তু অনেকে আবার স্ত্রীলোকের মানসিক উন্নতির জন্য বিশেষ রূপে যত্ন করিতেছেন। আমার মতে পুরুষ অপেক্ষা স্ত্রীলোকের আন্তরিক ক্ষমতা অধিক। বর্তমান সময়ে অনেক পুরুষ স্ত্রীর অনুরোধে ভ্রাতৃ বিরোধ উপস্থিত করেন পিতা মাতাকে শ্রদ্ধাভক্তি করেন না, অসত্য আচরণ করিয়া ঘোর কপটতা অবলম্বন করেন। এরূপ ক্ষমতা সত্ত্বেও বামাগণ আপনাদিগকে পরাধীন মনে করেন ইহার কারণ কি?

এমতাবস্থায় আমার মত যে আমাদের দেশের স্ত্রীজাতি জ্ঞানধর্ম্যে হীন,

এজন্য পুরুষগণ গর্ভধারিণী মাতাকেও হীনবুদ্ধি নারী বলিয়া অবজ্ঞা করেন। স্ত্রীদিগের প্রতি উচ্চভাব না থাকিতে পুরুষেরা আপন আপন স্ত্রীদিগকে কেবল বিলাস সামগ্রীর ন্যায় ব্যবহার করেন। তাহারা যে স্বাধীন ভাবে ধর্মরক্ষা করিতে পারেন, এমংকারটী তাঁহাদের মনে না থাকিতে তাঁহারা পদে পদে স্ত্রীজাতিকে অবিশ্বাস করিয়া থাকেন। কাহার স্ত্রী এঁকাকিনী কোন স্থানে গমন করিলে, কাহার সহিত আলাপ করিলে, অথবা অন্য কাহার দৃষ্টিপথে পড়িলে তিনি এ সকল সাধুভাবে গ্রহণ না করিয়া স্ত্রীর পবিত্র কোমল হৃদয়ে দোষারোপ করেন। এইরূপে পুরুষের মন অনুদার নীচ থাকিলে স্ত্রীজাতির অবস্থা হীন থাকিবে সন্দেহ নাই। স্ত্রীদিগের প্রতি এইরূপ অবিশ্বাস করিতে তাহাদের কৃত্রিম লজ্জা উপস্থিত হইয়াছে। যে স্ত্রী শ্বশুর ভাসুর প্রভৃতি পিতৃতুল্য গুরুজনের নিকট অবগুণ্ঠনে মুখচন্দ্র আবরণ করেন, তিনিই আবার ইতর-প্রকৃতি ভৃত্য প্রভৃতির নিকট অর্দ্ধ দেহ বস্ত্রশূন্য করিয়া অথবা নিতান্ত সূক্ষ্ম বসন পরিধান করিয়া নিল্লজ্জ রূপে অবস্থিতি করেন। এই সকল ব্যবহারে অনেকে স্ত্রীদিগকে নীচ কপটী মনে করেন। কিন্তু ইহা পুরুষদিগের অবিশ্বাসের ফল।

ভগিনীগণ! আপনারা যদি প্রকৃত স্বাধীনতা সম্ভোগ করিতে চান, তবে জ্ঞান ধর্ম্যে সম্মত হইয়া পবিত্র হৃদয় দেবীর ন্যায় প্রত্যেকে পরিবারের শোভা রক্ষা করুন। তাহা হইলে আপনাদের প্রতি পুরুষ জাতির মস্তক অবনত হইবেই হইবে। কার সাধ্য আর আপনাদের পবিত্র হৃদয়ের প্রতি অবিশ্বাস করিতে পারে? যখন পুরুষগণ আপনাদিগকে ভক্তি করিবে, তখন আপনাদের প্রকৃত স্বাধীনতা রক্ষা পাইবে, আমাদেরও পরিত্রাণের পথ প্রস্তুত হইবে। যখন দেখি কোন পতিব্রতা পথে গমন করিতেছেন আর দেশীয় অভদ্রলোক তাঁহাকে কুৎসিত রূপে বিদ্রূপ করিতেছে, তখন আমার শোণিত উষ্ণ হইয়া উঠে। তখন উচ্চৈঃস্বরে বলি 'ভগিনীগণ! অগ্রে জ্ঞানধর্ম্যে সম্মত হইয়া লোকের শ্রদ্ধা ভাজন হউন, নতুবা আপনাদের পবিত্র শরীর দেখিয়া যে কাহার চক্ষু কলুষিত হয় আমি তাহা সহ্য করিতে পারি না।'



শারীরিক মানসিক, আধ্যাত্মিক এই ত্রিবিধ স্বাধীনতা রক্ষা করা সর্ব-  
তোভাবে কর্তব্য। স্বাধীনতার বিরুদ্ধে পিতাও যদি উপদেশ দেন তাহাও  
অগ্রাহ। কিন্তু স্বেচ্ছাচারিতাকে যেন স্বাধীনতা বলিয়া গ্রহণ করা না  
হয়। ঈশ্বরের আজ্ঞা পালন করাই প্রকৃত স্বাধীনতা। তাঁহার আজ্ঞা যত্ন  
পূর্বক শিক্ষা কর এবং তাঁহার পথে চলিতে যে কোন বাধা প্রতিবন্ধক  
উপস্থিত হয়, সাহস পূর্বক তাহা অন্তরিত করিয়া অগ্রসর হও।

### স্ত্রীধন ।

( ৫৯ পৃষ্ঠার পর )

#### অপ্রজা বা সন্ততিহীনার স্ত্রীধনে অধিকারাদি নির্ণয় ।

১। বন্ধুদত্ত অর্থাৎ পিতা মাতা কর্তৃক যাহা প্রদত্ত, শুল্ক অর্থাৎ  
ভর্তার গৃহে আনয়নার্থ অথবা পতিকে কর্ম স্থানে প্রেরণার্থ যে উৎকোচ  
দেওয়া হয় এবং অন্বাধেয় অর্থাৎ বিবাহের পর পিতৃকুল হইতে যে ধন  
প্রাপ্ত হওয়া যায় তাহার অধিকারের নিয়ম এইঃ—

( ১ ) প্রথমে ভ্রাতার অধিকার ।

“ পিতৃত্যাগৈব যদত্তং ছহিতুঃ স্থাবরং ধনং ।

অপ্রজায়া মতীতয়াং ভ্রাতৃগামিতু সর্বদা ॥ রদ্ধ কাভ্যায়নঃ ।

ছহিতাকে পিতা মাতা যে স্থাবর ধন দেন, সে নিঃসন্তান হইয়া মরিলে  
তাহা সর্বদা ভ্রাতায় বর্তে ।

( ২ ) ভ্রাতার অভাবে মাতার, তদভাবে পিতার অধিকার ।

( ৩ ) ইহাদের অভাবে ঐ ধন ভর্তার ।

২। অন্য সর্বপ্রকার যৌতক ও অযৌতক স্ত্রীধনে অধিকারীর  
নিয়মঃ—

( ১ ) প্রথমে ভর্তার অধিকারঃ—

“ ব্রাহ্মদৈবার্য গান্ধর্ব প্রজাপত্যেষু বন্ধনং ।

অতীতায়ামপ্রজায়াং ভর্তুরেব তদিযাতে ॥ মনুঃ ।

• ব্রাহ্ম, দৈব, আর্য, গান্ধর্ব, ও প্রাজাপত্য \* এই পাঁচ বিবাহে লক্ষ যে  
ধন, তাহা স্ত্রী সন্ততি হীনাবস্থায় মরিলে ভর্তারই হয় ।

( ২ ) ভর্তার অভাবে ভ্রাতার অধিকার ।

( ৩ ) ভ্রাতার অভাবে মাতার, তদভাবে পিতার অধিকার ।

( ৪ ) আশুর, রাক্ষস বা পৈশাচ \* বিবাহে বিবাহিতার ধনে প্রথমে  
মাতা, তদভাবে পিতা, তদভাবে ভ্রাতা, তদভাবে ভর্তা অধিকারী ।

৩। পিতা, মাতা, পতি, ভ্রাতা পর্যন্ত না থাকিলে যে কোনরূপে  
বিবাহিতা অপ্রজার সর্ব প্রকার স্ত্রীধনে অধিকারীর নিয়মঃ—

( ১ ) প্রথমে দেবরের অধিকার ।

( ২ ) তদভাবে দেবরের ও ভ্রাতৃশ্বশুরের পুত্রেরা এককালে  
অধিকারী ।

যেহেতু ইহার তিনপুরুষের পিতৃাধিকারী ও সপিণ্ড অর্থাৎ জ্ঞাতি ।

( ৩ ) তদভাবে অসপিণ্ড হইয়াও ভগিনীর পুত্রেরা অধিকারী ।

( ৪ ) তদভাবে ভর্তার ভাগিনের অধিকারী ।

( ৫ ) তদভাবে ভ্রাতৃপুত্র অধিকারী ।

( ৬ ) তদভাবে জামাতা অধিকারী ।

( ৭ ) জামাতা পর্যন্তের অভাবে শ্বশুর অনন্তর ভ্রাতৃশ্বশুর অধিকারী ।

( ৮ ) অনন্তর সপিণ্ড অর্থাৎ জ্ঞাতিরা নৈকট্য অনুসারে অধিকারী ।

( ৯ ) সপিণ্ডের অভাবে সকুলোরা, তৎপরে সমানোদকেরা যথা-  
ক্রমে অধিকারী । ( ১ )

( ১০ ) নিজ মরণান্তর পত্নীর হইবে এই নিয়মে পতি কোন বিষয়  
পত্নীকে দিয়া গেলে তাহা তৎ পত্নীর স্ত্রীধন, পত্নীর মরণান্তে স্ত্রীধনের  
অধিকারিরাই তাহার অধিকারী ।

( ১১ ) কোন নারী উত্তরাধিকারিণী রূপে কাহার স্ত্রীধন প্রাপ্ত হইলে  
সে ধন তাহার স্ত্রীধন নয়, কিন্তু সংক্রান্ত ধন, অর্থাৎ সে মরিলে পূর্বধন-  
স্বামির উত্তরাধিকারিরাই সেই ধনের অধিকারী ।

\* অষ্টবিধ বিবাহের বিশেষ দিবরণ বিবাহ প্রকরণে লিখিত হইবে ।

( ১ ) মগোত্র অর্থাৎ জ্ঞাতিদিগের মধ্যে সপ্তম, দশম বা চতুর্দশ পুরুষ পর্যন্ত  
শ্রাদ্ধ অধিকারীদিগকে যথা ক্রমে সাপণ্ড, সকুল্য বা সমানোদক বলিয়া থাকে ।



## কারা-কস্মিক।

(৪৫ পৃষ্ঠার পর।)

লুডোবিক তাড়িলাভাবে পুষ্পটী গ্রহণ করিলেন; তিনি রক্ষের প্রতি কারাবাসীর যেরূপ প্রগাঢ় অমুরাগ জানিতেন তাহাতে টেরিসার সামান্য যত্নের জন্য এতাদিক পুরস্কার কেন বুঝিতে পারিলেন না। কিয়ৎক্ষণ মৌনাবলম্বনের পর বলিলেন “আচ্ছা, এই নমুনা দেখিয়া তাহার বুঝিতে পারিবে আমার ধর্মকন্যা কেনন স্ত্রী!”

চার্নি আবার রক্ষটীর পরীক্ষায় নিযুক্ত হইলেন এবং প্রতিদিন নূতন নূতন আশ্চর্য্য ব্যাপার দর্শন করিতে লাগিলেন। পিসিওলা এখন পূর্ণ সৌন্দর্য্যে শোভিতা; অন্তর ৩০টী কুম্মে তাহার শরীর অলঙ্কৃত এবং অনেকগুলি মুকুল বিকাশোন্মুখ হইয়া রহিয়াছে। এই অবস্থায় চার্নি একদিন স্বার্থ প্রাণীর ন্যায় প্রফুল্লচিত্তে তাহার নিকট সমাগত হইলেন, কিন্তু শিক্ষার্থীর ন্যায় গস্তীর ভাবও তাঁহার মুখমণ্ডলে প্রকাশ পাইতে লাগিল। তিনি হঠাৎ প্রাণপ্রিয় পিসিওলাকে স্রিয়নাগ দেখিয়া চমকিয়া উঠিলেন। তিনি অতি যত্নে তাহাতে জল সেচন করিলেন, কিন্তু পর দিনও সে পূর্ববৎ অবসন্ন হইতে লাগিল। ভিতরে কিছু গোলযোগ ঘটয়াছে সন্দেহ নাই। পীড়ার কারণ সূক্ষ্মাণুসূক্ষ্ম রূপে পরীক্ষা করিয়া বুঝিতে পারিলেন যে এতদিন তিনি দেখেন নাই, কিন্তু দুই প্রস্তর খণ্ডের মধ্য দিয়া রক্ষের ডাঁটা উদ্গত হওয়াতে তাহা ক্ষীণ হইয়া পড়িয়াছে, তদ্বারা রক্ষ উৎকৃষ্ট রূপে রস সঞ্চালন হইতে পারিতেছে না। এই বাধা হইতে রক্ষকে মুক্ত করিতে হইবে, নতুবা তাহার মৃত্যু অবশ্য-স্তাবী। চার্নি এ সকল দেখিলেন কিন্তু হায়! তাহাকে কিরূপে পরিব্রাণ করবেন? প্রস্তর ভগ্ন বা হানাস্বরিত করিতে হইবে, নতুবা তাঁহার কারা মহচরীর প্রাণ রক্ষার আর অন্য উপায় নাই। কিন্তু কারাধ্যক্ষ তাঁহার প্রতি কি এত অমুগ্রহ প্রদর্শন করিবেন? তিনি লুডোবিকের পুনরাগমন পর্য্যন্ত অর্ধৈর্ষ্য হইয়া অপেক্ষা করিতে লাগিলেন এবং এই ঘোর সঙ্কটের কথা বলিয়া তাঁহার নিকট বিনীতভাবে প্রার্থনা করিলেন যে তিনি অমু-

গ্রহ পূর্বক রক্ষটীর যাহাতে মুক্তি হয় তাহার উপযুক্ত যত্নাদি প্রদান করেন।

জেলরক্ষক উত্তর করিল “ইহা অসম্ভব; আপনি কারাধ্যক্ষের নিকট প্রার্থনা করুন।”

চার্নি উগ্রভাবে বলিলেন “কখনই না।”

“আপনার যেমন অতিরুচি; কিন্তু আমার মতে এস্থলে একরূপ অহঙ্কার শোভা পায় না। আমি তাঁহাকে এবিষয় বলিব, আপনাকে জানাইয়া রাখিলাম।”

কাউন্ট বলিলেন “আমি তোমাকে নিবারণ করিতেছি।”

“আপনি আমাকে নিবারণ করিতেছেন—এ বড় আশ্চর্য্য কথা! আপনি কি মনে করেন আপনার আজ্ঞামতে আমাকে চলিতে হইবে? যাহা হউক আপনার যদি অভিমত হয়, সে মরে মরুক; আমার তাতে ক্ষতি কি? বিদায় হই।”

কাউন্ট বলিলেন “দাঁড়াও, দাঁড়াও, আচ্ছা, কারাধ্যক্ষের নিকট আমি এই একটী মাত্র প্রার্থনা করিতেছি, আমার হৃদয়ের ভাব তিনি কি বুঝিতে পারিবেন?”

“কেন না বুঝিবেন? তিনি কি মানুষ নন? আমার ন্যায় তিনি কি বুঝিতে পারিবেন না, যে আপনার রক্ষটী আপনার বড় প্রিয়? আরও আমি বলিব ইহাতে জ্বর ও সকল পীড়া আরোগ্য হয়; তিনিও বড় সবল নন; ভয়ঙ্কর বাতরোগে আক্রান্ত। ভাল ভাল আর বাক্যব্যয়ে কাজ নাই, আপনি একজন বিদ্বান লোক; এখন তাহা দেখান দেখি; তাঁহাকে একখান চিঠি লিখুন, বিলম্ব করিবেন না—খুব ভাল ভাল কথা দিয়া লিখিবেন।”

চার্নি তখনও দ্বিধা করিতেছেন, কিন্তু লুডোবিক ইঞ্জিত করিয়া বলিলেন “পিসিওলার জীবন সংশয়।” চার্নি তখন মৃদুভাবে সম্মতি প্রদান করিলেন, লুডোবিকও ত্রস্ত হইয়া প্রস্থান করিলেন।

অপেক্ষণ পরে অর্দ্ধ দেওয়ানী ও অর্দ্ধ ফৌজদারী ধরণের একজন কর্মচারী কাগজ, কলম এবং কারাধ্যক্ষের মোহরযুক্ত একটা কাগজ লইয়া



উপস্থিত হইলেন। তাঁহার সাক্ষাতে চার্নি আবেদন পত্র লিখিলে তিনি তাহা পড়িয়া মোহরাঙ্কিত করিলেন এবং তাহা লইয়া চলিয়া গেলেন।

পাঠককে জিজ্ঞাসা করি, চার্নির হৃদয়ের এইরূপ পরিবর্তন দেখিয়া কি আনন্দিত হইতেছেন? না একটা মুমূর্ষু রক্ষের প্রাণরক্ষার্থ মামী কাউন্ট তাঁহার গর্ভের খর্বতা স্বীকার করিলেন তজ্জন্য তাঁহাকে ঘৃণা করিতেছেন? যদি ঘৃণা করেন, তবে অত্যন্ত গর্ভিত ব্যক্তিও কারাবাস দুঃখে যে কতদূর অভিজুত হইয়া পড়ে তাহা আপনার বোধগম্য হয় নাই; এবং যে প্রীতি প্রভাবে একজন নির্বন্ধু ব্যক্তির মন বাতুলতা ও জড়তা হইতে রক্ষিত হয় তাহাও আপনি হৃদয়ঙ্গম করিতে পারেন নাই। আপনি তাঁহাকে যে দুর্ভাগ্যের জন্য নিন্দা করিতেছেন, ইহা তাঁহার প্রীতি ও কৃতজ্ঞতা-সমুদ্ভে-জিত-চিত্তের অবশ্যস্বাভাবী ভাব। আহা! এইরূপ পবিত্রভাবে অহঙ্কারী মন বিনীত হইলে কত না সুখের হয়!

তিন ঘণ্টা কাল তিন মাসের ন্যায় গত হইল, তথাপি আবেদনের কোন প্রত্যুত্তর আসিল না। চার্নির যে ভাবনা চিন্তা তাহা চার্নিই জানেন। তিনি আহাৰ গ্রহণ করিতে পারিলেন না। তিনি আপনা আপনি মনকে প্রবোধ দিতে লাগিলেন ‘ভাল উত্তর অবশ্য আসিবে; এ সামান্য প্রার্থনা গ্রাহ্য না হওয়া অসম্ভব। হা! অনুগ্রহটী হয়ত সময়ে পাওয়া গেল না; পিসিওলা মৃতপ্রায়।’ সন্ধ্যা আসন্ন, তাঁহার চিন্তার উপসন্ন হইল না; রাত্রি উপস্থিত, চার্নি চক্ষু মুদ্রিত করিতে পারিলেন না।

পরদিন প্রভাতে এই সংক্ষেপ উত্তর আসিল, “কারাগারের উঠান ইহার একটা প্রাচীরের সহিত যাঁথা, অতএব তাহা ভগ্ন হইতে পারে না।”

পিসিওলাকে তবে মরিতে হইল। তাহার গন্ধ দ্বারা দিনের ভিন্ন ভিন্ন সময় আর ঠিক হয় না; ঘড়ীর কল বিরক্ত হইলে যেরূপ হয়, তাহার অবস্থা সেইরূপ হইয়াছে। সে আর সম্পূর্ণরূপে সূর্যের দিকে ফিরিয়া থাকে না। তাহার পুষ্প সকল ম্লান হইয়া গেল। মুমূর্ষু বালিকা তাহার দুঃখার্ভ প্রণয়ীর প্রেমপাশ ছেদ করিয়া যেমন নয়ন মুদ্রিত করে, চার্নির প্রতি

রক্ষণী যেন সেইরূপ ব্যবহার করিল। চার্নি স্বীয় গৃহে বসিয়া একখানি উৎকৃষ্ট রুমালে যত্ন ও সতর্কতা পূর্বক কিছু লিখিতে নিবিষ্টচিত্ত হইলেন।

লেখা সমাপ্ত হইলে কাউন্ট রুমাল খানি যত্ন পূর্বক মুড়িলেন। তৎপরে উঠানে পিসিওলার নিকট গিয়া অক্ষুট স্বরে বলিলেন “আমি তোমাকে বাঁচাইব।” অতঃপর গিরহর্দির গবাঙ্ক হইতে এক গাছি দড়ী ফেলা ছিল, তাহাতে রুমাল বাঁধিয়া দিলেন। তাহা তৎক্ষণাৎ কেটানিয়া তুলিয়া লইল।

হা! চার্নি আপনার অভিমান আরও খর্ব করিলেন। পিসিওলার প্রাণ রক্ষার্থে তিনি নেপোলিয়নের নিকট একখানি আবেদন পত্র লিখিলেন। গিরহর্দি কাউন্টকে বলিয়াছিলেন পত্র পাঠাইবার লোক করিয়া দিবেন, কিন্তু টেরিসা স্বেচ্ছা-প্রবৃত্ত হইয়া পত্র লইয়া যাইতে প্রস্তুত, চার্নি তাহার কিছুই জানিতেন না। বালিকা বিদেশযাত্রার বড় অধিক উদ্যোগ করিতে পারিলেন না, প্রতিমুহূর্ত তাঁহার নিকট বহুমূল্য। তিনি অশ্রুচুড় হইয়া এক জন রক্ষক সঙ্গে সত্বর ফিনিষ্ট্রাল দুর্গ হইতে বহির্গত হইলেন। তাঁহারা যখন টিউরিন নগরে উপস্থিত হইলেন তখন সন্ধ্যাকাল। বালিকা সর্বাগ্রে এই নিরাশ সংবাদ পাইলেন নেপোলিয়ন আলেকজ্যান্ড্রিয়া যাত্রা করিয়াছেন। তাঁহার অভিষেক উৎসবে লোকেরা অত্যন্ত ব্যস্ত ও উন্মত্ত থাকাতে টেরিসার প্রশ্নের উত্তর শীঘ্র দিতে পারে না; তিনি তথাপি তৎক্ষণাৎ প্রতিজ্ঞা করিলেন যাহা মনস্থ করিয়া আসিয়াছি সিদ্ধ করিতেই হইবে, যে আপদ্ আইসে আইসুক। এইস্থানে তাঁহার সঙ্গী লোক জনিতে পারিলেন, যে আলেকজ্যান্ড্রিয়াতে যাইতে হইলে যত পথ আসা গিয়াছে তাহার দ্বিগুণ চলিতে হইবে, অতএব তিনি আর এক পদও অগ্রসর হইলেন না। তিনি টেরিসাকে রাত্রে সেই পান্থশালায় বিশ্রাম করিতে বলিয়া সত্বর বিদায় লইলেন—রাত্রি প্রভাত হইলেই তাঁহাকে বাটী প্রতিগমন করিতে হইবে। একাকী বিদেশে পড়িয়া রহিলেন ভাবিয়া সরলা টেরিসা প্রথমে হতজ্ঞান প্রায় হইলেন, কিন্তু তিনি প্রতিজ্ঞার কিছু মাত্র শৈথিল্য করিলেন না। তিনি শুনিলেন রাত্রি প্রভাত না হইলে কোন যান পাওয়া যাইবে না, কিন্তু আলস্যে সমস্ত রাত্রি অবসান করা তাঁহার পক্ষে দুঃসহ।



গৃহের এক পার্শ্বে দুই জন স্ত্রী পুরুষ ভোজন করিতেছিলেন, তাঁহা-  
দিগকে বণিকদের সহযাত্রী বোধ হইল। আস্তাপোলে তাহাদের ঘোড়া-  
দিগকে জাবনা দিবার কথা তিনি শুনিয়াছিলেন সত্য এবং পথ শ্রমের  
পর আশ্রয় পাইয়াও তাহারা সুখী হইয়াছে ইহাও তিনি শুনিলেন; কিন্তু  
তাহাদের সাহায্যের উপরেই তাঁহার একনাত্র ভরসা।

তিনি কাম্পিত স্বরে স্ত্রীলোকটীকে বলিলেন, “আমি একটা কথা  
জিজ্ঞাসা করি ক্ষমা করিবেন, আপনারা টিউরিন্ হইতে কোন্ দিকে  
যাইবেন?”

“ কেন গো! আমরা আলেকজান্দ্রিয়ায় দিকে যাইতেছি।”

“ আলেকজান্দ্রিয়া! আমার ইচ্ছা দেবতা দয়া করিয়া আমার জন্যই  
আপনাদিগকে এখানে আনিয়াছেন!”

“ স্ত্রীলোকটী বলিলেন “তবে তোমার ইচ্ছা দেবতাই আপনাদিগকে  
অতি কষ্টকর পথ দিয়া আনিয়াছেন।”

পুরুষটী টেরিসাকে সম্বোধন করিয়া বলিলেন “তুমি কি চাও?”

“অত্যন্ত আবশ্যিক কার্যে আলেকজান্দ্রিয়াতে যাইবার প্রয়োজন।  
আমাকে সজে করিয়া কি লইবেন?”

স্ত্রীলোকটী বলিলেন “ইহা অসম্ভব।”

টেরিসা উত্তর করিলেন “আমি আপনাদিগকে বেশী করিয়া ভাড়া  
দিব। আমি দশ মুদ্রা দিতেছি।”

তৎশ্রবণে পুরুষ পুনরায় বলিলেন “আমি জানি না, কেমন করিয়া  
ইহা হইবে। বসিবার স্থান অতি সঙ্কীর্ণ, তুমি বড় লোক নও বটে, কিন্তু  
তিন জনের সমাবেশ হওয়া ভার। আরও আমরা বিবিগানো পর্য্যন্ত  
যাইতেছি—আলেকজান্দ্রিয়ায় অর্দ্ধেক পথ অবশিষ্ট থাকিবে।”

“ভাল, ভাল, সেই পর্য্যন্তই লইয়া যান; কিন্তু এই মুহূর্ত্তে যাইতে  
হইবে।”

“এই মুহূর্ত্তে! কি আকাঙ্ক্ষা! প্রাতঃকাল না হইলে আমরা যাত্রা  
করিতে পারি না।”

“আমি আপনাদিগকে দ্বিগুণ ভাড়া দিব।”

“পুরুষ তাহার স্ত্রীর মুখপানে চাহিলেন, কিন্তু তিনি মাথা নাড়িলেন,  
বলিলেন “বেচারা জন্তুরা, মরিয়া যাইবে।”

তিনি ধীরে ধীরে বলিলেন “কিন্তু কুড়ীটা টাকা।”

কুড়ী টাকার এত মায়া, ১১টা বাজিবার পূর্বে টেরিসা শকটে সেই  
দম্পতির মধ্যস্থলে আসন প্রাপ্ত হইলেন।

টেরিসা যেক্রম ব্যস্ত তাহাতে পক্ষিরাজ ঘোড়া হইলেও সন্তুষ্ট হইতেন  
না। খচ্চর ঘোটক গলায় ঠন্ ঠন্ করিয়া ঘন্টার শব্দ করিতে করিতে  
আস্তে আস্তে চলিতে লাগিল, ইহা কি তাঁহার সহ হয়? তিনি বলিতে  
লাগিলেন “মহাশয়! ঘোড়া দুটী আর একটু শীঘ্র শীঘ্র চালান।”

পুরুষ উত্তর করিলেন “বৎসে! তোমার ন্যায় আমিও সমস্ত রাত্রি  
নক্ষত্র গণনা করিয়া কাটাইতে ইচ্ছা করি না, কিন্তু আমি বিবিগানোতে  
মৃণ্ময় পাত্র সকল লইয়া যাইতেছি, ঘোড়াদের পা সরিলে সে সকল চূর্ণ  
হইয়া যাইবে।”

“আ! মৃণ্ময় পাত্র” করুণ স্বরে এই কথা বলিতে বলিতে টেরিসার  
গণ্ডস্থল অশ্রুজলে ভাসিয়া গেল। বলিলেন “অনুতঃ আর একটু শীঘ্র  
চালাইতে কি পারেন না?”

“বড় অধিক নয়।”

এইরূপে অর্দ্ধ পথ শেষ হইল। “নির্ঝরিয়ে গম্যস্থানে পৌঁছও, এই  
আশীর্বাদ করিয়া বণিক প্রাতঃকালে তাঁহাকে রাস্তার ধারে নামাইয়া  
দিলেন।

টেরিসা প্রথম যে ব্যক্তিকে পথে দেখিলেন তাহাকে জিজ্ঞাসা করি-  
লেন “মহাশয়, আলেকজান্দ্রিয়াতে যাইবার শকট কোথায় পাই?”

বিদেশী বলিলেন “তুমি পাইবে আমার বোধ হয় না। আজি সন্ধ্যাট  
নারেক্সো নগরে সৈন্য পরিদর্শন করিতেছেন। তিন দিনের জন্য নমস্ত  
গাড়ী ও স্থান ভাড়া হইয়া গিয়াছে।”

তিনি আর এক জনকে সেই প্রশ্ন করিলেন। পথিক চিবাইয়া চিবা-  
ইয়া বলিলেন “তুমি পাপিষ্ঠ ফরাসীদিগকে ভাল বাস, না?”

অবশেষে ক্রোশ খানেকের জন্য তিনি একখানি গাড়ীতে একটু স্থান



সুখে  
রূপঃ  
চিত্তা  
কারি  
নিকে  
যেন  
চারি  
সাহা  
চারি  
করেন  
আমাঃ  
অনুমতি  
জগ  
আহা!  
জানেন  
পীড়িত  
যোগ পূ  
দেখিতে  
দেখিতে  
এ  
সে  
যে সংবা  
নং. রে. য  
বে  
বে

পাইলেন, কিন্তু পরে যে ভাড়া করিয়াছিল সে আসিয়া তাঁহাকে নামা-ইয়া দিল।” এখন বাহারা মারেঙ্গোতে সৈন্য প্রদর্শন দর্শনার্থ মহাভিড় করিয়া পদব্রজে যাইতেছিল, তিনি তাহাদের মধ্যে মিশিয়া গেলেন।

পাঁচ বৎসর পূর্বে যেখানে মারেঙ্গোর যুদ্ধ হয়, সেইখানে বিচিত্রবর্ণ পতাকা বেষ্টিত একখানি রত্নময় সিংহাসন প্রতিষ্ঠিত হইয়াছে। বিজেতা নেপোলিয়ন এই স্থানে উপবিষ্ট হইয়া জয়ী সৈন্যগণের ক্রীড়া দর্শনের মানস করিয়াছেন। তাঁহার সহচরগণ উজ্জ্বল পরিচ্ছদ পরিধান করিয়া ইতস্ততঃ পরিভ্রমণ করিতেছেন; ঢাক ও সানাই বাজিতে লাগিল, বায়ু হিল্লোলে পতাকা উড্ডীয়মান, চারিদিকে রক্ষক দল; জোজেফাইন সহচরী বর্গে সজ্জিত ও একখানি সিংহাসনে উপবিষ্ট, যুদ্ধের কৌশল সকল বুঝাইয়া দিবার নিমিত্ত তাঁহার নিকটে এক জন সেনাপতি রহিয়াছেন। মহারানী সৈন্য ক্রীড়া দর্শনে অভিনিবিষ্ট থাকিলেও নিকটে কিছু গোলযোগ দেখিতে পাইলেন; কারণ জিজ্ঞাসা করিয়া জানিতে পারিলেন একটা যুবতী ধূমের মধ্য দিয়া এবং অশ্ব পদাঘাতের ভয় না করিয়া রাজ্যীর নিকট একখানি আবেদন পত্র অর্পণ করিতে অত্যন্ত ব্যগ্র হইয়াছে।

টেরিসা রাজ্যীর সহিত সাক্ষাৎ করিয়া কি কললাভ করিলেন পশ্চাৎ তাহা বর্ণনা করা যাইবে।

### সরমা ও সুশীলার কথোপকথন।

সরমা। ভাই, আজি কালি মেয়ে মানুষে লজ্জা সরমের মাথা খেয়েছে। শ্বশুর ভাসুর শাস্ত্রী নন্দ দেখিয়া একটু ভয় সমীহ করে না। আর অধিক কি বলিব, স্বামীর সঙ্গেও নির্লজ্জ হসে কথাবার্ত্তা কর।

সু। সরমা! মেয়ে মানুষেরা কি গারোদে বাঁধা চোর? দেখ দেখি, ঈশ্বরের এত বড় জগতে সকল জীবজন্তু ইচ্ছামত ভ্রমণ করিয়া মনের সুখ লাভ করিতেছে। কিন্তু ইহাদিগকে চারি পাঁচিলে ঘেরা অন্তঃপুরের মধ্যে রুদ্ধ থাকিতে হয়। পাখীর যে পিঁজরাতে বদ্ধ থাকে, তাহার মধ্যে

তাহাদের একটু স্বাধীনতা আছে। চারি পাঁচিলের মধ্যেও নারীগণ একটু স্বাধীনতা না পাইলে তাদের বাঁচিয়া থাকা কেবল যন্ত্রণা মাত্র। আর আমি বলি কেবল ঘোমটা দিয়া জুজু হইয়া থাকিলেই যে মেয়ে মানুষ খুব ভাল হইল তাহা নয়। যার রীত চরিত্র ভাল, তাকেই ভাল বলি।

স। তোমরা কালের মত মেয়ে, তোমাদের ভাব গতিক আলাদা। কোন্ কালে মেয়েরা বেহায়া হয়ে ভাল রীত চরিত্র দেখাতে পেরেছে? কোন্ কালে আবার মেয়েরা লজ্জা খেয়ে গুরুলোকের সঙ্গে স্পৃষ্টাস্পৃষ্টি কথা কয়ে বেড়িয়েছে?

সু। যথার্থ লজ্জা নশ্রতা, বিনয়, সুশীলতা। তাহা স্ত্রীলোকের অলঙ্কার সন্দেহ নাই। কিন্তু যদি মনে সেরূপ ভাল ভাব না থাকে, বাহিরের লজ্জা কি কোন কাজের হয়? কত মেয়ে খুব লজ্জা দেখাত, কিন্তু চুঃখের কথা কি বলবো তারা অনায়াসে আবার বেশ্যাবৃত্তিও অবলম্বন করিয়াছে। খুব তিলক ফোঁটা কাটিয়া যারা বাহিরে ধার্মিক দেখায়, তাদের মধ্যেই ভণ্ড বেশী। যাহা হউক তুমি জেন, এখন স্ত্রীলোকদের মধ্যে যেরূপ ভণ্ড লজ্জা দেখা যায়, পূর্বকালে এরূপ ছিল না। সীতার ন্যায় সতী কে? কিন্তু তিনি রামচন্দ্র বনে গেলে কাহার কথা না শুনিয়া পতির অনুসরণ করিলেন এজন্য ত কেহ তাঁহাকে বেহায়া বলিল না। সাবিত্রী, দময়ন্তী প্রভৃতি যত বিখ্যাত রমণীর কথা শুনা যায়, কেহ ত পরিবারের মধ্যে ঘোমটা দিয়া বসিয়া ছিলেন না, অথচ তাঁহাদের ন্যায় পতিভক্তি-পরায়ণা ও গুণবতী রমণী কোথায় দেখা যায়? বেদ পুরাণ ও আর আর প্রাচীন শাস্ত্র যত পাঠ করা যায়, ততই দেখা যায় শাস্ত্রী নন্দ স্বামী কি শ্বশুর ভাসুরের সঙ্গে কোন স্ত্রীলোক কথাবার্ত্তা করা পাপ বিবেচনা করিতেন না। আজি কালি মেয়েদের ভাল গুণ থাকুক না থাকুক তাঁহারা বাহিরে লজ্জা দেখাইয়া বাহাছুরী করিতে চান!!

স। আমরা রামায়ণ মহাভারতে এসব কথা শুনেছি বটে, কিন্তু তুমি বল দেখি সে কালের সব ব্যাভার কি একালে খাটে? আর এরকম না কল্পেই বা ক্ষতি কি?



সু। এই তুমি বলিতেছিলে কোন্ কালে মেয়েরা এরূপ ছিল, কথা উল্টাইয়া লইলে। ভাল, পূর্বকালে এখনকার মত ভণ্ড লজ্জা দেখাইবার প্রথা ছিল না তাহা ত বুঝিয়াছ। সেকালের ভাল প্রথা একালে ঘটিবে না কেন তাহা ত বুঝিতে পারি না। বর্তমান প্রথায় কি ক্ষতি, বলিতেছি। জগদীশ্বর মুখ দেছেন কেন না মনের ভাব প্রকাশ করিবার জন্য। মেয়ে মানুষেরা কথা কহিতে পায় না বলিয়া তাহাদের মন চূপ করিয়া থাকে না। মনের কথা কাহার সঙ্গে প্রকাশ করিতে না পাইলে তার চেয়ে দুঃখ কি আছে? কত সময় তাহাদের পীড়া ও অনেক প্রকার কষ্ট উপস্থিত হয়, প্রথমে প্রকাশ করিতে না পারিয়া শেষে বিপরীত ঘটয়া উঠে। বাঘা শাস্ত্রী ননদের ঘরে নব-বধূদিগের যে ছুরবস্থা, তাহা কে বর্ণনা করিতে পারে? এই কারণে অনেকের অপঘাত মৃত্যু ও অপথে পদার্পণও হইয়া থাকে। আর মনে কর হিন্দুর ঘরের ৮।১০ বৎসরের একটি শিশু বাপ মা ভাই ভগিনী সকল পরি-ত্যাগ করিয়া শ্বশুর গৃহে আসিল। সেখানে সে যদি আপনার লোক না পায়, তাহাকে সর্বদা কুণ্ঠিত হইয়া মুখবন্ধ করিয়া থাকিতে হয়, কাহার মুখপানে চাহিয়া স্নেহ পাইবার আশা না থাকে সে কিরূপে জীবন ধারণ করিতে পারে? অনেক গৃহে নববধূদের যে কষ্ট তাহা তাহারা জানে আর সেই অন্তর্ধানী পুরুষই জানেন। শাস্ত্রমতে পতির গৃহই স্ত্রীলোকের গৃহ, পতির পিতা মাতা ভাই ভগিনী তাহারও পিতা মাতা ভাই ভগিনী। তবে তাহাদের নিকট এত লজ্জা কেন? লজ্জা পর বা পাপ বোধ করাই-বার চিহ্ন। গৃহ, পিতা মাতা ভাই ভগিনী আপনার সামগ্রী সকল যাহা দ্বারা পর বোধ হয়, এমন লজ্জার ন্যায় শত্রু আর কে আছে? আর পিতা মাতা ভাই ভগিনী আত্মীয়গণের নিকট সরল ভাবে মনের কথা প্রকাশ করিলে তাহাতে যে পাপ আরোপ করে তাহার ন্যায় কু আচার বা জগতে কি আছে?

লজ্জা থাকতে যাহার প্রতি যে কর্তব্য তাহা প্রতিপালন করিবার অনেক ব্যাঘাত হয়। স্ত্রীলোকেরা যদিও হীনবল, কিন্তু তথাপি তাঁহারা অশেষ প্রকারে পরিবারের সাহায্য করেন ও করিতে পারেন। কিন্তু অনেক

সময় কুৎসিত লজ্জা আসিয়া আপনার অতি আত্মীয় জনের বিপদ পীড়া ও দুর্ঘটনার সময় সাহায্য করিতে দেয় না। কত সময় বধু বা ভাদ্রবধুর সম্মুখে শ্বশুর বা ভাসুর যদি শ্রাণত্যাগ করেন, তথাপি তাহার হস্ত প্রসারণ করিবার ক্ষমতা নাই, একটী মাস্তুলনার কথা বলিবার উপায় নাই। একি সামান্য দুঃখের কথা! এ সকল শাস্ত্র ছাড়া-যুক্তি ছাড়া।

স। লজ্জা দ্বারা অনেক ক্ষতি হয় তাহার সন্দেহ কি? কিন্তু তুমি যে বলিলে ইহা শাস্ত্র ছাড়া, যুক্তি ছাড়া তবে সকলে ইহা ধরিয়া চলে কেন?

সু। এতদিন স্ত্রীলোকে লেখাপড়া শিখত না কেন? হিন্দুরা জাহাজে চড়িয়া বিদেশে যাইত না কেন? বিধবাবিবাহ মন্দ ও সহমরণ ভাল বলিয়া প্রসিদ্ধ ছিল কেন? দেশাচার ও কুসংস্কারে কি না করে? তবে যে প্রথাটি হয় তাহার একটা না একটা কারণ থাকে। স্ত্রীলোকের নম্রতা থাকা উচিত ইহা বেশী করিতে গিয়া এবং পুরুষেরা একটু আপনাদের কর্তৃত্ব বাড়াইতে গিয়া স্ত্রীলোকদিগকে জুজু করিয়া ফেলিয়াছেন। এপ্রথা কোন দেশে নাই এদেশেও থাকিবে না।

স। আচ্ছা, বাড়ীর আর আর লোকের সঙ্গে কথা কহুক, কিন্তু বল দেখি বৌ হইয়া স্বামীর সঙ্গে স্পর্শাস্পর্শি কথাবার্তাটা কি ভাল দেখায়?

সু। পতিই স্ত্রীলোকের গতি, পতিই স্নহদ-বন্ধু সকলই। পতির ন্যায় আত্মীয় কে হইতে পারে? পূর্বকালের সতীর পতির জন্য কি না করিয়াছেন? কিন্তু কি আশ্চর্য্য একেলে সংস্কার! এমন পরম আত্মীয় পতির সহিত কথা কহাও দূষ্য! পতি ও পত্নীর মধ্যে যে ধর্ম সম্বন্ধ আছে তাহা না দেখিয়া লোকে কুৎসিত ভাব গ্রহণ করে এবং তাঁহারাও পর-স্পরকে দেখিয়া লজ্জিত হন ইহা অপেক্ষা আনাদের সমাজের জঘন্যতার পরিচয় আর কি আছে? আমি তোমাকে পূর্বকালের যে সকল সতী রমণীর কথা বলিয়াছি, তাঁহাদের দৃষ্টান্ত দেখিয়া সকলেরই চলা উচিত। স্বামীর সঙ্গে এক হৃদয় হওয়াই সতীর লক্ষণ। স্বামীর সুখে সুখ, দুঃখে দুঃখ বোধ করা, ছায়ার ন্যায় সকল কার্যে তাঁহার অনুবর্তিনী হওয়া এবং সখীর ন্যায় তাঁহার হিতকর্ম্ম করা, শাস্ত্রমতে এইত সতীর প্রধান ধর্ম। যদি স্বামী ও পত্নীর মধ্যে লজ্জা আসিয়া পরস্পরকে পর করিয়া দেয় এবং পাপের ভাব



সঞ্চার করে তাহা হইলে প্রকৃত দাম্পত্য ধর্ম কোন রূপেই রক্ষা পাইতে পারে না। আজি তোমাকে এই অবধি বলিলাম, পরে আর আর কথা বলিব। আমার ইচ্ছা স্ত্রীলোকেরা একরূপ জঘন্য লজ্জা পরিত্যাগ করিয়া গৃহে স্বাধীন ভাবে আত্মায়গণের প্রতি যথা কর্তব্য সাধন করুন। ইহা কি তোমার ইচ্ছা নয়?

স। তুমি যে কথা গুলি বলিলে তাহা অকাট্য এবং তাহার মত যতদিন আমরা চলিতে না পারি ততদিন আমাদের কেবল তপ্তামী এবং সকল বিষয়েই কষ্ট তাহাতে কিছুমাত্র সন্দেহ নাই। নম্রতা, বিনয়, সুশীলতা এই সকলই প্রকৃত লজ্জা। যে তুমি বলিলে তাহা সত্য এবং তাহা কেবল সাত হাত ঘোমটা দিলেও হয় না, মুখে গো দিয়া থাকিলেও হয় না। ভাল কার্য্য দ্বারাই ভাল গুণ প্রকাশ পায়।

### সাঁওতাল জাতির বিবাহ প্রণালী।

ভারতবর্ষ প্রধানতঃ যদিও হিন্দু জাতির বাসস্থান, কিন্তু ইহাতে আরও অনেক জাতি বাস করিয়া থাকে। অনেক ইউরোপীয় পণ্ডিতের মতে হিন্দুরা এখানকার আদিম নিবাসী নহেন, তাঁহারা সিন্ধু নদীর পশ্চিম পার হইতে আসিয়া এদেশ জয় করিয়াছিলেন। সাঁওতাল, কুকী, গারো, খাসী প্রভৃতি যে সকল অসভ্য জাতি জঙ্গল ও পর্বতমাধ্যমে বাস করে, তাহাদিগকেই ভারতবর্ষের আদিম অধিবাসী বলিয়া গণনা করা যায়। এই অসভ্য জাতির বহুকালাবধি প্রায় একই অবস্থায় রহিয়াছে। ইহাদিগের আচার ব্যবহার রীতি নীতি হিন্দুদিগের হইতে বিভিন্ন, কিন্তু মনোযোগ পূর্বক আলোচনা করিলে তাহা হইতে আমরা অনেক বিষয় শিক্ষা করিতে পারি। অদ্য আমরা সাঁওতাল জাতির কিঞ্চিৎ বিবরণ প্রকাশ করিতেছি।

বঙ্গদেশের পশ্চিমাংশে বীরভূম হইতে ভাগলপুর পর্য্যন্ত সাঁওতাল জাতির বাসভূমি। ইহা দীর্ঘে ২০০ ও প্রস্থে প্রায় ৫০ ক্রোশ। ইহাদিগের লোক সংখ্যা প্রায় ২০,০০,০০০ কুড়ী লক্ষ। তাহাদের সকলের

এক ভাষা, একরূপ পরিচ্ছদ, এক প্রকার ধর্ম প্রণালী এবং একবিধ আচার ব্যবহারও দেখা যায়।

ইহাদিগের ছয়টি প্রধান সংস্কার। ১—পরিবার মধ্যে গ্রহণ বা জাত কর্ম; ২—বংশ মধ্যে গ্রহণ; ৩—জাতি মধ্যে গ্রহণ বা দীক্ষা সংস্কার; ৪—ছই বংশের যোগ বা বিবাহ; ৫—অন্ত্যেষ্টিক্রিয়া; ৬—পরলোক গত পূর্ব পুরুষদিগের সহিত যোগ।

বিবাহ সংস্কার সাঁওতালদিগের প্রধান সংস্কার। হিন্দুদিগের ন্যায় বাল্যবিবাহ তাহাদের মধ্যে দেখা যায় না এবং বালক বালিকার উদ্বাহ প্রথা তাহাদের নিকট নিতান্ত ঘণাকর। পুরুষের ১৬।১৭ এবং স্ত্রীলোকের ১৫ বৎসর না হইলে বিবাহ হয় না এবং সচরাচর এই নির্দিষ্ট বয়ঃক্রমেই বিবাহ হইয়া থাকে। এই প্রথা থাকাতে তাহাদের মধ্যে অসভ্যতার নাম প্রায় শুনা যায় না এবং অনেকে রক্ত বয়সে বহুসংখ্যক পৌত্র প্রপৌত্রের মুখ দর্শন সুখ লাভ করেন। পরিবারের সংখ্যা অধিক হইলে তাহাদিগের ভরণ পোষণের কষ্ট হয় না, তাহাদের মধ্যে সভ্যজাতির ন্যায় বিলাসিতা নাই, সামান্য কুটার ও অন্ন বস্ত্রেই তাহারা রাজার মত দিন কাটাইয়া দেয়। এক সাহেব বলেন “১৮৬৬ সালের দারুণ দুর্ভিক্ষ ভিন্ন আর কোন সময়ে আমি সাঁওতাল গ্রামে ভিক্ষুক দেখি নাই।”

সাঁওতালদিগের একটু বিবেচনা শক্তি জন্মিলে বিবাহ হয়, এই জন্য স্ত্রী-পুরুষ পরস্পরকে মনোনীত করিতে পারেন। কিন্তু তাহাতে পিতা মাতারও কর্তৃত্ব এককালে লোপ পায় না। কাহার বিবাহের প্রয়োজন হইলে যুবকের পিতা যুবতীর পিতার নিকট ঘটক পাঠাইয়া দেন। ইহারা ঘটককে ‘রায়বারী’ বলিয়া থাকে। যুবতীর পিতা শান্তভাবে প্রস্তাব গ্রহণ করেন এবং পরে আপনার স্ত্রীর সহিত পরামর্শ করিয়া উত্তর দেন “যুবক ও যুবতীর পরস্পরের সহিত সাক্ষাৎ হউক, তৎপরে অন্য সকল কথা স্থির হইবে।” নিকটস্থ একটা বাজারে সাক্ষাৎকারের স্থান নির্দিষ্ট হয়। নির্দিষ্ট দিনে নির্দিষ্ট স্থানে দেখা সাক্ষাৎ হইলে যুবক যুবতী যদি পরস্পরের প্রতি সন্তুষ্ট হয়, যুবকের পিতা বালিকাকে কোন প্রকার খেলনা কিনিয়া দেন, এবং তিনিও তাঁহার বধূ হইতে ইচ্ছুক, ইহা সাধা-



রণের নিকট জানাইবার জন্য দণ্ডবৎ হইয়া প্রণাম করেন। বালিকার আত্মীয়গণ পরে বরের বাটী দেখিতে যান, বর তাঁহাদিগের মুখ চুম্বন করেন এবং প্রত্যেককে এক একবার আপনার হাঁটুর উপর বসান। কন্যার ভাইদিগকে কিছু কিছু অর্থ পুরস্কার দিতে হয়; কিন্তু কন্যার পিতাকে একটা পাকড়ী ও কার্পাসের পোসাক উপহার না দিলে নয়। বরের কুটুম্বেরা তৎপরে কন্যার পিতার গৃহ দর্শন করিতে যায়। কন্যা তাহাদিগের প্রত্যেককে এক একবার জামুর উপর বসাইয়া সম্মান করেন এবং তাঁহার কুটুম্বদিগকে বর যেরূপ অর্থ দিয়াছেন ঠিক সেইরূপ দান করেন। এইরূপ লৌকিকতা দ্বারা কুটুম্বেরা পরস্পরের সন্তান ও বন্ধুতা প্রকাশ করিলে বরের পিতা ঘটক দ্বারা কন্যার পিতা মাতার নিকট বিয়োড় সংখ্যক মুদ্রা পাঠাইয়া দেন। এই মুদ্রা গ্রহণ করিলেই বালিকা ভিন্ন গোত্র অর্থাৎ বরের গোত্র হইল। অনন্তর বিবাহোদ্যোগ হয়। কন্যার কুটুম্বগণ নিজ গ্রামে একটা কাটগড়া বাঁধে, বর ও বরযাত্রগণ তথায় উপস্থিত হন। বরযাত্রগণ বিবাহ সভায় মৌয়ানক্ষের\* একটা ডাল পোতে এবং তাহার তলে এক পাত্র ধন রাখে। এই ধন কন্যার বাটীর লোকে এক প্রকারে ভিজাইয়া সিন্দুর মাখাইয়া রাখে। পরে বরের অঙ্গরাগ আরম্ভ হয়। কন্যার বাটীর স্ত্রীলোকগণ তাহাকে স্নান করায়, তাহার চুল আঁচড়াইয়া দেয় এবং পুরাতন বস্ত্র বদলাইয়া সিন্দুর মাখান নূতন বস্ত্র পরাইয়া দেয়। পঞ্চম দিনে বর নূতন বস্ত্রে সজ্জিত হইয়া বাহকের স্কন্ধে চাপিয়া কন্যার গৃহে গমন করে। বরযাত্র ৫ জন একটা চাঙ্গারিতে কন্যাকে বসাইয়া দেয় এবং তাহার কনিষ্ঠভ্রাতা তাহার প্রতিনিধি হইয়া বরকে অভ্যর্থনা করে। পরস্পরের নমস্কার প্রতি-নমস্কার হইলে কন্যাকে চাঙ্গারিতে করিয়া বাহির করা হয়। বর ও কন্যার মধ্যে একখানি কাপড় খাঁটান হয় এবং তাহার দুই দিক হইতে তাহারা পরস্পরের গাত্রে জলের ছিটা দিতে থাকে। বর উচ্চৈঃস্বরে একটা দেবতার নাম করিতে থাকে এবং লোকেরা বলিয়া উঠে “এ বালিকা তোমার স্ত্রী, ইহাকে ঘোড়া হইতে তুলিয়া লও।” কুটুম্বেরা বর কন্যার গাঁটছড়া বাঁধিয়া দেন।

\* এক প্রকার মাদক গাছ। ইহা হইতে মদ তৈয়ার হয়, তাহা সাঁওতালের খুব খাইয়া থাকে।

বিবাহ কার্য শেষ হইলে আত্মীয় রমণীগণ জলন্ত অঙ্গার আনিয়া লাঠি দিয়া গুঁড়া করিতে থাকে, তাহাতে পূর্ক পরিবারের সহিত কন্যার সকল যোগ বিচ্ছিন্ন হইল, ইহা বুঝায় এবং পিতৃগোত্রের সহিত তাহার একেবারে ছাড়াছাড়ি হইল ইহা জানাইবার নিমিত্ত সেই অগ্নি জল দ্বারা নির্বাণ করা হয়।

বিবাহের পর মশাল জ্বালিয়া গৃহে যাওয়ার ন্যায় আনন্দকর উৎসব আর কিছুই নাই। মশালধারী লোক সকল দলবদ্ধ হইয়া পূর্বোক্ত কাটগড়ার নিকটে সিঁড়ুর মাখান ধানের পাত্র দেখিতে যায়। যদি তাহাতে অনেক অঙ্কুর হইয়া থাকে সন্তান অনেক হইবে, যদি অল্প সংখ্যক হয় সন্তানও কম হইবে, আর যদি ধান্য মূলেই অঙ্কুরিত না হয় বিবাহ অলক্ষণ বলিয়া তাহারা স্থির করে। তৎপরে তাহারা মশাল হস্তে ঢাক ঢোল বাজাইতে বাজাইতে বৃক্ষশ্রেণীর মধ্যবর্তী পথ দিয়া অগ্রসর হয়। তাহাদিগের ঘোর নাদে পক্ষীগণ চমকিয়া বৃক্ষ হইতে পড়িয়া যায়। ইহারা বরের গ্রামের নিকটবর্তী হইলে গ্রামবাসিনী কুমারীগণ প্রায় এক ক্রোশ দূর হইতে কন্যাকে অভ্যর্থনা করিতে আইসে এবং গানবাদ্য করিতে করিতে তাহার পতি গৃহের দ্বার পর্যন্ত গমন করে।

সাঁওতালেরা এক স্ত্রীর অধিক বিবাহ করে না, কেবল সন্তান না জন্মিলে তাহারা দ্বিতীয় স্ত্রীর পাণিগ্রহণ করে। কিন্তু সেরূপ স্থলে প্রথম পত্নীকে গৃহের কর্তা করিয়া রাখে। তাহাদিগের মধ্যে স্ত্রী বা স্বামী পরিত্যাগ করিবার দৃষ্টান্ত অতি বিরল এবং সেরূপ করিবার প্রয়োজন হইলে স্বামী বা স্ত্রী জাতি কুটুম্বগণের সম্মতি ভিন্ন করিতে পারে না। পাঁচ জন নিকট সম্পর্কীয় আত্মীয় একত্র হইলে পরিত্যাগেছু পতি বা পত্নীকে আপনার সমুদয় কক্ষের বস্ত্রান্ত বলিতে হয় এবং তাহারা সমুদয় আহুপূর্বিক গুনিয়া যেরূপ বিহিত হয় সিদ্ধান্ত করিয়া দেন। পরিত্যাগ অনুমতি প্রদান করিলে পরিত্যাগেছু ব্যক্তি পঞ্চায়তের সম্মুখে একটা পত্র দ্বিখণ্ড করিয়া ফেলে, তাহাতে সেই অবধি পতি পত্নী সম্বন্ধ ছিন্ন হইল বুঝিতে হইবে।



## স্ত্রীলোকদিগের বিবাহ যোগ্য বয়ঃক্রম।

হিন্দু-বালিকাদিগের বিবাহ যোগ্য বয়স স্থির করিবার নিমিত্ত ভারত সংস্কার সভার সভাপতি বাবু কেশবচন্দ্র সেন কলিকাতাস্থ প্রধান প্রধান হিন্দু, মুসলমান ও ইংরেজ ডাক্তারদিগের মত জিজ্ঞাসা করিয়াছিলেন। সকল ডাক্তারেরাই এ বিষয়টী অত্যন্ত আবশ্যিক বলিয়া স্বীকার করিয়াছেন এবং পরিশ্রম পূর্বক আপনাদিগের মত প্রদান করিয়াছেন। আমরা নিম্নে বাবু মহেন্দ্রলাল সরকার এম ডি মহাশয়ের ব্যবস্থা প্রকটন করিতেছি। ইনি এদেশীয় কৃতবিদ্যাগণের মধ্যে একজন প্রধান বলিয়া গণ্য, অত্যন্ত স্বাধীনপ্রকৃতি এবং দেশ হিতকর অনেক কার্যে প্রাণপণ স্বীকার করিয়া চেষ্টা করিতেছেন। ইহার বাক্য এদেশীয় ব্যক্তিদিগের যে সর্বিশেষ আদরণীয় ও বিবেচনা যোগ্য হইবে তাহার সন্দেহ নাই। অন্যান্য ডাক্তারের মত এবং বর্তমান বিষয়ে আমাদিগের অভিপ্রায় পশ্চাৎ প্রকাশ করিবার মানস রহিল।

“আমার সামান্য বিবেচনায় বাল্যবিবাহ আমাদের দেশের সর্বাপেক্ষা প্রধান অনঙ্গলকর প্রথা। হিন্দু-জাতির প্রারম্ভ হইতেই ইহার আরম্ভ হইয়াছে এবং ইহা দ্বারা আমাদের জাতীয় উন্নতির সমূহ ব্যাঘাত করিয়াছে। যে দিন হইতে অঙ্গীরা মুনির মুখ হইতে নিম্নোক্ত ভয়ানক বাক্য নিঃসৃত হইল এবং সেই বাক্য কেবল ব্যবস্থা নয়, কিন্তু ব্যবস্থা অপেক্ষাও অধিক ক্ষমতাশালী ও অনিষ্টকর দেশাচারে পরিণত হইল, সেই দিন হইতে এদেশের অধঃপতন ও ভ্রষ্টাচারের সূত্রপাত নির্দেশ করিতে হইবে :—

অষ্টবর্ষা ভবেৎ গৌরী নববর্ষাতু রোহিণী।

দশমে কন্যাকা প্রোক্তা অত উর্দ্ধং রজস্বলা ॥

তস্মাৎ সংবৎসরে প্রাপ্তে দশমে কন্যাকা বুধেঃ।

প্রদাতব্য প্রযত্নেন ন দোষঃ বাল দোষতঃ ॥

অষ্টম বর্ষীয়া বালিকা গৌরী অর্থাৎ দুর্গা দেবীর ন্যায় পবিত্র স্বভাব ; নববর্ষীয়া বালিকা রোহিণী অর্থাৎ চন্দ্রের পত্নীর ন্যায় ; দশম বর্ষীয়াকে

কুমারী বলা যায় ; ইহার অধিক বয়স হইলে স্ত্রীলোককে রজস্বলা বা ঋতুমতী বিবেচনা করিতে হইবে। অতএব জ্ঞানিগণ দশম বর্ষ প্রাপ্ত হইলেই কন্যাদিগকে সর্ব প্রযত্নে বিবাহ দিবেন, ইহাতে বালিকা বলিয়া যে দোষ তাহা স্পর্শ হইবে না।

এই অসঙ্গত মত কিরূপে যে সকলের অনুমোদিত ও বিবাহের নিয়ম বলিয়া গৃহীত হইল ; আমি তাহা বুঝিতে অক্ষম। হিন্দুদিগের মনে অল্পে অল্পে যে বিকৃত ভাবের সঞ্চার হইতেছিল ইহা তাহারই বাহু নিদর্শন বলিয়া প্রতীয়মান হয়। আমার বিশ্বাস, এক্ষণে উৎকৃষ্টতর নিয়ম অবলম্বনের সময় উপস্থিত হইয়াছে।

মহু বিবাহ যোগ্য বয়স ন্যূন কল্পে দ্বাদশ বা অষ্ট বর্ষ অবধারণ করিয়াছেন :—

ত্রিশদ্বর্ষে বহেৎ কন্যাং হৃদ্যাং দ্বাদশ বার্ষিকীং।

ত্র্যষ্টবর্ষাষ্টবর্ষায়া ধর্ম্মে সীদতি সত্বরঃ ॥

ত্রিশ বৎসরের পুরুষ দ্বাদশ বর্ষীয়া রমণী মনোনীত হইলে বিবাহ করিতে পারে এবং ২৪ বৎসরের পুরুষ অষ্টবর্ষীয়া কন্যার পাণিগ্রহণ করিতে পারে। ইহার পূর্বে বিবাহ করিলে ধর্ম্ম পতিত হইতে হয়।

আমাদের জানা উচিত, মহু এই ব্যবস্থা দ্বারা স্ত্রী ও পুরুষের বিবাহের ন্যূনকল্প বয়স নিরূপণ করিয়াছেন। ইহার অপেক্ষা অধিক বয়সে বিবাহ করিতে তিনি নিষেধ করিতেছেন না। প্রত্যুত ত্রিশ বৎসরের পুরুষ দ্বাদশ বর্ষের ন্যূন বয়স্কা কন্যাকে বিবাহ করিবেন না ইত্যাদি তিনি স্পষ্টাক্ষরে নির্দেশ করিয়াছেন। ত্রিশ বৎসরের পুরুষ ১২ বৎসরের অধিক বয়সের কন্যার সহিত পরিণীত হইবেন না, এরূপ মত তিনি প্রকাশ করেন নাই। তাঁহার বাক্যের এই মাত্র উদ্দেশ্য যে বর ত্রিশ বৎসরের হইলে কন্যা যেন দ্বাদশ বর্ষের ন্যূন বয়সের না হয়। একই শ্লোকের মধ্যে ২৪ বৎসরের পুরুষ ৮ বৎসরের কন্যা বিবাহ করিবেন বলাতে এই উদ্দেশ্য আরও স্পষ্ট প্রকাশ পাইতেছে। অন্য এক শ্লোকে মহুর মত অনুধাবন করিয়া দেখিলে উপরি উক্ত বাক্যের তাৎপর্য উৎকৃষ্টতর রূপে বোধগম্য হইতে পারে।



কাম নামরণ্যন্তিষ্ঠেৎ গৃহে কন্যার্তুমতাপি ।  
নচৈবৈনাং প্রযচ্ছতু গুণহীনায় কহিচ্চিৎ ॥

বালিকা ঋতুমতী হইয়া বরং মৃত্যু পর্য্যন্ত পিতৃগৃহে অবস্থান করিবেক, তথাপি গুণহীন ব্যক্তির হস্তে প্রদত্ত হইবেক না।

এটা নিশ্চয়ই স্পষ্ট আদেশ। হিন্দু-সমাজ কেন এ বাক্য অগ্রাহ্য বা অবহেলা করেন? মনুর ব্যবস্থা যে অঙ্গীরা অপেক্ষা শ্রেষ্ঠতর ইহা সর্ববাদি-সম্মত। তবে যে বিষয় অত্যন্ত গুরুতর এবং আমাদের আয়ুর্বেদ শাস্ত্রে যাহার প্রতিপোষক প্রমাণ রহিয়াছে সে বিষয়ে অঙ্গীরার মত কেন বলবৎ বলিয়া স্বীকার করা হয়?

বৈদিক সময়ে ন্যূনকল্প বিবাহ যোগ্য বয়স কত ছিল, তাহা নিরূপণ করিবার কোন উপায় নাই। অন্ততঃ আমি তৎ-নিরূপণের সম্ভোষজনক কোন উপায় দেখিতে পাই নাই। সেই জন্য প্রাচীন চিকিৎসা শাস্ত্রকারেরা শারীরিক-নিয়ম-বিরুদ্ধ বাল্যবিবাহ কুপ্রথার অনুমোদন করেন কি না, ইহা জানিবার নিমিত্ত চিকিৎসা শাস্ত্র সকল দেখিতে হইয়াছে। ইহাতে অনেক সময় গিয়াছে এবং আমার প্রত্যুত্তর প্রেরণের বিলম্ব হইয়াছে। আমি অনুসন্ধান করিয়া যতদূর জানিতে পারিয়াছি তাহাতে হিন্দু-প্রাচীন তম চিকিৎসা পুস্তক চরক সংহিতায় প্রথম ঋতুকাল অথবা ন্যূনকল্প বিবাহ যোগ্য বয়স কিছু নির্দিষ্ট নাই। কিন্তু তদনুরূপ প্রসিদ্ধ ও প্রাচীন সুশ্রুত চিকিৎসা শাস্ত্রে ঋতু আরম্ভ ও শেষ হইবার সময় স্পষ্টাক্ষরে লিখিত আছে:—

রসাদেব স্ত্রিয়ারক্তং রজঃসংক্রমং প্রবর্ততে ।

তদ্বর্ষাদ্বাদশাদুর্দে য়াতি পঞ্চাশতং ক্ষয়ম্ ॥

উদরস্থ দুষ্কবৎ পদার্থ হইতে স্ত্রীলোকদিগের ঋতুর রক্ত প্রবাহিত হয়। দ্বাদশবর্ষের পরে ইহার আরম্ভ এবং পঞ্চাশের পর শেষ হয়।

যে বয়সের পূর্বে স্ত্রীলোকের গর্ভবতী হওয়া উচিত নয়, তাহাও নির্দিষ্ট হইয়াছে:—

উনষোড়শবর্ষায়া মপ্রাপ্তঃ পঞ্চবিংশতিং ।  
যদাধত্ত পুমান্ গর্ভং কুক্ষিস্থঃ স বিপদ্যতে ॥  
জাতো বা ন চিরং জীবে জ্জীবৈছা দুর্কলেন্দ্রিয়ঃ ।  
তস্মাদত্যন্ত বাল্যায়াং গর্ভাধানং ন কারয়েৎ ॥

পাঁচিশ বৎসরের ন্যূন বয়স্ক পুরুষ হইতে ষোড়শ বর্ষের ন্যূন বয়স্ক স্ত্রীর যদি গর্ভাধান হয়, সে গর্ভজাত সন্তান গর্ভেই মরিবে, যদি না মরে দীর্ঘায়ু হইবে না; যদি দীর্ঘায়ু হয় তাহা হইলে তাহার সকল ইন্দ্রিয় দুর্কল থাকিবে। অতএব অত্যন্ত অল্প বয়সে স্ত্রীলোকেরা গর্ভধারণ করিবেন না।

এস্থলে দ্বিভাবের কোন কথা নাই। গর্ভধারণের ন্যূনকল্প বয়স এই মতে স্পষ্ট প্রতিপন্ন হইতেছে। অঙ্গীরার মত ও বর্তমান কালের প্রচলিত আচার অপেক্ষা ইহাতে যে অধিক বয়স নির্দিষ্ট হইয়াছে তাহাতে আর সন্দেহ মাত্র নাই। সুশ্রুতর পুস্তক যখন রচিত হয় তখনও বাল্যবিবাহের অনিষ্টকর ফল প্রত্যক্ষ গোচর হইয়াছিল এবং তাহারই বিরুদ্ধে যেন উপরি উক্ত বচন লিখিত হইয়াছিল বোধ হইতেছে।


( ক্রমশঃ ) ।

## বাগ্‌যন্ত্র ।

মানুষেরা ঢাক ঢোল হইতে অর্গান্ ও হার্মোনিয়ম পর্য্যন্ত অনেক প্রকার বাদ্যযন্ত্র নির্মাণ করিয়াছেন, কিন্তু আমাদের শরীরের মধ্যে পরমেশ্বর আশ্চর্য্য কৌশলপূর্ণ যে বাক্ষন্ত্রের সৃষ্টি করিয়াছেন তাহার সহিত তাহার তুলনা হয় না। যত রকম মানুষ তত রকম স্বর; এক মানুষের আবার ভিন্ন ভিন্ন বয়সে ভিন্ন প্রকার স্বর; এই স্বর আবার কত শীঘ্র শীঘ্র মনের ভাব সকলকে বাক্যে সাজাইয়া প্রকাশ করে; হাস্য, ক্রন্দন, ক্রোধ দয়া প্রভৃতি ভিন্ন ভিন্ন ভাবের স্বতন্ত্র স্বতন্ত্র পরিচয় দেয় এবং সঙ্গীত দ্বারা জগৎকে মোহিত করিয়া থাকে। এ সকল ব্যাপার সর্বদা দেখিতেছি




বলিয়া আশ্চর্য্য বোধ হয় না, কিন্তু বিবেচক হইয়া একটু স্থিরচিত্তে ভাবিতে গেলে অবাক হইতে হয়।




- ১—নাসিকা।
- ২—জিহ্বা।
- ৩—আলজিব
- ৫—গলদেশ।
- ৬—বাক্যন্ত্র।
- ৭—ফলকাকৃতি গ্রন্থি।
- ৮—শ্বাসনলী।
- ৯—গলনলী।

১। গলদেশ।

- ৮—ফলক উপাঙ্গি।
- ৯—অঙ্গুরীয়।
- ১০—ফলকান্ধুরীয় মাংসপেশী।
- ১১—ঐ বন্ধনী।
- ১২—শ্বাসনালীর প্রথম অঙ্গুরীয় সকল।



২। বাক্যন্ত্রের একপার্শ্ব।



- ১—গলার ছিদ্র।
- ২—ধুস্তরা পুষ্পাকৃতি উপাঙ্গি।
- ৩—স্বরসূত্র।
- ১০—পশ্চাতের অঙ্গুরীয় ধুস্তরা বন্ধনী।
- ৪—ঐ যোজক মাংসপেশী।
- ৫—দক্ষিণ পার্শ্বস্থ ঐ।
- ৬—ধুস্তরার মাংসপেশী।
- ৭—বামপার্শ্বস্থ ফলক ধুস্তরা যোজক মাংসপেশী।
- ৮—ফলক উপাঙ্গি।
- ৯—অঙ্গুরীয়।

৩। বাক্যন্ত্রের অভ্যন্তর।

গলার ভিতর দুইটি নলী আছে, একটা পশ্চাতে ঘাড়ের দিকে, তাহারই মধ্য দিয়া আহার পাকস্থলীতে যায়; আর একটা সম্মুখে টুঁটির কাছে, তাহারই মধ্য দিয়া নিঃশ্বাস প্রশ্বাস নাসিকা হইতে বুকের ভিতর যাতায়াত করে। সম্মুখের নলীটিকে শ্বাসনলী কহে, ইহারই উপরিভাগ বাগ্যন্ত্র। ইহা একটা ত্রিকোণ বাক্সের মত, ইহার সম্মুখে একটা উঁচু শির এবং পশ্চাত্তাগ ও দুই পার্শ্ব প্রশস্ত। ইহার নীচের দিক সরু এবং উপরিভাগ বিস্তৃত। জিহ্বার পশ্চাতে যে আলজিব আছে তাহা এই বস্তুর উপরি ভাগের ঢাকনীর কাজ করে। যখন নিঃশ্বাস প্রশ্বাস চলে তখন ঢাকনী খোলা থাকে, কিন্তু কোন দ্রব্য গিলিবার সময় ঢাকনীটি সাবধানে বাগ্যন্ত্রের মুখ বন্ধ করিয়া রাখে। কুটার মত একটা বস্তু ও শ্বাসনালীতে গেলে তৎক্ষণাৎ বিঘ্ন লাগে এবং দম আটকাইয়া প্রাণ বিয়োগের সম্ভাবনা। এই আলজিব প্রতিক্ষণ আমাদিগকে মৃত্যু হইতে রক্ষা করিতেছে, অথচ আমরা তাহার কিছুই জানি না।

বাগ্যন্ত্র কতকগুলি উপাঙ্গি, (১) বন্ধনী, (২) মাংসপেশী, (৩) স্নায়ু (৪) ও শিরা (৫) দ্বারা রচিত। উপাঙ্গি সর্বশুদ্ধ ৯ খানি, তন্মধ্যে ৩ খানি স্বতন্ত্র

- (১) হাড়ের মত শক্ত মাস, যেমন নাক ও কানের মাস।
- (২) যে শক্ত বাঁধন দ্বারা হাড়ের সঙ্গে হাড় যোড়া থাকে।
- (৩) চামড়ার নীচে যে মাংসের ছাউনী। ইহা দ্বারা অঙ্গ সকলের চলন কার্য্য হয়।

(৪) শ্বেতবর্ণ সূত্র সকল মজ্জা ও পিঠের দাঁড়া হইতে বাহির হইয়া শরীরের সর্বত্র ব্যাপ্ত আছে। ইহারা গতিক্রিয়া ও ইন্দ্রিয় জ্ঞানের মূল।

- (৫) রক্তবহা নাড়ী।



এবং ৬ খানি ৩ যোড়া হইয়া আছে। সকলের উপরে ফলকারুতি উপাস্তি। ইহা রুহৎ ও চলনশীল, বয়স কিঞ্চিৎ অধিক বা শরীর ক্ষীণ হইলে ইহা গলার সম্মুখে উঁচু হইয়া থাকে। ইহাদ্বারা স্বর গম্ভীর হয়। ফলকারুতির নিম্নে অঙ্গুরীয়ারুতি উপাস্তি, ইহা আংটির মত শ্বাসনালীকে ঘেরিয়া আছে, বড় অধিক চলনশীল নয়। তৎপরে ধুস্তুর পুষ্পাকৃতি অর্থাৎ ধুস্তুরা ফুলের ন্যায় দুইখানি উপাস্তি। ইহার সর্বাপেক্ষা অধিক নড়িয়া চড়িয়া থাকে। এই উপাস্তির সঙ্গে দুইটী স্বর সূত্র অনেক গুলি মাংসপেশী দ্বারা বদ্ধ আছে। বীণা বা তুষর যন্ত্রে যেমন তার খাঁটান থাকে এবং তাহা স্পর্শ করিলে বাজিতে থাকে, অপার জ্ঞান ঈশ্বরের কি কৌশল দেখ! তিনি ঐ উপাস্তি দ্বয়ে বাক্যের তার খাঁটাইয়া দিয়াছেন এবং সেইখানে আবার সর্বদা নিঃশ্বাস বায়ু সঞ্চারের পথ করিয়া দিয়াছেন। বায়ু কেবল জীবন রক্ষা করে না, ঐ তার স্পর্শ করিয়া শব্দ উৎপাদন করে। দুই তারের মধ্যে ছিদ্র আছে। মাংসপেশী দ্বারা স্বরসূত্র টানিয়া বা কুঁকড়িয়া সেই ছিদ্র বাড়ান বা কমান যাইতে পারে এবং তাহা দ্বারা স্বর উচ্চ, লঘু বা বিকৃত করা যাইতেও পারে। দুইটী স্বরসূত্র দ্বারা অসংখ্য প্রকার কার্য সম্পন্ন হইতেছে।

স্বরসূত্র দ্বারা স্বর উৎপন্ন হয় বটে, কিন্তু নানা প্রকার শব্দ উৎপন্ন করিবার জন্য জিহ্বার মূল, কণ্ঠ, তালু অর্থাৎ টাকরা, দন্ত, ওষ্ঠ অর্থাৎ ঠোঁট, মস্তক এবং নাসিকার সাহায্যের প্রয়োজন। এই জন্য বর্ণমালার অক্ষর সকলকে জিহ্বামূলীয়, কণ্ঠ্য, তালব্য, দন্ত্য, ওষ্ঠ্য, মৃদ্বন্য ও অনুনাসিক বলিয়া থাকে। এই বর্ণ ও শব্দ সকল লইয়াই ভাষার সৃষ্টি ও তাহা হইতে কত শাস্ত্র রচিত হইয়াছে!

একটী বাদ্যযন্ত্রে ছিদ্র করিলে যেমন বাতাস বাহির হইয়া যায়, বাজনার শব্দ হয় না, কণ্ঠনালীর নীচে ছিদ্র করিলে তেমনি আর স্বর বাহির হয় না। কিন্তু কণ্ঠনালীর উপরে জিহ্বার মূলের নিকট ছিদ্র করিলে স্বরের বড় ক্ষতি হয় না। বাগ যন্ত্রের কৌশল এমনি আশ্চর্য্য যে, মৃত্যু হইলেও তাহার শক্তি ক্ষয় হয় না। মৃতদেহের বাগ যন্ত্র মধ্যে বায়ু প্রবেশিত করিয়া দিয়া কোন কোন সাহেব স্বর বাহির করিয়াছেন এবং তাহার দৃষ্টান্তে বাক্য বলিবার এক প্রকার যন্ত্রও নির্মাণ করিয়াছেন।

স্ত্রী ও পুরুষের স্বর যন্ত্র নির্মাণ কৌশল কিঞ্চিৎ বিভিন্ন দেখা যায়। একারণ পুরুষের স্বর গম্ভীর ও কর্কশ এবং বানাগণের স্বর কোমল ও মধুর। বালকের গলা অনেকটা স্ত্রীজাতির অনুরূপ।

বাগ যন্ত্র মনুষ্যের প্রতি জগদীশ্বরের একটী অমূল্য দান। পৃথিবীতে আর কোন জীব এরূপ অধিকার পায় নাই। ইহা না থাকিলে মনুষ্যের প্রথর বুদ্ধি ও উন্নতির ইচ্ছা ব্যর্থ হইয়া যাইত। ইহা থাকাতাই মনুষ্যেরা পরস্পরের মনের ভাব ও ইচ্ছা বুঝিয়া একত্র সমাজ বদ্ধ হইয়া আছে, পরস্পরের সহিত সম্বন্ধে কাজ কর্ম করিতেছে, প্রণয় বন্ধুতা, শিক্ষাদান শিক্ষা গ্রহণ, যুদ্ধ বাণিজ্য, রাজকার্য্য প্রভৃতির সুন্দররূপে চলিতেছে। কিন্তু এই বাগ যন্ত্র সার্থক করিবার সর্বাপেক্ষা উৎকৃষ্ট উপায় কি? যিনি ইহা দিয়াছেন তাঁহারই মহিমা কীর্ত্তন করা। সমুদায় ব্রহ্মাণ্ডে তাঁহার অনন্ত জ্ঞান, শক্তি ও করুণা বর্তমান, সকল পদার্থই আপনাতে তাহার নিদর্শন দেখাইয়া দিতেছে, কিন্তু উচ্চৈঃস্বরে তাহা যে বর্ণনা করিবে এগন কাহার সাধ্য হয় না। এজন্য সকলে নীরব হইয়াও বিনয় ও ব্যগ্রতা সহকারে যেন মনুষ্যকে বলিতেছে:—

শক্তি নাই দেখ তাই বাক্য নাই ফুরে,  
কিন্তু তাই মনে মনে মরি হে গুমুরে,  
জগৎ শুড়িয়া তাঁর মহিমা বিস্তার  
শুনিতো বলিতে হর্ষ না হয় কাহার?  
পাইয়াছ বাক শক্তি মনুষ্য তনয়,  
বল বল বল মুখে জগদীশ জয়,  
বল বল বল তিনি সর্বশক্তিমান,  
বল বল বল তিনি করুণা নিধান,  
বল বল বল তিনি জ্ঞান প্রভাকর,  
প্রেমের আকর বিভূ, গুণের সাগর,  
বল বল তাঁর রাজ্য অব্যাহিত দ্বার,  
বল বল তাঁর কার্য্য অগম্য অপার।



সাক্ষ্য দিবে চন্দ্র সূর্য্য জ্যোতি প্রকাশিয়া,  
সাক্ষ্য দিবে বাসু যক্ষি করুণা বর্ষিয়া ;  
উন্নত শিখর গিরি নভ করি শির,  
প্রচারিবে পিতার সে মহিমা গম্ভীর,  
গভীর সাগর আন্দোলিয়া কলেবর,  
কলস্বরে তাঁর গুণ গাবে নিরন্তর।  
পুষ্পফল থরে থরে ধরি উপহার,  
তরুলতা তাঁরি প্রেম করিবে প্রচার।  
অচেতন সচেতন ধরিবেক তান,  
যার যত শক্তি আছে করিবেক গান।  
মাতিবে উৎসবে বিশ্ব, না রবে নিদ্রিত,  
ভীম রবে ত্রিসংসার করিবে কম্পিত।  
জাগ নর, সপ্ত স্বরে গাও বিভু গীত,  
এ ভূগোল স্বর্গলোক হইবে ত্বরিত ॥

### গৃহ-চিকিৎসা।

#### পরীক্ষিত মূলভ ঔষধ।

১। পায়ে কাউর ঘা হইলে  
মৃত ১০ এক ছটাক, মুদ্রাশঙ্খ আধ-  
তোলা, ফটকিরী ৫০ আনা, ভূঙ্গ-  
বাজের পাতার রস সওয়া তোলা  
এবং তুঁতে ৯০ আনা ওজনের  
মৃতের সহিত উত্তমরূপে মাড়িবেক  
এবং তৎপরে অগ্নিতে ফুটাইবেক।

এই ঔষধ দিন দুই তিন বার করিয়া  
ঘার উপরে মালিস কিম্বা লেপন  
করিলে অস্পদনের মধ্যে রোগ  
আরোগ্য হইবেক।

২। প্রমেহ রোগের ঔষধ।  
বটের নামনার রস আধপোয়া কাঁচা  
দুধ আধপোয়ার সহিত মিশাইয়া  
প্রাতে ও সন্ধ্যায় দুই সপ্তাহ খাইলে  
এককালে ভাল হইবে।

রাখাল সমার পাতার রস এক  
কাঁচা চিনি এক কাঁচার সহিত খাই-

লেও উক্ত রোগ ভাল হইয়া যায়।

৩। উৎকাশি, হাঁপানি কাশি  
বা স্লেস্মার কাশি হইলে নিম্ন লিখিত  
ঔষধ সপ্তাহ কি দুই সপ্তাহ সেবন  
করিলে আরোগ্য হইবে :—

আকন্দর পাকাপাতা, গোল-  
মরিচ ও সম্বল লবণ সমভাগ বাঁটিয়া  
মরিচের মত বটিকা করিতে হইবেক।  
এই বটিকা একটি প্রাতঃকালে ও  
একটী সন্ধ্যাকালে সেবন করিতে  
হইবেক।

শিশুদিগের কাশি হইলে মুক্তা-  
ঝুরীর পাতার রস এক ছোটচাম্চে  
পরিমাণ তিন কুচ ওজনের লবণের  
সহিত মিশাইয়া খাওয়াইয়া দিলে দুই  
তিন দিনের মধ্যে কাশি আরোগ্য  
হয়।

৪। ক্রমির ঔষধ। মাদার বা  
তেপালতে বৃক্ষের পত্রের রস এক  
কাঁচা উত্তম মধু এক কাঁচার সহিত  
মিশাইয়া সূর্য্যাপক করিলে যখন  
উত্তম রূপে ফুটিতে থাকিবে, তখন  
সেবন করিলে ক্রমি নাশ হইবে।

বিলাতীকুমড়ার বীচীর শাস আধ  
ছটাক ও চিনি এক কাঁচা দুধের  
সহিত বাটিয়া পূর্ব্বরাত্রে সেবন করি-

তে হইবে। পরে প্রাতে কাষ্ঠার  
অএলের জোলাপ লইলে সব ক্রমী  
বাহির হইয়া যায়।

কদমপাতা, ভাঁটপাতা বা আনা-  
রসের কোঁক ছেঁচিয়া তাহার রস  
সেবনও ক্রমীর ঔষধ।

৫। কুকুর ও শিয়াল কামড়া-  
ইলে তাহার ঔষধ।

ঝাঁপী টেঁপারির মূল আতপ-  
চাউলের চালনির জল এক ছটাক  
দিয়া বাটিয়া খাইলে ভাল হয়।

মনসার শিকড় চারি আনা কিম্বা  
আটআনা ২৫ টা গোলমরিচ দিয়া  
জলের সহিত বাটিয়া খাইলে ভাল  
হয়। গোলপাড়ায় যে প্রসিদ্ধ  
ঔষধ দ্বারা অনেক স্থলে উপকার  
দেখিয়া থাকে, তাহা এইরূপ ঔষধ  
অল্পমান হয়।

৬। হাত, পা ও গাত্রজ্বালা  
অতিশয় হইলে তাহার প্রতীকারের  
ঔষধ।

বিটলবণ, গোলমরিচ, সোহাগার  
খই তিন সমভাগে মিশ্রিত করিয়া  
তিন চারি রতি পরিমাণ মিছরির  
পানা কিম্বা জল দিয়া খাইলে ভাল  
হইবে। দিন দুইবার সেবন করিতে  
হইবে।



## অবলাবান্ধব।

কল্যাণীয় অবলা-বান্ধবকে আমরা বরাবর মেহের চক্ষে দর্শন করিয়া আসিতেছি। কিন্তু ইনি বার বার বালক-স্বভাব-সুলভ চপলতা প্রকাশ করিতেছেন দেখিয়া আমরা যার পর নাই দুঃখিত হইতেছি। একবার বামাবোধিনীতে পবিত্রতা বিষয়ে একখানি প্রেরিত মুদ্রিত হয় তাহার উদ্দেশ্য এই ছিল, যে এদেশের বর্তমান অবস্থায় পুরুষসমাজে স্ত্রীগণ যথেষ্ট গমনাগমন করিলে অপবিত্রতার বৃদ্ধি হইবার সম্ভাবনা, অতএব অগ্রে তাহার প্রতিবিধানের উপায় না করিয়া স্ত্রীগণকে পুরুষ সমাজে প্রবেশিত করা ইচ্ছাকর নহে। স্ত্রী ও পুরুষ পরস্পরকে দেখিয়া যেহলে কেবল অপবিত্র ভাব মনে হয়, সেহলে পরস্পরে ছাড়া-ছাড়ি হইয়া থাকা ধর্মনীতি সঙ্গত। অবলাবান্ধব বামাবোধিনীর প্রতি উপহাস করিয়া লিখিলেন ‘পুরুষগণকে পুরাতন মহাদ্বীপে ও স্ত্রীগণকে নূতন মহাদ্বীপে রাখিলে আরও ভাল হয়।’ গত মাসে আমরা কোন লেখিকার স্বাধীনতা বিষয়ক একটি প্রস্তাব

প্রকাশ করিয়া তাহাতে এই ভাবে বলি ‘স্ত্রীগণকে পুরুষদিগের অগ্রহাৰ্থী হইয়া স্বাধীনতা লাভ করিতে হইবে না; স্বাধীনতা নিজস্ব ধন, তাঁহারা যে পরিমাণে ইহার উপযুক্ত হইবেন, আপনার বলে গ্রহণ করিতে পারিবেন এবং কেহই তাঁহাদিগকে তাহা হইতে বঞ্চিত করিতে পারিবেন না। যদি তাঁহারা পুরুষদিগের ইচ্ছানুগত স্বাধীনতা চান তাহা পরাধীনতা মাত্র। তাঁহারা যদি প্রকৃত স্বাধীনতা চান, অগ্রে অন্তরের স্বাধীনতা যে কর্তব্য-পরায়ণতা তাহা শিক্ষা করুন।’ এই কথায় অবলাবান্ধব ভায়া আমাদের লর্ড মেয়োর রাজমন্ত্রী করিলে ভাল হইত বলিয়া ব্যঙ্গ করিয়াছেন। অবলাবান্ধব উভয় বাবাই বলিয়াছেন ‘আমরা বামাবোধিনীর লেখার মর্ম-গ্রহণে অসমর্থ। তাঁহার জানা উচিত যে তিনি আপনার একদিক্ দর্শী ও সঙ্কীর্ণ দৃষ্টিতে যাহা দেখিতেছেন তাহাতে অন্ধ হইয়া থাকিলে সম্পূর্ণ সত্য বুঝিতে অথবা স্ত্রীগণের যথার্থ বান্ধবের কার্য্য করিতে পারিবেন না এবং এখনও তাঁহাকে অনেক বিষয় শিক্ষা করিয়া প্রবীণত্ব লাভ করিতে হইবে। আমাদের

স্ত্রীগণকে আজি বাজারে পাঠাইয়া দিতে বা গড়ের মাঠে হাওয়া খাওয়া ইয়া আনিতে যে বড় ধর্ম সাহসের প্রয়োজন তাহা নয়। কুলটারাও এবিষয়ে খুব সত্য এবং মনে করিলে দুই ঘণ্টার মধ্যে অনেককে এরূপ সত্য করা যাইতে পারে। কিন্তু ইহাতে তাদৃশ উপকার কি? ইহাতে যে অনিষ্টের সম্ভাবনা, অগ্রে তাহা বিবেচনা পূর্বক তাহার প্রতিবিধানের উপায় করিয়া কি সে কার্য্যে প্রবৃত্ত হওয়া উচিত নয়? ইন্দ্রিয় সুখ ও বাহ্য সভ্যতা সাধন করিতে গিয়া যদি ধর্ম ও পবিত্রতায় জলাঞ্জলি দিতে হয় সে কি প্রকৃত লাভ বলিয়া গণ্য হইবে? বালক যেমন চক্চকে বস্তু দেখিয়া প্রভারিত হয়, অবলাবান্ধব অনেক সময় সেই রূপ সত্য ইংরেজদের চক্চকে ব্যবহার দেখিয়া ভ্রান্ত হইয়া যান। কিন্তু তাঁহার বিবেচনা করা উচিত, ইংরেজদের সামাজিক নিয়মে যাহা সঙ্গত, হিন্দুজাতির তাহা অসঙ্গত হইতে পারে এবং চারিদিক্ দেখিয়া গুরুতর বিষয় সকলে কথা কহা ও কাজ করা উচিত। অবলাবান্ধব নিজেই স্বীকার করিয়াছেন তিনি আমাদের ভাব বুঝিতে পারেন না। আমরাও বলিতেছি তিনি তরলচিত্ত হইয়া এবিষয়ের মর্মগ্রহণ করিতে পারিবেন না। কিন্তু যদি বুঝিতে না পারেন তবে ব্যঙ্গ উপহাস কেন? তাঁহার ১৯এ জ্যেষ্ঠের পত্রখানি খুলিয়া দেখিবেন দেখি নিজে

যাহা লিখিয়াছেন সত্য কি না। “আমরা দেখিয়া আসিতেছি, মনুষ্য যখন যুক্তিবলে আত্মমত সমর্থনে সক্ষম হন না, তখনই প্রতিপক্ষের প্রতি ব্যঙ্গ ও উপহাস করিতে প্রস্তুত হন।”

উপসংহার কালে আমরা বলিতেছি, অবলাবান্ধবের প্রতি দুই একটি কঠিন বাক্য আমাদের দুঃখের সহিত প্রয়োগ করিতে হইল। তাঁহার প্রথম ব্যঙ্গোক্তি পর আমরা গোপনে বন্ধুভাবে তাঁহার ব্যবহারের প্রতিবাদ করিয়াছিলাম। কিন্তু সহজে সে কুরীতি সংশোধন হইল না দেখিয়া প্রকাশ্য ভাবে দুই কথা বলিতে হইল। এহলে বলা ভাল, আমরা আপনাদিগকে অভ্রান্ত মনে করি না এবং আমাদের মতের ভ্রম বুঝিলে তাহা সংশোধনেও পরা-গ্রুথ নহি। কিন্তু স্ত্রী স্বাধীনতার ন্যায় যে সকল বিষয় পরীক্ষার কথা; এবং যে সকল বিষয়ে সভ্যদেশীয় মহামহোপাধ্যায়গণও কোন একটি সিদ্ধান্ত করিতে কল্পিত হন, সে সকল বিষয়ে কল্পনার অনুগত না হইয়া ধীরভাবে ও বিবেচনা পূর্বক লেখনী চালনা করা উচিত। অবলাবান্ধব স্বরণ রাখিবেন, ভারতবর্ষের ন্যূনাধিক ৯ কোটি স্ত্রীলোক এখনও কি অবস্থায় আছেন; স্ত্রীগণের ভিতরের সংস্কার কার্য্য কত অবশিষ্ট! আর স্ত্রীলোকেরা বালকদের ন্যায় এখনও আমাদের তত্ত্বাবধানে আছেন। বালকদিগের বুদ্ধি বিবেচনা ও



ক্ষমতা না হইতে হইতে তাহাদিগকে স্বাধীন করিয়া দিলে যেরূপ তাহাদিগের অনিষ্ট করা হয়, স্ত্রীলোকদিগের ক্ষমতা বিবেচনা না করিয়া আপনাদের ইচ্ছায় ও বলে তাহাদিগকে স্বাধীন করিয়া দিলে সেইরূপ অনিষ্টের সম্ভাবনা। বস্তুতঃ অবলাগণ যতদিন সবলা না হন, ততদিন তাহাদিগকে কটিবন্ধন করিয়া যুদ্ধে অগ্রসর হইতে বলা, আর তাহাদিগকে হাত পা ধরিয়া বিপদে ফেলা কি সমান নয়? অবলাবান্ধব যে ক্ষোভ করিয়াছেন তাহাকে ইতিমধ্যে অনেকে অবলাশত্রু (কি হৃদয় বিদারক!) নাম দিয়াছে, তাহার চপলতা ও এইরূপ অববেচনা তাহার অনেকটা কারণ বলিয়া বোধ হয়। আমরা আশা করি, ভ্রাতা অবলাবান্ধব ভ্রাতৃত্বাবে আমাদের কথা কয়েকটি গ্রহণ করিবেন। ঈশ্বর তাহার কল্যাণ বিধান করুন।

### নূতন সংবাদ।

১। কলিকাতার এসিয়াটিক মিউসিয়াম বা চিত্রশালিকা দর্শনার্থ গত জুন মাসে ১৪২৩৯ লোক গমন করেন। এদেশীয়দের মধ্যে পুরুষ ১১৮৬৩ এবং স্ত্রীলোক ১৯২৬ জন গিয়াছিলেন। ভ্রম রমণীগণের এরূপ চমৎকার স্থান দেখিবার সুবিধা হয় না, দুঃখের বিষয় বলিতে হইবে।

২। দারজিলিং নিউস পত্রে লিখি-

যাছে বারোচের এক মুসলমান স্ত্রীলোক একটা সন্তান প্রসব করিয়াছে। উহার ছয়খানি হাত ছয়খানি পা ও ছয়টা চক্ষু হইয়াছিল। বালকটি ৪ দিন মাত্র জীবিত ছিল।

৩। জোয়ানপুরে একটা স্ত্রীলোক যমজ সন্তান প্রসব করিয়াছে। উহার একটীর মস্তক নাই এবং তাহার গ্রীবাদেশের সহিত দ্বিতীয়টীর তলপেট সংযুক্ত। প্রসবের কিয়ৎক্ষণ পরে সন্তানের মৃত্যু হয়। অস্বাভাবিক সন্তান উৎপন্ন হইয়া যে স্ত্রীগণের রূধা কষ্ট হয়, ইহা কেবল গুরুতর শারীরিক নিয়ম লঙ্ঘনের ফল।

৪। হিন্দু-হিতৈষিণী ৫ জন কুলীন ব্রাহ্মণের নাম উল্লেখ করিয়া বলিয়াছেন, ইহারা কোলীন্য মর্যাদা অগ্রাহ করিয়া আপনাদের কন্যাদিগকে বিবাহ দিয়াছেন। এইরূপ দৃষ্টান্ত যত হইবে, সমাজ-সংস্কার কার্য আপনা হইতে সম্পন্ন হইবে।

৫। একটা পারসী স্ত্রীলোক বোম্বাইয়ে একটা গুজরাটী বালিকা-বিদ্যালয় স্থাপন করিয়া আপনি চালাইতেছেন। মাদ্রাজে একজন বিদ্যাবতী স্ত্রীলোক প্রকাশ্য পুরুষ সমাজে একটা বক্তৃতা করিয়া সকলকে মোহিত করিয়াছেন। এটা নূতন উন্নতির দৃষ্টান্ত।

৬। সোমপ্রকাশ বলেন, পুনাতে এতদেশীয় স্ত্রীলোকদিগের উন্নতি বিধানার্থ একটা সভা স্থাপিত হইয়াছে। কতকগুলি মহারাষ্ট্রীয় স্ত্রী-

লোক ইহা স্থাপন করিয়াছেন। স্বামী বা অভিভাবকের অসম্মতিতে ১৮ বর্ষের ন্যূনবয়স্ক এবং সামান্য রূপ লিখন পঠনে অক্ষম এরূপ কোন স্ত্রীলোককে উক্ত সভার সভ্য করা হইবে না। সভা তত্রত্য দেশীয় স্ত্রী বিদ্যালয় সমূহের তত্ত্বাবধান করিবেন, কিসে চরিত্র সংশোধিত হইয়া উন্নতিলাভ হয় তাহার উপায় বিধান করিবেন এবং যে সকল স্ত্রীলোক শিক্ষা বিষয়ে অহুরাগিণী, কিন্তু সামাজিক নিয়ম ও কুসংস্কারাদি নিবন্ধন ইচ্ছা সফল করিতে পারেন না তাহাদিগের বাটীতে গিয়া শিক্ষা দিবেন। তন্মিত্ত যে সকল স্ত্রীলোক শারীরিক দৌর্বল্য নিবন্ধন অর্থোপার্জন অসমর্থ তাহাদিগের ভরণ পোষণ করিবেন। এদেশীয় স্ত্রীলোকদিগের এরূপ চেষ্ঠা সর্বিশেষ প্রশংসনীয়।

৭। ভারত সংস্কার সভার অধীনে শিক্কাইত্রী বিদ্যালয়ে ২২ জন ভদ্রমহিলা অধ্যয়ন করিতেছেন। মাসিক ১০০৯ একশত টাকা বেতনে একটা ইউরোপীয় মহিলা তত্ত্বাবধায়িকা ও শিক্ষয়িত্রী রূপে নিযুক্ত হইয়াছেন। এই বিদ্যালয়ে আপাততঃ মাসিক ব্যয় প্রায় ১৫০ টাকা পড়িতেছে। অনুরেবল জজ দ্বারকানাথ মিত্র ইহার সাহায্যার্থ তাহার প্রথম বার্ষিক দান ১০০৯ টাকা প্রদান করিয়াছেন। অন্যান্য দেশ-হিতৈষী ব্যক্তিগণ তাহার দৃষ্টান্তের

অনুসরণ করেন আমাদের অল্প-রোধ।

### বামাগণের রচনা।

লজ্জা।

লজ্জা দুই প্রকার, তন্মধ্যে একটি মনুষ্যকে পাপ কর্ম হইতে বিরত রাখে, অন্যটি স্ত্রীলোকের। স্ত্রীলোকেরটি এই প্রকরণে লেখা যাইতেছে। “স্ত্রীলোকের লজ্জাবতী হওয়া উচিত” এই কথা পৃথিবীতে এমন কোন জাতি নাই যাহারা অস্বীকার করেন। লজ্জা সকল দেশীয় স্ত্রীলোকের হৃদয়ে আছে। এই মাত্র বিশেষ যে, কাহার হৃদয়ে অধিক কাহারও হৃদয়ে অল্প। সামাজিক রীতিনুসারে উহা প্রকাশের নিয়ম দেশ ভেদে ভিন্ন প্রকার, একদেশে যাহা লজ্জার চিহ্ন বলিয়া গণিত হয়, অন্য দেশে উহা নির্লজ্জতার চিহ্ন বলিয়া পরিগণিত হয়। ইউরোপ আমেরিকা প্রভৃতি সভ্যতম দেশে নৃত্য গীতাদি করিলে তদেশীয় স্ত্রীগণ প্রশংসনীয় হন এবং তাহারা সকলের সহিত আলাপ ও প্রকাশ্য স্থানে গমনাগমন করিয়া থাকেন। বঙ্গীয়া স্ত্রীগণ তদ্রূপ করিলে প্রশংসনীয় হওয়া দূরে থাকুক, জঘন্য রূপে নিন্দনীয় হইয়া থাকেন এবং প্রকাশ্য স্থানে গমনাগমনের ও সকলের সহিত আলাপের পরিবর্তে অবগুণ্ঠনের দ্বারা মুখ আচ্ছাদন করিয়া থাকেন ও



কাহারও সহিত আলাপাদি করেন না। কিন্তু অবগুণ্ঠন দ্বারা বদন আচ্ছাদন করিয়া কাহারও সহিত আলাপ না করিলেই লজ্জাবতী হওয়া যায় এমন নহে। বরং লোকের সহিত আলাপাদি না করাতে অহঙ্কার প্রকাশ পায়। যাঁহারা প্রকৃত লজ্জাবতী, তাঁহাদিগের হৃদয়ে অহঙ্কার ও ঔদ্ধত্য থাকিতে পারে না এবং তাঁহা নব্রতা বিনয় সূক্ষ্মতা শান্তভাব ইত্যাদি সদগুণ দ্বারা সমলঙ্কৃত হয়।

প্রকৃত লজ্জার অন্য একটী নাম শীলতা (Modesty) এবং যাঁহারা প্রকৃত লজ্জাবতী, তাঁহাদিগের অন্য নাম লজ্জাশীল। বঙ্গীয়া অনেক মহিলা সামাজিক নিয়ম রক্ষার্থ ও লোক নিন্দার ভয়ে বাহ্যিক লজ্জা প্রদর্শন করেন কিন্তু তাহা হইলে কি হইবে? যাঁহাদিগের হৃদয় মলজ্জ নহে, কেবল নিন্দা ভয়ে আপনাদিগকে লজ্জাবতী দেখান, তাঁহারা লোকের নিকট প্রশংসনীয় হন বটে, কিন্তু আপনাদিগকে কপটতা রূপ পাপে লিপ্ত করেন। যাঁহারা বাস্তবিক লজ্জাবতী তাঁহারা কখন কপট হইতে পারেন না, তাঁহাদিগের হৃদয় সারল্য গুণে বিভূষিত এবং তাঁহাদিগের আচার ব্যবহার আলাপ প্রণালী ইত্যাদি সকল বিষয়েই প্রকৃত লজ্জার ভাব প্রকাশ পায়। কিন্তু লজ্জাবতী হইবে বলিয়া একবারে অসভ্যের ন্যায় হওয়া উচিত নয়, তাহা হইলে কুৎসিত লজ্জা আসিয়া পড়ে।

বঙ্গীয়া অনেক মহিলা কুৎসিত লজ্জার বশবর্তী। তাঁহারা অতি-সূক্ষ্ম বস্ত্র পরিধান করিয়া থাকেন এবং অনারত শরীরে দাস দাসী ইত্যাদি পরিজনের সম্মুখে অনায়াসে থাকেন। কোন মহিলা অবগুণ্ঠন দ্বারা বদন আচ্ছাদিত করিয়া রাখিয়াছেন; এদিকে আবার চীৎকার স্বরে কুৎসিত রূঢ় বাক্যাদি প্রয়োগ করত কোন ব্যক্তির সহিত এমত ভাবে বিবাদ করিতে থাকেন যে, যেব্যক্তি কখন তাঁহার মুখাবলোকন করেন নাই তিনি তাঁহার বদন বিনিঃসৃত পরুষ ভাষা শুনিতে পান। স্নান গাত্র-মার্জন ইত্যাদিও প্রকাশ্য স্থানে সম্পাদিত হয়। অতএব একরূপ নিয়ম করা উচিত যে অনুমতি বিনা দাস দাসী কিম্বা অন্যান্য পরিজনেরা সকল গৃহে প্রবেশ করিতে না পারেন এবং স্নান ইত্যাদি গোপনীয় স্থানে সম্পাদিত হয়। লৌকিক আচারে যে নারীগণ অনভিজ্ঞ, ইহা কেবল কুৎসিত লজ্জা বশতঃ হইয়া থাকে। কোন ভদ্র ব্যক্তি তাঁহাদিগের সহিত আলাপাদি করিতে আদিলে তাঁহারা মৌনী হইয়া থাকেন, অথবা সেস্থান হইতে প্রস্থান করেন। সম্ভ্যতম প্রদেশে একরূপ আচরণ করিলে যৎপরোনাস্তি নিন্দনীয় হইতে হয়। লোকের সহিত একরূপ ভাবে আলাপ করা উচিত যে তাহাতে মনে কোন কুভাবোদয় না হয়।

কুমারী সৌদামিনী।

# বামাবোধিনী পত্রিকা।



“কন্যায়ৈব দালনীয়া শিল্পীয়াতিয়নতঃ।”

কন্যাকে পালন করিবেক ও যত্নের সহিত শিক্ষা দিবেক।

৯৬ সংখ্যা } শ্রাবণ বঙ্গাব্দ ১২৭৮। { ৮ম ভাগ।

## বামাবোধিনীর পূর্ণাষ্ট বর্ষ।

গাওরে বিভূষণ চিত্তমোহন ব্যাপ্ত ত্রিভুবন নাহিক তুলন।  
এক তাঁর রূপা করি অবলম্বন, সুখ সম্পদ জীবন হয় ধারণ।  
বিপদ বিঘ্ন কত করি হরণ, চিরকল্যাণ করেন বিধান; প্রেম ভকতি  
অঞ্জলি সঁপি চরণে, সেব তাঁহারে চিরদিন প্রাণ পণে।

যে করুণাময় পিতা সর্বনিয়ন্তা হইয়া সকল জগতের কার্য সুসম্পন্ন করিতেছেন, তাঁহারই বিশেষ রূপায় বামাবোধিনীর অষ্টবর্ষ পূর্ণ হইল। পূর্ণাষ্টবর্ষীয়া বামাবোধিনীর মুখাবলোকন করিয়া ইহার সুহৃদগণের আজি কত আনন্দ! তাহা বাক্যে বর্ণন করা যায় না। বঙ্গদেশে নারীগণের প্রতি লোকের যে রূপ অনাদর, নারীগণও আপনাদিগের দুর্বস্থা মোচনের জন্য যে রূপ অমনস্ক, তাহাতে বামাবোধিনী যে এই দীর্ঘকাল জীবিত থাকিয়া আপনার গুরুব্রত সাধন করিতে পারিবে একরূপ আশা অসম্ভব বোধ হয়। প্রত্যুত একাল পর্য্যন্ত ইহার উপর যে সকল বিপদ বিঘ্ন আসিয়াছে, তাহা নিবারণে ইহার কিছুমাত্র সামর্থ্য ছিল না। কিন্তু বিঘ্নবিনাশন পরমেশ্বরের আশ্চর্য্য করুণায় ইহা সুরক্ষিত হইয়াছে, আমরা যে আশা করিয়া ইহার সূত্রপাত করিয়াছিলাম, অনেক সময় তাহার অতীত ফল লাভ করিয়াছি এবং দিন দিন আশার পথ প্রসারিত দেখি-



তেছি। মঙ্গলময় জগদীশ্বরের নিকট প্রার্থনা বামাবোধিনীকে দীর্ঘায়ু-  
করুন এবং ইহা দ্বারা তাঁহার যে কোন ক্ষুদ্র কার্য সাধিত হয় সম্পন্ন  
করিয়া লউন।

## বিনয়।

বিনয়েভূষিতানাশু কিমন্যে: ভূষণান্তরে:।

(যে সকল নারী বিনয় ভূষণে ভূষিত, তাঁহাদিগের অন্য ভূষণে  
কি প্রয়োজন?)

পৃথিবীস্থ অসভ্য সুসভ্য সর্ব প্রকার দেশেই নারী জাতি সর্ব সময়ে  
ভূষণপ্রিয়। সভ্যতা এবং ঐশ্বর্যের সহিত স্ত্রীজাতির অলঙ্কারেরও শ্রীবৃদ্ধি  
দেখা যায়। বন্যজাতিদিগের মধ্যে নারীরা যেমন ভূষণে অনুরাগ প্রদ-  
র্শন করে, অতি সুসভ্য উন্নত জাতীয় স্ত্রীদিগের মধ্যে ঐ অনুরাগের কোন  
প্রকার হ্রাস দেখা যায় না। বরং অসভ্যজাতি অপেক্ষা সুসভ্য জাতীয়  
অবলাগণের মধ্যে অলঙ্কার না হইলে কোন প্রকারে চলে না, এ কথা  
বলিলে অত্যাুক্তি হয় না। বন্ধুবান্ধবের বাটীতে যাইতে হইলে অগ্রে তাঁহারা  
অলঙ্কারের জন্য অনুরোধ করেন—এমন কি অলঙ্কার না থাকিলে লোকের  
নিকট আগমনের মুখ দেখাইতে পারেন না। অলঙ্কারের প্রতি নারীগণের  
এতদূর অনুরাগ, যে তাঁহারা ইহার অনুরোধে দুঃসহ কষ্ট সহ করিতেও  
প্রস্তুত। বন্যজাতির স্ত্রীগণ কর্তৃক ভূষণের জন্য কর্তৃকে এতদূর প্রশস্ত রূপে ছিত্র  
করে, যে তাহার মধ্যে ২৩ অঙ্গুলী পরিমিত কাষ্ঠখণ্ড অনায়াসে প্রবেশিত  
করা যাইতে পারে এবং হস্তে ও পদে এত ভারি ধাতুময় অলঙ্কার ধারণ  
করে যে তাহা লইয়া সহজে গমনাগমন করা যায় না। সুসভ্যজাতির  
স্ত্রীগণ যদিও এবস্থিধ অলঙ্কার ধারণে সর্ব প্রকারে অমত প্রকাশ করেন,  
তথাপি তাঁহারা অলঙ্কারের অনুরোধে অনেক কষ্ট ভোগ করিতে কুণ্ঠিত  
নহেন। অলঙ্কারের অনুরোধে ইহারা আপনাদিগকে এতদূর পরাধীন  
করিয়া ফেলেন, যে সময় বিশেষে অন্যের সাহায্যের অভাবে প্রাণ  
বিয়োগও হইতে পারে। ইউরোপীয় স্ত্রীগণ যদি একবার দৈবক্রমে

জলে পতিত হন অথবা তাঁহাদিগের পরিধেয় বস্ত্রে অগ্নি স্পর্শ হয়, তবে  
আর তাঁহাদের জীবনের আশা থাকে না। অশ্বদেশীয় যে সকল রমণী  
হয়ত একখানি খালা বহনে অশক্ত, তাঁহারা তদ্রূপ ভারের অলঙ্কার অক্লেশে  
ধারণ করিতে পারেন। এত ক্লেশ সহ করিয়াও ইহারা ভূষণের এত  
গৌরব বৃদ্ধি করেন বলিয়া, কোন একজন কৌতুকপরায়ণ ব্যক্তি বলিয়া-  
ছেন, যে “স্ত্রীজাতির পূর্ব জন্মে চোরবৃত্তি করিয়াছিল, তাই ইহজন্মে  
হাতে হাত কড়া পায়ে বেড়ি, কোমরে ছিকলি ধারণ করিয়া চোরের শাস্তি  
ভোগ করিতেছে।” বস্তুতঃ বঙ্গাঙ্গনাগণ অলঙ্কার পাইলে আর কিছুই  
চান না। যদি কোন পরিবারে এবিষয়ে কোন প্রকার অনাটন হয়, তবে  
তাঁহাদের মুখ সর্বদা ভার, স্বামীর নিকট সর্বদা অভিযোগ, এবং অল-  
ঙ্কার অভাবে এতদূর উগ্রমূর্তি হয় যে তাহা দেখিয়া স্বামিগণ সংসারে শাস্তি  
পাওয়া দূরে থাকুক, নিজেদের দুঃখে ও পত্নীদিগের বাক্য যন্ত্রণার একবারে  
দঙ্ক হইতে থাকেন। এমনও দেখা গিয়াছে, যে কোন কোন ভদ্র সন্তান  
পত্নীর গহনার অনুরোধে বহুকাল কাটাগৃহে বসতি করিতেছেন। হায়!  
বঙ্গাঙ্গনাগণ! তোমরা গহনার জন্য কোথায় এমন করিয়া বেড়াইতেছ?  
একবার নিবিষ্টিচিত্তে আপনাদের গৃহেই অব্বেষণ কর অতি বহুমূল্য অলঙ্কার  
তোমাদের ভাণ্ডারেই সঞ্চিত রহিয়াছে। আমরা স্বীকার করি, তোমাদের  
অলঙ্কারের প্রয়োজন, কিন্তু যখন তোমাদের মানস, বুদ্ধি, হৃদয় সকলই  
কোমল, তখন অতি কঠোর ধাতুময় অলঙ্কার তোমাদের উপযুক্ত হয়  
না। আমরা বিশ্বাস করি তোমাদের অলঙ্কার না থাকিলে শোভা  
হয় না, এবং সর্বজ্ঞ জ্ঞানময় পরমেশ্বর তোমাদিগকে এ প্রকার করিয়া  
সৃষ্টি করিয়াছেন, যেন কোন না কোন প্রকার ভূষণের প্রয়োজন। তিনি  
যদি এইরূপ ভাবে তোমাদিগকে সৃজন না করিবেন, তবে কেন তোমাদের  
নির্মাণের সঙ্গে সঙ্গেই এক একটী রমণীয় ভূষণ সংযোজন করিয়া দিয়াছেন?  
এমন ভূষণ থাকিতে আর কেন তোমাদিগের স্বামীদিগকে কষ্ট দেও  
এবং নিজেরাও অশেষ মনঃক্ষোভ পাও। যে ভূষণের কথা বলিতেছি  
তাহা বিনয়। বিনয়রূপ ভূষণ তোমাদের অন্তরেই স্থাপিত রহিয়াছে।  
তাঁহার এমনি মোহিনী শক্তি যে কুরুপকেও যার পর নাই মনোহর করে,



দুঃখীকে ধনী করিয়া দেয় এবং দুর্কলের নিকটে বলবানকে পরাস্ত করিয়া ফেলে। সেই সুন্দর হারটী পরিত্যাগ করিয়া অতি কঠোর ধাতুময় অলঙ্কারের জন্য ব্যাকুল হওয়া তোমাদের পক্ষে কোন প্রকারেই নাজে না।

যে অঙ্গনা বিনয় হারে ভূষিত হইতে পারেন তাঁহার যে অপূর্ব শোভা হয়, তাহার নিকট অন্য কোন প্রকার শোভাই স্থান পাইতে পারে না। তুমি নানাবিধ হীরকাদি খচিত স্বর্ণময় অলঙ্কার পরিধান কর, কিন্তু যদি বিনয় হার পরিত্যাগ কর, তোমার সমুদায় অলঙ্কার অনর্থক হইবে। তোমার প্রত্যেক হীরক খণ্ড চক্ষের শূল তির আর কিছুই বোধ হইবে না। কোথায় তোমার শোভা লোকের মন মুগ্ধ করিবে, না তোমার বাহু সৌন্দর্য্য দেখিবা মাত্র তাহাদের হৃদয় জ্বলিয়া উঠিবে !! যদি ভূষণ পরিধান করা তোমার সুখের উদ্দেশ্য হয়, তবে তুমি বিনয় ভূষণ পরিত্যাগ করিয়া অন্যান্য ভূষণে কখন রুতকার্য্য হইতে পারিবে না। কারণ ইহা ব্যতিরিক্ত অন্য অলঙ্কারে তোমার সুখ হওয়া দূরে থাকুক, তোমার মনে মনের আবির্ভাব হইবে, স্মতরাং তাহা হইতে তুমি কখন সুখের আশা করিতে পার না।

আমরা সর্বদা দেখিতে পাই যে যে পরিবারে বিনয় আছে, তাহাতেই শান্তি বিরাজ করিতেছে। একটা স্ত্রীর বিনয় অনেক ব্যক্তির ক্রোধ উপশম করিতে পারে। স্মতরাং সংসার মধ্যে কোন বিবাদ বিষম্বাদ ঘটিতে পারে না। যদি স্বামী ক্রোধপরায়ণ হন, তিনি পত্নীর বিনয় দেখিয়া তৎক্ষণাৎ সেই ক্রোধকে বিদায় না দিয়া থাকিতে পারেন না। বিনীতা রমণী কোন দোষাবহ কার্য্য করিলে, তিনি নিজের বিনয় গুণে সকলের নিকট ক্ষমা প্রাপ্ত হন। লোকে তাঁহার দোষ দেখিয়া কোথায় তিরস্কার করিবে, না তাঁহার অকৃত্রিম বিনয় দেখিয়া একেবারে বিগলিতচিত্ত হইয়া যায়। নারীকুলভূষণ সীতাদেবীর আখ্যায়িকা হইতে আমরা এবিষয়ের একটা সামান্য উদাহরণ নিম্নে প্রকটন করিতেছি, পাঠিকাগণ! তাহার আশ্চর্য্য সুন্দর ভাব হৃদয়ে গ্রথিত করিয়া রাখিবেন।

যখন পিতৃভক্ত রামচন্দ্র পিতার আদেশে দণ্ডকারণ্যে সীতার সহিত

বাস করেন তখন তিনি ভ্রাতা লক্ষ্মণ ও সীতার বিনয় গুণে মুগ্ধ হইয়াছিলেন, এত যে বনবাসের কষ্ট, তাহা তাঁহাদের চন্দ্রানন দেখিয়া সম্পূর্ণরূপে বিস্মৃত হইতেন। একদিন রামচন্দ্র কোন কার্য্যোপলক্ষে পর্ণকুটীর হইতে বহির্গত হইয়াছেন এবং সীতা ভাগীরথীর তটে যাইয়া হংস ও ক্রৌঞ্চ লইয়া ক্রীড়া করিতেছেন ইত্যবসরে রাম প্রতিনিবৃত্ত হইয়া সীতাকে দেখিতে উৎসুক হইলেন, কিন্তু তথায় দেখিতে না পাইয়া অনেক ক্ষণ উৎসুক চিত্তে সীতার আগমন পথের দিকে চাহিয়া রহিলেন। সীতা পক্ষীদিগের ক্রীড়ায় মগ্ন ছিলেন, আত্মবিস্মৃতি ক্রমে অনেক বিলম্ব করিয়া ফেলিলেন। পরে যখন তাঁহার স্মরণ হইল, যে হয়ত আর্য্যপুত্র আমার বিলম্ব দেখিয়া ব্যাকুল হইয়াছেন, তিনি অমনি সেই সকল ক্রীড়া পরিত্যাগ করিয়া দ্রুতপদে গৃহাভিমুখে ধাবমান হইলেন। এদিকে রামচন্দ্র সীতার অনাগমনে কিঞ্চিৎ অনন্তক হইলেন, এবং ঈষৎ কোপন মূর্ত্তি ধারণ করিয়া বসিয়া রহিলেন। সীতা না জানি আর্য্যপুত্র কত রাগত হইয়াছেন, ভাবিয়া ভাড়াতাড়ি করিয়া আসিতেছিলেন, পথিমধ্যে দূর হইতে রামচন্দ্রকে কিঞ্চিৎ বিমর্ষ দেখিলেন। তখন সীতা অতিশয় কাঁতার হইয়া স্নকোমল কর দুইখানি ঘোড় করিয়া, কাঁতার নয়নে, রামের দিকে চাহিয়া রহিলেন, আর চলিতে পারিলেন না। রামচন্দ্রও আর স্থির থাকিতে পারিলেন না। তর্কপরায়ণ সীতার ঈদৃশ বিনয় দেখিয়া তাঁহার ক্রুদ্ধহৃদয় একেবারে বিগলিত হইয়া গেল, তিনি অমনি ছুটিয়া গিয়া সীতার গলদেশ ধারণ করিলেন, এবং দুই জনেই অশ্রুবর্ষণ করিতে লাগিলেন, কাহারও মুখ হইতে বাক্য বিনির্গত হইল না। কিয়ৎক্ষণ পরে রাম হৃদয়ের আবেগ সম্বরণ করিয়া বলিলেন প্রিয়ে! তুমি একরূপ বিনয় কোথা হইতে শিক্ষা করিয়াছ? কোথায় আমি তোমার উপর ক্রোধ প্রকাশ করিব, না আমাকে একেবারে বিমোহিত করিয়া ফেলিলে-তোমাকে কি বলিব জানি না।”

বস্তুতঃ বিনয় জ্বলন্ত হৃদয়কে একেবারে শান্তিপূর্ণ করিতে পারে। আমরা যে কোন কোন পরিবারে সর্বদা কলহ ও বিষম্বাদ দেখি অবিবয়ই তাহার একমাত্র কারণ। যদি স্বামী রাগী হন, কিন্তু স্ত্রী বিনীতা হন,



তবে সে পরিবারে বিবাদাদি স্থান পাইবে না। যে নারী বিনয়ভূষণ পরিধান করিবেন তিনি নিজে যেখানে যে অবস্থায় থাকিবেন, সর্বত্র সুন্দর ও সদানন্দচিত্ত থাকিবেন, অন্যেও তাঁহাকে দেখিয়া প্রীতি ও আনন্দ লাভ করিবেন তাহার সন্দেহ নাই।

## কারাকুমিকা।

( ৭৮ পৃষ্ঠার পর )

ভীষণ ফিনিষ্ট্রেল ছুর্গ নিবিড় ছুঃখ অন্ধকারে ভীষণতর বেশ ধারণ করিয়াছে। চার্নি এক এক করিয়া প্রত্যেক মুহূর্ত্ত গণনা করিতেছেন এবং 'পত্র বাহক কে' বিশেষ না জানাতে কখন তাহার দীর্ঘসূত্রিতার এবং কখন আপনার দুঃশাও নিরর্থিতার নিন্দা করিতেছেন। চতুর্থ দিন উপস্থিত, পিসিওলা মৃতপ্রায়; গিরিহাদীও আর গবাক্ষের নিকট আইসেন না, তাঁহার গৃহ হইতে কেবল প্রার্থনা ও দীর্ঘশ্বাসমিশ্রিত শব্দ শ্রুতিগোচর হয়। গর্ভিত চার্নি নিরাশ হইয়া রক্ষণীর উপরে অশ্রুবর্ষণ করিতে লাগিলেন। তাহারই জন্য তিনি আপনার যৎপরোনাস্তি হীনত্ব স্বীকার করিয়াছেন, তথাপি তাঁহার জীবনের সেই একমাত্র সুখের নিদান, তাঁহার প্রণয়ের একমাত্র আধার রক্ষণীকে হারাইতে হইল! লুডোবিক উঠান পার হইয়া গেলেন। যে দিন হইতে চার্নির অবসাদ বৃদ্ধি হইয়াছে, সেই দিন অবধি কারাকুমিকা তাঁহার প্রতি পূর্ব্ববৎ কঠোর ব্যবহার আরম্ভ করিয়াছেন। তিনি যেমন কাজে চার্নিকে সাহায্য করিতে পারিলেন না, তাঁহার প্রতি দয়ালুতা প্রকাশ করিতেও ক্ষান্ত হইলেন।

চার্নি ছুঃখের জ্বালায় বলিয়া উঠিলেন "লুডোবিক! আমি তোমার কি অপরাধ করিয়াছি?"

সে বলিল "কিছুই নয়।"

কাউন্ট তাহার হস্ত ধরিয়া বিলাপ স্বরে কহিলেন "আচ্ছা, তবে ইহাকে এখন রক্ষা কর। অধ্যক্ষকে এবিষয় জানাইবার প্রয়োজন নাই। তবে করিয়া আমাকে কিছু কর্দম আনিয়া দেও—এক নিমেষে পাথর সরাইয়া ফেলিব। গাছটীকে স্থানান্তর করিব।"

লুডোবিক হাত টানিয়া লইয়া উগ্রভাবে বলিলেন "আমাকে স্পর্শ করিও না। তোমার গাছ চুলোয় যাক, তাহা হইতে অনিষ্ট বই কোন ইষ্ট হয় নাই। তোমার নিজের বিষয়ে তোমাকে সাবধান করিতেছি, আবার তোমার পূর্ব্বের ন্যায় পীড়াক্রান্ত হইবার উপক্রম দেখিতেছি। তুমি বরং উহাকে সিদ্ধ করিয়া এক চুমুকে খাইয়া ফেল, বালাই এককালে ছুর হউক।"

চার্নি ক্রোধে অধৈর্য হইলেন।

লুডোবিক বলিলেন "যাহউক ইহাতে কেবল তোমার নিজের ক্ষতি হইলে নিজেই ভোগ করিতে, কিন্তু হায়! দুর্ভাগ্য মক্ষিকাধারী—সে নিশ্চয়ই আর তার কন্যাকে পাইবে না।"

চার্নি আশ্চর্য হইয়া বলিলেন "তাঁর কন্যা!" "হাঁ, তাঁর কন্যা। তুমি ঘোড়ায় চাবুক মারিতে পার, কিন্তু কে জানে গাড়ী কোথায় গিয়া পড়িবে! তুমি একখান তলওয়ার ছুড়িতে পার, কিন্তু ইহা কাহাকে আঘাত করিবে কে বলিতে পারে? আমি বোধ করি, তাহার পথ-প্রদর্শকের নিকট হইতে জানিয়াছে, তুমি সস্ত্রাটিকে পত্র লিখিয়াছ।"

চার্নি আর সকল কথায় কর্ণপাত না করিয়া বারংবার বলিলেন "তাঁর কন্যা! তাঁর কন্যা!"

"কেন, তুমি কি ভেবেছিলে, যে, তারে করিয়া তোমার খবর যাইবে?"

চার্নি দুই হস্তে আপনার মুখ আচ্ছাদন করিলেন।

কারাকুমিকা বলিতে লাগিলেন "একথা প্রকাশ হইয়া পড়িয়াছে এবং এবিষয়ে অগ্রে যে আমার সন্দেহ হয় নাই ইহা তোমার সৌভাগ্যের বিষয় বলিতে হইবে। কিন্তু বালিকা আর তাহার পিতার সহিত সাংক্ষাৎ করিবার অনুমতি পাইবে না, গিরিহাদী এইরূপ শুনিয়াছেন। যাহউক এখন তোমার আহার ঠাণ্ডা হইয়া যাইতেছে।"

কাউন্ট নিরাশ হইয়া চৌকীর উপর আছাড় খাইয়া পড়িলেন। পিসিওলার দক্ষিণা দক্ষিণা মৃত্যু দেখা অপেক্ষা এককালে তাহাকে মারিয়া ফেলিবার জন্য একবার মনস্থ করিলেন; কিন্তু প্রাণ ধরিয়া তাহা করিতে পারিলেন না। যে বালিকা তাঁহার জন্য প্রাণ সমর্পণ করিয়াছে, এবং



তজ্জন্য আপনাকে ও রুক পিতাকে গুরুতর দণ্ডগ্রস্ত করিল, তাহার সাধুতা উল্লেখ করিয়া কত কথা বলিতে লাগিলেন। তিনি বলিলেন “হা! যদি একবার তোমাকে কারাগৃহে প্রবেশ করিতে দেয়, সেই অনুগ্রহ লাভার্থ আমি স্বেচ্ছা পূর্বক জীবনাক্ষয় পরিত্যাগেও প্রস্তুত আছি। ধন্য কন্যা, ধন্য পিতা, তোমাদের সাধুতাকে ধন্যবাদ।”

ঘণ্টাধিকালের মধ্যে কারাগারের অধ্যক্ষ দুই জন কর্মচারী সমভিব্যাহারে উঠানে উপস্থিত হইলেন এবং চার্নিকে তাহার কুটির মধ্যে আসিতে অনুরোধ করিলেন। কারাধ্যক্ষের মস্তক টাকপড়া এবং গৌপযোড়া জমকাল। তাহার বাম জ্বর মধ্যস্থল হইতে ওষ্ঠ পর্যন্ত একটি দাগ আছে তাহাতে তাহার মুখশ্রী আরও হতশ্রী হইয়াছে। কিন্তু নিজের মতে তিনি এক জন বড় দরের লোক এবং উপস্থিত কার্যে যে রূপ গর্কিত ও কঠোর মূর্ত্তি ধারণ করিয়াছেন সচরাচর এরূপ কখন দেখা যায় না। তিনি এই বলিয়া প্রশংসা উত্থাপন করিলেন যে কিনেট্রেল দুর্গে চার্নির প্রতি কোন দুর্ব্যবহারের অভিযোগ আছে কি না তিনি তাহা বলুন। কারাবাসী তাহাতে ‘না’ বলিলেন। তখন সেই গৌরবাসিত ব্যক্তি বলিলেন “মহাশয়! আপনি জানেন আপনার রোগের সময় আপনার প্রতি যত্নের কিছুমাত্র ক্রটি হয় নাই। আপনি যদি ডাক্তারের ব্যবস্থানুসারে না চলিয়া থাকেন তাহাতে তাঁহার বা আমার কোন অপরাধ হইতে পারে না, দেখুন, আপনি ইচ্ছামত উঠানে বেড়াইতে পারিবেন, এই অসাধারণ অনুগ্রহটী তদবধি আপনার প্রতিই প্রদর্শিত হইয়াছে।” চার্নি তাঁহাকে নমস্কার এবং ধন্যবাদ প্রদান করিলেন।

কারাধ্যক্ষ যেন মনঃপীড়াগ্রস্ত হইয়া বলিলেন “যাহা হউক আপনি কারাগারের নিয়ম ভঙ্গ করিয়াছেন; পিডমন্টের শাসন কর্তার নিকটে আমাকে অপমানিত করিয়াছেন। আপনি সশ্রুটের নিকট এক খানি আবেদন পত্র পাঠাইতে সক্ষম হইয়াছেন বলিয়া তিনি আমার সতর্কতার প্রতি সন্দেহান হইয়াছেন।”

চার্নি তাঁহাকে খামাইয়া বলিলেন “তবে কি সশ্রুট পত্র পাইয়াছেন?”

“আজ্ঞা হাঁ।”

“তিনি কি বলেন?” এই কথা বলিয়া চার্নি কম্পান্বিতহৃদয়ে দণ্ডায়মান রহিলেন?

“তিনি কি বলেন? কারাগারের নিয়ম ভঙ্গ করাতে তোমাকে পুরাতন দুর্গের একটী কুটির মধ্যে আবদ্ধ হইতে হইবে এবং এক মাসের মধ্যে তাহা পরিত্যাগ করিতে পারিবে না।”

চার্নি আশায় নিরাশ হইয়া হৃদয়ের আবেগ সম্বরণ করিতে না পারিয়া বলিলেন “কিন্তু সশ্রুট কি এই আজ্ঞা করিয়াছেন?”

কারাধ্যক্ষ বলিলেন “এরূপ সামান্য বিষয়ে সশ্রুট মনোযোগ দেন না” এই কথা বলিতে বলিতে তথায় যে একখানি মাত্র কেদেয়া ছিল তাহাতে গর্কিত ভাবে উপবেশন করিলেন।

“কেবল ইহাই নয়; তোমার সংবাদাদি চালাইবার উপায় যখন ধরা পড়িয়াছে, তখন তুমি যে আরও অনেক প্রকারে মনের কথা অন্যের নিকটে চালনা করিয়া থাক এরূপ অনুমান করা অসঙ্গত নহে। সশ্রুট ব্যতীত অন্য কোন ব্যক্তিকে তুমি কি কিছু লিখিয়াছ।”

চার্নী প্রত্যুত্তর দেওয়া আবশ্যিক বোধ করিলেন না। কারাধ্যক্ষ পুনরায় বলিলেন “সশ্রুট আমাদিগকে তোমার কাছে আসিতে আজ্ঞা করিয়াছেন; কিন্তু আমার কর্মচারিগণ তোমাকে পরীক্ষা করিবার অগ্রে বল কোন আশ্রয় দোষ স্বীকার করিতে প্রস্তুত আছ কি না? ইহা দ্বারা তোমার ভবিষ্যতে মঙ্গল হইবে?”

কারাবদ্ধ ব্যক্তি তথাপিও নিস্তব্ধ।

“কর্মচারিগণ তোমাদিগের কর্তব্য সাধন কর।” কর্মচারিগণ প্রথমে রন্ধন শালায় ধূম-নির্গমন স্থানে অনুসন্ধান করিল; তৎপরে তাহারা কাউন্টের শরীর এবং তাঁহার কাপড়ের ভাঁজ সকল খুঁজিয়া দেখিতে লাগিল, তাবৎকাল কারাধ্যক্ষ এদিক ওদিক করিয়া ভ্রমণ করিতে লাগিলেন। যদি চার্নি আবশ্যিক কাগজ পত্র লুকাইয়া থাকে, অথবা পলায়নের পন্থা করিয়া থাকে এই আশঙ্কায় তক্তার উপরে সজোরে বেত্রের আঘাত করিতে করিতে বেড়াইতে লাগিলেন। কর্মচারীরা



কিঞ্চিৎ কালীপূর্ণ একটি ক্ষুদ্র বোতল ভিন্ন তথায় কিছুই বাহির করিতে পারিল না। যাহা পাওয়া গেল, তাহা আবার কারারক্ষকের। পরিচ্ছদাধারী কেবল সন্ধান করিতে অবশিষ্ট রহিল। যখন তাহারা তাহার চাবি চাহিল, চার্নি সহজ ভাবে না দিয়া তাহা ছুড়িয়া ফেলিলেন। কারাধ্যক্ষ এক্ষণে রাগবশতঃ সমুদায় ভদ্রতা পরিত্যাগ করিলেন। যখন পরিচ্ছদাধার খুলিয়া কর্মচারিগণ বলিয়া উঠিল “এই বারে ধরিয়া ফেলিয়াছি ধরিয়া ফেলিয়াছি,” তখন তাঁহার আনন্দের পরিসীমা রহিল না। কর্মচারীরা দেবরাজের এক গুপ্ত স্থান হইতে আঁকে পৃষ্ঠে লেখা কতকগুলি রুমাল বাহির করিল এবং সে সকল চার্নির চক্রান্তকারিতার দৃঢ় প্রমাণ বলিয়া গণ্য হইল। চার্নি যখন আপনার অতি যত্নের সামগ্রী সকলের এইরূপ দুর্ভাবহার দেখিলেন, তখন তিনি যে কেদেয়ায় অবসন্ন হৃদয়ে বসিয়াছিলেন তাহা হইতে গাত্রোত্থান করিলেন এবং রুমালগুলি গ্রহণের জন্য হস্ত প্রসারণ করিলেন; কিন্তু যদিও তিনি মুখ ব্যাদান করিয়া রহিলেন, তাঁহার জিহ্বা হইতে একটি কথা বহির্গত হইল না। চার্নির এই প্রকার ভাবভঙ্গী দেখিয়া কারাধ্যক্ষ প্রাপ্ত দ্রব্য গুলি অভ্যন্ত প্রয়োজনীয় বোধ করিলেন এবং বোতল, রুমাল প্রভৃতি একত্র করিয়া বাঁধিতে আজ্ঞা দিলেন। একখানি কাগজে ইহাদিগের অল্পসন্ধান বিবরণ লিখিত হইল এবং তাহাতে নাম স্বাক্ষর করিবার জন্য চার্নির প্রতি আদেশ করা হইল। কাউন্ট এক প্রকার মুখভঙ্গী করিয়া অস্বীকার করিলেন; ইহাতে তাঁহার অপরাপর দোষের সহিত এটিও একটি দোষ বলিয়া নির্দিষ্ট হইল। এক্ষণে চার্নির মনে যে কষ্ট উপস্থিত হইল, প্রাণপ্রিয় প্রণয়িনীর প্রতিক্রিয়া ও তাহা নিদর্শন পত্র সকল যে প্রণয়ী হারাইতে বসিয়াছেন তস্ত্রির অন্যে অল্পভব করিতে পারে না। পিসিওলাকে ঝাঁচাইবার জন্য তিনি অহঙ্কার—এমন কি আয়গৌরব পর্য্যন্ত খর্ব করিতে স্বীকার করিয়াছেন। তিনি এক প্রাচীন ব্যক্তির হৃদয়ে আঘাত দিয়াছেন এবং তাঁহার কন্যার ভাগ্যও দুঃখময় করিয়াছেন। হা! যে একটি মাত্র বস্তু তাঁহার জীবনের সুখশান্তির নিদান ছিল, তাহা নিষ্ঠুর রূপে তাঁহা হইতে বিচ্ছিন্ন হইল! তাহার স্মরণার্থ যে সকল নিদর্শন ছিল তাহাও অপহৃত হইল!!

## স্ত্রীলোকদিগের বিবাহ যোগ্য বয়ঃক্রম।

(৮৯ পৃষ্ঠার পর।)\*

“দুই জন বালিকার ৮ বৎসরের পর, ১৪ জনের ৯ বৎসরের, ২২ জনের ১০ বৎসরের, ৪৬ জনের ১১ বৎসরের, ৬৯ জনের ১২ বৎসরের, ২২ জনের ১৩ বৎসরের, ১৮ জনের ১৪ বৎসরের, ৬ জনের ১৫ বৎসরের, ২ জনের ১৭ বৎসরের এবং ১ জনের ১৮ বৎসরের পর প্রথম ঋতু হয়। অভাব পক্ষে কয়েকটি বিবরণ পাওয়া গিয়াছে তাহাও উল্লেখ করা আবশ্যিক। এক জনের ১৩, ৪ জনের ১৪, ১ জনের উনিশ ও ১ জনের চল্লিশ বৎসরের উর্দ্ধেও ঋতু সঞ্চার দেখা যায় নাই। শেষোক্ত দুইটি দৃষ্টান্ত অস্বাভাবিক এবং কোন প্রকার অপরিজাত শারীরিক বিকৃতি হইতে উৎপন্ন, অবশ্য বলিতে হইবে। সকল দৃষ্টান্ত গুলি একত্র করিয়া ধরিলে গড়ে ১১ বৎসর, ৯ মাসের পর ঋতুর প্রারম্ভ হয়। কিন্তু যে সকল দৃষ্টান্তের নিশ্চয় সময় জানা গিয়াছে তাহা মোটে ধরিলে ১২ বৎসর, ১ মাসের পর ঋতুকাল নির্দেশ করিতে হয়। সুশ্রুতের নির্দিষ্ট সময় গড়ে ধরিলেও এইরূপ হয়। কিন্তু সুশ্রুতের লিখন ভঙ্গী অনুসারে তাঁহার নির্দিষ্ট সময় যদি ঋতু দর্শনের স্থানকল্প সময় হয়, তাহা হইলে তাঁহার সময় অপেক্ষা বর্তমান সময়ে ঋতুর স্থানকল্প সময় কমিয়া আদিয়াছে সিদ্ধান্ত করিতে হইবে এবং ইহা বিশেষ বিবেচনার যোগ্য।

জলবায়ু, স্থান সন্নিবেশ, ভূমির প্রকৃতি এবং চতুর্দিকস্থ অন্যান্য অবস্থা প্রভাব ঋতুকাল, তাহার আরম্ভ এবং পশ্চাত্ত্বর্তী নিয়মিত দর্শনক্রম অথবা এককালে অদর্শন এ সকলের কোন প্রকার পরিবর্তন হয় কি না, তাহা অদ্যাবধি অনিশ্চিত রহিয়াছে। যে সকল দৃষ্টান্ত সংগ্রহ করা হইয়াছে, বিশেষ সতর্কতা পূর্বক এবং সামাজিক ও পারিবারিক অবস্থা সকল ঠিক বিবেচনা করিয়া যে তদ্বিষয়ে কোন সিদ্ধান্ত হইয়াছে তাহা আমার

\* বর্তমান কালে কত বয়সে হিন্দুবাল্যগণের প্রথম ঋতুকাল উপস্থিত হয়, ডাক্তার মহেন্দ্রলাল স্বয়ং ও বিশ্বস্ত বন্ধুগণ দ্বারা অনুসন্ধান করিয়া তাহার (বৎসর ও মাস পর্য্যন্ত ধরিয়া) একটি তালিকা দিয়াছেন, এহলে তাহার স্থূল বিবরণ মাত্র প্রকটিত হইল।



বোধ হয় না। কেবল বাহ্য দর্শন করিয়া সুবিধা মত কতকগুলি উদাহরণ গ্রহণ করিলে স্বতঃ এই বিশ্বাস হইতে পারে যে ঋতুকালের সহিত জল বায়ুর বিশেষ যোগ আছে। শীত প্রধান দেশে ইহা বিলম্বে ও উষ্ণ প্রধান দেশে সত্ত্বর সংঘটিত হয়। এই জন্য যে সকল অবস্থার সহিত এবিষয়ের কোন না কোন প্রকার যোগ থাকিতে পারে তাহা সাবস্থানে নিরূপণ করিয়া আমি হৃদয়ঙ্গম করিয়াছি যে জলবায়ুর যদি কোন প্রভাব থাকে তাহা যৎসামান্য—এমন কি অসংখ্য ভাগের এক ভাগ বলিলেও বলা যায়। লণ্ডন অপেক্ষা কলিকাতায় (বঙ্গদেশের কথা বলিতেছি না) প্রথম ঋতুকাল যে শীত্বতর তাহার সন্দেহ নাই। কিন্তু এতিনতা উভয় স্থানের সামাজিক ও পারিবারিক ব্যবস্থার ভিন্নতা নিবন্ধন বোধ হয়। আমি বঙ্গদেশ গণনা স্থলে ধরি নাই তাহার কারণ এই, নগর ও পল্লি-গ্রামের ঋতুকালের যে বিস্তর বিভিন্নতা হয় তদ্বিষয়ে নিশ্চয় প্রমাণ পাই-য়াছি। প্রথম ঋতুকালের যে তালিকা করা গিয়াছে, তন্মধ্যে সর্বাপেক্ষা অল্পবয়সে ঋতু সঞ্চার কলিকাতার ধনি-পরিবারের মধ্যে হইয়াছে। বিলাসীরূপে আহার বিহার, শিশুস্বামী ও শিশুভার্যার সহিত সর্বদা দেখা শুনা এবং নিরকোষ পিতা মাতার বালকও বালিকাকে অল্প বয়সে পিতা মাতা হইতে দেখিবার ইচ্ছা, এইসকল বিকৃত প্রৌঢ়াবস্থার প্রধান কারণ, ইহা বালকের পক্ষে যেরূপ বালিকার পক্ষেও সেই রূপ শোচনীয়।

বাল্যবিবাহ রূপ কুপ্রথা বর্তমান কালে বঙ্গদেশের দক্ষিণাংশে বিশেষতঃ কলিকাতায় একশেষ সীমায় উপনীত হইয়াছে ইহা বলা আবশ্যিক। কিছু দিন পূর্বে উত্তর পশ্চিমাঞ্চলের ন্যায় বঙ্গদেশেও একটী ভদ্রাচার দ্বারা এই কুপ্রথার অনিষ্টকারিতা কিয়ৎ পরিমাণে নিবারিত হইত; অর্থাৎ বিবাহিত বালক ও বালিকার কিছু বয়োবৃদ্ধি না হইলে প্রকৃত বিবাহ অনুষ্ঠান, তাহাদিগের পরস্পরের সহিত দেখা সাক্ষাৎ ও পরিচয়, সম্পন্ন হইত না। সত্যতা বৃদ্ধির সঙ্গে সঙ্গে এই কঠিন প্রাচীন নিয়ম অগ্রাহ হইয়া পড়িয়াছে এবং এক্ষণে বিবাহের মন্ত্রপাঠ হইলেই প্রায় শারীরিক বিবাহের সূত্রপাত হয়। অতএব সাধারণ বুদ্ধি এবং বিজ্ঞানের সাহায্যে ন্যূনকম্পে যে বয়সে বিবাহ হইলে পূর্ণাবয়ব সন্তান সকল প্রসূত

হইতে পারে এবং মাতার স্বাস্থ্যের ব্যাঘাত না হয় তাহা অবধারণ নিমিত্ত আর কালবিলম্ব করা কোনমতে কর্তব্য নহে।

দেশাচার প্রতিপোষকগণ বলেন এদেশে অল্প বয়সে স্ত্রীজাতির যৌবন কাল উপস্থিত হয় অতএব বাল্যবিবাহ যে অপরিহার্য আবশ্যিকতার নিদর্শন ভিন্ন আর কিছুই নহে ইহা স্বীকার করিতে হইবে। আমাদের বিবেচনায় যে সকল প্রমাণ প্রয়োগ করা গিয়াছে তদ্বারা নিশ্চয় বলা যায়, যে বাল্যবিবাহই বাল্য যৌবনের প্রতি কারণ। সুস্থ সন্তান উৎপাদন করা যে বিবাহের প্রধান উদ্দেশ্য তাহার সন্দেহ নাই এবং যে বয়সের পূর্বে সন্তান সুস্থ ও দীর্ঘায়ু হইতে পারে না, সে বয়সে বিবাহ কার্য সম্পাদন করা শারীরবিজ্ঞান শাস্ত্রমতে অবিধেয়। ঋতুর প্রারম্ভ যৌবনের চিহ্ন বলিয়া অবধারণ করা যায়। কিন্তু যে বালিকার ঋতু আরম্ভ হইয়াছে, সে যে সুস্থ সন্তান প্রসব করিতে সক্ষম একরূপ বিবেচনা করা অপেক্ষা দারুণ ভ্রম আর কিছুই নাই। দন্ত কঠিন পদার্থ চর্বণের জন্য সৃষ্ট হইয়াছে সন্দেহ নাই, কিন্তু দন্তোদগম হইবা মাত্র শিশু কঠিন পদার্থ দ্বারা জীবন ধারণে সমর্থ একরূপ বিবেচনা নিতান্ত শোচনীয় বলিতে হইবে। কঠিন দ্রব্য চর্বণ করিয়া পাছে তাহার কোমল দন্ত ভগ্ন হয় তজ্জন্য আমাদের বিশেষ চিন্তা হইয়া থাকে। সেইরূপ যখন আমরা কোন বালিকার ঋতুর প্রারম্ভ দেখিতে পাই, তখন তাহার নিয়মিত গতি ও ভ্রম কেবল অবধারণ করিলে হইবে না, কিন্তু তৎসঙ্গে সঙ্গে যে সময়ে শারীরিক পূর্ণ উন্নতি দ্বারা স্ত্রীলোক মাতা হইবার উপযুক্ত হন এবং যাহাতে তাহার আপনার বা সন্তানের কোন অনিষ্ট না হয় তাহাও সতর্কতা পূর্বক দেখিতে হইবে। ইহা স্মরণ রাখা কর্তব্য যে অল্প বয়সে সন্তান হইলে সে সন্তান যে রূপ অল্পায়ু ও দুর্বল হয়, সেই রূপ তাহাতে মাতারও স্বাস্থ্যের অত্যন্ত হানি হইয়া থাকে। আমি প্রত্যক্ষ দৃষ্টান্ত দ্বারা এবিষয়টী দৃঢ় নিশ্চয় করিয়া বলিতে পারি। আমাদের স্ত্রীলোকগণ যাবজ্জীবন যে অসংখ্য পীড়া ভোগ করে অথবা অল্প বয়সে যে সকল পীড়ায় আক্রান্ত হয় বাল্যবিবাহ কুপ্রথা অর্থাৎ অকাল যৌবন ও অকাল মাতৃত্বই তাহার মূল কারণ।



এই সকল বিবেচনা করিয়া আমরাদিগের যে ভগিনী ও কন্যাগণ সম্ভাবনবতী হইবেন এবং যে ভাবিবংশীয় গণের উন্নতির উপর এদেশের প্রকৃত কল্যাণ নির্ভর করিতেছে তাহাদের অনুরোধে স্ত্রীলোকদিগের ন্যূনকম্প বিবাহ কাল বর্তমান নির্দিষ্ট সময় অপেক্ষা অধিক করিয়া স্থির করা নিতান্ত আবশ্যিক হইয়াছে। বিবাহের পর উপরি উক্ত প্রাচীন কঠোর নিয়ম যদি রক্ষা করিতে পারা যায়, তাহা হইলে চতুর্দশ বা দ্বাদশ বৎসর বিবাহ যোগ্য বয়স নির্দিষ্ট করিলে ক্ষতি নাই। কিন্তু সময়ের উন্নতির সঙ্গে সঙ্গে তাহা অসম্ভব বা অসঙ্গত হইয়া পড়িয়াছে, অতএব আমি ১৬ বৎসর স্ত্রীলোকদিগের ন্যূনকম্প বিবাহ যোগ্য বয়স নির্ধারণ করিলাম।”

### শিক্ষয়িত্রী বিদ্যালয়ের পরীক্ষা ও পারিতোষিক।

গত ফেব্রুয়ারি মাসে ভারত সংস্কার সভার অধীনস্থ শিক্ষয়িত্রী বিদ্যালয় প্রতিষ্ঠিত হয়। শিক্ষয়িত্রী অভাবে এদেশে স্ত্রীশিক্ষা সম্বন্ধে যে অসংখ্য প্রতিবন্ধক দেখা যায় তাহা যথাসাধ্য দূর করাই এই বিদ্যালয়টির উদ্দেশ্য। ইহার সহিত বয়স্ক ছাত্রীদিগের শ্রেণীও আছে, তাহাতে অধিক বয়স্ক ছাত্রীগণ শিক্ষকতা কার্য করিতে ইচ্ছা না করিলেও পাঠোন্নতি ও সুশিক্ষা লাভ করিতে পারেন। কিছুকাল পূর্বে কলিকাতা নগরে একরূপ একটা বিদ্যালয় অসম্ভব ব্যাপার বলিয়া বোধ হইত এবং মিস মেরী কার্পেন্টর যখন বেথুন বালিকা বিদ্যালয়ে শিক্ষয়িত্রী শ্রেণী স্থাপনের প্রস্তাব করেন তখন এদেশের অনেক সুবিজ্ঞ লোক অসামান্যিক ও অসম্ভব বলিয়া তাহার কথা উড়াইয়া দিয়াছিলেন। বেথুন বিদ্যালয়ে গবর্নমেন্ট কর্তৃক শিক্ষয়িত্রী শ্রেণী সংস্থাপিত হইলেও তাহার অবস্থা দেখিয়া কর্তৃক তাহা রহিত করিবার মানস করেন এবং বয়স্ক ছাত্রী হিন্দু রমণীদিগের মধ্যে পাওয়া সুদূর-পর্যন্ত বলিয়া তাহাদিগেরও সংস্কার দাঁড়াইয়া যায়। এমন সময় এই শিক্ষয়িত্রী বিদ্যালয়ের উদয় হইল। গবর্নমেন্টের সপক্ষতা,

অর্থবল বা দেশীয় সাধারণ লোকদিগের তাদৃশ উৎসাহ ইহার ভাগ্যে এসকলের কিছুই ঘট নাই, তথাপি ছয়মাসের মধ্যে ইহা হইতে যে প্রকার সুফল উৎপন্ন হইয়াছে তাহা আলোচনা করিয়া কে না আশ্চর্য হইবেন? ইহাতে ইতিমধ্যে ২২ জন ভদ্র হিন্দু মহিলা ছাত্রী স্বীকার করিয়াছেন এবং নিয়মিত রূপে আগমন ও অধ্যয়ন করিতেছেন। ছাত্রীদিগের অধিকাংশের বিদ্যালয়ের গমনাগমনের ব্যয়মাত্র প্রদত্ত হয়, তাহাতেই এত সংখ্যক পাওয়া গিয়াছে। এই ব্যয় অধিক দিতে সভা অসমর্থ বলিয়া আরও অনেকের ইচ্ছা থাকিলেও বিদ্যালয়ে অধ্যয়ন করিতে পারেন না। বয়স্ক শ্রেণীর ছাত্রীরা আবার নিজব্যয়ে আসিয়া থাকেন। এই বিদ্যালয়ে একটা বিবি শিক্ষয়িত্রী ইংরেজী ও শিল্প শিক্ষা দেন এবং ভক্তিবাজন বাবু বিজয়কৃষ্ণ গোস্বামী অন্যান্য সকল বিষয় শিক্ষা দিয়া থাকেন। বিদ্যালয়ের মাসিক ব্যয় ন্যূনাধিক ১৫০০ দেড়শত টাকা হইয়া থাকে, তদ্ব্যতীত বামাকুল হিতৈষী মহাত্মাগণের দাতব্যের উপরেই সম্পূর্ণ নির্ভর। এইরূপ অবস্থায় বিদ্যালয়টির কার্য চলিয়া গত আগষ্ট মাসের প্রথমে ইহার ষাণ্মাসিক পরীক্ষা ও পারিতোষিক বিতরণ হইয়াছে। বিদ্যালয়ের শিক্ষা প্রণালী এবং ছাত্রীগণের পাঠোন্নতির বিষয়ে আমরা অধিক কিছু বলিতে চাহি না, বিদ্যালয়ের অধ্যক্ষদিগের নিকট পরীক্ষকগণ যে মন্তব্য পাঠাইয়াছেন তাহা নিম্নে প্রকাশ করিতেছি, পাঠক পাঠিকাগণ পাঠ করিলেই বুঝিতে পারিবেন। পরীক্ষকগণ সামান্য লোক নহেন, সকলেই সুবিখ্যাত মহোপাধ্যায়, তাহাদিগের বাক্য অপেক্ষা বিশ্বাস যোগ্য দৃঢ় প্রমাণ আর কিছুই নাই।

“মহাশয়!

আমি আপনার স্ত্রীশিক্ষা বিদ্যালয়ের ১ম শ্রেণীর সাহিত্য পরীক্ষা করিয়া যে কেবল অসীম সন্তোষ লাভ করিলাম, এমন নহে, আমি অত্যন্ত বিস্মিতও হইলাম। কি আশ্চর্য! এত অল্প দিনের মধ্যে একরূপ শিক্ষা কি রূপে হইল! আমার প্রশ্ন গুলি (আমার বিবেচনায়) অত্যন্ত কঠিন ছিল, অধিক কি বিশ্ব বিদ্যালয়ের বাঙ্গালা ভাষা পরীক্ষাতে ও ওরূপ প্রশ্ন থাকে না। (আপনার অনুরোধ বশতঃ আমি এত কঠিন প্রশ্ন



অনিচ্ছা পূর্বক দিয়াছিলাম) স্মৃতরাং প্রশ্ন দিবার সময় মনে হইয়াছিল, অধিকাংশ প্রশ্নের উত্তর দিতে ছাত্রীরা অসমর্থ হইবেন। কিন্তু পরীক্ষা কালে দেখিলাম, প্রায় সকল প্রশ্নেরই উত্তর সকলে দিয়াছেন। আর একটি প্রশংসা এই যে সকল ছাত্রীরাই হস্তাকর গুলি উৎকৃষ্ট। সচরাচর স্ত্রীলোকদিগের যে রূপ অক্ষর হইয়া থাকে ইহাদিগের সে রূপ অক্ষর নহে, পুরুষের মত অক্ষর এবং লিখিবার প্রণালী হইয়াছে।

সাধারণো মত প্রকাশ করিতে হইলে আমি নিঃসন্দেহ কহিতে পারি যে এই তিন জন ছাত্রী বাঙ্গালা ভাষাতে ব্যুৎপন্ন হইয়াছেন।

ছাত্রীদিগের এই উন্নতি আপনাদিগের অন্তরিক যত্নের ফল স্মৃতরাং আপনারা আমাদিগের সহস্র ধন্যবাদের পাত্র হইতেছেন।

পরীক্ষক।

শ্রীমহেশচন্দ্র ন্যায়রত্ন।

(সংস্কৃত কলেজের প্রতিনিধি অধ্যক্ষ)।

পরীক্ষার ফল নিম্নে প্রকাশিত হইল।

ছাত্রীর নাম

ছাত্রীর নাম	পরীক্ষার ফল	
	পূর্ণ সংখ্যা	...
শ্রীমতী রাজলক্ষ্মী সেন	১০০	...
শ্রীমতী রাধারাণী লাহিড়ী	৬৯	...
শ্রীমতী সৌদামিনী কাস্তুরি	৬৪	...
	৬০	...

“মহাশয়!

আমি আপনাদের স্ত্রীশিক্ষালয় বিদ্যালয়ের তিনটি ছাত্রীর পদার্থ-বিদ্যা বিষয়ক পরীক্ষা গ্রহণ করিয়া সান্ত্বিত হইয়াছি, তাঁহারা যে রূপ লিখিয়াছেন তাহা আমার আশাতীত। আমি যে প্রণালী অনুসারে বিশ্ব বিদ্যালয়ের বা নিজ নর্স্যাল বিদ্যালয়ের বা অন্য কোন বিদ্যালয়ের ছাত্রদিগের পরীক্ষা করিয়া থাকি সেই প্রণালী অবলম্বন পূর্বক এই তিনটি ছাত্রীর উত্তরের কাগজ পরীক্ষা করিয়াছি। প্রদত্ত উত্তরের সম্পূর্ণ কি

আংশিক বর্ণাঙ্কিত, ও লিখনের পারিপাট্য বিবেচনা করিয়া সংখ্যা প্রদান করিয়াছি, ইহাতে পূর্ণসংখ্যা এক শতের মধ্যে

রাজলক্ষ্মী—৭৩

রাধারাণী—৬৮

সৌদামিনী—৫১

সংখ্যা পাইয়াছেন। সামান্যতঃ যাহারা অর্ধ বা তদধিক সংখ্যা প্রাপ্ত হন তাঁহাদিগকে উৎকৃষ্ট বলা যায়; অতএব ইহারা তিন জনেই উৎকৃষ্ট হইয়াছেন অবশ্যই স্বীকার করিতে হইবে। অপর এই সকলের কাগজ যে রূপ পরিষ্কার ও পরিচ্ছন্নরূপে লিখিত হইয়াছে তাহা দেখিয়া আমি অতি আশ্লাদিত ও চমৎকৃত হইয়াছি; এবং নিশ্চয় বলিতে পারি আমার অধীন নর্স্যাল বিদ্যালয়ের অনেক ছাত্র একরূপ পরিষ্কার লিখিতে অক্ষম। আর আমি আমার যে যে সহকারী শিক্ষক মহাশয়কে এই সকল কাগজ দেখাইয়াছি তাঁহারাও সে সকল দেখিয়া অতিশয় সন্তুষ্ট ও চমৎকৃত হইয়াছেন। আমি নিশ্চয় বলিতে পারি যে যদি অন্যান্য বিষয়ে ইহারা এইরূপ উৎকৃষ্ট পরীক্ষা দিয়া থাকেন তাহা হইলে পরমাশ্চর্যের বিষয় হইয়াছে সন্দেহ নাই। এত অল্প কাল মধ্যে একরূপ উৎকৃষ্ট ফল বোধ হয় কেহই কখন দেখেন নাই। ইহাতে আমার বিলক্ষণ বোধ হইতেছে যে আপনাদিগের বিদ্যালয়ের শিক্ষক যথোচিত পরিশ্রম করিয়াছেন ও ছাত্রীরাও প্রগাঢ় অভিনিবেশের সহিত শিক্ষা করিয়াছেন। পরিশেষে আমার এই অনুরোধ যে যদি কোন বিশেষ বাধা না থাকে তবে আপনারা এই সকল উত্তরের কাগজের মধ্যে উত্তম নির্বাচন করিয়া কোন সমাচার পত্রিকা বা সুলভ পত্রিকায় লিখিয়া প্রচার করিয়া দেন।

৫ই আগস্ট ১৮৭১।

শ্রীগোপালচন্দ্র বন্দ্যোপাধ্যায়।  
(নর্স্যাল বিদ্যালয়ের অধ্যক্ষ)  
কলিকাতা গবর্নমেন্ট নর্স্যাল বিদ্যালয় পরীক্ষক।

“শিক্ষয়িত্রী বিদ্যালয়ের ১ম শ্রেণীর ছাত্রীরা রামায়ণ প্রশ্নের যে প্রকার উত্তর দান করিয়াছেন, তাহা দেখিয়া আমি অত্যন্ত সন্তুষ্ট হইয়াছি। রাজলক্ষ্মীর উত্তর গুলি অধিকতর হৃদয় পরিতোষক হইয়াছে। এই শ্রেণীতে



থাকিয়া ইহারা কিছু দিন পড়া শুনা করিলে আপনাদিগের উদ্দেশ্য সিদ্ধি হইবে সন্দেহ নাই। ইহাদিগের শিক্ষাদান বিষয়ে শিক্ষকের যে সান্তি-শয় যত আছে তাহা স্পষ্ট প্রতীয়মান হইল।

প্রথম রাজলক্ষ্মী সেন

দ্বিতীয় সৌদামিনী কান্তগিরি

তৃতীয় বাধারানী লাহিড়ী

১২৭৮ সাল

১০ শ্রাবণ।

শ্রীদ্বারকানাথ শর্মা ।

( সংস্কৃত কলেজে সাহিত্য অধ্যাপক ও  
সোমপ্রকাশ সম্পাদক । )

The three pupils of the 1st class answered fully the questions on the outlines of the four quarters of the Globe, but they did not do equally well in the Geography of India. The marks of the 1st class are on the average so high as 62½ per cent and conclusively shew that the pupils are doing well. &c. &c.

RADHIKA PRASANNA MUKERJEE.

( Deputy Inspector of Schools. )

প্রথম শ্রেণীর তিনটি ছাত্রী ভূগোলের চারি খণ্ডের সাধারণ জ্ঞান বিষয়ক প্রশ্নগুলির সম্পূর্ণ উত্তর দান করিয়াছেন, কিন্তু ভারতবর্ষের বিবরণ বিষয়ে তাদৃশ উৎকর্ষ প্রদর্শন করিতে পারেন নাই। প্রথম শ্রেণীর প্রাপ্ত সংখ্যা গড়ে শতকরা ৬২½ হইয়াছে, ছাত্রীগণ যে উৎকর্ষ রূপ শিক্ষা লাভ করিতেছেন এই উচ্চ সংখ্যা দ্বারা তাহা নিঃসংশয়ে প্রতিপন্ন হইতেছে। &c. &c.

শ্রীরাধিকা প্রসন্ন মুখোপাধ্যায় ।

( ডেপুটী ইন্স্পেক্টর । )

In sending the marks of the English Examination I have to express my extreme satisfaction at the Examination. The papers are all good. The students of the First Class came very near each other I feared I should have had greater difficulty in classi-

fyiing them. It was not until I made up my marks that I saw how they stood. The spelling asked, was perhaps above the standard which placed the marks lower than might have happened. The First Class papers, are however a decided success, meriting very great praise, and I can only say that they have far surpassed what could have been expected. & &.

Miss Pigot.

( Scott Church Mission ).

ইংরাজী পরীক্ষা সংখ্যা পাঠাইবার সময়, এই পরীক্ষাতে আমি যার পর নাই সন্তুষ্ট হইয়াছি ইহা আনন্দের সহিত প্রকাশ করিতেছি। সকল উত্তরের কাগজ গুলিই উৎকর্ষ। প্রথম শ্রেণীর ছাত্রীগণ পরস্পরে প্রায় সমান দাঁড়াইয়াছেন এবং তাহাদিগকে শ্রেণীবদ্ধ করা কঠিন বোধ হইয়াছে। ফলতঃ আমি যতক্ষণ সংখ্যা নির্ধারণ না করিলাম, ততক্ষণ কে উৎকর্ষ কে নিকর্ষ বুঝিতে পারি নাই। বানান সকল ছাত্রীদিগের ক্ষমতার অধিক জিজ্ঞাসা হইয়াছিল, তজ্জন্য সংখ্যা যেরূপ হইতে পারিত তদপেক্ষা কিছু ন্যূন হইয়াছে। যাহাহউক প্রথম শ্রেণীর উত্তর সকল নিঃসংশয় সম্পূর্ণ উৎকর্ষ ও অতীব প্রশংসনীয় হইয়াছে। আমি কেবল এই মাত্র বলিতে পারি যে পরীক্ষাকাল যার পর নাই আশাতীত হইয়াছে। & &.

মিস পিগট ।

( বেথুন বালিকা বিদ্যালয়ের ভূতপূর্ব অধ্যক্ষ । )

I examined the First Class of the Female Normal School in connection with the Indian Reform Association in History and Arithmetic and the Second Class in Arithmetic and Geography. The First Class contains 3 pupils and Second eight. The result of the examination has been, on the whole quite satisfactory. The History answers of the First Class are especially excellent. I know not what to do admire most, the neatness of the handwriting, the accuracy of the language, and correctness of the matter, all deserve very high praise. Indeed such papers would



do credit to the very best pupils of the best Vernacular School in Bengal.

TARINEE CHURN CHATTERJEE.

(Head Master Sanskrit College.)

আমি ভারত সংস্কার সভাস্থগত শিক্ষয়িত্রী বিদ্যালয়ের প্রথম শ্রেণীর ইতিহাস ও অঙ্ক এবং দ্বিতীয় শ্রেণীর অঙ্ক ও ভূগোল পরীক্ষা করিলাম। প্রথম শ্রেণীতে ৩ জন ও দ্বিতীয় শ্রেণীতে ৮ জন ছাত্রী। সাধারণতঃ পরীক্ষার ফল সন্তোষকর বলিতে হইবে। বিশেষতঃ প্রথম শ্রেণীর ইতিহাসের উত্তর সকল অত্যুৎকৃষ্ট হইয়াছে। তাহাদিগের হস্তাক্ষরের পারিপাট্য, ভাষার বিস্তৃতা এবং লিখিত বিষয়ের যাথার্থ্য ইহার কোন-টার অধিক প্রশংসা করিব জানি না, সকল বিষয়ই নিরতিশয় প্রশংসার যোগ্য। বস্তুতঃ এ প্রকার উত্তর বঙ্গদেশের সর্বোৎকৃষ্ট বাঙ্গালী বিদ্যালয়ের সর্বোৎকৃষ্ট ছাত্রগণ লিখিতে পরিলে তাহাদিগের গৌরবের বিষয় হইত।

শ্রীতারিণীচরণ চট্টোপাধ্যায়।

(সংস্কৃত কলেজের প্রধান শিক্ষক।)

এইরূপ পরীক্ষা ফল যার পর আই আনন্দকর বলিতে হইবে। ইহা কি ছাত্রীগণ, কি শিক্ষকগণ, কি বিদ্যালয়ের অধ্যক্ষ ও সাহায্য-দাতাগণ সকলেরই গৌরবের বিষয় হইয়াছে। গবর্নমেন্টের সাহায্য ব্যতিরেকে এ দেশীয় লোকে এরূপ একটা গুরুতর নূতন বিষয়ে হস্তক্ষেপ করিয়া যে এরূপ কৃতকার্য হইয়াছেন ইহা আমাদের জাতীয় গৌরব নিদর্শন বলিলেও অত্যুক্তি হয় না। বিদ্যালয়ের সুযোগ্য প্রধান শিক্ষক বাবু বিজয়কৃষ্ণ গোস্বামী মহাশয়ের অক্লান্ত যত্ন ও পরিশ্রম এই সুখকর ব্যাপারের প্রধান কারণ তাহা মুক্তকণ্ঠে স্বীকার করিতে হইবে এবং তজ্জন্য তাহাকে সর্বান্তঃকরণে ধন্যবাদ প্রদান করা কর্তব্য।

৮ই আগস্ট ছাত্রীগণের পারিতোষিক বিতরণ কার্য সম্পন্ন হয়। সভাস্থলে অনেক গুলি ইউরোপীয় ও হিন্দুরমণী উপস্থিত হন এবং বিবি ফিয়ার সহস্বে পারিতোষিক বিতরণ করেন। পারিতোষিকের পুস্তক ও

অন্যান্য দ্রব্যে ল্যুনাধিক ১০০ টাকা ব্যয় হইয়াছে। যে যে শ্রেণীর যে যে ছাত্রী পুরস্কার পাইয়াছেন তাহাদিগের নাম নিম্নে প্রকাশিত হইল।

১ শ্রেণী।

শ্রীমতী রাজলক্ষ্মী সেন।

কুমারী সৌদামিনী কান্তগিরী।

কুমারী রাধারানী লাহিড়ী।

২য় শ্রেণী।

শ্রীমতী যোগমায়া গোস্বামী।

“ জগন্মোহিনী রায়।

“ জগন্তারিণী বসু।

“ সারদাসুন্দরী ঘোষ।

কুমারী সরলা বসু।

৩য় শ্রেণী।

শ্রীমতী মনোমোহিনী সেন।

“ কৃষ্ণাবিনোদিনী বসু।

“ বসন্তকুমারী মৈত্র।

শ্বাস ক্রিয়া।

জন্মগণ নাসিকা দ্বারা বাতাস টানিয়া লয় এবং তাহাতেই তাহাদের প্রাণ রক্ষা হইয়া থাকে, একথা কে না জানে? বাতাস অনবরত আমাদের শরীরের মধ্যে প্রবেশ করিতেছে এবং শরীর হইতে বাহির হইয়া যাইতেছে। আমরা জাগিয়াই থাকি বা ঘুমাইয়া পড়ি, ইচ্ছা করি বা না করি এই নিশ্বাস ও প্রশ্বাস কার্য আপনাই হইতেই সম্পন্ন হয়। করুণা-



ময় পরমেশ্বর আমাদের জীবন রক্ষার যদি এরূপ আশ্চর্য্য নিয়ম না করিয়া দিতেন তাহা হইলে কে বাঁচিতে পারিত? বস্তুতঃ শরীরের মধ্যে এই আশ্চর্য্য ব্যবস্থা দেখিয়া বোধ হয় যে জগদীশ্বর স্বহস্তে সর্বক্ষণ জীব-গণের জীবন রক্ষা করিতেছেন। শ্বাসক্রিয়া না হইলে কেবল যে আমরা হাঁপাইয়া মরিয়া যাই তাহা নহে, আমাদের শরীর মধ্যে যে রক্তশ্রোত প্রবাহিত হইতেছে এবং যাহা দ্বারা শরীরের সকল অঙ্গ হৃৎপুষ্টি ও সবল হইতেছে তাহাও দূষিত হইয়া মৃত্যুর কারণ হইত। কিন্তু শ্বাসক্রিয়ার গুণে দূষিত রক্ত বিশুদ্ধ হইয়া আশ্চর্য্য কৌশলে শরীরকে সুস্থ ও সবল করিয়া দিতেছে। এমন জীবনের নিত্য প্রয়োজনীয় বিষয়টী জানিবার জন্য কাহার না কৌতুক হয়? আমরা নিম্নে শ্বাস ক্রিয়ার স্থূল বিবরণ প্রকাশ করিতেছি।


আমাদের শরীরের মধ্যভাগকে ধড় কহে, ইহা মেরুদণ্ড অর্থাৎ পিঠের দাঁড়া, ২৪ খানি পঁজরা, কাঁধ এবং বুকের হাড় দিয়া গঠিত—ঠিক একটা পঁজারার ন্যায়। ইহার চতুর্দিক বহু প্রকার মাংস পেশী দ্বারা বেষ্টিত। এই ধড়ের ভিতরে বহু গহ্বর আছে তাহাকে উদর ও বক্ষো গহ্বর কহে। ইহার নিম্নদেশে পাকযন্ত্র ও উপরিভাগে শ্বাস যন্ত্র; ইহাদের মধ্যে একখানি চামড়ার পর্দা আছে, তাহাকে মধ্যচ্ছেদ বা মধ্য আচ্ছাদনী কহে। বক্ষো গহ্বরের দক্ষিণ ও বাম দুই দিকে শ্বাস যন্ত্রের দুইটা কল আছে তাহাদিগকে ফুস্ফুস্ কহে। ইহারা হৃৎপিণ্ড, রক্তনালী এবং ফুস্ফুস্ কোষ (১) দ্বারা পরস্পর হইতে ভিন্ন হইয়া আছে। ফুস্ফুস্ কোষ বা হৃৎপিণ্ড (২) প্রত্যেক ফুস্ফুসকে সম্পূর্ণরূপে বেষ্টিত করিয়া বক্ষো গহ্বরকে আচ্ছাদন করিয়া আছে। হৃদয় ও বাক্যন্ত্র (৩) যেখানে সংযুক্ত তাহাকে ফুস্ফুস্ মূল কহে। শ্বাসনালী বাক্যন্ত্রের নীচে দুই শাখাতে বিভক্ত হইয়া দুই ফুস্ফুসের মূল হইয়াছে। এই শাখা আবার ঠিক বৃক্ষশাখার ন্যায় উপশাখা, প্রশাখা ও ক্রমে আরও ক্ষুদ্রতর শাখার ন্যায় হইয়া এক একটা ফুস্ফুসের অবলম্বন হইয়াছে।

(১) যে পর্দা ফুস্ফুসকে ঘেরিয়া আছে।

(২) যাহা রক্তের আধার হৃদয় যন্ত্রকে ঘেরিয়া আছে।

(৩) ২৫ সংখ্যা বামাবোধিনী ৮২ পৃষ্ঠা দেখ।

## ১। ফুস্ ফুস্ ও হৃদয়।




১—শ্বাসনালী

২—ফুস্ ফুস্

৩—হৃদয় যন্ত্র

৪—দক্ষিণ ফুস্ ফুস্

## ২। শ্বাসযন্ত্র।



১—বাক্যন্ত্র

২—শ্বাসনালী

৩—শ্বাসনালীর শাখা

৪—ফুস্ ফুস্

৫—ফুস্ ফুস্‌র সূক্ষ্ম সূক্ষ্ম নাড়ী



ফুস্‌ফুসের আকার ছয়পার্শ্ব বিশিষ্ট; নিম্নদিকে প্রশস্ত ও গহ্বরাকৃতি, উপরি ভাগ ক্রমশ সরু হইয়া ঘাড়ের নিকটে আসিয়াছে। তাহার অগ্রভাগ কিছু ভোঁতা। ইহার সম্মুখের দিক মসৃণ, উচ্চ এবং বিস্তারিত—বক্ষঃস্থলের ন্যায়। তিতরদিক প্রশস্ত এবং হৃদবেষ্টিকা ও শ্বাসমূলের স্থান সমাবেশ জন্য গহ্বরবৎ। ইহার পশ্চাৎ ধার গোল, পঞ্জরের উপরিস্থ; সম্মুখ ধার পাতলা ও ধারাল—হৃদবেষ্টিকার উপরিস্থ। প্রত্যেক ফুস্‌ফুস্‌ এক একটা রহৎ খাত দ্বারা দুই ভাগে বিভক্ত, উপরিভাগ ও নিম্নভাগ। উপরিভাগ ক্ষুদ্র ও কোণাল, নিম্নভাগ রহৎ ও চতুষ্কোণ। দক্ষিণ ফুস্‌ফুসের উপরি অংশ আবার দুই ক্ষুদ্র ক্ষুদ্র অংশে বিভক্ত, এই জন্য ইহার সর্বশুদ্ধ তিনটি ভাগ এবং বাম ফুস্‌ফুসের ২টি ভাগ মাত্র দেখা যায়। ফুস্‌ফুস্‌ ওজনে এক সের বা দেড় সের ভারী। স্ত্রীলোকের অপেক্ষা পুরুষের অধিক ভারী হইয়া থাকে।

ফুস্‌ফুস্‌ স্পঞ্জের ন্যায় হালকা ও ছিদ্রযুক্ত পদার্থে নির্মিত। ইহা সুস্থাবস্থায় জলে ভাসে, জরায়ু শরীরে ও অসুস্থ অবস্থায় অধিক ভারি হয় এবং জলে ডুবিয়া থাকে। ইহা জন্মকালে গোলাপী রঙ এবং বয়োবৃদ্ধি সহকারে ক্রমশঃ কালবর্ণ হয়। ইহার স্থিতিস্থাপকতা গুণ (৪) আছে, বক্ষঃস্থল খুলিয়া ফেলিলে ইহা বায়ু ভরে সঙ্কুচিত হইয়া তিন ভাগের একভাগ হইয়া যায়। ফুস্‌ফুসের মধ্যে সর্বস্থানে শ্বাসনালী, রক্তনালী ও স্নায়ু বিস্তারিত হইয়া, ইহার সকল অংশকে পরস্পরের সহিত সংযুক্ত করিয়া রাখিয়াছে এবং এক এক অংশ এক একটা ফুস্‌ফুস্‌ বলিয়া বোধ হয়। মোটাকের মধ্যে যেমন অসংখ্য ছিদ্র, ফুস্‌ফুসের মধ্যেও সেইরূপ। প্রত্যেক ছিদ্র বায়ুপূর্ণ হইয়া এক একটা বায়ুকোষ হইয়াছে। এক একটা বায়ুকোষ এক বুরুলের ৭০ ভাগ হইতে ২০০ শত ভাগের একভাগ পর্যন্ত ক্ষুদ্র। ফুস্‌ফুসের রক্তচালনা অন্যান্য অঙ্গের বিপরীত। অন্যান্য অঙ্গে ধমনীতে বিশুদ্ধ লালরক্ত এবং শিরাতে দূষিত কাল রক্ত প্রবাহিত হয়;

(৪) যে গুণ থাকিতে বস্তু সকলকে টানিয়া বাঁধান যায়, চাপিয়া ছোট করা যায়; কিন্তু ছাড়িয়া দিলে আবার তাহাদের পূর্বের আকার হয়। যেমন রবর ইত্যাদি।

ইহার ধমনীতে কাল, শিরাতে লাল রক্ত বহিয়া থাকে। রক্তাধার হৃদয় যন্ত্র হইতে শ্বাস ধমনী দ্বারা ফুস্‌ফুসের মধ্যে বিকৃত রক্ত চালিত হয়। এই ধমনী শাখা প্রশাখায় বিভক্ত হইয়া চুলের ন্যায় সূক্ষ্ম সূক্ষ্ম প্রণালী আকারে বিস্তৃত হইয়া বায়ুকোষ সকলের চতুর্দিকে প্রসারিত আছে। ইহাদের মধ্যস্থিত রক্ত বায়ুদ্বারা শোধিত হইয়া জালের সূত্রের ন্যায় রক্ত প্রণালী দ্বারা হৃদয়েতে ফিরিয়া আইসে।

নিশ্বাস বায়ু নাসিকা রক্ত দিয়া শরীরে প্রবেশ করে। পরে কণ্ঠনালী ও বাক্যন্ত্রের মধ্য দিয়া ফুস্‌ফুসের ক্ষুদ্র ক্ষুদ্র বায়ুকোষে প্রবিষ্ট হয়। এই বায়ুকোষ সকলের গাত্রে জালসূত্রের ন্যায় রক্তনালীতে রক্ত সংকীর্ণ হইয়া থাকে, নিশ্বাস বায়ু তাহার সহিত সহজে মিশ্রিত হয়। দূষিত রক্তে অঙ্গারক বায়ু থাকে তাহা প্রাণ হানিকর, নিশ্বাস বায়ু সেই অঙ্গারক বায়ু গ্রহণ করিয়া তৎপরিবর্তে স্বাস্থ্যকর অঙ্গজন্ম বায়ু যোগাইয়া দেয়, ইহাতে রক্ত বিশুদ্ধ ও লোহিতবর্ণ হয়। নিশ্বাস বায়ু মলিন হইয়া প্রশ্বাস রূপে শরীর হইতে বাহির হইয়া যায়। বৃকের মধ্যে শূন্য স্থান সকল যখন নিশ্বাস বায়ুতে পরিপূর্ণ হয়, তখন শ্বাসযন্ত্র ও পাক্যন্ত্রের মধ্যস্থিত 'মধ্য আচ্ছাদনী' পরদাটি নামিয়া পড়িয়া পেট ফুলাইয়া দেয় এবং কতকগুলি মাংসপেশী বিস্তারিত হইয়া পঁজরা, বক্ষঃস্থল ও ফুস্‌ফুসের আয়তন বিস্তৃত করে। এই মাংস পেশী সকলের কার্য্য স্থগিত হইলে প্রশ্বাস কার্য্য সহজেই সম্পন্ন হয় অর্থাৎ পঁজরা নিজের ভার ও স্থিতি স্থাপকতা গুণে বায়ুকে চাপিয়া বাহির করিয়া দেয়। সচরাচর ফুস্‌ফুসের মধ্যে ২০০ শত ঘন বুরুল বায়ু থাকে এবং এক মিনিটের মধ্যে ১৫ হইতে ২০ বার নিশ্বাস কার্য্য হয়। শরীর চালনা অথবা পীড়া হইলে নিশ্বাস কার্য্য অধিক বার হইয়া থাকে। শরীর মধ্যে ফুস্‌ফুস যন্ত্র সর্বদাই চালিত হইতেছে এই জন্য অন্যান্য অঙ্গ অপেক্ষা ইহাতে অধিক পীড়া হইবার সম্ভাবনা। শীত বা উত্তাপের বৃদ্ধি, বায়ুর পরিবর্তন এবং উপযুক্ত খাদ্যাভাব এইরূপ পীড়া সকলের কারণ। শ্বাসযন্ত্রের প্রধান প্রধান রোগ, কফ, কাশী, যক্ষ্মা রক্ত কাশ, হাঁপানী ইত্যাদি। কিন্তু মঙ্গলময় পরমেশ্বরের এইরূপ কৌশল যে তাহার নিয়ম অনেক ভঙ্গ না করিলে গুরুতর পীড়া উপস্থিত হয় না।



## গৃহ-চিকিৎসা।

## সর্প-দংশন।

শরীরের কোন স্থানে সাপে কামড়াইলে ক্ষণমাত্র বিলম্ব না করিয়া যত শীঘ্র পারা যায় তৎক্ষণাত্ ক্ষত স্থানের দুই তিন আঙুল উপরে প্রথমতঃ একটী বন্ধন দিতে হইবে। দড়ি, কাপড়ের ফালি, সূতা প্রভৃতি যে কোন বাঁধিবার বস্তু সম্মুখে পাওয়া যায় তাহা দ্বারা যতদূর সাধ্য শক্ত করিয়া বাঁধিতে হইবে। প্রথম বন্ধনের দুই তিন আঙুল উপরে একটী দ্বিতীয় বন্ধন এবং তাহার দুই তিন আঙুল উপরে একটী তৃতীয় বন্ধন; এই প্রকারে দুই তিনটী বন্ধন দেওয়া আবশ্যিক। বাঁধিবার বস্তু যদি অপর কিছু না পাওয়া যায় তবে বিলম্ব না করিয়া আপনার কাপড় বা চাদর চিরিয়া তাহার দ্বারা বাঁধা শ্রেয়। এমন শক্ত করিয়া বাঁধিতে হইবে যেন সেই বন্ধনের দ্বারা শিরার রক্তসঞ্চালন এককালে বন্ধ হইয়া যায়। কারণ তাহা হইলে ক্ষত স্থানের বিষ শিরার মধ্য দিয়া রক্তের সঙ্গে আর শরীরের মধ্যে প্রবেশ করিতে পারিবে না। একটী কাঠী রজ্জুর বস্তুর মধ্য

দিয়া কয়েক বার ঘুরাইয়া লইয়া বন্ধন দিলে উহা খুব শক্ত হইতে পারে।

এইরূপ বন্ধন দ্বারা রক্তের গতি রুদ্ধ হইলে এবং বিষ শরীরের মধ্যে প্রবেশ করিতে না পারিলে তৎপরে ক্ষতস্থান হইতে বিষ বাহির করিবার চেষ্টা করিতে হইবে। অনেক ডাক্তার বলেন এক খান অস্ত্র দ্বারা ক্ষত স্থান ও তাহার চতুঃপার্শ্ব চিরিয়া দিয়া লোহার শলা, চাবী কিম্বা অন্য কোন লোহার দ্রব্য আঙুনে পোড়াইয়া সেই উত্তপ্ত দ্রব্য দ্বারা ক্ষত স্থান পোড়াইয়া দিতে হইবে এবং তাহা হইলে ক্ষত স্থানের বিষ নাশ হয়।\* কোন কোন ডাক্তার বলেন অস্ত্র দ্বারা শুধু ক্ষত স্থানের মুখটা একটু ফাঁক করিয়া লোহার তপ্তশলা

\* কস্টিক পেনসিল কিম্বা কস্টিক পটাস ক্ষতস্থানে ঘসিয়া দিলে পোড়ানোর কাজ হয়। কিম্বা নির্জল নাইট্রিক এসিড (সাতাৎ যবক্ষার দ্রাবক নামে) কার্বনিক এসিড ও লাইকর আমোনিয়া (এক প্রকার নিশেদলের আরক) তুলি করিয়া ক্ষতস্থানে দিলেও ঐস্থান পুড়িয়া যায়। এই সকল ঔষধ ডাক্তার খানায় পাওয়া যায় এবং ইহার দুই একটা ঔষধ ঘরে সঞ্চয় করিয়া রাখা ভাল, কারণ বিপদের সময়ে বিশেষ উপকারে আসিতে পারে।

কিম্বা কোন জ্বলন্ত দ্রব্য তাহার খুব নিকট ধরিতে হইবে, তাহা হইলে আঙুনের তাপ দ্বারা মধ্যে প্রবেশ করিয়া রস বাহির করিয়া আনিবে। সেইরূপ রস যতক্ষণ বাহির হইতে থাকিবে ততক্ষণ উত্তাপ দিতে হইবে। ক্ষত স্থানের চতুর্দিকে ঘি দিলেও রস নির্গত হইবার পক্ষে সাহায্য হয়। এই প্রকারে যখনই রস নির্গত হইতে থাকিবে এক খান ছিন্ন বস্ত্র দ্বারা তখনই তাহা মুছাইয়া দিতে হইবে।†

উপরি উক্ত উপায় সকল দ্বারা যন্ত্রণাদি এককালে নিবারিত হইয়া শরীর সম্পূর্ণ সুস্থ ও রোগীর উত্তাপ সহ্য করা কষ্টজনক বোধ হইলে উহাতে ক্ষান্ত হইতে হইবে, কিন্তু যতক্ষণ পর্য্যন্ত যন্ত্রণা থাকিবে ও শরীর সুস্থ বোধ না হইবে ততক্ষণ ঐরূপ উপায় দ্বারা বিষ নষ্ট করিবার চেষ্টা করিতে হইবে। উহাতে নিবৃত্ত হইলে যদি পুনরায় যন্ত্রণাদি বোধ হয় তবে আবার তাহা আরম্ভ করিতে হইবে। বিষধর সর্প কোন স্থানে কামড়াইলে সে স্থানে এক প্রকার জ্বালা ও কনকন যন্ত্রণা

† ইহা দিগের মতে বিষ নির্গত হইলে ক্ষতস্থানে লুণ ও বারুদ ঘসিয়া দেওয়া ভাল।

অনুভব হয়। যদি কাহাকে সাপে কামড়ায় অথচ ঐরূপ কোন যন্ত্রণা অনুভব না হয় তবে তাহা বিষধর সর্প নয়, সুতরাং তাহার দংশন অনেক সময় অনিষ্টকর হয় না। কিন্তু তথাপি এককালে নিশ্চিত না থাকিয়া সাবধান হওয়া উচিত।

যদি কাহাকে সাপে কামড়ায় কিন্তু কামড়াইবার পরক্ষণেই বাঁধা না হয় কিম্বা এমন কোন স্থানে কামড়ায় যেখানে বাঁধা যায় না এবং সেই কারণে বিষ যদি শরীর মধ্যে প্রবেশ করে, তাহা হইলে ঔষধ সেবন করা কর্তব্য।

কি দেশী কি বিদেশী অদ্যাপি সাপে কামড়ানোর এমন ঔষধ বাহির হয় নাই যাহা খাইলে নিশ্চয় বিষ নষ্ট হইবে। আমাদিগের দেশে সাপে কামড়ানোর অনেক ঔষধের নাম শুনা যায় কিন্তু এমন একটা ঔষধ অদ্যাপি প্রকাশিত হয় নাই যাহা সর্ববাদি সম্মত ও সর্বত্র প্রচলিত। যে ঔষধটী পরীক্ষা দ্বারা অনেক স্থলে বিষনাশক বলিয়া প্রমাণ হইয়াছে তাহাই ব্যবহার করা বিধেয়। যিনি এমন কোন দেশী ঔষধ জানেন যাহা পরীক্ষা দ্বারা উত্তমরূপে জানিয়াছেন যে



থাইলে বিষ নাশ করে তিনি সেই ঔষধ ব্যবহার করিবেন; কিন্তু যাহারা সে প্রকার কোন ঔষধ জানেন না তাঁহাদিগের পক্ষে বিজ্ঞ চিকিৎসকেরা যে ঔষধের ব্যবস্থা দিয়াছেন তাহা সেবন করা শ্রেয়ঃ। কলিকাতা মেডিকেল কলেজের সুবিজ্ঞ ডাক্তার ফেরার সাহেব সর্প-দংশনের একটি উৎকৃষ্ট ঔষধ বাহির করিবার নিমিত্ত নানাবিধ দেশী ও বিদেশী ঔষধ পরীক্ষা করিয়া দেখিয়াছেন, কিন্তু বিষের অসৌম্য অস্ত্র স্বরূপ ননোমত ঔষধ একটীও বাহির করিতে পারেন নাই।

লাইকর আমোনিয়া নামক একটি ঔষধ বহুকাল হইতে সর্প বিষ নাশক বলিয়া প্রচলিত এবং এখনকার প্রকাশিত ও পরীক্ষিত ঔষধ সকলের মধ্যে উহা সর্বোৎকৃষ্ট বলিয়া গণ্য। সুবিজ্ঞ চিকিৎসকেরাও এখন ঐ ঔষধটী ব্যবহারের ব্যবস্থা দেন। অতএব এই ঔষধটী ব্যবহার করা কর্তব্য। রোগীর পীড়ার অবস্থা ও বয়স বিবেচনা করিয়া এইরূপ পরিমাণে ঔষধ খাওয়াইতে হইবে।

পূর্ণবয়স্ক ব্যক্তিকে ১০।১৫ বা ২০ ফোঁটা ঔষধ কিঞ্চিৎ জলের সহিত মিশাইয়া খাইতে দিতে হইবে।

৫ পাঁচ বৎসর বয়স হইতে ১০।১২ বৎসর বয়স্ক ব্যক্তিকে ৮।১০ ফোঁটা ঔষধ উপরি উক্ত প্রকারে দেওয়া উচিত।

২ বৎসর হইতে ৪ বৎসর বয়সে ৩ তিন ফোঁটা হইতে ৮ আট ফোঁটা পর্যন্ত ঔষধ দেওয়া যায়।

১ এক বৎসরের শিশুকে ৩ এক ফোঁটা হইতে ২ ফোঁটা পর্যন্ত দেওয়া যাইতে পারে।

অর্থাৎ প্রথমে অল্প পরিমাণে ঔষধ দিয়া যদি উপকার না হয় তবে ক্রমশঃ বেশি করিয়া দিতে হইবে এবং প্রথমে এক ঘণ্টা অন্তর ঔষধ দিলে যদি উপকার না হয় তবে আধ ঘণ্টা অন্তর দিতে হইবে তাহাতেও প্রতীকার না হইলে ক্রমশঃ অবস্থা দেখিয়া এক কোয়ার্টর, দশ-মিনিট বা পাঁচ মিনিট অন্তর ঔষধ খাইতে দিতে হইবে। এই লাইকর আমোনিয়া ঔষধ সেবন করিয়াও যদি রোগীর বিষক্রয় না হইয়া ক্রমশঃ শরীর বিষে আচ্ছন্ন হইতে থাকে তবে ব্রাণ্ডী, হুইসকি, জিন প্রভৃতি তেজস্কর সুরা এক এক চামচ অল্পক্ষণ অন্তর পুনঃ পুনঃ খাইতে দেওয়া উচিত। ব্যারাম অধিক রুদ্ধ হইলে দুই এক সেকণ্ড অন্তর

এরূপ কোন মদ্য খাইতে দেওয়া ভাল।

যদি এই প্রকার চিকিৎসা দ্বারা রোগী বিষ হইতে মুক্ত না হয়, ব্যারাম ক্রমশঃ বৃদ্ধি হইতে থাকে, তবে এক জন সুবিজ্ঞ ডাক্তারকে ডাকিয়া চিকিৎসা করান শ্রেয়। কারণ যদি কোন উত্তম ঔষধ আদি আবিষ্কৃত হইয়া থাকে তাহা বহুদর্শী বিজ্ঞ চিকিৎসকদিগেরই জানিবার অধিক সম্ভাবনা এবং তদ্বারা তাঁহারা রোগের প্রতীকার করিতে পারেন।

শরীরের গ্লানি ও বন্ধনাদি দূর হইলে বন্ধন সকল খুলিয়া দেওয়া কর্তব্য। কারণ তিন চারি ঘণ্টায় অধিক কাল বন্ধন রাখিলে রক্তের গতি রুদ্ধ হওয়ায় বন্ধনস্থান পচিয়া গিয়া শরীরের মহা অনিষ্ট হইতে পারে। যদি ক্ষতস্থান হইতে বিষ বহির্গত না হওয়ায় অধিকক্ষণ বন্ধন রাখা আবশ্যিক হয়, তবে বন্ধন স্থানে একটী কাল দাগ পড়িলে তাহার কিঞ্চিৎ অগ্রে একটী নূতন বন্ধন দিয়া পরে পূর্বের বন্ধনটী খুলিয়া দেওয়া উচিত।

রোগীর যাহাতে মন হইতে ভয় ও চিন্তা দূর হয় এরূপ সাহস ও উৎসাহজনক কথা তাহাকে সর্বদা শুনা

ইতে চেষ্টা করা ভাল এবং যাহাতে তাহার শরীর অবসন্ন হইয়া না পড়ে এবং শয্যায় শয়ন না করে তজ্জন্য তাহাকে বসিয়া রাখিবার ও তাহার চৈতন্য রক্ষার নিমিত্ত চেষ্টা করিতে হইবে। এই কারণে কোন ঝাল ও তীক্ষ্ণ দ্রব্য তাহাকে চিবাইতে দিলে উপকার হয়। রসুন ও লুণ একত্র করিয়া মুখে লইয়া মধ্যে মধ্যে চিবাইলে ঐ কার্য্য হয়। সাপে কামড়াইলে রোগীর যদি আপনা হইতেই বমন হইতে থাকে তবে তাহা শুভ লক্ষণ। কারণ তাহাতে উপকার দর্শিয়া থাকে।

এরোমেটিক স্পিরিট অফ আমোনিয়া প্রভৃতি আমোনিয়া ঘটত অন্যান্য ঔষধও সেবনার্থে ব্যবহার হইয়া থাকে। এবং আমোনিয়া ঘটত ঔষধ সকল দ্বারা উপকার না হইলে আসিনিক নামক ঔষধ ব্যবহার করিতে কোন কোন চিকিৎসক উপদেশ দেন।

### নূতন সংবাদ।

১। ২৪ এ শ্রাবণ ভারত সংস্কার সভার শিক্ষয়িত্রী বিদ্যালয়ের ছাত্রীদিগের ষাণ্মাসিক পারিতোষিক



বিতরণ কার্য সম্পন্ন হইয়া গিয়াছে। প্রায় ৫০।৬০ জন সম্ভ্রান্ত হিন্দু মহিলা এবং ৮ জন সম্ভ্রান্ত ইউরোপীয় স্ত্রীলোক সভাস্থলে উপস্থিত হইয়াছিলেন। বিবি ফিয়ার সভাপতির আসন গ্রহণ করেন।

২। শ্রীমতী রাণী শরৎসুন্দরী জয়রাম পুর পূর্বস্থলী এবং তেরা-টিয়া এই তিনটী ইংরাজি বিদ্যালয়ে ২০০ টাকা করিয়া এক কালীন দান করিয়াছেন; এবং নিমতা দেশহিতৈষিণী সভায় ২০ টাকা প্রদান করিয়াছেন।

৩। পুঁটিয়ার শ্রীমতী মহারানী স্বর্ণময়ী পূর্বস্থলী ইংরাজি বিদ্যালয় ১০ টাকা এবং দিনাজপুর জেলার নিশ্চিন্তপুরস্কুলের গৃহ নির্মাণার্থ ২০০ টাকা দান করিয়াছেন। এই বদান্য মহিলা বারানত স্কুলের পাকা বাটী নির্মাণার্থ ৩০০ টাকা এবং কলিকাতা চাঁদনি হসপিটলে ১০০০ টাকা দান করিয়াছেন।

৪। ঢাকায় একটী বয়স্ক বালিকা ব্রাহ্মধর্ম গ্রহণ করিয়া তাঁহার খুল্লভাত পুত্রের সহিত কলিকাতায় যাইতে ছিলেন, তাহার মাতুল ইহাকে বাধা দিয়া মোকদ্দমা করেন। বিচারকের বিচারে স্ত্রীলোকটী আপন ইচ্ছামত

কার্য করিতে অনুমতি পাইয়াছেন।

৫। ২৭ জুন রাত্রিতে ব্রিস্টলের শ্রমজীবী বিদ্যালয়ে বাবু শশিপদ বন্দ্যোপাধ্যায়ের স্ত্রী দেশীয় বস্ত্র (বোম্বায়ের সাড়ি) পরিধান করিয়া গিয়াছিলেন বিলাতের রমণীরা তাঁহাকে যথেষ্ট আদর করিতেছেন।

৬। মাদ্রাজের স্ত্রীলোকেরা গোবীজে টিকা দিবার অনুমতি প্রাপ্ত হইয়াছেন। অনেক স্ত্রীলোকে এই চিকিৎসায় প্রবৃত্ত হইয়াছেন।

৭। দিনাজপুর হইতে আনাদিগের এক ভ্রাতা লিখিয়াছেন এখানকার “বালিকাবিদ্যালয়ে ২১টী ছাত্রী ও ২ জন খৃষ্ট ধর্মাবলম্বিনী শিক্ষয়িত্রী আছেন। ছাত্রীদের ৩ টী শ্রেণী, অত্রত্য জজ বেভেনশ সাহেবের স্ত্রী অনুগ্রহ করিয়া বালিকাগণকে শিল্পাদি শিক্ষা দিয়া থাকেন। ১ম শিক্ষিকার বেতন ২৫), দ্বিতীয়ার ৮) টাকা।”

৮। বগুড়া হইতে এডুকেশন গেজেটে এক ব্যক্তি লিখিয়াছেন এখানকার কালেক্টর সাহেবের সহধর্মিণী বিবি বিগনন্ড, ঐস্থানের বালিকা বিদ্যালয়ের ও ভদ্র মহিলা গণের শিল্প, লেখাপড়া ও মানসিক শিক্ষার জন্য ব্যয় স্বীকার পূর্বক

যত্ন ও চেষ্টা করিতেছেন। তিনি প্রতিদিন বালিকা বিদ্যালয়ের ছাত্রীদিগকে দুই ঘণ্টা শিক্ষা দিয়া থাকেন এবং মধ্যে মধ্যে আপন ব্যয়ে পুস্তক ছুরি ইত্যাদি পুরস্কার দিয়া বালিকাদিগের উৎসাহ বর্দ্ধন করিয়া থাকেন। সপ্তাহের মধ্যে দুই দিবস ভদ্র লোকের বাটীতে যাইয়া কুলকামিনী গণকে শিল্প

শিক্ষা দেন এবং তাহাদিগের নানা প্রকার উন্নতির জন্য ও যত্ন প্রকাশ করিয়া থাকেন।

এই রূপ পরোপকারিনী রমণীদিগের দ্বারা যথার্থই ইউরোপীয়দিগের সভ্যতার গৌরব হয় এবং ভারত বাসিগণের পরম কল্যাণ সাধিত হয়।

## বামাগণের রচনা।

### বর্তমান বর্ষ।

বসন্তের আগমনে বর্ষার সঞ্চার।  
এবার বর্ষাতে কার নাহিক নিস্তার ॥  
ঐশ্বরের বিধি কতু খণ্ডিবার নয়।  
একবার বসন্তের গ্রীষ্মের উদয় ॥  
নাম সেই করি তাঁরা হলেন গোপন।  
বরষার উপরেতে রাজ্যের শাসন ॥  
ঝম ঝম পড়ে রুষ্টি বুঝি সৃষ্টি হবে।  
কাজাল গরিব সব ধনে প্রাণে মরে ॥  
বড় বড় অট্টালিকা হতেছে পতন।  
তাঁহা দেখি শূন্য পথ করিছে রোদন ॥  
খোলা, খড়, তালপত্র সব উড়ে গেল।  
পাহাড় ভাঙ্গিয়া জল ভূমিতলে এল ॥  
পথিক না পথ পায় চলা হল ভার।  
রাজ পথে কত লোক দিতেছে সাঁতার ॥  
হাট, মাঠ, ঘাট, পথ, সব একাকার।  
একুল ওকুল নাই অকুল পথার ॥  
একি হল ধান গেল গেল শস্য চয়।  
ফল গেল ফুল গেল গেল সমুদয় ॥



আম জাম নারিকেল ছিল সারি সারি ।  
 আশ্বিনে কার্তিকে বাড়ে দেছে দফা সারী ॥  
 অবশেষে যাহা ছিল নয়ন রঞ্জন ।  
 জলধর করিলেন সমূলে হরণ ॥  
 নব নব বৃক্ষ গুলি হয়ে অচেতন ।  
 কাতারেতে করিতেছে ধরায় শয়ন ॥  
 পশু পক্ষী ভিজে ভিজে স্বর ভঙ্গ প্রায় ।  
 জল খেয়ে পেট ফুলে প্রাণ যায় যায় ॥  
 বাসা নাহি খুজে পায় করে অবেষণ ।  
 কত শত যাইতেছে শমন ভবন ॥  
 এই রূপ পশু পক্ষী হইতেছে হত ।  
 মনুষ্যের দুঃখ আমি বর্ণিব বা কত ॥  
 মাথা বাথা পায় বাথা অঙ্গ কাঁপে জ্বরে ।  
 বাত পিলে সর্দি কামি প্রতি ঘরে ঘরে ॥  
 রজনীতে নিদ্রা নাই জলে ভাসে ঘর ।  
 কড় মড় শব্দ সদা মাথার উপর ॥  
 পেট ভাজিতেছে খেয়ে ইলিসের ঝোল ।  
 পচা গাদা পড়ে আছে ইলিস কেবল ॥  
 মীন পড়িতেছে বুঝি বারির সহিত ।  
 রীতি মত কিছু নহে সব বিপরীত ॥  
 সুচারু শোভিত সরসিজ সরোবর ।  
 শোভিত সোপান সারি সব থরে থর ॥  
 কমল সহিত জলে হইল মগন ।  
 জলে জলে মনুষ্যের দহিছে জীবন ॥  
 শরতে সুধাংশু নাহি নাহি দেখি তারা ।  
 চাতকিনী কুতুকিনী পেয়ে বারি ধারা ॥  
 দে জল দে জল রব আর নাহি করে ।  
 জল খেয়ে গেছে বুঝি শমনের ঘরে ॥  
 বরষা যাইবে বুঝি হিমাংশু গমনে ।  
 হুর্ভিক্ষ রাক্ষসী আসি বধিবে জীবনে !

শ্রীমতী লক্ষ্মীমণি দেবী ।

# বামাবোধিনী পত্রিকা ।

“কন্যাদ্রবং দালনীয়া শিল্পশীঘ্রাতিয়ত্ততঃ ।”

কন্যাকে পালন করিবেক ও যত্নের সহিত শিক্ষা দিবেক ।

৯৭ সংখ্যা { ভাদ্র বঙ্গাব্দ ১২৭৮ । { ৮ম ভাগ ।

## বামাবোধিনীর নূতন ব্যবস্থা ।

বামাবোধিনীর নবম বর্ষ আরম্ভের সঙ্গে সঙ্গে ইহার কার্য প্রণালী  
 সুন্দরতর রূপে চলিবার জন্য একটি নূতন ব্যবস্থা হইল ইহাতে গ্রাহক  
 গ্রাহিকাগণ অবশ্যই আনন্দিত হইবেন । বামাবোধিনী বামাবোধিনী  
 সভার পত্রিকা এবং এত কাল সেই সভার সভ্যগণ দ্বারা ইহা প্রকাশিত  
 হইত । সভ্যগণ কার্যানুরোধে নানাস্থানে বিক্ৰিষ্ট হইয়া পড়াতে যখন  
 যিনি অবসর পাইতেন পত্রিকার সম্পাদন কার্য করিতেন । এক্ষণে নিয়মে  
 কার্য সুশৃঙ্খল রূপে চলে না বলিয়া বর্তমান ভাদ্র মাস হইতে ইহার  
 সম্পাদকীয় ভার ভারত সংস্কার সভার বামাকুলোন্নতি সাধক (Female  
 Improvement) বিভাগের হস্তে সমর্পিত হইয়াছে । বামাবোধিনী পত্রি-  
 কার স্বত্ব যেমন বামাবোধিনী সভার ছিল সেই রূপ থাকিবে । ইহার  
 লিখনাদি কার্য কেবল ভারতসংস্কার সভার উক্ত বিভাগ হইতে সম্পন্ন  
 হইবে ।

এই স্থলে বক্তব্য, বামাবোধিনী সভার যে রূপ উদ্দেশ্য, এই বিভা-  
 গেরও সেইরূপ উদ্দেশ্য । বামাবোধিনী সভা যেমন কোন সম্প্রদায়ের  
 অন্তর্গত না হইয়া উদার ও স্বাধীনভাবে স্ত্রীজাতির হিতকর প্রস্তাব সকলের



আলোচনা করিতেন এবং বিবিধ বিষয়ক জ্ঞান ও নীতি শিক্ষা দিতেন, এ বিভাগও সেই রূপ করিবেন। বস্তুতঃ নূতন ব্যবস্থা হইল বলিয়া বামাবোধিনীর মূল মত ও ভাবের কোন প্রকার পরিবর্তন হইবে একরূপ আশঙ্কা বা সন্দেহ করিবার কারণ নাই। পত্রিকার উদ্দেশ্য সকল যাহাতে আরও উৎকৃষ্টতর ও বিস্তৃত রূপে সাধিত হয়, তাহারই জন্য সর্বতোভাবে চেষ্টা করা যাইবে।

### বামাবোধিনী পত্রিকার নবম বর্ষ।

বামাবোধিনীর জীবনের এক অধ্যায় শেষ হইয়াছে। যে কল্পনাময় পরমেশ্বরের ইচ্ছা সম্পন্ন করিবার জন্য ইনি ব্রতী হইয়াছিলেন, তিনি আট বর্ষকাল ইহাকে রক্ষা করিয়া এক্ষণে নবমবর্ষে উত্তীর্ণ করিলেন। কিরূপে ইহার জন্ম হয় এবং কিরূপে ইনি এতদিন প্রতিপালিত ও বর্দ্ধিত হইয়াছেন তাহা আলোচনা করিলে একটী আশ্চর্য্য সত্য শিক্ষা করা যায়। সে সত্যটী এই “সাধু যাহার ইচ্ছা, ঈশ্বর তাহার সহায়”। এই সত্যটী বক্ষে ধারণ করিয়া বামাবোধিনী প্রথমে প্রকাশিত হন এবং এতদিন পরে তাহার সাফল্য দিবার জন্য সমুৎসুক হইয়াছেন।

আট বৎসর পূর্বে কলিকাতার কোন স্থানে স্বদেশহিতেছু কয়েকটী বন্ধু (তাঁহাদিগের অধিকাংশ যুবক ও ভিন্ন ভিন্ন স্থান নিবাসী) ভারত-বর্ষের কি সে মঙ্গল ও উন্নতি হয়, এই বিষয়ে নানা কথোপকথন করিতে-ছিলেন। প্রসঙ্গক্রমে তাঁহাদিগের মধ্যে একজন বলিলেন ‘এখন অনেক বিষয়ে অনেকে চেষ্টা করিতেছেন, কিন্তু একটী প্রধান অভাব অপূর্ণ রহিয়াছে। এদেশের স্ত্রীলোকেরা প্রয়োজনীয় জ্ঞান লাভ করিতে পারে তাঁহাদের কোন উপায় দেখিতে পাওয়া যায় না, অতএব তদুপযোগী এক খানি পত্রিকা প্রচার হইলে ভাল হয়।’ তৎক্ষণাৎ তাহাতে সকলের অনুরাগ লক্ষিত হইল এবং তাহা কর্তব্য বলিয়া স্থির হইল। পরে তাঁহারা আপনা আপনি একত্র হইয়া পত্রিকার নাম কি রাখিবেন ভাবিতে লাগিলেন। নামটী সম্পূর্ণ উদ্দেশ্য প্রকাশক অথচ কোমল হইবে—

অবশেষে আমাদিগের এতদিনের প্রিয় ‘বামাবোধিনী’ নামটী সকলে মনোনীত করিলেন। যাঁহারা এবিষয়ের উদ্যোগী হইয়াছিলেন তাঁহারা বামাবোধিনী সভার সভ্য বলিয়া গণ্য হইলেন এবং বামাবোধিনী সংক্রান্ত আরও কয়েকটী কথা স্থির করিলেন। উদ্যোগীদিগের মধ্যে প্রধান এক ভ্রাতা যশোহর নিবাসী ছিলেন, তিনি যশোহরে একটী যন্ত্র স্থাপন করিয়া এই পত্রিকা প্রকাশের ভার গ্রহণ করেন। নানা কারণে দুই তিন মাস কাল বিলম্ব হইয়া গেল, সঙ্কল্প সিদ্ধির ব্যাঘাত হইতে লাগিল। যাঁহারা কলিকাতায় ছিলেন, তাঁহাদিগের মধ্যে দুই এক ব্যক্তি শুভকার্য্যে অনেক বিঘ্ন দেখিয়া যে কোন প্রকারে হউক কার্য্যারম্ভ করিতে কৃতসঙ্কল্প হইলেন। কিন্তু তাঁহাদিগের না ছিল অর্থবল না ছিল উপযুক্ত ক্ষমতা। তথাপি ‘সাধু যাহার ইচ্ছা, ঈশ্বর তাহার সহায়’ এই বাক্য অবলম্বন করিয়া তাঁহারা কার্য্যে প্রবৃত্ত হইলেন।

১২৭০ বঙ্গাব্দের ভাদ্র মাসে কলিকাতা প্রাকৃত যন্ত্রে বামাবোধিনীর প্রথম সংখ্যা মুদ্রিত হইল। ‘পত্রিকা প্রচারিত হইবামাত্র বিদ্যোৎসাহী ব্যক্তিগণ তাহার প্রতি যথেষ্ট সমাদর প্রকাশ করিলেন এবং অবিলম্বে মুদ্রিত সহস্র খণ্ড পত্রিকা নিঃশেষিত হইল।’ প্রচারকগণ আশা তীত ফল লাভ করিলেন। বামাবোধিনী দেশবিদেশ হইতে অনেক গ্রাহকের অনুগ্রহ ভাজন হইলেন এবং কিছু দিন গৌরবের সহিত চলিতে লাগিলেন। প্রাকৃত যন্ত্র হইতে চাঁনহোপ এবং তথা হইতে কলিকাতা ব্রাহ্মসমাজ যন্ত্রের আশ্রয় গ্রহণ করিলেন। এই সময়ে প্রথমতঃ যিনি সম্পাদকীয় কার্য্য স্বীকার করেন, তিনি স্থানান্তরিত হইলেন; কিন্তু আর কয়েকটী ভ্রাতা অগ্রসর হইয়া সুকুমার বালিকাটীর প্রতিপালন জন্য দৃঢ়ব্রত হইলেন। বামাবোধিনীর প্রথম হইতে একটী নূতন প্রকার নিয়ম অবলম্বন হইল অর্থাৎ ইহার যে লাভ হইবে তাহা ইহার উন্নতি বা বামা-জাতির কল্যাণ সাধনার্থ ব্যয় হইবে, তদ্বারা কেহ কোন প্রকার স্বার্থসাধন করিতে পারিবেন না। কিন্তু ইহার ক্ষতি হইলে বামাবোধিনী সভার সভ্যগণ তাহার পূরণ করিবেন। পৃথিবীর কোন কারবার এ নিয়মে উন্নতি লাভ করিতে পারে না, যে ব্যবসারে ব্যক্তি বা দল বিশেষের স্বার্থ নাই,



তাহার উন্নতি বা স্থায়িত্ব এক প্রকার অসম্ভব। বামাবোধিনীর বিশেষ সৌভাগ্যের বিষয় এই যে ইহা উচ্চতর লক্ষ্য নির্দেশ করিয়া সম্পূর্ণ অপার্থিবভাবে কার্য্য করিতে দৃঢ়প্রতিজ্ঞ হইলেন এবং ইহার যখন যে অভাব উপস্থিত হইল, আশ্চর্য্য ঐশ্বরিক সহায়তার তাহার পূরণ হইতে লাগিল। ইহার ক্ষুদ্র প্রাণ ও ক্ষুদ্র অভাব হউক, কিন্তু তাহাতে করুণাময় ঈশ্বরের অশেষ ও বিশেষ করুণা স্পষ্টরূপে প্রকাশিত হইয়াছে।

বামাবোধিনীর নূতন অধ্যক্ষদিগের মধ্যে দুই জন মহাত্মা শরীর মন ও অর্থ সকলি নিঃস্বার্থভাবে ইহার জন্য উৎসর্গ করিতে কিছুমাত্র কুণ্ঠিত হইলেন না। কোথা হইতে তাঁহারা আসিলেন, কেন পাঁচ ছয় বৎসর ইহার জন্য বিব্রত হইয়া ইহার উন্নতি সাধন করিলেন? 'সাধু যাহার ইচ্ছা, ঈশ্বর তাহার সহায়।' বামাবোধিনীর সাধু ইচ্ছা পূর্ণ করিবার জন্য ঈশ্বরই এইরূপে সহায়ত করিলেন। ইহার মধ্যে আর একটি আশ্চর্য্য ঘটনা সংঘটিত হইল। বামাবোধিনী সাধারণের নিকট আদরের সহিত গৃহীত হইলেন। সেই উৎসাহে উৎসাহিত হইয়া ইহার অধ্যক্ষগণ অধিকতর করিয়া পত্রিকা মুদ্রিত করিতে লাগিলেন। কিন্তু বরাবর ইহার ব্যয় অপেক্ষা আয় অল্প হইতে লাগিল। দানের হিনাবে অনেক পত্রিকা বিতরিত হইল, অনেক গ্রাহক মূল্যদানে স্বীকৃত হইয়াও শেষে দানের পাত্র হইয়া পড়িলেন। ইহাতে মধ্যে বামাবোধিনী এত ঋণভারে আক্রান্ত হইলেন যে ইহার কার্য্য অচল হইয়া পড়িয়াছিল। কিন্তু 'সাধু যাহার ইচ্ছা, ঈশ্বর তাহার সহায়।' কোন অলক্ষ্যস্থান হইতে তিনি সাহায্য আনয়ন করিলেন! কলিকাতা হেয়ার প্রাইজ ফণ্ডের অধ্যক্ষগণ ইহার লিখিত প্রস্তাব সকল পুস্তকাকারে প্রচার করিবার জন্য অর্থানুকূল্য করিলেন। এই আশাতী সাহায্য লাভ করিয়া 'নারীশিক্ষা' নামে দুই খণ্ড পুস্তক প্রকাশিত হইল। বামাবোধিনী অনেক দিনাবধি অপ্রকাশিত ছিলেন, নূতন মুদ্রাঙ্কিত পুস্তকদ্বয়ের আয়ে পুনঃ প্রকাশিত হইলেন এবং নিয়মিতরূপে চলিত আরম্ভ করিলেন। ইতিপূর্বে বামাবোধিনীর পুরাতন কয়েক সংখ্যক পত্রিকা সম্পূর্ণরূপে নিঃশেষিত হইয়া যায়, বোয়ালিয়ার কোন উদার স্বভাব দয়ালু মহাত্মার সাহায্যে তাহারও

তিন সংখ্যা পুনর্মুদ্রিত হয়। এই সকল শুভঘটনার মূল কারণ ঈশ্বরের করুণা, কিন্তু তাহা আবার মনুষ্যের মধ্য দিয়া অতি আশ্চর্য্য ও সুন্দর রূপে প্রতিফলিত হয়। উপরে যে দুইটী ভ্রাতার উল্লেখ করা গিয়াছে, তন্মধ্যে আবার একটীর অক্লান্ত পরিশ্রম, যত্ন, উদ্যম এবং সুকৌশল এই সকল শুভ ঘটনার মধ্য কারণ বলিতে হইবে। তাঁহার নিকট বামাবোধিনী চিরকৃতজ্ঞ থাকিবে।

বামাবোধিনীর আর একটি সৌভাগ্য বলিতে হইবে, ইনি যখন যে যন্ত্রালয়ের আশ্রয় গ্রহণ করিয়াছেন, তাহা হইতে যথেষ্ট অনুগ্রহ লাভ করিয়াছেন। কলিকাতা ব্রাহ্মসমাজ যন্ত্র হইতে ইহা স্কুলবুক, মিরর এবং অবশেষে বর্তমান যন্ত্রালয়ে স্থান লাভ করিয়াছেন। ইহারা ইহা হইতে লাভের প্রত্যাশা দূরে থাকুক, অনেক কষ্ট ও ক্ষতি সহ করিয়াও বামাবোধিনীর সাহায্য করিয়াছেন ও করিতেছেন। বামাবোধিনী কেন এত অনুগ্রহ লাভ করে 'সাধু যাহার ইচ্ছা, ঈশ্বর তাহার সহায়।'

এক্ষণে বামাবোধিনী আট বৎসর কাল ঈশ্বরের করুণার আশ্চর্য্য প্রমাণ পাইয়া মুক্তকণ্ঠে বলিতেছেন, ইহার অবস্থা কেহ শোচনীয় মনে করিবেন না। যে করুণাময় এতকাল এত কৌশলে ইহাকে প্রতিপালন করিলেন, যতদিন ইহার উদ্দেশ্য সিদ্ধ না হইবে ততদিন ইহাকে রক্ষা করিবেন ও ইহার সাধু কার্য্যের সহায় হইবেন। এই নববর্ষে বামাবোধিনী তাঁহার প্রতি একান্ত কৃতজ্ঞ হইয়া এবং তাঁহার করুণার উপর সম্পূর্ণ নির্ভর করিয়া পুনরায় কার্য্যক্ষেত্রে প্রবেশ করিলেন।

ধন্য হে করুণাময়,

যে তব শরণ লয়,

কি ভয় তাহার বল, কি ভয় তাহার?

ক্ষুদ্র কাঁট তব বলে,

চালিতে পারে অচলে,

এই সত্য চিরকাল করিছ প্রচার।

জগতের হিত তরে,

যে কেহ প্রতিজ্ঞা করে,

তুমি তার সহায়তা করহ বিধান,

প্রকাশিত কোশল,

সুকর্য্য কর সফল,

ক্ষুদ্র জানে কে বুঝিবে তাহার সম্মান।



অবলা বঙ্গের বাল,  
 তার দুঃখে অশ্রু ফেলে নাহি হেন জন।  
 চিরকাল পায় জ্বালা,  
 কর তার জ্ঞানোদয়,  
 হর তার দুঃখচয়,  
 দীনবন্ধু তব পদে এই নিবেদন ॥

## সরলতা ও পবিত্রতা।

(অবলা ও সরলার কথোপকথন।)

অবলা। ভাই, তোমার নামটি যেমন সরলা তোমার হৃদয়ও সেই-রূপ সরল, তাই সরলতা এবং পবিত্রতার বিষয় কিছু জানতে এসেছি, আমাকে ভাই, এইটি ভাল করে বুঝিয়ে দিতে হবে।

স। অবলে! তোমার এই মধুমাখা প্রশ্নটি শুনে আমি আজ বড় খুসি হলাম, এস ভাগ্নি, কাছে এসে বস, এ সম্বন্ধে তোমার কি জানিবার আছে বল, আমি সাধ্যানুসারে তাহার উত্তর দিতে চেষ্টা করবো।

অবলা। আচ্ছা ভাই, বল দেখি, ঠিক সরল এবং সাধু কাকে আমরা বলতে পারি?

স। যাদের ভিতর বার সমান নয়, যাদের মনে একটা বাহিরে একটা, যারা বাহিরে খুব সরল ও সাধু ভাব দেখায়, কিন্তু অন্তরে গরল পুষে রেখেছে, তারা বড় কপট, পাপ তাহাদের অঙ্গের আভরণ, ভাই তাদের অসাধ্য কিছুই নাই, তারা লোক মজাবার গুরুমশাই, তাদের বিশ্বাস করতে নাই, তাদের নাম শুনলে হংকস্প হয়! আর যাহাঁদের অন্তর বাহির সমান, মনে এক রকম মুখে এক রকম নাই, কুটিলতা-বিষ যাদের হৃদয়কে জ্বাতে পারে না, যাদের পবিত্র হৃদয় মন্দিরে পাপের প্রবেশাধিকার নাই, পুণ্য-শশীর বিমল আলোক যাদের অন্তরাকাশকে আলোক করে রেখেছে, যাদের শান্ত মূর্তি দেখলে—মনের মিষ্ট সরল কথা গুলি শুনলে প্রাণ জুড়িয়ে যায়, যাহারা পরমানন্দে কি শারীরিক, কি মানসিক, কি আধ্যাত্মিক সকল প্রকার সুখের প্রশান্ত সাগরে দিবানিশি নিমগ্ন, তাহারা ই যথার্থ সরল ও সৎ প্রকৃতির লোক।

অ। আমার বিবেচনায় সকলের কাছে সরলতা দেখান ভাল নয়, যে যে ভাবের লোক তার সঙ্গে সেইরূপ ব্যবহার করিলে সব দিক বজায় থাকতে পারে। যে সরল, তার প্রতি সরল ব্যবহার করবো, প্রাণ মন সব তারে দিব, আর যে অসরল কপট তার কাছে মনের কথা খোলা কখনই উচিত নয়, তাহলে আমাদের অত্যন্ত পশ্চাত্তাপ পেতে হবে। ভাই, তুমি ত এইমাত্র বললে যে 'কপট লোকদের বিশ্বাস করতে নাই, তারা লোকের সর্বনাশ করে', ইটী ভাই ঠিক কথা, আমি তোমাকে দৃষ্টান্ত দিয়ে বলতে পারি যে কত কুটিল পুরুষ ও কুটীলা কামিনী কপট সরলতা-বাণে কত শত সরলার সরল প্রাণ বিদ্ধ করে আপনাদের মনস্কামনা সিদ্ধ করেছে।

স। ভাই ইটী তোমার অত্যন্ত ভ্রম, পূর্বেইত বলেছি, প্রকৃত সরল যে সে ছদ্মবেশী নয়, সে আপনি আপনাকে চুরি করতে চায় না। যে যেমন লোক, তার সঙ্গে যদি সেইরূপ ব্যবহার করা যায় তা হলে আর সরল হওয়া সাধু হওয়া হলো কই? সে যে আত্মপহারী চোরের কার্য, তার চেয়ে যে পাপ আর নাই। ভাই! সরল সাধু লোক যঁারা, তাঁরা কি আপনাদের স্বভাবকে গোপন করে লোকের মন রাখা কথা কহিতে জানেন? তাঁদের প্রকৃতি যে নির্মল জল তুল্য! যে ব্যক্তি যে অভিসন্ধিতে আসুক, যে যে ভাবে কথা কোক, তাদের সে দুষ্টি অভিসন্ধি ও কপট ব্যবহার সাধু ব্যক্তি নিজের স্বাভাবিক সরল এবং পবিত্র ভাবে গ্রহণ করেন। তাহারা যে কপটবেশে তাঁহাকে ঠকাইতে ও কষ্ট দিতে এসেছে এরূপ বিশ্বাস তাঁর মনে একবারও আসে না। দেখ ভাগ্নি, যঁার চর্যা ভাল, যিনি সকলকে আপনার মত দেখেন, অহঙ্কারের বাষ্প যিনি জানেন না, যঁার কোমল হৃদয় ভাল ভাল সদাগু গুলিতে সাজান, কুটিলতা প্রভৃতি অসম্ভাব যঁার কাছে সম্পূর্ণ অপরিচিত, এবং যঁাহার হৃদয় মন আত্ম সর্বদা স্বর্গামৃতে সরস হয়ে রয়েছে, তাঁরে কি সংসার কষ্ট দিতে পারে? তিনি যে সংসার ছাড়া লোক, ভাই তাঁর সকলই বিপরীত। আমরা মন্দ-কারীকে যেমন শত্রু মনে করি, তাঁর কাছে সে পরম মিত্র বলে আদর পায়! আমরা যাকে কদাকার নিপুণ বলে ঘৃণা করি, কাছে আসিতে দিই না, তিনি তারে শিক্ষা-গুরু বলে মানেন এবং অস্মান বদনে তার চরণ সেবায়



নিযুক্ত হন! যাকে আমরা নীচ নবায়ম পাপাত্মা বলে জানি, সে তাঁর অতি আদরের ধন, তিনি এক মুহূর্তের তরে তাকে চোকের আড় করেন না, যতক্ষণ না ভাল ভাল উপায় বিধান করে তার সকল রোগ দুর্বলতা দূর করতে পারেন ততক্ষণ পর্যন্ত তাঁর আর আরাম নাই! আমরা কেবল আপন আপন স্বার্থ সাধনে ব্যস্ত হয়ে আপনাদিগকে সুখী করতে প্রাণ-পণ করি ও অনিত্য সুখের অন্বেষণে ঘুরে মরি, তিনি স্বার্থ শূন্য হয়ে পরের জন্য নিজ জীবনকে উৎসর্গ করেন! আমরা এক বিন্দু অসুখের মুখ দেখতে পারি না, দুঃখের নাম শুনে মাথায় যেন বজ্রাঘাত পড়িল মনে করি, তিনি অব্যাকুল চিত্তে সকল প্রকার কষ্ট যন্ত্রণা আপনার মাথায় করে বহন করেন, তাঁর কাছে অসুখ সুখ রূপে, বিপদ সম্পদ রূপে আদর পায়! তিনি পর্ণ কুটীরকে রাজবাটীর ন্যায় দেখেন, শাকান্নকে অতি উপাদেয় খাদ্য বলে তৃপ্তির সহিত গ্রহণ করেন, গাছের বাকলকে উত্তম পরিচ্ছদ বলে, পরিধান করেন এবং অঞ্জলি স্থিত জল পান করে স্বর্ণ পাত্র স্থিত সুশীতল সুগন্ধ যুক্ত পানীয় সেবনের তৃপ্তি সুখ লাভ করেন। একটা অনাথার চক্ষের জল স্বহস্তে মুছাইয়া দিয়া তিনি যেরূপ বিমলানন্দ ও আত্মপ্রসাদ লাভ করেন তাহার তুলনার সমস্ত পৃথিবীর আধিপত্য সুখ তাঁর নিকট অতি তুচ্ছ বলিয়া প্রতীয়মান হয়। তিনি বলেন আমি যে ধনের ভিখারী, যে সুখের অভিলাষী সংসার তা কখনই আমাকে দিতে পারে না, সে দিব বলে প্রবঞ্চনা করে, যার পর নাই কষ্ট দেয়, অবশেষে মেরে ফেলে। আমি তার স্বভাব বিলক্ষণ পরীক্ষা করে দেখেছি, তাই তাকে এত ঘৃণা করি, কাছে এলে তাড়াইয়া দিই—তার মায়ায় আর ভুলি না। আহা! ধন্য সেই ঈশ্বরের সন্তান, যিনি অকপট হৃদয়ে মুক্তকণ্ঠে বলতে পারেন “আমি চাহি না সে সুখ—পদাঘাত করি সে সুখের মস্তকে, যে আমার পরম শত্রু, যে আমার আত্মার আনন্দ হরণ করে, যে আমাকে নরকের দুর্গন্ধময় পথে লয়ে যায়!”

অ। ভগিনি! তোমার কথা গুলি শুনে প্রাণ জুড়াইয়া গেল, তাই, আমরা এমন কপাল কি করেছি যে এরূপ দেবতার মত জীবন পেয়ে মনুষ্য জন্ম সার্থক করতে পারবো?

স। অবলে! আমাদের সেরূপ প্রাণপণ যত্ন কই, অধাবসায় কই? বিবেচনা করে দেখ দেখি, সংসারের একটা সামান্য কাজ যখন যত্ন ব্যতিরেকে সম্পন্ন হয় না তখন মানুষের মত কাজ করে মানুষ হওয়া—পবিত্র জীবন লাভ করা কি মুখের কথা? ভেবে দেখ দেখি পদে পদে আমাদের কত দুর্বলতা! এই মাত্র শিক্ষক উপদেশ দিলেন, কঠিন হইও না, দয়া-জলে হৃদয়কে ভিজাও, অপব্যয় করিও না, মিতব্যয়ী হইতে চেষ্টা কর, অকর্মণ্য হইও না, সংসারের সকল কাজের উপর দৃষ্টি রাখ, অসারতা দেখাইও না, বিলাস-ইচ্ছা পরিত্যাগ কর, যে অর্থ দিয়া তোমরা বিলাস দ্রব্য ক্রয় কর তাহাতে কত দরিদ্রের দরিদ্রতা দূর হতে পারবে! ভাই বাটীতে না আসিতে আসিতে অমনি সে সব ভুলে যাই, আমোদ-প্রিয় হয়ে আমোদ এবং বড়মানুষী দেখাবার জন্য কত টাকা অনর্থক নষ্ট করি, আবার তার একটু ক্রটি হলে হয়ত পিতা, পতি প্রভৃতির উপর রাগ করিয়া বসি। কিন্তু বাটী এবং গ্রামের চারি দিকে যে কত অনাথ পেটের জ্বালায় দিবানিশি হাহাকার করিতেছে তার প্রতি একেবারে বধির হই, তাদের সে বিলাপ বচনে এ পাষণ্ড হৃদয় বিন্দুমাত্রও বিগলিত হয় না! ভাই দুঃখের কথা আর কি বলবো, সংসারের কাজ দূরে থাক এক এক জন আবার এরূপ শারীরিক উন্নতি করে তুলেছি যে সময়ে স্নান আহাৰ করতেও কষ্ট বোধ হয়। এই শিক্ষক বলিলেন ‘সাক্ষী হও পতিব্রতা হও, সাবিত্রী প্রভৃতি নারীকুল উজ্জ্বলা কামিনীদিগের পবিত্র জীবন পাইতে চেষ্টা কর, সকল প্রকার মলিনতা দূর করিয়া পবিত্র হৃদয়ে এবং প্রীতি-সূত্রে সকল ভাই ভগিনীদিগকে একত্রে বন্ধন কর, নিশ্চয় কহিতেছি এরূপ না হইলে কখনই প্রকৃত জীবন লাভ করিতে পারিবে না।’ ভাই, যাই সেই সমস্ত মধুর সত্বপদেশ শ্রবণ বিবরে প্রবেশ করিল, তার পরক্ষণে, কর্ণান্তর দিয়া সব একে একে বাহির হইয়া গেল! দেখ ভাই, এরূপ দুর্বল যাদের প্রকৃতি তারা আবার কেমন করে আশা করতে পারে যে ‘অগ্নি সীতা হব, সাবিত্রী হব এবং পবিত্র জীবন লাভ করবো!’ এক্ষণে আমরা দিন দিন যেরূপ শিক্ষা যেরূপ সত্বপদেশ প্রাপ্ত হইতেছি, কই তার মত কাজে কয়জন ভগ্নী অগ্রসর হতে পেরেছি, যে সমস্ত অবলা-



বান্ধব মহোদয়গণ অবলাদিগের দুঃখ দূর করিবার জন্য হৃদয়ের শোণিত শুষ্ক করিতেছেন, তাঁদের প্রতি কি আমরা সম্পূর্ণ কৃতজ্ঞ নয়নে চেয়ে দেখি? কখনই না। ভাই, আমাদের কিছুকাল পূর্বের বড় বড় মানষের মেয়েদের সরল স্বভাবের বিষয় একবার স্মরণ করে দেখ দেখি। যদিও তাঁরা বিদ্যারসে বঞ্চিত ছিলেন, কিন্তু শুনেছি তাঁদের মধ্যে অনেকের একরূপ সাধু প্রকৃতি ছিল যে অহঙ্কার, গর্ভ, বড় মানষী যে কাকে বলে তা তাঁরা জানিতেন না, সংসারের সমস্ত কার্যা, দাস দাসীর মুখাপেক্ষা না করে স্বহস্তে সম্পন্ন করিতেন, আত্মীয় কুটুম্ব প্রতিবাসীদিগকে প্রাণের সহিত ভাল বাসিতেন, অতিথি সেবায় সাতিশয় ভক্তিমতী ছিলেন এবং সামান্য অশন বসনে সুখে দিনপাত করিতেন। তাঁদের মধ্যে আবার কেহ কেহ একরূপ পতিপ্রাণা ছিলেন, যে প্রত্যহ স্নান করে পতির পাদোদক পান করিতেন, কোমল কেশপাশ দ্বারা তাঁহার আঙ্গুল চরণযুগল মুছাইয়া দিতেন এবং পতির উচ্ছ্রিত অন্ন ব্যঞ্জন মহাপ্রসাদ জ্ঞানে পরমসুখে আহার করিতেন। ভাই, তাঁদের সেই সুন্দর স্বভাবের বিষয় আলোচনা করিলে আর কি আমরা শিক্ষিতা বলে অভিমান করিতে পারি, না তাঁদের গুণের পক্ষপাতিনী হতে মন ধাবিত হয়? তাঁরা যদি একেলে মেয়ে হতেন, না জানি কত গুণে হৃদয়কে সাজাইয়া লোকের মন হরণ করিতেন! ভাই যা বল যা কও, হাজার লেখা পড়া শিখ আর সভ্যতা দেখাও, নানা গুণে সজ্জিত হয়ে জগতের মন হরণ কর, আর অনেকের অনেক রকম অভাবই দূর কর, কিন্তু যতদিন না আমরা আপন আপন আত্মার অভাব সকল বুঝিতে পারিয়া তাহা দূর করিতে চেষ্টা করিব, যতদিন না তাহার ক্ষুধা তৃষ্ণা শান্তি করিতে সক্ষম হইব, যতদিন না হৃদয়কে পবিত্রতা-জলে ধৌত করিতে পারিব ততদিন পর্যন্ত এ অভাগিনীদিগকে প্রকৃত উন্নতির পথ হারা হয়ে থাকতে হবে, একটুকু আত্মপ্রসাদের জন্য, এক বিন্দু শান্তি-জলের নিমিত্ত চিরকাল হাহাকার করে মরতে হবে।

অ। ভাই, আজ তোমার কাছে এসে আমার হৃদয়ের অনেক ভার কমে গেল, অনেক অন্ধকার দূর হল, জানিলাম বুঝিলাম যে সরল ও সাধু জীবন না পেলে আমাদের আর মঙ্গল নাই, সুখ নাই, শান্তি নাই

এবং নিস্তারের আর অন্য পথ নাই। হে অবলার গতি ঈশ্বর! কবে পিতা তোমার এ দুর্কল মেয়ে গুলি সরল হয়ে পরস্পরে হাত ধরাধরি করে তোমার পথে দাঁড়াতে পারবে! কবে নাথ জীবনে সেই শুভদিনের উদয় হবে, যে দিনে আদর করে তোমাকে হৃদয় মন্দিরে বসাইয়া শ্রীতি-ফুল আর ভক্তি-চন্দন দিয়ে মনের সাথে দেব দুর্লভ তোমার চরণ পূজা কর্তে পারবো! প্রেমময়! কেমন করে তোমাকে ভাল বাসিতে হয় তা জানি না, ভাল করে শিখাইয়া দেও, পিতা চিরকালের জন্য আমাদেরকে তোমার চরণতলে ফেলিয়া রাখ !!

## কারা কুম্মিকা।

( ১১০ পৃষ্ঠার পর )।

বিধাতা চার্নির কপালে আরও দুঃখ লিখিয়াছেন। তিনি নিস্তর-ভাবে সুপারিন্টেণ্ডেন্ট ও তাঁহার পারিপার্শ্বিক গণের পশ্চাৎ পশ্চাৎ উঠান দিয়া পুরাতন দুর্গের দিকে চলিলেন। তাঁহার অবজ্ঞাসূচক তুম্বী-ভাবে কর্তা সাহেব রাগে গর গর হইয়াছিলেন, এক্ষণে মুমূর্ষু পিসিওলার নিকটে আসিবামাত্র তাহার চতুর্দিকে ঠেকা ও বেড়া দেখিয়া এককালে উগ্রমূর্ত্তি ধারণ করিলেন।

লুডোবিক আজ্ঞামাত্র নিকটে উপস্থিত হইলে তিনি জিজ্ঞাসা করিলেন “এ সব কি? এমনি করিয়া তুমি কয়েদী সকলকে চোঁকী দাঁও?”

কারা রক্ষক এক হস্তে হুঁকা ও অন্য হস্তে একটা জোরে সেলাম করিয়া বলিলেন “মহাশয়! এই গাছের কথা পূর্বে আপনাকে বলিয়াছিলাম, ইহা বাত ও অন্যান্য রোগে বড় উপকারে লাগে।”

সুপারিন্টেণ্ডেন্ট উত্তর করিলেন “একরূপ ষুট কথা বলিও না। এই সব ভাল মানুষ যদি ইচ্ছামত চলিতে পারে, তাহা হইলে জেলখানাকে অচিরাৎ বাগান বা চিড়িয়াখানা করিয়া ফেলিবে। যাইউক, ইহা এখন ছিঁড়িয়া ঝাঁটাইয়া ফেলিয়া দাঁও।”



লুডোবিক একবার স্বক্ষণীর প্রতি, একবার চার্নির প্রতি ও একবার কারাধ্যক্ষের প্রতি দৃষ্টিপাত করিল এবং অস্পষ্ট স্বরে ক্ষমাপ্রার্থনা সূচক কিছু কথা বলিতে লাগিল।

কাপ্তেন বজ্রনিমাদে বলিলেন “চুপ রও এবং যা হুকুম তাই কর।”

লুডোবিক কি করেন—জামা খুলিলেন, টুপি খুলিলেন এবং যেন সাহস স্বন্ধির জন্য হাতে হাত ঘষিতে লাগিলেন। তিনি তৎপরে গাছ ঘেরা দরমা ছিল তাহা খুলিলেন, রাগত ভাবে খণ্ড খণ্ড করিয়া ছিঁড়িতে লাগিলেন এবং উঠানে ছড়াইয়া ফেলিলেন। পরে বেড়া ও ঠেকার এক একটা কাঠি উপড়াইলেন এবং হাঁটুতে চাপিয়া এক একটা করিয়া ভাঙ্গিতে লাগিলেন। অপর লোকে মনে করিতে পারে যে পিসিওলার প্রতি তাঁহার কিছুমাত্র ম্বেহ নাই এবং তাহার প্রতি ক্রোধ চরিতার্থ করিবার জন্য তিনি এই রূপ করিতেছেন। কিন্তু তাঁহার বাস্তবিক মনের ভাব কি, তাহা বলা বাহুল্য।

এই সময়ে চার্নি নিস্তব্ধভাবে দণ্ডায়মান, তাঁহার চক্ষু দ্বারাই যেন পিসিওলাকে রক্ষা করিবেন বলিয়া অনিমেঘ নয়নে তাহার প্রতি দৃষ্টিবদ্ধ করিয়াছেন। দিনটী কিছু স্নিগ্ধ থাকিতে গাছটী একটু মতেজ হইয়া উঠিয়াছিল; বোধ হইল যেন অধিক কষ্ট সহিয়া মরিবার জন্য তাহার শরীরে অধিক বলের সঞ্চারণ হইল। আহা! পিসিওলার অভাবে চার্নির হৃদয়ের শূন্যতা এখন আর কে পূর্ণ করিবে? আর তাঁহার দুশ্চিন্তাগ্রস্ত মনকে কে শান্ত করিবে? আর কে তাঁহাকে পবিত্র জ্ঞানোপদেশ দিবে এবং “প্রকৃতির মধ্য দিয়া প্রকৃতির ঈশ্বরের প্রতি দৃষ্টিপাত করিতে শিখাইবে?” তাঁহার মধুর দিব্য স্বপ্ন সকল আর কি ফিরিয়া আসিবে না? তিনি কি স্বল্পকালেও উদাসীন ও অবিশ্বাসী জীবন ধারণ করিবেন? না; ইহা অপেক্ষা মৃত্যু শ্রেয়ঃ কল্প। এই রূপ চিন্তার কাউন্টের মন বিকল, এমন সময়ে স্বল্প গিরহাদী জানালার নিকট উপস্থিত হইলেন। চার্নি মনে করিলেন ‘তিনি কন্যাবিয়োগে উন্মত্ত হইয়া আমার বিপদে আনন্দ প্রকাশ করিতে আসিতেছেন, কারণ আমিই তাঁহার সকল দুঃখের কারণ।’ কিন্তু যখন তিনি গবাক্ষের প্রতি দৃষ্টিক্ষেপ

করিলেন এবং গিরহাদী তাঁহার স্বক্ষের প্রাণ রক্ষার্থ হস্ত প্রসারণ করিয়া প্রার্থনা করিতেছেন দেখিলেন, তখন নিজের কুটিলভাবের জন্য তাঁহার মনোমধ্যে দারুণ আত্মগ্লানি উপস্থিত হইল এবং গণ্ডস্থল বহিয়া এক ফোঁটা অশ্রু পতিত হইল। বাল্যকাল উত্তীর্ণ হইয়া অবধি তাঁহার চক্ষু হইতে কখন বিন্দুগাত্র অশ্রু নির্গত হয় নাই!

সুপারিন্টেন্ডেন্ট দীর্ঘসূত্রী লুডোবিককে ডাকিয়া বলিলেন, “শীঘ্র চৌকীখান সরাইয়া ফেল।” কারারক্ষক যতদূর সাধ্য বিলম্ব করিয়া করিয়া লড়িতে চড়িতে লাগিল এবং ক্রমে ক্রমে সমুদায় ঠেকা খুলিয়া ফেলিল। অবশেষে পিসিওলা একাকী অবশিষ্ট রহিল।

লুডোবিক আর একবার সুপারিন্টেন্ডেন্টের ক্রোধের পাত্র হইয়া বলিলেন “ইহাকে মারিয়া আর কি হইবে, ইহাত আপনা আপনি মরিতে বসিরাছে?”

মহাপুরুষ একটা বিক্রম সূচক হাস্য করিয়া তাহাকে তৎসনা করিয়া উঠিলেন। দারুণ মনোদুঃখে চার্নির কপাল ঘস্মাক্ত হইয়াছিল। তিনি ক্রোধভরে বলিলেন “আমিই গাছ উপড়াইয়া ফেলিতেছি।”

“তোমাকে নিবারণ করি” কাপ্তেন এই কথা বলিয়া চার্নি ও কারারক্ষকের মধ্যস্থলে বেত্র ধারণ করিলেন।

এই সময়ে দুইজন অপরিচিত ব্যক্তি হঠাৎ উঠানে প্রবেশ করিল। তাহাদের পদবিক্ষেপ শব্দে কারাধ্যক্ষ মুখ ফিরাইলেন এবং পিসিওলাকে একটু অবসর দিলেন। তিনি এবং চার্নি উভয়েই এককালে আশ্চর্য্য! এই দুই ব্যক্তি কে? একজন সেনাপতি মিননের সহচর এবং আর একজন মহারানীর প্রিয়ভৃত্য! প্রথমোক্ত ব্যক্তি টিউরিণের গবর্ণরের নিকট হইতে এক খানি পত্র কারাধ্যক্ষকে দিলেন, তিনি যেমন পড়িতে লাগিলেন, বিস্ময় প্রকাশ করিতে লাগিলেন। পত্র খানি তিনবার পাঠ করিয়া এবং হঠাৎ ভদ্রমূর্ত্তি ধারণ করিয়া সুপারিন্টেন্ডেন্ট চার্নির নিকটে উপস্থিত হইলেন এবং পত্র খানি তাঁহার হস্তে দিলেন, বন্দী কম্পিত স্বরে পড়িতে লাগিলেন:—

“মহারাজাধিরাজ সম্রাট কিনেস্ট্রেস দুর্গজাত স্বক্ষের আত্মীয় মুসি-



য়ার চার্নির প্রার্থনা গ্রাহ্য হইয়াছে জানাইবার জন্য আমার প্রতি আদেশ করিতেছেন। যে প্রস্তর সকল দ্বারা গাছের ক্ষতি হইতেছে তাহা স্থানান্তরিত হইবে। এই আদেশ যাহাতে সম্পন্ন হয় আপনি তাহার তত্ত্বাবধান করিবেন এবং কারাবদ্ধ ব্যক্তির সহিত এ বিষয়ে কথোপকথন করিবেন।”

লুডোবিক উচ্চৈঃস্বরে বলিলেন “সম্রাট্ চিরজীবী হইলন।”

“সম্রাট্ চিরজীবী হউন” প্রাচীরের মধ্য হইতে অস্পষ্টস্বরে এই কথা যেন কে আর একজন বলিলেন।

ভৃত্য বলিল “মহারাজী এক ধারে একটু লিখিয়া দিয়াছেন। চার্নি তাহাও পাঠ করিলেন :—“আমার অনুরোধ, কাউন্ট চার্নির প্রতি বিশেষ রূপ সদয় ব্যবহার করিবেন। আপনি তাহার কারাগারের কক্ষের যতদূর সাধ্য লাঘব করিতে সর্বোতোভাবে চেষ্টা করিলে আমি বাধিত হইব।

( স্বাক্ষর )

জোজেফাইন।”

লুডোবিক উচ্চৈঃস্বরে বলিলেন “রাজী চিরজীবী হউন।”

চার্নি সাদরে স্বাক্ষরটি চুম্বন করিলেন।

চার্নি তাঁহার পূর্ক কারাগৃহে বাস করিতে পাইলেন এবং সুপারিন্টেণ্ডেন্ট অনুকুল হইয়া মধ্যে মধ্যে পিসিওলারও তত্ত্ব লইতে লাগিলেন, পুলিশের লোক তাহা হইতে কোন চক্রান্ত বাহির করিতে না পারিয়া প্যারিস নগরের পুলিশের বড় সাহেবের নিকট পরীক্ষার্থ প্রেরণ করিলেন। ইতিমধ্যে চার্নি লিখিবার উপাদান সকল পাইলেন এবং ব্যগ্রতা সহকারে রক্ষ অধ্যয়নে নিযুক্ত হইলেন। কিন্তু হা! আর গিরহাদীকে গবাক্ষ দ্বারে দেখিতে পাওয়া যায় না; সুপারিন্টেণ্ডেন্ট চার্নির প্রতি কঠোর ব্যবহার করিতে সাহসী না হইয়া গিরহাদী যে তাঁহার সহায়তা করিয়াছিলেন তজ্জন্য তাঁহার উপরে কোপ বাড়িলেন এবং তাঁহাকে ছুর্গের এক দূরতর দেশে অন্তরিত করিলেন। বন্ধ বন্ধু তাঁহারই জন্য কষ্ট পাইতেছেন, এই চিন্তায় চার্নি আপনার এতদূর উৎকর্ষ অবস্থা দেখিয়াও সুখী হইতে পারিলেন না।

যাহাহউক ঘটনাস্রোত দ্রুতবেগে বহিয়া যাইতেছে। চার্নি এক

খানি উদ্ভিদ বিদ্যা বিষয়ক পুস্তক ভিক্ষা চাহিলেন, পরদিন প্রাতে এক বোঝা বই আসিয়া পড়িল এবং তৎসঙ্গে গবর্নরের এক খানি চিঠিতে লিখিত ছিল যে, “মহারাজী উদ্ভিদ বিদ্যায় অত্যন্ত অমুরাগিনী, যে রক্ষের প্রতি তিনি এত যত্ন প্রকাশ করিয়াছেন তাহার নাম জানিলে অত্যন্ত আনন্দিত হইবেন।”

চার্নি হাস্য পূর্কক বলিয়া উঠিলেন “আমার রক্ষকে তাহার নাম বলিতে বাধ্য করিবার জন্য আমাকে এই রাশীকৃত পুস্তক পড়িতে হইবে না কি?”

কিন্তু অনেক দিনের পর পুস্তকের পাতা উল্টাইয়া এবং মুদ্রিত অক্ষরের প্রতি এক দৃষ্টি দৃষ্টিপাত করিয়া তাঁহার মনে এক অপূর্কতাবের উদয় হইল! যাহাহউক গ্রন্থ কর্তারা রক্ষের শ্রেণী বিভাগ বিষয়ে এত বিভিন্ন মত প্রকাশ করিয়াছেন, যে চার্নি এক সপ্তাহ পরিশ্রম পূর্কক অধ্যয়ন করিয়া নিরাশ ভাবে পুস্তকপাঠ পরিত্যাগ করিলেন। তাঁহার কেবল এই মাত্র দুঃখ নয়; তিনি পিসিওলার যে শেষ পুষ্পটির এক একটা পাতা ধরিয়া পরীক্ষা করিতে ছিলেন তাহা তাঁহার হস্তে বিশীর্ণ হইয়া গেল, তাহার বীজ রক্ষারও কোন উপায় হইল না।

চার্নি রাগে ও দুঃখে বলিলেন “তাঁহার নাম পিসিওলা (কারা কুসুমিকা)। পিসিওলা, কারাবাসীর বন্ধু, সহচর ও শিক্ষক, তাহার আর কোন নামের প্রয়োজন নাই।” এই কথা যেমন বলিয়াছেন এমন সময়ে একখানি পুস্তকের মধ্য হইতে একখণ্ড কাগজ পড়িয়া গেল, তাহাতে এই কয়েকটা কথা লেখা ছিল—“আশা কর এবং তোমার প্রতিবাসীকে আশা করিতে বল, কারণ ঈশ্বর তোমাকে বিস্মৃত হন নাই।”

ইহা স্ত্রীলোকের হাতের লেখা এবং টেরিসা যে এই রূপে লিখিয়া রাখিয়াছিলেন তৎপক্ষে চার্নির সন্দেহ মাত্র রহিল না। “তোমার প্রতিবাসীকে আশা করিতে বল” তিনি মনে করিতে লাগিলেন “ছুর্ভাগ্য বালিকা পিতার নাম করিতে সাহস করে নাই এবং আর যে আমাদের দেখা সাক্ষাৎ হয় না তাহাও অবগত নহে।” পরদিন প্রত্যুষে লুডোবিক উল্লাস পূর্ণ বদনে তাঁহার গৃহে প্রবেশ করিল এবং তাঁহাকে বলিল যে



তাঁহার সন্নিহিত গৃহে গিরহাদি বাস করিবেন এবং তাঁহাদের উভয়ের এক উঠান হইবে। পর মুহূর্ত্তেই তাঁহার বন্ধু তাঁহার সম্মুখে উপস্থিত হইলেন। কিছুক্ষণ তাঁহারা অনিমেঘ নয়নে পরস্পরের প্রতি চাহিয়া রহিলেন, যেন তাঁহাদের পরস্পরের সাক্ষাৎকার সত্য কি না সন্দেহ করিতেছেন। পরে চার্নি বলিয়া উঠিলেন “কে এই ঘটনা সংঘটন করিলেন?”

রুদ্ধ উত্তর করিলেন “আমার কন্যা, তাহার সন্দেহ নাই। আমি তাহার কল্যাণেই সকল সুখ লাভ করিয়া থাকি।”

চার্নি আবার সাদরে গিরহাদির কর ধারণ করিলেন এবং কাগজ খণ্ড তাঁহার হস্তে দিলেন।

“ইহা আমার কন্যার, ইহা আমার কন্যার; দেখ আশা কেমন সফল হইয়াছে।”

চার্নি কাগজ খানি লইবার জন্য অজ্ঞাতসারে হস্ত প্রসারণ করিলেন; কিন্তু তিনি দেখিলেন রুদ্ধ ভাবে গদ গদ হইয়াছেন, এক একটী করিয়া প্রত্যেক অক্ষর পড়িতেছেন এবং ক্রমাগত লেখাটী চুম্বন করিতেছেন। কাগজ খানি ফিরাইয়া লইবার জন্য চার্নির বড় ইচ্ছা হইল, কিন্তু তিনি বুঝিলেন ইহাতে এখন আর তাঁহার অধিকার নাই। আত্মাভিমানী কাউন্ট কৃতজ্ঞতা ও সহৃদয়তা শিক্ষা করিলেন।

### বঙ্গাঙ্গনাগণের পরিচ্ছদ।

এদেশের স্ত্রীগণ যেরূপ পরিচ্ছদ পরিধান করেন এদেশে চলিত বলিয়া তাহাতে কোন দোষ বোধ হয় না। কিন্তু একটু বিবেচনা করিয়া দেখিলেই প্রতীত হইবে, ইহা কেবল উলঙ্গ অবস্থায় না থাকিয়া গায় একটী আবরণ দিয়া রাখা মাত্র। পরিচ্ছদ যতদূর সংক্ষেপে সারা যাইতে পারে, তাহা এদেশের রমণীতেই দেখা যায়। ইহাদ্বারা আশ্চর্য শূন্যতা প্রকাশ পায় বটে, কিন্তু শীত বাতাদির ক্রেশ নিবারণ এবং ভদ্রতা রক্ষা পরিচ্ছদ ধারণের যে দুইটী প্রধান প্রয়োজন তাহা কোন

রূপেই সম্পন্ন হয় না। কোন সভ্যদেশে এরূপ পরিচ্ছদের প্রথা নাই, ইহা দেখিয়া সকলেই হাস্য করেন সন্দেহ নাই। নানা কারণে বর্তমান সময়ে এই পরিচ্ছদ পরিবর্তন নিতান্ত আবশ্যক হইয়াছে। কলিকাতা বামাবোধিনী সভায় এবিষয়ে যেরূপ আলোচনা হয় তাহার বিবরণ তত্রত্য এক জন সভ্য লিপিবদ্ধ করিয়া পাঠাইয়াছেন, নিম্নে প্রকাশিত হইল।

“অধুনা অস্বদেশীয়া অবলাকুলের মধ্যে যে প্রকার পরিচ্ছদ প্রচলিত আছে, সভ্যজাতি মাত্রই তাহার বিরোধী, বাস্তবিক ইহা নিতান্ত নির্লজ্জতার চিহ্ন। এবিষয় লইয়া কৃতবিদ্যাদিগের মধ্যে মহা আন্দোলন চলিতেছে, যাহাতে ইহার পরিবর্তে অন্য কোন সভ্যোচিত পরিচ্ছদ প্রচলিত হয় ইহাই প্রায় সকলের ইচ্ছা। এখানে এরূপ সূক্ষ্ম বস্ত্র প্রচলিত আছে যাহা পরিধান করিলে সর্ব শরীর স্পর্শরূপে দৃশ্য হয়। এরূপ নির্লজ্জ পরিচ্ছদ পরিধান করত কোন ক্রমেই ভদ্র সমাজে গমনাগমন করা যায় না। যদি এক স্থানে কোন ব্যক্তি ধর্মবিষয় কিম্বা অন্য কোন বিষয়ের সত্বপদেশ প্রদান করেন, এমনও হইতে পারে যে কেবল পরিচ্ছদের নিমিত্তই আমরা তথায় গিয়া সেই সকল জ্ঞানপূর্ণ উপদেশ শুনিতে পাই না, সুতরাং এরূপ পরিচ্ছদ আমাদের উন্নতি পক্ষে যে কি পর্যন্ত প্রতিবন্ধক, তাহা চিন্তা করিয়া দেখিলেই বুঝা যায়।

উন্নতির সহিত সামাজিক সকল বিষয়ের সম্বন্ধ আছে বলিয়া, সকল বিষয়ে সমভাবে উন্নতি না হইলে প্রকৃত উন্নতি লাভ করা যায় না, এনিমিত্ত এক বিষয়ে হীনাজ্ঞতা বশতঃ বঙ্গীয় নরনারীগণের অপর সকল উন্নত ভাবের ততদূর কার্যকারিত্ব প্রকাশ পায় না। কোন বঙ্গাঙ্গনা সকল বিষয়ে উন্নতা হইয়াও যদি পরিচ্ছদের নিমিত্ত জঘন্য রূপে নিন্দিতা হন, তবে তাঁহার মনে এরূপ বিশ্বাসও হইতে পারে যে যখন আমি এরূপে নিন্দিতা হইতেছি, তখন আমি অবনত এবং পরিণামে এই বিশ্বাস তাঁহার উন্নতি পক্ষে প্রতিকূল হইয়া দাঁড়ায়।

ইংরাজ প্রভৃতি কয়েক জাতীয় স্ত্রীলোকের পরিচ্ছদ অপেক্ষাকৃত ভাল বটে, কিন্তু কোন কোন বিষয়ে আমাদের অপেক্ষা সহস্র গুণে



মন্দ। সুতরাং তাহাদিগের পরিচ্ছদের অনুকরণ করিতে গেলে কয়েকটি দোষ পরিত্যাগ করিতে গিয়া অপর কয়েকটি দোষ গ্রহণ করিতে হয়। বিশেষত ইংরাজদিগের পরিচ্ছদের অনুকরণ করা সকলের পক্ষে ঘটিয়া উঠে না, ইহাতে যথেষ্ট ব্যয় আবশ্যিক। আমাদিগের মধ্যে প্রায় অনেকেই নিঃস্ব, সুতরাং তাহাদের পক্ষে এরূপ পরিচ্ছদ কোন মতেই সম্ভবনীয় নহে। বস্ত্রে ও উত্তর পশ্চিমবাসীদিগের পরিচ্ছদ ভাল বটে, কিন্তু স্বকপোল কল্পিত ও জাতি সম্ভ্রত কোন একটি সভ্যোচিত পরিচ্ছদ প্রস্তুত করিয়া পরিধান করিলে যত সুখানুভব হয়, অপর জাতীয়ের পরিচ্ছদের অনুকরণ করিলে তত হয় না এবং এরূপ করিলে কিয়ৎপরিমাণে কপটতার ভাব আসিয়া পড়ে। কারণ যদি কোন বাঙ্গালী ইংরাজের কিম্বা অন্য দেশীয় লোকের পরিচ্ছদ পরিধান করেন, লোকে তাঁহাকে তদ্দেশীয় জ্ঞানে তদনুযায়ী ব্যবহার করিয়া থাকে। অথবা কোন ব্যক্তি যদি ইংরাজের ন্যায় পরিচ্ছদ পরিধান করিয়া তাহাদের সমাজে গমন করেন, তবে তাঁহাকে স্বধর্মাবলী জ্ঞানে হয়ত তাঁহার সাক্ষাতে নিঃসঙ্কোচে বাঙ্গালীদিগের নিন্দা করিতে পারে, এবং সেই নিন্দা তাঁহাকে স্থিরচিত্তে শুনিতে হয়। এইরূপ পরিচ্ছদ পরিহিত হইলে স্বদেশীয় সমাজেও সম্যক রূপে পরিগৃহীত হইতে পারে না। স্বদেশীয়দিগের সহিত উন্নতি বিষয়ে কথোপকথন করিতে গেলে হয়ত তাহারা, তাঁহাকে আপনাদিগের অপেক্ষা কিছু ভিন্ন মনে করিয়া তাঁহার সহিত সকল বিষয়ের আলাপ করিতে কুণ্ঠিত হয়। সুতরাং বাহা স্বদেশের হিত সাধনের অনুকূল না হয়, তাহা গ্রহণ করা কোন মতেই কর্তব্য নহে।

যাহাতে সভ্যতা রক্ষা হয় এবং লোকের নিকট যথার্থ ভাবে পরিচিত হওয়া যায় এরূপ পরিচ্ছদ গ্রহণ করা উচিত। হৃদয়ে যেরূপ ভাব তদনুসারে পরিচ্ছদ ব্যবহার করাতে সরলতাও রক্ষা হয়।

শ্রীমতী সোঁদামিনী কাস্তুরি।”

উক্ত সভার আর একটা সভ্যের লেখা হইতেও কিয়দংশ উদ্ধৃত করা গেল:—

“এক্ষণে স্ত্রীলোকদিগের পরিচ্ছদ পরিবর্তন বিষয়ে অনেকে আন্দোলন হইতেছে এবং কৃতবিদ্য ব্যক্তি মাত্রই স্বীকার করিতেছেন যে স্ত্রীলোকদিগের পরিচ্ছদ পরিবর্তন করা কর্তব্য। কিন্তু কি প্রকার পরিচ্ছদ পরিধান করা উচিত তাহা কেহই স্থির করিতে পারিতেছেন না। এক্ষণে অনেকেই ইয়ুরোপীয়দিগের পরিচ্ছদ উত্তম বলিয়া স্বীকার করেন, কিন্তু তাহা যে রূপ রহে তাহাতে এদেশীয়দিগের সাধারণ লোকের উপযুক্ত নহে। কারণ এদেশীয় অনেকেই অবস্থানুসারে অতি ক্ষুদ্র ক্ষুদ্র গৃহে বাস করিতে বাধ্য হইলে তাহাতে ওরূপ রহে ব্যাপারের সমাবেশ হইতে পারে না। দ্বিতীয়তঃ এদেশীয় লোকের যেরূপ অবস্থা তাহাতে ব্যয় বাহুল্য হয়, এরূপ পরিচ্ছদ পরিধান করিতে অনেকেই সক্ষম নহেন। ইয়ুরোপীয় পরিচ্ছদে যেরূপ ব্যয় বাহুল্য হয় বোধ হয় অন্য কোন দেশীয় লোকের পরিচ্ছদে সেরূপ হয় না। প্রত্যেক দেশের লোকেরই পরিচ্ছদে, কি আচার ব্যবহারে স্বীয় স্বীয় দেশের চিহ্ন রাখা কর্তব্য। এই জন্য সম্পূর্ণরূপে অন্য দেশের অনুকরণ করা উচিত নহে, তাহাতে হীনতা প্রকাশ পায়। অন্য কোন দেশে ধর্ম বিষয়ে কিংবা চরিত্র বিষয়ে যে সকল উত্তম ভাব আছে তাহা গ্রহণ করিব, কিন্তু বাহ্যিক বিষয় সকলের অনুকরণ করিবার কোন আবশ্যিকতা নাই। ইংরাজ, কি উত্তর পশ্চিমবাসী, কি মুসলমান, কি চীনদেশীয় ইহাদিগের পরিচ্ছদ সুন্দর ও উত্তম হইলেও বঙ্গদেশীয়া স্ত্রীলোকদিগের সেইরূপ পরিচ্ছদ পরিধান করা উচিত নহে। যাহাতে দেশীয় ভাব থাকে, সকলে জিজ্ঞাসা না করিয়া বস্ত্র দেখিয়াই বঙ্গীয়া কুলকামিনী বলিয়া বুঝিতে পারে এবং সন্যাসরূপে শরীর আয়ত হয় এইরূপ পরিচ্ছদ পরিধান করা কর্তব্য। এক্ষণে কেহ কেহ যেরূপ কামিজ, জ্যাকেট, সাটী ও জুতা পরিধান করিয়া থাকেন তাহা উত্তম। কিন্তু এদেশে অনেক মন্দ স্ত্রীলোকেও এরূপ পরিচ্ছদ পরিয়া থাকে এই জন্য এই সকল পরিধান করিয়া তাহার উপরিভাগে এইরূপ একখানি আপাদ মস্তক লম্বিত চাদর ব্যবহার করা উচিত যদ্বারা অপর লোকে তদ্রকুলবালী বলিয়া বুঝিতে পারে। চাদর এইরূপ ভাবে ব্যবহার করা উচিত যাহাতে



জড়ের ন্যায় বসিয়া থাকিতে না হয়, স্বচ্ছন্দে সমুদায় অঙ্গ পরিচালনা করা যাইতে পারে।

রাজলক্ষ্মী সেন।”

স্ত্রীলোকগণ স্বয়ং তাঁহাদিগের পরিচ্ছদের উন্নতি সাধন জন্য উদযুক্ত হইয়াছেন, ইহা যার পর নাই সন্তোষের বিষয় বলিতে হইবে। কিছুদিন হইল এবিষয়ে আমাদিগের একজন কৃতবিদ্য বন্ধুর মত জিজ্ঞাসা করাতে বলিয়াছিলেন “যে ব্যক্তিবিশেষ বা সমাজ বিশেষের সুখ, সচ্ছন্দ, আরাম, সৌন্দর্য্য প্রভৃতির বিয়য় নির্দ্ধারণ করিতে হয়, তাঁহারা নিজে তাহার উপায় উদ্ভাবন বা সংস্কার না করিলে তাহা কখন সম্পূর্ণ রূপে উদ্দেশ্য সাধক হইতে পারে না। অন্য লোক এবিষয়ে কেবল কতকগুলি ইঙ্গিত বা অসম্পূর্ণ প্রস্তাব মাত্র করিতে পারেন। স্ত্রীলোকদিগের পরিচ্ছদ সর্ব্বতোভাবে উৎকৃষ্ট দেখিতে চাহিলে তাহা স্ত্রীলোকদিগের দ্বারা অবলম্বিত হওয়া বিধেয়।” এটি অতি যুক্তি সিদ্ধ বাক্য। আমরা এদেীয় অপেক্ষাকৃত সভ্য মহিলাগণের মত গ্রহণ এবং বর্ত্তমান সমাজের অবস্থা বহু দিন হইতে বিবেচনা করিয়া আপাততঃ স্ত্রীগণের পরিচ্ছদ বিষয়ে এইরূপ সংক্ষেপ প্রণালী নির্দ্ধারণ করিলাম।

বাটীতে—ইজার, পিরাণ ও সাটী ; অথবা লম্বা পিরাণ ও সাটী।

বাহিরে গমন করিতে হইলে—ইজার, পিরাণ, সাটী, চাদর, পাজামা ও জুতা। জুতা যাঁহারা পসন্দ না করেন, না পরিতে পারেন।

পরিচ্ছদ দ্বারা সখবা ও বিধবা ও কুমারী বাহাতে প্রভেদ করা যায় একরূপ নিয়ম অবলম্বন করা যাইতে পারে। আমরা এবিষয়ে চিরকালের জন্য অথবা বিশেষ করিয়া কোন নিয়ম নির্দ্ধারণ করিতে ইচ্ছা করি না। সাধারণ ভাবে এবং আপাততঃ প্রয়োজন সাধনের জন্য এই উপায় নির্দেশ করিলাম, যাঁহারা আবশ্যক বোধ করেন গ্রহণ করিবেন। যাঁহারা এবিষয়ে উৎকৃষ্টতর রীতি প্রদর্শন করিবেন, তাঁহাদিগের প্রস্তাব আমরা সাদরে গ্রহণ করিব। এবং পশ্চাৎ এ বিষয়ে আমাদিগের আরও যে কিছু বক্তব্য আছে তাহা প্রকাশ করিব।

## শিক্ষয়িত্রী বিদ্যালয়ের পরীক্ষার ফল।

ভারত সংস্কার সভানুগত শিক্ষয়িত্রী বিদ্যালয়ের ষাণ্মাসিক পরীক্ষা, পরীক্ষকদিগের মন্তব্য এবং পারিতোষিক বিবরণ গত সংখ্যক পত্রিকায় প্রকাশিত হইয়াছে। ছাত্রীগণ প্রশ্নের উত্তর কিরূপ প্রদান করিয়াছেন অনেকে দেখিতে ইচ্ছা করেন, এই জন্য দৃষ্টান্ত স্বরূপ নিম্নে কয়েকটি উত্তর প্রকটিত হইল। ইহা পাঠ করিলে পাঠিকাগণেরও উপকার লাভের সম্ভাবনা।

### ইতিহাস।

১ম উত্তর। এই উভয় পক্ষীয়েরা রাজ্য লাভের নিমিত্ত সংগ্রাম করিয়াছিলেন। ঐ যুদ্ধ অষ্টাদশ দিবস হইয়া দুর্ঘোষনের (কৌরবদিগের সেনানায়ক) মৃত্যুর পর শেষ হয়। কৌরবদিগের পক্ষে দুর্ঘোষনাদি দুর্ঘোষনের শতভ্রাতা, দ্রোণাচার্য্য, ভীষ্ম, অশ্বখামা, কৃপাচার্য্য, শকুনি, পাণ্ডবদিগের মাতুল শল্য ইত্যাদি প্রধান প্রধান যোদ্ধারা ছিলেন। দ্রোণাচার্য্য, পূর্বে একজন সামান্য ব্রাহ্মণ ছিলেন, এবং সেই সময়ে তিনি ধর্ম্মর্ষেদ শিক্ষা করেন। পরে ঘটনাক্রমে এক দিবস বালাসখা জগদরাজের নিকট গমন করিয়াছিলেন। তথায় দরিদ্র বলিয়া অপমানিত হওয়াতে জগদকে তৎপ্রতিফল প্রদানের নিমিত্ত তিনি হস্তিনায় আসিয়া সাহায্য প্রাপ্তির আশায় কুরু ও পাণ্ডব রাজকুমারদিগের ধর্ম্মর্ষেদের শিক্ষকরূপে নিযুক্ত হইয়াছিলেন। ভীষ্ম শান্তনু রাজার পুত্র ছিলেন। ইনি চিরকাল কোঁমার্য্য অবস্থায় থাকিবেন এবং রাজ্য গ্রহণ করিবেন না এইরূপ প্রতিজ্ঞা করিতে ইহার নাম ভীষ্ম হইয়াছে। ইনি কুরু ও পাণ্ডবদিগকে সমভাবে স্নেহ করিতেন, কিন্তু ক্ষত্রিয়দিগের রীতি অনুসারে দুর্ঘোষন কর্ত্তক অগ্রে সেনাপতি পদে রত হওয়াতে তাহারই পক্ষ অবলম্বন করিলেন। অশ্বখামা দ্রোণাচার্য্যের পুত্র ছিলেন। প্রবাদ আছে ইনি জন্মমাত্র অশ্বের ন্যায় শব্দ করিয়াছিলেন, এই নিমিত্ত ইহার নাম অশ্বখামা হইয়াছে। কৃপাচার্য্য—অশ্বখামার মাতুল ছিলেন। ইনি দ্রোণাচার্য্যের পূর্বে কুরুপাণ্ডবদিগকে অস্ত্র শিক্ষা দিতেন। শকুনি—দুর্ঘোষনের মাতুল ছিলেন। একরূপ প্রবাদ আছে যে ইনি জন্মমাত্র



গর্দভের ন্যায় রব করিয়াছিলেন। ইনি কুরুপাণ্ডবদিগের মধ্যে যুদ্ধ ঘটাইবার মূল কারণ, ইহার চরিত্র অতি খল। শল্যরাজা পাণ্ডবদিগের পক্ষে যুদ্ধ করিতে যাইতেছিলেন, কিন্তু ঘটনা ক্রমে পথি মধ্যে দুর্ব্যোধনের সহিত সাক্ষাৎ হওয়াতে তিনি তাঁহাকে নিজের সেনাপতি পদে বরণ করিলেন। দুর্ব্যোধন অত্যন্ত খল, পানর, রাজ্যলাভাকাঙ্ক্ষী ছিলেন। ইনি ছলক্রমে শকুনির সাহায্যে পাণ্ডবদিগকে সিংহাসনচ্যুত করেন। ইহার অন্যান্য ভ্রাতারা প্রায় ইহারই তুল্য ছিলেন।

পাণ্ডবদিগের পক্ষে কৃষ্ণ, দ্রুপদ, বিরাট প্রভৃতি অনেকে ছিলেন। কৃষ্ণ যুধিষ্ঠিরের মাতুল পুত্র ছিলেন, এই নিমিত্ত পাণ্ডবদিগকে অধিক স্নেহ করিতেন। ইহার সাহায্যে পাণ্ডবেরা সকল বিপদ হইতে উদ্ধার পাইতেন। দ্রুপদ পাণ্ডবদিগের শ্বশুর ছিলেন, ইহার কন্যা দ্রৌপদীকে পঞ্চ পাণ্ডব মিলিয়া বিবাহ করিয়াছিলেন। পাণ্ডবেরা শকুনির সহিত পাশ ক্রীড়ায় পরাজিত হইয়া দ্বাদশ বৎসর বন গমন এবং এক বৎসর অজ্ঞাত বাসের পণ করত অজ্ঞাতবাসের কাল ছদ্মবেশে বিরাট রাজার গৃহে যাপন করেন। বিরাট রাজার কন্যা উত্তরার সহিত অর্জুন-তনয় অভিমন্যুর বিবাহ হইয়াছিল এই নিমিত্ত তিনি তাহাদের পক্ষ অবলম্বন করেন। পাণ্ডবদিগের মধ্যে যুধিষ্ঠিরই সর্বাপেক্ষা উত্তম ছিলেন, তাঁহার স্বভাবের বিষয় এরূপ বর্ণিত আছে যেন তাহা পাঠ করিলে বোধ হয় দয়া, দাক্ষিণ্য, সৌজন্য, শান্তস্বভাব, পরোপকার, সহিষ্ণুতা, ধৈর্য ইত্যাদি মূর্তিমান হইয়া যুধিষ্ঠির রূপে অবনীমণ্ডলে অবতীর্ণ হইয়াছেন। তাঁহার অন্যান্য ভ্রাতাদিগের স্বভাবও উত্তম ছিল।

২ উত্তর। অতিশয় বিশৃঙ্খল ভাবে সম্পন্ন হইতেছিল। আজমীর ও কর্ণাজ এই উভয় দেশের রাজাই দিল্লীপতির দৌহিত্র ছিলেন। কিন্তু তিনি মৃত্যুকালে আজমীরপতিকেই দিল্লীর উত্তরাধিকারী করিয়া যান। এই সূত্রে উভয় রাজার মধ্যে বিবাদ উপস্থিত হয়। এই অন্তর্বিবাদ মহম্মদের পক্ষে অনুকূল হইয়াছিল সন্দেহ নাই। মহম্মদ দিল্লী ও আজমীরের তদানীন্তন অধিপতি পৃথুকে প্রথম আক্রমণ করেন। খানেশ্বর ও কর্ণালের মধ্যবর্তী স্থানে যুদ্ধ উপস্থিত হয়। যুদ্ধে মুসলমানেরা পরাভূত

হয়। পরে পুনরায় মহম্মদ যুদ্ধার্থ আসিলে হিন্দুরা পূর্ব বারের পরাভব স্মরণ করাইয়া তাঁহার নিকট দূত দ্বারা বলিয়া পাঠাইলেন যে “পলায়ন ভিন্ন মহম্মদের অন্য উপায় নাই, তিনি যদি সদ্বুদ্ধির বশীভূত হন তাহা হইলে আমরা তাহার উপর কোন উপদ্রব করিব না।” মহম্মদ ইহার উত্তরে ভয়ের ভান করিয়া এই বলিয়া পাঠান যে “আমার ভ্রাতা রাজা, তাহার অনুমতি ভিন্ন আমার প্রতিগমন করিবার ক্ষমতা নাই, অতএব যতদিন তাঁহার অনুমতি না আইসে ততদিন উভয় দলে সন্ধি স্থাপিত করিয়া চরিতার্থ হই।” হিন্দুরা এই উত্তরে সতর্কতা শূন্য হইয়া রজনীতে উৎসব করিতে লাগিলেন, মহম্মদ এই সুযোগে তাহাদিগকে আক্রমণ করিল। হিন্দুদিগের শিবির এরূপ বিস্তৃত ছিল যে এক ভাগ ব্যতিবাস্ত হইতে না হইতে অপরভাগ বৃহীভূত হইয়া দাঁড়াইল। অনন্তর উভয় দলে সংগ্রাম উপস্থিত হইল। মুসলমানপতি জম্বুক চাতুর্ঘ্য আরম্ভ করিলেন। তিনি একবার ধাবিত ও একবার পলায়িত হইতে লাগিলেন। অবশেষে সন্ধ্যাকালে হিন্দুদিগকে নিতান্ত ক্লান্ত দেখিয়া আপাদমস্তক বর্ষ্য পরিহিত দ্বাদশ সহস্র সৈন্য ধাবিত করিলেন। হিন্দুরা ইহার বেগ সহ্য করিতে না পারিয়া রণে ভঙ্গ দিয়া পলায়ন করিলেন। সুতরাং মুসলমানেরা জয়ী হইয়া অন্যান্য ভাগে বিস্তৃত হইয়া পড়িল।

৩ উ। পূর্বকালে ভারতবর্ষীয়া স্ত্রীলোকেরা এখনকার মত অন্তঃপুরে নিবদ্ধা থাকিতেন না। স্বাধীন ভাবে যাহা ইচ্ছা তাহাই করিতেন। তৎকালে তাহাদিগের মধ্যে লেখাপড়ারও চর্চা ছিল। স্বয়ম্বর প্রথা প্রচলিত থাকতে বোধ হয় এখনকার ন্যায় বাল্যকালে ও অমতে বিবাহ হইত না। এক্ষণে স্ত্রীলোকেরা অন্তঃপুরে নিবদ্ধা ও অশিক্ষিতাবস্থায় কাল-যাপন করিতেছেন এবং বাল্যবিবাহ ইত্যাদি দ্বারা তাহাদিগের ভয়ানক অমঙ্গল সংসাধিত হইতেছে। এরূপ প্রভেদ হওয়াতে যে কি পর্য্যন্ত অনিষ্ট হইয়াছে তাহা বলিতে পারা যায় না। এরূপ হওয়াতে পুরুষ-দিগেরও সম্পূর্ণ মঙ্গল সংসাধিত হইতেছে না।

শ্রীমতী সৌদামিনী কান্তগিরী।



## পদার্থ বিদ্যা।

১ উ। আকর্ষণ আট প্রকার; যথা মাধ্যাকর্ষণ, যোগাকর্ষণ, বিষম যোগাকর্ষণ, কৈশিকাকর্ষণ, অন্তর্কর্ষণ বহির্কর্ষণ, চৌম্বকাকর্ষণ, তাড়িতাকর্ষণ ও রাসায়নিক আকর্ষণ। জড় পদার্থ দূর হইতে যে সকল দ্রব্যকে আকর্ষণ করে তাহাকে মাধ্যাকর্ষণ কহে। পৃথিবীর মাধ্যাকর্ষণে আকৃষ্ট হইয়া বৃক্ষের ফল, মেঘের জল ভূতলে পতিত হয়। সকল দ্রব্যই স্থায়ী স্থায়ী মধ্য ভাগে পদার্থ সকলকে আকর্ষণ করে বলিয়া এই আকর্ষণের নাম মাধ্যাকর্ষণ হইয়াছে। পৃথিবী আপন কেন্দ্রের দিকে সকল পদার্থকে আকর্ষণ করিতেছে। যে আকর্ষণ দ্বারা পরমাণু সকল একত্র সংযুক্ত হয় তাহাকে যোগাকর্ষণ বলে। যোগাকর্ষণ না থাকিলে এই জগতে কেবল কতকগুলি পরমাণু পুঞ্জ মাত্র থাকিত, নানা প্রকার রমণীয় পদার্থ রক্ষ লতা পুষ্প এ সমুদায়ের কিছুই দৃষ্টিগোচর হইত না। ছুই খানি কাচ উপরি উপরি রাখিয়া দিলে তাহার যোগাকর্ষণ গুণে অল্প সংযুক্ত হয়, পরে তাহা খুলিতে একটু শক্তি আবশ্যিক করে। যদি জানালার সাদি দিয়া ছুইবিন্দু জল গড়িয়া পড়ে, তবে তাহার যোগাকর্ষণ গুণে আকৃষ্ট হওয়াতে উভয়ে মিলিত হইয়া একটি বিন্দু হইয়া যায়।

যেমন এক রূপ দ্রব্যের পরস্পর আকর্ষণ হয়, সেই রূপ আবার ভিন্ন ভিন্ন প্রকার দ্রব্যের আকর্ষণ হইয়া থাকে। যদি জলে এক খানি পর-কলা একরূপ ভাবে স্থাপন করা যায় যে তাহা জলে মগ্ন না হয়, তবে সেই কাচ তুলিতে কিঞ্চিৎ শক্তি আবশ্যিক করে। কোন কোন তরল পদার্থ সূচি লগ্ন করিলে ঐ তরল পদার্থ উহাতে লাগিয়া থাকে, ইহা বিষম যোগাকর্ষণের কার্য। যেস্থলে কঠিন ও তরল বস্তুর সহিত বিষম যোগাকর্ষণ না হয় সে স্থলে উহা তরল পদার্থে লগ্ন হইবার পূর্বেও যেমন থাকে পরেও তেমনি থাকে। অটালিকার সমুদায় অংশ যোগাকর্ষণ ও বিষম যোগাকর্ষণে এ প্রকার দৃঢ় হইয়া থাকে যে পৃথিবীর মাধ্যাকর্ষণ তাহাকে নিরন্তর আকর্ষণ করিতেছে তত্রাচ উহার কণামাত্র স্থানচ্যুত কিংবা ভগ্ন করিতে পারে না। ক্ষুদ্র ক্ষুদ্র নলের মধ্যে যে জল উঠিতে

দেখা যায় তাহাকে কৈশিকাকর্ষণ বলে, ইহা যোগাকর্ষণের কার্য। নলের অন্তর্দিক এবং জলের পরমাণু এই উভয়ের বিষম যোগাকর্ষণ দ্বারা জল উর্দ্ধ দিকে উত্থিত হয়। যতক্ষণ কৈশিকাকর্ষণ প্রবল থাকে ততক্ষণ উঠিতে থাকে, পরে যখন জলরাশির ভার কৈশিকাকর্ষণকে অতিক্রম করে, তখন উহা মাধ্যাকর্ষণ দ্বারা আকৃষ্ট হইয়া নামিয়া পড়ে। কেশের ন্যায় সূক্ষ্ম নলের মধ্যে এই আকর্ষণের কার্য অধিক প্রবল হয় বলিয়া ইহার নাম কৈশিকাকর্ষণ হইয়াছে। প্রদীপের বর্তী দ্বারা যে শিখা পর্যন্ত তৈল প্রবেশ করে এবং মৃত্তিকা হইতে জল উঠিয়া যে ঘরের মেজে ও প্রাচীরের অধোভাগকে আর্দ্র করে এ উভয়েই এই আকর্ষণের কার্য।

চুম্বক নামে এক প্রকার অপরিষ্কৃত ধাতু আছে তাহা লৌহ এবং ইস্পাত আকর্ষণ করিয়া থাকে এই আকর্ষণকে চৌম্বকাকর্ষণ বলে।

যে আকর্ষণ দ্বারা ভিন্ন ভিন্ন প্রকার বস্তু সংযুক্ত হইয়া একটি নূতন বস্তু উৎপন্ন হয়, তাহাকে রাসায়নিক আকর্ষণ বলে। ইহা জড় পদার্থের সাধারণ গুণ নহে। বিশেষ বিশেষ দ্রব্যের সহিত যে বিশেষ বিশেষ দ্রব্যের স্বাভাবিক সম্বন্ধ আছে তাহাতেই এই আকর্ষণের কার্য দেখিতে পাওয়া যায়। যেমন পারা ও গন্ধক মিলিত করিয়া উত্তপ্ত করিলে হিঙ্গুল হয়, ইহাতে পারা গন্ধকের অনেক গুণ পরিবর্তিত হইয়া যায়। অন্যান্য প্রকার আকর্ষণ দ্বারা আকৃষ্ট বস্তুকে যেরূপ ছেদন পেষণ ঘর্ষণাদি দ্বারা পৃথক করা যায়, রাসায়নিক আকর্ষণ দ্বারা আকৃষ্ট বস্তু সকলকে সেরূপ পৃথক করা যায় না।

ভূমণ্ডলের সর্বস্থানে তাড়িত নামক এক সূক্ষ্ম পদার্থ আছে, ইহা দ্বারা যে আকর্ষণের ক্রিয়া হয় তাহাকে তাড়িতাকর্ষণ বলে। লাক্ষা কিংবা কাচ শুষ্ক হস্তে অথবা লোমজবস্ত্রে ঘর্ষণ করিলে তাহা হইতে তাড়িত নিঃসৃত হয়, এই জন্য উহা পালক রেশম প্রভৃতি লঘু দ্রব্যের নিকট ধরিলে ঐ লঘু দ্রব্য তাড়িতাকর্ষণে আকৃষ্ট হইয়া উহাতে সংযুক্ত হইয়া অত্যল্প কাল পরেই বিযুক্ত হইয়া পড়ে।

২ উ। দূরত্বের সংখ্যা যত হইবে তাহাকে তত গুণ করিয়া যে অল্প প্রাপ্ত হওয়া যায় সে স্থানের আকর্ষণের বলে তত ভাগের এক ভাগ



হইবে। যেমন এক ক্রোশ দূরে যত আকর্ষণ দুই ক্রোশ দূরে তাহার চারি ভাগের এক ভাগ, কারণ দুইকে দুই দিয়া গুণ করিলে চারি হয়। এইরূপ তিন ক্রোশ দূরে নয় ভাগের এক ভাগ, চারি ক্রোশ দূরে ষোল ভাগের এক ভাগ।

৩ উ। তাপমান বস্তুর দ্বারা বায়ুর এবং অন্যান্য বস্তুরও তাপাংশ পরিমাণ করা যাইতে পারে। তাপমান একটি কাচের নল উহার নিম্নভাগ কুণ্ডলিত, ঐ কুণ্ডে পারা থাকে। তাপমানের উপরি ভাগে ১ অবধি ২:২ অঙ্ক পর্যন্ত অঙ্কিত থাকে, যে দিবস যত উত্তাপ হয় সেই দিবস ঐ পারা তত অঙ্ক পর্যন্ত উত্থিত হয়। জল যত উত্তপ্ত হইলে ফুটিয়া উঠে, তত উত্তাপ পাইলে ঐ পারা ২:২ অঙ্ক পর্যন্ত উত্থিত এবং যত উত্তাপ থাকিলে জমিতে আরম্ভ হয় তত উত্তাপে ঐ পারা ৩:২ অঙ্ক পর্যন্ত উত্থিত হয়। মনুষ্যের শরীরের রক্ত যত উত্তপ্ত, তত উত্তাপে উহা ৯:৮ অঙ্ক পর্যন্ত উত্থিত হয়।

৪ উ। কোন কোন পদার্থের এই প্রকার গুণ আছে যে তাহাদিগকে টানিলে রুদ্ধ হয় এবং ছাড়িয়া দিলে পূর্ববৎ কুণ্ডিত হইয়া থাকে এই গুণকে স্থিতি স্থাপকতা বলে।

কোন কোন দ্রব্যকে সহজেই ভগ্ন করা যায়। তাহাদিগের এই গুণকে ভঙ্গ প্রবণতা এবং ঐ সকল বস্তুকে ভঙ্গ প্রবণ বলে।

কোন কোন ধাতুকে পিটিয়া অতি সূক্ষ্ম পাত করা যাইতে পারে। এই গুণকে ঘাতসহজ বলে।

কোন কোন দ্রব্যকে টানিয়া সহজে ছিন্ন করা যায় না যোগাকর্ষণের আধিক্যই ইহার কারণ, এই গুণকে ভিদাবরোধকতা বলে।

সকল পদার্থেরই এমন একটি সূক্ষ্ম স্থান আছে যে তাহা দ্রুত অথবা অবলম্বন প্রাপ্ত হইলে সেই বস্তুর সমুদায় ভাগ স্থির ও অবিচলিত থাকে, সেই অতি সূক্ষ্ম বিন্দুমাত্র স্থানকে ভারকেন্দ্র বলে।

৫ উ। কোন বস্তু কোন এক নির্দিষ্ট কালে যতদূর গমন করে, তাহাকে সেই বস্তুর বেগ বলে। যেমন যে অশ্ব প্রতি ঘণ্টায় ৫ ক্রোশ চলে তাহার

বেগ প্রতি ঘণ্টায় ৫ ক্রোশ। কোন বস্তুর এক স্থান হইতে স্থানান্তর হওয়াকে গতি কহে।

৬ উ। গতি নয় প্রকার। যথা সমগতি, সরলগতি, বিবৃদ্ধগতি, সমান গতি, সাধারণ গতি, আপেক্ষিক ও অনপেক্ষগতি, মিশ্রগতি, পরাবর্তিত গতি, চক্রাবর্তগতি।

কোন বস্তু কোন শক্তি দ্বারা চালিত হইলে যদি চিরকালই সমান বেগে চলে তাহার গতির হ্রাস কিংবা বৃদ্ধি না হয় তবে তাহাকে সমগতি বলে। পৃথিবীতে সমগতির দৃষ্টান্ত দৃষ্টি করা যায় না, কারণ পৃথিবীস্থ কোন দ্রব্য চালিত হইলে পৃথিবীর মাধ্যাকর্ষণাদি দ্বারা তাহার গতির নিয়তই হ্রাস বৃদ্ধি হয়। গগনমণ্ডলস্থ গ্রহ উপগ্রহাদির গতি সমগতির উত্তম উদাহরণ। তাহারা প্রথমে যে প্রকার বেগ প্রাপ্ত হইয়াছিল, চিরকালই সেই প্রকার বেগে চলিতেছে এবং চলিবে।

যদি কোন বস্তু কোন শক্তি দ্বারা চালিত হইয়া সরল ভাবে ঠিক এক দিকেই চলে, অন্য কোন দিকে গমন না করে, তবে তাহাকে সরল গতি বলে। রক্তের ফল, মেঘের জল প্রভৃতি যদি কোন বাধা প্রাপ্ত না হয় তবে ঠিক সরলভাবে পড়ে।

পৃথিবীর নিকটস্থ কোন বস্তু উচ্চদেশ হইতে পতিত হইবার সময়ে পৃথিবী তাহাকে নিয়তই আকর্ষণ করিতে থাকে এই জন্য তাহার গতির বেগ অবিরত বৃদ্ধি হইতে থাকে। উচ্চদেশ হইতে জল পতিত হইবার সময়ে ঐ জল একটি শ্রোতের ন্যায় হইয়া পড়ে ঐ শ্রোতের উপরিভাগ প্রশস্ত এবং নিম্নভাগ সরু। তাহার কারণ প্রথমে যে প্রমাণ জল ৮ হস্ত পড়িয়াছিল, পরে সেই প্রমাণ জল ১৬ হস্ত পড়ে। এইরূপে পৃথিবী যত তাহাকে আকর্ষণ করিতে থাকে তত উহার বেগ বৃদ্ধি হওয়াতে দৈর্ঘ্যে অধিক হইয়া বিস্তারে সরু হয়। এবিষয়ের একটি সূক্ষ্ম নিয়ম আছে জড় পদার্থ উচ্চ হইতে পতিত হইবার সময়ে প্রত্যেক সেকেণ্ডে ১৬ ফিট পড়ে, কিন্তু পৃথিবী নিম্নদিকে আকর্ষণ করে বলিয়া উহার বেগ বৃদ্ধি হয়। এই গতিকে বিবৃদ্ধ গতি বলে।

যেদূর উচ্চদেশ হইতে কোন বস্তু পতিত হইবার সময়ে তাহার বেগ



রুদ্ধ হয় সেই রূপ নিম্ন দিকে হইতে উর্দ্ধে উত্থিত হইবার সময়ে তাহার বেগ হ্রাস হয়, কারণ ঐ বস্তু উপর দিকে উত্থিত হয় এবং পৃথিবী তাহাকে বিপরীত অর্থাৎ নিম্ন দিকে আকর্ষণ করে এই প্রকার গতিকে হ্রাসমান গতি কহে।

কোন বস্তু চালিত হইলে যদি তাহার সহিত অন্য কোন বস্তুর গতির তুলনা না করা যায়, তবে তাহার গতিকে অপেক্ষ গতি বলে। যেমন কোন নৌকা যদি প্রতি পলে ২০০ হাত গমন করে, কিন্তু তাহার সহিত অন্য কোন বস্তুর গতির তুলনা না করা যায়, তবে নৌকার গতিকে অপেক্ষ গতি বলা যায়। যদি সেই সময়ে কোন ব্যক্তি নৌকার মধ্যে শয়ন করিয়া থাকে তবে তাহারও প্রতি পলে ২০০ হাত গমন করা হয়, কিন্তু যদি সেই ব্যক্তি স্থির না থাকিয়া গলুয়ের দিকে দশ হাত করিয়া গমন করে তবে তাহার প্রতি পলে ২১০ হাত গমন করা হয় এই, ২১০ হাত তাহার অপেক্ষ গতি ও কেবল ১০ হাত তাহার আপেক্ষিক গতি।

যদি দুই অথবা বহুবস্তু এক শক্তি দ্বারা চালিত হইয়া একত্র গমন করে, তবে তাহাদিগের গতিকে সাধারণ গতি বলে। শকট প্রতি ঘণ্টায় ততদূর গমন করে, শকটস্থ বস্তু সমুদায়েরও প্রতি ঘণ্টায় ততদূর গমন হয় এই জন্য শকট ও শকটস্থ বস্তু সমুদায়ের গতি সাধারণ গতি। পৃথিবীও আমাদিগের গতিও সাধারণ গতি।

কোন দ্রব্য দুই অথবা বহু শক্তি দ্বারা ভিন্ন ভিন্ন দিকে একেবারে চালিত হইলে উহা এক সময়ে সকল দিকে চলিতে না পারিয়া ঐ সকল দিকের মধ্যবর্তী কোন এক স্বতন্ত্র দিক অবলম্বন করিয়া চলে। এই প্রকার গতিকে মিশ্রগতি বলা যায়।

উপর হইতে কোন দ্রব্য সরল ভাবে পতিত হইবার সময়ে যদি কোন বস্তু দ্বারা বাধা প্রাপ্ত হয়, তবে আর সরল ভাবে চলিতে না পারিয়া দিগন্তরে গমন করে, এই গতিকে পরাবর্তিত গতি কহে। বৃক্ষ হইতে ফল পতিত হইবার সময়ে যদি কোন শাখায় আসিয়া লাগে তাহা হইলে অন্য দিকে চলিয়া যায়। গোলাকার পথে ভ্রমণ করাকে চক্রাবর্ত গতি

বলে। শকট চক্রের আবর্তন ঘটিকা যন্ত্রের শকু পরিচালনা, জাতা লাটম ঘূর্ণন এই সমুদায় চক্রাবর্ত গতির কার্য।

প্রথম শ্রেণীর রাজলক্ষ্মী সেন।

## প্রশ্নাবলী।\*

### ইতিহাস।

১ প্রশ্ন। কৌরব ও পাণ্ডবদিগের যুদ্ধ কি কারণে হয় এবং কত দিন থাকে? উভয় পক্ষীয় প্রধান প্রধান সেনাপতি কে ছিলেন এবং তাঁহাদিগের স্বভাব কি প্রকার ছিল?

২। মহম্মদ ঘোর যখন ভারতবর্ষ আক্রমণ করিতে আইসেন, তখন ইহার অবস্থা কিরূপ ভাবে চলিতেছিল? তিনি হিন্দু রাজাদিগকে কি প্রকারে পরাভব করিলেন?

৩। পূর্বকালীন ভারতবর্ষীয় মহিলাগণের সহিত অধুনাতন স্ত্রীগণের অবস্থা তুলনা কর।

### পদার্থ বিদ্যা।

১ প্রশ্ন। আকর্ষণ কয় প্রকার? প্রত্যেকটী দৃষ্টান্ত দ্বারা বুঝাইয়া দেও।

২। দূরত্ব অনুসারে পৃথিবীর মাধ্যাকর্ষণ নিরূপণ করিবার উপায় কি?

৩। তাপমান যন্ত্রদ্বারা কি জানা যায়?

৪। স্থিতি স্থাপকতা, ভঙ্গ প্রবণতা, ঘাতসহন, ভিদাবরোধকতা এবং ভারকেন্দ্র কাহাকে বলে?

৫। বস্তুর বেগ ও গতি কাহাকে বলে?

৬। গতি কয় প্রকার? তাহার এক একটী দৃষ্টান্ত প্রদর্শন কর।

## পুঁটিয়ার রাণী শরৎসুন্দরী।

“ ধনানি জীবিতক্লেব পরার্থে প্রাজ্ঞ উৎসৃজৎ । ”

জ্ঞানবান্ লোকে পরের হিতার্থে ধন ও প্রাণ উৎসর্গ করিবেন।

আমরা অন্য দেশের স্ত্রীলোকের সঙ্গুণের আলোচনা করিয়া আনন্দ

\* \* ছাত্রীদিগের পরীক্ষার প্রশ্ন হারাইয়া গিয়াছে। পরীক্ষকগণের মত লইয়া উত্তর সকল দৃষ্টে নিম্নলিখিত প্রশ্ন কয়েকটী সংকলিত হইল।



লাভ করি বটে, কিন্তু স্বদেশীয় রমণীগণের কোন সৎদৃষ্টিান্ত দর্শন করিলে হৃদয় যে রূপ পুলকিত হইয়া উঠে এরূপ আর কিছুতেই নহে। মহারাণী স্বর্ণময়ী দানশীলতার জগৎ বিখ্যাত হইয়াছেন এবং বঙ্গরমণী কুলের মুখো-  
জ্জ্বল করিয়াছেন তাঁহার বিষয়ে অধিক বলিবার নাই। কিন্তু উপরে যে আর  
একটি সদগুণশালিনী রমণীর নাম অঙ্কিত হইয়াছে, তিনি অদ্যাপি তত  
বিখ্যাত নহেন বলিয়া কম সূখ্যাতির পাত্র নহেন। ইনি অতি নম্রভাবে  
দয়ার উচিত পাত্রে দান করিয়া আসিতেছেন, লোকে প্রশংসা করুক না  
করুক সে দিকে দৃষ্টি করেন না, ইহা নারীশোভন অতি রমণীয় গুণ বলিতে  
হইবে। সম্প্রতি এই মহিলা বামাবোধিনীর একটি যন্ত্রালয়ের সাহায্য  
জন্য ২০টি টাকা পাঠাইয়াছেন, ইহা শুনিয়া আমাদের পাঠকগণ আমা-  
দের সহিত একত্র হইয়া তাঁহাকে ধন্যবাদ করুন। কিন্তু তাঁহার গুণের  
বিশেষ পরিচয় দিবার জন্য আমাদের পরমবন্ধু বোয়ালিয়া গবর্ণমেন্ট  
স্কুলের প্রধান শিক্ষক শ্রীযুক্ত বাবু কালীনাথ দেব মহাশয় বিশেষ অন্-  
সন্ধান করিয়া যে প্রেরিত খানি পাঠাইয়াছেন তাহা সাদরে নিম্নে উদ্ধৃত  
করিলাম।

“এতদঞ্চলে বিখ্যাত রাণী স্বর্ণময়ী ভিন্ন পুঁটিয়ার রাণী শরৎসুন্দরীর  
ন্যায় সদাচারিণী দানশীলা রমণী আর দেখা বাইতেছে না। ইনি কেবল  
কয়েক বৎসর হইল জমিদারির ভার স্বীয় হস্তে গ্রহণ করিয়াছেন, ইতি-  
মধ্যে ইনি বিবিধ সংকার্যে এক কালীন ও মাসিক যত টাকা দান করি-  
য়াছেন ও করিতেছেন তাহার এক ফর্দ নীচে লিখিতেছি। আপনার  
পাঠক পাঠিকার অবগতির জন্য এই ফর্দ বামাবোধিনীতে প্রকাশ করিলে  
ভাল হয়, এ সকল বিষয় অবগত হইয়া রমণীগণ ইহাঁর ন্যায় সচরিত্রা ও  
দানশীলা হন ইহাঁই একান্ত কামনা।

পুঁটিয়া নিবাসিনী শ্রীমতী শরৎসুন্দরী দেবীর

দানের বিবরণ।

নিয়মিত বার্ষিক দানের সংখ্যা।

জিলা রাজসাহির অন্তঃপাতি লালপুর সাহায্যকৃত ইংরাজী স্কুল  
মাসিক ৭৫) টাকা হিসাবে এবং প্রাইজ বাবত ২৫)

ঐ জিলা মান্দাকালী বঙ্গবিদ্যালয় মাসিক ১৫) হিসাবে	১৮০)
ঐ জিলা ভালুক গাছি চৌপুখুরিয়া বঙ্গবিদ্যালয় মাসিক ঐ	১৮০)
ঐ জিলা মধুখালী বঙ্গবিদ্যালয় মাসিক ১২)	১৪৪)
এতদ্ব্যতীত আরও পাঁচটি স্কুলে মাসিক ২।৪।৫ টাকা হিসাবে ২০)	২৪০)
বোয়ালিয়া অন্তঃপুর স্ত্রীশিক্ষার কারণ মাসিক ৫) টাকা হিসাবে	৬০)
রাজসাহির অন্তঃপাতি লালপুর দাতব্য চিকিৎসালয় মাসিক	
৯২) টাকা হিসাবে	১১০৪)
বোয়ালিয়া অতিথি শালা মাসিক ৫) হিসাবে	৬০)
নানা স্থানের বিদ্যালয়ের দরিদ্র বালকদিগের সাহায্য জন্য মাসিক	
১১) টাকা	১৫৬)
১৪ জন উপায় হীন দরিদ্র তীর্থবাসীর সাহায্য জন্য মাসিক	
৪০।০ হিসাবে	৪৮০)
বাগারস, কাশী বাঙ্গালীটোলা অন্নছত্র জন্য দান	১৫০০)
মথুরা, রুন্দাবন অন্নছত্র	৭৫০
বোয়ালিয়া ধর্ম সভা	৬০০
ময়মন সিংহ জ্ঞান-প্রদায়িনী সভার	৩০০
ময়মন সিংহ শাখা ধর্ম সভা	৫০
ঢাকা ধর্ম-রক্ষিণী সভা	৫০
মোট বার্ষিক দান	৬৭৮৮

এক কালীন দানের সংখ্যা।

বোয়ালিয়া জিলা স্কুলের চতুষ্পার্শ্বের প্রাচীর ও রেইল দেওয়ার জন্য	৩২০০
বোয়ালিয়া গবর্ণমেন্ট বাগানে পুষ্করিণী খনন জন্য	২০০০
উড়িয়া ভূভিক্ষ নিবারণ জন্য	২০০
মানচেষ্টার নগরের ঐ	২০০
রাসপুর নাটোরের প্রসিদ্ধ রাস্তার ধারে শিবপুরের নিকট পুষ্করিণী খননার্থ	৫০০
ঐ মবামতপুর গ্রামে পুষ্করিণী খননার্থ	১৫০০
ঐ পুঁটিয়া গ্রামে চৌকি দীঘি খননার্থ	৮০০০
কলিকাতা ভারত সংস্কার দাতব্য বিভাগ	১০০
চব্বিশ পরগণা বজবজ হিন্দু অরফান স্কুল	১০০
মহাভারত প্রকাশ জন্য প্রতাপ চন্দ্র দ্রায়	১০০
পাবনা বালিকা বিদ্যালয়	৫০



কলিকাতা বাঙ্গলা লাইব্রেরি	৫০
ফরিদপুর গবর্ণমেন্ট স্কুল	৫০
মালদহ কাণ্ডাট স্কুল	৫০
ময়মন সিংহ টাঙ্গাইল স্কুল	৫০
এতদ্ব্যতীত বিবিধ জিলায় স্কুল, দাতব্য চিকিৎসালয়, বালিকা বিদ্যালয়াদিতে ২০।১০ করিয়া দান তাহাতে সর্বশুদ্ধ	৫০৫

১৬৬৫৫

শ্রীকালীনাথ দেব।”

### নূতন সংবাদ।

১। এডুকেশন গেজেটে এক ব্যক্তি লিখিয়াছেন তিনি পরীক্ষা দ্বারা দেখিয়াছেন বোলতা বা বিচে কামড়াইলে বিচিটি পাতা ক্ষতস্থানে ঘসিয়া দিলে তৎক্ষণাৎ যন্ত্রণা দূর হয়।

২। মান্দ্রাজে যে স্ত্রীলোকটী স্ত্রীশিক্ষা বিষয়ে একটী বক্তৃতা করিয়াছিলেন, তিনি সম্প্রতি “ঈশ্বরের দয়া ও তাঁহার প্রতি আমাদের কর্তব্য” বিষয়ে আর একটী উৎকৃষ্ট বক্তৃতা করিয়াছেন।

৩। পশ্চিম অঞ্চলের শেঠ থাকার্মি দেবজী নামক এক জন মহাজন বিধবা বিবাহের উৎসাহ দিবার নিমিত্ত বলিয়াছেন, ব্রাহ্মণ ও তাট জাতীয় কোন বিধবা যদি পুনরায় বিবাহ করিতে ইচ্ছা করেন এবং অর্থের অভাবে যদি তাহা না হয়, তবে তাঁহাকে জানাইলে তিনি অর্থের দ্বারা সাহায্য করিবেন।

৪। এডুকেশন গেজেট বলেন “কয়েকজন সুশিক্ষিত ভদ্রলোকের

যত্নে বোয়ালিয়ায় অন্তঃপুর স্ত্রীশিক্ষা আরম্ভ হইয়াছে। সম্প্রতি ১০।১২টী সম্ভ্রান্ত পরিবারের স্ত্রীগণ শিক্ষালাভ করিতেছেন। অত্রত্য স্ত্রীশিক্ষালয় স্কুলের লেডি সুপারিন্টেন্ডেন্ট শিক্ষাদানের ভার গ্রহণ করিয়াছেন। উক্ত বিদ্যালয়ের তিনটী ছাত্রী তাঁহার সাহায্য করিয়া থাকেন। ইহার নিমিত্ত পুঁটিয়ার রাণী শরৎসুন্দরী দেবী মাসিক পাঁচ টাকা দান করিতেছেন, এবং অনেক দিন হইল, সুপ্রসিদ্ধ দানশীলা মহারাণী স্বর্ণময়ী এককালে দুই শত টাকা দিয়াছেন।

৫। ইংলিস মান পত্র শুনিয়াছেন মিস গারেট নাম্নী এম, ডি উপাধি প্রাপ্ত প্রসিদ্ধ স্ত্রী-চিকিৎসক এদেশে আসিয়া চিকিৎসা ব্যবসায় করিবার অভিপ্রায় প্রকাশ করিয়াছেন। এদেশে স্ত্রী-চিকিৎসকের অভাব এবং তজ্জন্য স্ত্রীগণের অনেক বিষয়ে অসুবিধা হইয়া থাকে।

৬। শুনা যাইতেছে আগামী শীত কালে আমাদিগের মহারাণী ৩য় পুত্র রাজকুমার আর্থর ভারতবর্ষ দর্শনার্থে আগমন করিবেন।

# বামাবোধিনী পত্রিকা।

“কন্যাস্থৈব দালনীয়া শিচ্ছনীয়াতিয়ত্ততঃ।”

কন্যাকে পালন করিবেক ও যত্নের সহিত শিক্ষা দিবেক।

৯৮ সংখ্যা } আশ্বিন বঙ্গাব্দ ১২৭৮। { ৮ম ভাগ।

## প্রধান বিচারপতি নরম্যান সাহেবের মৃত্যু।

গত ৫ই আশ্বিন বুধবার বেলা ১১ টার সময় কলিকাতায় যে ভয়ঙ্কর নিদারুণ কার্যটি হইয়া গিয়াছে তাহা আমাদিগের পাঠিকাগণ অবগত হইয়া থাকিবেন। ঐ দিবস প্রধানতম বিচারালয়ের প্রধান বিচারপতি মহামান্য নরম্যান সাহেবের প্রাণনাশক অতীব শোচনীয় ঘটনাটী সংঘটিত হইয়াছে। বিচারপতি নরম্যান সাহেব গাড়ী হইতে নামিয়া যেমন আদালতের মধ্যে যাইবার নিমিত্ত সিঁড়ির দুই এক খাপ উঠিয়াছেন, এমন সময় এক খান দরখাস্ত হাতে করিয়া উত্তর পশ্চিম অঞ্চলের পঞ্জাবী বা পেসয়ারপ্রদেশবাসী এক ব্যক্তি তাঁহার নিকট আসিয়া হঠাৎ এক খান ছোরা তাঁহার তলপেটের বাঁ দিকে বসাইয়া দিল। জজ সাহেব আঘাত দ্বারা কাতর হইয়া পৈঠার উপর দিকে আর না উঠিয়া নীচের দিকে নামিয়া আসিলেন। সেই সময় ছুরাঙ্গা পুনরায় তাঁহার ঘাড়ের বাঁ দিকে ছুরিকা প্রবেশ করাইয়া দিল। বিচারপতি যন্ত্রণায় অধীর হইয়া এক খানি ইট উঠাকে ফেলিয়া নারিলেন এবং একটী স্থানে ঠেস দিয়া দাঁড়াইলেন-দর দর ধারে শোণিত নির্গত হইতে লাগিল, তাঁহার সমস্ত পরিচ্ছদ একবারে রক্তে ভিজিয়া গেল। সার্জন, চৌকীদার প্রভৃতি রক্ষকগণ কেহই তৎকালে সে স্থানে উপস্থিত ছিল না। প্রাণ সংহারক ছুরন্ত দস্যুকে



ধরিবার জন্য উপস্থিত কোচমান প্রভৃতি কয়েক জন চেষ্টা করিতে লাগিল এবং পরিশেষে একজন পাখাটানা বেহারা একটা লম্বা বাঁশ দ্বারা মারিয়া তাহাকে ফেলিয়া দিল এবং একজন তাহার হাত হইতে অস্ত্র খান বলপূর্বক কাড়িয়া লইল। পুলিশের লোকেরা তখন আসিয়া তাহাকে ধরিয়া বন্দন করিল। বিচারপতিকে তৎক্ষণাৎ পালকীতে তুলিয়া দিয়া বিচারালয়ের নিকটবর্তী একটা ঔষধালয়ে লইয়া যাওয়া স্থির হইল। তিনি পালকীতে উঠিয়া অত্যন্ত কাতর হইয়া পড়িলেন এবং মৃদু স্বরে এই কথাটা বলিতে লাগিলেন—“আমি বাঁচিব না” আমি বাঁচিব না।” তৎক্ষণাৎ ডাক্তার খানায় লইয়া যাওয়া হইল না, গবর্ণমেন্ট হাউসের নিকট পুস্তক বিক্রেতা থাকার কোম্পানির দোকানে তাহাকে রাখা হইল। সেখানে এই দুর্ঘটনা শুনিয়া লোকে লোকারণ্য। অবিলম্বে সুবিজ্ঞ চিকিৎসক সকল উপস্থিত হইয়া যথাসাধ্য তাহার চিকিৎসা করিতে লাগিলেন, কিন্তু কিছুতেই প্রতীকার হইল না। তিনি ক্রমে ক্রমে নিজীব হইয়া পড়িতে লাগিলেন। এই মুমূর্ষ অবস্থায় তিনি নিকটস্থ এক বন্ধুকে বলিলেন “তুমি একবার ঈশ্বরের নিকট প্রার্থনা কর।” তাহার কিছুক্ষণ পরেই তাহার চৈতন্য ক্রমে ক্রমে অস্তমিত হইতে লাগিল এবং পরিশেষে রাত্রি ১টা ২০ মিনিটের সময় তিনি প্রেয়সী সহধর্মিণী ও আত্মীয় বন্ধুদিগের নিকট বিদায় লইয়া ভবধাম পরিত্যাগ করিয়া চলিয়া গেলেন।

তাঁহার শোচনীয় মৃত্যু সংবাদে কলিকাতা সহরের সমস্ত লোক একবারে শোকার্ত ও ভীত হইয়াছিল। কয়েক দিবস ঐ দুর্ঘটনার পামরের বীভৎস কাণ্ড এবং মহামান্য পরম দয়ালু বিচার পতির প্রাণ বিয়োগ লইয়াই সর্বত্র আন্দোলন হইয়াছিল। এমন লোক অতি বিরল যিনি ঐ দুর্ঘটনের প্রতি ঘৃণা ও ক্রোধ এবং নিরপরাধী বিচারপতির জন্য শোক প্রকাশ না করিয়াছেন। আমরাদিগের কোমল হৃদয় ভগ্নীদিগের মধ্যে অনেকেই ঐ দুর্ঘটনা শ্রবণ করিয়া অশ্রুপাত করিয়াছেন। ভারত সংস্কার সভার স্ত্রীশিক্ষা বিভাগের শিক্ষয়িত্রী বিদ্যালয়ের একটা ছাত্রী এই মৃত্যু উপলক্ষে আমরাদিগের নিকট একখানি প্রেরিত পাঠাইয়াছেন এবং তাহা একটা ছাত্রী সুলভ সমাচার পত্রে একটা মনোহর পদ্য দ্বারা মনের ভাব ব্যক্ত করিয়াছেন, আমরা তাহা যত্নপূর্বক প্রকাশ করিলাম।

“মান্যবর বিচারপতি নর্মান সাহেবের মৃত্যুতে আমরাদিগের হৃদয় যে কি পর্য্যন্ত ব্যথিত হইতেছে, তাহা বলিয়া উচিত পাবি না। হায়! তিনি শুধু আমরাদিগের হিতের নিমিত্ত প্রাণত্যাগ করিলেন! কেবল সদ্ভিচার করিয়াছিলেন বলিয়াই তাঁহার মৃত্যু হইল! আর ইহা অপেক্ষা অধিক পরিতাপের বিষয় কি হইতে পারে, যে যাহাদিগের হিতের নিমিত্ত তিনি সর্বদা যত্ন করিতেন, তৎক্ষণাতী এক ব্যক্তির নিষ্ঠুর হস্তই তাঁহার পক্ষে কাল স্বরূপ হইয়া উঠিল! তিনি ভারতবর্ষীয় একজন মুসলমানের করাল হস্তে প্রাণত্যাগ করিলেন! বোধ হয় একরূপ অভাবনীয় ঘটনা কখনও সংঘটিত হয় নাই।

আমরা যে শুধু তাঁহার সদ্ভিচারের পক্ষপাতী হইয়া একরূপ বলিতেছি এমত নহে, তাঁহার অন্যান্য অনেক সদগুণ ছিল। তাঁহার দয়া একরূপ প্রবল ছিল যে তিনি গুরুতর আঘাত প্রাপ্ত হইয়া যৎকালে পুস্তক বিক্রেতার বিপণিতে (Thacker Spink & Co.) আনীত হন, তৎকালে, “অপার কেহ আহত হইয়াছে কি না” অগ্রে তদ্বিষয় জিজ্ঞাসা করেন। ইহা সামান্য দয়ার কার্য নহে, যে যে সময়ে তিনি গুরুতর রূপে আহত হন, এবং তন্নিমিত্ত তাঁহার জীবন সংশয় উপস্থিত, সেই সময়েও অপরের মঙ্গল চিন্তা তাঁহার হৃদয়ে স্থান প্রাপ্ত হইয়াছিল!

আমাদিগের নিতান্ত ইচ্ছা হইয়াছিল, সেই সময়ে তাহাকে দর্শন করি, কিন্তু বঙ্গীয়া স্ত্রীলোকের ততদূর সাহসের সময় এ পর্য্যন্ত উপস্থিত হয় নাই, অতএব ওরূপ আশা করা আমরাদিগের পক্ষে দুর্ভাষা মাত্র। শ্রীমতী নর্মানের দুঃখ মনে করিয়া আমরাদিগের হৃদয় নিরতিশয় সন্তাপিত হইতেছে। তিনি কি অসহ যন্ত্রণাই অনুভব করিতেছেন। তদ্বিষয়ে চিন্তা করিতে গেলে হৃদয় বিদীর্ণ হইয়া যায়, অশ্রুবৎ অসম্বরণীয় হইয়া উঠে। আমরা তাঁহার দুঃখে সমদুঃখিনী হইয়া করুণাময় জগদীশ্বরের নিকট প্রার্থনা করি, অতঃপর তিনি যেন ইহাকে ধর্ম্মবল প্রদান করেন, যে বলে বলীমান হইলে তিনি জীবনের অবশিষ্ট কাল নির্বিঘ্নে যাপন করিতে পারিবেন। হে দয়াময় পিতঃ! এতদিনে একটা ভগিনী নিদারুণ দস্যুর আঘাতে পতিহীনা ও অনাথা হইলেন, অতঃপর তুমিই ইহার শ্রেষ্ঠ



আশ্রয়, যাহাতে ইনি তোমার পথে থাকিয়া পৃথিবীতে আপন জীবনের অবশিষ্ট কালের সদায় করিতে পারেন, তুমি ইহাকে তদ্রূপ বল প্রদান কর। ইহাই আমাদের একান্ত প্রার্থনীয় ॥

শ্রীসৌদামিনী কাস্তুরী।”

“বন্ধ বাসি-হিত-তরে, আসিয়া সাগর পারে,  
কেন বা অকালে আহা! হারালে জীবন।  
সর্বোচ্চ-বিচারাসনে, সদা সুবিচার গুণে,  
তুষিয়াছ যুবা বন্ধ-বন্ধবাসিমন ॥

কিবা তব দোষ পেয়ে, এমন নিষ্ঠুর হয়ে,  
নির্দয় যখন তোমা করিল নিধন?  
আঘাত যন্ত্রণামলে, যখন হৃদয় জ্বলে,  
তখনও পরের দুঃখে করেছ রোদন ॥

তব প্রিয় প্রণয়িনী, হা! হতাশ মনে গণি,  
তিতিছে নয়ননীরে লুটায়ের ধরায়!  
স্মরিয়া তাঁহার কথা, প্রাণে যেন পাই ব্যথা,  
কি বলিব, কি বলে বা বুঝাব তাঁহার ॥

শুন শুন ভগ্নি! শুন, কর অশ্রু সম্বরণ,  
তব দুঃখে আমাদের কাঁদিছে পরাণ!  
ইচ্ছা গিয়া তব বাসে, বসিয়া তোমার পাশে,  
মোরা যত, ভগ্নীগণে করিগে সাঙ্গন ॥

নিশ্চয় জানিও মনে, এ যাতনা এ জীবনে,  
আমাদের যাইবে না আর।  
স্মর পিতা, দয়াময়, তব দুঃখ হবে লয়,  
অধিক তোমাকে মোরা কি বলিব আর ॥

১৮৭১২৪ সেপ্টেম্বর

কলুটোলা। ৬৭ নং বাটী

## মহাত্মা নর্মাণের সংক্ষেপে জীবন বৃত্তান্ত।

মৃত মহাত্মা নর্মাণ ইংরাজী ১৮১৯ অব্দে ২১ এ অক্টোবর বিলাতের সমারসেট প্রদেশের অন্তঃপাতী আর উড নগরে জন্মগ্রহণ করেন। তিনি ২২ বৎসর বয়সে এম এ উপাধি পাইয়া আইন ব্যবসায় শিক্ষা করেন। এবং বিলাতে ৭ বৎসর ওকালতী করেন। তিনি হল্ফটান নামে এক সাহেবের সহিত একত্র হইয়া এক্সচেকার রিপোর্ট নামে এমনি একখানি রুহৎ ও উৎকৃষ্ট গ্রন্থ প্রস্তুত করেন যে তাহার গুণেই বঙ্গদেশের প্রধান আদালতের জজের পদে নিযুক্ত হন! ১৮৬২ সালের জুন মাসে তিনি কলিকাতায় আইসেন এবং ১০ বৎসর কাল অতি সুবিচার পূর্বক হাইকোর্টের বিচারপতির কার্য্য নিৰ্ব্বাহ করেন। ইতিমধ্যে প্রধান বিচারপতির পদশূন্য হইলে তিনবার তিনি তাহার প্রতিনিধি হন! আর এক মাস পরে যাহার প্রতিনিধির কার্য্য করিতেছিলেন তাঁহার আসিবার কথা, তাহা হইলে নর্মাণ চুটী লইয়া বিলাতে ফিরিয়া যাইতেন। কিন্তু হায়! মৃত্যু সে কাল বিলম্ব করিতে দিল না। ৫১ বৎসর বয়সে তাঁহার শোচনীয় মৃত্যু ঘটনা হইল!

এই মহাত্মা অশেষ সদগুণে ভূষিত ছিলেন। ইনি বিচারাসনে বসিয়া বাদী, প্রতিবাদী, উকীল ও আমলা সকলের প্রতি ভদ্র ব্যবহার করিতেন, দণ্ডাজ্ঞা দিবার সময়েও তাহা স্নেহ ও কোমলতার সহিত প্রদান করিতেন এবং অপরাধীকে সহুপদেশ দিতেন। কোন অপরাধী কারাবদ্ধ হইলে তিনি জেলে গিয়া তাহার সংশোধন চেষ্টা করিতেন এবং কারা মুক্ত হইলে অর্থদান করিয়া বা কর্ম্মকাজ জুটাইয়া দিয়া তাহার সম্পথে থাকিবার উপায় করিতেন।

ইনি অভ্যন্তরীণ ছিলেন, কলিকাতার কোন দাতব্যখানা না কি তাঁহার সাহায্য লাভে বঞ্চিত হয় নাই। কলিকাতার দাতব্য পাঠশালা, সেলর হোম, (নারিক গৃহ) আমস্ হাউস (ভিক্ষাজীবীর আশ্রয়) ডিষ্ট্রিক্ট চারিটেবল সোসাইটী (প্রদেশীয় দাতব্য সভা) প্রভৃতি স্থানে তিনি যথেষ্ট পরিমাণে সাহায্য করিতেন এবং দীন দুঃখী দেখিলেই যে প্রকারে



পারেন তাহার উপকার করিতেন। শুনা যায়, তাঁহার আপনার গৃহ অনেক রোগী ও আতুর ব্যক্তির আশ্রয় ছিল এবং তথায় তিনি ও তাঁহার গুণবতী পত্নী স্বহস্তে রোগী নিরাসন্ন দিগকে ঔষধ পথ্য দিতেন। তিনি মুসলমান জাতির কল্যাণের জন্যও অনেক করিয়াছেন, ইহা স্বীকার করিয়া তজ্জাতীয় লোকেরাও এখন বিলাপ করিতেছে। এত তাঁহার দয়ার কার্য তথাপি বাহিরের লোকে কেহই ইতিপূর্বে তাহার কিছুমাত্র জানিত না, ইহা তাঁহার সবিশেষ প্রশংসার বিষয় সন্দেহ নাই। এরূপ ব্যক্তির এরূপ মৃত্যু ভারত মাতাকে বহুদিন শোকে ভাসাইবেন আশ্চর্য্য কি?

## কারা কুম্মিকা।

( ১৪৮ পৃষ্ঠার পর। )

গিরহাদী ও চার্নির এখন আর কোন চিন্তা নাই, কোন কথা নাই, তাঁহারা কেবল টেরিসার বিষয় লইয়াই আন্দোলন করিতে লাগিলেন। কিন্তু তিনি কোথায় এবং কিরূপে এত প্রতিপত্তি লাভ করিলেন, কিছুই অনুমান করিয়া ঠিক করিতে পারিলেন না। কিয়ৎক্ষণ পরে রুদ্ধ উর্দ্ধদিকে দৃষ্টিপাত করিলেন এবং চার্নি প্রাচীরে যাহা লিখিয়াছেন তাহা পাঠ করিতে লাগিলেন। দুইটী লেখা ইতিপূর্বেই পরিবর্তিত হইয়াছে। তৃতীয়টী এইরূপ ছিল;—“মনুষ্যেরা পৃথিবীতে পরস্পরের নিকটে আছে বটে, কিন্তু তাহাদের পরস্পরের যোগ বন্ধনের কোন উপায় নাই। শরীর ধরিয়া বিবেচনা করিলে পৃথিবী তাহাদের পক্ষে সমরক্ষেত্রে, চার্নি-দিক হইতে কেবল আঘাত ও যন্ত্রণা উপস্থিত হয়; কিন্তু হৃদয় সম্বন্ধে বলিতে হইলে, পৃথিবী মরুভূমি মাত্র।”

গিরহাদী তাহাতে এই কথাটী যোগ করিয়া দিলেন—“যদি মনুষ্যের বন্ধু না থাকে!”

কারাবদ্ধ দুই জনেই বস্তুতঃ পরস্পরের বন্ধু হইয়াছিলেন এবং তাঁহাদের মধ্যে কোন কথা গোপনীয় ছিল না। গিরহাদী তাঁহার বাল্য-

কালের ভ্রম স্বীকার করিলেন—সে ভ্রম চার্নির ভ্রমের ঠিক বিপরীত। এই সাধু রুদ্ধ এক সময়ে কঠোর কুসংস্কারাপন্ন ধর্ম্মান্বিত ছিলেন। যাহাহউক এখন তাঁহার স্বভাবান্তর বলিবার স্থল নহে; পিসিওলা যে ধর্ম্ম-পরিবর্তনের সূত্রপাত করিয়াছিল, যে সকল পবিত্র কথোপকথন দ্বারা তাহা সম্পূর্ণ অবস্থায় পরিণত হইল তাহাও বিশেষ রূপে বর্ণন করা অনাবশ্যক। কিন্তু এখনও কারাকুম্মিকা পুস্তক, চার্নি ছাত্র এবং গিরহাদী শিক্ষক।

তাঁহারা এক চোকীতে বসিয়া আছেন। চার্নি রুদ্ধকে জিজ্ঞাসা করিলেন “আপনি পতঙ্গ সকলের বিষয় অধ্যয়ন করিয়াছেন, বলুন দেখি আমি পিসিওলাতে যত আশ্চর্য্য কাণ্ড দেখিয়াছি, আপনি কি তাহাদের মধ্যে তত দেখিয়াছেন?”

গিরহাদী উত্তর করিলেন “বোধ হয় অধিক। কারণ তোমার রুদ্ধে সর্কক্ষণ যে সকল ক্ষুদ্র জীব আইসে, চার্নিদিকে বেড়াইয়া বেড়ায় ও গুন্-গুন্ শব্দ করে তাহাদের স্বভাব অবগত না হইলে তোমার রুদ্ধ হইতে অর্দ্ধমাত্র শিক্ষা লাভ করিতে পার। এই সকল জীবের পরীক্ষা করিলে সমুদায় জগৎ যেমন যুঁচ কার্য্যকারণ শৃঙ্খলে বদ্ধ, পতঙ্গ ও পুষ্পের মধ্যে সেই রূপ নিগূঢ় যোগ—অদ্ভুত নিয়ম বিদ্যমান আছে তাহা জানিতে পার।” এই কথা যেই বলিলেন যেন তাঁহার বাক্য সপ্রমাণ করিবার জন্য বিচিত্র-বর্ণ-রঞ্জিত একটী প্রজাপতি পিসিওলার একটী বিটপে বসিয়া বিশেষ ভঙ্গী সহকারে পাখা নাড়িতে লাগিল। গিরহাদী নিস্তব্ধ হইয়া রহিলেন।

চার্নি বলিলেন “কি বিষয় চিন্তা করিতেছেন?”

রুদ্ধ উত্তর করিলেন “আমি বিবেচনা করিয়া দেখিতেছি যে পিসিওলাই তোমার পূর্ব্বকার প্রশ্নের উত্তর দিবেন। দেখ এই প্রজাপতি উহার একটী শাখাতে তাহার ভাবী বাণের বীজ সঞ্চিত করিয়া রাখিল।”

চার্নি অভিনিবেশ পূর্ব্বক এক দৃষ্টি চাহিয়া রহিলেন এবং দেখিলেন পতঙ্গ এক প্রকার আটার ন্যায় রমে ডিম্ব সকল সেই শাখার সহিত দৃঢ় রূপে সংলগ্ন করিয়া উড়িয়া গেল।



গিরহাদী বলিতে লাগিলেন “এসকলই আকস্মিক ঘটনা থাকে, এরূপ বিশ্বাস করিও না। প্রকৃতি অর্থাৎ ঈশ্বর প্রত্যেক জাতীয় পতঙ্গের জন্য এক এক বিভিন্ন প্রকার রক্ষের সৃষ্টি করিয়াছেন। প্রত্যেক উদ্ভিদ এক এক প্রকার জীবের বাসস্থান ও আহার সংযোজন করিয়া দেয়। তুমি জান এই প্রজাপতি আগে তুঁত পোকা ছিল এবং তৎকালে এই প্রকার রক্ষের রস পান করিয়া বর্দ্ধিত হইয়াছে; পরে রূপান্তরিত হইয়া এবং পক্ষ ধারণ করিয়া সে পুষ্প হইতে পুষ্পান্তরে ভ্রমণ করিয়া বেড়াইয়াছে বটে, কিন্তু গর্ভবতী হইয়া অবধি তাহার ভ্রমণ স্বভাব ভুলিয়া গিয়াছে এবং প্রথমাবস্থায় যে রক্ষের রসে পোষিত হইয়াছে এতদিন পরে তাহাতেই প্রত্যাগমন করিল। যাহাইউক, সে তার পিতা মাতাকে চিনে না এবং তাহার সন্তানের মুখ দর্শন করিতেও পাইবে না; তাহার জীবনের উদ্দেশ্য সফল হইয়াছে—সে শীঘ্র মরিয়া যাইবে। পূর্ক পরিচিত রক্ষণী সে যে পুনঃস্মরণ করিয়া তাহাতে ডিম পাড়িতে আসিয়াছে তাহা অনন্তব, কারণ বসন্ত কালে এই রক্ষের যে রূপ আকার ছিল এক্ষণে তাহার অনেক পরিবর্তন হইয়াছে। পতঙ্গকে এই জ্ঞান কে দিল? সে যে শাখাটী মনোনীত করিয়াছে তাহার প্রতিও বিশেষ মনোযোগ পূর্কক দৃষ্টিপাত কর; ইহা আর সকল শাখা অপেক্ষা প্রাচীন ও সমধিক দৃঢ়—ইহা শীতের প্রভাবে অথবা বাতায় আঘাতে শীঘ্র বিনষ্ট হইবার নয়।”

চার্ণি বলিলেন “এই রূপ ঘটনা কি সর্বদাই হইয়া থাকে? আপনি কি নিশ্চয় বলিতে পারেন আকস্মিক একটা ঘটনা দেখিয়া কল্পনা বলে নির্দিষ্ট নিয়ম প্রণালী মনে করিয়া লইতেছেন না?”

গিরহাদী ঈষৎ হাস্য করিয়া উত্তর করিলেন “অবিশ্বাসী! নিস্তর হও; একটু ধৈর্য্য অবলম্বন কর, পিসিওলা তোমাকে শিক্ষা দিবে। যখন বসন্তের পুনরাগমন হইবে এবং নবীন পল্লব সকল উদ্গত হইতে থাকিবে, তখন দেখিবে ডিম্ব হইতে পতঙ্গ বহির্গত হইবে; কিন্তু যে পর্য্যন্ত আহারের সংযোগ না হয়, সে পর্য্যন্ত ইহা যেমন অবস্থায় আছে সেই রূপেই থাকিবে। ভিন্ন ভিন্ন রক্ষের পত্র সকল যে ভিন্ন ভিন্ন সময়ে নির্গত হয় তাহা তুমি অবগত আছ সন্দেহ নাই; এবং সেই

নির্গত হইয়াছে ভিন্ন ভিন্ন পতঙ্গের ডিম্ব সকলও ভিন্ন ভিন্ন সময়ে প্রস্ফুটিত হইয়া থাকে। এ নিয়মের অন্যথা হইলে কত ক্লেশ ও বিশৃঙ্খলা ঘটিত! যদি পতঙ্গ সকল অগ্রে জন্ম গ্রহণ করিত, আহার পাইত না; আর পতঙ্গ সকলের জন্মবার পূর্ক পত্র সকল যদি পাকিয়া যাইত, তাহাদের কোমল দন্তে তাহা ছেদন করা কঠিন হইত। কিন্তু প্রকৃতির সকল ব্যবস্থা যথোপযুক্ত। রক্ষণী পতঙ্গের এবং পতঙ্গটী রক্ষের কেমন ঠিক উপযোগী হইয়া থাকে!”

চার্ণি গদ গদ স্বরে বলিতে লাগিলেন “পিসিওলা! পিসিওলা! কত নূতন আশ্চর্য্য ব্যাপার আমাকে প্রদর্শন করিলে!”

রক্ষ বলিতে লাগিলেন “আশ্চর্য্য ব্যাপারের সংখ্যা নাই; ভিন্ন ভিন্ন জাতীয় প্রাণীদিগের জীবন রক্ষার্থ যে বিচিত্র অথচ যথোপযুক্ত উপায় সকল নির্দিষ্ট আছে তাহা চিন্তা করিতে গেলে চিত্ত উদ্ভ্রান্ত হইয়া যায়। সৃষ্টি যে কত বৃহৎ, দূরবীক্ষণ যন্ত্র দ্বারা তাহার কথঞ্চিৎ ভাব প্রকাশিত হয়; এবং পদার্থের অণু সকলের সূক্ষ্মতা অবধারণ করাও যে আমাদের চিন্তা শক্তির অগম্য, অণুবীক্ষণ যন্ত্র দ্বারা তাহা প্রতিপন্ন হয়। মাকড়সার জালের কাছির বিষয় চিন্তা করিয়া দেখ, ইহা শত শত সূত্রে নির্মিত, ইহাকে কাছি ভিন্ন আর কি বলা যাইবে? কিন্তু সেই কাছির এক একগাছি সূত্রও আবার শত শত ভাগে বিভক্ত হইতে পারে। অন্যান্য পতঙ্গজাতির প্রতি দৃষ্টিপাত কর, কেমন আশ্চর্য্য রূপে তাহাদের শরীর সুরক্ষিত ও সুসজ্জিত! আঘাত হইতে রক্ষার জন্য কাহার শরীর কঠিনশব্দে আরত; কাহার চক্ষু সকল এ প্রকার সূক্ষ্ম তার-নির্মিত জালে আচ্ছাদিত যে কটক অথবা শত্রুর হুল ফুটিয়া তাহাদের কোন ক্ষতি করিতে পারে না। স্থাপদ পতঙ্গদের দ্রুতগতি শক্তি আছে তাহাতে তাহারা শিকার আক্রমণ করে এবং তীক্ষ্ণ দংষ্ট্র আছে তদ্বারা তাহারা আক্রান্ত জন্তুর প্রাণ বিনাশ করে অথবা লুট ও ডিম্ব সঞ্চয়ার্থ বাসস্থান খনন করে। আরো দেখ কত প্রাণী, বিষাক্ত হুল আছে, তাহাতে তাহারা শত্রু হইতে আত্মরক্ষা করারে পারে। হায়! সূক্ষ্মানু সূক্ষ্ম রূপে যত পরীক্ষা করা যায় ততই স্পষ্ট প্রতীয়মান হয় যে প্রত্যেক জন্তুর অভাব ও অবস্থানুসারে তাহার শরীর



রচনা হইয়াছে। ইহা একপ আশ্চর্য্যরূপে সম্পন্ন, যে মনুষ্যের যদি সৃজন করিবার ক্ষমতা থাকিত ক্ষণকালের জন্য অনুমান করা যায়, তাহা হইলে তিনি অতি সামান্য কীটের আকৃতি প্রকৃতি কিছুমাত্র পরিবর্তন করিতে সাহসী হইলে তৎক্ষণাৎ তাহার আনন্দ করিয়া ফেলিতেন; অতি সামান্য কীটের রচনা পারিপাট্য এমন চমৎকার যে মনুষ্য তন্মধ্যে অনন্ত জ্ঞান পরমেশ্বরের মহিমা চিন্তা ও ধ্যান করিয়া অবাক হইয়া থাকেন। মনুষ্য পৃথিবীতে অসহায় অবস্থায় প্রেরিত হইয়াছেন, পক্ষীর ন্যায় উড়িতে পারেন না, মৃগের ন্যায় দৌড়িতে পারেন না এবং সর্পের ন্যায় বুকে হাঁটিয়া চুটিতেও পারেন না; মনুষ্য তীক্ষ্ণ নখর ও দন্তবিশিষ্ট শত্রুগণ দ্বারা পরিবেষ্টিত হইয়া আছেন, অথচ তাঁহার আত্মরক্ষার কোন উপায় নাই; মনুষ্য পশম, শল্ক ও লোমারত জন্তুদিগের মধ্যে আছেন, অথচ তাঁহার শীত বাতাদি নিবারণের কোন উপায় নাই; প্রত্যেক জন্তুর বাসা, আবরণ, গর্ত বা গহ্বরে বাসস্থান দেখা যায়, কিন্তু তাঁহার কোন আশ্রয় স্থান নাই। তথাপি দেখ সিংহ তাঁহার ভয়ে গহ্বর ছাড়িয়া পলায়ন করিতেছে; তিনি ভল্লুকের দেহ হইতে চর্ম হরণ করিয়া পরিচ্ছদ নির্মাণ করিতেছেন; তিনি হুমের মস্তক হইতে শৃঙ্গ উৎপাটন করিয়া অস্ত্রবান হইতেছেন; তিনি তাঁহার পদতলস্থ ভূমি খনন করিয়া ভাবী ক্ষমতা লাভের উপযুক্ত যন্ত্র সকল আবিষ্কৃত করিতেছেন। পশুর চর্ম-সূত্র এবং গাছের শাখা লইয়া তিনি খলুক নির্মাণ করিলেন; তদ্বারা যে গৃধ্রপক্ষী তাঁহাকে দুর্জয় বলিয়া হস্তগত শিকার বিবেচনা করিল তাহাকে মারিয়া ভূতলশায়ী করিলেন এবং তাহার পালক লইয়া মস্তক ভূষিত করিলেন। মনুষ্য যাবতীয় জীবের মধ্যেই অসহায় জীবন ধারণ করেন, কিন্তু মনুষ্যের জ্ঞানরূপ স্বর্গীয় ক্ষমতা রহিয়াছে তদ্বারা তিনি সকল কার্য সম্পন্ন করিতে পারেন; তিনি মৎস্যের শরীর রচনা দেখিয়া নৌকা নির্মাণ করেন এবং মৌমাছির মধুক্রম নির্মাণ কৌশলের মধ্যে জ্যান্মিতির অন্তত তত্ত্ব আবিষ্কার করিয়া থাকেন।”

## স্ত্রীজাতির আদর্শ।

বর্তমান সময়ে পৃথিবীর চারি দিকেই স্ত্রীজাতির সম্বন্ধে বিশেষ আন্দোলন হইতেছে। পুরুষ সমাজে স্ত্রীগণের বিশেষ সমাদর আরম্ভ হইয়াছে। এই সকল আন্দোলনের কারণ অনুসন্ধান করিলে দেখিতে পাওয়া যায়, যে স্ত্রীসমাজ পুরুষ সমাজের ভূষণ-স্বরূপ, নারী সমাজ জন সমাজের প্রধান অঙ্গ, স্ত্রীজাতি পুরুষ জাতির সৌন্দর্য্য ইহাই প্রমাণীকৃত হইতেছে। আজ কালিকার পণ্ডিতাভিমানী ব্যক্তিদিগের প্রধান গুরু ফরাসদেশীয় কুম্টি সাহেব মনুষ্য জন্মের সম্পূর্ণ উন্নতি সাধন করিবার জন্য মাতা, স্ত্রী এবং ভূমিতা এই তিন স্ত্রীমূর্তির পূজার উপদেশ দিয়াছেন। ইহাতে নারীগণের প্রতি সীমাতীত ভক্তি ও পক্ষপাত প্রকাশ পায় বটে, কিন্তু নারীগণের প্রকৃতি মধ্যে যে সকল স্বর্গীয় ভাব তিনি প্রতিপন্ন করিতে চেষ্টা পাইয়াছেন তাহা কেহ অস্বীকার করিতে পারেন না। বিলাতের সুপ্রসিদ্ধ সুগভীর জ্ঞানসম্পন্ন মিল সাহেব স্ত্রীজাতিকে সমাজের মধ্যে উচ্চ আসন প্রদান করিবার জন্য কতই প্রয়াস পাইতেছেন! এই উনবিংশ শতাব্দির মনুষ্য সমাজের ঐতিহাসিক বিবরণের মধ্যে বর্তমান আন্দোলন একটা প্রধান ঘটনা বলিয়া ভবিষ্যতে পরিগৃহীত হইবে, তাহাতে আর কিছুমাত্র সন্দেহ নাই। যাহাই হউক জনসমাজের ভিত্তি স্থাপন করিতে গেলে নারীজাতির প্রাকৃতিক উপাদান তাহার প্রধান একটা উপকরণ। উভয় জাতির স্বর্গীয় উপাদানের উপর জনসমাজের ভিত্তি সংস্থাপিত। পৃথিবীর মধ্যে যে দেশে যে সমাজের মধ্যে স্ত্রীজাতি অনাদৃত হইয়াছে কিম্বা হইতেছে, সেই দেশের সেই সমাজ অতি জঘন্য, সে সমাজ অজ্ঞানতা অপবিত্রতায় পরিপূর্ণ তাহাতে আর কিছুমাত্র সন্দেহ নাই। যে রূপ পুরুষজাতির উন্নতির উপর নারীজাতির মঙ্গল নির্ভর করে, তদ্রূপ স্ত্রীজাতির উন্নতির উপরে পুরুষজাতির কল্যাণ নির্ভর করিতেছে। উভয়জাতির পরস্পর এত গূঢ় ঐক্য যোগ, যে একের উন্নতি অবনতির উপর অপরের উন্নতি অবনতি সংস্থাপিত। এই কারণেই বর্তমান সময়ে নারী জাতির বিষয় লইয়া



এত আন্দোলন। এখন সকল দেশের জ্ঞানচক্ষু অল্প অল্প প্রস্ফুটিত হইতেছে, সুতরাং অনেক দেশের লোকের নারীজাতির উন্নতিকল্পে দৃষ্টি পড়িয়াছে।

স্ত্রীজাতির প্রকৃত হিতকামনা করিতে গেলে তাহাদের জীবনগত পরীক্ষিত নিগূঢ় তত্ত্ব সকল অবগত হওয়া নিতান্ত আবশ্যিক। অধুনা অনেককে নারীদিগের হিতৈষী দেখিতে পাওয়া যায় বটে, কিন্তু সেরূপ হিতৈষণা অনেকটা ভাবগত, প্রকৃত জীবন-গত নহে। তাহাদের যথার্থ কল্যাণ সাধন করিতে গেলে নারীদিগের বিশেষ উপযোগিতা, বিশেষ প্রসুত্তি ও বিশেষ বিশেষ দুর্বলতার সহিত পরামর্শ করা কর্তব্য, নতুবা সহস্র সহস্র সাধু উপায় নিশ্চয় বিফল হইয়া যাইবে। প্রকৃত হিতার্থী ক্ষুদ্রদর্শী ব্যক্তিগণ এই নিয়ম প্রতিজ্ঞের সহক্রে অবলম্বন করেন। ইহার অভাবেই অনেকে স্ত্রীহিতৈষী হইয়াও তাহাদের উন্নতি প্রদর্শন করিতে পারিতেছেন না। ইহাদের জীবনের উপকার করিতে গেলে যুগপৎ দুইটা উপায় অবলম্বন করা বিধেয় একটি ভাব পক্ষের, আর একটি অভাব পক্ষের। প্রথমটী উন্নতি বিধায়ক, দ্বিতীয়টী অবনতি বিনাশক। প্রথমটী জীবনের সামঞ্জস্য সম্পাদক, দ্বিতীয়টী তাহার বিভিন্নতা ভঙ্গক। প্রথমটী আত্মার প্রত্যেক স্বাভাবিক সাধুভাবের স্ফুর্তি বিধায়ক, দ্বিতীয়টী বিকল্প ভাবের গতিরোধক। প্রথমটী বাহ্য সমস্ত অবস্থার অতীত, দ্বিতীয়টী কতকগুলিন অনুকূল অবস্থার অনুগত। পরিপক্ব প্রগাঢ় চিন্তার সহিত এসকল বিষয় আশোচনা করিলে দেখিতে পাওয়া যায় যে নারীদিগের যথার্থ উন্নতির পথ অতিশয় দুর্লভ ও দুস্প্রবেশ্য। এই দুর্বলগাহ্য প্রহেলিকার সীমাংসা সুকঠিন বলিয়া বোধ হয়। বিলাতেরও অনেক বড় বড় জ্ঞানী লোক তাহাদের উন্নতির বিরোধী। রমণীদিগের স্বর্ণীয় উচ্চ আদর্শ বাহ্য উপলব্ধি না করে, তাহারাই তাহাদের উন্নতির বিপক্ষ হইয়া দাঁড়ায়। এই কারণ বশতঃ পৃথিবীর সর্বত্র স্ত্রীজাতির সহক্রে সপক্ষ কিংপিপক্ষ উত্তরদনই লক্ষিত হইয়া থাকে।

মানব সাধারণের উচ্চ লক্ষ্যের সহিত স্ত্রীজাতির আদর্শের অতি

নিগূঢ় সম্বন্ধ। পূর্ণ মনুষ্যত্ব লাভ এই আদর্শে অনুমিত রহিয়াছে। যে আপনার লক্ষ্য হৃদয়ঙ্গম করিতে অসমর্থ, সে নারীগণের আদর্শের গভীরতার মধ্যেও প্রবেশ করিতে পারে না। মনুষ্যত্বের পূর্ণতা সম্পাদন করাই নারীজাতির উচ্চতর ভাব। কি সমাজিক, কি পারিবারিক বিষয়ে বামাগণ সমাজের প্রধান অঙ্গ বলিলেই হয়। শরীর গত, ইন্দ্রিয় গত, পার্থিব সম্বন্ধ নিবন্ধন মনুষ্য সমাজে নারীগণের আবশ্যিকতা স্বীকার করা অতি নীচ ভাব। এ ভাব বিশুদ্ধ জ্ঞানের নিকট অনাদৃত ও অলক্ষিত হয়; কিন্তু উচ্চভাব অন্যতর। নারীদিগের প্রকৃত আদর্শ পবিত্রতার উজ্জ্বলতা, ভাবের মধুরতা, ভক্তির কোমলতা ও জীবনের সৌন্দর্য্য এই সকল ভাব মনুষ্যাত্মাকে প্রদান করাই নারীজাতির জীবনের একটা বিশেষ কার্য। যে সমাজ নারীর কোমল সহবাস হইতে বঞ্চিত, সেই সমাজ পবিত্রতার প্রকৃত ভাব লাভ করিতে পারে না, সে সমাজ জীবন-গত পরীক্ষিত পবিত্রতা অনুভব করিতে পারে না, সে সমাজের লোক সামান্য প্রলোভনে মানসিক বিশুদ্ধতা রক্ষা করিতে সমর্থ হয় না।

স্ত্রীজাতি সহক্রে অনেক কথা বলা হইয়াছে। পার্থিকাগণ তোমাদের বিশেষ গুরুতর কার্য ভার উপলব্ধি কর। সাংসারিক সম্বন্ধ পরিহার করিয়া আপনার আপনার জীবনের বিশেষ উপযোগিতা প্রত্যক্ষ কর। যখন খৃষ্ট ধর্ম অতি শুষ্ক কঠোর হইয়া আসিল, তখন মেয়ের পূজা আরম্ভ হয় তখন ঈশ্বরের জননী এই কথা বলিয়া মেয়ের উপাসনা হয়। ইহার কুসংস্কার জঘন্য ভাব পরিত্যাগ করিলে দেখিতে পাইবে যে লোকে কোমল প্রকৃতিকে শ্রদ্ধা ভক্তি সমাদর করিবার জন্য বাধ্য হইলেন। বাহ্য হউক, সেই হইতেই খৃষ্ট সমাজে নারীদিগের প্রতি সম্মান করিবার ভাব প্রবেশ করিয়াছে। পার্থিকাগণ তোমরা স্বীয় জীবনের উন্নত আদর্শ প্রতীতি কর, জগতে আদরণীয় হইবে এবং জন সমাজের অশেষ কল্যাণ সাধন করিতে পারিবে।



## ক্রোধ।

দোষাদোষণ মুম্বোক্তুং যেচ্ছা সংক্রোধ উত্তমঃ।

ভবেদ্যুক্তো বিবেকেন, অন্যথানর্থকারণং ॥

দোষী ব্যক্তিকে দোষ হইতে মোচন করিবার যে ইচ্ছা তাহাই যথার্থ সংক্রোধ, এই ক্রোধ বিবেকের সহিত যুক্ত থাকে। এতদ্বিন্ন অন্য ক্রোধ অনর্থের মূল।

ক্রোধের উৎপত্তিস্থান অপকার দর্শন। কোন এক ব্যক্তিকে একটা অপকার বা অন্যায় কার্য্য করিতে দেখিলেই আমাদের মনে এক প্রকার ক্রোধের ভাব সঞ্চারিত হয়, এবং যতক্ষণ অন্যায়কারী ব্যক্তি নিজ অপরাধ হইতে নিষ্কৃতনা হয়, ততক্ষণ আমাদের মন হইতে সেই ভাবটী তিরোহিত হয় না। অন্যকে অপরের অপকার করিতে দেখিলে, কেন আমরা ক্রোধ পরায়ণ হই, ইহা ক্ষণকাল চিন্তা করিলে, আমরা স্পষ্ট উপলব্ধি করিতে পারি, যে ঐ ভাবটী দোষী ব্যক্তির দোষ মোচনের একমাত্র উপায়। আমরা এমন উদার নহি, যে অন্যকে দোষী দেখিলে, তাহাকে সেই দোষ হইতে মুক্ত না করিলে, আমার অন্যায় হইবে, ইহা বিবেচনা করিয়া তাহার ভালর জন্য অগ্রসর হইতে পারি। কিন্তু পরস্পর দ্বারা পরস্পরের দোষ সংশোধন হইবে, এই বিবেচনার পরমেশ্বর আমাদের মনে একরূপ এক ভাবের সৃষ্টি করিয়া দিয়াছেন, যাহাতে আমরা একজনকে একটা অন্যায় করিতে দেখিলে কোন প্রকারেই স্থির থাকিতে পারি না, কিন্তু যেমন করিয়া হউক তাহার দোষ ছাড়াইয়া তবে শান্ত হই।

এই ভাবটী আমাদের হৃদয়ে থাকতেই আমরা গুণীর পক্ষপাতী ও অন্যায়কারীর উপর ক্রোধপরায়ণ হই। আমরা যখন কোন কাব্য নাটকাদি পাঠে মনোনিবেশ করি, তাহাতে যে ব্যক্তি ধার্মিক বলিয়া বর্ণিত হইতে থাকেন, তাহার সুখে সুখ ও দুঃখে দুঃখ বোধ করি। আর যে ব্যক্তি অধার্মিক ও নৃশংস বলিয়া বর্ণিত হইতে থাকে, আমরা তাহার উপর ক্রোধপরায়ণ হই। এই নিমিত্তই রামায়ণ ও মহাভারত পাঠে যুধিষ্ঠির ও রামের দুঃখে সকলে অশ্রুজল মোচন করেন, এবং রাবণ ও দুৰ্য্যোধনের অন্যায় কার্য্যে সকলে ক্রোধে উন্মত্ত হন।

কিন্তু এই ক্রোধের ভাবটী যদি বিবেকের সহিত যুক্ত থাকিয়া ভূতের আকার ধারণ করে, তবেই মঙ্গল, অন্যথা ইহা অনর্থের মূল। অন্য একটা অপকার করিল দেখিয়া, নিজ ভৃত্য ক্রোধকে সমভিব্যাহারে লইয়া যদি তাহাকে দোষ হইতে উন্মুক্ত করিতে অগ্রসর হই, তাহা হইলে পরমেশ্বরের যথার্থ অভিপ্রায় সার্থক করিতে পারা যায়। এইরূপ ভাবে আমরা ক্রোধ প্রকাশ করিতে উদ্যত হইলে নিজেরও অনিষ্ট হয় না, পরন্তু অপকারীর মঙ্গল করা হয়।

আমরা এমন অনেক মহাত্মার ক্রোধের বিষয় শুনিয়াছি, যাহা স্মরণ করিলে আশ্চর্য্য হইতে হয়। তাঁহারা বাহিরে ক্রোধের কোন আকার প্রকাশ করেন না, কিন্তু অন্তরে বিবেকের সহিত যুক্ত করিয়া যাহাতে দোষী ব্যক্তি নিজ দোষ হইতে নিস্তার পায় তাহার উপায় উদ্ভাবন করেন, এতদ্বিষয়ে একটা উৎকৃষ্ট উদাহরণ নিম্নে প্রকটন করা যাইতেছে।—

২৪ পরগণার অন্তঃপাতী কোন একটা গ্রামে একজন ভদ্র ব্যক্তি বাস করিতেন। একদিন রাত্ৰিতে তাঁহার বাটীতে সিঁদ হয়। তিনি দৈবযোগে সেই রাত্ৰিতে কোন স্থলে গমন করিয়াছিলেন, এবং বাটীতে আসিতে কিঞ্চিৎ অধিক রাত্ৰি হইয়াছিল। গৃহে প্রতি নিরুত্ত হইয়া দেখিলেন যে বাটীতে চোরে সিঁদ দিয়াছে। তিনি কিছু না বলিয়া সিঁদের কাছে দাঁড়াইয়া রহিলেন, এবং চোরকে শাস্তি দিবার জন্য নানা প্রকার উপায় উদ্ভাবন করিতে লাগিলেন। শেষে স্থির করিলেন, যাহাতে এই ব্যক্তি আর চোররুত্তি না করে, একরূপ এক উপায় করিতে হইবে। চোর জানিত না, যে তাহাকে ধরিবার জন্য গৃহস্থানী দণ্ডায়মান আছেন। সে যেমন গৃহ হইতে বহির্গত হইল অমনি গৃহস্থানী কর্তৃক ধৃত হইল। চোর নানা প্রকার চেষ্টা করিল, কিন্তু কোন মতে পলাইতে পারিল না, পরিশেষে কি করিবে, নিরাশ হইয়া ক্রন্দন করিতে লাগিল ও অনেক অনুনয় বিনয় করিতে লাগিল। গৃহস্থানী তাহাকে কিছু না বলিয়া, তাহাকে ধরিয়া রাখিলেন, পরদিন প্রাতঃকালে, তাহাকে স্নান করাইয়া নানা প্রকার খাদ্যসামগ্রী প্রদান করিলেন, চোর ভয়ে ভয়ে তাহা আহাৰ করিল, কিন্তু কোন কারণ বুঝিতে পারিল না, কেবল এই ভাবিতে লাগিল



যে এইবারে আমাকে পুলিশে লইয়া যাইল!! পরে গৃহস্বামী চোরকে নানা প্রকার শুশ্রূষা করিয়া বলিলেন, তুমি যাহার জন্য সমস্ত রাত্রি কষ্ট ভোগ করিয়াছ, তাহার কিয়দংশ তোমাকে প্রদান করিতেছি, যদি তোমার অন্ত বস্ত্রের কষ্ট হইয়া থাকে ইহা দ্বারা তাহা মোচন করিও। চোর সাধু ব্যক্তির এই আশ্চর্য্য ভদ্রতা দেখিয়া অশ্রুজল বর্ষণ করিতে লাগিল, এবং ভাবিতে লাগিল, যে আমি কি নারকী ও এই সাধু ব্যক্তি কি স্বর্গীয়ভাবে পূর্ণ! আমি কি মহাপাপী ও ইনি কি পুণ্যাত্মা! এইরূপ নিজের উপর ধিক্কার দিতে দিতে, যাইবার সময় তাঁহাকে একটি নমস্কার করিয়া গেল। সেই অবধি, সে চোরত্ব পরিত্যাগ করিল ও নানাবিধ ধর্ম্ম কার্য্যে মনোনিবেশ করিল।

উক্ত মহাত্মা ব্যক্তি যদি এই প্রকারে ক্রোধ প্রকাশ না করিয়া প্রহার করিতেন, বা অন্য কোন দণ্ডবিধান করিতেন, হয়ত তাহাতে সে চোরের এত উপকার করিতে পারিতেন না, কিন্তু তিনি বিবেকের সহিত মিলিত হইয়া যে দণ্ডবিধান করিলেন তাহাতে তিনি কি না করিলেন?

এইরূপ দুই একটি দৃষ্টান্ত মধ্যে মধ্যে দেখিতে ও শুনিতে পাওয়া যায়, কিন্তু সচরাচর এইরূপ ক্রোধভাব অতি অল্প লক্ষিত হয়। সামান্যতঃ ক্রোধের ভাব স্তব্ধ মূর্ত্তি ধারণ করিয়াছে। এই ক্রোধ যাহাকে একবার আক্রমণ করিয়াছে, তাহার আর কোথায় বিশ্রাম নাই। লোকেত অহরহঃ তাহার ক্রোধকে উদ্দীপন করিতেছে, এতদ্ভিন্ন অচেতন পদার্থেরাও তাহাকে স্থির থাকিতে দেয় না। রোদ্র, বৃষ্টি, বায়ু ও পথের লোষ্ট্র, সকলেই তাহাদের ক্রোধকে উদ্দীপন করিয়া দেয়, এবং সূত্রাৎ ক্রোধীদিগের নিকট হইতে গালি খাইতে খাইতে তাহাদেরও প্রাণ সংশয় হয়। ক্রুদ্ধ ব্যক্তির আত্মজ্ঞান থাকে না, কিন্তু ক্রোধ যাহা আদেশ করে, সে তৎক্ষণাৎ তাহারই অনুষ্ঠান করে, এবং ইহাতেই তাহার সর্বনাশ উপস্থিত হয়! এমন দৃষ্টান্ত আমরা অনেক দেখিতে ও শুনিতে পাই, যে অদ্য এক ব্যক্তির একটি গাড়ু সোজা হইয়া বসে নাই বলিয়া সে ছাড়া ক্রোধে ভাঙ্গিয়া ফেলিয়াছে, কল্যা একটি প্রদীপ বাতাসে নিক্ষেপ হইয়াছে বলিয়া, সমস্ত রাত্রি ধরিয়। কেবল অনবরত প্রদীপ জ্বালিয়াছে এবং ফুং-

কার দ্বারা বারম্বার নিক্ষেপ করিয়া বলিয়াছে কত নিবিবে নিব? অদ্য শুনিলাম একটি স্ত্রী একখানি গহনা অধিক হইল না বলিয়া হাতের শাঁখা ভাঙ্গিয়াছে, কল্যা শুনিলাম যে তাহার অনাথ শিশু সন্তানটী একটু অধিক ক্রন্দন করিয়াছিল, বলিয়া অনবরত চপেটাঘাত করিয়া বলিয়াছে কত কাঁদ কাঁদ, এবং পরিশেষে যখন শিশু অসহ যন্ত্রণায় হতচেতন হইয়াছে, তখন আমার কি সর্বনাশ হইল রে বলিয়া চীৎকার করিয়াছে। হায়! এইরূপ ক্রোধের জ্বালায় সংসার একবারে অস্থির হইয়া পড়িয়াছে। সকলেরই আতঙ্ক, কখন কোন্ সূত্রে কাহার ক্রোধ উদয় হইয়া সর্বনাশ উপস্থিত করে! নীচগৃহে সর্বদা স্ত্রীগণের আতঙ্ক কখন স্বামী কোন্ কথায় কি ক্রোধ প্রকাশ করিয়া কি সর্বনাশ করে? সুসভ্য ব্যক্তিদিগের গৃহে স্বামীদিগের সর্বদা ভয়, পাছে কোন্ দোষ পাইয়া স্ত্রীগণ কিরূপ উগ্রমূর্ত্তি ধারণ করে? এইরূপ ক্রোধের ভয়ে সকলেই অস্থির হইয়া পড়িয়াছেন। কিন্তু নিজের দিকে কাহারও দৃষ্টি নাই, স্বামী স্ত্রীর দোষ অনুসন্ধান করিতেছেন, স্ত্রীগণ স্বামীদিগের দোষ গণনা করিতেছেন। পরস্পরের একটু দোষ দেখিলে আর স্থির থাকিতে পারেন না, অমনি ক্রোধ প্রকাশ করিয়া পরস্পরকে নির্যাতন করিতে যান, কিন্তু ক্রোধ যে এত দোষের আকর তাহার দিকে চক্ষু নাই। এই জন্যই একজন পণ্ডিত বলিয়াছেন

“অপকারিণি চেৎ ক্রোধঃ ক্রোধঃ ক্রোধে কথং ন তে।

ধর্ম্মার্থ কামমোক্ষাণাং চতুর্গাং পরিপস্থি নি ॥”

যদি কাহাকে অপকার করিতে দেখিলে তোমার ক্রোধ উপস্থিত হয়, তবে তোমার ক্রোধের উপর কেন ক্রোধ উপস্থিত হয় না, যেহেতু ক্রোধ হইতে অপকারী আর কেহ নাই, ইহা ধর্ম্ম অর্থ কাম মোক্ষ সকলই বিনষ্ট করে।

আমাদিগের পাঠিকাগণ প্রথমোক্ত শ্লোকটী হৃদয়স্থ করিয়া বিবেকের অধীনে ক্রোধকে পরিচালনা করিতে শিক্ষা করুন এবং শেষোক্ত কবিতাটী কণ্ঠে ধারণ করিয়া ক্রোধকে জয় করুন। তাহা হইলে তাহারা পবিত্রভাবে ঈশ্বরের আদেশ পালন করিতে পারিবেন এবং ক্ষমা ও শান্তিতে ভূষিত হইয়া ইহলোকে স্বর্গের সুখ উপভোগ করিতে পারিবেন।




## জ্যোতির্বিদ্যা ।

### সৌরজগৎ ।

সর্বশক্তিমান ঈশ্বরের সৃষ্টির সীমা কোথায়? বামে দক্ষিণে, উপরে নীচে যে দিকে দৃষ্টিপাত করি, যে দিকে কল্পনাকে চালনা করি সেই দিকেই অসীম আকাশ দেখিতে পাই। এই আকাশে অসংখ্য লোকমণ্ডল স্থাপিত রহিয়াছে। সে সকলের সহিত তুলনা করিলে পৃথিবী সমুদ্র-তীরের একটা বালুকণার ন্যায় অদৃশ্য হইয়া যায়। অন্ধকার রাত্রে পরিষ্কৃত আকাশে আমরা যতগুলি নক্ষত্র দেখিতে পাই তাহারা পৃথিবীর ন্যায় ও পৃথিবী অপেক্ষা বৃহৎ এক একটা লোকমণ্ডল। কিন্তু যে ঈশ্বরের জগতে সকল পদার্থ পরম সুন্দর নিয়ম শৃঙ্খলে বদ্ধ, তাহাতে এই জ্যোতিষ্ক সকল কি বিশৃঙ্খল ও বিক্ষিপ্ত হইয়া রহিয়াছে? কখনই নহে। প্রত্যুত ইহাদিগের মধ্যে যেরূপ নিয়ম শৃঙ্খলা স্পষ্ট উপলব্ধি হয়, এরূপ আর কোথায় দেখা যায় না। এই জন্য প্রাচীন কালে যখন কোন বিদ্যার প্রকাশ হয় নাই, তখন মনুষ্যগণ পরম আনন্দে জ্যোতিষ্ক বিদ্যার আলোচনা করিতেন। প্রাচীন ভারতবর্ষ, কাল্ডিয়া, বাবিলন, মিসর, গ্রীস প্রভৃতি দেশের পণ্ডিতগণ গ্রহ নক্ষত্রের গতিবিধি নিরূপণ করিয়া আপনাদিগের কীর্ত্তি রক্ষা করিয়া গিয়াছেন। পিথাগোরস্ নামে এক গ্রীক পণ্ডিত জ্যোতির্বিদ্যা আলোচনার এরূপ মোহিত হইয়াছিলেন, যে গ্রহগণ তালে তালে নৃত্যগীত করিতেছে তাহার শব্দ তিনি শুনিতে পাইতেন! যাহা হউক, ব্রহ্মাণ্ড যে সুশৃঙ্খলা-বদ্ধ একটা সুন্দর বস্তু স্বরূপ। ইহাতে যে ব্রহ্মাণ্ড পতির মহান্ ভাব, অসীম শক্তি ও আশ্চর্য্য জ্ঞান কৌশল প্রত্যক্ষ করিয়া হৃদয় ভক্তি স্রোতে প্লাবিত হইয়া যায়, ইহা জ্যোতিষ্ক শাস্ত্রের অনুশীলনে যে রূপ সহজে অনুভূত হয় এরূপ আর কিছুতেই নহে।

নিম্নে যে ছবিটী চিত্রিত হইয়াছে, ইহাকে আমরাদিগের সৌরজগতের প্রতিক্রম বলিয়া নির্দেশ করা গেল। ইহাও সমুদায় ব্রহ্মাণ্ডের অর্ধেক ক্ষুদ্র অংশ মাত্র। ইহার মধ্যস্থলে সূ, সূর্য্য অর্থাৎ আমরাদিগের সূর্য্যমণ্ডল জ্যোতিষ্ক স্থান হইয়া বিরাজ করিতেছে। সূর্য্যের চারিদিকে গোলাকার পথে যাহারা



ভ্রমণ করিতেছে, তাহাদিগকে গ্রহ (১) বলে। গ্রহ সকল সূর্য্য হইতে ক্রমশঃ দূরে দূরে স্থাপিত রহিয়াছে। সূর্য্যের নিকট প্রথমে বু, বুধ; ২ শুক্র যাহাকে শুক্রতারা বলা যায়; ৩ পৃ, পৃথিবী; ৪ ম, মঙ্গল; ৫ প্রায় ৭০ টী ক্ষুদ্র ক্ষুদ্র গ্রহ, তাহাদিগকে সামান্য গ্রহ বলা যায়; ৬ বৃ, বৃহস্পতি; ৭ শ, শনি বা শনৈশ্চর; ৮ ইউ, ইউরেনাস বা হর্শেল (২);

(১) আমরা সচারাচর সাতবার ও রাজ কেতু এই নবগ্রহ বলিয়া থাকি, কিন্তু তাহার মধ্যে ভ্রম আছে। সাতবারের মধ্যে রবি অর্থাৎ সূর্য্য এবং সোম অর্থাৎ চন্দ্র এ দুইটি গ্রহ নহে। পুরাণে পৃথিবী মধ্যস্থলে স্থির হইয়া আছে এবং তাহার চারিদিকে নবগ্রহ ভ্রমণ করিতেছে এই কল্পিত বর্ণনা আছে, কিন্তু জ্যোতিষ্ক শাস্ত্রের মতে সূর্য্য গ্রহ নয়। চন্দ্রও সূর্য্যকে বেষ্টিত করে না, পৃথিবী গ্রহকে প্রদক্ষিণ করে এই জন্য ইহা গ্রহ নহে, উপগ্রহ। রাজ ও কেতু কিছুই নয়, কেবল গ্রহণ কালে পৃথিবীর যে ছায়া চন্দ্র ও সূর্য্যকে ঢাকিয়া ফেলে তাহারই কল্পিত নাম মাত্র।

(২) হর্শেল নামে এক জ্যোতির্বিদ ইহার আবিষ্কার করেন।



৯ নে, নেপচুন গ্রহ। সৌরজগতে এ পর্যন্ত ৮১ টি গ্রহ আবিষ্কৃত হইয়াছে, পরে আরও কত হইবে বলা যায় না। গ্রহের চারিদিকে বাহারা ভ্রমণ করে, তাহারা গ্রহের গ্রহ অর্থাৎ উপগ্রহ। গ্রহগণ সূর্যকে প্রদক্ষিণ করিবার সময় উপগ্রহ সকলকে সঙ্গে সঙ্গে লইয়া যায়। সকল গ্রহের উপগ্রহ নাই। পৃথিবীর একটি উপগ্রহ, ইহাকে আমরা চন্দ্র বলিয়া থাকি। বৃহস্পতির এই রূপ চারিটি চন্দ্র, শনির ৮টি—(৩) যুরেনসের ৮টি, এবং নেপচুনের ২টি—এ পর্যন্ত সর্বশুদ্ধ এই ২৩টি উপগ্রহ জানা গিয়াছে। সৌরজগতে সূর্য, গ্রহ ও উপগ্রহ তিন ধুমকেতু নামে এক প্রকার গ্রহ আছে। তাহা অন্যান্য গ্রহের ন্যায়, কেবল তাহার পশ্চাতে ঝাঁটার ন্যায় দীর্ঘ পুচ্ছ দেখা যায়। ধুমকেতু সকল সূর্যের চারিদিকে প্রচণ্ড বেগে ঘুরিয়া থাকে এবং কখন তাহার অতি নিকটে এবং কখন অতি দূরে গমন করে। এ পর্যন্ত একশতের অধিক ধুমকেতু বাহির হইয়াছে। কিন্তু তাহাদিগকে সকল সময়ে দেখা যায় না। পূর্বে লোকে মনে করিত, যে যে ধুমকেতু একবার পৃথিবীর নিকট দেখা দেয়, সে আর ফিরিয়া আসে না; কিন্তু গণনা দ্বারা কয়েকটি ধুমকেতুর প্রত্যাগমন সময় এবং ভ্রমণের নিয়ম স্থির হইয়াছে। ছবিতে যে ধুমকেতুটির চিত্র আছে ইহা তন্মধ্যে একটি। হেলি সাহেব ইহার বিষয় স্থির করেন বলিয়া ইহার নাম হেলির ধুমকেতু।

সৌরজগতে সূর্যই একমাত্র জ্যোতির্ময় পদার্থ; গ্রহ, উপগ্রহ ও ধুমকেতু সকল তাহারই আলোকে আলোকিত দেখায়। সূর্য না থাকিলে যেমন পৃথিবীর রৌদ্র থাকে না, সেই রূপ চন্দ্রের জ্যোৎস্নাও থাকিতে পারে না, আকাশস্থ কোন গ্রহ দৃষ্টিগোচর হইতে পারে না। জ্ঞানময় পরমেশ্বরের কি অপার কৌশল! তিনি সৌরজগতের মধ্য স্থলে কোন গ্রহকে রাখেন নাই, কেন না তাহা হইতে কাহারও জ্যোতি ও উত্তাপ পাইবার সম্ভাবনা নাই। সূর্যকে আলোক ও উত্তাপের আধার করিয়া মধ্য স্থলে রাখিয়াছেন যে তাহার চারিদিকে গ্রহ উপগ্রহ প্রভৃতি ভ্রমণ

(৩) শনির চারিদিকে ৮টি চন্দ্র ছাড়া অঙ্গুরীর ন্যায় ৩টি গোলাকার রেখা দেখা যায়।

করিয়া স্ব স্ব প্রয়োজন অনুসারে আলোক ও উত্তাপ গ্রহণ করিতে পারিবে। এরূপ না হইলে সৃষ্টির কোন কার্য চলিত না।

এক সূর্য লইয়া আমাদের এই এক সৌরজগতে কতশত পৃথিবী রহিয়াছে ও তাহাদিগের মধ্যে কত কাণ্ড—কেমন সৃষ্টি! আকাশে যে সকল নক্ষত্রের আলোক চঞ্চল দেখা যায়, তাহারা এক একটি বৃহৎ সূর্য; তাহাদিগের চারিদিকে গ্রহ, উপগ্রহ ও ধুমকেতু নিয়ত পরিভ্রমণ করিতেছে। আকাশে তবে কত সৌরজগৎ, কে গণনা করিবে? কিন্তু আমাদের দৃষ্টির গোচর এই আকাশ সমুদায় ব্রহ্মাণ্ডের সীমা নয়। “জ্যোতি ঝাঁর গগনে গগনে” কত আকাশে আকাশে ঈশ্বরের সৃষ্টির মহিমা প্রকাশিত! কোন মন তাহার মহত্ত্ব ধারণ করিতে পারে?

### এদেশীয় বামাগণের বহির্ভ্রমণ।

ভারতবর্ষের প্রাচীন ইতিহাস পাঠ করিলে এবং ইহার সকল জাতির আচার ব্যবহার দর্শন করিলে স্ত্রীগণকে বাহিরে যাইতে দেওয়া যে হিন্দু জাতির নিয়ম বিরুদ্ধ, বোধ হয় না। পূর্বকালে সূর্য্যবংশীয়, চন্দ্রবংশীয় রাজাগণ স্ব স্ব অন্তঃপুরিকা গণকে লইয়া প্রকাশ্যে দেশ বিদেশ ভ্রমণ করিয়া বেড়াইতেন, ইহার শত শত দৃষ্টান্ত প্রাপ্ত হওয়া যায়। উত্তর পশ্চিমাঞ্চলের এবং মহারাষ্ট্র প্রভৃতি দক্ষিণ দেশের হিন্দু রমণীগণ সচ্ছন্দে বাটীর বাহিরে গমনাগমন এবং আবশ্যিক কার্য সম্পাদন করিয়া থাকেন। এই কারণে অনেকে অনুমান করেন যে এদেশে স্ত্রীগণকে অন্তঃপুরে আবদ্ধ রাখিবার প্রথা মুসলমানদিগের দ্বারা প্রবর্তিত হইয়াছে। কেহ কেহ বলেন তাহাদিগের দৃষ্টান্তে হিন্দুগণ সেই রূপ শিখিয়াছেন, কেহ কেহ বলেন তাহাদিগের অত্যাচার ভয়ে তাহারা নারীগণকে সতর্ক রূপে রক্ষা করিতে বাধিত হইয়াছেন। যে কারণে ইউক আমাদের বঙ্গদেশীয় রমণীগণ যে এক প্রকার অবরুদ্ধ অবস্থায় অবস্থিত করেন তাহা আমরা অস্বীকার করিতে পারি না। এক্ষণে শিক্ষিত রমণীগণের পক্ষে এই অবস্থা ক্লেশকর বোধ হইতেছে। এ অবস্থায় তাহাদিগের উন্নতি পথে



কি প্রকার প্রতিবন্ধক উপস্থিত হইতেছে তাহা স্থিরচিত্তে বিবেচনা করা এবং যতদূর সাধ্য তৎ নিবারণ চেষ্টা করা প্রত্যেক বামাহিতৈষীর কর্তব্য।

আমাদিগের রমণীগণ অনেক দিনাবধি অন্তঃপুরে রহিয়াছেন, ইহাতে যে তাঁহারা নিতান্ত অকর্মণ্য, অসুখী বা অসচ্চরিত্র হইয়া পড়িয়াছেন তাহা আমরা বলিতে পারি না। আমাদের নারীগণের বিশেষ প্রশংসার বিষয় এই যে তাঁহারা পিঞ্জরবৎ অন্তঃপুরের মধ্যে থাকিয়াও যে রূপ শ্রমশীলতা, কার্যদক্ষতা, প্রফুল্লতা, বিচক্ষণতা ও ধর্ম পরায়ণতার ভাব সংরক্ষণ করিয়া থাকেন, অনেক সুসভ্য দেশীয় মহিলার তদপেক্ষা বড় অধিক শ্রেষ্ঠতা দেখা যায় না। জ্ঞান ও সত্যতাতে ইহঁারা হীনাবস্থ বটেন, কিন্তু তাহার অভাবেও যাহা লইয়া জীবনকে সুখী ও পবিত্র রাখা যায় তাহা ইহঁাদের যথেষ্ট আছে। আজি কালি ইহঁারা অন্তঃপুরে বাস করিয়াও জ্ঞান ও ধর্মোন্নতির সুবিধা পাইতেছেন এবং নারীগণের পরস্পরের মধ্যে যত উচ্চভাবে ঘনিষ্ঠতা ও কথোপকথনের উপায় হইতেছে, তত তাঁহাদিগের অভাব পূর্ণ হইতেছে। এই কারণ অনেকে বলেন অবলাগণ যদি এইরূপে পুরুষদিগের সাহায্য পান এবং ক্রমশঃ আপনারা দলবদ্ধ হইয়া স্বজাতির কল্যাণকর উপায় সকল অবলম্বন করেন তাহা হইলে তাঁহাদিগের বাহিরে ভ্রমণ করিবার তত প্রয়োজন থাকিবে না। ইহা সত্য বটে, কিন্তু আমাদের মতে একরূপে তাঁহাদের সকল প্রয়োজন সিদ্ধ হইতে পারে না।

স্ত্রীগণ অন্তঃপুরে বদ্ধ থাকিয়া যে জগতের অনেক শোভাদর্শনে বঞ্চিত রহিয়াছেন এবং পুরুষ সমাজ হইতে যথোচিত জ্ঞান ধর্মোন্নতির সাহায্য পাইতেছেন না তাহার সন্দেহ নাই। জগদীশ্বর পুরুষদিগের ন্যায় তাঁহাদিগের অন্তরেও অনেক প্রকার উৎকৃষ্ট বৃত্তি প্রদান করিয়াছেন, কিন্তু চিরদিন এক স্থানে বাস ও এক প্রকার লোক ও বস্তু দর্শন করিয়া সে সকলের বিকাশ হইতে পারেন না। তাঁহাদিগের যে সকল কার্য্য করিবার ক্ষমতা আছে তাহাও সম্পন্ন হয় না। এই সকল কারণে তাঁহাদিগের মন অনেক অংশে সঙ্কীর্ণ হইয়া থাকে এবং তাঁহাদিগের প্রকৃতি রীতিমত উন্নতি লাভ করিতে কখনই সমর্থ হয় না। মানব সমাজ যখন প্রকৃত

উন্নত অবস্থায় উপনীত হইবে, তখন নারীগণের একরূপ অবস্থা কখনই থাকিবে না এবং থাকিলেও চলিবে না তাহার সন্দেহ নাই।

জন সমাজের এখন অনেক দিকে অসম্পূর্ণতা ও বিকৃত ভাব রহিয়াছে বলিয়া বর্তমান প্রচলিত কোন অবস্থার হঠাৎ পরিবর্তন করিতে হইলে আমাদের দশদিক্ ভাবিতে হয়। একদিকে যেমন মঙ্গলের উপায় দেখিতে হয়, অন্যদিকে তাহা হইতে অমঙ্গল না আইসে তাহারও অপায় ভাবিতে হয়। এই জন্যে স্ত্রীগণের পুরুষ সমাজের সহিত যোগ অত্যন্ত বাঞ্ছনীয় হইলেও তদ্বারা আপাততঃ যে অনিষ্টের সম্ভাবনা তাহাও স্মরণ করা আবশ্যিক। এসম্বন্ধে আমাদের একজন মাননীয় গ্রাহক যে প্রেরিত খানি পাঠাইয়াছেন, তাহা সাধারণের বিবেচনার্থ নিম্নে প্রকটন করিলাম।

“জ্যৈষ্ঠ মাসের পত্রিকায়, বোয়ালিয়সু ভগিনীর পত্র পাঠে আমাদের কাছে বড় দুঃখিত করিল, দুঃখের কারণ এই যে আমাদের স্বাধীনতা প্রিয় ভগিনীগণকে স্বাধীনতা প্রদানে মত দিতে পারিলাম না। ভগিনীগণ আজীবন অন্তঃপুর বদ্ধ, সংসার তথা হিন্দু সমাজের আচার ব্যবহার রীতি নীতি কিছুই অবগত নন। ইংরেজ এবং হিন্দু সমাজ এ দুয়ের অনেক অন্তর। ইংরেজেরা যেমন অন্যান্য বহু গুণ সম্পন্ন, তদ্রূপ বামাকুলের তাঁহাদের নিকট বিশেষ সম্মান, হিন্দু সমাজ সে গুণে একবারে বর্জিত। যদি কোন বৈদেশিক হিন্দু সমাজের প্রচলিত আচার ব্যবহার দেখেন তিনি ইহাকে অদৃষ্ট পদার্থ বলিয়া স্বীকার করিবেন, হিন্দু সমাজের যে দিকে দৃষ্টি যায় সেই দিকে অশ্লীলতা পূর্ণ, \*\*বিগ্রহ! প্রত্যেক হিন্দুকে তাহা পূজা করিতে হইবে! \*\* কতকগুলি দুশ্চরিত্র লম্পট লোকের কার্য্যকে লীলা বলিয়া বিশ্বাস করিতে হইবে! দানখণ্ড, মান, রাস, বস্ত্র হরণ কি অশ্লীল, অথচ তাই হিন্দুগণের ধর্ম সঙ্গীত! যাহা শ্রবণ করিলে সহৃদয় ব্যক্তি কর্ণে হাত দেন, হিন্দুরা সেই বেণ্যাগণের নৃত্যগীত প্রকাশ্য স্থলে ধর্ম সঙ্গীত হইতেছে বলিয়া শ্রবণ করিবেন। হায় যে সমাজে বিশুদ্ধ সঙ্গীত অপেক্ষা অশ্লীল গানের অধিক আদর সে সমাজ কত ভয়ঙ্কর!



হিন্দু সমাজ এমনি অসংস্কৃত, এমনি অশিক্ষিত যে যেমন দিবসে পেচক কোটর বহির্গত হইলে বায়স সকল তৎপশ্চাৎবর্তী হয়, তদ্রূপ কোন ভদ্রাঙ্গনা বাটির বাহির হইলে সাধারণে তাঁহার প্রতি তীক্ষ্ণ দৃষ্টি করিতে থাকে, যদি তিনি সরলভাবে কাহার প্রতি দৃষ্টিপাত করেন, ছুরাশয়েরা মনে করে বুঝি আমার আশা পূর্ণ হইল!

বিশেষতঃ অশিক্ষিত লোকে সর্বদা আপন আপন সংস্কার বশতঃ যেরূপ অশ্লীল কথা বলে, তাহা নির্জনে শুনিলেও লজ্জিত হইতে হয়! যে প্রকার রাগে ইংরেজেরা “গাধা, নিকোঁধ” বলিয়া গালি দেন, হিন্দুরা হইলে অমনি কতকগুলি এমন কথা বলেন যাহা প্রকাশ করিতে পারা যায় না। হিন্দুদের মত এমন অশ্লীল গালিও ইংরেজি ভাষায় নাই। এই জন্য বলি হিন্দু এবং ইংরেজ সমাজ অনেক বিভিন্ন, এমন কি বর্তমান সময়ে কুলাঙ্গনাগণকে বাহির করিবার কোন উপায় নাই।

ভগিনীগণ! তোমাদের স্বাধীনতা দানে আমাদের কিছুই আপত্তি নাই, কিন্তু প্রাগুক্ত যে হিন্দু সমাজের অতি বৎসাম্য বিষয় কয়টি লেখা হইল, তাহা পাঠ করিয়া কি কোন বিশুদ্ধমতি কুলাঙ্গনা স্বাধীনভাবে পুরুষ সমাজে বিচরণ করিতে ইচ্ছা করেন?

শ্রীজ্ঞানকীনাথ সরকার।”

উল্লিখিত প্রস্তাবে হিন্দু সমাজের দোষের অংশ অধিক রূপে চিত্রিত বলিয়া বোধ হইতে পারে। কিন্তু কোন নূতন প্রণালী অবলম্বন করিতে গেলে তাহাতে যে অনিষ্টের সম্ভাবনা তাহা সম্যক্রূপে অবধারণ করাতে উপকার ভিন্ন অপকার নাই। আমরাদিগের বিবেচনায় বর্তমান হিন্দু সমাজে স্ত্রীগণের বাহিরে যাইবার উপায় নাই এবং তাহার উপায় করিতে হইলে আপাততঃ যে কয়েকটি নিয়ম অবলম্বন করা নিতান্ত আবশ্যিক তাহাতে উদাসীন থাকা উচিত নহে।

১। পরিচ্ছদ পরিবর্তন। এদেশীয় নারীগণ যেরূপ উলঙ্গপ্রায় অবস্থায় থাকেন, তাহাতে চতুঃ প্রাচীরের মধ্যে বদ্ধ থাকাই শ্রেয়ঃ। এইরূপ বেশে যে সকল রমণী রাজপথে বা রেলওয়ে প্রভৃতিতে ভ্রমণ করেন,

ঐহাদিগের ভুববস্থা এবং জঘন্যতাব দেখিয়া আমরাদিগের মনে দারুণ ক্রোধ উপস্থিত হয়।

২। আত্মরক্ষার উপায় বিধান। স্ত্রীগণ চিরকাল অরক্ষিত বলিয়া হিন্দু শাস্ত্রে পুনঃ পুনঃ উল্লেখ আছে এবং তাহারা যে অবলা, তাহা কে অস্বীকার করিবে? একরূপ অবস্থায় তাহাদিগকে বিনা রক্ষকে বাহিরে পাঠান কখন উচিত নহে। স্ত্রীগণকে একটু অসহায় অবস্থায় দেখিলে দুই লোকেরা তাহাদিগের প্রতি যে অত্যাচার করিয়া থাকে ইহার দৃষ্টান্ত বিরল নহে।

৩। তাহাদিগের মানসঙ্গম রক্ষার উপায় করা। ইংরেজ প্রভৃতি সভ্যজাতির পুরুষেরা স্ত্রীলোককে এতদূর সম্মান করিয়া থাকেন যে এক পথে গমন করিলে স্ত্রীলোককে অগ্রসর করিয়া আপনারা পশ্চাৎ গমন করেন, পরস্পরের মধ্যে কোন হাস্যামোদের কথা হইলে স্ত্রীলোককে দেখিয়া নীরব এবং সঙ্কুচিত হন। আমাদের দেশে চিক্ ইহার বিপরীত ভাব। পুরুষে স্ত্রীলোককে কিছুমাত্র গ্রাহ করেন না, তাহাদিগকে দেখিলে অনেকের আবার আমোদ, বিদ্রূপ ও অশ্লীলবাদিতার ভাব প্রবল হইয়া উঠে, ইহা অপেক্ষা শোচনীয় কি আছে? ইহা যাহাতে দমন হয় তাহা সত্ত্বর করা বিধেয়।

৪। স্ত্রীগণ যাহাতে সর্বক্ষণ গম্ভীর ভাব রক্ষা করিতে পারেন তাহার চেষ্টা কর্তব্য। এই ভাব দ্বারা একদিকে অশুচিত ভয় ও সঙ্কুচিত ভাব পরিত্যাগ করিতে হইবে, অন্যদিকে নিলজ্জতা ও চপলতা পরিহার করিতে হইবে। তাহাদিগের মূর্ত্তি দেখিয়া যেন অন্যের মনে ভক্তির উদয় হয়।

৫। স্ত্রীগণ সতর্কতা অবলম্বন পূর্বক যেখানে কোন অভদ্রতা ও বিপদের আশঙ্কা নাই এবং জ্ঞান ও ধর্মশিক্ষার সহায়তা হয়, কেবল সেই স্থানেই গমন করিবেন।

৬। সভ্য দেশীয় স্ত্রীগণ সামাজিক ব্যবহার সম্বন্ধে যে সকল নিয়ম অবলম্বন করেন তাহা শিক্ষা করা আবশ্যিক।

যতদিন এই সকল উপায় অবলম্বিত না হয়, ততদিন নারীগণের পুরুষ



সমাজে ভ্রমণ দ্বারা ইচ্ছা অপেক্ষা অনিচ্ছা এবং ধর্ম অপেক্ষা অধর্ম রু ক্রির  
অধিক সম্ভাবনা কি না, বিবেচক ব্যক্তি-মাত্র অমুভব করিতে পারেন।

### কুসন্তান।

অভিনব বিকশিত সরোজ সুন্দর  
নিরখি নয়নে তৃপ্তি যতনা উপজে,  
ততোধিক পরিতৃপ্ত মাতার অন্তর  
রূপের নিধান দেখি আপন আত্মজে।

প্রিয় বস্তু যত কিছু তাঁর এ ভুবনে  
সব চেয়ে প্রিয়তম-প্রাণের কুমার।

নাহি চান, বিনিময়ে পুত্র হেন ধনে,  
কাঞ্চন মুকুতা হীরা মণিময় হার।

এমনি সন্তান প্রতি যতন তাঁহার,  
একবার ক্ষণমাত্র করিলে রোদন,  
ক্ষুধিতা, তথাপি তাজি মুখের আহার  
সাদরে তাহারে আসি করেন লালন!

প্রফুল্ল বদনে মৃদু হাসিয়া মধুর  
জননী পানে চাহে বালক যখন,  
মনের অসুখ তাঁর সব হয় দূর  
সঘনে বদনে তার করেন চুষন!

আধ আধ কথা শিশু উচ্চারে যখন,  
বীণা বিনিমিত মানি সেই কণ্ঠ স্বর,  
কেমন পুলকে তিনি করেন শ্রবণ!  
সুধা ধারা পশে যেন শ্রবণ বিবর!

জননীর মনে হেন স্নেহের সঞ্চার—  
—যে স্নেহ বিহনে সবে মরিত শৈশবে,—  
করেছেন তিনি—বিশ্ব বিরচিত য়ার।  
তাঁর তুল্য স্নেহময়, কেহ নাহি ভবে!

মাতারে অভক্তি যেই করে কুসন্তান,  
লোক মাঝে হয় অতি সেই অভাজন।  
মাতৃস্নেহ দাতা যেই পুরুষ প্রধান  
তাঁরে যে না ভক্তি করে, সেজন কেমন?

হায়রে কৃতঘ্ন সেই পাষণ্ড দুর্জন  
নরাধম তার চেয়ে কে আছে ভুবনে?  
কেমনে সমাজে সেই দেখায় বদন  
বিজ্ঞ বলে ভাণ করি থাকে বা কেমনে?

### মহারানী স্বর্ণময়ী।

কাশিম বাজারের বিখ্যাত রানী স্বর্ণময়ীকে গবর্ণমেন্ট মহারানী উপাধি  
প্রদান করিয়াছেন। ইনি বহুদিনাবধি এতদেশের দুঃখাদিগের দুঃখ  
হরণ, বিপন্ন ও পীড়িতদিগের সাহায্যদান, বিদ্যালয় সকলের উৎসাহ  
বর্দ্ধন এবং দেশহিতৈষী সভা ও সর্ব প্রকার মঙ্গল কার্যে যে প্রকার রাজ-  
কীয় বদান্যতা প্রদর্শন করিয়াছেন ও করিতেছেন, তাহাতে ইহাঁর যশো-  
রাশি দেশ বিদেশে ব্যাপ্ত হইয়াছে। ইহাঁর নিকটে কোন ভিক্ষুক বিমুখ  
বা নিরাশ হইয়া ফিরিয়া যায় না, একথা প্রসিদ্ধ হইয়াছে। স্ত্রীলোক-  
দিগের কথা দূরে থাকুক, এ দেশের বড় বড় ধনী পুরুষেরাও বদান্যতার  
জন্য একরূপ সুখ্যাতি লাভ করিতে পারেন নাই। গবর্ণমেন্ট এদেশীয়  
প্রসিদ্ধ গুণবান ও হিতৈষিগণকে 'স্টার অব ইণ্ডিয়া' উপাধি দান করিয়া  
থাকেন, রানী স্বর্ণময়ী সেই উপাধি পাইবার সম্পূর্ণ উপযুক্ত বলিয়া



অনেক সংবাদ পত্র সম্পাদক ও কোন কোন রাজকর্মচারী গবর্ণমেন্টকে পুনঃ পুনঃ অসুরোধ করেন। গবর্ণমেন্ট এতদিন একরূপ গুণবতী রমণীর গুণগ্রাহী হন নাই, এজন্য সকলে দুঃখিত ও বিস্মিত হইয়াছিলেন। এক্ষণে গবর্ণমেন্ট স্থির বুদ্ধিতে বিবেচনা করিয়া 'স্টার অফ ইন্ডিয়া' পরিবর্তে 'মহারানী' উপাধি তাঁহাকে আদর পূর্বক প্রদান করিয়াছেন। সাধারণের দুর্কোথা একটী বিজাতীয় নাম অপেক্ষা মহারানী এই নামটী আমাদের নিকট সুমিষ্ট ও সন্ত্রমসূচক বোধ হইয়াছে। আমরা আমাদের ভারত রাজ্যেশ্বরীকে মহারানী বলিয়া থাকি, এদেশের একটী মহিলা নিজ গুণে সেই উপাধি লাভ করিলেন ইহা অপেক্ষা সুখের ও গৌরবের বিষয় আর কি আছে? ধন্য মহারানী স্বর্ণময়ী! ধন্য সেই সুযোগ্য মন্ত্রিপ্ৰবর, যাহার সুমন্ত্রণায় তিনি এত সৎকার্য্য করিতেছেন এবং একরূপ অসীম খ্যাতি লাভ করিলেন!

### গৃহ-চিকিৎসা। \*

#### পরীক্ষিত সুলভ ঔষধ।

১। টিংচার [আসাফেডিটা বা হিজের আরক। এই ঔষধ সকল

\* বামাবোধিনীতে গৃহ-চিকিৎসার যে ঔষধ সকল লেখা যায়, পাছে অজ্ঞ পাঠিকাগণ তাহার উপর নির্ভর করিয়া গুরুতর রোগে চিকিৎসকের সাহায্য না লন এবং তদ্বারা উপকার না হইয়া অপকার হয়, এই আশঙ্কায় কোন বিজ্ঞ ডাক্তার আমাদেরকে একখানি পত্র লিখিয়াছেন। তদুত্তরে আমাদের বক্তব্য এই, প্রথমতঃ গুরুতর রোগে দুঃসাহসিক হইয়া চিকিৎসকের সাহায্য অগ্রাহ্য করিতে আমরা পরামর্শ দিতেছি না। দ্বিতীয়তঃ আমরা যে সকল ঔষধ সংকলন করি তাহা হয় কোন বিচক্ষণ চিকিৎসকের

প্রকার দন্ত রোগের পক্ষে আশ্চর্য্য উপকারী। আমাদের পরিচিত ৩৪টী ব্যক্তির দন্তমূল ক্ষয় হইয়া বা দাঁতের মধ্যে ছিদ্র হইয়া কেহ পাঁচ, কেহ সাত এবং কেহ বা ১৫২০ বৎসর দারুণ কন্কনানি যাতনায় প্রাণান্ত হইতেন, অনেক প্রকার ঔষধ সেবন করিয়াও কোন প্রতীকার দেখিতে পান নাই, পরে দুই তিন দিন হিজের আরক ব্যবহার পরীক্ষা সিদ্ধ, নয় তাহার ফল আমরা স্বয়ং প্রত্যক্ষ দেখিয়াছি। তাহা সকল স্থলে সমান উপকারক না হইতে পারে, কিন্তু তাহাতে বিশেষ হানির সম্ভাবনা নাই।

করিয়া এককালে আরোগ্য লাভ করিয়াছেন। ইহা সেবন করিবার প্রণালী এই:—

একটু তুলাতে হিজের আরক ঢালিয়া ক্ষত বা ছিদ্র যুক্ত স্থানে লাগাইয়া রাখিতে হয়। হিজ দুর্গন্ধ, অতএব যতক্ষণ ঔষধ থাকিবে ততক্ষণ লাল না গিলিয়া ফেলিয়া দেওয়া ভাল। দুই তিন বার এই রূপ ব্যবহার করিলে হয়ত দাঁতের গোড়া একটু টাটাইয়া উঠিতে পারে, কিন্তু তাহাতে ভয় পাইবার বিষয় নাই। আরও পাঁচ ছয় বার ব্যবহার করিলে সকল যাতনা দূর হইবে এবং কশ্মিন্ কালে সে রোগের আর পুনরুদ্ভেদ হইবে না।

দাঁতকনানিতে অনেকে দাঁত তুলিয়া ফেলেন, তাহার আবশ্যকতা নাই। এই ঔষধে সহজেই রোগের প্রতীকার হয়। হিজের আরক ডাক্তার খানায় অল্প মূল্যে পাওয়া যায়।

২। দাদরোগের ঔষধ—খুপ, গন্ধক, সোহাগা, ফটকিরী সমান সমান ভাগ লইয়া চূর্ণ করিবে, পরে জল মিশ্রিত করিয়া দ্রব উপর লেপন করিলে তাহা এককালে আরোগ্য হইবে।

দাদ মার্জনের পাতা পাতী বা কাগজী লেবুর রস দিয়া দিলেও দাদ ভাল হয়।

৩। যতপ্রকার ক্ষত ও নালী ঘা আছে, কুকুরছিটকীর পাতার রস তাহাতে দিলে আরোগ্য হইবে। আট দিবস দিলে ঘার চিলু থাকে না একরূপ দেখা গিয়াছে।

৪। ছোট ছেলের গলায় ছর্দি বসিলে বা কাশি হইলে কালাকপূরের পাতার রস খাওয়াইলে ভাল হইয়া যায়।

### নূতন সংবাদ।

১। এ বৎসর ভারতবর্ষের অধিকাংশ স্থানে অতিশয় বর্ষা হইয়াছে। স্থানে স্থানে একরূপ জল বৃষ্টি হইয়াছে, যে সনস্ত গ্রাম জলপ্লাবিত হইয়া গিয়াছে। পশ্চিম প্রদেশের জোয়ানপুর, গাজাপুর, ভাগলপুর, মুঙ্গের প্রভৃতি স্থান এককালে জলমগ্ন হওয়ায় লোকের অহা দুর্বস্থা ও ক্ষতি হইয়াছে। ঢাকা, মেদিনীপুর, রাজসাহী, গুর্নিয়া, চব্বিশ পরগণার অন্তঃপাতী স্থানে স্থানে একরূপ জলপ্লাবন হইয়াছে যে লোকদিগকে



বিবিধ প্রকার অসুবিধা, কষ্ট ও ক্ষতি সহ্য করিতে হইতেছে। অনেক স্থানের আউস ধানোর কিছু কিছু ক্ষতি হইয়াছে এবং আমন ধান্য এককালে জলমগ্ন হইয়া নষ্ট হইয়া গিয়াছে। তদ্রূপ গ্রাম সকলের চতুঃপার্শ্বস্থ চাষা গ্রাম সকলেরই অতিশয় ছুরবস্থা হইয়াছে। গৃহশূন্য হইয়া দুঃখী লোকেরা গরু ছাগল প্রভৃতির সহিত একবারে নিরাশ্রয় হইয়াছে এবং আহার অভাবে কোন কোন স্থানে মৃত্যু মুখেও পতিত হইতেছে। আমরা শুনিলাম অনেক স্থানে আহারাভাবে বহুসংখ্যক গো মেষ ছাগ প্রভৃতি গৃহ পালিত পশুর একবারে প্রাণ বিয়োগ হইতেছে। আমরা শুনিয়া পরম অশ্লাদিত হইলাম যে পুটিয়ার বিখ্যাত রাণী শরৎসুন্দরী জলপ্লাবিত গ্রাম সকলের দুঃখী প্রজাদিগের এই দুর্দশার সময় বিশেষ বদান্যতার পরিচয় দিয়াছেন। তাঁহার জমিদারির প্রত্যেক জল-পীড়িত ব্যক্তিকে পনের দিনের উপযুক্ত সামুদায়িক আহারীয় দ্রব্য তিনি প্রদান করিয়াছেন এবং এইরূপে ২০০০ ব্যক্তিকে সাহায্য করিতেছেন।

২। বহু বিবাহ নিবারণের

আপত্তিকারীগণের আপত্তি খণ্ডন করিয়া সম্প্রতি সুবিখ্যাত বিদ্যাসাগর মহাশয় একখানি পুস্তক প্রকাশিত করিয়াছেন। ষাঁহার বহু বিবাহকে শাস্ত্র-সিদ্ধ বলেন, শাস্ত্রীয় প্রমাণ দ্বারা তাঁহাদিগের আপত্তি যে ভ্রম-মূলক তাহা সুস্পষ্ট রূপে প্রদর্শিত হইয়াছে। বিদ্যাসাগর মহাশয় বামাকুলের পরম হিতৈষী বন্ধু। বঙ্গীয় অবলাগণের ছুরবস্থা দর্শনে তাঁহার দয়ার্জ চিত্ত স্বভাবতঃ ব্যথিত হয়। দুঃখিনী বঙ্গবালীগণের দুঃখ দূর করণে তিনি বহুকালাবধি শ্রম ও যত্ন করিয়া আসিতেছেন। আশ্লাদের বিষয় এই, এত দিন তাঁহার যে যত্ন ও শ্রম অতি অল্প সংখ্যক লোক আদর করিয়াছেন, এখন অনেক কৃতবিদ্যা লোকের নিকট তাহা আদরীয় হইতেছে। কিন্তু সেই সঙ্গে সঙ্গে দুঃখের বিষয়ও বলিতে হইবে যে তাঁহার পূর্ন সহচর কয়েকটি পণ্ডিত তাঁহার বিরুদ্ধে দণ্ডায়মান হইয়াছেন।

৩। মহারাণী স্বর্ণময়ী ও রাণী শরৎ সুন্দরীর বদান্যতার স্রোত অবিশ্রান্ত প্রবাহিত দেখিয়া আমাদিগের হৃদয়ের আনন্দও তাহার সহিত প্রবাহিত হইতেছে। গত

এক মাসের মধ্যে আমরা তাঁহাদিগের নিম্নলিখিত দানগুলির সংবাদ পাইয়াছি।

মহারাণী স্বর্ণময়ী—

চোরবাগান বালিকাবিদ্যালয় ৩০, তারাগুণিয়া ইংরাজী বিদ্যালয় ২০, ভাজন ঘাট বিদ্যালয় ৪০১, কৃষ্ণনগরস্থ দক্ষিণ পল্লীর বালিকাবিদ্যালয় (মাসিক) ৫) টাকা হিসাবে ষাণ্মাসিক অগ্রিম ৩০১ টাকা।

রাণী শরৎসুন্দরী—

চোরবাগান বালিকাবিদ্যালয় ২০) নন্দনগাছি পাঠশালা ২০১, পিঙ্গলা শুভকরী সভা ২০১, বনয়ারি পাড়া ইং বাং বিদ্যালয় ২০১, কুশপোতা বালিকাবিদ্যালয় ২০১ টাকা।

৪। গত ১৭ই সেপ্টেম্বর মাদ্রাজে একটা ব্রাহ্মবিবাহ হইয়া গিয়াছে। দক্ষিণ ভারতবর্ষীয় ব্রাহ্মসমাজের সম্পাদক এই বিবাহ সম্পন্ন করেন। মাদ্রাজে এই প্রথম ব্রাহ্মবিবাহ হইল।

৫। অবলাবান্ধব পাঠে জানা গেল, কলিকাতার ডেল হাউসী ইনফিটিউট নামক গৃহে মহারাণী ভিক্টোরিয়া, তাঁহার জ্যেষ্ঠ পুত্র ও পুত্রবধূ এবং লুই নানী কন্যার চারিটা প্রস্তরময়ী অর্ধ মূর্তি আশিয়াছে। মহারাণীর প্রতিমূর্তি রাজকুমারী লুই স্বহস্তে প্রস্তুত করিয়াছেন। তিনি ভাস্করের কার্য শিক্ষা করিয়াছেন।

৬। ৬ই আশ্বিন বৃহস্পতি বার অপরাহ্ন ৫ টার পর মৃত বিচারপতি

নর্স্যাণের অন্ত্যেষ্টিক্রিয়ার সম্মানার্থ ইংরাজ ও বাঙ্গালী পাঁচ ছয় হাজার লোক তাঁহার বাটীতে গমন করেন। এই উপলক্ষে কলিকাতার সকল আফিস বন্ধ ছিল, এবং কেলা হইতে সতরটা তোপধ্বনি হইয়াছিল।

৭। ১০ আশ্বিন বৃহস্পতি বার হাইকোর্টে নর্স্যাণের হত্যাকারী ছুরায়া আদুল্লাহ বিচার হইয়া ফাঁসির হুকুম হইয়াছে। আমাদিগের সভ্য গবর্ণমেন্ট, তাই এতবড় খুণীর এককালে প্রাণবধ বা কঠোর যন্ত্রণা প্রদান না করিয়া আইন মত বিচার করিলেন। বিচারপতি পল সাহেব দণ্ডাজ্ঞা দিবার সময় তাহার প্রতি যে প্রকার অহুযোগ ও উপদেশ বাক্য বলিয়াছেন তাহা শুনিলে পাষণ্ড হৃদয়ও গলিয়া যায়, কিন্তু তথাপি ছুরায়া আপনার মনের কথা কিছুই খুলিয়া বলে নাই। সে বলিয়াছে, আমি কর্তা সাহেবকে একখানি দরখাস্ত দিলাম তাহাতে তিনি রাগ করিয়া উঠিলেন, পরে আমি কি করিয়াছি কিছুই জানি না। এই ব্যক্তি কোন দেশের লোক এবং কি অভিসন্ধিতে ঈদৃশ দারুণ কার্য করিল তাহা অদ্যপি জানা যাইতেছে না। যিনি এবিষয়ের সন্ধান করিয়া দিতে পারিবেন, গবর্ণমেন্ট তাহাকে ১০০০০ দশ হাজার টাকা পুরস্কার দিবেন ঘোষণা করিয়া দিয়াছেন। আগামা নবেম্বর মাসে গবর্ণর জেনারেল কলিকাতার



আসিবেন। তাঁহার অপেক্ষায়  
হত্যাকারীর ফাঁসি স্থগিত রাখিয়াছে।

## বামারচনা।

### কৌলীন্য প্রথা।


অশ্বদেশে বিদ্যার উন্নতি হইতেছে  
বটে, কিন্তু কৌলীন্য প্রথা কি ভয়া-  
নক প্রথা তাহা কেহ একবার মনে  
কল্পনা করিতেছেন না। কৌলীন্য  
প্রথা দ্বারা দেশ উচ্ছিন্ন হইতেছে,  
ইহা দ্বারা কত কুলীন কুমারীগণ  
অসহ্য যন্ত্রণা ভোগ করিতেছেন।  
আহা! কুলীন কন্যাগণের দুঃখ  
স্মরণ করিলে আমার হৃদয় বিদীর্ণ  
হয়। হায়! তাঁহারা চিরকাল  
বৈধব্যের ন্যায় যন্ত্রণা ভোগ করেন,  
কখন পতির মুখ সন্দর্শন করিতে  
পারেন না। চিরকাল পিত্রালয়ে  
থাকেন, কেবল তাঁহাদিগের স্বামী  
একবার বিবাহ করিয়া গিয়াছেন  
মাত্র। হায়! বল্লাল সেন কি ভয়া-  
নক কুপ্রথা করিয়া গিয়াছেন তদ্বারা  
দেশ একেবারে ভ্রংশিত। পাপে  
উচ্ছিন্ন হইতেছে! হায়! কতদিনে  
বঙ্গভূমি এই ভয়ানক কুপ্রথা হইতে  
উদ্ধীর্ণ হইবে, এবং কবে এই হত-  
ভাগিনী বামাগণ জ্ঞান ও ধর্ম  
বিভূষিত হইয়া চিরদুঃখ হইতে  
মুক্ত হইবেন। কোন কুলীন ব্রাহ্মণ  
৫০ জন স্ত্রীলোককে বিবাহ করিয়া  
যদি তিনি কালগ্রাসে পতিত হন,  
তখন ঐ কুলীন কন্যাগণ একেবারে  
বৈধব্য যন্ত্রণা ভোগ করিবেন। হায়!

ইহাতে দেশে একেবারে পাপে লিপ্ত  
হইতেছে, অতএব যাবৎ এই কুপ্র-  
থার নিবারণ না হয়, তাবৎ বঙ্গ-  
ভূমি উন্নতির পথে অগ্রসর হইতে  
পারিবে না। হায়! যাহারা স্বামী  
কি রূপ পদার্থ জানেন না এরূপ  
অল্প বয়স্কা বিধবা কুলীন কন্যাদি-  
গের কথা মনে হইলে কাহার না  
কঠিন হৃদয় দ্রবীভূত হয়? তাঁহারা  
কি প্রকারে কঠিন ব্রহ্মচর্যা ব্রত  
অবলম্বন করিবেন? তাঁহারা এই  
কঠিন ব্রত অবলম্বন করিতে না  
পারিয়া ব্যভিচার মহাপাপে লিপ্ত  
হন। এই নিমিত্ত এই সুখের বঙ্গ-  
ভূমি দুঃখের বলিয়া বোধ হইতেছে।  
হে দেশহিতৈষী মহাশয়গণ! আপ-  
নারা এই কুপ্রথা মোচনার্থ যত্নশীল  
হউন এবং এই জন্মভূমিকে পাপ  
হইতে মুক্ত করুন যদ্বারা এই চির-  
কালের কুসংস্কার-কটকীরূপ সমূলে  
উৎপাটিত হয়, তাহাতে যত্নবান  
হউন, নতুবা আপনাদের দুঃখিনী  
ভগিনী বঙ্গাঙ্গনাদের দুঃখের নিশির  
অবসানের সম্ভাবনা নাই। হে পরম  
কারুণিক পরমেশ্বর! তোমার করুণা  
ব্যতীত এই দুঃখিনী অবলাগণের  
দুঃখ বিদূরিত হইবার অন্য উপায়  
নাই।

শ্রীযোগীন্দ্র মোহিনী বসু।

মাং কোল্লগর।

# বামাবোধিনী পত্রিকা।



“কন্যাশ্রয়ং দালনীয়া শিচ্ছনীয়াতিযত্ততঃ।”

কন্যাকে পালন করিবেক ও যত্নের সহিত শিক্ষা দিবেক।

৯৯ সংখ্যা } কার্তিক বঙ্গাব্দ ১২৭৮। { ৮ম ভাগ।

## প্রাণি-বিদ্যা।

### সরীসৃপ জাতি।

ব্রহ্মাণ্ডপতির সৃষ্ট বস্তুর মধ্যে এমন কোন পদার্থ নাই যাহাকে  
আমরা কেবল ঘৃণা ও ভয়ের চক্ষে দেখিয়া অবজ্ঞা করিতে পারি। সুন্দর  
পক্ষী, মনোহর পুষ্প প্রভৃতি দেখিলে মন সহসা প্রীত হয়, কিন্তু অতি  
কদাকার ভয়ঙ্কর অনিষ্টকর বস্তু সকলের দর্শনে মনোমধ্যে স্বতই প্রীতির  
উদয় না হইলেও তাহাদিগের গূঢ় তত্ত্ব আলোচনা করিলে দেখিতে  
পাওয়া যায় যে তাহারাও আমাদের ঘৃণার পাত্র নয়।

নানাজাতীয় মর্প, টিকটিকী, ভেক, কচ্ছপ প্রভৃতি সরীসৃপ শ্রেণীভুক্ত  
জন্তুগণ দেখিলেই হঠাৎ মনোমধ্যে ভয় ও ঘৃণার উদ্বেক হয়, কিন্তু যখন  
তাহাদিগের প্রত্যেকের ইচ্ছানিষ্টকরী শক্তি, স্বভাব, প্রয়োজন প্রভৃতি  
আলোচনা করা যায় তখন আর তাহাদিগকে অবজ্ঞার বস্তু বলা যায় না।  
ফলতঃ সেই সমস্ত সামান্য ও হেয় জন্তুর মধ্যেও পরম মঙ্গলাকর পরমে-  
শ্বরের আশ্চর্য্য কৌশল ও অপার জ্ঞান দেখিয়া অবাঞ্ছিত হইয়া থাকিতে হয়।  
পশুপক্ষীদিগের ন্যায় সরীসৃপ সকল উষ্ণ-শোণিত নয়, উহারা মৎ-  
স্যাদির ন্যায় শীতল-শোণিত জন্তু। উদ্ভিদ্গণের সহিত উহাদিগের



জীবনী শক্তির কিয়ৎপরিমাণে সাদৃশ্য দেখিতে পাওয়া যায়। উদ্ভিজ্জ-দিগকে যেমন কোন আঘাত করিলে যন্ত্রণাদি প্রকাশ করে না, উহাদিগকেও তদ্রূপ অতি অল্পই যন্ত্রণা প্রকাশ করিতে দেখা যায়; এবং পুচ্ছ, অঙ্গুলী, চক্ষু প্রভৃতি অঙ্গ ছিন্ন করিয়া ফেলিলেও তাহা পুনরুৎপন্ন হইয়া থাকে ও জীবন অতি কষ্টেও বিনষ্ট হয় না। একটা কচ্ছপের শরীর হইতে মস্তিষ্ক বিচ্ছিন্ন করা হইয়াছিল, তথাপি উহা আঠার দিন জীবিত ছিল। টিকটিকী জাতীয় কোন জন্তুর গলায় এক গাছা সূত্র বাঁধিয়া তাহার মস্তক প্রায় দেহ হইতে ছিন্ন করা হইয়াছিল, তথাপি কয়েক মাস যাবৎ উহা জীবন ধারণ করিয়াছিল। সর্পের দেহ হইতে হৃৎপিণ্ড স্বতন্ত্র করিয়া লইলেও কয়েক ঘণ্টা কাল উহার মধ্যে রক্ত সঞ্চারণ ক্রিয়ার লক্ষণ অনুভব হইয়াছে। সরীসৃপদিগের এমন একটা বিশেষ শক্তি আছে যে তদ্বারা তাহারা পৃথিবী হইতে ঝটিকার আগমন ও গগনমণ্ডলে তাড়িত পদার্থের সঞ্চারণ বুঝিতে পারে। বেজু ডাকিলে জল হয় যে একটা সাধারণ বিশ্বাস দেখা যায় ইহা তাহার একটা প্রধান কারণ। কিন্তু সাধারণতঃ পশুপক্ষীদিগের অপেক্ষা ইহাদিগের বুদ্ধিশক্তি অতিশয় হীন দেখা যায়। শ্বাসক্রিয়া রুদ্ধ করিলেও ইহাদিগের রক্তসঞ্চালন রহিত ও জীবন বিনষ্ট হয় না। নানাজাতীয় টিকটিকী, কচ্ছপ ও ভেক জলে প্রবেশ করিয়া পক্ষেব মধ্যে কিছুদিন ক্রমাগত অবস্থিতি করিয়া থাকে। শীতকালে এইরূপ অবস্থায় উহারা আরো অধিক দিন থাকিতে পারে।

পক্ষীদিগের শ্বাস প্রশ্বাসের গতি দ্রুত বলিয়া তাহাদিগের রক্ত যেমন দ্রুতবেগে চলে ও শরীরের উষ্ণতা অধিক দেখা যায়, সরীসৃপদিগের শ্বাস প্রশ্বাসের মন্দতা বশতঃ রক্তের গতি মৃদু হওয়ায় তেমনই উহাদিগের শরীর অতি নিস্তেজ হয়। এইরূপ শরীরের তেজোহীন শীতল ভাব হওয়ায় উহারা শীত প্রধান স্থানে বাস করে না, কিন্তু উষ্ণ প্রধান স্থানে বাস করিয়া শরীরের উষ্ণতার অভাব বাহ্য উত্তাপে পূরণ করিয়া লয়। রক্তের মৃদু গতি প্রযুক্ত উহাদিগের জীবনও দীর্ঘস্থায়ী হইয়া থাকে। কারণ যে জীবন যত মৃদু ভাবে চলে তাহার ক্ষয়ও তত মৃদুভাবে হয়। কুমীর যতকাল জীবিত থাকে প্রায় তত দিন তাহার শরীর বৃদ্ধি পাইতে থাকে,

কারণ বৃদ্ধির নিয়তিই ক্ষয়ের হেতু হয়। সর্পেরা প্রতি বৎসর আপন খোলস পরিত্যাগ করিয়া নবীন ভাব ধারণ করে। সরীসৃপদিগের যেমন দীর্ঘ আয়ু, তেমনই উৎপাদিকা শক্তিও অধিক। তন্নিমিত্ত উহাদিগকে বিনষ্ট করিবার জন্তও পৃথিবীতে বহুসংখ্যক আছে। তাহা না থাকিলে সরীসৃপ জাতীয় জন্তুতে পৃথিবী আচ্ছন্ন হইয়া পড়িত।

ইহাদিগের শ্বাস প্রশ্বাস ও রক্তের গতি মৃদু হইবার আর একটা কারণ এই যে ইহারা অল্প পরিমাণে আহার করে এবং বিলম্বে তাহা জীর্ণ হয়। এই কারণে শরীরেরও বৃদ্ধি মৃদুভাবে হইয়া থাকে। ইহাদিগের ইন্দ্রিয় সকলও নিস্তেজ। চক্ষু স্থূল ও কঠিন বলিয়া স্পর্শেন্দ্রিয় তীক্ষ্ণ নয়; জিহ্বায় আটার ন্যায় এক প্রকার গাঢ় লাল থাকায় আশ্বাদন শক্তি প্রবল নয়; ব্রাণেন্দ্রিয় অতি ক্ষুদ্রাকৃতি তজ্জন্য তাহাও প্রথর নয়; অন্যান্য জন্তুদিগের সহিত তুলনায় শ্রবণেন্দ্রিয় অনেক অঙ্গহীন হইলেও উহা অধিকতর তীক্ষ্ণ; কিন্তু অনেকের চক্ষু অত্যন্ত ক্ষুদ্র, তথাপি সর্বাপেক্ষা উহাদিগের দর্শন শক্তি অধিক সতেজ দেখা যায়।

অনেক সরীসৃপের আত্মরক্ষার উপযুক্ত অঙ্গ প্রত্যঙ্গ না থাকায় তাহাদিগের একটু সাবধানতার সহিত গোপনীয় স্থানে বাস করা আবশ্যিক, তজ্জন্য তাহাদিগের প্রকৃতিও সেইরূপ দেখা যায়। কচ্ছপজাতীর আত্মরক্ষার নিমিত্ত কঠিন আবরণ প্রদত্ত হইয়াছে; টিকটিকী জাতি ছিদ্র মধ্যে মত্তর পলায়ন করিবার শক্তি পাইয়াছে। সর্পের আত্মরক্ষার নিমিত্ত কোন অঙ্গাদি না থাকায় এমনই এক বিঘ্নরূপ তীক্ষ্ণ অস্ত্র উহাকে দেওয়া হইয়াছে যে তদ্বারা অনায়াসে শত্রু হইতে রক্ষা পাইতে পারে। অনেকের এরূপ সংস্কার আছে যে সর্পেরা দৌড়িয়া আসিয়া দংশন করিয়া থাকে, কিন্তু তাহা সত্য নয়। ফলতঃ উহারা ভীকু ও ধূর্ত স্বভাব, সাহসিক জন্তু নয়। এই কারণে মাহুঘের ধূর্ততার সহিত সাপের উপমা দেওয়া হয়। যখন তাহাদের অত্যন্ত ক্ষুধা হয়, কিম্বা আত্মরক্ষার প্রয়োজন উপস্থিত হয়, তন্নিমিত্ত তাহারা অপর সময়ে দংশন করে না।

কতকগুলি এরূপ সর্প আছে তাহাদিগের অবয়ব অত্যন্ত বৃহৎ এবং তজ্জন্য সামর্থ্যও বৃদ্ধি আছে। সেই সকল সর্পকে অনন্তজ্ঞান বিশ্বাধি-



পতি বিঘ্নরূপ অঙ্গ প্রদান করেন নাই। কতকগুলি সরীসৃপের আক্রমণের জন্য তাহাদিগের শরীরে এক প্রকার তীক্ষ্ণ দুর্গন্ধি রস প্রদত্ত হইয়াছে যে তাহার ঘৃণায় কেহ তাহাদিগকে আক্রমণ করিতে যায় না। যত প্রকার কদাকার ও ঘৃণাজনক সরীসৃপ আছে তাহারা যতই কেন ভয়ঙ্কর হউক না, কোন অনিষ্টকর নহে।

ভেকসকল জলের উপরিস্থ ময়লা ভক্ষণ করিয়া জল পরিষ্কার করিয়া দেয়। সরীসৃপদিগের সৃষ্টির একটি প্রধান কারণ ইহা প্রকাশিত হইয়াছে, যে সমস্ত অগম্য জঙ্গল প্রভৃতি গুপ্ত স্থানে উহারা বাস করে, সেই সকল স্থানের নানাজাতি অনিষ্টকর কীট দ্বারা বায়ু অধিক দূষিত ও অস্বাস্থ্যকর হয়, কিন্তু উহাদিগের অবস্থিতি জন্য সে কীটের তাদৃশ প্রাচুর্য্য হইতে পারে না এবং বায়ুও অপেক্ষাকৃত বিশুদ্ধ থাকে।

চতুষ্পদ জন্তুদিগের মধ্যে হস্তী ও সিংহ যেরূপ সর্কোপেক্ষা রহদাকার ও বলবান, সর্পের মধ্যে তদ্রূপ এক প্রকার রহৎ ও সবলকায় সর্প আছে, তাহাকে ইংরাজিতে বোয়া এবং আমাদের দেশে ময়াল বা বরাচিতা বলিয়া থাকে। সচরাচার উহার দেহের দৈর্ঘ্য ১৩ হাত, কিন্তু ভ্রমণকারীরা বলেন উহা ২৭ হাত ও ৩৩ হাত দীর্ঘ দেখা গিয়াছে। প্লিনি নামক প্রাণিতত্ত্বজ্ঞ পণ্ডিত বলেন আফ্রিকার উত্তরাংশে একটি বোয়া সর্প ছিল, তাহার দৈর্ঘ্য ১২০ ফিট অর্থাৎ ৮০ হস্ত। পূর্বকালে একদা রোম দেশীয় সৈনিক পুরুষগণ যুদ্ধার্থে ঐ স্থান দিয়া গমন করিতেছিল তৎকালে ঐ রহৎকায় সর্পটি তাহাদিগের গতি রোধ করিয়াছিল। তাহারা কোন প্রকারে সর্পকে বিদূরিত করিতে অগ্রসর হইতে না পারিয়া পরিশেষে যে সমস্ত রহৎ যুদ্ধ বস্ত্র দ্বারা বিপক্ষের প্রাচীরাদি ভাঙ্গিয়া ফেলা হয়, সেই সকল বস্ত্র ব্যবহার করিয়া সর্পের প্রাণনাশ করিতে সমর্থ হইয়াছিল। এই সর্পের আকৃতি অতি দীর্ঘ ও চাক্চিক্যশালী সুন্দর চক্রাকার রেখা দ্বারা সমস্ত দেহ বিচিত্রিত। ইহার পরাক্রম, শক্তি, সৌন্দর্য্য ও অবয়ব দর্শনে বিস্ময়াপন্ন হইয়া অসভ্যজাতির লোকেরা ইহাকে পূজা করিয়া থাকে। বোয়া সাপ যখন কোন আক্রমণের বস্তু নিকটে পায়, হঠাৎ তাহার শরীরের উপর পতিত হয় এবং আপন দেহ দ্বারা তাহার

সমস্ত শরীর এমন বলপূর্বক জড়াইতে থাকে যে তাহার পেষণে শরীরের অস্থি সকল মড় মড় শব্দে চূর্ণ হইতে থাকে। এই রূপ পেষণ দ্বারা আক্রান্ত জন্তুর শরীরের আয়তন লঘু করিয়া এক গ্রাসে উহাকে উদরস্থ করিবার উপযুক্ত করিয়া লয়। অতিশয় রহৎ জন্তু সকলও এই প্রকার পেষণ দ্বারা লঘু করিয়া উহা ভক্ষণ করিয়া থাকে। যখন পুনঃ পুনঃ বলপূর্বক পেষণ করিয়াও আক্রান্ত জন্তুর দেহ এক গ্রাসে উদরস্থ করিবার উপযুক্ত না হয়, তখন সেই জন্তুটিকে টানিয়া একটা রহৎ বৃক্ষের তলায় লইয়া যায় এবং সেই বৃক্ষের মূলে ও জন্তুর সহিত আপন শরীর জড়াইয়া অধিকতর বলপূর্বক পেষণ করত তাহাকে লঘু করিয়া ফেলে। তৎপরে তাহা হইতে শরীর খুলিয়া লইয়া অবকাশ ক্রমে একবারে কিম্বা ক্রমে ক্রমে সেই জন্তুটিকে গ্রাস করিতে থাকে। সহজে উহাকে গ্রাস করিবার নিমিত্ত এক প্রকার আর্টাবৎ সরস পদার্থ শরীর হইতে ঐ সময় নির্গত হয়। তাহা জন্তুর সমস্ত গাত্রে মাখাইয়া দেয়। এই জাতীয় প্রাচীন সর্প সকল লড়িতে চড়িতে পারে না, শুনা যায় কোন জন্তু তাহাদিগের নিকটস্থ হইলে তাহারা নিঃশ্বাসের আকর্ষণে তাহাকে টানিয়া গ্রাস করিয়া ফেলে। ইহাদিগের এক একটা বনের মধ্যে ঠিক এক এক খান রহৎ কাষ্ঠখণ্ডের ন্যায় পড়িয়া থাকে, তাহাদিগের শরীরে কোন স্পন্দ বা চেতনা থাকে না। বন ভ্রমণকারীরা কাষ্ঠখণ্ড ক্রমে তাহাদিগের উপর অগ্নি রাখিয়া রন্ধন করিতে আরম্ভ করিলে অত্যন্ত উত্তাপে তাহাদিগের শরীরে একটু সাড় হয় এবং তখন তাহারা 'রাজকুঁড়ের ন্যায়' অল্প অল্প লড়িতে চড়িতে আরম্ভ করে, রন্ধনকারীরা পলাইয়া প্রাণ রক্ষা পায়। এই রূপ অজাগর সর্পের অনেক জনশ্রুতি বর্ণিত আছে।

অসীমশক্তি বিশ্বনিয়ন্ত্রার বিশ্বরাজ্যের যে দিকে দৃষ্টিপাত করা যায় কতই আশ্চর্য্য ব্যাপার লক্ষিত হয়। গভীর সলিল রাজ্যে দর্শন করিলে কত অসংখ্য অদ্ভুত জীব জন্তু দেখিয়া বিস্ময় সাগরে একবারে নিমগ্ন হইতে হয়। নিবিড় কানন মধ্যে প্রবেশ করিলে কোন স্থানে নানাবর্ণ বিচিত্রিত মনোহর পক্ষী সকল বিচরণ করিতেছে, কোন স্থানে রহৎকায় কদাকার জন্তু করাল কবল ব্যাদন করিয়া রহিয়াছে, কোন



স্থানে কালান্তক সদৃশ ভূজঙ্গ স্বীয় দীর্ঘ সূচিক্ৰণ শরীর দ্বারা বহৎ বহুক্ষর মূল বেষ্টিত করিয়া ভীষণ ফণা ধারণ পূর্বক দংশনোদ্যতে হইতেছে। এই সমস্ত বিচিত্র ব্যাপার দর্শনে যুগপৎ ভয় ও বিস্ময়ের আবির্ভাব হইয়া ইহাই বলিতে হয় “সবে অর্থাৎ না পেয়ে অন্ত তোমার”।

(ক্রমশঃ)

## স্ত্রীজাতির বাগ্মিতা।\*

“অবিশ্রান্ত রসনায় বহে বাক্যশ্রোতঃ।”

কথিত আছে, সক্রেটিস, এস্পেসিয়া নাম্নী একটা স্ত্রীলোকের নিকট বাগ্মিতা শিক্ষা করেন। বাস্তবিক বোধ হয় যেন এ বিদ্যাটা স্ত্রীজাতির স্বভাবসিদ্ধ। শাস্ত্রকারেরা স্ত্রীজাতি সর্বপ্রকারে বলহীন বলিয়া ইহাদের অপর একটা নাম অবলা রাখিয়াছেন, কিন্তু ইহাদের বাক্যরূপ বল যে আছে তাহা দেখিলে অনেক সময় আশ্চর্য্য হইতে হয়। বস্তুতঃ সময়ে সময়ে তাহারা এরূপ বাক্য চাতুর্য্য প্রকাশ করেন, যে তাহারা প্রকৃত অলঙ্কারবিৎ পণ্ডিত নামের সুর্যোগ্য পাত্রী বলিয়া বোধ হইতে থাকে। কোন কোন ব্যক্তি একটা প্রস্তাব লইয়া অবিশ্রান্ত প্রহরকাল বক্তৃতা দিয়া সাধারণের প্রশংসা ভাজন হইয়াছেন, কিন্তু স্ত্রীজাতির পক্ষে ইহা কি সামান্য গৌরবের বিষয়, যে তাহারা ওরূপ প্রহরেক কাল ক্রমাগত বাক্যব্যয় করিয়াও ক্ষান্ত হইতে পারেন না!

১। যে কয়েক প্রকার স্ত্রীবাগ্মী সচরাচর দেখিতে পাওয়া যায় তাহাদিগের মধ্যে কোপন স্বভাব স্ত্রীগণই সর্বপ্রধান বলিয়া গণ্য হইতে পারেন। ইহাদের সমক্ষে কাহার সাধ্য দাঁড়াইতে পারে? এবিধ দুই জন স্ত্রীলোক যখন বিরোধ করিতে থাকেন তখন এক অসামান্য দৃশ্য লক্ষিত হয়। তাহাদিগের মুখ হইতে কুবাক্য রাশি এমন অনর্গল বর্ষণ হইতে থাকে যে তাহারা নিকটে নিজে সরস্বতীও পরাজিত হইবেন।

\* ইংরাজী স্পেক্টর হইতে সংগৃহীত।

সে সময়ে তাহাদিগের রুদ্রমূর্ত্তি ও সর্বালঙ্কার ভূষিত বচনশ্রোত দেখিলে কে না স্বীকার করিবে ইহারা প্রকৃত বাগ্মী নামের অধিকারিণী? ইহারা সহিষ্ণুতা শিক্ষা দিবার গুরুমহাশয় এবং বাটীর কুকুর বিড়াল ও চালের টিক্‌টিকী পর্য্যন্ত তাড়াইতে বড় পটু। মহাত্মা সক্রেটিসের সহধর্ম্মিনী ঝন্টিপা † এই ধাতুর স্ত্রীরত্ন বলিয়া বিখ্যাত।

২। নিন্দাবাদিনীরা দ্বিতীয় প্রকার স্ত্রীবাগ্মী বলিয়া পরিগণিত হইতে পারে। ইহাদিগের কল্পনা শক্তি অদ্ভুত, অলঙ্কার জ্ঞান অসামান্য। পরের তিল তুল্য দোষকে ইহারা তাল প্রমাণ করিয়া তুলে। সামান্য একটা মাত্র দোষ লইয়া তাহাকে সহস্র শাখা প্রশাখায় বিস্তৃত করিবে, নানাবিধ অঙ্গ ভঙ্গি দ্বারা তাহার বিদ্রূপ করিবে, এবং সেই এক বিষয়ের ভিন্ন ভিন্ন অংশ ধরিয়া নানা প্রকার মিথ্যা বর্ণন করিয়া শ্লেষ করিবে। ইহাদিগের বাগ্মিতা দেখিয়া অনুমান হয়, যে ইহাদিগের বর্ণনীয় বিষয় অপেক্ষা বুঝি আর গুরুতর দোষ কিছুই নাই। আমরা জানি একটা বৃদ্ধা স্ত্রীলোক কোন বিবাহের বিষয়ে মাসাবধি নিন্দা করিয়াও ক্ষান্ত হইয়েন নাই। এক এক স্থানে তিনি কন্যার যৎপরোনাস্তি নিন্দাবাদ করেন, অপরস্থানে তাহার জন্য শোক প্রকাশ করেন, স্থানান্তরে তাহাকে বিদ্রূপ করেন, আবার কোন স্থলে তাহার প্রতি ক্রুদ্ধ হন। বলিতে কি, যত বাড়িতে সেই নববধুর উল্লেখ করিয়া গল্প করেন, প্রতিগৃহে তাহার সম্বন্ধে নূতন নূতন নিন্দার কথা প্রকাশ করিয়া বেড়ান। অবশেষে তাহার কুৎসার একশেষ হইলে, তিনি একদা দম্পতীর গৃহে উপস্থিত হইয়া সেই বধুর সহিত সাক্ষাৎ করিলেন। সেখানে গিয়া তাহার সাধুবাদের আর অবধি নাই। অপর লোকে তাহার কত কুৎসা করিয়া বেড়ায় বলিয়া তাহা-

† সক্রেটিস যেমন ভদ্র ও শান্ত প্রকৃতি তাহার স্ত্রী সেইরূপ কোপনা ছিলেন, তিনি কথায় কথায় স্বামীকে বাক্য যন্ত্রণায় দগ্ধ করিতেন। উত্তরদিলে কলহ করিতেন, উত্তর না দিলে বকিয়া দেশ কাটাইতেন। এক দিন দুইটা সক্রেটিসকে নানা প্রকারে তিরস্কার করিয়া কোন উত্তর পাইলেন না, ইহাতে ক্রোধে অধীর হইয়া এক কলসী ময়লা জল তাহার মস্তকে ঢালিয়া দিলেন। সক্রেটিস কেবল হাসিয়া বলিলেন “এত গর্জনের পর বর্ষণ হইবে আশ্চর্য্য নহে।”



দিগকে গালি দিলেন। পরে তাহার নিকট কিঞ্চিৎ হস্তগত করিয়া উভয়ে সেই দিন অবধি বন্ধুতা সূত্রে আবদ্ধ হইলেন।

৩। তৃতীয় প্রকার স্ত্রীরা গল্পপ্রিয়। ইহাদিগের বাচালতায় সময়ে সময়ে বিরক্তি জন্মে, প্রগল্ভতায় আশ্চর্যা হইতে হয়। ইহারা কাহার অনিষ্ট করিতে চান না বটে, কিন্তু রাতকে দিন দিনকে রাত করিতে পারেন, লম্বাচোড়া কথা ভিন্ন বলেন না এবং সেরূপ করিয়া না বলিলেও আনন্দ পান না। ইহারা পাঁচজন লোক যেখানে, সেখানে যাইতে বড় ভাল বাসেন এবং এক এক সময় আঘাটে গল্প ফাঁদিয়া ও পুরাতন কথা পুনঃ পুনঃ তুলিয়া রন্ধন ভোজনাদিও তুলিয়া যান।

৪। যাহারা প্রকৃত শয্যাগুরু নামে বাচ্য হইতে পারেন তাহারাই চতুর্থ প্রকার স্ত্রীবান্ধী। এরূপ স্ত্রীলোক যাহার গৃহে আছে, ছুদিনে তাহার গৃহ-বিচ্ছেদ হয়। এরূপ নিপুণতার সহিত অবসর বুঝিয়া স্বামীর সহিত তিনি কথাবার্তা কহেন, যে অতি প্রতিকূল স্বামীও তাহার বশবর্তী হইয়া পড়েন। স্বামীর মন যে সময় স্নিগ্ধ ও অনুকূল থাকে, সেই সময় তিনি অবসর বুঝিয়া একএকটি কথা এরূপ সাজাইয়া বলেন, যে তাহাতে তাহার মন মুগ্ধ হইবেই হইবে। পাছে গৃহবিচ্ছেদ ঘটে স্বামী বুদ্ধিমান হইয়া এই ভয়ে যদি তাহাকে গৃহের কথা বলিতে নিষেধ করেন, তবে তাহার কথা প্রমাণ কিছুকাল ক্ষান্ত থাকেন, পরে কিছুকাল অতীত হইলে, সময় বুঝিয়া আবার এক এক দিন এক একটি কথা আরম্ভ করেন। যদি একবার তাহার কথায় কর্ণপাত করিলে, তবে তাহার মুখে অমনি সরস্বতী অবতীর্ণ। অতি বুদ্ধিমান ব্যক্তিও তাহার কৌশলে পরাস্ত হইয়া ক্রমে তাহার আজ্ঞাধীন হইয়া পড়েন। ইহাদিগের এরূপ স্বভাব যে স্বীয় পুত্র কন্যার সহিত বিবাদ ঘটাইয়া দেয়। ইহাদিগের প্রকৃতি কি ভয়ানক! ইহাদিগের বাক্চাতুর্য্যে কে না পরাস্ত হইয়া মানিয়া থাকে?

পঞ্চম প্রকার বাণীদেব নিপুণতা সকল সময়ে বাক্য প্রকাশিত হয় না। অঙ্গ ভঙ্গি ও অঙ্গবিলাস ইহাদিগের প্রধান অস্ত্র। এই মাত্র তিনি প্রিয়মাজ্জারের মুখচুষন করিতেছেন, আবার তৎক্ষণাৎ তাহাকে দূরে নিক্ষেপ করিলেন। তাহার নিকট পুরুষের মন শান্ত

থাকিবার নয়; অতি সাধু জনেরও চিত্ত বিচলিত হইবে। তিনি একবার দীর্ঘনিঃশ্বাস পরিত্যাগ করিতেছেন, আবার অবিলম্বে মৃদুহাস্যে আস্য বিকশিত করিতেছেন। এখন তিনি এক কক্ষবাতায়নে বসিয়া প্রতিবাসিনীর সহিত নানাবিধ সুখবিলাসের সহিত কথা কহিতেছেন, পরক্ষণে ব্যজন লইয়া প্রাচীরে আঘাত করিতেছেন। এক ব্যপদেশে একস্থান হইতে স্থানান্তরে গেলেন, অন্য ছলে অঙ্গ ভঙ্গির সহিত এক জনের সহিত কথা কহিলেন। অঙ্গবিলাসই তাহার নিপুণতা, কটাক্ষপাতই তাহার বাণীতা।

এই পঞ্চ প্রকার স্ত্রীবান্ধী কেবল ইংলণ্ডে কেন প্রায় সর্বদেশে ও সর্বস্থানে প্রাপ্ত হওয়া যায়। তন্মধ্যে আত্মীয় স্বজন লইয়া একত্রে বাস করিবার রীতি এদেশে প্রচলিত থাকাতে চতুর্থ প্রকার স্ত্রীবান্ধী এখানে অতি সুলভ, এবং এখনকার কালে প্রায় সকল গৃহেই প্রাপ্ত হওয়া যায়। স্বামীর আত্মীয়কে ইহারা আত্মীয় বলিয়া ভাবিতে পারেন না, আপন স্বার্থের কণামাত্র ক্ষতি দেখিতে পারেন না, সুতরাং পরিজন মধ্যে বিবাদ বিসম্বাদ ঘটাইয়া দেন। ক্রমে ইহাদিগের স্বভাব এরূপ বিকৃত হইয়া উঠে, আত্মীয় পরিজনের সহিত কেবল অহর্নিশ বচসা ও কলহ করিতে থাকেন। এদেশে নববধূদিগের যে অনেক দিন পর্য্যন্ত গুরুজন বর্গের সহিত কথা কহা নিষিদ্ধ আছে তাহার একটী কারণ এই বোধ হয়।

কি জন্য স্ত্রীজাতি এত বাক্চতুরা তাহার কারণ নিরূপণ করা বড় সহজ নহে। অনুমান হয় তাহারা কোন মনোভাব অব্যক্ত রাখিতে পারে না। অথবা তাহাদিগের জিহ্বাদেশে যে রস সঞ্চারিত হয় তাহা অতি চঞ্চল। কোন কবি বলেন, যেমন অশ্বের পৃষ্ঠভার লঘু হইলে সে আরও দ্রুততর বেগে ধাবিত হয়, তদ্রূপ যে রসনার ভার যত লঘু তাহা সেই পরিমাণে চঞ্চল হইয়া পড়ে।

আমাদের নিকট স্ত্রীজাতির মধুর ভাষা প্রিয় কি অপ্রিয় একথা বলিতে চাহিনা। কিন্তু যে বাক্য পুরুষজাতির মন বিগলিত হইয়া যাইবে, যাহার ফল সুখাময় হইবে তাহাতে বিষ বর্ষণ হয় কেন? স্ত্রীলোকের মধুময় রসনা হইতে রোষকষায়িত তর্জন, গরলময় নিন্দাবাদ,



বিরক্তিজনক বাগাড়ম্বর, বিচ্ছেদক উত্তেজনা কখন বাঞ্ছনীয় হইতে পারে না। যাহাতে তাহার উক্ত পঞ্চ প্রকার দোষ হইতে বিমুক্ত হয়েন এই আমাদের অভিলাষ, ইহাই এই প্রবন্ধের উদ্দেশ্য।

মঙ্গলময় পরমেশ্বর কোমল নারীকুলকে যে বাকশক্তি দ্বারা ভূষিত করিলেন, নিরর্থক অবলাগণ তাহার অপব্যবহার করিতেছেন বলিয়া তাহার কি কোন শুভকর উদ্দেশ্য নাই? সুশীলা রমণীর প্রতি দৃষ্টিপাত কর, তিনি ক্রোধ নিন্দা মিথ্যা ও হিংসা হইতে জিহ্বাকে যত্ন পূর্বক শাসন করিয়াছেন। কিন্তু দেখ, কেমন মৃদু মধুর বাক্যে সহচরীগণের সহিত সদালাপ করিতেছেন, স্বামীর মর্মব্যথা ও দেহ ক্লান্তি দূর করিতেছেন; পুত্র ও কন্যাগণকে চারিদিকে বসাইয়া হিত উপদেশ দিতেছেন, শোকাক্ত ব্যক্তিদিগকে সাহসনা করিতেছেন, পাপাপন্ন ব্যক্তিদিগকে পুণ্যের পথে উদ্ধার করিতেছেন এবং অবসর পাইলেই স্মৃতিকর্তা ঈশ্বরের বন্দনা ও স্তুতিগান করিয়া জিহ্বাকে সার্থক করিতেছেন!! এরূপ বাগ্মী নারী যখন জন সমাজে প্রকাশিত হন তখন তাঁহার কণ্ঠ হইতে সত্য, প্রীতি, দয়া ও পবিত্রতার বচন শ্রোত বিনিঃসৃত হইয়া সহস্র সহস্র লোককে মোহিত করে এবং জ্ঞান ও ধর্মের পথে লইয়া যায়। এই বাগ্মিতায় এক সময় পরিবার ও জনসমাজকে পবিত্র করিয়া তুলিবে।

সুখাধার হতে মিষ্ট এই বাক্যধার,  
দুখী তাপী পাপী জনে করিতে উদ্ধার।  
শান্তিরসে গৃহ সদা রাখে নিমগন,  
প্রকৃত বাগ্মিতা এই নারীর ভূষণ।

## কারাকস্মিক।

( ১৭৪ পৃষ্ঠার পর। )

সেই মুহূর্ত্তে গিরহাদীর নিকট একখানি পত্র পৌঁছিল। ইহা টেরিসার প্রেরিত এবং ইহাতে এই রূপ লেখা ছিল:—“আমরা যে পরস্পরের সহিত কথোপকথন করিতে পাইতেছি ইহা কি পরম সুখের বিষয় নয়? এই পত্রখানি সহস্রবার চুম্বন করুন, কারণ আমি ও সেই

রূপ করিয়াছি এবং আমার স্নেহ নিদর্শন আপনাকে প্রেরণ করিতেছি। আমাদের পরস্পরের হৃদয় পরিবর্তন করিতে কি আনন্দ হয় না? একবার যদি আপনাকে দেখিবার অনুমতি পাই তাহা হইলে আমার কত সৌভাগ্য! হে পিতা! এই স্থলে একটু স্তব্ধ হউন; সেনাপতি মেননের প্রসাদে আমরা যে এতদূর সৌভাগ্য লাভ করিয়াছি, ইহার জন্য তাঁহাকে আশীর্বাদ করুন। পিতা! আমি শীঘ্র ছুই এক দিবসের মধ্যে আপনার নিকটস্থ হইতেছি; আর—আর—আহা! এ সুসংবাদটী গ্রহণে সাহস অবলম্বন করুন, আমি আপনাকে স্বগৃহে লইয়া যাইতে-আপনাকে কারাগার হইতে উদ্ধার করিতে যাইতেছি।”

তথাপি চারুনি পুনরায় একাকী থাকিবেন—এই চিন্তায় তাঁহার আনন্দের বেগ হ্রাস হইয়া গেল।

বালিকা আগত। চারুনি নিকটস্থ গৃহে তাঁহার পদক্ষেপ শুনিতে পাইলেন; তাঁহার আকৃতি কিরূপ মনে মনে অনুমান করিতে লাগিলেন, কিছুই ঠিক করিয়া উঠিতে পারিলেন না। তিনি সন্দেহে দোলায়মান; এত বড় সুসভ্য জ্ঞানীব্যক্তির মূর্ত্তি বিদ্যালয়ের ছাত্রের ন্যায় লাজুক ও কদাকার বোধ হইল। কারাকস্মিকার সম্মুখে তাঁহাদিগের সাক্ষাৎকার সম্পন্ন হইবে স্থির ছিল, পিতা ও কন্যা চৌকিতে বসিয়া আছেন, এমন সময়ে চারুনি উপস্থিত হইলেন। যদিও ঘোরতর আন্দোলনকর ঘটনা দ্বারা তাঁহারা পরস্পরে সংযুক্ত, তথাপি তাঁহাদিগের সাক্ষাৎকার কিছু সঙ্কোচের সহিত সম্পন্ন হইল, ইটালীয় বালিকার মুখশ্রীতে চারুনি প্রথমতঃ ওদাসীনা ভিন্ন আর কোন ভাব নিরীক্ষণ করিতে পারিলেন না। বোধ হইল কেবল সাহসিক কার্যে অল্পরাগ এবং পিতৃ আজ্ঞা পালন এই উভয় কারণেই তিনি তাদৃশ গুরুতর কার্যে প্রবর্তিত হইয়াছিলেন। চারুনি কেন তাঁহাকে দেখিলেন এই বলিয়া ক্ষোভ করিতে লাগিলেন। তথাপি তিনি এতদিন ধরিয়া যে কাল্পনিক ও মলিন চিন্তা সকল হৃদয়ে পোষণ করিয়াছিলেন, তাঁহার সাক্ষাতে তাহা বিদূরিত হইল। কিন্তু যৎকালে তাঁহারা চৌকীর উপর উপবিষ্ট, গিরহাদী তাঁহার কন্যার প্রতি সতৃষ্ণনয়নে দৃষ্টিপাত করিয়া আছেন এবং চারুনি কতকগুলি নিরাশা-



সূচক রূপা শব্দোচ্চারণ করিতেছেন, তৎকালে টেরিসা হঠাৎ পিতার দিকে মুখ ফিরাইলেন, তাহাতে তাঁহার কণ্ঠভরণ একখানি স্বর্ণপদক পরিচ্ছদের মধ্যে ঢাকা ছিল, বাহির হইয়া পড়িল। চার্নি ঈষৎ দৃষ্টিক্ষেপ করিয়া দেখিলেন তাহার একদিকে বন্ধ পিতার শ্বেত কেশ এবং অন্যদিকে একখানি কাচে ঢাকা একটা শুকফুল রহিয়াছে। তিনি লুডোবিক দ্বারা যে ফুলটী পাঠাইয়াছিলেন ইহা সেই ফুল।

চার্নির চক্ষু হইতে যেন একটা আবরণ উত্তোলিত হইল। টেরিসার আকৃতিতে তাঁহার স্বপ্নগোচর সুন্দরী বালিকাকে—পিসিওলাকে প্রত্যক্ষ করিলেন—কেবল ফুলটী তাহার মস্তকে না থাকিয়া বক্ষস্থলে রহিয়াছে। তিনি আনন্দে অস্পষ্ট স্বরে গুটিকত কথা বলিলেন; এখন তাঁহাদের মধ্যে ঔদাসীণ্যভাব অন্তরিত হইল এবং তাঁহার পরস্পরের জন্য যে কত ভাবিয়াছেন তাহা পরস্পরে বুঝিতে পারিলেন। টেরিসা চার্নির নিজমুখে তাঁহার আশ্রয়ভাব অবগত হইলেন, এবং পিসিওলার বিয়োগাশঙ্কায় তাঁহার যে দুঃসহ কষ্ট হইয়াছিল তৎশ্রবণে দুঃখার্ভ হইয়া উচ্চৈঃস্বরে বলিলেন “প্রাণের পিসিওলা! আমি তোমার উদ্ধারের সাহায্য করিয়াছি, অতএব তুমি আমারও।” তাঁহার এই প্রকার ভাব দেখিয়া চার্নির হৃদয় কৃতজ্ঞতায় অভিভূত হইল, ইহা দ্বারা তিনি আপনাদের উভয়ের মধ্যে যেরূপ প্রণয়ের যোগ অনুভব করিলেন এরূপ আর কখনও করেন নাই।

গিরহাদীর কারাগার হইতে মুক্ত হইবার আয়োজন করিতে যে তিন দিন গত হইল তাহাতে চার্নি অভূতপূর্ব সুখ অনুভব করিলেন; এই সুখ যদি অধিক দিন পাইতেন তিনি তজ্জন্য স্বাধীনতা, সৌভাগ্য, সংসার, সকলি অনায়াসে পরিত্যাগ করিতে পারিতেন। কিন্তু বন্ধুর সহিত মিলনে যে প্রকার সুখ, বিচ্ছেদে সেই পরিমাণে দুঃখ। এখন তিনি বনকে সাহসী করিয়া জিজ্ঞাসা করিলেন “টেরিসা আমাকে ভালবাসে ইহা কি সত্য?” না! তিনি তাঁহার স্নেহ, দয়া এবং সাধুতার অর্থান্তর করিতে সাহসী হইলেন না এবং আপনি আনন্দিত হইয়াছেন বিশ্বাস করিতে চেষ্টা করিলেন। টেরিসার হৃদয়ের শান্তি ভঙ্গ করা তাঁহার নিজের একটা ক্লেশ বন্ধি করা মাত্র। কিন্তু তিনি বলিলেন

“আমি—আমি তাঁহাকে যাবজ্জীবন ভাল বাসিব এবং আমার আশঙ্কিয়া তাঁহার দ্বারা চরিতার্থ করিব।” এই প্রণয় কিন্তু গোপনে সংরক্ষণ আবশ্যিক, কারণ ইহা প্রকাশ করা দোষ। তাঁহারা উভয়ে চিরকালের তরে পরস্পর হইতে বিচ্ছিন্ন হইতেছেন। টেরিসা সংসারে প্রত্যাহৃত হইয়া নিশ্চয়ই বিবাহ করিবেন; চার্নি একটা কারাগারে তাঁহাকে স্মরণ করিয়া এবং কারাকুসুমিকাকে লইয়া থাকিবেন। চার্নি মনে করিলেন কঠোর ভাব ধারণ করিবেন, কিন্তু তাঁহার বিবর্ণমূর্তি তাঁহার অন্তরের ভাব প্রকাশ করিয়া দিল। টেরিসাও তাঁহার ন্যায় সকল জানিয়া ও দয়ার্দ্ৰচিত্ত হইয়া যাহাতে তাঁহার মনে কিছুমাত্র অশান্তি না হয় এইজন্য বিদায় কালের অল্পচিত্ত প্রফুল্ল ভাব ধারণ করিতে চেষ্টা করিলেন। কিন্তু বাহ্য বিনয় এবং ভীরুস্বভাব তাঁহার আন্তরিক ভাব গোপন করিয়া ফেলিল। যাহা হউক এমন সময় আছে যখন হৃদয় কোন শাসন না মানিয়া আপনার কথা ফুটিয়া বলে এবং এই বিদায়কাল সেইরূপ একটা সময়। কিন্তু গদগদ স্বরে অস্পষ্ট ও অস্পষ্ট কয়েকটা কথা মাত্র তাঁহাদের জিহ্বা হইতে নিঃসৃত হইল, টেরিসা কেবল বন্ধের প্রতি হস্ত প্রসারণ করিয়া শেষ কথা বলিলেন “আমি পিসিওলাকে আমার সাক্ষী রাখিলাম।”

সুখ আশ্বাদন করিয়া তাহা হইতে আবার বঞ্চিত না হইলে তাহার মর্যাদা বুঝা যায় না; চার্নির পক্ষে তাহাই ঘটিল। বন্ধু ও টেরিসা এখন আর তাঁহার নিকট নাই বলিয়া পিতার বিচক্ষণতা এবং কন্যার গুণাবলী তাঁহার চিত্তে যেরূপ প্রতিভাত হইল এরূপ কখনও হয় নাই। যাহা হউক টেরিসার স্মরণও মধুর, অতএব পূর্বের কুচিন্তা পিশাচী তাঁহার মন হইতে এককালে দূরীভূত হইল।

একদিন চার্নি কিছুই জানেন না, হঠাৎ তাঁহার কারাগারের দ্বার উন্মুক্ত হইল। যে সকল ব্যক্তির উপর তাঁহার ক্রমাল গুলি পরীক্ষা করিবার ভার অর্পিত হইয়াছিল তাঁহারা সত্রাটের নিকট তাহা লইয়া যান। তিনি কিছুক্ষণ তৎপ্রতি নিরীক্ষণ করিয়া তাচ্ছিল্য ভাবে বলিলেন “চার্নি নির্বোধ, এখন আর তাহাকে ভয় করিবার কারণ নাই। সে এক জন ভাল উদ্ভিদ্ধেতা হইতে পারে, কিন্তু আবার যে ষড়যন্ত্র করিবে



সূচক-স্বাক্ষর রাখা।” জোজফাইনের অনুরোধে তাঁহার প্রতি ক্ষমা প্রদান হইল।

এখন চারনির অন্ধকারাচ্ছন্ন ফিনেট্রেল দুর্গ হইতে মুক্ত হইবার সময় আগত, কিন্তু তিনি একাকী যাইবেন না। পিসিওলা একটী রহৎ সিন্ধুকে স্থাপিত হইয়া সমারোহ বহিনীত হইল। যে পিসিওলা হইতে তাঁহার সকল সুখ; যে পিসিওলা তাঁহাকে বাতুলতা হইতে রক্ষা করিল এবং বিশ্বাসের সান্ত্বনা প্রদান করিল; যে পিসিওলা হইতে তিনি বন্ধুত্ব ও প্রণয় লাভ করিলেন এবং যে তাঁহাকে পুনরায় স্বাধীন করিয়া দিল সে পিসিওলাকে পরিত্যাগ করিলে তাঁহার অপেক্ষা অকৃতজ্ঞ কে হইতে পারে?

লুডোবিকও এখন শোকাবেগ সম্বরণ করিয়া তাঁহার বন্ধু কাউন্টের প্রতি ককশ হস্ত প্রসারণ করিলেন; এখন আর তিনি তাঁহার কারারক্ষক নন। চারনি “আমাদের পুনরায় সাক্ষাৎ হইবে” এই কথা বলিয়া দৃঢ়রূপে তাঁহার হস্তপীড়ন করিতে লাগিলেন। তিনি বলিলেন “পরমেশ্বর তোমাদিগকে আশীর্বাদ করুন! কাউন্টের কল্যাণ হউক, পিসিওলার কল্যাণ হউক।”

ছয় মাস পরে ফিনেট্রেল দুর্গের দ্বারে একখানি রাজকীয় শকট উপস্থিত হইল। একজন ভ্রমণকারী নামিয়া জিজ্ঞাসা করিলেন “লুডোবিক রিটী কোথায়?” একটী মহিলা তাঁহার বাহু ধারণ করিয়া আছেন। ইহারাকে? কাউন্ট চারনি ও সেই টেরিসা তাঁহার সহধর্মিণী হইয়াছেন। তাঁহারা আর একবার কারাগৃহ দর্শন করিলেন। চারনি অবিশ্বাস ও নিরাশা বশতঃ তাহার শুভ্র প্রাচীরে যে বাক্য গুলি অঙ্কিত করিয়াছিলেন তন্মধ্যে একটী মাত্র অবশিষ্ট ছিল। তাহা এইঃ—“বিজ্ঞান, বুদ্ধি, রূপ, যৌবন ও ধন কিছুতেই সুখ প্রদান করিতে পারে না!” টেরিসা তাহাতে এই কথাটী যোগ করিয়া দিলেন “প্রণয় ব্যতিরেকে!”

চারনি লুডোবিককে অনুরোধ করিলেন যে বর্ষ শেষে তাঁহার প্রথম সন্তান ভূমিষ্ঠ হইবার সম্ভাবনা, তাহার জাতকর্মে একটী উৎসব হইবে তাহাতে তাঁহাকে উপস্থিত থাকিতে হইবে। আরও বলিলেন লুডোবিক

ফিনেট্রেল দুর্গ হইতে এককালে বিদায় লউন এবং তাঁহার গৃহে থাকিয়া সুখে কালযাপন করুন। কারারক্ষক পিসিওলার কথা জিজ্ঞাসা করিলেন। কাউন্ট বলিলেন তাহাকে আমার নির্জন অধ্যয়ন গৃহের সন্নিধানে রাখিয়াছি, স্বহস্তে প্রতিদিন জলসেচন করিয়া তাহাকে বর্ধন করিতেছি, কোন ভৃত্যকে তাহার অঙ্গ স্পর্শ করিতে দিই না।”

সন্তানের জাতকর্মের কিছুদিন পূর্বে লুডোবিক কাউন্টের মনোহর প্রাসাদে উপনীত হইলেন। সরল মনুষ্য প্রথমেই তাঁহার পুরাতন বন্ধু কারাকুসুমিকাকে দেখিতে উৎসুক হইলেন। কিন্তু হায়! প্রিয়তর নবকুমারের জন্মোৎসবের আনন্দে পিসিওলার স্মরণ নাই, এখন সে বিশীর্ণ হইয়া মৃত্যুমুখে পতিত। কারাকুসুমিকার আর বাঁচিয়া থাকিবার প্রয়োজন নাই, তাহার উদ্দেশ্য সুন্দররূপে সম্পন্ন হইয়াছে।

কি আশ্চর্য্য ঈশ্বরের দয়ার কৌশল,  
সামান্য উপায়ে কত সাধয় মঙ্গল।  
অবাচিত রূপা তাঁর প্রতিজন তরে,  
বিশেষ উপায়ে সুখ বিতরণ করে।  
দেখ অবিশ্বাসী নর খুলি অঁাখিছয়,  
এখনি পাইবে জ্ঞান, হবে সুখোদয়।  
পাষাণ নাস্তিক চার্ণি হইল কোমল,  
দয়ালু প্রণয়ী সাধু, বিশ্বাসে অটল।  
কারাকুসুমিকা হয়ে স্বর্গের অপ্সরা,  
সাধিয়া আপন কাজ ত্যজিল এ ধরা ॥

(সমাপ্ত।)

## এদেশীয় বামাগণের বহিভ্রমণ।

আমরা গত বারে এদেশীয় স্ত্রীগণের বহিভ্রমণ বিষয়ে যে প্রস্তাবটী লিখিয়াছি তৎপ্রসঙ্গে আমাদের কোন শ্রদ্ধাস্পদ বহুদর্শী বন্ধু আপন অভিপ্রায় প্রকাশ করিয়াছেন। পাঠিকাগণের গোচরার্থ নিম্নে তাহা



প্রকটিত হইল। স্ত্রীগণ জ্ঞানধর্ম যত উন্নত হইয়া প্রকৃত স্বাধীনতা লাভ করিবেন, বহির্ভ্রমণের তত উপযুক্ত হইবেন এবং তদ্বারা আপনাদের ও সমাজের তত মঙ্গল বর্দ্ধন করিতে পারিবেন। যাঁহারা আপনাদিগকে উপযুক্ত না করিয়া এবং অজ্ঞানতাবশতঃ বাহিরের বিপদ সকল অগ্রাহ করিয়া পুরুষ সমাজে যাইতে ব্যস্ত, তাঁহারা নিশ্চয়ই বিপদাপন্ন হইবেন এইটী আমাদের অত্যন্ত আশঙ্কা। আমাদিগের ধীর প্রকৃতি ও বুদ্ধিমতী ভগিনীগণ বিবেচনা পূর্বক কার্য্য করেন এইটী আমাদিগের ইচ্ছা।

“কেবল বঙ্গমহিলাদিগের বর্তমান অবস্থা দেখিয়া হিন্দু মহিলাগণের অবস্থা স্থির করা অনভিজ্ঞতা মাত্র। এই ক্ষুদ্র বঙ্গভূমিকে সমস্ত হিন্দু-জাতির আবাস স্থান মনে করা উচিত নহে। সমস্ত ভারতবর্ষই হিন্দু-জাতির আবাস স্থান। সুতরাং ভারতের সকল প্রদেশ ভ্রমণ না করিলে হিন্দুমহিলাগণের প্রকৃত অবস্থা অবগত হওয়া যায় না। বঙ্গ মহিলাদিগের বর্তমান সামাজিক অবস্থা দেখিয়া অনেকে মনে করেন যে হিন্দু-মহিলা গণের বহির্গমন প্রথা এককালে নাই। উত্তর পশ্চিমাঞ্চল, পাঞ্জাব, বম্বে, মাদ্রাজ প্রভৃতি স্থান পরিভ্রমণ করিলে স্পষ্ট প্রতীতি হয় যে হিন্দু-মহিলা গণের বহির্গমন প্রথা সর্বোতোভাবে প্রচলিত আছে। মনিপুরে স্ত্রীজাতিই প্রধান, পুরুষজাতি স্ত্রীজাতির অধীন বলিলে অত্যাুক্তি হয় না। আমরা কিছু দিন পূর্বের মথুরার পথে দেখিয়াছি কতকগুলি হিন্দুমহিলা অস্থারোহণ করিয়া গমন করিতেছেন। গোয়ালিয়ারের স্ত্রীজাতির বীরত্ব স্মরণ করিলে অবাক হইতে হয়। অদ্যাপি সেখানে ব্রাহ্মণ জাতির স্ত্রী-পুরুষে একত্রে সাম বেদ গান করিয়া-আহার করিয়া থাকেন। নানা স্থানের রীতি নীতি দর্শন করিয়া ভারতের পূর্বতন সভ্যতা কল্পনা পথে সমুদিত হইয়া হৃদয়কে হর্ষ বিষাদে এককালে নিমগ্ন করিয়া ফেলে।

বঙ্গমহিলাদিগের যে বহির্গমন প্রথা নাই, ইহাও স্বীকার করা যায় না। অনেক স্থানে দেখা গিয়াছে স্ত্রীলোকেরা প্রকাশ্য রূপে নদীতে স্নান করিতেছে, তীর্থাদিতে পরিভ্রমণ করিতেছে, স্বীয় স্বীয় গ্রামের মধ্যে পদব্রজে এক পল্লি হইতে অন্য পল্লিতে গমনাগমন করিতেছে। নীচ শ্রেণীর স্ত্রীলোকে অবাধে বিপণিতে ক্রয় বিক্রয় পর্য্যন্ত করিতেছে। এই

রূপে এদেশের স্ত্রীগণের বাহিরে যাইবার যেকোন প্রয়োজন, তাহা এক প্রকার সম্পন্ন হইতেছে।

যাহারা মনে করেন যে, বঙ্গমহিলাগণ পুরুষদিগের ন্যায় বাহিরে গমনাগমন করিতে পারিলেই উন্নতির পরাকাষ্ঠা হইবে, তাঁহারা আলোচনা করিয়া দেখুন যে সকল অশিক্ষিতা স্ত্রীলোক ইচ্ছাপূর্বক সর্বস্থানে গমনাগমন করে তাহাদের কতদূর উন্নতি হইয়াছে। মনকে অন্ধকারে বন্ধ রাখিয়া শরীরকে বাহিরে লইয়া গেলে কি উন্নতি হয় তাহা তাঁহারা ই জানেন! আমরা নিশ্চয় জানি যে সকল মহাত্মা কতকগুলি সরলা অবলাকে লইয়া স্থানে স্থানে প্রদর্শন করিতেছেন তাহাদের মধ্যে অধিকাংশ স্ত্রীলোক মূর্খা বলিলে অত্যাুক্তি হয় না। অথবা তাঁহারা বিদ্যাভ্যাসের কষ্ট যন্ত্রণা হইতে মুক্তিলাভ করিয়া বিলক্ষণ রূপে সভ্যতার আদর্শ হইতেছেন। যদি বহির্ভ্রমণই সভ্যতার আদর্শ হয় তবে এ সভ্যতা বঙ্গদেশের নীচশ্রেণীর স্ত্রীলোক-দিগের মধ্যে বহুদিন হইতে প্রচলিত আছে।

আমরা বহির্ভ্রমণের বিরোধী নহি এবং এ প্রথা ভারতবর্ষে চির প্রচলিত। আমাদের এই বিশ্বাস, বামাগণ প্রকৃতরূপে শিক্ষা দ্বারা অজ্ঞান অন্ধকার হইতে মুক্ত হইলে তাঁহারা জড়ের ন্যায় হীনের ন্যায় গৃহে বাসিয়া অমূল্য জীবন ক্ষেপণ করিবেন না। অনেক শিক্ষিতা স্ত্রীলোক বলেন যে একাকিনী পুরুষ সমাজে যাইতে ভয় হয়। কিন্তু অশিক্ষিতা স্ত্রীলোক কোন স্থানে যাইবার কথা শুনিলেই লক্ষ ব্যঙ্ক দিয়া উঠেন। সুতরাং বহির্ভ্রমণকে স্ত্রীজাতির উন্নতির আদর্শ মনে করা বিড়ম্বনা মাত্র।

জ্ঞানধর্মের একত্র উন্নতি হইলেই স্ত্রীজাতির মন প্রশস্ত হইবে—নির্মল হইবে, সেই প্রকৃত সভ্যতা। কোন স্ত্রীলোক নানা স্থানে ভ্রমণ করেন অথচ তাঁহার মিথ্যা, প্রবঞ্চনা, হিংসা, বিদ্বেষ, কলহ, স্বার্থপরতা প্রভৃতি ভয়ানক দোষ সকল স্মৃতিমান রহিয়াছে! তাঁহার কঠোর ব্যবহারে—তাঁহার অহঙ্কারে সমস্ত লোক অস্থির। অজ্ঞান সভ্যতায় এপ্রকার দৃষ্টান্ত অধিক দর্শন করা যায়।

অতএব জ্ঞান ধর্মের উন্নতিকেই হিন্দু মহিলাব সভ্যতার আদর্শ বলিয়া



গ্রহণ করিতে হইবে। যাঁহারা বুঝিবেন বহিঃক্রম না করিলে জ্ঞানধর্মের উন্নতি হয় না, তাঁহারা আত্মার মঙ্গলের জন্য বহিঃক্রম করিবেন। সহস্র বাধা বিপত্তি উপস্থিত হইলেও তাঁহাদিগের উদ্যম কেহই বিনাশ করিতে পারিবে না।

আমরা প্রাচীন কালের যে সকল হিন্দুমহিলার জীবন চরিত পাঠ করিয়া ধন্য হই, কৃতার্থ হই; তাঁহারা সকলেই জ্ঞানধর্মে সমুন্নতা ছিলেন এবং তাঁহারা যে, ইচ্ছাপূর্বক শুভকর উদ্দেশে সর্ব স্থানে গমনাগমন করিতেন তাহার তুরি তুরি দৃষ্টান্ত প্রাপ্ত হওয়া যায়। বর্তমান কালে হিন্দুমহিলাগণ সেইরূপ জ্ঞানধর্মে সমুন্নতা হইয়া ভারতের মুখোজ্জ্বল করেন, প্রত্যেক পরিবারে শান্তি সংস্থাপন করেন ইহাই আমাদের একান্ত কামনা।

### নারীদিগের কোমলতা।

এখন অনেকেই এই বলিয়া দুঃখ করিয়া থাকেন যে পূর্বকার মত এখন আর সেরূপ স্ত্রীলোকদিগের দয়া স্নেহ মাতৃভাব দেখিতে পাওয়া যায় না। আনাদের প্রাচীনা মাতা এবং ভগ্নীদিগের হৃদয় যেমন কোমল এবং দয়াদ্র, তাঁহারা পিতা মাতা স্বামী পুত্র ভাই ভগ্নীদিগকে স্নেহ ভক্তি সহকারে যেরূপ পরিতুষ্ট করিতে পারেন, এক্ষণকার অল্পশিক্ষিত স্ত্রীগণ সে প্রকার ভাব প্রদর্শন করিতে পারেন না। যাঁহারা স্ত্রী-সমাজের অবস্থা অনুশীলন করিয়া আসিতেছেন, তাঁহারা একথার সত্যতা কিয়ৎ পরিমাণে স্বীকার করিবেন সন্দেহ নাই। এক্ষণে পরিবর্তনের সময়, পুরাতন কুসংস্কারের সঙ্গে সঙ্গে যে সকল উৎকর্ষভাব আছে তাহা যে বিনষ্ট হইবে বড় আশ্চর্যের বিষয় নহে। অবশ্য ইহা অত্যন্ত দুঃখের বিষয় যে উন্নতির অবস্থায় স্ত্রীলোকদিগের স্বাভাবিক কোমলতার হ্রাস হইয়া যাইবে। যে ভাবে চিরদুঃখীর কঠোর হৃদয় বিমোহিত হয়, গৃহস্থায়ীমকে শান্তির আলায় করে, যে ভাবে আকৃষ্ট হইয়া লোক সকল সংসারের দুঃসহ ভার বহন করিতে নিরাশ হয় না, ঘর্ম্মাক্ত কলেবর পরিশ্রান্ত কৃষকের

উত্তপ্ত দেহ মন যাহার স্নিগ্ধতা সন্তোষ করিয়া সমস্ত ক্লেশ দূর করে, সেই কমলীয় মধুর ভাব যদি কিঞ্চিৎমাত্রও চলিয়া যায় তাহার অপেক্ষা দুঃখের বিষয় আর কি আছে?

অল্পশিক্ষিত সুখপ্রিয় যুবকেরা যেমন ধর্ম্মনীতির আদেশ অতিক্রম করিয়া জন-সমাজের অশান্তির কারণ হইয়া রহিয়াছে, অল্প শিক্ষা লাভ করিয়া যে সকল স্ত্রীলোক আধুনিক সভ্যতার নূতন বিলাসের বস্ত্র উপভোগের জন্য ব্যগ্র হইয়াছেন, তাঁহাদের দ্বারা আমরা তদ্রূপ অমঙ্গলের আশঙ্কা করিতেছি। অতিরিক্ত ভোগবাসনা উত্তেজিত হইয়াছে, অথচ তাহা চরিতার্থ হইবার উপযুক্ত উপায় নাই, এমন স্থলে হৃদয়ের উন্নত মনোরত্তি সকল স্বভাবতঃই নিস্তেজ হইয়া যাইবে। এই কারণেই অনেকে প্রাচীনা স্ত্রীলোকদিগের সাধুভাব সকল হারাইতেছেন। জ্ঞান শিক্ষা সভ্যতা যদি নারীর কোমল হৃদয়কে কঠোর করে, তাহা হইলে সে উন্নতি স্ত্রীসমাজের অভিসম্পাদ ভিন্ন আর কিছুই নহে। সুসভ্য দেশের মহিলারা যেমন স্বামীর রক্ত শোষণ করিয়া বিলাস বাসনা চরিতার্থ করিয়া থাকেন, সে প্রকার স্বার্থপরতা আমরা কোনমতেই অনুমোদন করিতে পারি না। স্ত্রীলোকেরা কেবলই পুরুষদিগকে সেবা করিবে, ভাল বাসিবে, আর সেবিত এবং ভালবাসিত হইবে না এ কথাও আমরা বলি না। পরস্পরের প্রকৃতি পরস্পরের জন্য যে স্বাভাবিক উপাদান লাভ করিয়াছে তাহারই বিনিময় করিলেই পরিবারে শান্তি সংস্থাপিত হইতে পারে।

স্ত্রীলোকদিগের উন্নতি অবনতি এখন বামাহিতৈষী বন্ধুগণের উপরেই নির্ভর করিতেছে। তাঁহাদের বিবেচনার দোষে অস্বাভাবিক বিশ্বাস কল প্রসূত হইতে পারে। ইউরোপের চারি শত বৎসরের পরিভ্রমের ফল যদি তাঁহারা দশ বৎসরের মধ্যে পাইতে অভিলাষ করেন তাহা হইলে সর্বাঙ্গীণ এবং স্বাভাবিক উন্নতি কখনই হইবে না। নারীগণের কিঞ্চিৎ কঠোর ভাব যাহা আমরা দেখিতেছি তাহা অনেকটা পুরুষেরই অবিবেচনার কারণ বলিতে হইবে। অনেক পুরুষ স্ত্রীদিগকে বিলাসবতী করিয়া মনে করেন বুঝি তাঁহাদের জীবনের উদ্দেশ্য সম্পন্ন হইল, কিন্তু ইহা অপেক্ষা ভ্রম এবং অমঙ্গলকর আর কিছুই নাই। কে না বলিবে যে স্ত্রীজাতি পুরুষের অল-



স্বাক্ষর স্বরূপ। তাহারা যখন উত্তম বসন ভূষণে ভূষিত হইয়া আনন্দে বিচরণ করে, তখন সেই সৌন্দর্যের আকর পরমেশ্বরের স্বর্গের শোভাই প্রকাশিত হয়। কিন্তু বাহু শোভার উপরেই যদি দৃষ্টি বদ্ধ থাকিল, তাহা হইলে আন্তরিক সৌন্দর্য্য, ধর্ম ও নীতির কমনীয়তা কোথায়? জ্ঞানহীন, পদার্থ হীন, বিলাসপ্রিয় নারীগণ প্রকৃত সৌন্দর্য্যে মুখ উজ্জ্বল করিতে পারে না। তাহারা যে উন্নত ও সভ্যরমণীদের সৌন্দর্য্য ও পবিত্রতা, এবং প্রাচীনা স্ত্রীদিগের স্নেহ বাৎসল্য উভয় ভাব হইতে বঞ্চিত হইবে তাহাতে আর আশ্চর্য্য কি? এখানে একরূপ প্রশ্ন উত্থিত হইতে পারে তবে কি বহু সম্পত্তির অধিকারিণী জ্ঞানহীনা বলিয়া মলিন বেশে কেবল ক্রন্দন করিবে? না, তাহা আমরা বলিতে চাহি না, কিন্তু তাঁহাকে বিনীতভাবে জ্ঞাত সভ্যতা ভদ্রতা শিক্ষা করিতে হইবে। তদ্বিত্তম তাঁহার সমুদয় সৌন্দর্য্য অসার। আমাদের ইহা একান্ত প্রার্থনীয় যে শিক্ষিতা পাঠিকা ভগ্নীগণ বিশেষ যত্ন সহকারে তাঁহাদের স্বাভাবিক সুমিষ্ট ভাব গুলিকে পোষণ করেন। তাঁহারা জ্ঞানধর্ম সভ্যতায় সম্পন্ন হইয়া প্রীতি ও স্নেহ রসে পরিবারের যাবতীয় কঠোর ভাব দূর করেন। তাঁহাদের পবিত্র কোমল হৃদয় সেই প্রেমময় পরমেশ্বরের প্রিয় আবাস স্থান, এইটী যেন সকলের স্মরণ থাকে।

### মহাত্মা নর্ম্মাণ ও মৃত্যু।

স্থান টাউনহল—সয়ম বেলা ১১ টার পর।

নর্ম্মাণ। (গাড়ি হইতে নামিয়া) কোচমান এখন ফিরিয়া যাও চাপরাসি কাগজ পত্র লইয়া আইস।

কোচমান। খোদাবন্দ! কতক্ষণের সময় গাড়ি লইয়া আসিব।

ন। ঠিক ৩ ঘণ্টিকার সময় আইস।

কো। হজুর যো হুকুম।

নেপথ্যে। ওহে আজ চিকজিস্টিক্স কখন আসিবেন?

তিনি আজিকার বিচার যে সূক্ষ্ম রূপে করিবেন বলিয়া গিয়াছেন।

ন। (স্বগত) পূজার বন্দ নিকট, হাতে যে কয়েকটা মোকদ্দমা আছে শীঘ্র শেষ করিয়া ফেলিতে হইবে। অনেক দিন বিদেশে আছি, স্বদেশে

যাইবার জন্য প্রাণটা বড় ব্যাকুল হচ্ছে। এবার ছুটির পর খোদ চিক-জিস্টিসের আসিবার কথা, তাহা হইলে আমি অবসর পাইব। এবার স্ত্রী-পুত্রগণকে লইয়া বন্ধু বান্ধবগণের সঙ্গে অন্ততঃ এক বৎসর দেশে থাকিতে হইবে। শীঘ্র জাহাজ ঠিক করিয়া রাখা আবশ্যিক।

মৃত্যু। (স্বগত) কখন হইতে অপেক্ষা করিয়া আছি, এখনো আসে না কেন? আজ বড় সাহেব যেমন আদালতে স্পর্শ করিবে অমনি তাহাকে শমন গৃহে পাঠাইব।

(নর্ম্মাণ সাহেবের আগমন ও উদরে ছোরাঘাত)।

ন। (স্বগত) এ কি? কেহ আমাকে আঘাত করিল না কি? আমি জাগিয়া আছি না স্বপ্ন দেখিতেছি। না এই যে ছুরিকা হস্তে সম্মুখে এক জন দণ্ডায়মান। ইহার কি ছঃসাহস! আমি না এখানকার প্রধান জজ, এই না বেলা দুই প্রহর। (প্রকাশ্যে) কে কে কোথায় আছ রে আমাকে রক্ষা কর।

মৃত্যু। (স্বভাবিক উগ্রমূর্ত্তি ধারণ পূর্বক) আমাকে চিনিতে পার নাই? তোমার আয়ু শেষ হইয়াছে, আর দেখ কি চল।

ন। (স্বগত) তাইত এমন ভয়ঙ্কর মূর্ত্তিত জন্মাবধি দেখি নাই। ইহারই নাম কি মৃত্যু? হাঁ, আমারে নাকি এই আদালত গৃহে দুই প্রহরের সময় কেহ মারিতে পারে? বাহাইউক একটু সরিয়া যাওয়া উচিত। অবশ্য নিকটে কেহ আছে আমাকে সাহায্য করিবে। (প্রকাশ্যে) কে আছরে শীঘ্র আমার কাছে আইস। (এই কথা বলিয়া দ্রুত পৈঠা হইতে নামিয়া গৃহের বাহির দিকে গমন)।

মৃত্যু। (দ্রুত পশ্চাৎ পশ্চাৎ গমন করিয়া) দুর্ভাগ্য নর্ম্মাণ কে তোমার রক্ষক? তোমার প্রাণ সংহার করিয়াছি। যদি এখনও সন্দেহ থাকে এই লও (বলিয়া সজোরে পুনর্বার পৃষ্ঠ দেশে ছুরিকাঘাত)।

ন। ছুরাত্মা নিশ্চয়ই আমার প্রাণ বিনাশ করিয়াছে। কে কোথায় আছরে রক্ষাকর রক্ষাকর।

মৃত্যু। এখানে আমি আছি, আর কেহ নাই। এখনও তোমার পদা-ভিমান? তোমার অবস্থা কি রূপ দেখিতেছ না কি?



ন। সত্য সত্যই, আমি ইংরেজ গবর্ণমেন্টে নাই, কে বলে এই সেই হাইকোর্ট এবং আমি সর্বপ্রধান বিচার পতি? এ দুই প্রহর বেলা আমার নিকট আমাবস্যার দ্বিপ্রহর রজনীত বোধ হইতেছে। কি আশ্চর্য্য! আমার আজ্ঞায় কত লোকের জীবন মৃত্যু ছিল, আমি এখন ডাকিলে উত্তর পাই না। নিতান্ত জঘন্য পশুর ন্যায় আমাকে হত হইতে হইল! আজি কি না ক্রিটিস্ ইণ্ডিয়ার রাজধানীর সর্বপ্রধান বিচারালয়ের সর্বপ্রধান বিচারপতি এই ধর্ম্মাধিকরণের মধ্যে দিবা দুই প্রহরের সময় একজন সামান্য কুলীর হস্তে নিহত হইল! ইচ্ছা হইতেছে, পৃথিবীর এক উচ্চস্তম্ভে দাঁড়াইয়া জগতের নিকট উচ্চৈঃস্বরে এই কথা বলিয়া মনঃ ফোভ দূর করি।

হা প্রণয়িনী! হা সন্তানগণ! হা স্বদেশ! হা ভারতবর্ষ! হা বন্ধুগণ!

মৃ। তুমি সর্বপ্রধান বিচার পতি নাম ধরিয়াছিলে, একটু বোধশক্তি আজও তোমার হয় নাই? এরূপ মৃত্যু তোমার পক্ষে অন্যায় হইয়াছে কখনও মনে করিও না, ইহা ন্যায়পর বিধাতার নির্দিষ্ট নিয়ম। তোমার লোকান্তর গমনের পূর্বে গুটিকত সার সছপদেশ দিতেছি শিক্ষাকর এবং জগতের লোককেও তাহা শিখাইতে আসিয়াছি। মৃত্যু কাহার কখন ও কিরূপে হইবে কিছুই স্থির নাই। মৃত্যু উপস্থিত হইলে তাহার হস্ত হইতে রক্ষা করিবার কাহার সাধ্য নাই। তোমার মৃত্যু দেখিয়া কে আর ক্ষণকালের জন্য আপনার জীবনের উপরে বিশ্বাস করিতে পারে? তোমার ন্যায় শান্ত স্বভাব, ন্যায় পরায়ণ, সচ্চরিত্র, পরোপকারী, সাংসারিক সৌভাগ্যবান, সর্বজন প্রিয় ব্যক্তি সচরাচর দেখিতে পাওয়া যায় না, তথাপি তোমার এরূপ বিপদ ঘটিল! উচ্চপদের অভিমান দেখ নিতান্ত অসার। পৃথিবীতে যে আপনাকে নিরাপদ মনে করে, বিপদ দেখ কেমন গুপ্তবেশে তাহার সঙ্গে সঙ্গে ফিরিয়া থাকে। এমন সময়ে মৃত্যু আইসে যে স্ত্রী-পুত্র বন্ধু-বান্ধব কাহার সহিত এক বার সাক্ষাৎ করিতে দেয় না। যে সকল বস্তু একমুহূর্তে ছাড়িতে মায়া হয়, মৃত্যু সে সকল হইতে চিরকালের জন্য বিচ্ছিন্ন করিয়া দেয়—একটি কথা বলিতে

অবসর দেয় না। এখন কিঞ্চিৎ সময় দিতেছি—সম্বল করি।

এক মাত্র দয়াময় ঈশ্বরের চরণাশ্রয় ভিন্ন আর গতি নাই।

ন। বুঝিয়াছি আর বলিতে হইবে না। তুমি এক মুহূর্তে যে জ্ঞান শিক্ষা দিলে, অনেক শাস্ত্র পড়িয়া তাহার তত্ত্ব পাই না—যদি পূর্বে তুমি আমাকে এমন জ্ঞান দিতে, মিছা কাজ লইয়া এমন অমূল্য জীবন কাটাইতাম না, নিত্যের সম্বল আরও ভাল করিয়া করিতে পারিতাম। চল কোথায় লইয়া যাইবে। করুণাময় ঈশ্বরের চরণে সম্পূর্ণ নির্ভর করিলাম।

মৃ। আমার কার্য্য সাধিত হইয়াছে। মানুষদের চৈতন্য উৎপাদন করিবার জন্য সর্বক্ষণই বিচরণ করিতেছি, কিন্তু তবু তাহাদের নির্দোষতা দূর হইল না। এই অশ্রুত-পূর্ব অভূত তাহারা পূর্ব ঘটনা দেখিয়া যদি কিছু দিন তাহারা সচৈতন্য হইয়া কার্য্য করে তাহা হইলেও কৃতার্থ হই। এখন লোকদিগের জন্য একটী গান করিয়া যাই। তাহারা যেন এইটী মনে মনে গায়।—

শেষের সে দিন মন, কররে স্মরণ, ভব ধাম যবে ছাড়িবে।

তোর সুখ স্বপন যত, দেখিছ অবিরত, চিরদিনের মত ফুরাবে ॥

কাল শয্যায় শুয়ে, নিজ পাপ স্মরিয়ে, যবে দুই ধারে নয়ন ধারা বহিবে,

তাই ভগিনী যত, কাঁদিবে অবিরত, তোর শিশু সন্তান ধূলায় লুটাবে ॥

স্নেহময়ী জননী, হারিয়ে নয়ন মণি, যবে গাইয়ে তব গুণ কাঁদিবেন,

প্রাণ সম প্রিয়সী, অধোবদনে বসি, কেঁদে ধরাতল নয়নজলে ভাসাবে ॥ ১

নেপথ্যা।

দুর্জয় মৃত্যুর হস্তে সবে পরাজয়ের, সবে পরাজয়।

কখন ধরিবে কারে নাহিক নিশ্চয় রে নাহিক নিশ্চয় ॥

দারস্থত ধন জন কেহ কার নয় রে, কেহ কার নয়।

মায়াময় এ সংসার তাই মায়া হয় রে তাই মায়া হয় ॥

সদত মরণ ভরে, প্রস্তুত যে রয়রে, প্রস্তুত যে রয়।

সেই নর বুদ্ধিধর, সদত নির্ভয় রে, সদত নির্ভয় ॥

যরে মাঠে পথে ঘাটে, যথা মৃত্যু হয় রে, যথা মৃত্যু হয়।

অমৃত আশ্রয় কর, হবে মৃত্যুঞ্জয় রে হবে মৃত্যুঞ্জয়।



অসার সংসারে বিভূ নাম সুধাময় রে নাম সুধাময় ।  
নিজের সম্বল কর হবে সুখোদয় রে হবে সুখোদয় ॥

### খদ্যোতিকা ও পক্ষী ।

একদা রজনীকালে ছাড়ি নিজ দল,  
উড়িল খদ্যোতী এক গরবে চপল ;  
প্রভাময় পুচ্ছ তার নয়ন রঞ্জন,  
সকলেরে তুচ্ছ করে তাহারি কারণ ;  
কহিছে উল্লাসে মহা করি অহঙ্কার ;—  
কে আছে পতঙ্গ কীট সমান আমার ?  
সুবরণ পিপীলিকা গুঞ্জিত ভ্রমর,  
বিচিত্র বরণ তুমি তন্তুকীট বর ;  
সবে তোমা তুচ্ছ করি হীন অতি জানি,  
সবাই আমারে মানে পতঙ্গের রাণী ;  
আঁধারের আলো আমি নিশামনি প্রায়,  
জনম আমার স্বর্গে জানে দেবতায় ;  
ওই যে তারকা রাজি গগণে উদ্দিত,  
স্বর্গের খদ্যোত সব রোয়েছে শোভিত ;  
নৃপগণ তারে গণে প্রধান রতন,  
যে মণির প্রভা হয় আমার মতন ।

এরূপ করিয়া দস্ত খদ্যোতী সুন্দরী,  
একাকিনী উর্দ্ধদেশে উজলে সর্সরী ।  
নিকটেতে পক্ষী এক করিল অ্রবণ,  
খদ্যোতীর সমুদয় গর্কের বচন ;  
মুখের নিকটে ভোজ্য আইল উড়িয়া,  
ভক্ষণ করিল তারে, উপদেশ দিয়া ;—

“অহঙ্কারে মত্ত ওহে পতঙ্গ রতন,  
তোমার লাভ্য রূপ নাশের কারণ ।  
ওরূপ লইয়া যদি থাকিতে গোপন,  
হেথা যদি না আসিতে দেখাতে কিরণ ;  
নশ্র হোয়ে নীচ দেশে কাটাতে জীবন,  
সেখানে কেহ না প্রাণ করিত হরণ ।

কোথা হে রূপসী বামা, ধর সুবচন,  
আপন লাভ্য রূপ রাখ সুগোপন ;  
দশ মাঝে সদা দিতে রূপ পরিচয়,  
বাহির হইলে জেন বিপদ নিশ্চয় ;  
সুন্দরীর রূপ হয় নাশের কারণ,  
গাছের সুন্দর ফল খায় পক্ষিগণ ।

### ভিন্ন ভিন্ন দেশের নমস্কার প্রণালী ।

সকল দেশে ও সকল জাতির মধ্যে ঐহারা সম্মান ও আদরের পাত্র,  
ঐহাদিগের প্রতি কোন না কোন প্রকারে নমস্কার করিবার প্রথা প্রচলিত  
আছে । আমাদিগের দেশে গুরুজনকে সাফটাঙ্গে ধূলায় অবলুপ্তিত হইয়া  
বা দণ্ডবৎ হইয়া প্রণাম করিবার নিয়ম দেখা যায় ; সমান সমান ব্যক্তি  
পরস্পরকে আলিঙ্গন অথবা করষোড়ে নাসিকা স্পর্শ পূর্বক নমস্কার  
করিয়া থাকেন । মুসলমানেরা মান্যমান ব্যক্তিকে ভূমি স্পর্শ করিয়া  
বা অর্ধ অবনত হইয়া সেলাম করেন । ইংরেজ প্রভৃতি ইউরোপীয়  
জাতির রাজা প্রভৃতি অধিক মান্য ব্যক্তিদের সম্মুখে হাঁটু গাড়িয়া বসেন  
ও মস্তকের টুপি খোলেন এবং সমান সমান ব্যক্তির কর ধারণ করিয়া  
নাড়িয়া থাকেন । যে দেশে যে ব্যবহার চলিত, সে দেশের লোকে  
সেইটিকে ভদ্র ব্যবহার বিবচনা করেন ; অতএব এক দেশের লোক অন্য  
দেশের ব্যবহার প্রণালীকে কখনই ঘৃণা বা উপহাস করিতে পারেন না ।  
অদ্য আমরা আমাদিগের অপরিচিত কতকগুলি জাতির সম্মান প্রকাশের



নূতন রীতি বর্ণনা করিতেছি, তাহাতে ভিন্ন ভিন্ন দেশের কত ভিন্ন ভিন্ন রুচি পাঠিকাগণ বুঝিতে পারিবেন ।

প্রশান্ত মহাসাগরে নিউগিনী নামে দ্বীপ আছে । তথাকার লোকে পরস্পরের মধ্যে প্রণয় ও বন্ধুতা জানাইবার জন্য পরস্পরের হস্তে বক্ষ পল্লব প্রদান করে । আফ্রিকার অন্তর্গত ইথিওপীয়া দেশের কোন ব্যক্তি বন্ধুকে সম্বর্দ্ধনা করিবার সময় তাহার বস্ত্র লইয়া আপন কোমরে জড়াইয়া বাঁধে এবং বন্ধুকে অর্ধ উলঙ্গ অবস্থায় থাকিতে হয় । ফিলিপাইন দ্বীপ পুঞ্জের লোকেরা যাহাকে প্রণাম করিতে হয়, তাহার হাতে বাপায় আপনার মুখ আস্তে আস্তে বুলাইয়া থাকে । লাপলও দেশের লোকেরা পরস্পরকে সম্মান প্রদর্শন করিবার জন্য নাকে নাকে ঘর্ষণ করে এবং তাহা একটু বলপূর্বকও করিয়া থাকে । সিরিয়া নিবাসিগণ হস্ত শীঘ্র অথচ কোমল ভাবে তুলিয়া বক্ষ, ওষ্ঠ ও মস্তক স্পর্শ করে, তাহাতে যে ব্যক্তিকে সম্মান করা হয়, তিনি বুঝিতে পারেন যে প্রণত ব্যক্তি তাঁহার সেবা করিতে ইচ্ছুক । সে বক্ষ স্পর্শ করিয়া জানাইল তাঁহাকে মনে ভাবিবে, ওষ্ঠ স্পর্শ করিল কেননা তাঁহার নিমিত্ত বলিবে এবং মস্তক স্পর্শ করিয়া প্রকাশ করিল যে মাথা পাতিয়া তাঁহার সেবা করিবে ।

এদেশে পুরাতন সম্মান প্রণালী উঠিয়া যাইবার উপক্রম হইয়াছে । ইতিমধ্যে পুরুষগণ ইংরেজদিগের অনুকরণে বন্ধুগণের সহিত হস্ত নাড়া নাড়ি করিয়া থাকেন এবং অনেকে গুরুজনের নিকট মস্তক অবনত করিতে কুণ্ঠিত হন । কিন্তু দেশীয় প্রথা এককালে পরিত্যাগ করা নিতান্ত অসঙ্গত ; নব্যগণ তাহার উন্নতি সাধন করিতে চান করিতে পারেন । তাঁহারা যদি বিদেশীয় ব্যবহার অবলম্বন করিতে চান, উপরিউক্ত প্রথা সকলের মধ্যে কোনটী তাঁহাদিগের মনোনীত হয় দেখুন । আমরাদিগের ভগিনীগণের রুচি পরিবর্তনের সময় উপস্থিত হইতেছে, তাঁহারাও এ বিষয়ে আপনাদিগের জন্য কিছু স্থির করুন ।

## নূতন সংবাদ ।

১। ইণ্ডিয়ান মিরার পাঠে জানা গেল কলিকাতাস্থ ব্রহ্মমন্দিরে যে সকল মহিলা ঈশ্বরের উপাসনা করিতে গিয়া থাকেন তাঁহাদিগের বসিবার আসন নির্মাণ জন্য পূর্ক বাঙ্গালার একটী সদাশয়্য বঙ্গবালী ৫০ টাকা দান করিয়াছেন । সাধারণ হিতকর কার্যে স্ত্রীলোকের এরূপ অল্পরাগ অতি শুভ লক্ষণ ।

২। বর্ধমান জেলার অন্তঃপাতী ভাস্তাড়া গ্রামের জমীদার বাবু যজ্ঞেশ্বর সিংহ ভারত সংস্কার সভার শিক্ষয়িত্রী বিদ্যালয়ের এবং শিল্প বিদ্যালয়ের উন্নতির নিমিত্ত দুই শত টাকা দান করিয়াছেন । পল্লীগ্রামস্থ ধনাঢ্য জমীদারগণ যদি যজ্ঞেশ্বর বাবুর ন্যায় সাধারণ হিতকর কার্যসকলে দানশীল হন, তাহা হইলে দেশের মঙ্গল এবং তাঁহাদিগের অর্থের সার্থকতা হয় ।

৩। বক্সলপুর রেলওয়ে স্টেশনের প্রায় একশ ক্রোশ দূরবর্তী স্থানের একটী স্ত্রীলোক তাঁহার স্বামী মদ্যপান করিয়া উন্মত্ত হওয়ায় তাঁহাকে গৃহ হইতে বহিস্কৃত করিয়া দেন এবং বাটীর মধ্যে তিনি প্রবেশ

করিতে না পারেন, তজ্জন্য এক জন প্রহরী নিযুক্ত করেন । কিন্তু দুই দিবস পরে তিনি স্বামীকে পুনর্বার গৃহে আনিতে বলিয়া পাঠান । স্বামী স্ত্রীর ব্যবহারে অবমানিত বোধ করিয়া পুনরায় গৃহে যাইতে অসম্মত হইয়াছেন ।

৪। আমরাদিগের মাননীয় মহারাণী ভিক্টোরিয়া ইংলণ্ডের অন্তঃপাতী আরলউড নামক স্থানের পাগলদিগের আশ্রমে পঁচিশ গিনি অর্থাৎ প্রায় সপাঁচ হাজার টাকা দান করিয়াছেন ।

৫। উত্তর আমেরিকার কানেডা নামক স্থানের নিকটে এক স্থানে মৃত্তিকা খনন করিতে করিতে মাটির প্রায় সতিন হাত নীচে অন্যান্য দুই শত বহুৎ মানব দেহ কঙ্কাল বাহির হইয়াছে । তন্মধ্যে কতকগুলি দৈর্ঘ্যে ছয় হাত এবং কতকগুলি সাড়ে চারি হাত হইবে । উরু এবং মাথার অস্থিও এমন বহুৎ বাহির হইয়াছে যে এখনকার উক্ত অঙ্গের অস্থির সহিত তুলনায় তাহা অত্যন্ত বহুৎ বলিয়া বোধ হয় ।

পৃথিবী গভে কতই অদ্ভুত বস্তুর চিহ্ন নিহিত আছে তাহা কে বলিতে পারে ?



৬। প্রশান্ত মহাসাগরের টারনেট নামক দ্বীপস্থ টারনেট নামক আ-  
গ্নেয় গিরি হইতে বার দিন ক্রমাগত  
ভয়ঙ্কর অগ্নিপাত হইয়াছে তা-  
হাতে বহু সংখ্যক গৃহ ক্ষেত্র প্রভৃতি  
এককালে ধ্বংস হইয়া গিয়াছে।

৭। লণ্ডন নগরের বিদ্যালয় সমূ-  
হের ত্রিশ সাত্ত্বসরিক সভায় পাঁচ  
হাজার শিশু সমন্বরে গান করিয়া-  
ছিল।

পাঁচ হাজার শিশুর সমন্বরে গান  
করা দূরে থাকুক উহার সম্মিলন  
এখানে কখন দেখিতে পাওয়া যায়  
না। ধন্য ইংরাজ জাতির একতার  
ভাব!

### প্রেরিত।

গত ২৬এ আশ্বিন বুধবার  
বেলা ৯ টার সময় দিনাজপুর বালি-  
কা বিদ্যালয়ের ছাত্রীগণকে পুরস্কার  
দান সমারোহে সম্পন্ন হইয়াছে।  
এই পুরস্কার দান দিনাজপুর মধ্যে  
প্রথম অনুষ্ঠান। ইহার পূর্বে আর  
কখন এরূপ কার্য এখানে হয় নাই।

ছাত্রীগণকে বিবিধ রৌপ্যময়  
ফুল প্রদত্ত হইয়াছিল। প্রথম শ্রেণীর  
প্রথম ছাত্রী শ্রীমতী মাধা ৫৪ টাকা  
মূল্যের ২ ভরি ওজনের এক ছড়া

সোণার হেলেহার পুরস্কার প্রাপ্ত  
হইয়াছে।

শ্রীযুত বাবু ক্ষেত্রমোহন সিংহ,  
রাধাগোবিন্দ রায়, রায় সাহেব,  
নন্দলাল সেন, গোবিন্দ চন্দ্র চক্র-  
বর্তী, দ্বারকানাথ দত্ত, প্রসন্নকুমার  
দাস প্রভৃতি মহাশয়গণ এই সং-  
কার্যে সাহায্য দান করিয়াছেন।  
তন্মধ্যে একা রাজজামাতা ক্ষেত্র-  
মোহন বাবু ৫০ টাকা দান করেন;  
তিনি সভাপতির আসন গ্রহণ করি-  
য়াছিলেন। অত্রত্য নূতন মুনসেফ  
শ্রীযুত বাবু বেণীমাধব মিত্র স্ত্রীশি-  
ক্ষার উপযোগিতা ও উদ্দেশ্য  
বিষয়ে কিছু বক্তৃতা করিয়াছিলেন।  
এখানকার কালেক্টরির সেরেস্টাদার  
বাবু হরেকৃষ্ণ খাসনবীস মহাশয়  
আহ্লাদ প্রকাশ পূর্বক ছাত্রীগণকে  
কিছু উৎসাহ দিয়া ছিলেন। পুর-  
স্কৃতগণকে ধন্যবাদ দি।

পরিশেষে অত্রত্য জজ সাহেবের  
মেন মিসেস্ ব্যাভেনশকে ধন্যবাদ  
না দিয়া ক্ষান্ত থাকিতে পারিলাম  
না। তিনি স্বতঃ প্ররুত্তা হইয়া  
আনন্দ সহকারে নিয়মিত রূপে  
প্রতিদিন বিদ্যালয়ের ছাত্রীগণকে  
শিল্প প্রভৃতি বিষয়ে শিক্ষা দান  
করেন। অতএব তাঁহার প্রতি  
আমাদের কৃতজ্ঞ হওয়া নিতান্ত  
আবশ্যিক।

### বামাগণের রচনা।

#### বঙ্গাঙ্গনাগণের পরিচ্ছদ।\*

বামাবোধিনী সম্পাদক মহাশয়!

ভাদ্র মাসের বামাবোধিনী পত্রি-  
কাত্তে বঙ্গাঙ্গনাগণের পরিচ্ছদ পরি-  
বর্তন বিষয়ে শ্রীমতী সৌদামিনী  
কান্তগিরি ও শ্রীমতী রাজলক্ষ্মী সেন  
যাহা লিখিয়াছেন তাহা দেখিয়া  
পরমাঙ্কাদিত হইলাম। স্ত্রীলো-  
কেরা আপনার এবিষয়ে উদ্যোগী  
হইলে শীঘ্রই শুভফল দর্শিবে  
তাহার কোন সন্দেহ নাই। ইয়ুরো-  
পিয়ান স্ত্রীলোকেরা যেরূপ বস্ত্র  
ব্যবহার করেন তাহা আমাদের উষ্ণ  
দেশের ও সাধারণ লোকদিগের  
পক্ষে কখনই উপযুক্ত হইতে পারে  
না এবং তাহা দোষ শূন্য এরূপও  
সকলে মনে করেন না। পরিচ্ছদ  
বিষয়ে ইংরাজ, মুসলমান, কিম্বা  
পশ্চিম দেশবাসী কোন জাতিরই  
সম্পূর্ণরূপ অনুকরণ করা ভাল  
দেখায় না। অতএব “যাহাতে

\* আমাদিগের এক বঙ্গীয় ভগিনী  
বোম্বাই প্রেসিডেন্সী তহিতে এই পত্র-  
খানি পাঠাইয়াছেন। ইহার সুন্দর তস্তা-  
ক্ষর, বিশুদ্ধ লিখন প্রণালী, ভাবপ্রা-  
হিতা এবং সহৃদয়তা সকল নিতান্ত প্রশং-  
সনীয়। স।

দেশীয়ভাব থাকে; সকলে জিজ্ঞাসা  
না করিয়া বঙ্গীয় কুলকামিনী বলিয়া  
বুঝিতে পারে এবং সম্যক রূপে  
শরীরায়ত হয়” আর যাহা ধনী  
দরিদ্র সকল স্ত্রীলোকের ব্যবহার  
যোগ্য এবং যাহা পরিলে অঙ্গাদি  
ইচ্ছামত পরিচালনের কোন অসু-  
বিধা না নয় এমন কোন পরিচ্ছদ  
পরিধান করা আবশ্যিক।

আমাদের বাটীর লোকেরা এক্ষণে  
যে প্রকার পরিচ্ছদ পরিধান করেন  
তাহাতে এই সকল অভিপ্রায় অনে-  
কাংশে সুসিদ্ধ হইতে পারে। ইহা  
যে কেবল শরীরাঙ্গাদনের কার্য  
করে এমত নহে দেখিতেও সুত্রী,  
আর শীত গ্রীষ্ম উভয় কালেরই  
সম্যক উপযোগী। এই পরিচ্ছদের  
সহিত যে রূপ চাদর ব্যবহৃত হয়  
তাহাতে স্বচ্ছন্দ রূপে অঙ্গ সঞ্চা-  
লনের কিছুই ব্যাঘাত জন্মে না এবং  
মাথায় সাড়ি দেওয়া অপেক্ষা ইহা-  
তে মুখের অনেক শ্রীর্ষক্তি হয়।  
বাঙ্গালী, ইউরোপিয়ান, ইহুদি,  
পারসী, মহারাজী প্রভৃতি যে যে  
জাতির লোকেরা আমাদিগকে এ  
প্রকার পরিচ্ছদ পরিধান করিতে  
দেখিয়াছেন তাঁহারা সকলেই উহার  
বিশেষ প্রশংসা করিয়াছেন, সেই  
নিমিত্ত এবং বঙ্গাঙ্গনাগণের পরিচ্ছদ  
সম্বন্ধে আর কাহারও কিছু বলিবার  
থাকিলে তাহা আপনারা সাদরে  
হগ্রণ করিতে চাহিয়াছেন বলিয়া



এই পরিচ্ছদের বিষয় আপনাদের জানাইতেছি। পৃথক পৃথক করিয়া দেখিতে গেলে বাঙ্গালী, মুসলমান, ইংরাজ এ সকল জাতির পরিচ্ছদের সহিত যদিও ইহার কোন কোন অংশের কিছু কিছু সাদৃশ্য দেখা যায়, কিন্তু উহা কোন জাতিরই সম্পূর্ণ রূপ অনুকরণ নহে। বঙ্গদেশে সর্বসাধারণের মধ্যে এই পরিচ্ছদ প্রচলিত হইলে বঙ্গজ্ঞানকে স্বদেশীয়া বমনী বলিয়া কোন বিদেশীর ভ্রম হইবার সম্ভাবনা নাই। বস্তুতঃ কলিকাতার অনেক ভদ্রলোকের বাটীর স্ত্রীলোকেরা অন্য কাহারও বাটীতে যাওয়ার কালে যে সকল বস্ত্র পরিধান করেন তাহার কিম্বা বামাবোধিনীতে আপনারা পরিচ্ছদের যে প্রণালী নির্দ্ধারিত করিয়াছেন তাহার সহিত উল্লিখিত পরিচ্ছদের অধিক বিভিন্নতা না থাকিয়াও উহা দেখিতে অপেক্ষাকৃত অনেক উত্তম হয়। আমরা বাটীতে জুতা, মোজা, আঙ্গুরা কঁচলি, জামা, এবং ইজার কিম্বা ঘাঘরা পরিধান তাহার উপর সাড়ি পরিধান করি আর বাহিরে যাইতে হইলে উপরি উক্ত প্রকার চাদর মাথায় দিই। এই রূপ পরিচ্ছদ পরিধান করা কোন স্ত্রীলোককে না দেখিলে কেবল উহার সহিত কি কি বস্ত্র ব্যবহার হয় তাহার নাম শুনিয়া এই পরিচ্ছদ কিরূপ দেখায় এবং তাহাতে অঙ্গ পরিচালনের কত সুবিধা তাহা বোধ হয় বুঝিতে পারা দুষ্কর হইবে। কারণ আমরা দেখি-

যাছি এই সকল বস্ত্র গুলির পরিমাণের ন্যূনাধিক্য এবং ব্যবহারের রীতির বিভিন্নতা বশতঃ এই পরিচ্ছদের সৌন্দর্য্য প্রভৃতি অনেক গুণের হ্রাস রুদ্ধি হয়।

কোন ভগিনী যদি এইরূপ পরিচ্ছদ দেখিতে ইচ্ছা করেন তাহা হইলে ইহার এক প্রস্ত প্রস্তুত করিয়া কিম্বা এই পরিচ্ছদ পরিধান করা চিত্র তাঁহার নিকট আঙ্লাদের সহিত প্রেরণ করিব।

আপনারা জুতা এবং মোজা ব্যবহার বিষয়ে যাহা বলিয়াছেন তাহা বড় ভাল বোধ হয় না। কারণ মোজা না পরিলে তত হানি নাই কিন্তু পরিষ্কারের দিকে কিছুমাত্র দৃষ্টি রাখিলে বোধ হয় জুতা ব্যবহার করা নিতান্ত আবশ্যিক।

শ্রী. . . . . দেবী।

সিংহগড় পাহাড়।

আমরা জুতা পরিধানের বিরোধী নহি। তবে কি না পরিচ্ছদের অন্যান্য অঙ্গ অপেক্ষা চর্মপাদুকার প্রতি অনেক স্ত্রীলোকের অকুচি ও বিতৃষ্ণা দেখা যায়। ক্রমশঃ তাহা দূর হইবে এবং অবলাগণকে বল-পূর্কক কোন আচার অবলম্বনে ধাবিত করা আনাদিগের অভিপ্রেত নহে এই কারণে আপাততঃ তাহা আমরা তাঁগাদিগের ইচ্ছাধীন রাখিয়াছি। যাহাদের পদব্রজে অধিক ভ্রমণের আবশ্যিকতা না হয়, মোজার কোন প্রকার শক্ত 'প্রিসার্বার' আবরণ ব্যবহার করিলে তাঁহাদিগের পরিচ্ছদতা রক্ষা পাইতে পারে। স।

## বামাগণের রচনা।

### স্বদেশের দুর্দশা।

জ—লিছে হৃদয় দেখি দেশের দুর্দশা,  
 র—হিল না বুঝি আর কারু প্রাণে আশা!  
 এ—কেত দুঃখীর প্রাণ সদা সশঙ্কিত,  
 দে—খিতে দেখিতে মহামারী উপস্থিত।  
 শ—শখর যে রূপেতে রাছ গ্রাস করে,  
 এ—রূপ গ্রাসিল কাল দেশবাসী নরে।  
 ই—তর জাতির প্রাণ কেমনে বাঁচিবে,  
 বা—সকরে কুটিরেতে অর্থের অভাবে?  
 র—হিবেক কত দিন একপেতে আর?  
 গে—ল প্রাণ নাহি ত্রাণ কাঁদিছে নাচার।  
 ল—ইবে শরণ কার কে হবে সহায়?  
 ছা—য়া মাত্র দেহ শূন্য যেমন দেখায়,  
 রে—খা মাত্র ক্ষণ পরে না থাকে তথায় ॥  
 খা—না ডোবা পূর্ণ হল জলে ও জঙ্গলে,  
 র—হিতে না পারে কেহ দুর্গন্ধ আইলে।  
 শ্রী—হীন হতেছে দেশ কি হবে উপায়,  
 ম—রিতেছে কত প্রাণী বিনা চিকিৎসায়।  
 তি—লেক দেখিলে তাহা বুক ফেটে যায় ॥  
 কা—হার জননী মৃত নিজ শিশু কোলে,  
 লি—খিতে কাগজ ভাসে নয়নের জলে।  
 দে—খিতে দেখিতে কত হইতেছে ক্ষয়,  
 বী—র যেন সমরেতে ধরাশায়ী হয়।  
 জ—গদীশ এই বারে ত্রাণ কর সবে,  
 গ—তি হীনে তোমা বিনা কে আর তরাবে?  
 দ—হে প্রাণ, রূপাদৃষ্টি চাহ একবার,  
 দ—ওদিতে তুমি, ত্রাণ করিতে সবার।  
 ল—ইতে শরণ তব ব্যগ্র মম মন,  
 নি—বার ভবের ভয় দিয়ে শ্রীচরণ।  
 বা—লক বোদন করে না হেরিয়ে মায়,



সি—হরয় প্রাণ মম না দেখি তোমায় ।  
নী—রোগ করহ দেশ চরণ ছায়ায় ॥

### অবলার রোদন ।

সকলের পিতা তুমি জগত জীবন ।  
দয়া কর ওহে নাথ দিয়া শ্রীচরণ ॥  
পাপী তাপী বলে আমি লয়েছি শরণ ।  
ওহে পিতা কর মোর পাপ বিমোচন ॥  
যদি না চাহিবে তুমি কোথা যাব আমি ।  
চাহ পিতা একবার চাহ বিশ্বস্বামী ॥  
জগতের বন্ধু তুমি কাঙাল শরণ ।  
অখিল কারণ পিতা অখিল তারণ ।  
অনাথিনী আমি নাথ নাহি কিছু জ্ঞান,  
দয়া করি মোরে প্রভু কর রূপাদান ।  
আহা মরি কি আশ্চর্য্য মহিমা তোমার ।  
দয়াগুণে পালিতেছ জগৎ সংসার ॥  
অপার মহিমা প্রভু যখন তোমার ।  
ভাবিয়ে আমার চিত্ত দেখে একবার ॥  
তখনত হয় মনে আশার সঞ্চার ।  
পার্শ্বিনী পাইবে ত্রাণ রূপায় তোমার ॥  
দয়াময় প্রভু তুমি জগতের সার ।  
সকলি অসার আর সকলি অসার ॥  
দয়া দর্শে চাও নাথ এদাসীর প্রতি ।  
জীবের জীবন তুমি অগতির গতি ॥  
অনাথের নাথ পিতা সাধক বৎসল ।  
কাতরে কাঁদি গো তাই পাইবারে বল ॥

শ্রীমতী নবীন কালী দেব ।

দিছি মেদস্বল্প ।

# বামাবোধিনী পত্রিকা।

—৩৩৩—

“কন্যাশ্রবং দালনীয়া শিচ্ছনীয়াতিযত্নতঃ ।”

কন্যাকে পালন করিবেক ও যত্নের সহিত শিক্ষা দিবেক ।

১০০ সংখ্যা } অগ্রহায়ণ বঙ্গাব্দ ১২৭৮ । { ৮ম ভাগ ।

## পঞ্জাববাসিনীদিগের সহিত বঙ্গীয় নারীদিগের শুভ সাক্ষাৎ ।

পাঁচ ছয় মাস হইল আমাদিগের অত্রত্য দুইটী ভগিনী উত্তর পশ্চিম অঞ্চলে ভ্রমণ করিতে গিয়াছিলেন । তাঁহারা লাহোরে অনেক দিন অবস্থিতি করেন । তথাকার বাহিরের দর্শনীয় বস্তু সকল কেবল দেখিয়া তাঁহারা সন্তুষ্ট হন নাই, তথাকার নারীগণের অবস্থা যাহাতে অবগত হইতে পারেন, এবং তাঁহাদিগের সহিত নিকট যোগবন্ধন করিতে পারেন তজ্জন্য বহু প্রয়াস পাইয়াছেন । তাঁহাদিগের এই প্রকার সাধুচেষ্ঠা এবং এই সাধুচেষ্ঠার সুন্দর ফল দর্শন করিয়া আমরা পরম সন্তুষ্ট হইয়াছি । যে বঙ্গীয় অবলাগণ গৃহের এক কোণে বসিয়া জীবনপাত করেন, তাঁহাদিগের মধ্যে কেহ কেহ যে দূরদেশে গিয়া নারীকুলের সহিত প্রণয় স্থাপন করিতে সমর্থ হইয়াছেন, ইহা তাঁহাদিগের এক প্রকার দিগ্বিজয়ের সূত্রপাত বলিয়া স্বীকার করিতে হইবে । আমাদিগের ভগিনীদ্বয় লাহোরের শিক্ষয়িত্রী বিদ্যালয় দর্শন করিতে গিয়াছিলেন, তাহাতে তথাকার শিক্ষয়িত্রী ছাত্রীগণ তাঁহাদিগের যার পর নাই সমাদর করিয়াছিলেন ।



তাঁহারা স্বহস্তে অতি সুন্দর শিল্পচিত্রিত কাগজে তাঁহাদিগের যে অভিনন্দন সকল প্রদান করিয়াছেন তাহা নিম্নে প্রকাশিত হইল। হিন্দী ও গুরুমুখী ভাষায় সে গুলি লিখিত, এই জন্য আমরা যতদূর সাধ্য অবিকল অনুবাদ করিয়া দিলাম।

“ঈশ্বরকে ধন্যবাদ করিয়া এই পত্র লিখিতেছি যে আমার প্রতি তিনি বড় রূপাদৃষ্টি প্রকাশ করিয়াছেন। যেহেতু একরূপ বুদ্ধিমান, সর্ব গুণগ্রাহী, পরমোপকারী, সমস্ত সভার ভূষণস্বরূপ শ্রীযুক্ত বাবু নবীনচন্দ্র রায় মহাশয় আমাদিগের প্রতি বিশেষ অনুগ্রহ প্রকাশ করিয়াছেন। তাঁহার সেই অনুগ্রহেই আমরা অবলাগণ বিদ্যারত্ন লাভ করিয়াছি এবং ইহলোক পরলোকের বিবিধ সুখ শান্তির উপায় প্রাপ্ত হইয়াছি, আরও তাঁহারি রূপায় একরূপ গুণবতী রমণীগণের সাক্ষাৎকার লাভ করিয়া আমরা অতিশয় আনন্দিত হইয়াছি। এপ্রকার বুদ্ধিমতী স্ত্রীলোক পৃথিবীতে দুর্লভ। যে দয়াময় পরমেশ্বর এইরূপ স্ত্রী পুরুষ পৃথিবীতে প্রেরণ করিয়াছেন এবং তাঁহাদিগের দ্বারা কত কত লোকের উপকার সাধন করিতেছেন তাঁহাকে আমরা ধন্যবাদ প্রদান করি। এইরূপ স্ত্রীলোকদিগের শুভাগমন নিতান্ত প্রার্থনীয়। ইহাদিগের কথা শুনিয়া ভিন্ন ভিন্ন স্থানের অনেক স্ত্রীলোক সাক্ষাৎ করিতে আসিয়াছেন।

“রূপ যৌবনে সুশোভিত হইলেও এবং উচ্চ বংশে জন্ম গ্রহণ করিলেও যদি মনুষ্য বিদ্যাহীন হয়, তবে গন্ধহীন পুষ্পের ন্যায় শোভা পায়।”

“যে ব্যক্তি প্রথম বয়সে বিদ্যাভ্যাস না করে, দ্বিতীয় অবস্থায় ধন সংগ্রহ না করে, তৃতীয় অবস্থায় ধর্মোপার্জন না করে সে চতুর্থ অবস্থায় কি করিবে?”

বিষ্ণু বিষ্ণু জল একত্র হইয়া যেমন বৃষ্টি বর্ষিত হয় এবং পরশমণির স্পর্শে লৌহ সুবর্ণ হইয়া যায় সেইরূপ সাধু লোকের সহবাসে দুষ্ক লোক ভাল হয়।

(দস্তখত) দ্রৌপদী।

সকল উপমার যোগ্য, সকল গুণের আধার, সৌভাগ্যবতী এবং পৃথিবীর আলোক স্বরূপ শ্রীমতী সৌদামিনী মজুমদার ও মহামায়া বসুর

আগমনে আমরা অত্যন্ত আনন্দ লাভ করিলাম। পরমেশ্বরকে ধন্যবাদ যে এমন লোকের সহিত আমাদিগের সাক্ষাৎকার সংঘটন করিলেন।

মনরূপ মৃত্তা, বিশ্বাসরূপ সূত্র, ক্ষমারূপ অলঙ্কার, পরমেশ্বরের নামরূপ জপমালা, ঠৈর্য্যরূপ মস্তকের ফুল, ব্রহ্মরূপ বস্ত্রে যাঁহারা ভূষিত, পাতিব্রতা যাঁহাদের ধর্ম এবং পরমেশ্বরের প্রতি যাঁহাদের ভক্তি আছে এমন রমণীদিগকে আমরা আশীর্বাদ করি।

(স্বাক্ষর) মেলারি।

সর্বোপমান্বিত, সর্বগুণাধার, শোভাবান্, আমাদেব প্রভু এবং দুঃখীদের রক্ষক শ্রীমান্ মহারাজ লাট সাহেব এই বিদ্যালয়টি সংস্থাপন করিয়াছেন। এখানে অনেক প্রকার বিদ্যাশিক্ষা হয়, অনেক প্রকার পারিতোষিক প্রদত্ত হয় এবং ছয়মাসের পর পরীক্ষা হইয়া পারিতোষিক বিতরণ হইয়া থাকে। এখানে লেখা পড়া এবং সূচিকার্য্যও শিক্ষা হয়। আমাদিগের দেশে যিনি এ প্রকার কল্যাণকর বিদ্যালয় প্রতিষ্ঠা করিয়া দিয়াছেন, তাঁহাকে ধন্যবাদ করি।

অদ্যকার দিনে শ্রীমতী মহোদয়া সৌদামিনী এবং মহামায়া এখানে আগমন হওয়াতে আমরা অত্যন্ত আনন্দ লাভ করিলাম।

(স্বাক্ষর) ক্ষেম কোয়ার।

আমাদিগের দেশীয় ভগিনীদ্বয় পঞ্জাবী রমণীগণের সৌজন্য ও সহৃদয়তায় আপ্যায়িত হইয়া তাঁহাদিগকে যে প্রত্যভিনন্দন দিয়াছেন তাহা এস্থলে প্রকাশিত হইল।

“লাহোর শিক্ষয়িত্রী স্ত্রীবিদ্যালয়ের ছাত্রী ভগিনীগণ!

তোমাদের এই বিদ্যালয়টি দর্শন করিয়া আমরা অতীব আনন্দিত হইলাম। বিদ্যালয়ের শিক্ষাপ্রণালী এবং তোমাদের বিদ্যোপার্জনে অনুরাগ এবং তাহার সঙ্গে সঙ্গে তোমাদের সভ্যতা ও ভদ্রতা দর্শন করিয়া আমরা যৎপরোনাস্তি সুখী হইলাম। আমরা মঙ্গলময় ঈশ্বরের নিকট প্রার্থনা করি, এই বিদ্যালয়টি দিন দিন শ্রীবৃদ্ধি লাভ করুক, এবং তোমরা এই বিদ্যালয় দ্বারা জ্ঞান ধর্ম লাভ করিয়া পঞ্জাবের মুখ উজ্জ্বল কর; এবং তোমাদের দ্বারা ভারতবর্ষের সকল স্থানে মঙ্গল সংসাধিত



হউক। অজ্ঞান দুঃখিনী ভগিনীদিগের মঙ্গলোদ্দেশ্যে যে ভ্রাতা পরিশ্রমের সহিত এই বিদ্যালয়ের তত্ত্বাবধান করিতেছেন, তাঁহাকে ঈশ্বর আশীর্বাদ করুন, তাঁহার মঙ্গল উদ্দেশ্য পূর্ণ করুন। আমরা হৃদয়ের সহিত তাঁহাকে ধন্যবাদ প্রদান করিতেছি। এই ভ্রাতার দৃষ্টান্তে যেন সকল বামাকুলহিতৈষী ভ্রাতা স্থানে স্থানে স্ত্রী বিদ্যালয় সংস্থাপন করিয়া জ্ঞানহীন অবলাগণের মঙ্গল সাধন করেন। ভগিনীগণ! তোমরা যে আমাদের এই অভিনন্দন পত্র দান করিলে ইহা আমরা স্নেহ ও আদরের সহিত গ্রহণ করিলাম। আমরা আশা করি নাই যে তোমরা আমাদের প্রকার স্নেহ-আলিঙ্গন দিবে। ঈশ্বর তোমাদিগকে আশীর্বাদ করুন, এবং আমাদের পরস্পরের মধ্যে ভগিনী-স্নেহ বৃদ্ধিশীল করুন।

শ্রীসোঁদামিনী মজুমদার।

শ্রীমহামায়া বসু।”

পঞ্জাবের সহিত বঙ্গদেশের এই শুভযোগ কাহার না আনন্দকর? এই যোগ যাহাতে স্থায়ী হইয়া উভয় প্রদেশের মঙ্গলপ্রসূ হয়, আমাদের ভগিনীগণ তজ্জন্য বিশেষরূপে চেষ্টা করুন। মঙ্গলময় ঈশ্বরের নিকট সর্কান্তঃকরণে প্রার্থনা করি, যাহাতে এই শুভ উদ্দেশ্য সম্পন্ন হয়, তাহার উপায় বিধান করুন।

## নারীপ্রকৃতির হীনাবস্থা।

আমেরিকাবাসী সুবিখ্যাত ধর্মপ্রচারক থিয়োডোর পার্কার এক স্থানে বলিয়া গিয়াছেন যে স্ত্রীজাতির উচ্চ ভাব সকল যেমন উৎকৃষ্ট এবং সুন্দর, তেমনি নীচ ভাবগুলি অতিশয় নিকৃষ্ট এবং কদর্য। বস্তুতঃ এই কথা অতি প্রকৃত। নারী সমাজের অবস্থা বিষয়ে আমাদের যতদূর অভিজ্ঞতা আছে, তাহাতে আমরা এই বাক্যের প্রমাণ বিশেষরূপে বঙ্গীয় নারীগণের প্রকৃতিতে প্রত্যক্ষ দেখিতে পাই। নারীপ্রকৃতি এমনি সুন্দর এবং কোমল, ইহা এমনি কমলীয় উপদানে সংরচিত হইয়াছে, যে তাহার বিন্দুমাত্র বিকৃত ভাব দেখিলেই হৃদয়ে আঘাত লাগে। তাঁহাদের স্বাভাবিক

সদৃশ সকল নিতান্ত অপরিষ্কৃত অবস্থায় থাকিয়াও সমস্ত সংসারকে বিমুক্ত করিয়া রাখিয়াছে সত্য বটে, কিন্তু যখন তাঁহারা সংসারের অবতার রূপে পরিণত হন তখন তাঁহাদের রমণীয়তা একেবারে বিলুপ্ত হইয়া যায়। স্ত্রীরা যেমন সংসারকে শান্তির আশ্রয় ও সুখের স্থান করেন, তাঁহারা স্বয়ং গৃহলক্ষ্মী হইয়া যেমন পরিবারের মধ্যে স্নেহ দয়া প্রেম পবিত্রতা বিস্তার করেন, তেমনি আবার তাঁহারা নিজেই সংসারের সহিত আপনাকে একীভূত করিয়া সময়ে সময়ে প্রকাশ পান। তাঁহাদের হৃদয় হইতে যদি স্বার্থপরতা, সামসারিক ভাব পৃথক করিতে পারা যাইত, তাহা হইলে কি অপরূপ সৌন্দর্য্যই না আমরা দেখিতে পাইতাম!

নারীর নির্মল সুকোমল প্রকৃতিকে কিম্বা এত হীন এবং বিকৃত করিয়া তোলে? কেবল সংসার, একমাত্র সামসারিকতাই তাঁহাদের মধুময় প্রকৃতি পদ্মের কণ্টক হইয়া রাখিয়াছে। স্ত্রীরা সংসার রাজ্যের রক্ষক হইয়া যখন সংসারকেই সর্কান্ত মনে করেন তখনই তাঁহাদের উন্নত মধুর ভাবগুলি বিনষ্ট হইয়া যায়। তাঁহাদের বর্তমান অবস্থার প্রতি দৃষ্টিপাত করিলে তাঁহাদিগকে সংসারের প্রতিরূতি বলিয়াই বোধ হয়। এই জন্য আমাদের দেশের লোকেরা স্ত্রী বিয়োগ হইলে কহিয়া থাকেন আমার সংসার গত হইয়াছে। এক দিকে যদিও একথা সত্য যে স্ত্রীজাতির অভাবে সংসার শ্মশান, কিন্তু সংসারের ব্যাপার লইয়াই সাধারণতঃ তাঁহাদের জীবন গত হয় ইহা অত্যন্ত আক্ষেপের বিষয়। যেখানে পাঁচটি স্ত্রীলোক একত্রিত হন, সেখানে কে কি রন্ধন করিয়াছেন, কাহার অলঙ্কার বস্ত্র কিরূপ, এই সকল সামান্য বিষয় সম্বন্ধেই কথা বার্তা হইয়া থাকে। রাজনীতি কি ধর্মনীতি, সামাজিক নিয়ম কিম্বা জ্ঞানোন্নতি বিষয়ে আলোচনাত কিছুমাত্র দেখা যায় না। এই কারণ বশতঃ বামাগণের বিজ্ঞতাও বড় অধিক দেখিতে পাওয়া যায় না। যৌবনাবস্থায় যেরূপ চঞ্চল মতি ও অসারতা, পরিণত বয়সেও সেই রূপ। প্রশান্তপ্রকৃতি গভীরচিত্ত চিন্তাশীল নারী আমরা এদেশে কোথাও দেখিতে পাই না। বয়ঃক্রম অনুসারে তাঁহাদের তত্ত্ব জ্ঞান, চিন্তাশীলতা, বিষয়বৈরাগ্য, বিবেচনা শক্তি এ সকলের কিছুই উন্নতি হয় না। পূজা করিতেছেন তাহাতেও এক হাতে জপের মালা



মুখে রক্তনের গল্প চলিতেছে! স্বামী পুত্র পিতা ভ্রাতাগণের সহিত কোন সার কথা নাই, সংসারেই জীবন সংসারেই মৃত্যু। এসকল দেখিলে নারীদিগের উচ্চ উদ্দেশ্য আর কিছু আছে কি না তাহা স্থির করা কঠিন। অধিকাংশ পুরুষের জীবনও এই রূপে অতিবাহিত হয়, কিন্তু সাংসারিক নীচতাব সহজেই স্ত্রীজাতিকে অপদার্থ করিয়া ফেলে। এমন উন্নতিশীল নারী কয়জন দৃষ্টিগোচর হয় যাহাদের মুখে একটা বৈরাগ্যের কথা শ্রবণ করা যায় কিম্বা সারগর্ভ, কোন উপদেশ পাওয়া যায়? তথাপি এসমস্ত ছুরবস্থা সত্ত্বেও প্রকৃতির জ্যোতি নারী-হৃদয় হইতে উদ্ভাসিত হইয়া মানবের কঠোর হৃদয়কে বিগলিত করে। এইজন্য আমাদের আরও ক্লেশ হয় যে এমন সুন্দর মনোহর ভাব সংসারের মলিন জঞ্জালে আবৃত হইয়া রহিয়াছে!

আমাদের কোন বন্ধু একটী স্ত্রীলোকের আশ্চর্য্য স্বভাব বর্ণনা করিয়াছেন তাহাতে একাধারে সাংসারিকতা এবং সাহসিকতার একটি স্মৃতি দৃষ্টান্ত পাওয়া যায়। এই স্ত্রীলোকটির বয়ঃক্রম এক্ষণে প্রায় ৬০ বৎসর হইয়াছে, বাসস্থান প্রথমে এদেশেই ছিল, অনেক দিন হইতে ছোট নাগপুরের মধ্যে কোন রাজধানীতে অবস্থিতি করিতেছেন। তিনি ব্রাহ্মণের বিধবা, সন্তানাদি আপনার লোক কেহ নাই। তিনি বিধবা হইয়া তীর্থ পর্য্যটন করিবার জন্য কন্যাকুমারী, কেদারনাথ, বদরিকাশ্রম, হিংলেশ্বর প্রভৃতি নানা স্থান ভ্রমণ করিয়াছেন। তিনি যে সকল দুর্গম স্থানে গিয়াছিলেন তাহার সমস্ত বিবরণ তাঁহার কণ্ঠস্থ, এমন কি তাহা লিখিলে এক খানা ভূগোলপ্রস্তুত হইতে পারে। তাঁহাকে জিজ্ঞাসা করা হইল যে এত ছুরদেশে কি তিনি একাকী গিয়াছিলেন। তাহাতে তিনি উত্তর করিলেন যে “জনমের সঙ্গী নাই, করমের সঙ্গী আবার কে হইবে?” তিনি যেমন সাহসিক তেমনি কথাটীও অতি সার কথা। যাহউক তিনি একাকী পদব্রজে ঐ সমস্ত স্থান ভ্রমণ করিয়াছেন। তাঁহার স্বভাব অতি ভদ্র, বাঙ্গালী বাবুদের সঙ্গে দেখা হইলে অতি যত্নে তাঁহাদিগকে অতিথিসৎকার করেন। এদিকে এইত তাঁহার মহত্ত্ব ও সাধুভাব, আর এক দিকে আবার চমৎকার সাংসারিক ভাব দেখ। তাঁহার পরিবার অতি রহৎ, প্রায় ২৮টী

বিড়ালের খবর তাঁহাকে লইতে হয়। এক্ষণে প্রায় ১৭১৮টী বিড়াল আছে, তাদের জন্য তিনি সমস্ত দিন ব্যস্ত থাকেন। অপরাহ্নে স্নান ভোজনাদি হইয়া থাকে। ঐ রহৎ বিড়াল পরিবারের প্রতি মানুষের ন্যায় ব্যবহার করেন, তাহাদের কথা বুঝিতে পারেন। বিড়াল মাতা প্রসব করিলে সন্তানের নাড়ীচ্ছেনাদি জাতকর্ম্ম হইয়া থাকে, পরে যথাসময়ে বিবাহ দেন, তাদের মৃত্যু হইলে শ্রাদ্ধাদি ক্রিয়া সম্পাদন করেন। বিবাহে গায়ে হরিদ্রা, ব্রাহ্মণ ভোজন, বাজনা বাদ্য প্রভৃতি কিছুই অবশিষ্ট থাকে না। তাদের জন্য স্বতন্ত্র ঘর আছে, খাট বিছানা আছে, অবিকল মানুষের ন্যায় তাদের রক্ষণাবেক্ষণ করেন। বিড়ালদিগের নাম জিজ্ঞাসা করায় তিনি আত্মাদের সহিত তাহাদের গুণ ব্যাখ্যা করিয়া বলিতে লাগিলেন। নাম সকলও মানুষের মত, রামগতি, রামপতি রামনিধু, রামতনু; কামিনী, ভব, মাতঙ্গিনী প্রভৃতি। আমাদের কোন বন্ধু তাঁহাকে বলিয়াছিলেন হেঁগা বামুনঠাকুর! তুমি তাদের নিয়ে এমন কর কেন? তিনি বলিলেন বাপু! ওরা কি আর মানুষ নয়? সেই সকল বিড়ালের বিরুদ্ধে কেহ কোন কথা বলিলে তিনি মহা বিরক্ত হন। কেহ যদি বলে “ওগো কোম্পানির লুকুম আসিয়াছে প্রতি গ্রামে এত বিড়াল ক্রয় করিয়া পাঠাইতে হবে” তাহা হইলে আর তাঁর প্রাণ বাঁচা ভার। কি বিপরীত ভাব! কল্পনার অধীন হইয়া তিনি বিড়ালদিগকে লইয়া জীবনের শেষ কাল কাটাইতেছেন।

এইরূপে যাহাদের কিছু নাই তাঁহারা সামান্য বস্তু লইয়া কালহরণ করেন। নারীর সুন্দর প্রকৃতি রূখা বিনষ্ট হয় ইহা অত্যন্ত শোচনীয় বলিতে হইবে। যে সকল স্ত্রীলোক এক্ষণে জ্ঞান উপার্জন করিয়া সুখী হইতেছেন, তাঁহাদের উচিত যে কিছু বৈরাগ্য অভ্যাস করিয়া তাঁহাদের পরম মাতার নিকট পরিচিত হন। তাঁহাদিগকে যে সকল উন্নত মনো-রুতি প্রদত্ত হইয়াছে, যদি সে সকলকে প্রস্ফুটিত করিতে পারেন তাহা হইলে গৃহস্থাশ্রম অতি সুখের স্থান হইবে। সামান্য নিকৃষ্ট ভাবের বশব্দ হইয়া আর কাহার সঙ্গে বিবাদ বিষয়াদ করিতে হইবে না। তাঁহাদের যেমন স্বাভাবিক কোমলতা মৃদুতা, দয়া সরলতা স্নেহ, প্রেম পবিত্রতা



আছে, তেমনি তাঁহারা উদারতা, মহত্ত্ব, বৈরাগ্য শিক্ষা করিয়া নারী-কুলের মুখ উজ্জ্বল করুন এই আমাদের অনুরোধ। এদেশে পুরুষের অত্যাচারে নারীর ত্রু বহুদিন হইতে অনাদৃত হইয়া রহিয়াছে, নারীগণ স্বয়ং উৎসাহিত হইয়া আপনাদিগকে পুনরুদ্ধার করুন, সংসারের দাসত্ব না করিয়া তাহার উপর রাজত্ব করিতে থাকুন। নর-নারীর স্বীয় স্বীয় ভারাপিত কার্য স্বাধীন ভাবে সম্পাদিত হইলেই জগৎ সুন্দর বেশ ধারণ করিবে। কবে আমরা বঙ্গসমাজে জ্ঞান ধর্ম উন্নত, কর্তব্যপরায়ণ নারীর স্বর্গীয় সৌন্দর্য্য দর্শন করিয়া নয়ন প্রাণ শীতল করিব, তাঁহাদের পবিত্র মধুময় জীবন দেখিয়া শিক্ষা পাইব, তাহারই জন্য সতৃষ্ণ নয়নে প্রতীক্ষা করিয়া রহিয়াছি।

## অদ্ভুত বিবরণ।

### গুহ্যপানি জল-প্রপাত।

পাঠিকাগণ! দুর্ভাগ্য বশতঃ তোমাদের অদৃষ্টে আর দেশ ভ্রমণও ঘটিয়া উঠে না, বিশ্বপিতার অতি রমণীয় কার্য্য কৌশল সন্দর্শন করিয়া অপার আনন্দও লাভ করিতে পার না! ফলতঃ মনোহর দৃশ্য দেখিলে হৃদয়ের তাব উদ্দীপ্ত হয়, বিবিধ বিষয়ের সূচাক জ্ঞান লাভ হয়, এই কারণে পর্যটকগণ বিবিধ স্থান পরিভ্রমণ করেন। গুহ্যপানি একটি মনোহর দৃশ্য মধ্যে পরিগণিত। ইহা একটি সুন্দর জল-প্রপাত। দেয়াছনের দুই তিন ক্রোশ দূরে হিমগিরির শৃঙ্গস্থিত উপত্যকার মধ্যে এই প্রপাতটী প্রবাহিত হইতেছে। প্রথমতঃ পর্বতের নিম্ন প্রদেশের যে স্থানে তিন চারিটী প্রপাত একত্র সম্মিলিত হইয়াছে, সে স্থানটী অতি সুন্দর, তাহার প্রবাহও অতিশয় শীতল। কিন্তু গুহ্যপানিটীর উদ্গম কৌশল যার পর নাই রমণীয়। ইহা একটি উত্তুঙ্গ পর্বত দ্বিখণ্ড করিয়া বহির্গত হইতেছে। আপাততঃ দেখিলে বোধ হয় যেন কে জল স্রোতের বহির্গমনের প্রতিবন্ধক দেখিয়া সূচাকরূপে খুদিয়া কাটিয়া দিয়াছে। ধন্য সেই পরমেশ্বর! যাঁহার কারু কার্য্য অবলোকন করিলে দর্শকের চিত্ত বিমোহিত হইয়া

যায়। ঐ পর্বত ভেদের চারুতা দেখিলে সহজেই মনে হইতে পারে, বুঝি ইহা মনুষ্যকৃত। সেটী যতবার এক দৃষ্টে দর্শন কর না কেন মনুষ্য হস্তের কার্য্য ভিন্ন অন্য কোন বিষয়ের অন্তর্ভব হয় না। ঐ প্রপাতটীর স্রোতঃ এতদূর বেগবান যে তাহার উপরে অনায়াসে পা রাখা যায় না এবং অত্যন্ত সবেল লোক ভিন্ন উহার প্রতিকূলে গমন করা অন্যের দুঃসাধ্য। উহার মধ্যে প্রবেশ কর ক্রমেই তাহা একরূপ অন্ধকারায়ত ও নিভৃত, যে তথায় ক্ষণকাল অবস্থিতি করিলে বোধ হয় যেন বহির্জগতের সহিত কোন সম্বন্ধই নাই। প্রকৃতির নিস্তব্ধতা যে অতি মনোহর তাহাই কেবল প্রতীত হয়। সুগভীর চিন্তাশীল ব্যক্তিগণ কিম্বা যোগী ঋষি প্রকৃতির লোক সেই অশ্রুত ধ্বনি ও নিস্তব্ধতা ভাল বাসেন, সেই অদৃশ্য জগতের পরম মাধুরী সম্ভোগ করেন, জীবনের গভীর চিন্তনে সন্নিবিষ্টমনা হন। ইহার মধ্যে কোন কোন স্থানে কিঞ্চিৎ উষ্ণ জল বিনির্গত হইতেছে, কোথাও বা কাষ্ঠখণ্ড প্রস্তরে পরিণত হইতেছে, কোথাও গন্ধকের গন্ধ উঠিতেছে। স্থানে স্থানে প্রস্তর সকল সোপান রূপে উঠিয়াছে। ইহার পার্শ্ববর্তী স্থান পর্বত শ্রেণীতে পরিপূর্ণ। গুহ্য-পানি যে গুহার মধ্য দিয়া স্থানান্তরে পড়িতেছে, তাহার মধ্যস্থল অনেক প্রকার প্রস্তরে পরিপূর্ণ। উহার সৌন্দর্য্য অতি অপূর্ব, উহার উপরি ভাগে পাহাড়িলোকের বাস। তন্নিকটবর্তী অধিবাসীরা দেখিতে অতি সবেল। বিশেষতঃ তাহাদের নির্দোষ নিষ্কলঙ্ক মুখশ্রী দেখিলে বোধ হয়, তাহাদের মধ্যে শান্তি ও কুশল বিরাজ করিতেছে। তাহাদের সুন্দর সঙ্গীত বড় মনোহর, কেবল একটু নৃতন বলিয়া বোধ হয়। আমাদের দেশে সেরূপ সুর শুনিতে পাওয়া যায় না।

## সরীসৃপ।

(২০২ পৃষ্ঠার পর।)

এক সময়ে প্রশান্ত মহাসাগরের ইষ্ট ইণ্ডিজ নামক দ্বীপ শ্রেণীতে এক দল সৈন্য ছিল, তাহাদিগের অধ্যক্ষ প্রতিদিন প্রত্যুষে শয্যা ত্যাগ করিয়া ভ্রমণার্থে বহির্গত হইতেন। এক দিন তিনি একটী ভগ্ন অট্টালিকার



নিকট দিয়া যাইতেছেন, এমন সময় দেখিলেন ঐ বাটার একটা পুরাতন ভয় গৃহের এক স্থানে একটা ভয়ঙ্কর জন্তু নড়িতেছে, কিন্তু উহা কি প্রাণী তাহা তিনি বুঝিতে পারিলেন না। একটা অদ্ভুত জন্তু বোধ হওয়ায় উহাকে ভাল করিয়া দেখিতে তাঁহার কৌতূহল জন্মিল, তজ্জন্য সতর্ক-চিত্তে ধীরে ধীরে উহার নিকটবর্তী হইতে লাগিলেন। সর্পটির সমস্ত শরীর গোলাকারে জড়ান ছিল। ঐ ব্যক্তি তন্নিমিত্ত কিয়ৎদূর গিয়া বোধ করিলেন উহা একটা ব্যাঘ্র অথবা তৎসদৃশ অপর কোন ভয়ঙ্কর জন্তু হইবেক। কিন্তু জন্তুটির নিকটে গিয়া দেখিলেন উহা ব্যাঘ্র নয়, একটা অপূর্ব ভীষণাকার সর্প গৃহের একটা রুহৎ গর্তের মধ্যে শয়ন করিয়া রহিয়াছে। দেখিয়াই তাহাকে বধ করিবার একান্ত ইচ্ছা হইল। কিন্তু তাদৃশ রুহদাকার সর্পকে একাকী বধ করা অসম্ভব ভাবিয়া তৎক্ষণাৎ দ্রুতপদে সৈনিকদিগের আবাস স্থানে গিয়া তাহাদিগের ছয় জনকে সসজ্জীন পিস্তল প্রভৃতি অস্ত্র শস্ত্র সহিত সজ্জিত হইতে আদেশ করিলেন এবং তাহাদিগের সমভিব্যাহারে উক্ত সর্পের নিকট উপস্থিত হইয়া সজ্জীন দ্বারা উহাকে বিদ্ধ করিবার আদেশ দিলেন। সৈনিকগণ তখন শ্রেণীবদ্ধ হইয়া সজ্জীন দ্বারা এককালে ছয় জনে সর্পের গাত্রে আঘাত করিল। সর্পটি তৎকালে নিদ্রিত ছিল সুতরাং আঘাত প্রাপ্ত হইয়া জাগ্রত হইল। তখন সে তাহার রুহৎ দেহ ক্রমশঃ বিস্তার করিতে আরম্ভ করিল এবং স্বীয় সুদীর্ঘ ও স্থূলাকার লেজ দ্বারা এমন বলপূর্বক একটা আঘাত করিল যে পাঁচ জন সৈনিক সেই আঘাত প্রাপ্ত হইয়া তৎক্ষণাৎ ভূতলে পতিত হইল। ষষ্ঠ ব্যক্তি তাহার মাথার নিকট দাঁড়াইয়াছিল, তজ্জন্য তাহার গাত্রে তাদৃশ আঘাত লাগিল না। তখন সেই ব্যক্তি একাকী যথাসাধ্য সজ্জীন দ্বারা সর্পকে দেয়ালের গায়ে চাপিয়া প্রহার করিতে লাগিল। সর্পও পুনঃ পুনঃ লেজ উত্তোলন করিয়া তাহাকে তদ্বারা প্রহার করিবার চেষ্টা পাইল, কিন্তু কৃতকার্য হইতে পারিল না। কারণ ঐ ব্যক্তি অতিশয় চতুরতা ও সাবধানতার সহিত আত্মরক্ষা করিতেছিল। ইত্যবসরে সেই আহত পাঁচ জন সৈনিক পুরুষ ভূমি হইতে উঠিত হইয়া সজ্জীন দ্বারা পাঁচ দিক হইতে উহাকে দেয়ালে চাপিয়া পুনর্বার

নারিতে লাগিল। এইরূপে পুনঃ পুনঃ প্রহার করাতে সর্পের শরীর ক্ষত বিক্ষত হইল এবং সে ক্রমশঃ দুর্বল হইয়া পরাস্ত হইল। পরিশেষে স্পন্দহীন হইয়া দেহ বিস্তার পূর্বক ধরাতে পড়িয়া রহিল।

জার্মান দেশায় কোন সংবাদ পত্রে এক ব্যক্তি এক খান পত্র প্রকাশ করিয়াছিলেন, তাহাতে লেখক এইরূপে সর্প বিষয়ক একটা রুত্তান্ত বর্ণন করেন।

একদা একটা নদীর তীরে এক প্রকাণ্ড সর্প শিকারের জন্তু পাইবার আশায় প্রতীক্ষা করিতেছিল, এমন সময় সেই স্থানে একটা মহিষ চরিতে আসিল। সর্প মহিষকে দেখিবামাত্র তাহার উপরে পতিত হইল এবং পূর্বোক্ত প্রকারে বলপূর্বক আপন শরীর তাহার দেহে জড়াইয়া পেষণ করিতে লাগিল। মহিষ যন্ত্রণায় অস্থির হইয়া চাৎকার শব্দ করতঃ প্রাণ-ভয়ে ইতঃস্ততঃ ছুটিয়া বেড়াইতে লাগিল, কিন্তু সর্পকে কোন প্রকারে দেহ হইতে দূর করিতে পারিল না। সে যত যন্ত্রণায় কাতর হইতে লাগিল, সর্পও তত বলপূর্বক তাহাকে পেষণ করিতে লাগিল। এক এক বার মড় মড় শব্দে মহিষের দেহের অস্থি চূর্ণ হইতে লাগিল। এই প্রকারে সর্প ও মহিষের ভয়ঙ্কর যুদ্ধ আমি স্বচক্ষে সেই নদী পুলিনে দাঁড়াইয়া দর্শন করিয়াছি। পরিশেষে মহিষ এককালে বলহীন হইয়া পরাভূত হইল। তখন সর্প তাহাকে পূর্ব উল্লিখিত প্রকারে গ্রাস করিতে আরম্ভ করিল।

উপরি উক্ত ইষ্ট ইণ্ডিস দ্বীপের ওলন্দাজদিগের উপনিবশে এগ্রী ক্লেয়ার নামক এক ব্যক্তি ঐ স্থানের শিকারীদিগের নিকট একটা রুহৎ সর্প কিনিয়াছিলেন। তিনি তাহার দেহচ্ছেদ করিয়া তন্মধ্যে একটা মৃত হরিণ দেখিতে পাইয়াছিলেন। সেই ব্যক্তি ঐ জাতীয় আর একটা রুহৎ সর্পের দেহ পরীক্ষা করিয়া তন্মধ্যে একটা সশৃঙ্গ বন্য ছাগ দেখিয়া-ছিলেন এবং তৃতীয় একটা সর্পের মধ্যে গাত্রে কাঁটা সহিত একটা সজারু বাহির হইয়াছিল।



## গার্হস্থ্য চিকিৎসা প্রণালী।

বঙ্গদেশে নানাবিধ পীড়া কর্তৃক আক্রান্ত হইয়া যেরূপ দুর্দশাগ্রস্ত হইয়াছে তাহা কাহারই অবিদিত নাই। কোন নগর কোন গ্রাম কোন পরিবার এককালে পীড়াশূন্য নহে। যাহাদিগের অর্থ সামর্থ আছে তাহারা সর্বদাই চিকিৎসকের সাহায্য গ্রহণ করিয়া রোগযন্ত্রণা হইতে মুক্ত হইতে পারে। কিন্তু দরিদ্র পরিবারের দুঃখের সীমা পরিসীমা নাই। অনেকে চিরদিন রোগ যন্ত্রণায় হাহাকার করিতেছে, কেহ অকালে প্রাণ ত্যাগ করিতেছে, তথাপি উপযুক্ত চিকিৎসকের সাহায্য লাভ করিতে সক্ষম হয় না।

এখন স্থানে স্থানে দাতব্য চিকিৎসালয় সংস্থাপিত হইতেছে বটে, কিন্তু সেই সকল চিকিৎসালয়ে উপযুক্ত ঔষধ না থাকাতে বিশেষ উপকার হয় না। তথাপি তদ্বারা যে উপকার হয় তজ্জন্য ধন্যবাদ দেওয়া কর্তব্য। যাঁহারা দাতব্য চিকিৎসালয়ে গমন করেন তাঁহারা এই ঔষধ প্রাপ্ত হন, নতুবা ঔষধ পাইবার অন্য উপায় নাই। অনেক ভদ্র পরিবার রোগ যন্ত্রণায় প্রাণত্যাগ করেন, তথাপি প্রকাশ্য স্থানে ঔষধি শিক্ষা করিতে বাইতে সক্ষম নহেন। কোমলহৃদয় বাঙ্গালী পুত্র কন্যার পীড়া সন্দর্শন করিয়া কি প্রকার ব্যাকুল হন তাহা সকলেই অবগত আছেন। দরিদ্র পরিবারে পুত্র কন্যার পীড়া হইলে স্নেহময়ী দুঃখিনী মাতা চতুর্দিক শূন্য দেখিয়া কেবল অশ্রুপাত করেন, তথাপি কোন প্রকার উপায় অবলম্বন করিতে সক্ষম হন না। পূর্বকালে প্রাচীনা গৃহিণীগণ শিশুসন্তানদিগের সামান্য সামান্য পীড়া হইলে চিকিৎসকের সাহায্য না লইয়া দেশীয় সামান্য ঔষধ দ্বারা রোগোপশম করিতেন। বঙ্গদেশের সামাজিক অবস্থা পরিবর্তনের সঙ্গে সঙ্গে প্রাচীনা গৃহিণীদিগের গার্হস্থ্য চিকিৎসা প্রণালীও অন্তর্হিত হইয়াছে। যাহা হউক চিকিৎসা অভাবে যে দুঃখ-পরিবার বর্গের অতান্ত কষ্ট হইয়াছে, তাহাতে কিছুমাত্র সন্দেহ নাই।

পাঠিকাগণ! তোমাদের মধ্যেও হয়ত কেহ কেহ ঔষধ পথ্য বিনা কষ্টভোগ করিতেছেন। এই দুঃখ হইতে মুক্ত হইবার জন্য কি তোমরা

চিন্তা কর না, কি উপায় অবলম্বন করিলে এই গুরুতর অভাব মোচন হইতে পারে? এবিষয়ে তোমাদের কি মত তাহা লিখিয়া প্রেরণ করিবে। আমাদের মত আমরা ক্রমে প্রকাশ করিতেছি।

১। পূর্বকালে প্রাচীনা গৃহিণীগণ দেশীয় ঔষধ দ্বারা যে সকল রোগের প্রতিকার করিতেন সেই সকল ঔষধ যত্ন পূর্বক শিক্ষা করিতে হইবে। ডাক্তারি চিকিৎসা ভিন্ন রোগোপশম হয় না ইহা মনে করা উচিত নহে। অনেক রোগীর ডাক্তারি চিকিৎসায় আরোগ্য লাভ দেখা যায় নাই, কিন্তু দেশীয় ঔষধে সম্পূর্ণ আরোগ্য লাভ হইয়াছে। দেশীয় ঔষধে রোগোপশম হওয়াই প্রার্থনীয়। বোধ হয় ঈশ্বরেরও ইহাই অভিপ্রায় যে, যে দেশে রোগ সেই দেশেই ঔষধ। রোগ বঙ্গদেশে, ঔষধ যদি ল্যাপল্যাণ্ডে থাকে তাহা হইলে যথাসময়ে উপযুক্ত ঔষধ পাওয়া অসম্ভব। যে সন্তান বঙ্গদেশে ভূমিষ্ঠ হয়, তাহার পানীয় দুগ্ধ ইংলণ্ডে থাকিলে যেমন তাহার জীবন সংশয় হয়, ঔষধ ভিন্নদেশীয় হইলেও রোগীর পক্ষে সেইরূপ জীবন সংশয় সন্দেহ নাই। যেখানে রোগ সেখানেই ঔষধ, যদি কোন কালে চিকিৎসাশাস্ত্র পূর্ণতা লাভ করে, তবে এই সত্য সকলেই হৃদয়ঙ্গম করিবেন।

আমেরিকাবাসী এক ব্যক্তি যক্ষ্মা রোগে মূর্খু প্রায় হইয়াছিল। কোন ডাক্তার তাহার আরাম করিতে পারিল না। তখন সেই রোগীর স্ত্রী বলিল যে, যেখানে রোগ সেখানেই ঔষধ; অতএব আমার উদ্যানেই তোমার ঔষধ আছে। ইহা বলিয়া সেই স্ত্রীলোক উদ্যানের প্রত্যেক তৃক পত্র সিদ্ধ করিয়া স্বামীকে সেবন করাইতে আরম্ভ করিল, তাহাতেই সেই যক্ষ্মারোগী সম্পূর্ণ আরোগ্য লাভ করিল। তখন ডাক্তারেরা পরীক্ষা করিয়া সেই ঔষধকে প্রশংসা করিলেন। সেই ঔষধের নাম “পেইনকিলার” (বেদনা-নাশক) রাখিয়া বিক্রয় করিয়া সেই রোগমুক্ত ব্যক্তি এখন বিপুল ঐশ্বর্য-শালী হইয়াছে। সেই “পেইনকিলার” এখন ভারতবর্ষেও বিক্রীত হইতেছে। অতএব দেশীয় ঔষধে অশ্রদ্ধা না করিয়া অন্ধা পূর্বক দেশীয় ঔষধ সংগ্রহ করিয়া সেবন করা কর্তব্য। এই জন্য বামাবোধিনীতে মধ্যে মধ্যে পরীক্ষিত সুলভ ঔষধের বিবরণ লেখা যায়।



২। যাঁহারা কিঞ্চিৎ ভাল রূপ লেখা পড়া শিখিয়াছেন, তাঁহারা কোন বিজ্ঞ লোকের নিকট বঙ্গভাষায় অনুবাদিত হোমিওপ্যাথিক্ চিকিৎসা পুস্তক অধ্যয়ন করুন, এবং তাহার সঙ্গে সঙ্গে ঔষধ ব্যবহার করিতে শিক্ষা করুন। আমরা সাহস পূর্বক বলিতে পারি হোমিওপ্যাথিক্ চিকিৎসা অল্পমাত্র শিক্ষা করিলেও তাঁহাদের দ্বারা বিশেষ উপকার হইবে।

৩। ডাক্তারের সাহায্য ব্যতীত যতটুকু ডাক্তারি চিকিৎসা জানিলে উপকার হয় তাহা জানা কর্তব্য। কথায় কথায় ডাক্তার না ডাকিয়া যাহাতে ডাক্তারি চিকিৎসার সাহায্য পাওয়া যায়, এরূপ শিক্ষা করা কর্তব্য। এজন্য আমরা মানস করিয়াছি যে, শিশুগণের এবং বামাগণের সামান্য সামান্য রোগের উৎকৃষ্ট পরীক্ষিত চিকিৎসা বামাবোধিনীতে নামে নামে প্রকাশ করিতে চেষ্টা করিব। যে সকল রোগ অত্যন্ত কঠিন, সে সকল রোগেরও লক্ষণ ও চিকিৎসা লিখিত হইবে।

এরূপ গার্হস্থ্য চিকিৎসা প্রণালী শিক্ষা করিতে পাঠিকাগণ অভিলাষিণী কি না তাহা জানিতে ইচ্ছা করি।

## ভারতবর্ষে ইংরাজদিগের অধিকার বিস্তার।

(৩৯০ পৃষ্ঠার পর)

ভারতবর্ষে বাণিজ্য করিবার জন্য ইংরাজদিগের দুইটী কোম্পানি স্থাপিত হয় পূর্বে বলা গিয়াছে। এই দুই বণিক্‌দল আড়াআড়ি করিয়া পরস্পরের ক্ষতি করাতে ১৭০২ অব্দের ২২এ জুলাই সর্বসম্মতিক্রমে একত্র সংমিলিত হইয়া যায় এবং তাহার নাম 'ইউনাইটেড কোম্পানী অব্ মার্চান্টস্ ট্রেডিং টু দি ইষ্ট' অর্থাৎ পূর্বাঞ্চলে বাণিজ্যকারী মিলিত বণিক্‌দল হয়। কোম্পানির নূতন বন্দোবস্ত হওয়াতে যাঁহাদের হস্তে তাহার কার্য চালাইবার ভার, সেই কোর্ট অব্ ডিরেক্টর্স সভারও নূতন বন্দোবস্ত হইল। দুই বণিক্‌দল হইতে সমান সংখ্যক ব্যক্তি ইহাতে মনোনীত হইলেন। এই সময় হইতে ভারতবর্ষে ইংরেজদিগের আধিপত্য স্থাপনের প্রকৃত সূত্রপাত বলিতে হইবে। ডিরেক্টর সভা নূতন

উৎসাহে উৎসাহিত হইয়া কলিকাতাকে অট্টালিকা ও প্রশস্ত রাস্তা প্রভৃতিতে সুসজ্জিত করিবার জন্য আজ্ঞা প্রদান করিলেন। দুর্গ নির্মাণ সম্পূর্ণ করিয়া তাহার চারিদিকে গড় কাটাইলেন এবং কামান স্থাপন করিলেন। এখন ইংরাজেরা এমন সবল হইয়া বসিলেন, যে নবাবের ছগলীস্ব সেনাপতি তাঁহাদিগের সহিত সামান্য কলহ করিয়া ভীত হইয়াছিলেন। এসময়ে কোম্পানীর কর্মচারীদিগের বেতনের যে ব্যবস্থা হইল, এখন তাহা শুনিলে হাসি পায়। প্রেসিডেন্ট অর্থাৎ কর্তা সাহেব মাসে ২৫০, কোর্টলের ৮ জনের প্রত্যেক সভ্য প্রায় ৩৩ টাকা, নিম্নস্থ বণিকেরা ২৫০ টাকা এবং কেরানীরা ২৥ টাকা করিয়া বেতন পাইবেন স্থির হইল। কিন্তু তাঁহাদের বাজে আয় এত ছিল যে কোম্পানির যৎসামান্য চাকরও চারি ঘোড়ার গাড়ী চড়িয়া বেড়াইতেন এবং তাহার আহার সময়ে নফত বাজিত! ইহাতে অল্পকাল মধ্যে কোম্পানির বাণিজ্যের কত জীবন্তি হইয়াছিল, বিলক্ষণ বুঝা যায়।

এই সময় হইতে ১৭৫৬ সালের পলাসীর যুদ্ধ পর্যন্ত প্রায় ৫০ বৎসর ইংরাজেরা বঙ্গদেশে নির্বিবাদে বাণিজ্য বিস্তার করেন, ইহার মধ্যে নবাবদিগের অর্থলালসা চরিতার্থ করিবার জন্য তাঁহাদিগকে যে কিছু কষ্ট পাইতে হইয়াছিল। কিন্তু ইংরাজেরা যেকোন টানা কনার লোক, ভয় মৈত্রতা দেখাইয়া কাঁকী দিবার পথ পাইলে ছাড়িতেন না। ১৭০২ অব্দে মুর্শিদ কুলিখাঁ নামে মুসলমান ধর্মাক্রান্ত এক ব্রাহ্মণ বঙ্গ দেশের দেওয়ান হইয়া ক্রমে বঙ্গ, বেহার ও উড়িষ্যা তিন সুরার নবাবী পদ পান। তিনি ইংরেজদের প্রতি ঈর্ষ্যান্বিত ছিলেন। তাঁহার অত্যাচারে উত্থিত হইয়া ১৭১৫ অব্দে ইংরাজেরা দিল্লীশ্বরের নিকট অস্থগ্ৰহ প্রার্থনা করেন। ইংরেজ দুঃগণ প্রায় নিরাশ হইয়া ফিরিয়া আসিতেছিলেন, এমন সময় নৌভাগ্যক্রমে একটী আশ্চর্য ঘটনা ঘটিল। যোধপুরের রাজা অজিত সিংহের কন্যার সহিত সত্রাট্ ফিরোক সিয়ানের বিবাহের কথা হয়, (১)

(১) আমরা মনে করি হিন্দুদিগের একশ্রেণী যখন অন্য শ্রেণীর সহিত বিবাহ বন্ধন করেন না, তখন ভিন্ন জাতির সঙ্গে তাহাদের আদান প্রদান নিতান্ত অসম্ভব। কিন্তু সূর্য্যবংশাবতঃম রাজপুতানার হিন্দুরাজগণ মুসলমান বাদশাহদিগের গৃহে কন্যাদান প্রথা প্রচলিত করিয়াছিলেন, ইহাতে তাহারা জাতিভ্রষ্ট হন নাই!



কিন্তু তাঁহার পীড়া কোন ক্রমে আরোগ্য না হওয়াতে তৎপক্ষে ব্যাঘাত ঘটে। এখন দুতদিগের মধ্যে হামিলটন নামে এক জন সার্জন ছিলেন, তিনি চিকিৎসাদ্বারা রোগ এককালে আরোগ্য করিলেন। তিনি কি পুরস্কার চান জিজ্ঞাসা করাতে ডাক্তার বাউটনের ন্যায় স্বদেশহিতৈষিতা প্রদর্শন করিলেন। যে সকল অনুগ্রহ লাভার্থে দূতগণ এতদিন সাধিতে-ছিলেন, তিনি তাহাই চাহিলেন এবং তৎক্ষণাৎ তাঁহার প্রার্থনা গ্রাহ হইল। ইহাদ্বারা ইংরাজেরা ৩০টি বিষয়ে অধিকার পান। তন্মধ্যে এই কয়েকটি প্রধান—যে সকল বাণিজ্য দ্রব্যের সঙ্গে প্রেসিডেন্টের ছাড়চিঠী থাকিবেক তাহা এদেশীয় কোন সরকারী কর্মচারী পরীক্ষা করিতে পারিবেন না; মুরসিদাবাদের টাঁকসালে সপ্তাহে তিন দিন কোম্পানির নামে টাঁকা মুদ্রিত হইবে; ইউরোপীয় বা এদেশীয় যে কোন ব্যক্তি কোম্পানির খাতক, তাহাকে প্রেসিডেন্ট সাহাবের হস্তে সমর্পণ করা হইবে; এবং ইংরাজেরা কলিকাতার চতুঃপার্শ্বে ৩৮টি নগর স্বৈচ্ছামতে ক্রয় করিতে পারিবেন। ডাক্তারী চিকিৎসার গুণে ইংরেজেরা দ্বিতীয়বার এইরূপ আশাতীত ফল অনায়াসে লাভ করিলেন। যদি নবাব প্রতিপক্ষ না থাকিতেন, ইংরেজেরা সম্রাটের নিকট যে সকল অধিকার পাইলেন, তাহাতে অচিরে অসীম ক্ষমতা ধারণ করিতেন সন্দেহ নাই।

## পতি সম্মুখবর্ত্তিনী কোন অনুতাপিত পত্নীর বিলাপ।

প্রাণ নাথ ! প্রাণ কেন করে এ প্রকার ।  
কি রোগ প্রবেশি হৃদি করে অধিকার ॥  
চিনিতে না পারি নাথ, একি রোগ হায় ।  
অন্তরে থাকিয়া রোগ অন্তর জ্বালায় ॥  
সুখের সামগ্রী সব হল বিষয় ।  
আনন্দ বিষাদে পূর্ণ একি বিপর্যয় ॥

রতন ভূষণ আর মহাই বসন ।  
সুস্বাদু আহার পান অমৃত তুলন ॥  
বিদ্যার মত্ততা আর ধনের গরিমা ।  
কত সুখ বিতরিত দিতে নাহি সীমা ।  
সুধাধবলিত সৌধ পরি করি বাস ।  
হৃদয়ে হইত মরি কতই উল্লাস ॥  
দুষ্ক-ফেণ-নিভ শয্যা, চামর ব্যজন ।  
সদত করিত মম হৃদয় রঞ্জন ॥  
দাস দাসীগণ সেবা কত তৃপ্তিকর,—  
আছিল আছিল মম হৃদে নিরন্তর ।  
নিজ কান্তি দেখি মন কত শান্তি পেত ।  
সুরূপা বলিয়া সবে আদর করিত ॥  
ভাবিতাম মনে মনে “আমি গুণবতী ।  
মম উপদেশে গুণী হল কত সতী ॥  
শিগ্গে সুনিপুণা আমি জানে সর্বজন ।  
কত লোক-কাছে হই প্রশংসা ভাজন ॥”  
ক্রোধ, লোভ, মোহ, মদ অহঙ্কার আদি ।  
কখন না ভাবি এরা মোর প্রতিবাদী ॥  
যত্ন করে ইহাদের রাখি হৃদি-ঘরে ।  
মনসুখে সেবিতাম পরম আদরে ॥  
বাহিরে ধার্মিকা বলে দিতে পরিচয় ।  
ভীত না হইত হৃদি থাকিত নির্ভয় ॥  
কপট সরল ভাব রাখি রমনায় ।  
ভুলাইতে ভগ্নীগণে না হত সংশয় ॥  
কপট ধর্মের বেশে হইয়া ভূষিতা ।  
বসিতাম তব পাশে হয়ে প্রফুল্লিতা ॥



দেখিয়া এ ভাব মোর বিষণ্ণ বদনে।  
 এই কথা দিবা নিশি বর্ষিতে শ্রবণে ॥  
 “হায় প্রিয়ে, মনে ভেবে দেখ ভাল করি।  
 তব হেতু কত শোক আমি হে সম্বরি ॥  
 কভু হতে পার যদি ধার্মিকা রমণী।  
 সম্ভাপ বিষাদ মম যুচিবে তখনি ॥  
 যখন সতীত্ব মণি বক্ষ-মণি জ্ঞানে।  
 দোলাতে পারিবে ধর্ম স্বর্গহার মনে ॥  
 তখন হে প্রণয়িনি! জানিবে নিশ্চয়,  
 বিশুদ্ধ প্রেমতরঙ্গে ভাসিব উভয় ॥  
 তা না হলে হৃদিশূল হৃদিতে রহিবে।  
 মনাগুণে চিরদিন জ্বলিতে হইবে ॥”  
 তখন এ বাক্য সুধা বিষের সমান।  
 জ্বলাত নিয়ত এই অভাগীর প্রাণ ॥  
 কিন্তু নাথ একি দেখি ভাব চমৎকার।  
 বাহারি আনার ছিল প্রীতির আধার ॥  
 তারাই এখন হয়ে শত্রুর মতন।  
 দুখানলে দিবা নিশি করিছে দাহন ॥  
 সুখ আশে, শান্তি আশে যাহাদের পাশে।  
 থাকিতাম অনুদিন গললগ্ন বাসে ॥  
 যতন করিয়া কত করি প্রাণ-পণ।  
 অনুক্ষণ যাহাদের তুষিতাম মন ॥  
 কেন না বিতরে শান্তি তারা এ সময়।  
 মাথা খাও বল নাথ বিদরে হৃদয় ॥

(ক্রমশঃ)।

## আদর্শ রমণী।

আমরা পূর্বে বলিয়াছি কমটি নামক এক ভুবন বিখ্যাত পণ্ডিত জগতের মধ্যে স্ত্রীলোককে আপনার উপাস্য দেবতা বলিয়া পূজা করিতেন এবং সকলকে তাঁহার অনুবর্তী হইতে উপদেশ দিয়া গিয়াছেন। একথা শুনিলে উক্ত পণ্ডিতকে বাতুল বলিয়া অনেকে হাস্য করিতে পারেন, কিন্তু তাঁহার বাক্যের মধ্যে যে গূঢ় অর্থ আছে তাহা বিবেচক ব্যক্তিমাত্রকেই স্বীকার করিতে হইবে। খৃষ্টানেরা পিতা ঈশ্বর, পুত্র ঈশ্বর এবং পবিত্র আত্মা, ঈশ্বরের এই ত্রিমূর্তি ভাবনা করেন, হিন্দুগণ ব্রহ্ম, বিষ্ণু, মহেশ্বর এই ত্রিবিধ ঈশ্বর স্বীকার করিয়া থাকেন। কমটি এ সকল দেবতা অস্বীকার করিয়াও এক প্রকার নূতন ত্রিমূর্তি স্থাপন করিয়াছেন। তিনি মাতা, ভার্যা ও দুহিতা এই তিন দেবতার উপাসনার বিধি দিয়াছেন। তিনি স্ত্রীজাতির প্রকৃতিতে মোহিত হইয়া এক্ষণ পুস্তলিকা স্বজন করেন সন্দেহ নাই। মাতা হইতে ভক্তি, ভার্যা হইতে প্রীতি ও দুহিতা হইতে স্নেহ, স্ত্রীপ্রকৃতির এই তিন ভাব দ্বারা হৃদয়কে প্রশস্ত ও উন্নত করিতে পারিলেই মানব হৃদয়ের পূর্ণ উন্নতি সাধন হইবে এই তাঁহার উদ্দেশ্য প্রতীত হয়। বস্তুতঃ ঈশ্বরের হস্ত হইতে যে সুন্দর পবিত্র স্ত্রীপ্রকৃতি ভূতলে অবতীর্ণ হইয়াছে, কোন্ ব্যক্তি না তাহার সমাদর করিবেন এবং তাহা হইতে শিক্ষা লাভ করিতে চেষ্টা করিবেন?

আমরা কোন প্রসিদ্ধ ইংরেজ লেখকের ভাব অবলম্বন করিয়া আদর্শ রমণী কি প্রকার, অর্থাৎ কিরূপ কন্যা, ভার্যা ও মাতা সাধারণের অনুকরণীয় তাহার একটী চিত্র এখানে প্রদর্শন করিতেছি, পশ্চাৎ এ বিষয়ের বিশেষ করিয়া আলোচনা করা যাইবে। বাঁহারা স্ত্রীগণকে বিলাসিনী ও পুরুষ-প্রকৃতি করা ইংরেজদিগের অভিপ্রেত বিবেচনা করেন, বর্তমান প্রস্তাব পাঠ করিয়া তাঁহারা আপনাদিগের ভ্রম সংশোধন করিবেন।

মানবজাতির পক্ষে গৃহই সুখশান্তির আশ্রয়, কিন্তু তাহা কেবল স্ত্রী-জাতির প্রভাবে। নারীগণ যদি গৃহ উজ্জ্বল না করেন তাহা হইলে গৃহ অন্ধকারময় ও দুঃখের আশ্রয় মাত্র হইয়া থাকে। গৃহিণী ব্যতীত গৃহ



শ্মশান তুল্য। যেখানে স্ত্রীলোক সেখানে সম্মেহ দৃষ্টি, স্মৃষ্টি ভাষা, সেবাতৎপর হস্ত, সহাস্য বদন এবং সান্ত্বনাকর হৃদয় সুখবর্ধন ও দুঃখ প্রশমন করিয়া থাকে, স্ত্রীলোক অভাবে এ সকলের কিছুই দৃষ্টিগোচর হয় না। বস্তুতঃ রমণীই পরিবারের আত্মা ও জীবন।

সুশীলা কন্যা বাল্যকালে পিতা মাতা হইতে যেরূপ স্নেহ লাভ করেন, তাঁহাদিগের বৃদ্ধ বয়সে তাঁহাদের প্রতি সেইরূপ স্নেহ কিসে প্রদর্শন করিবেন তাহারই জন্য ব্যস্ত হন। তাঁহার হৃদয়ের নববিকশিত প্রীতি পিতৃমাতৃ ভক্তিতে পরিণত হয়। পিতা মাতার প্রতি শ্রদ্ধাভক্তি করিতে তাঁহার যৌবনের শোভার কিছুমাত্র হ্রাস হয় না, প্রত্যুত তাঁহার প্রণয়ীর চক্ষে তাঁহার রূপ অধিকতর মনোহর হয়। যে শান্তশালা কন্যা গৃহের বাহিরে ভ্রমণ করিয়া বেড়ান না, তিনি আনন্দ ফেলিয়া রাখিয়া কর্তব্যে মনোনিবেশ করেন এবং কর্তব্য সাধনেই সুখ লাভ করেন। তিনি যে পরিণামে সুশীলা ভার্যা হইবেন তাহার সন্দেহ নাই।

মার্টিন লুথার বলিয়াছেন ধর্মশীল, প্রিয়দর্শন ও ঈশ্বর পরায়ণ ভার্যা ঈশ্বরের সর্বাপেক্ষা উৎকৃষ্ট দান। তিনি গৃহের প্রতি অনুরক্ত, তাঁহার স্বামী তাঁহার সহিত সমস্ত দিন সুখে যাপন করিতে পারেন এবং মনের সকল দুঃখ তাঁহার নিকট প্রকাশ করিতে পারেন। বাইবেলে বলে পরমেশ্বর আদি পিতা আদমকে বন্ধু না দিয়া ভার্যা দান করিয়াছিলেন এবং আদম অন্ধাঙ্গ স্বরূপ প্রণয়িনীকে পাইয়া সম্পূর্ণ সুখী হইয়াছিলেন। ভার্যা পুরুষের অতি উপকারী এবং বহু সান্ত্বনার স্থল। এই কুটীরের অভ্যন্তরে কি সূদৃশ্য একবার দর্শন কর। স্বামী শিল্প সাহিত্যের পুস্তকে পরিবেষ্টিত হইয়া অধ্যয়নে নিবিষ্টচিত্ত রহিয়াছেন। তাঁহার হস্তে লেখনী, এবং তিনি গভীর চিন্তায় নিমগ্ন, কিন্তু তাঁহার প্রেমসী তাঁহার প্রতি সতৃষ্ণনয়নে দৃষ্টিপাত করিয়া আছেন। পাছে তাঁহার মস্তিষ্ক কঠোর চিন্তায় প্রপীড়িত হয় এই ভয়ে কোমল করস্পর্শ দ্বারা তাঁহাকে দিবা স্বপ্ন হইতে জাগ্রত করিতেছেন এবং কিয়ৎক্ষণ অধ্যয়ন ক্রেশ হইতে বিরত হইবার জন্য স্মৃষ্টি স্বরে আহ্বান করিতেছেন। জাতিপি মহাত্মা সকেটিসকে যেরূপে জাগ্রত করিতেন, তিনি সেরূপ ভাব প্রকাশ করেন না, কিন্তু অতি

সুকোমল স্নেহ সহকারে একবার তাঁহাকে অধ্যয়ন ক্রেশে ক্ষান্ত হইতে অনুরোধ করিতেছেন। তিনি সাধ্বী স্ত্রী, অতি সামান্য বিষয়ে যত্নশীল। তিনি জানেন যে ক্ষুদ্র কারণেও মানব হৃদয় দূষিত হইতে পারে। মনুষ্যের গৃহ বহু স্বর্ণমুদ্রা অপেক্ষাও মূল্যবান। অনেক বিবাহ প্রাতঃকালীন মেঘ-রঞ্জিত আকাশের ন্যায় আপাততঃ দেখিতে অতি সুশোভন, কিন্তু তাহা আবার প্রভাত মেঘডঙ্কর ন্যায় অচিরে বিলীন হইয়া যায়। একরূপ হইবার কারণ কি? বিবাহের পূর্বে পরস্পরের সন্তোষ সাধনার্থ স্ত্রীপুরুষের যেরূপ যত্ন থাকে পরে সেরূপ থাকেনা; তাহারা সদ্যই তাহাদিগের প্রীতি তালিয়া দিয়া নিঃশেষ করেন। বিবাহের পর কল্যাণ ও পরশ্ব আছে তাহা ভুলিয়া যান, তাঁহারা বর্ষাকালের জন্য কাষ্ঠ সংগ্রহ করিয়া রাখিতে পারেন না। উপরে যে দম্পতির কথা বর্ণিত হইল তাহাদিগের ভাব এ প্রকার নয়। বিবাহের দিনে তাঁহাদিগের প্রণয় ব্রত উদ্‌যাপন না হইয়া আরম্ভ হয় এবং চিরজীবন তাহার সাধন চলিতে থাকে।

এইরূপ উৎকৃষ্ট ভার্যাই সর্বোৎকৃষ্ট মাতা হইবেন। চারিদিকে তাঁহার সন্তানগণ উপবিষ্ট। তাঁহার সর্ব কনিষ্ঠ কুমার দোলার উপর নিদ্রিত এবং তিনি নিজে ক্ষিপ্র হস্ত হইয়া সানন্দে পরিবারের সুখ সচ্ছন্দতার জন্য পরিশ্রমে ব্যস্ত। তাঁহার প্রত্যেক বাক্য বিজ্ঞতা ও দয়ার পরিচয় দেয়। তিনি গৃহস্থ সমস্ত ব্যক্তির তত্ত্বাবধান করেন, আপনি নিরাহার থাকিয়া অন্যকে আহার দেন এবং কদাচ আলস্যের অন্নগ্রাস গ্রহণ করেন না। সন্তানগণকে বিদ্যা, ধর্ম ও যশোভাগী করিবার জন্য তাঁহার প্রাণগত চেষ্টা। তাঁহার সন্তানেরা তাঁহার গুণ কীর্তন করেন এবং স্বামী ও তাঁহাকে হৃদয়ের সহিত ধন্যবাদ প্রদান করেন।

## হিন্দুদিগের বিবাহ প্রণালী।

হিন্দুজাতি বিবাহকে অতি পবিত্র ধর্ম কার্য বলিয়া বিবেচনা করিয়া থাকেন। ইহা ব্রাহ্মদিগের দশবিধ সংস্কারের প্রধান সংস্কার এবং শূদ্রদিগের একমাত্র সংস্কার বলিয়া নির্দিষ্ট। সকল হিন্দুশাস্ত্রকার



বিবাহকে যতদূর সাধ্য গম্ভীর ও পবিত্রবেশে সজ্জিত করিতে চেষ্টা পাইয়াছেন এবং পতি ও পত্নীর সম্বন্ধ কেবল আমরণ নয়, মরণোত্তরও স্থায়ী ইহা প্রতিপন্ন করিতে আয়াসের ক্রটি করেন নাই। বিবাহদ্বারা দম্পতি এক হৃদয় হইয়া যায়, তাহাদের পরস্পরের সন্তোষেই পরিবারের শান্তি ও কল্যাণ ইহা তাঁহারা বিলক্ষণ হৃদয়ঙ্গম করিয়াছিলেন। বিবাহবন্ধনে বদ্ধ হইয়া পতি পত্নীর এবং পত্নী পতির সুখে সুখী ও দুঃখে দুঃখী হইবেন, কেহ কাহাকে কোন বিষয়ে অতিক্রম করিবেন না, এজন্য বার বার উপদেশ দিয়াছেন। ‘পতিরেকো গুরুঃস্ত্রীণাং’ পতিই নারীদিগের একমাত্র গুরু এইরূপ উপদেশ দিয়া তাঁহারা পতিসেবা দ্বারা স্ত্রীদিগের প্রকৃতির কোমলতা রক্ষা করিবার প্রয়াস পাইয়াছেন, আবার ‘ধনেনবাস্না প্রেন্না’ ধন দ্বারা বস্ত্র দ্বারা প্রেমদ্বারা স্ত্রীগণকে আদর করিবার উপদেশ দিয়া স্বামীদিগকে পত্নী-সমাদর শিক্ষা দিয়াছেন। পতির সহিত পত্নীর কেবল শারীরিক সম্বন্ধ নয়, তাঁহার আর এক নাম সহধর্মিণী অর্থাৎ তিনি সকল ধর্মকার্যে পতির সহায়তা করিয়া থাকেন। হিন্দুদিগের মতে সস্ত্রীক ধর্মকার্যে যত ফল, অন্য প্রকারে ততদূর হইতে পারে না। পত্নীর সদগুণের উপর তাঁহাদের এতদূর আস্থা, যে সাধ্বী পত্নী আপনার গুণে ছুরাচার পতিকেও স্বর্গে উদ্ধার করিতে পারেন এইরূপ ব্যাখ্যা করিয়াছেন।

সকল দেশে ও সকল জাতি মধ্যে পুরুষদিগের প্রভুত্ব ও অধিকার অধিক দেখা যায়, হিন্দুদিগের মধ্যেও সেইরূপ পক্ষপাতিতা দৃষ্ট হইবে, আশ্চর্যের বিষয় নয়। পতি বিরোগ হইলে স্ত্রীদিগকে যেকোন বৈধব্য বেশ ধারণ করিয়া কঠোর ব্রহ্মচর্যের অনুষ্ঠান করিতে হয়, পত্নী মরিলে পতির তদ্রূপ কোন আচরণ নির্দিষ্ট নাই। পত্নী যেমন কোনক্রমে একাধিক স্বামীর পানিগ্রহণ করিতে পারিবেন না, পতিও একাধিক ভার্য্যা গ্রহণে অসমর্থ সেরূপ নিয়ম দৃষ্ট হয় না। তথাপি এক ভার্য্যাতে সন্তুষ্ট থাকা প্রকৃত শাস্ত্রীয় বাক্য এবং ভার্য্যাভাবে ভার্য্যান্তর গ্রহণ না করা শিষ্টাচার সম্ভব। হিন্দুজাতি অনেক পরিমাণে ভ্রষ্টাচারী হইয়া পড়াতে তাঁহাদিগের প্রচলিত আচার ব্যবহার মধ্যে অনেক কুসংস্কার ও দূষিত ভাব প্রবিষ্ট হইয়াছে। যাহা হউক হিন্দুশাস্ত্রোক্ত বিবাহ প্রণালীর মর্ম অনু-

ধাবন করিলে এই সার সংগ্রহ করিতে পারা যায় যে পতি ও পত্নী পরস্পরে পরস্পরকে পাপপথ হইতে ধর্মপথে লইয়া যাইবার জন্য দায়ী, বিবাহ গার্হস্থ্যশ্রমকে ধর্মক্ষেত্রে পরিণত করিবার প্রধান নোপান।

হিন্দুশাস্ত্রে অষ্টবিধ বিবাহের উল্লেখ আছে, সংক্ষেপে তাহার বৃত্তান্ত লিখিত হইতেছে :—

“ব্রাহ্মদৈবস্তথৈবার্ষঃ প্রাজাপত্য স্তথা সুরঃ।

গান্ধর্বো রাক্ষসশ্চৈব পৈশাচশ্চাষ্টমাধমঃ ॥ মনুঃ ॥

ব্রাহ্ম, দৈব, আর্ষ, প্রাজাপত্য, আসুর, গান্ধর্ব, রাক্ষস ও পৈশাচ এই অষ্ট প্রকার বিবাহ, তন্মধ্যে অষ্টম পৈশাচ অধম।

ব্রাহ্মোবরায় আহুয় দীয়তে শত্ৰুলঙ্ঘতা।

যজ্ঞস্থায়ান্ত্রিজৈদৈব আদায়ার্ষস্ত গোয়ুগম।

চরতাং ধর্মমিত্যুক্ত্য সহ যা দীয়তেহর্থিনে,

সকায়ঃ পাবয়েত্তজ্জ বড় বংশ্যাংশচ সহান্ননা।

আসুরো দ্রবিণাদানাদ্ গান্ধর্বঃ সময়ামিথঃ।

রাক্ষসো যুদ্ধ হরণাং পৈশাচঃ কন্যাকাঙ্ক্ষাং ॥ যাজ্ঞবল্ক্যঃ ॥

যথাশক্তি কন্যাকে অলঙ্ঘিত করিয়া বরকে আস্থানপূর্বক যে কন্যাদান তাহার নাম ‘ব্রাহ্মবিবাহ’। যজ্ঞে প্ররত্ত ব্রাহ্মণকে কন্যাদান ‘দৈববিবাহ’। এক স্নম ও গবী ধর্মার্থে গ্রহণ পূর্বক কন্যাদান ‘আর্ষ’। ‘উভয়ে মিলিয়া ধর্ম কর্ম কর’ ইহা কহিয়া কন্যার্থিকে কন্যাদান ‘কায় বা প্রাজাপত্য’; তাহাতে আপনার সহিত ছয় পুরুষ পবিত্র হয়। ধনদান দ্বারা যে বিবাহ কৃত হয় তাহার নাম ‘আসুর’, মৈথুনেচ্ছায় বর ও কন্যার স্ব স্ব ইচ্ছাক্রমে যে বিবাহ তাহা ‘গান্ধর্ব’, যুদ্ধ করিয়া বলপূর্বক কন্যা হরণ ‘রাক্ষস’ এবং ছলে কন্যাগ্রহণ পৈশাচ বিবাহ।

চত্বারো ব্রাহ্মণস্যাদ্যা রাজ্ঞো গান্ধর্ব রাক্ষসৌ।

আসুরো বৈশ শূদ্রাণাং, পৈশাচঃ সর্বগহিতঃ ॥ যাজ্ঞবল্ক্যঃ ॥

প্রথম চারি বিবাহ ব্রাহ্মণের, গান্ধর্ব ও রাক্ষস বিবাহ ক্ষত্রিয়ের, আসুর বিবাহ বৈশ্য ও শূদ্রের বিধেয়, পৈশাচ বিবাহ সকলেরই পক্ষে নিন্দনীয়।



এক্ষণে শিষ্ট সমাজে ব্রাহ্মবিবাহই প্রচলিত; প্রায় সকলেই যথাশক্তি কন্যাকে অলঙ্কৃত করিয়া বরকে আস্থান পূর্বক কন্যাদান করেন। আঙ্গুর, গান্ধর্ব ও রাক্ষসাদি বিবাহ ইতরদিগের মধ্যে ব্যবহৃত হয়, কিন্তু তাহা সাধারণতঃ ঘৃণিত।

(ক্রমশঃ)।

### কুসংস্কার।

গ্রীস দেশীয় পণ্ডিত ডায়োগোরস স্বদেশীয় দেবদেবীর অর্চনা গ্রাহ্য করিতেন না। সাগর দেব নেপচুনের পুরোহিতের সহিত একদা তাঁহার ঘোর বিতণ্ডা উপস্থিত হয়। পুরোহিত প্রথমে নানা প্রকার তর্ক ও প্ররোচন বাক্য দ্বারা পণ্ডিতের মন পৌত্তলিক পূজায় আকৃষ্ট করিবার চেষ্টা পাইলেন। পণ্ডিত সে সমুদায় তর্ক খণ্ডন করিলেন। পুরোহিত অবশেষে নিজ ইচ্ছদেব কিরূপ জাগ্রত দেখাইবার জন্য তাঁহাকে দেবমন্দিরে আনয়ন করিয়া একে একে নানাবিধ রজত কাঞ্চনের পূজোপহার দেখাইতে লাগিলেন। একস্থানে যে সকল জলযাত্রীরা ঘোর সামুদ্রিক বিপৎপাতে বিলোড়িত হইয়া কেবল এই দেবের রূপাবলে প্রাণরক্ষা করিয়াছিল তাহাদিগের চিত্রপট প্রদর্শন করিয়া পুরোহিত কহিলেন, পণ্ডিতবর! দেখুন দেখি এতদপেক্ষা সাগর দেবের রূপাবলের আর কি প্রত্যক্ষ প্রমাণ পাইতে পারেন? ইহাতে কি আপনি স্বীকার করেন না এই উপাস্য দেবতা বাস্তবিক জাগ্রত? পণ্ডিতবর চতুরতার সহিত তাহার উত্তর দিলেন, পূজ্য পুরোহিতবর! আমি সমুদায় স্বীকার করি; কিন্তু আপনি আমাকে দেখান দেখি যে সকল লোক সাগরদেবের মাননা করিয়া প্রাণ হারা-ইয়াছেন তাহাদিগের চিত্রপট কোথায়? তাহাদিগের চিত্রফলক থাকিলে আমিও দেখাইতে পারিতাম যে রক্ষিতদিগের সংখ্যা অরক্ষিতদিগের সংখ্যা অপেক্ষা অনেক ন্যূন। অতএব রক্ষিতজনগণ যে কেবল দেবের রূপাবলেই বিপদমুক্ত হইয়াছেন কিরূপে স্বীকার করা যাইতে পারে? এস্থলে ডায়োগোরস যে প্রকৃত বিজ্ঞের ন্যায় কথা কহিয়াছিলেন তাহা বলা বাহুল্য মাত্র। বাস্তবিক কোন বিষয় পুঙ্খানুপুঙ্খ রূপে বিবেচনা করিতে গেলে

তাহার ভাল মন্দ উভয়দিকই দেখা উচিত। এক দিকে যেমত অল্পকুল দৃষ্টান্ত সিদ্ধান্তের সহায়তা করিতেছে, অন্য দিকে প্রতিকূল দৃষ্টান্ত সমভাবে সমতের সাক্ষ্য প্রদান করিতেছে। বিচক্ষণ বিচারপতিগণ ছুই দিকের সাক্ষ্য গ্রহণ করিয়া তবে ব্যবস্থা দিয়া থাকেন।

মোকদ্দমাম্বলে যখন বাদী প্রতিবাদী ছুই পক্ষ উপস্থিত হয়, তখন প্রত্যেকেই আপন আপন পক্ষের এমন অল্পকুল যুক্তি প্রয়োগ করে, যে তাহার বাক্য সম্পূর্ণ সত্য ও অখণ্ডনীয় বলিয়া বোধ হয়। বিচারক সূচতুর না হইলে হতবুদ্ধি হইয়া যান এবং বাহার সাক্ষ্য শেষে লন তাহাকেই হয়ত জয়ী করিয়া দেন। কিন্তু সূক্ষ্মদর্শী বিচারপতিগণ প্রত্যেক পক্ষের প্রতিকূল যুক্তি ধরিয়া অতি জটিল বিষয়েরও সীমাংসা করিয়া ফেলেন। কোন জনীদার যদি অধিকারস্থ সকল লোককে হস্তগত করিয়া এক ব্যক্তির প্রাণ-সংহার করে, সহস্র ব্যক্তি তাঁহার স্বপক্ষেই বলুক, একব্যক্তি বিপক্ষে বলিলেই তাহার বাক্য অধিক বিবেচনা যোগ্য হইবে। এই কারণ একটী প্রতিকূল দৃষ্টান্ত শত শত অল্পকুল দৃষ্টান্ত অপেক্ষাও অধিক প্রমাণস্থল। যতক্ষণ পর্যন্ত না সেই একমাত্র প্রতিকূল দৃষ্টান্তের সম্যক কারণ প্রকাশিত হয় ততক্ষণ কিছুই স্থির সিদ্ধান্ত হইতে পারেনা। বিজ্ঞান শাস্ত্রের আলোচনায় পণ্ডিতেরা যে দিন অবধি এইরূপ বিচারের পথ অবলম্বন করিয়াছেন, সেই দিন হইতে ইহার মহোন্নতির সূত্রপাত হইয়াছে। পৃথিবীর অন্ত নাই বলিয়া হাজার যুক্তি দেখাও বিফল হইবে, কেন না সূর্য্য পশ্চিমে অস্ত গিয়া পূর্ব্বদিকে উদয় হইতেছে এই একটী প্রতিকূল দৃষ্টান্তও বর্তমান রহিয়াছে। পণ্ডিত-প্রধান বেকন এইরূপ যুক্তিদ্বারা বিজ্ঞানশাস্ত্রের সকল বিষয় পরীক্ষা করিবার উপদেশ দিয়াছেন।

অনেকে বিচারস্থানে ও বিজ্ঞান আলোচনায় প্রতিকূল যুক্তি অবলম্বনের উপকারিতা স্বীকার করেন, কিন্তু ধর্ম্মবিষয়ে কেবল অল্পকুল যুক্তি ধরিয়া চলিয়া থাকেন। কতব্যক্তি হাঁচি টিক্ টিকি পাড়িল কার্য্য অসিদ্ধি স্থির করেন, একটী পাথর বাটী হঠাৎ ভাঙ্গিয়া গেলে বাটির অমঙ্গল চিন্তায় ব্যাকুল হন, সন্তানের পীড়া হইলে জল পড়াইয়া পান করাইয়া দেন, এবং প্রাতঃকালের কুসপ্ন দেখিলে বিপৎপাতের আশঙ্কা করেন।



ইহার কারণ জিজ্ঞাসা করিলে তাঁহারা বলেন, অনেকের ইহা হইতে এই রূপ ফল হইয়াছে, অতএব আমার ভাগ্যেও ঘটতে পারে। কিন্তু অনেকের যে আবার সেরূপ হয় নাই এবং কোন্ কার্যের প্রকৃত কারণ কি, তাহা তাঁহারা বিবেচনা করেন না। এইরূপ বিশ্বাস ধর্ম সম্বন্ধীয় সকল কুসংস্কারের মূল এবং অনেক বিজ্ঞ ব্যক্তিও তাহার হস্ত হইতে মুক্ত নহেন।

কিন্তু স্ত্রীজাতি প্রচলিত ধর্মভ্রম ও কুসংস্কারাদির দুর্গ স্বরূপ। তাঁহারা আবহমান কাল এই সকল ভ্রান্তির উত্তরাধিকারিণী হইয়া আসিতেছেন। তাঁহাদিগের প্রণীত 'মেয়েলি শাস্ত্র' যাহাকে বলা যায়, তাহার অধিকাংশই কেবল কুসংস্কারের খেলা মাত্র। তাহা যত আলোচনা করা যায়, ততই হাস্য ও ক্ষোভের উদয় হয়। স্ত্রীলোকদিগের একরূপ দুর্গতির কারণ কি? স্বভাবতঃ তাঁহাদিগের বিশ্বাস-বৃত্তি প্রবল। তাহা সত্য না পাইলে কল্পনাকে আশ্রয় করে, সুতরাং কাল্পনিক ব্যাপার সকল তাঁহাদিগের নিকট অশ্রান্ত সত্য বলিয়া প্রকাশ পায়। তাহার উপর যদি বুদ্ধি শক্তির চালনা না হয়, সে বিশ্বাসের মূল কি, কতদূর তাহা সঙ্গত বা অসঙ্গত বিবেচনা করিবার সাধ্য থাকে না, সুতরাং কুসংস্কার দূর হইয়া যায়, তাহা দূর করে কাহার সাধ্য! অদ্ভুত ও অলৌকিক ঘটনা সকল শ্রবণ করিলে স্ত্রীলোকেরা অগ্রে তাহা বিশ্বাস করেন। সামান্য উপায়ে কেহ কোন অসম্ভব কার্য সম্পন্ন করিয়াছে শুনিলে স্ত্রীলোকেরা আস্থাपूर्কক তাহারও উপর নির্ভর করেন। এইরূপে কতজন হতসর্কস্ব ও গত-জীবন হইয়াছেন, তথাপি কুসংস্কার পরিভাগ করেন নাই। কুসংস্কার-মূলক কার্য সকলের শত শতবার কোন ফল প্রত্যক্ষ না হইলেও তাহাতে তাঁহাদের বিশ্বাসের ক্রটি হয় না। যদি সহস্র বার কার্য করিয়া একবার একটী অনুকুল দৃষ্টান্ত পাইলেন, তাহাতেই তাঁহারা জয়োল্লাস করিয়া সহস্র প্রতিকূল দৃষ্টান্ত অগ্রাহ করেন। যাহারা যথার্থ বুদ্ধিমতী ও সত্য-পরায়ণা, তাঁহারা প্রচলিত কুসংস্কারের দাস হইয়া চলিবেন না, তাহার অনিষ্টকারিতা দেখিয়া প্রতিকূল দৃষ্টান্ত দ্বারা আপনাদিগের বিশ্বাস সকলের পরীক্ষা করিতে আরম্ভ করুন, কত সংস্কারের অসারতা দেখিতে পাইবেন এবং সত্য জ্যোতি তাঁহাদিগের হৃদয় সমুজ্জ্বল করিতে থাকিবে।

## নূতন সংবাদ।

১। ১৩ ই অক্টোবর শুক্রবার রাণী স্নর্গময়ীর বাটীতে এক বৃহতী সভা হইয়া তাঁহাকে "মহারানী" উপাধি প্রদান করা হইয়াছে। সভাস্থলে তৎপ্রদেশের যাবতীয় ইউরোপীয় প্রধান প্রধান কর্মচারী, রাজা, মহাজন ও তালুকদার, তন্ত্রিণ বর্দ্ধমান ও কলিকাতারও অনেক ভদ্রলোক উপস্থিত ছিলেন। কমিসনর প্রথমে রাণীর বদান্যতা বিষয়ে একটী সুন্দর বক্তৃতা করেন। একরূপ সম্মান প্রদানস্থলে সচরাচর খেলোয়াত দেওয়া হইয়া থাকে, কিন্তু স্ত্রীলোক বলিয়া এস্থলে তাহা হয় নাই। পারস্য ভাষায় লিখিত এক খানি সনন্দ পাঠ করিয়া উহা বাঙ্গালা ভাষায় বুঝাইয়া দিয়া রাণীর হস্তে প্রদান করা হয়। কমিসনরের আসনের ২৩ হস্ত মাত্র দূরে রাণী যবনিকার অন্তরালে উপবেশন করিয়াছিলেন। রাণী সনন্দ গ্রহণান্তর সকলে শুনিতে পান একরূপ স্পষ্ট ও উচ্চৈঃস্বরে বলিলেন "তিনি প্রশংসা বা পুরস্কার লাভের নিমিত্ত অর্থদান করেন না, লক্ষ্মীনারায়ণ এবিষয়ে তাঁহার প্রবৃত্তি জন্মাইয়া দেন।" সোম প্রকাশ।

২। এডুকেশন গেজেটে এক ব্যক্তি লিখিয়াছেন, "বীরভূম জেলার অন্তঃপাতী ইলামবাজারের সন্নিকট ধল্লা নামক পল্লিগ্রামে জনৈক নীচ-জাতীয় স্ত্রীলোক সন্তান প্রসবানন্তর পীড়াক্রান্ত হয় এবং সেই পীড়ায় তাহার মৃত্যু স্থির করিয়া বন্ধুবান্ধবেরা তাহাকে শ্মশানে লইয়া গিয়াছিল। অনন্তর অন্তোষ্টিক্রিয়ার উদ্যমকালে স্পন্দন অনুভব করিয়া বাহকেরা বন্ধনমোচন করিলে সে বারিপান অভিলাষে মুখব্যাদান করায় বারি-প্রদান করিলে পর জীবন প্রাপ্ত হইয়া উঠে।" কত লোক অসাবধানতা প্রযুক্ত জীবন থাকিতে মৃত্যু-গ্রাসে পতিত হয়!!

৩। বরাহনগরে একটী অসবর্ণ বিধবাবিবাহ ব্রাহ্মমতে সম্পন্ন হইয়াছে। বর রিসড়া-নিবাসী হীরালাল লাহা, বয়স প্রায় ৪০ বৎসর। পাত্রী ব্রাহ্মজাতীয়া, বয়স ৩০ বৎসর।

৪। নর্মাণের হত্যাকারী আব-দুল্লার ফাঁসী হইয়া গিয়াছে।

৫। ২৭ অগ্রহায়ণ মঙ্গলবার বেলা প্রায় ৮টার সময় একটী সূর্য্যগ্রহণ হইয়াছে। ইহার স্থিতি ১১টা পর্য্যন্ত ছিল। ঐ দিবস রাত্রে দুইবার ভূমিকম্প হয়।



৬। বিলাতে মধ্যে ওলাউঠার অত্যন্ত প্রাদুর্ভাব হয়, তাহাতে অন্যান্য স্থান অপেক্ষা বাস্মিংহাম্ নগরের অল্পক্ষতি হয়। ঐ স্থানের অধিকাংশ লোক পিতল ও তাঁবার কাজ করে। তাঁরা ওলাউঠার একটী মহোৎসব, অনেক চিকিৎসক সিদ্ধান্ত করিয়াছেন। ১৮৬৪ ও ৬৫ অব্দে পারিসের ভয়ঙ্কর ওলাউঠায় পিতল ও তাম্র ব্যাসায়ীদিগের হাজার করা ৬ জন মরিয়াছে কোথায় কোথায় মূলেই তাহাদের ওলাউঠা হয় নাই। যেখানে ওলাউঠা হয়, শরীরে কোনপ্রকার তাম্র ধারণ করা প্রত্যেকের পক্ষে উচিত।

### বাম্বাগণের-রচনা।। (১)

#### সন্ন্যাসীর উপাখ্যান।

ছিলেন কাননে এক সন্ন্যাসী সুজন।  
শৈশব হইতে তাঁর তপস্যাতে মন ॥  
স্থবির হয়েছে মুনি শুভ্র বর্ণকেশ।  
দেখিলে স্তম্ভিত হয় দেবতা বিশেষ ॥  
পবিত্র ধার্মিক অতি সেই তপোধন।  
ফল মূল মাত্র তিনি করেন ভোজন ॥

(১) লেখিকা “Pernell's Hermit” পার্ণেল্ হার্মিট্ নামক প্রসিদ্ধ ইংরাজী কাব্যের গল্পটী তাঁহার স্বামীর নিকট শুনিয়া এই দীর্ঘ পদ্যটী রচনা করেন। মূলের প্রায় সকল

যত কাঠুরেরা যায় কাষ্ঠ আহরণে।  
দেখে এক মুনি সদা বসে যোগাসনে ॥  
সংসারেতে হিতাহিত যাহা কিছু হয়।  
কাঠুরেরা তথা সব সন্ন্যাসীরে কর ॥  
কেহ বলে কালি এক দাতার বাটীতে।  
সর্ব্বম্ব লইয়া চোরে গেছে যামিনীতে ॥  
কেহ বলে ধার্মিকের একটী নন্দন।  
মরে গেলে শোকে সাধু করিছে ক্রন্দন ॥  
কেহ বলে আছে এক পাপী দুরাচার।  
সুখের সাগরে মূঢ় দিতেছে সাঁতার ॥  
শুনিয়ে এসব কথা মুনি মনে করে।  
তবেকি ঈশ্বর নাই ত্রিদিব উপরে ॥  
আমি জানি ঈশ্বরের যথার্থ বিচার।  
তবে কেন শুনি সদা এত অত্যাচার ॥  
এইরূপে তপোধন ভাবিতে ভাবিতে।  
স্থির করিলেন যাই পৃথিবী ভুমিতে ॥  
কানন হইতে মুনি বাহির হইয়া।  
ধীরে ধীরে চলিলেন ঈশ্বরে মরিয়া ॥  
অটী হইতে করে নগরে গমন।  
পথে এক যবা সঙ্গে হয় দরশন ॥  
দেখিতে সুন্দর অতি যুবা মহাশয়।  
দেবতা সমান তাঁরে দেখে বোধ হয় ॥

সার কথা ইহাতে আছে, কিন্তু স্থানে স্থানে বর্ণনার অনেক বৈলক্ষণ্য দৃষ্ট হইবে। এই রচনাটী যে সরল ও অনর্গল হইয়াছে তাহা পাঠ করিলেই প্রতীয়মান হয়। ইহাদ্বারা লেখিকার আশ্চর্য্য স্মরণশক্তি ও কবিত্বশক্তি প্রকাশ পাইতেছে। এই তাঁহার প্রথম প্রকাশ্য লেখা, অধিকতর প্রশংসার বিষয় বলিতে হইবে।

তপস্বী যুবা তথা হয় পরিচয়।  
যুবক কহিছে “কোথা যাবে মহাশয়?”  
মুনি বলে “চিরদিন থাকি তপোধনে।  
সংসারেতে যাহা হয় জানিব কেমনে ॥  
তাই বাছা এত দিনে করেছি মনন।  
সংসার ভ্রমণে তাই করেছি গমন” ॥  
শুনিয়া যুবক কহে “শুন তপোধন।  
আজ্ঞা হলে তব সঙ্গে করি পর্য্যটন” ॥  
মুনি বলে “চল তবে গিয়া দুই জনে।  
রজনী করিব বাস কাহার ভবনে” ॥  
এইরূপে দুই জনে ভ্রমিতে ভ্রমিতে।  
পাইলেন অট্টালিকা উত্তম দেখিতে ॥  
শোভাকরে বড় বড় দ্বার বাতায়ন।  
অসুর সমান দ্বারে দ্বারপালগণ ॥  
তপস্বী বলেন চল ইহার ভিতর।  
বাত্রিবাস করে প্রাতে যাইব সত্তর ॥  
দ্বারের নিকটে গিয়া কহে দ্বারীগণে।  
দ্বার ছাড়ি দেহ বাপু অতিথি দুজনে ॥  
শুনি এক দ্বারী গেল জিজ্ঞাসা করিতে।  
গৃহকর্ত্তা কহিলেন ভিতরে আনিতে ॥  
যুবক তপস্বী পরে গেলেন ভিতর।  
গৃহকর্ত্তা করিলেন বহু সমাদর ॥  
অনুমতি করিলেন সেবকে ডাকিয়া।  
পদ ধুয়াইয়া দেহ গালিচা পাতিয়া ॥  
সোণার ঝারিতে জল আনি ভূত্যগণ।  
দুই পৃথিকের পদ করে প্রক্ষালন ॥  
আর এক ভূত্য আসি করিয়া যতন।  
বসিতে বলিল তথা পাতিয়া আসন ॥  
গালিচা উপরে বসি যুবা তপোধন।  
গৃহকর্ত্তা সঙ্গে করে কথোপকথন ॥

আহারের আয়োজন করিয়া বিস্তর।  
ভোজন করিতে দিল করি সমাদর ॥  
স্বর্ণ থালে রুটী দিল যতন করিয়া।  
উত্তম মদিরা দিল গেলাস ভরিয়া ॥  
মধুর মেণ্ডরি ফল রাখে খরে খরে।  
সোণার গেলাসে জল আনিদিল পরে ॥  
আহার করিয়া শেষে যুবা তপোধন।  
উত্তম পর্য্যাক্ষে গিয়া করিল শয়ন ॥  
সুখেতে যামিনী বাস করিয়া সেখানে।  
প্রভাত হইল দেখি উঠে দুই জনে ॥  
কর্ত্তার নিকটে গিয়া কহে মুণিবর।  
“প্রভাত হয়েছে মোরা যাইব সত্তর” ॥  
কহিলেন গৃহ স্বামি করিয়া বিনয়।  
“আহার করিয়া কিছু যাহ মহাশয়” ॥  
শুনিয়া তাঁহার কথা কহে তপোধন।  
“প্রভাতে আহারে আর নাহি প্রয়ো-  
জন” ॥  
শুনি গৃহকর্ত্তা তাঁহাদের প্রতি কয়।  
“ইহা না করিলে দুঃখ হবে অতিশয়” ॥  
এতবলি গৃহকর্ত্তা করি আয়োজন।  
কাল-যোগ্য দিল কিছু করিতে ভোজন ॥  
সোণার গেলাসে জল আনিদিল পরে।  
সোণার বাটীতে জুরা দিল যজ্ঞ করে ॥  
আহার করেন শীঘ্র যুবা মুনিবর।  
স্বর্ণ বাটী চুরী যুবা করিল সত্তর ॥  
গোপনে লইয়া বাটী পকেটে রাখিল।  
চুরী করিয়াছে যুবা কেহ না দেখিল ॥  
ভোজন হইলে সাঙ্গ যুবা তপোধন।  
বিদায় লইয়া শীঘ্র করিল গমন ॥  
অট্টালিকা হতে যুবা বহুদূর গিয়া।  
মুনিরে দেখান বাটী বাহির করিয়া ॥



দেখিয়া সোণার বাটী মুনি মনে করে।  
 কেন আনিলাম সঙ্গে এহেন পামরে ॥  
 এতকরে আমাদের যতন করিল।  
 যতনের ফল তার উত্তম ফলিল ॥  
 তপস্বী যুবাব প্রতি কিছু না বলিয়া।  
 চলে যান পরমেশে স্মরণ করিয়া ॥  
 এইরূপে দুই জনে করেন গমন।  
 অকস্মাৎ মেঘাচ্ছন্ন হইল গগন ॥  
 ঘন ঘন সৌদামিনী হতেছে তখন।  
 সন্দের গমন করে যুবা তপোধন ॥  
 মেঘ দেখি দুইজনে ভাবিত হইল।  
 ছড় ছড় শব্দে বৃষ্টি পড়িতে লাগিল ॥  
 অতি কষ্টে দুইজনে করেন গমন।  
 দেখিলেন হর্ম্য এক নিকটে তখন ॥  
 বাড়ির দেওয়াল উচ্চ নাহি বাতায়ণ।  
 দেখিলেই বোধ হয় কৃপণ ভবন ॥  
 তাহার ভিতরে যান করিতে প্রবেশ।  
 দ্বার বন্ধ রহিয়াছে দেখিলেন শেষ ॥  
 উচ্চৈঃস্বরে দুইজনে ডাকিতে লাগিল।  
 কতক্ষণ পরে আসি দ্বার খুলে দিল ॥  
 ভিতরে প্রবেশ করে যুবা তপোধন।  
 গৃহকর্ত্তা উভয়েরে জিজ্ঞাসে তখন ॥  
 “কিজন্য ডাকিতে ছিলে তোমরা দুজনে।  
 কিবা মনে করে বলো এসেছ এখানে” ?  
 শুনিয়া তাহার কথা কহে তপোধন।  
 “বৃষ্টিতে হয়েছে আদু সকল বসন ॥  
 দুই খানি বস্ত্র দেহ ছাড়িয়া ফেলিব।  
 কিঞ্চিৎ খাবার দেহ উভয়ে খাইব” ॥  
 শুনিয়া কৃপণ কহে নাহিক বসন।  
 খাবার দিতেছি কিছু করহ ভোজন ॥

পোড়া রুটী টক সুরা আনিয়া কৃপণ।  
 কহিল আহার করে করহ গমন ॥  
 যাহা দিল তাহা লয়ে আহার করিয়া।  
 উঠিল দুজনে শীঘ্র যাইব বলিয়া ॥  
 যাইবার কালে যুবা গিয়া শীঘ্র কোরে।  
 সোণার বাটীটা দিল কৃপণের করে ॥  
 দেখিয়া সন্ন্যাসী মনে ভাবিছে তখন।  
 চুরী করা বাটী এরে করিল অর্পণ ॥  
 এত যত্ন আমাদের যে জন করিল।  
 তার বাটী চুরী করে কৃপণেরে দিল ॥  
 তথাপি যুবাকে মুনি কিছু না বলিল।  
 কৃপণের গৃহ হতে বাহির হইল ॥  
 বাহির হইয়া শীঘ্র যুবা তপোধন।  
 পূর্ব মত দুই জনে করেন গমন ॥  
 যুবকতপস্বী পরে যাইতে যাইতে।  
 অস্ত্রে গেল দিন মণি দেখিতে দেখিতে ॥  
 দেখিয়া নিকটে এক গৃহস্থ ভবন।  
 তথায় গমন করে যুবা তপোধন ॥  
 ছোট খাঁট বাড়ি খানি পরিষ্কার অতি।  
 দেখিলেই বোধ হয় গৃহস্থ বসতি।  
 দেখিয়া গৃহের কর্ত্তা যুবা তপোধনে।  
 সমাদর করিলেন আনি নিকেতনে ॥  
 কহিলেন “আজি মম সৌভাগ্য হইতে।  
 তোমাদের পদ ধূলি পড়িল বাড়িতে” ॥  
 বসিতে আসন দিয়া কহে সমাদরে।  
 আসিয়াছ যদি তবে বসো দয়া করে ॥  
 বসেন আসন পরি যুবা তপোধন।  
 গৃহ কর্ত্তা জিজ্ঞাসিল “কোথায় গমন” ॥  
 শুনিয়া তাহার কথা কহে দুই জনে।  
 গমন করেছি মোরা পৃথিবী ভ্রমণে ॥

রজনী হইল অতি ভ্রুমিতে ভ্রুমিতে।  
 আসিলাম ভাই মোরা তোমার বাটীতে’ ॥  
 শুনিয়া গৃহের কর্ত্তা উঠিয়া সন্দের।  
 খাদ্য দ্রব্য আয়োজন করিল বিস্তর ॥  
 উত্তম উত্তম দ্রব্য আনিয়া যতনে।  
 ভোজন করিতে দিল যুবা তপোধনে ॥  
 বসিলেন দুইজনে ভোজন করিতে।  
 গৃহকর্ত্তা সঙ্গে কথা কহিতে কহিতে ॥  
 আহার হইলে স্নান উভয়ে উঠিয়া।  
 গৃহকর্ত্তা নিকটেতে বসিলেন গিয়া ॥  
 বহুক্ষণ করিলেন ধর্ম্ম আলাপন।  
 উঠিলেন পরে সবে করিতে শয়ন ॥  
 তপস্বী যুবক গিয়া শয়ন করিল।  
 গৃহকর্ত্তা তাঁহাদের নিকটে শুইল ॥  
 শয়ন করিয়া দেখে সন্ন্যাসী যুবক।  
 নিকটে শুইয়া আছে একটা বালক ॥  
 দেখিল যখন সবে নিদ্রিত হইল।  
 উঠিয়া যুবক সেই বালকে মারিল ॥  
 গলাটা টিপিয়া মেরে করিল শয়ন।  
 দেখিলেন মাত্র তাহা সেই তপোধন ॥  
 তপস্বী ভাবিছে মনে একি সর্কনাশ।  
 কেমনে পাণ্ডীষ্ট শিশু করিল বিনাশ ॥  
 মারিল বালকে তাহা সন্ন্যাসী দেখিয়া।  
 ভাবেন যাবনা আর ইহারে লইয়া ॥  
 পুত্র শোকে গৃহকর্ত্তা করিছে ক্রন্দন।  
 জানেনা যে যুবা বধ করিল নন্দন ॥  
 মৃত্যু দেখি পিতা মাতা ভাবিল মনেতে।  
 মরে গেল শিশু বৃষ্টি কাশিতে কাশিতে ॥  
 করিলেন পিতা মাতা শোক সম্বরণ।  
 ভাবিল ইন্দ্র দিয়া করিল হরণ ॥

নিশাঅবসান হলো; আলোক দেখিয়া।  
 ডাকিতেছে পাখিগণ গাছেতে বসিয়া ॥  
 মন্দ মন্দ বহিতেছে প্রাতঃ সন্ধ্যা রণ।  
 নিদ্রা ভঙ্গে উঠিলেন পথিক দুজন ॥  
 কর্ত্তার নিকটে গিয়া কহিল তখন।  
 “প্রভাত হয়েছে মোরা করিব গমন ॥”  
 শুনিয়া গৃহের কর্ত্তা কহে দুই জনে।  
 সেবক দিতেছি আমি তোমাদের সনে ॥  
 যুবক তপস্বী শীঘ্র করেন গমন।  
 গৃহকর্ত্তা সঙ্গে দিল ভৃত্য এক জন ॥  
 সন্দের গমন করে বাহির হইয়া।  
 তিন জনে কতদূর গেলেন চলিয়া ॥  
 যাইতে যাইতে পথে নদী ভয়ঙ্কর।  
 উচ্চ বৃক্ষ-শাখা মাত্র সেতু তদুপর ॥  
 শাখার উপর দিয়া হবে পার হতে।  
 ভৃত্যে আগে করি দাঁহে চলিল পশ্চাতে।  
 আগে আগে ভৃত্য হবে সন্দের চলিল।  
 কাছে গিয়া যুবা তাবে ঠেলে ফেলে দিল।  
 জলেতে ডুবিয়া তার হইল মরণ ॥  
 সন্ন্যাসী যুবাব প্রতি কহিছে তখন ॥  
 “ওরে নরাধম তুই আমার সহিতে।  
 কেন এসেছিলি বল পৃথিবী ভ্রুমিতে ॥  
 কি দোষ পাইয়া তুই ইহারে বধিলি।  
 কি দোষে বা তুই সেই শিশুরে মারিলি ॥”  
 এই মাত্র মুনিবর যুবা প্রতি কর ॥  
 যুবাব শরীর দিব্য হলো জ্যোতির্ময় ॥  
 পৃষ্ঠ দেশে দুই পাখা করি প্রসারণ।  
 পৃথিবী হইতে করে শূন্যেতে গমন ॥  
 অপরূপ দেখি মুনি আশ্চর্য হইল।  
 আকাশ হইতে যুবা মুনিবে কহিল ॥



“তুমি অতি সাধু আমি জানিলাম মনে।  
কিন্তু ঈশ্বরের কার্য জানিবে কেমনে ॥  
কিরূপ কখন তিনি করেন বিধান।  
মনুষ্য কি বুঝে তাহা করে অনুমান ॥  
দেখিতে পাইবে তুমি পৃথিবী ভিতর।  
এইরূপে অত্যাচার হতেছে বিস্তর ॥  
যাহা ইচ্ছা করে নর নাহিক বারণ।  
বিধাতা করেন তাহে মঙ্গল সাধন ॥  
দাতার সোনার বাটী চুরী করে আমি।  
কৃপণে দিলাম তাহা দেখিয়াছ তুমি ॥  
তার পরে যাইলাম গৃহস্থ ভবন।  
রাত্রে বধিলাম আমি তাহার নন্দন ॥  
পরেতে সেবক সঙ্গে আসিতে আসিতে  
দিলাম তাহারে ফেলে নদীর বারিতে ॥  
চুরী আদি নর হত্যা করিলাম এত।  
ইহার অধিক পাপ আছে আর কত ॥  
এই সব দেখি তুমি ভাবিতেছ মনে।  
ঈশ্বর থাকিতে অবিচার কি কারণে ?  
জাননাক বলে তুমি অবশ্য ভাবিবে।  
বুঝাইয়া দিলে তবে বুঝিতে পারিবে ॥  
স্বর্ণ বাটী চুরী কেন করিলাম আমি।  
বুঝিয়ে দিতেছি শুন মনদিয়ে তুমি ॥  
ঐশ্বর্য অনেক আছে দেখাবে বলিয়া।  
স্বর্ণ পাত্রে খেতেদিল যতন করিয়া ॥  
প্রভাতে আমরা কহি খাইবনা আর।  
দেখাবে বলিয়া তবু করালে আহার ॥  
এই জন্য স্বর্ণ বাটী চুরী করি তার।  
চুরী ভয়ে আড়ম্বর না দেখাবে আর ॥

কত কষ্ট আমাদের দিল সে কৃপণ।  
তবু তারে স্বর্ণ বাটী করেছি অর্পণ ॥  
কখন অতিথি সেবা করে না কৃপণ।  
হাতে হাতে লাভ পেলে করিবে এখন ॥  
তার পরে যাইলাম গৃহস্থ ভবন।  
অত্যন্ত খার্মিক সাধু সেই মহা জন ॥  
ঈশ্বরের প্রতি তাঁর যত ভক্তি ছিল।  
সন্তানে দেখিয়া তাহা ভুলিতে লাগিল ॥  
সন্তানের জন্য যদি ঈশ্বরে ভুলিবে।  
গতি কি হইবে তার কিরূপে তরিবে ?  
এই জন্য তার শিশু করিছি সংহার।  
শিশু গেলে তাঁরে ভক্তি হইবে তাঁহার ॥  
তার পরে ভৃত্য সঙ্গে আসিতে পথেতে  
তাহারে দিলাম ফেলে এই কারণেতে ॥  
সেই ভৃত্য সেই দিন ভেবেছিল মনে।  
রাত্রেতে করিবে চুরী প্রভুর ভবনে ॥  
অমন সাধুর ধন বৃথায় যাইবে।  
সেধন থাকিলে কত শুভ কর্ম হবে ॥  
সেই জন্য তারে বধ করিয়াছি আমি।  
ঈশ্বর নাহিক, তাহা ভাবিও না তুমি ॥  
এখন তপস্বী তুমি জানিও নিশ্চয়।  
ঈশ্বরের অবিচার কখন না হয়, ॥  
সুনিয়া তখন মূনি যুড়ি দুই কর।  
তথা বসি উপাসনা করিল বিস্তর ॥  
কতক্ষণ উপাসনা করি তপোধন।  
তপস্যা করিতে গেল সেই তপোধন ॥  
গয়া। শ্রীমতী কুমুদিনী দেবী ॥

# বামাবোধিনী পত্রিকা।

— ৩৩৩ —

“কন্যাঈবং দাস্তলীয়া হিন্দীযাতিয়নতঃ।”

কন্যাকে পালন করিবেক ও যত্নের সহিত শিক্ষা দিবেক।

১০১ সংখ্যা } পৌষ বঙ্গাব্দ ১২৭৮ { ৮ম ভাগ

## আদর্শ জননী।

আমরা পূর্বে নারীজাতির প্রকৃত আদর্শ কি, তাহার উল্লেখ করিয়াছি, আধ্যাত্মিক রাজ্যে স্ত্রীজাতির যে কোন প্রকার বিশেষ কার্য আছে, তাহাও বলা গিয়াছে। কিন্তু রমণীদিগের সম্বন্ধে ভেদে সেই আদর্শের বিভিন্ন ভাব দৃষ্ট হইয়া থাকে ও তাহাদের কার্যেরও বিভিন্ন বিভিন্ন বিভাগ লক্ষিত হয়। ফলতঃ মাতার প্রকৃত জীবনগত স্বর্গীয় কার্য উপলব্ধি করিতে না পারিলে স্ত্রীজাতির সুন্দর আদর্শ পরিদৃষ্ট হইতে পারে না। নারীগণ যখন যৌবনাবস্থায় অবস্থান করেন, পুত্রের মুখাবলোকনে বঞ্চিত থাকেন, তখন তাঁহাদের হৃদয় উচ্চতর আদর্শ নিরীক্ষণ করিতে পারে না। অতএব অগ্রে মাতার আদর্শ কিরূপ তাহা বিস্তৃত হইতেছে। দয়াময় পরমেশ্বরের আপনার মাতৃভাবের প্রতিনিধি করিয়া জননীর হৃদয়কে সংগঠিত করিয়াছেন। পৃথিবীর দুঃখভার, সন্তানসন্ততি রক্ষণ পালনের দায়িত্ব মাতার ক্ষম্বে সমর্পিত হইয়াছে। অতএব মাতার কর্তব্য অতিশয় গুরুতর। যে মাতার হৃদয় ধর্মনিষ্ঠা ও ঈশ্বরানুরাগে পরিপূর্ণ না থাকে, সে মাতা আপনার কর্তব্য প্রতীতি করিতে পারেন না; যে মাতা ঈশ্বরের নিকট হইতে আপনার গুরুতর কার্যভার বুঝিয়া লইতে না পারেন, সে মাতা



সন্তানদের প্রতি যথোপযুক্ত ব্যবহার করিতে অক্ষম। বলিতেও লজ্জা হয়, পাঠিকাগণ! অদ্যাপি বঙ্গসমাজে একটী জননীও যথাবিহিত রূপে শিক্ষিত হইয়াছেন, অদ্যাপি এক জনও মাতার উপযুক্ত সদগুণাবিত্তা হইতে পারেন নাই, এখন একটী জননীও আপনাকে উচ্চতর গুরুভারে আক্রান্ত মনে করেন না। সুতরাং বঙ্গসমাজের মধ্যে পারিবারিক কুশল, শান্তি, পুণ্য, রমণীয়তা ও মাধুর্য্য আশানুরূপ লক্ষিত হইতেছে না। মাতা গৃহের লক্ষ্মীস্বরূপা, পারিবারিক কুশল সংস্থাপনকর্ত্রী, সকলের সেবিকা এবং গৃহের শ্রী ও সৌন্দর্য্যের স্তম্ভিতমতী দেবতাস্বরূপ। কিন্তু হায় পাঠিকাগণ! এই বঙ্গদেশের সমস্ত পরিবারের মধ্যে মাতার অনুসরণ করিয়াই কত সন্তান অসহিষ্ণুতা, ক্রোধ, হিংসা দ্বেষ, কলহ বিবাদ প্রভৃতি অসামান্য ভাবে অনুকরণ করে ইহা কে না জানে? সেই সকল ধর্ম্ম-বিরুদ্ধ জীবন-বিনাশক ভাব পরিপোষণ করিতে বয়োবৃদ্ধির সঙ্গে সঙ্গে তাহাদিগকে কতই না ক্লেশ ভোগ করিতে হয়! অবশেষে স্বর্গীয় মানব প্রকৃতি আত্মরিক প্রকৃতিতে পরিণত হয়। এমন কি সেই সকল দোষ অস্থিমাংস মজ্জাগত হইয়া উঠে, চরমে অপরিহার্য্য হইয়া দাঁড়ায়। সুতরাং অসৎ প্রকৃতি সকল এতদূর পরিপক্বাবস্থায় উপনীত হয়, যে তৎকালে উজ্জ্বলতর জ্ঞানালোকে ও উন্নত শিক্ষাতেও তাহা অপনীত হয় না। যাহা হউক মহিলাগণ যখন জননীর পদবীতে আরোহণ করেন, তখন তাহাদের নয়ন সমক্ষে নুতন কার্য্যক্ষেত্র প্রসারিত হয়। তখন তাহাদের সম্পূর্ণ অবস্থান্তর হয়, ও তৎসঙ্গে সঙ্গে হৃদয়ের প্রীতি প্রবাহও প্রশস্ত ভাবে ধারণ করে। অতএব জননীর বিশেষ ও উন্নততর লক্ষ্য উপলব্ধি করিতে না পারিলে স্বকর্তব্য সাধন করিতে তাহারা কি প্রকারে সমর্থ হইবেন?

এক্ষণে দেখা আবশ্যিক যে মাতাকে কোন্ কোন্ সাধুভাব উপার্জন করিতে হইবে। প্রথমতঃ প্রতি জননীকে উপলব্ধি ও বিশ্বাস করা চাই যে আমি প্রত্যেক সন্তানের জন্য শারীরিক ও আধ্যাত্মিক নিয়মে সম্পূর্ণ দায়ী। আমার মঙ্গলে তাহাদের মঙ্গল, আমার অমঙ্গলে তাহাদের অমঙ্গল। কারণ জননীর সহিত সন্তানের যেরূপ নৈকট্য সম্বন্ধ, এরূপ আর পৃথিবীতে কাহারও সহিত হওয়া অসম্ভব। মাতার শোণিতে কন্যা পুত্রের

শরীর পরিপুষ্ট হয়, তাহার পীড়ার সন্তানকে পীড়া ভোগ করিতে হয়। সুতরাং যাঁহার সহিত সন্তানের এতদূর গূঢ় সম্বন্ধ, স্বীয় তনয় তনয়াকে কিরূপ স্বর্গীয় চক্ষে দেখিতে হইবে ইহা কি অজ্ঞাত থাকা তাহার পক্ষে কখন উচিত? সন্তানের কোন প্রকার দোষ সংস্পর্শ ঘটিলে মাতার অস্থিরতার আর সীমা পরিসীমা থাকিবে না। তাহাকে মনে করিতে হইবে যেন আপনি স্বয়ং সেই দোষে দোষী। অতএব এতদূর আপনাকে দায়ী মনে করিতে হইবে।

দ্বিতীয়তঃ সেই পরম স্নেহময়ী জননী পৃথিবীর ভাবৎ দুঃখী ধনী, মাধু অসামান্য, জ্ঞানী মূর্খ সকলকে যেরূপ উদার দৃষ্টিতে দেখিতেছেন ও সকলের সঙ্গে ব্যবহার করিতেছেন, সেইরূপ প্রতি জননীকে ঈশ্বরের ঐ ভাব অনুকরণ করিয়া সন্তান সন্ততি প্রভৃতি সমস্ত পরিবারবর্গকে দেখিতে হইবে ও তাহাদের সহিত ব্যবহার করিতে হইবে। জননীর একটী প্রধান কর্তব্য সেই দয়াময় পরমেশ্বরের উদারতা, স্নেহ, কোমলতা, সরল ব্যবহার, বাৎসল্য, প্রীতি, সহিষ্ণুতা, প্রতি জনকে আপনার বলিয়া তত্ত্বাবধান এই গুণ গুলি বিশেষ করিয়া লাভ করা। গৃহের মধ্যে জননীর স্বর্গীয় সৌন্দর্য্যের আলোকে সকলের মুখ আলোকিত হইবে। ভয়ের অনুরোধে কার্য্য থাকিবে না। পবিত্রতা মাতার হৃদয় হইতে সকলের আত্মাতে প্রতিকলিত হইয়া একটী আশ্চর্য্য স্বর্গীয় জীবন সম্পাদন করিবে। বালাহৃদয়কে আদেশ দ্বারা কোন কার্য্য করিতে বাধ্য করা বিধেয় নহে, কিন্তু যাহাতে জীবনের উচ্চতরভাব নিচয়ের সৌন্দর্য্য অবলোকন করিয়া সন্তানগণ ভিতরে ভিতরে মোহিত হইবে তাহাই উৎকৃষ্ট উপায়। জননীর ঈশ্বরানুরাগে ও ভক্তিতে পরিবার বর্গের সকলেরই ঈশ্বরের প্রতি প্রেমভক্তি স্বভাবতঃ উদ্দীপ্ত হইবে; পিতা, মাতার দৃষ্টান্তে, মাতা পিতার আদর্শে কার্য্য করতে উভয়ের জীবনের সৌন্দর্য্য দ্বিগুণতর বৃদ্ধি হইবে। স্বার্থপরতা মাতৃ-হৃদয়ে বাস করিতে পারিবে না; হিংসা দ্বেষ, কলহ বিবাদ, অবিশ্বাস অভক্তি তাহার চিত্তকে বিন্দু মাত্র স্পর্শ করিতে পারিবে না। আমরা এইরূপ জননী চাই। যে পরিবারের মধ্যে ঈদৃশী জননী বাস করেন, সে পরিবার স্বর্গভূলা। সে পরিবার আদর্শের স্থল। জননীর বিশ্বাস ভক্তি



ও অনুরাগে সন্তানসন্ততি ও আত্মীয়বর্গ সকলেই সাধু হইবে; তাঁহার দয়া, ন্যায়, সদ্যবহার ও নিঃস্বার্থ ভাবে অন্যান্য ব্যক্তিরও মনুষ্যের প্রতি প্রেম সন্তোষ শ্রদ্ধা বৃদ্ধি হইবে, তাঁহার ক্ষমা তিতিক্ষা ও ঐর্ষ্যে সকলে ক্ষমাশালী ও সহিষ্ণু হইবেন। ইহাই মাতার প্রতি ঈশ্বরের আদেশ। শুকপক্ষীর মত কথা মুখস্থ করাইলে আত্মার প্রকৃত শিক্ষা হয় না, কিন্তু আত্মার জ্ঞান, ভাব, প্রেম ন্যায় সত্য, ভক্তি, অনুরাগ প্রভৃতি স্বর্গীয় ভাব সকল উদ্দীপ্ত হইয়া স্বকীয় সৌন্দর্য্যে বালকদিগকে মোহিত করিবে। তাহাদের বল আত্মার মধ্যে অনুপ্রবিষ্ট হইয়া তৎসমুদায় জীবনের স্বাভাবিক গুণে পরিণত হওয়াই যথার্থ শিক্ষা। এশিক্ষা মাতা ভিন্ন আর কাহার নিকট পাইবার সম্ভাবনা নাই। মাতার জীবনটী জ্ঞান ধর্ম্ম, প্রীতি সন্তোষ, উদারতা ক্ষমার আদর্শ হওয়া আবশ্যিক। পাঠিকাগণ! তোমরা একরূপ জীবন যদি পুত্রের সমক্ষে প্রদর্শন করিতে না পার, তবে তোমরা একদিকে পুত্রহত্যার পাতকে অপরাধী। সন্তানের শরীর রুগ্ন ও বিনষ্ট হওয়া যেকোন দুঃখের কারণ; তাহার মানসিক প্রকৃতিতে কোন দোষের সঞ্চার হওয়া তদপেক্ষা অধিক। হা! তোমাদের জন্যই যে পুত্র কন্যার কোমল আত্মা বিনষ্ট হয় ইহা কি দেখিয়াও দেখিবে না? ইহা অপেক্ষা দুঃখের বিবর আর কি হইতে পারে?

## গার্হস্থ চিকিৎসা প্রণালী।

### শিশু-চিকিৎসা।

আহারের অনিয়নেই শিশুদিগের পীড়া জন্মিয়া থাকে। এজন্য প্রথমেই আহার বিষয়ে মনোযোগ করা কর্তব্য। দয়াময় পরনেশ্বর শিশুদিগের জীবন রক্ষার জন্য মাতৃস্তনে যে উপাদেয় দুগ্ধদান করিয়াছেন, তাহাই শিশুদিগের একমাত্র আহার। মাতৃস্তনে দুগ্ধ থাকিলে শিশুদিগকে অন্য আহার প্রদান করিবে না। অস্বদেশীয় স্ত্রীলোকদিগের সংস্কার যে গোদুগ্ধ পান না করিলে শিশু-সন্তান হৃষ্ট পুষ্ট হয় না। এ সংস্কার অত্যন্ত ভ্রম-মূলক। জ্ঞানময় মঙ্গল-স্বরূপ ঈশ্বর বিবেচনা করিয়াই মাতৃ-

স্তনে দুগ্ধ দিয়াছেন। মাতৃস্তনে দুগ্ধ না থাকিলে অগত্যা বাধ্য হইয়া অন্য দুগ্ধ পান করিতে হয়। দেখা গিয়াছে যে সকল বালক কেবল মাতৃস্তন্য পান করে, তাহারা হৃষ্ট পুষ্ট এবং নীরোগ। অষ্টাদশ মাস পর্য্যন্ত মাতৃ-দুগ্ধ পান করাইবে, অধিক কাল মাতৃস্তন্য পান করাইলে সন্তান এবং মাতার উভয়েরই অপকার হয়। মাতা গর্ভবতী এবং পীড়িত হইলে তাহার স্তন্য সন্তানকে পান করাইবে না। এ অবস্থায় খাত্রী রাখিয়া দুগ্ধপান করান কর্তব্য। যে সে স্ত্রীলোককে খাত্রী রাখা উচিত নহে। শিশুর মাতার যে বয়স, খাত্রীর বয়স ঠিক সেইরূপ হইবে। খাত্রী নিযুক্ত করিবার পূর্বে ডাক্তার দ্বারা খাত্রীর শরীর পরীক্ষা করান আবশ্যিক, কোন পীড়া থাকিলে সে খাত্রীকে নিযুক্ত করিবে না। খাত্রীর শরীরের প্রতি যেনন দৃষ্টি রাখা উচিত, চরিত্রের প্রতিও সেইরূপ দৃষ্টি রাখা কর্তব্য। অসচ্চরিত্রা খাত্রীর দুগ্ধ পান করিয়া শিশুদিগের নানা প্রকার পীড়া হয়, ইহা প্রত্যক্ষ করা গিয়াছে। কিন্তু দুঃখের বিষয় যে কলিকাতার কোন কোন ভদ্র পরিবারে বেশ্যা দিগকে খাত্রী নিযুক্ত করিয়া সন্তানদিগের শরীরকে জন্মের মত নিস্তেজ ও কলুষিত করিয়া ফেলিতেছেন। অতএব খাত্রী নিয়োগ বিষয়ে অত্যন্ত সাবধান থাকিতে হইবে। যাহাদিগের সাংসারিক অবস্থা ভাল নয়, স্মতরাং অর্থাভাবে খাত্রী নিযুক্ত করিতে পারেন না, অথচ গর্ভবতী কিম্বা পীড়িত মাতার দুগ্ধ পান করিয়া শিশু-সন্তান পীড়িত হয়, তাহাদিগের অন্য প্রকার দুগ্ধ প্রদান করা আবশ্যিক। অন্য প্রকার দুগ্ধের মধ্যে গর্দভের দুগ্ধই উপকারী। কিন্তু বঙ্গদেশে সর্বস্থানে গর্দভ-দুগ্ধ পাওয়া দুর্ঘট, স্মতরাং গোদুগ্ধ না দিয়া থাকা যায় না। কিন্তু ইহা পরীক্ষা করিয়া দেখা গিয়াছে যে, শিশুদিগের অধিকাংশ পীড়াই গোদুগ্ধ পান করিয়া হয়। এজন্য অত্যন্ত সাবধানতার সহিত গোদুগ্ধ পান করাইতে হইবে। যতটুকু দুগ্ধ যতটুকু জল মিশ্রিত করিয়া উষ্ণ করিয়া পান করাইবে। কলিকাতার দুগ্ধে জল মিশ্রিত করা অনাবশ্যিক।

শিশুর অক্ষুধা এবং অনিচ্ছা সত্ত্বে, বিলুপ্ত করিয়া গণ্ডে পিণ্ডে দুগ্ধ পান করান অত্যন্ত অন্যায। তাহাতে মন্দাগ্নি হইয়া পেটের পীড়া ও পেট কামড়ানি হয়। আমাদের দেশের স্ত্রীলোকদিগের বিশ্বাস যে, শিশুকে



গণ্ডে পিণ্ডে দুগ্ধ পান না করাইলে শিশু-সন্তান হৃৎ পুষ্ট হয় না। এইরূপ সংস্কারের বশবর্তিনী হইয়া তাঁহারা শিশুদিগকে হৃৎ পুষ্ট করিতে গিয়া চিররুগ্ন করিয়া ফেলেন। অতএব শিশুদিগের অনিচ্ছাতে কোন মতেই দুগ্ধপান করাইবে না। দুগ্ধপান করিতে ক্রন্দন করিলেই ক্ষান্ত হইবে। শিশুদিগকে দুগ্ধ পান করাইবার জন্য রবারের নলযুক্ত এক প্রকার বোতল পাওয়া যায়, তাহার মধ্যে দুগ্ধ রাখিয়া রবারের নলটী শিশুর মুখে দিলে শিশু স্তনের ন্যায় আবশ্যিকমতে সেই বোতলের দুগ্ধ পান করে। বোতলের মধ্যে অনেকক্ষণ দুগ্ধ রাখিবে না, দুই ঘণ্টার অধিক থাকিলেই দুগ্ধ নষ্ট হইয়া যায়। শিশু ৫৬ মাসের হইলে বোতল কিম্বা বিনুকের প্রয়োজন হয় না। ক্ষুধার সময় বাটীতে দুগ্ধ রাখিয়া শিশুর মুখের নিকট ধরিলে সে আনন্দে ইচ্ছাপূর্বক পান করে। এ প্রকার অভ্যাস করাইলে দুগ্ধ পান করাইতে আর কোন কষ্ট যন্ত্রণা হয় না। শিশুদিগের অনিচ্ছায় দুগ্ধ পান করাইতে হইলে বলিদানের আয়োজন করিতে হয়, কেহ শিশুর হাতে ধরে, কেহ পা ধরে, কেহ জুজুবুড়ী সাজিয়া ছালা মুড়ীদিয়া 'হাঁও, মাঁও, খাঁও, মাল্লবের গন্ধ পঁাও' বলিয়া ভয় দেখাইতে থাকে। তাহাতে পীড়ারও উৎপত্তি হয় এবং শিশু চিরকালের জন্য ভীক-বভাব হয়। এজন্য পুনঃ পুনঃ সাবধান করা যাইতেছে, শিশুদিগের অক্ষুধা ও অনিচ্ছাতে ভয় দেখাইয়া যন্ত্রণা দিয়া বলপূর্বক দুগ্ধ পান করান অত্যন্ত অন্যায়।

শিশুদিগের দন্ত উঠিলে সূজি, সাগু, এরাকট প্রভৃতি লঘু দার্দ্র দুগ্ধের সহিত আহার করিতে দিবে। আমাদিগের দেশে অন্নপ্রাসন প্রথা অতি উৎকৃষ্ট রীতি। আর্ষ্যজাতি সকল কার্যই ঈশ্বরকে স্মরণ করিয়া করিতেন। পরমেশ্বর দন্তোদগমন দ্বারা শিশুদিগের অন্নাহারের কাল বিধান করিয়া দিয়াছেন। সেই দয়াময় বিশ্ববিধাতাকে পূজা করিয়া শিশুদিগকে প্রথম অন্নদান করা নিতান্ত কর্তব্য।

দন্ত উঠিলেই যে, শিশুদিগকে দুগ্ধের পরিবর্তে অন্য আহার দিবে, তাহা নহে। পঞ্চমবর্ষ বয়স পর্যন্ত দুগ্ধই প্রধান আহার, তাহার সঙ্গে সূজি, রুট, অন্ন, ব্যঞ্জন অল্প মাত্রায় প্রধান করিবে। একেবারে

অধিক আহার না দিয়া অল্প মাত্রায় বারে বারে প্রদান করিবে। আহার বিষয়ে সাবধান থাকিলে বালক বালিকার প্রফুল্ল মুখশ্রী দেখিয়া পিতা মাতা অপার আনন্দ ভোগ করেন। যাহারা অসাবধানতা প্রযুক্ত ইচ্ছাপূর্বক এই আনন্দ হইতে বঞ্চিত হয়, তাহাদের অপেক্ষা দুর্ভাগ্য আর কে আছে?

### শিশুদিগের পেট কামড়ানি।

শিশু নিয়ত ক্রন্দন করিতেছে, কিছুতেই ক্রন্দন নিবারণ করা যায় না। এ অবস্থায় পেট-কামড়ানি বা কাণ কামড়ানী হইয়াছে মনে করা কর্তব্য। পেট কামড়ানী হইলে পেট চাপিলে শিশু আরাম পাইবে। পেট কামড়ানি স্থির হইলে তৎক্ষণাৎ কাষ্টর্ অয়েলের জোলাপ দিবে। ১ মাস হইতে ৩ মাসের শিশুকে ছোট চাম্‌চের এক চাম্‌চে হইতে দুই চাম্‌চে দিবে। ৫ মাস হইতে ১ বৎসর বয়স পর্যন্ত ২ চাম্‌চে হইতে ৩ চাম্‌চে দিবে। কাষ্টর্ অয়েলের পরিবর্তে হরিতকির জোলাপ উত্তম। শিশুদিগকে সিকি খানা হইতে আধ খানা পর্যন্ত হরিতকি বাটীয়া গরম জলের সহিত মিশ্রিত করিয়া সেবন করাইবে। এরূপ জোলাপে পেট কামড়ানি নিবারণ না হইলে দিবসের মধ্যে ৩৪ বার চূণের জল খাওয়াইবে।

আধছটাক চূণ আধসের জলে গুলিবে। চূণ নীচে জমিয়া পরিষ্কৃত জল উপরে থাকিবে। সেই পরিষ্কৃত চূণের জল শিশিতে ঢালিয়া রাখিবে। চূণের জলে বেদনা নিবারণ না হইলে সোডি বাইকর্ক ১ গ্রেন্ অর্থাৎ আধ রতি, এনিসি অয়েল্ ২ ফোটা অল্প জলের সহিত সেবন করাইবে। পেটে গরম জলের ফোমেট্ (সেক) করিবে। এইরূপ চিকিৎসায় আরাম হইবে।

### কাণ কামড়ানি।

কাণে গরম জলের পিচকারি দিবে। মনমা সিজের পাতা গরম করিয়া তাহার গরম রস এক ফোটা কি দুই ফোটা কাণে দিবে। ইহাতে কাণ কামড়ানি নিবারণ না হইলে টিং ওপিয়াই ৫ মিনিম্, প্লিসি-



রিন্ ১৫ মিনিম্ মিশ্রিত করিয়া ইহার এক ফোঁটা কাণে দিলে কাণ কানড়ানি আরাম হইবে।

এবার এই পর্য্যন্ত লিখিত হইল। অবকাশমতে সকল প্রকার রোগের চিকিৎসা লিখিবার ইচ্ছা রহিল।

## বিবিধ শিক্ষা।

১। অনাধারণ অধ্যবসায়—মেথডিক্ট নামক ধর্ম সম্প্রদায়ের স্থাপনিতা জন ওয়েসলি যে মহদুঃতে ব্রতী হইয়াছিলেন, নিজ জীবনের এক নুহুর্ভুও তাহা হইতে বিরত হইয়া নাই। তিনি কখন স্থির হইয়া থাকিতে পারিতেন না। তাঁহাকে প্রতিদিন ন্যূনকল্পে বিশ ত্রিশ ক্রোশ পথ ভ্রমণ করিতে হইত; এক স্থান হইতে স্থানান্তরে যাইতে যাইতেও তিনি লিখন পঠনাদি হইতে বিরত হইতেন না। এতদ্ব্যতীত তাঁহাকে প্রতি দিনই তিন, চারি, এমন কি পাঁচ বারও বক্তৃতা করিতে হইত।

২। তান্ত্রিকুট বিষবিশেষ—আমেরিকাখণ্ডে অতি পর্য্যাপ্ত পরিমাণে তমাক জন্মিয়া থাকে। তথায় আকস্মিক মৃত্যুর কারণানুসন্ধানী রাজ-পুরুষেরা শব পরীক্ষা করিয়া অপরিমিত-তান্ত্রিকুট-সেবনই মৃত্যুর হেতু নির্দেশ করিয়াছেন।

৩। স্কুলকায়ের সমুচিত দণ্ড—প্রাচীন স্পার্টাবাসীদিগের মধ্যে একপ আইন ছিল যে তাহাদিগের মধ্যে কোন ব্যক্তির দেহ এক নিদ্রিত স্কুলতা পরিমাণ অতিক্রম করিলে তাহাকে কঠোর কশাঘাত সহ করিতে হইত। পলিওস-পুত্র নক্লিস একবার এই আইন লঙ্ঘন করায় রাজ-সনকে আনীত হন। তথায় সকলে তাঁহাকে যৎপরোনাস্তি তিরস্কার করিয়া এই বলিয়া ভয় প্রদর্শন করে যে যদি তুমি শীঘ্র হুস্বদেহ না হও, তাহা হইলে তোমাকে বাবজীবন নির্যাসিত হইতে হইবে।

৪। ধাত্রীর শাস্ত থাকার প্রয়োজন—চিকিৎসক প্লেকেরার বলেন যে, স্ত্রীলোকের হৃদয়ে ক্রোধের অথবা বিরক্তির সঞ্চার হইলে তাহার স্তন্য দুগ্ধ বিশেষ রূপ বিকৃত হয়। হঠাৎ অতি কোপাবিকা স্ত্রীলোকের দুগ্ধ

পরীক্ষা করিয়া দেখিলে সম্পূর্ণরূপ অন্ন বোধ হয়। অতএব শিশুর কল্যাণার্থ শান্ত প্রকৃতি রক্ষা করা ধাত্রীর পক্ষে নিতান্ত আবশ্যিক।

৫। মিসরীয় উপদেশ—প্রাচীন মিসরবাসীরা নিম্নলিখিত পঞ্চ উপদেশকে উপদেশের মার বলিয়া জানিতেন :—

পিতামাতাকে যথোচিত মান্য কর—ধর্মপথে থাক—প্রত্যহ দিবসে দুইবার ও রাত্রিকালে দুইবার গাত্র ধৌত কর—অল্লাহেরে সন্তুষ্ট হও—গুপ্ত কথা প্রকাশ করিও না।

৬। জ্ঞানলাভের উৎকৃষ্ট উপায়—পণ্ডিত-চূড়ামণি লক্কে কোন ব্যক্তি জিজ্ঞাসা করিয়াছিলেন “মহাশয়! আপনি কিরূপে এমন প্রগাঢ় জ্ঞান উপার্জন করিতে সক্ষম হইয়াছেন?” মহাত্মা লক্ তাহাতে এই উত্তর দেন “আমি যৎকিঞ্চিৎ যে জ্ঞান লাভ করিয়াছি তাহা এই উপায়ে লাভ করিয়াছি, যে যাহা আমি জানিতাম না তাহা জানিবার নিমিত্ত কাহাকে কিছু জিজ্ঞাসা করিতে কখন লজ্জাবোধ করি নাই।”

৭। কোপ করায় মনুষ্যত্ব ও ক্ষমায় ঈশ্বরীয় ভাব প্রকাশ পায়—উচ্চপদাভিষিক্ত জনৈক রাজকর্মচারী নিজ কর্তৃপক্ষীয় হইতে কোন বিশেষ অপকার-গ্রস্ত হন। অপকৃত তদ্রলোক তখন কিরুর্ভবা-জিজ্ঞাসু হইয়া সদাত্মা সর্ ইয়ার্ডলি উয়িলমটের নিকট গমন করেন। নিজদুঃখ আদ্যোপান্ত বর্ণন করিয়া রাজকর্মচারী সর্ ইয়ার্ডলিকে জিজ্ঞাসা করেন “মহাশয় এস্থলে কোপ প্রকাশ করা কি মনুষ্যত্ব নহে?” সর্ ইয়ার্ডলি উত্তর করিলেন, কোপপ্রদর্শন মনুষ্যত্ব বটে, কিন্তু ক্ষমা ঈশ্বরীয় ভাব।”

৮। পীচফলের শাঁস বিষ বিশেষ—চিকিৎসক কাঁটিং বলেন যে তিনি তিন বৎসর বয়স্ক এক শিশুকে অধিকমাত্রায় পীচফলের শাঁস ভক্ষণ করায় হতচেতন হইতে দেখিয়াছেন।

৯। জলোক-বায়ুমান—একটী এক-পোয়া বোতলের চারিভাগের তিন ভাগ জলপূর্ণ করিয়া ও তন্মধ্যে একটী জলোকা(জোক)ছাড়িয়া দিয়া বোতলের মুখ ত্রুক্ষ্ম-তাত্র-সূত্র-নির্মিত আচ্ছাদনে আবৃত কর। গ্রীষ্মকালে সপ্তাহে ও শীতকালে পক্ষে দুই একবার জল পরিবর্তন করিতে হয়। বোতলটী তোমার শয়নাগারের জানালায় রাখ। যখন বায়ু স্থির থাকে, তখন



জলৌকা বোতলের তলে সঙ্কুচিত হইয়া স্থিরভাবে অবস্থিতি করে। যদি কোন দিন প্রাতঃকালে দেখে যে জলৌকা বোতলের সর্বোপরি ভাগে উঠিয়া রহিয়াছে, তাহা হইলে নিশ্চয় জানিবে কতিপয় ঘণ্টার মধ্যে রক্ষি হইবে। বাটিকার প্রাক্কালে লঘুকায় জীবটী বোতলের ভিতর অতি দ্রুতবেগে চলিয়া বেড়াইতে থাকে ও যে পর্যন্ত বাটিকা প্রবল না হয় তদবধি স্থির হয় না। কোন অসাধারণ বাণ্ণ্যবাদের কিয়দ্বিবস পূর্বে জলৌকা প্রায় জল হইতে পৃথক্ হইয়া বাস করে।

১০। কন্যার প্রতি মাতার উপদেশ—বিবি জুলিয়া ডি রুবিনী নিজ কন্যাকে যে সন্তুপদেশ দিয়াছিলেন তাহা প্রত্যেক বিবাহিতা স্ত্রীর মনে রাখা আবশ্যিকঃ—“মধুর প্রকৃতি, স্বামীর প্রতি আন্তরিক অনুরাগ ও তাঁহার যাহাতে মঙ্গল হয় তদ্বিষয়ে অবিশ্রান্ত মনোযোগই পত্নীর কর্তব্যের সার ও সূখের আধার। কুমারীর যে রূপলাবণ্য ও রসিকতা মনোহরণ করে, সে রূপ ও সে রসিকতা কত দিন প্রীতিকর হয়? যে বস্ত্র তোমার স্বামীর আনন্দদায়ক তাহাকে কদাচ তুচ্ছবোধ করিও না। তাঁহার প্রতি তোমার যে কর্তব্য গুরুতর, তাহা তিনি স্বীয় প্রাপ্য বলিয়া গণনা করিবেন; কিন্তু তাঁহার প্রীতির নিমিত্ত তুমি সামান্য বিষয়ে যে মনোযোগ দিবে, তাহা তিনি তাঁহার প্রতি তোমার প্রকৃত অনুরাগের নিদর্শন জ্ঞান করিবেন। স্বামী যদি স্ত্রীর প্রতি কর্তব্য সাধনে অথবা স্নেহ প্রদর্শনে ত্রুটি করেন, স্ত্রী যেন তাহা অপরের কাছে প্রকাশ না করেন। ইহা হইলে পরিণয় সূত্র এককালে দ্বিখণ্ডিত হয় ও বিবাহের মাহাত্ম্য লোপ পায়।”

১১। এক সন্ধ্যা আহার—সুবিখ্যাত শারীর-তত্ত্ববিদ ইন্সটর্ (যাঁহার জীবন চরিত আমাদিগের পাঠিকারা সকলেই চরিতাবলীতে পাঠ করিয়া থাকিবেন) সর্বদা বলিতেন যে অধিকাংশ লোক যে পরিমাণে আহার করা আবশ্যিক তাহা অপেক্ষা অধিক পরিমাণে আহার করেন বলিয়া অধিকাংশ রোগ অপেক্ষাকৃত উৎকট হইয়া দাঁড়ায়। একজন বিখ্যাত চিকিৎসক কোন সুস্থশরীর বন্ধকে জিজ্ঞাসা করিয়াছিলেন “তুমি কি নিয়মানুসারে চলিয়া থাক?” তাহাতে এই উত্তর পান, “আমি কেবল

একসন্ধ্যা আহার করি।” ইহাতে চিকিৎসক প্রত্যুত্তর করেন “তাই! এ কথা যদি তুমি সকলের কাছে প্রকাশ কর, তাহা হইলে আমাদিগের অন্ত হওয়া ছুর্ঘট হইবে।” এদেশের বিধবাগণ একাহারী বলিয়া অনেক পরিমাণে সুস্থকায় ও দীর্ঘজীবী হইয়া থাকেন।

১২। নীতিকথা—ডাক্তার ফ্যাক্সিন্ কেবল নিম্ন লিখিত নিয়ম অনুসারে চলিয়াই এত উন্নত হইতে পারিয়াছিলেনঃ—

মিতাহার—উদরে যত ধরে তাহা হইতে অল্প পরিমাণে আহার করিও। মৌন—যাহাতে তোমার নিজের অথবা অন্য কাহার উপকার হয়, তদ্বিষয়ে কোন কথা কহিও না। প্রতিজ্ঞা—যাহা তোমার করা উচিত কেবল তাহা করিতেই প্রতিজ্ঞা করিবে ও যাহা প্রতিজ্ঞা করিবে তাহা কদাপি অসম্পন্ন রাখিও না। পদ্ধতি—যে বস্তুর যে স্থান, সে বস্তুকে সেই স্থানে রাখিও; যে কর্মের যে সময় সেই সময়ে সে কর্ম করিও। মিতব্যয়—যে ব্যয়ে তোমার অথবা অন্য কাহার উপকার নাই, তাহা কদাপি করিও না। পরিশ্রম—সময় নষ্ট করিও না; সর্বদা কোন কল-দায়ক কার্যে নিযুক্ত থাকিও; অনর্থ কর্মে কখন নিযুক্ত থাকিও না। অকপটতা—তোমার মনে যে ভাব, বাক্যে যেন তাহা হইতে অন্য ভাব প্রকাশ না হয়। ন্যায়পরতা—কাহারও অপকার করিও না। মিতাচার—কেহ তোমার অপকার করিলে তাহার শোধ তুলিও না। পরিচ্ছন্নতা—তোমার দেহ, পরিচ্ছদ ও আবাস ভূমিকে কখন অপরিচ্ছন্ন রাখিও না। শান্তি—সামান্য বিষয় বা যে ঘটনা অতিক্রম করা যায় না, তাহা যেন তোমার শান্তিভঙ্গ না করে। বিনয়—সকলের নিকট বিনীত হইবে।”

১৩। শিশুর ধর্মভাব—ইংলণ্ডেশ্বর প্রথম চার্লসের কন্যা রাজকুমারী আন যখন মৃত্যু শয্যায় শয়ানা, তখন তাঁহাকে একজন পরিচারক অভিমুখ কাল আগত জানিয়া ঈশ্বরের নিকট প্রার্থনা করিতে বলাতে আসন্ন মৃত্যুকালে ভূপালবালা উত্তর করেন “আমি কোন দীর্ঘ প্রার্থনা করিতে অক্ষম, অতএব এই মাত্র প্রার্থনা করি হে জগদীশ! আমার চক্ষুতে জ্যোতি দেও, যেন আমি কাল নিদ্রা না যাই।” নিম্পাপ শিশু এই কথা বলিতে বলি-



তেই পুণ্যধামে অন্তরিত হইল। তাহার বয়ঃক্রম চারি বৎসরও হয় নাই।  
ঋষ প্রহ্লাদের অসাধারণ ধর্মভাব অসম্ভব নয়।

১৪। বধিরের সহিত আলাপ—বধিরের সহিত আলাপ করিতে  
গেলে আনাদিগের ইহা জানা অতি আবশ্যিক যে আমরা উচ্চৈঃস্বরে কথা  
কহিলে অন্যে আনাদিগের কথা যত না শুনিতে পায়, আনাদিগের উচ্চা-  
রণ বিশদ ও স্বর স্পষ্ট হইলে তদপেক্ষা অধিক শুনিতে পায়। বস্তুতঃ  
মনুষ্য-স্বরের কৌদূশী শক্তি তাহা অনেকে জানেন না। কথিত আছে  
বাগ্মিকুল চূড়ামণি চ্যাখামের অল্লফুট কথাও হাউস্ অব কমনস্ নামক  
সভার প্রত্যেক স্থানে স্পষ্ট শুনিতে পাওয়া যাইত; এবং পাদরি হুইট্  
ফীল্ড্ কোন অনারত স্থলে বক্তৃতা করিলে তাহা অনেক দূর হইতে  
উপলব্ধ হইত।

১৫। জ্ঞানী ও নিরর্থক—স্পেন রাজ্যেশ্বর কার্ডিনাল সর্কদা বলি-  
তেন, আমি নিম্নলিখিত চিত্তদ্বারা জ্ঞানীকে নিরর্থক হইতে প্রভেদ করিতে  
পারিঃ—ক্রোধ সম্বরণ, গৃহকার্যে অসুস্থতা সংস্থাপন, ও পত্র রচনার  
অনর্থক বিষয়ের অনুল্লেখ।”

## মহারাজ্ঞী ভিক্টোরিয়ার দয়া।

মহারাজ্ঞী ভিক্টোরিয়া ইংলণ্ডের রাজ-সিংহাসনে আরুঢ় হইবার  
কয়েক দিন মাত্র পরে একটী সৈনিক পুরুষের প্রাণদণ্ডের আদেশ হয়।  
দণ্ডাজ্ঞা পত্রে মহারাজ্ঞীর স্বাক্ষর গ্রহণ নিমিত্ত জনৈক রাজকর্মচারী  
তাঁহার নিকট উপস্থিত হন। রাজ্ঞীর কোমল চিত্ত প্রাণদণ্ডের আদেশ  
পত্র পাঠ করিয়াই যুগপৎ ভয় ও দুঃখে আচ্ছন্ন হইল। তিনি তখন  
কাগজ খানি হস্তে লইয়া কর্মচারীর মুখের প্রতি দৃষ্টিপাত করত জিজ্ঞাসা  
করিলেন “এই দুর্ভাগার স্বপক্ষে আপনার কি কিছু বলিবার নাই?” মহা-  
মান্য ডিউক অব ওএলিংটন(১) ঐ কাগজ হস্তে করিয়া আনিয়াছিলেন, তিনি

(১) ইনি ১৮১৫ খৃষ্টাব্দে ওয়াটার ল যুদ্ধক্ষেত্রে ফরাসী সম্রাট্ মহাবীর  
নেপোলিয়ন বোনাপার্টীকে পরাজয় করিয়াছিলেন।

উত্তর করিলেন “ঐ ব্যক্তি তিন খার সৈনিক দল হইতে পলায়ন অপরাধে  
দোষী হইয়াছে, অতএব উহার অনুকূল পক্ষে আমার কিছু বলিবার নাই।”  
রাজ্ঞী উত্তর শুনিয়া বলিলেন “আপনি পুনর্বার চিন্তা করিয়া দেখুন।”  
বীরশ্রেষ্ঠ ডিউক রাজ্ঞীর হৃদগত ভাব বুঝিয়া এই উত্তর করিলেন “ঐ ব্যক্তি  
সৈনিক কার্যে নিঃসংশয় নিব্ধিত ও অপরাধগ্রস্ত হইয়াছে, কিন্তু এক  
ব্যক্তি উহাকে সচ্চরিত্র বলিয়া সাক্ষ্য দান করিয়াছে। অতএব অপরাধ  
সকল সত্ত্বেও ঐ ব্যক্তি সচ্চরিত্র হইতে পারে।” রাজ্ঞী এই কথা  
শুনিবা মাত্র বলিয়া উঠিলেন “আপনি আমার সহস্র ধন্যবাদ গ্রহণ  
করুন” এবং তৎক্ষণাৎ সেই কাগজের উপর স্পৃষ্টাকরে এই শব্দটী  
লিখিলেন “ক্ষমা করিলাম।” দয়াচিহ্ন রাজ্ঞীর হস্ত হইতে যখন  
ক্ষমা শব্দ নির্গত হইল, তখন হৃদয়ের ব্যাকুলতাবশতঃ তাঁহার হস্ত কাঁপিয়া-  
ছিল।

তার নামক আর একটী সৈনিক পুরুষ রাজবিদ্রোহ দোষে দোষী  
সম্প্রমাণ হইয়া ছিল। তজ্জন্য তাহারও প্রাণদণ্ডের আদেশ হয়।  
দণ্ডদেশ-পত্রে রাজ্ঞীর স্বাক্ষর নিমিত্ত রাজকর্মচারীগণ তাঁহাকে  
বিশেষরূপে অনুরোধ করেন এবং ঐ ব্যক্তির প্রাণদণ্ড দ্বারা অপর  
বিদ্রোহীদিগকে ভয় প্রদর্শন না করিলে মহা অনিষ্ট হইবার সম্ভাবনা  
ইত্যাদি কারণ প্রদর্শন করেন। কিন্তু রাজ্ঞী কোন মতে তাঁহাদিগের  
প্রার্থনা অনুমোদন করেন নাই। কিয়দিন পরে কর্মচারীদিগের পুনঃ  
পুনঃ অনুরোধের হাত ছাড়াইতে না পারিয়া এক দিবস তিনি অনুমতি  
পত্রে স্বাক্ষর করিতে বাধ্য হন, কিন্তু স্বাক্ষর করিবার সময় অশ্রু সম্বরণ  
করিতে না পারিয়া রোদন করিতে করিতে স্বাক্ষর করেন। এই প্রকারে  
অনুমতি পত্র স্বাক্ষর করিয়া দিবার এক ঘণ্টা কাল মধ্যে তাঁহার হৃদয়  
এতদূর ব্যাকুল হইয়া উঠিল যে ঐ কাগজ তিনি পুনর্বার চাচিয়া পাঠা-  
ইলেন এবং তাহা লইয়া স্বহস্তে খণ্ড খণ্ড করিয়া ফেলিয়া দিলেন।



## উপন্যাস ।

চন্দ্রের জামা পরিবার সাধ ও অসন্তুষ্ট ব্যক্তির  
সন্তুষ্ট হইবার বাসনা ।

গ্রীকদিগের পুরাণে একটী কৌতুক-জনক গল্প আছে । আমাদের দেশের অজ্ঞ লোকদিগের ন্যায় গ্রীকেরাও চন্দ্র সূর্য্য প্রভৃতি জড়পদার্থকে সচেতন ও দেবতা বলিয়া বিশ্বাস করিত । যাহাহউক সে জন্য গল্পের নিষ্ফলতার কিছু হ্রাস হয় না এবং তাহা হইতে যদি কোন নীতি শিক্ষা পাওয়া যায়, অবশ্য গ্রহণ করা কর্তব্য । একদিন চন্দ্র আত্মরে ছেলের ন্যায় আপনার মাতাকে বলিলেন, মা! আমি শীতে বাতাসে বড় কষ্ট পাই, আমার গার মত একটী জামা করিয়া দেও না ।' চন্দ্রের মাতা দুঃখিত হইয়া বলিলেন 'বাছা! তোমার কষ্টে কি আমার কষ্ট বোধ হয় না; তাই তুমি আবার একথা আমাকে বলিবে? যা হোক, আমি অনেক দিন ভাবিয়া চিন্তিয়া ইহার কোন উপায় করিতে পারি নাই, কখন যে পারিব তাহারও আশা নাই ।' চন্দ্র বলিলেন 'কেন মা?' তাহার মাতা বলিলেন 'বাছা! তুমি যে কখন কোন্ আকারে থাক তাহার ঠিক নাই । আজ দেখি তুমি খালার মত গোল, কালি দেখি তুমি কাস্তুর মত বাঁকা একটা রেখা—তোমার দুইধারে দুই শিঙ, আর একদিন দেখি তুমি চন্দ্র-পুলির মত আধখানি, আবার একদিন দেখি তুমি মুখভাঙ্গা কুঁজোর মত প্রায় পুরপুরি গোল । তোমার জামা না গোল, না লম্বা, না খাঁট, না চৌকোণা কিছুই হইবে না । তোমার গার মত জামা করিয়া দেওয়া বাপু আমার সাধ্য নহে ।'

চাঁদের মার ছেলে হৃদ পনরটী আকার ধারণ করে, তাহাই ঠিক করিয়া জামা করিতে তিনি পারিলেন না । আমরা দেখিতে পাই এমন খামখেয়াল ও নিরীক্ষা অনেক স্ত্রীলোক আছেন, তাহাদের মন কখন যে কি আকার ধারণ করে, তাহা ঠিক করা মনুষ্যের অসাধ্য । তাঁহারা সর্ষদাই অসন্তুষ্ট-চিত্ত, দুঃখের অবস্থায় যেমন, সুখের অবস্থায় তেমন; সজনেও যেমন নির্জনেও তেমন । তাঁহারা স্বামীদিগকে জ্বালাতন করিয়া মারেন,

ক্ষণে ক্ষণে এক এক প্রকার ইচ্ছা, এক এক প্রকার কুচি প্রকাশ করেন, স্বামীরা প্রাণপণে তাহাদের সন্তোষ সাধন করিতে চেষ্টা করিলেও তাহারা সন্তুষ্ট হন না । দেখ, এমনও স্থল আছে যে তাঁহারা অটালিকায় বাস করিতেছেন, দাস দাসীতে বেষ্টিত, সর্কাঙ্গে মনিমুক্তা ও সোণার গহনা পরিয়াছেন, যখন যে সাধ তাহা পূর্ণ হইতেছে, তথাপিও তাঁহাদের মন সন্তুষ্ট বা প্রসন্ন দেখা যায় না । কোন অবস্থায় তাহাদের মনের মত হয় না । একরূপ নারীগণ নিজেও কষ্ট পান, অন্নীয়দিগকেও যার পর নাট বিবর্ত্ত করেন । চাঁদের মার কথা তাহাদের স্মরণ করিয়া চিন্তা করা উচিত কি জন্য তাঁহারা সন্তুষ্ট হইতে পারিতেছেন না? চন্দ্রের আকার যদি একপ্রকার হইত, তাহার মাতা তাহার জন্য সুন্দর জামা করিয়া দিয়া তাহাকে সুখী করিতেন, আপনিও সুখী হইতেন । আমাদের খামখেয়াল রমণীগণ যদি সুবোধ হন এবং মনের ভাব এক প্রকার করেন, তাহাদের আন্নীয়গণ তাহাদিগকে সন্তুষ্ট করিবার উপায় করিতে পারেন এবং তদ্বারা আপনারাও সুস্থিরচিত্ত হইতে সমর্থ হন তাহার সন্দেহ নাই ।

স্ত্রিয়ঃ শিয়ঞ্চ গেহেষু ন বিশেষোহস্তি কশ্চন ।

স্ত্রী যার নাটিক হায়! স্ত্রী তার কোথায়,  
স্ত্রীপতিও (১) স্ত্রী বিহনে শোভা নাহি পায় ।  
আজ্ঞাকারী দাস দাসী থাক বহুতর,  
পা (উ) ক শোভা অশ্ব রথে শোভিত চত্বর,  
ধন ধান্য পরিপূর্ণ থাকুক আলয়,  
স্ত্রী অভাবে তবু লোকে "গৃহ-শূন্য" কর ।  
আহা! কিবা ভাগ্যীর ধরায় সেজন,  
সরলা সুশীলা যার রমণী রতন ।  
যে জন মনেতে জানে "আমার গৃহিণী,  
আমার মনের মত বিশুদ্ধচারিণী ;  
(১) ধনপতি, অতুল ঐশ্বর্যবান্ও ।



আমাতে সে অনুরক্ত মনের সহিত—  
 মোর হিতাহিতে ভাবে নিজ হিতাহিত ;  
 আমি যে তাহার সদা ভাল চেষ্টা পাই,  
 সন্দেহ প্রিয়ার তাতে কিছুমাত্র নাই ;—  
 হিত ভাবি যাহা আমি কহি যে সময়,  
 তাহে প্রতিকূল প্রিয়া কভু নাহি হয় ;  
 ঘেঘ গর্ব কপটতা না জানে কেমন,  
 ককশ বচন নাহি মুখে কদাচন ;  
 নিষিদ্ধ বিষয় যাহা তাহে পুনরায়,  
 অগ্রসর কভু নাহি নিরখি তাহায় ।  
 সুখের কেমন স্বাদ জানে সেই জন,  
 সে সুখ হরিতে নাহে কেহ কদাচন ।  
 কুটিলো প্রীসাদ সন তাহার নয়নে,  
 অদ্বিত সুখ শ্রোত বহে তার সনে ॥  
 স্ত্রী সুলভ অট গুণ গধুবতাময় ।  
 তাহে নিরঙ্কর প্রিয়া যদি নাহি হয়,  
 সৌণ্য সৌভাগ্য তবে আবার কেমন,  
 কারে বলে বল মণি কাঞ্চন মিলন ?  
 একেত কুসুমাবলী আনন্দ আধার,  
 সৌরভ থাকিলে তার তুলনা কি আর ?  
 স্বভাবতঃ পক্ষি জাতি দেখিতে সুন্দর,  
 সুস্বর হইলে তাহে কত মনোহর !  
 আহা ! বিদ্যা গুণযুত পতি-পরায়ণা  
 রমণী রতন যেই পেয়েছে ললনা,  
 ধন্য পুণ্যবান্ সেই নাহিক সংশয়,  
 আঞ্জাবহ সুখ তার সবল সময় ॥

## শব্দ বিজ্ঞান ।

শব্দবিজ্ঞানে শব্দ কি, ইহা কিরূপে উৎপন্ন ও বিস্তারিত হয় তাহা জানা যায় । বায়ুমণ্ডলের কম্পন দ্বারা শব্দ উৎপন্ন হয় । ইহার দৃষ্টান্তঃ—  
 একটা ঘন্টা যখন বাজে, তখন তাহার সর্বোচ্চ কাঁপিতে থাকে, তাহার কোন স্থান যদি নখ দিয়া আস্তে আস্তে স্পর্শ করা যায় আমরা বেশ বুঝিতে পারি । এই কম্পনদ্বারা বায়ু আহত হয় এবং চারিদিকে কিছু দূর পর্যন্ত চাপিয়া একত্র হয় । চাপা বাতাস ক্ষণমাত্র বিস্তৃত হয় এবং তদ্বারা তাহার উপর যে চাপ পড়িয়াছিল তাহা নিকটস্থ বায়ুতে চালাইয়া দেয় । কোন স্থির সরোবরের উপর একখণ্ড প্রস্তর পড়িলে যেমন চারিদিকে তরঙ্গমালা উৎপন্ন হয় এবং ক্রমশঃ তরঙ্গের পরিমাণ ও বেগের হ্রাস হয়, সেইরূপ কম্পমান ঘন্টার প্রত্যেক কম্পনে ঘনীভূত বায়ুর তরঙ্গমালা বিস্তারিত হইতে থাকে । কম্পিত বায়ু অবশেষে কর্ণে উপস্থিত হয় ; তথায় তাহা অতি কোমল স্নায়ু সূত্রে আঘাত করিলে মনোমধ্যে শব্দ জ্ঞানের উদয় হয় ।

বায়ুর একটী নাম শব্দবহ । শব্দ চালনার জন্য বায়ুর মধ্যবর্তিতা বা সাহায্য যে আবশ্যিক তাহা স্পষ্ট বুঝা যায় । বায়ু নির্ঘন (Air Pump) যন্ত্র হইতে বায়ু বাহির করিয়া তন্মধ্যে ঘন্টা বাজাও, কোন শব্দ শুনিতে পাইবে না । মন্থ বা তেজা পদার্থ সকল শব্দ চালনার পক্ষে বিশেষ উপযোগী, বরফ, জল এবং কঠিন যুক্তিকার উপরিভাগ ইহার দৃষ্টান্ত । হাতুড়ী পেটা যেখানে হয়, তাহার অল্পদূরস্থ লোকে তাহার শব্দ যত না শুনিতে পায়, সরোবর বা নদীর পরপার হইতে তদপেক্ষা স্পষ্টরূপে তাহা শুন্য যায় । প্রসিদ্ধ আছে, অসভ্যজাতির শব্দ বা শিকারীজন্তুর সমাগম জানিতে হইলে ভূমিতে কর্ণ দিয়া বুঝিতে পারে । লণ্ডন নগরের এক প্রকাশ্য স্থানে কতকগুলি সানাই ও বাঁশী পূর্ণ একটী যন্ত্র আছে, শানাইর মুখে যে কোন প্রশ্ন জিজ্ঞাসা কর, তৎক্ষণাৎ একটী অদৃশ্য রমণীর স্বরে তাহার উত্তর শুনিতে পাইবে । এই অলৌকিক ব্যাপারের কারণ এই, যন্ত্রের পার্শ্ব মধ্য দিয়া নিকটবর্তী একটী গৃহ পর্যন্ত গুপ্ত পথ আছে, বাঁশী



সকল তাহার মধ্য দিয়া শব্দ চালাইয়া দেয়। ভাল ভিজান দেবদারু কড়ীর এক সীমায় নখ দিয়া খোঁট, তুমি নিজের কাণে কোন শব্দ পাইবে না, কিন্তু ২০২৫ হাত দূরে অপর সীমায় কাণ দিয়া থাকিলে অপর ব্যক্তি তাহা শুনিতে পাইবে।

বায়ুর ন্যায় জলও শব্দ সঞ্চালক। জলের মধ্যে একটা ঘণ্টা বাজাও, জলের উপরে তাহার শব্দ শুনা যাইবে। জ্রোতার কর্ণ যদি জলের ভিতর থাকে, শব্দ আরও স্পষ্ট শুনা যায়। বালকেরা জলে এক প্রকার খেলা করে। এক জন বালক পুষ্করিণীর এক পারে ঘণ্টা অঙ্গুলি দেখাইবে, আর এক বালক অপর পারে নিকট ডুব দিয়া তাহা গণিয়া বলিতে পারে। ইহার মধ্যে শব্দ বিজ্ঞানের একটা কৌশল আছে। যে বালক ডুব দেয়, তৃতীয় একজন বালকের সঙ্গে সে গড়িয়া রাখে যে প্রথম বালক ঘণ্টা অঙ্গুলি দেখাইবে, জলের মধ্যে হস্ত বা পদ দ্বারা সে যেন ততটা শব্দ বা আঘাত করে। এই শব্দ অনেক দূর হইতেও জলমগ্ন বালকের কর্ণে স্পষ্ট যায়, এই জন্য সে অনায়াসে বলিতে পারে।

বায়ুমণ্ডলের উত্তাপ যখন স্বাভাবিক অবস্থায় অর্থাৎ তাপমান যন্ত্রের ৬২ ডিগ্রী থাকে, তখন শব্দ এক সেকণ্ডে ১১২৫ ফিট অর্থাৎ ৭৫০ হাত গমন করে। উত্তাপ যে পরিমাণে অধিক হয়, শব্দ সেই পরিমাণে অধিকদূর বিস্তৃত হয়, এবং যে পরিমাণে হ্রাস হয়, শব্দ তত কমদূর যায়। ইহার মধ্যে এই একটা আশ্চর্য্য যে শব্দ কঠিন বা ক্ষীণ, গম্ভীর বা তীক্ষ্ণ হউক, সকলের বেগ এক সমান হইবে। ইহার কারণ, শব্দ দ্বারা বায়ুতে যে কম্পন হয়, সূক্ষ্মই হউক আর বিস্তারিত হউক তাহার প্রত্যেক-টীতে সমান সময় লাগে। এই সকল বিষয় স্মরণ রাখিলে শব্দ সংক্রান্ত যে সকল অলৌকিক ঘটনা শুনা যায় তাহার মর্মভেদ হইতে পারে এবং কিছুই আর বিশ্বয়ের ব্যাপার বলিয়া বোধ হয় না।

#### প্রতিধ্বনি।

প্রতিধ্বনি অর্থাৎ শব্দের পরিবর্তে যে শব্দ হয়, ইহা শব্দ বিজ্ঞানের একটা অতি কৌতূহলজনক বিষয়। নদী তীরে তরঙ্গের প্রতিঘাতের যে কারণ, ইহার কারণও ঠিক সেইরূপ। একটা তরঙ্গ যখন উচ্চ তীরে আঘাত

করে, ইহা যে দিক্ হইতে আসিয়াছিল, সেই দিকে আবার নিষ্ফিণ্ড হয় এবং তথা হইতে পুনরায় তীরে আঘাত করে। শব্দের তরঙ্গ সকলও আসিতে আসিতে বাধা পাইলে প্রতিহত হয় এবং পুনরায় বাধক জব্যে আঘাত করিয়া থাকে, ইহাতেই প্রতিধ্বনি উৎপন্ন হয়। যে বস্তুর শব্দের বাধা জন্মায় তাহা যত সমতল হয়, প্রতিধ্বনি তত সম্পূর্ণ রূপে শুনা যায়। অসমতল স্থান হইতে শব্দ তরঙ্গ ভিন্ন ভিন্ন সময়ে ফিরিয়া আইসে, এই জন্য তাহা গোলমাল হইয়া যায়, পরিষ্কার ধ্বনি কর্ণগোচর হয় না। মন্দিরের ভিতরের মত গোলাকার আবরণ হইলে প্রত্যেক স্থান হইতে প্রতিঘাত একটা মধ্যবিন্দুতে একত্র হয় এবং তাহাতে ভয়ঙ্কর প্রতিধ্বনি শুনা যায়।

যে স্থান হইতে শব্দ করা যায়, প্রতিধ্বনি সে স্থানে ফিরিয়া আসিতে অল্প বা অধিক বিলম্ব হয়, বাধক বস্তুর দূরত্বের উপর এই বেগ নির্ভর করে। শব্দ এক সেকণ্ডে ১১২৫ ফিট বা ৭৫০ হাত গমন করে, কোন পর্বত ইহার অর্ধেক দূরে অর্থাৎ ৩৭৫ হাত দূরে থাকিলে শব্দের প্রতিধ্বনি আসিতে ঠিক এক সেকণ্ড লাগে। এক সেকণ্ডে আমরা ঘণ্টা বর্ণ উচ্চারণ করি, তাহার প্রতিধ্বনি স্পষ্টাক্ষরে শুনা যাইবে। অধিক বাক্য হইলে তাহার শেষ কথা গুলি প্রতিধ্বনির প্রথম কথার সহিত মিশাইয়া যায়।

একটা শব্দ করিলে কখন কখন দুই, তিন, বা চারিটা প্রতিধ্বনি শুনা যায়। কোন স্থানে শব্দকে বাধা দিবার যতগুলি বেঁক থাকে, ততগুলি প্রতিধ্বনি হয়। মন্দির বা গির্জার মধ্যে শব্দ করিলে শব্দের তরঙ্গ খিলানের একদিক্ হইতে আর একদিকে বাধা পাইয়া ক্রমাগত গম্ভীর নাদে প্রতিধ্বনি করিতে থাকে। রাইন নদীর তীরে লরলি নামক স্থানে এইরূপ প্রতিধ্বনি করিতে থাকে। বায়ু যদি অল্পকূল হয়, নদীর একদিকে একটা বন্ধুক আওয়াজ করিলে নদীর উভয় তীরে পর্যায়ক্রমে অনেকবার প্রতিধ্বনি শুনা যায়। ওয়েলসের মিনার প্রণালীর উপর যে ঝলান সেতু আছে তাহাতে এক প্রকার আশ্চর্য্য প্রতিধ্বনি হয়। সেতুর একদিকে হাতুড়ীর শব্দ করিলে সাঁকোর ভিত্তি প্রত্যেক কড়ী হইতে একাদিক্রমে শব্দ হয় এবং প্রায় ৬০০ হাত দূরে সেতুর অপর দিক্ হইতে প্রতিধ্বনি



শুনতে পাওয়া যায়। এতদ্ভিন্ন জল ও সাঁকোর মধ্যে শব্দের প্রতিশব্দ অনেক বার উচ্চিত হয়, এমন কি এক সেকেন্ডের মধ্যে ২৮ বার শুনায়।

## কৃত্রিম অঙ্গ বিকৃতি।

মনুষ্য-শরীর ঈশ্বরের হস্তে সংগঠিত হইয়া যখন ভূমিষ্ঠ হয়, তখন তাহা অতি সুন্দরী ও কমলীয় এবং তাহা যৌবনকালে পূর্ণাবয়ব-সম্পন্ন হইয়া থাকে। অঙ্গ সকল প্রথমতঃ কেমন নমনীয় এবং সুসৌষ্ঠব, মস্তক উন্নত ও গোলাকৃতি, দেহ সফল ও ঋজু, পাদদেশ বিস্তৃত এবং স্বেচ্ছানত চলনশীল! যদি সুস্থ অবস্থা হয়, দেহের অভ্যন্তরস্থ যন্ত্র সকলও স্ব স্ব নির্দিষ্ট কার্য্য সুচারুরূপে সম্পন্ন করিয়া থাকে। বস্তুতঃ শরীর যদি বার্কিক্য বা পীড়ায় অভিভূত না হয় অথবা আত্যন্তিক পরিভ্রম ও অত্যাচারে ভগ্ন হইয়া না যায়, তাহা হইলে তাহার সৌন্দর্য্যের ব্যত্যয় হয় না। প্রকৃতির কার্য্য কদর্য্য বা অসম্পূর্ণ নয়, যে তাহার পরিবর্তন বা রূপান্তর করিয়া আমরা উৎকর্ষ সাধন করিব। কোন কোন স্থলে আকস্মিক বিকলঙ্গি বা কুৎসিত আকার দেখা যায় বটে, কিন্তু তাহাও অনেকটা মনুষ্যের কোন না কোন প্রকার অত্যাচার বশতঃ, এবং তৎসংখ্যা এত অল্প যে তাহা নিয়মের মধ্যে কদাচ ধর্তব্য নহে! বস্ত্রালঙ্কার যদি সুরুচি-পূর্ব্বক পরিধান করা হয় তাহা হইলে আকারের কিছু পরিমাণে শোভা-রক্ষি এবং ত্রুটিশোধন করা যায়, এ প্রকার রীতি যুক্তিসিদ্ধ এবং সর্ক-বাদিসম্মত তাহার সন্দেহ নাই। মস্তকে স্বাভাবিক অল্প চুল থাকিলে পরচুলা পরিধান করা এবং দন্তে পোকা ধরিলে কৃত্রিম দন্ত ব্যবহার করা যদিও আবশ্যিক নয়, কিন্তু বিশেষ আপত্তির বিষয়ও নহে।

আবশ্যিক স্থলে সুরুচি অনুযায়ী রূপের এইরূপ উৎকর্ষতা সাধন করিলে দূষা হয় না। কিন্তু শরীরে যন্ত্রণা-দিয়া, বলপূর্ব্বক আকারের পরিবর্তন করা এবং মাংসপেশী সকলের ক্রিয়া অবরোধ করা অন্য প্রকার বলিতে হইবে। এ প্রকার চেষ্টায় কেবল যে উন্মাদতা ও নিবুদ্ধিতা প্রকাশ পায় এরূপ নহে, কিন্তু অধর্ম্মের দণ্ডার হয়। অত্যন্ত আশ্চর্য্যের বিষয় বলিতে

হইবে যে, স্বভাব এবং সুবিচার মতে যে অবয়বের অধিক উৎকর্ষ সাধন হইতে পারে না, দেশাচার মতে ও স্বেচ্ছানুসারে তাহার পরিবর্তন করিতে সকল দেশের লোককেই সচেষ্ট দেখা যায়।

কৃষ্ণর্ণ প্রায় সকল জাতি শরীর চিত্রিত করিয়া থাকে; কেহ মুখনগল, কেহ বাহু ও হস্তপদ এবং কেহ কেহ সমুদায় দেহ চিত্রিত করে। তাহার আপনাকে ভাল করিয়া দেখাইবার জন্য শরীর চিত্রকালের মতও অঙ্কিত করে। এই অস্বাভাবিক উপায় দ্বারা শরীরকে সুশোভিত করিতে অনেক কষ্ট স্বীকার করিতে হয়, চর্ম্মের ক্রিয়া সকল সম্পাদনে ব্যাঘাত জন্মে এবং মুখভঙ্গী ভয়ঙ্কর ও হাস্যাম্পাদ হইয়া থাকে।

আমেরিকার এসকুইসক্স নামে এক অসভ্যজাতি নীচের ঠোঁট বিঁধা-ইয়া তন্মধ্যে কাঠের, হাড়ের বা উদ্ভিড়ালের দাঁতের গহনা পরে। ঠোঁট চিরিয়া গহনা পরা হয় কেবল নয়, সেই গহনার ভারে ঠোঁটের কিয়দংশ ঝুলিয়া পড়ে, তাহাতে নীচের পাণীর দাঁত ও মেড়ে বাহির হয়। ইহা ঐ জাতির নিকট একটা সৌন্দর্য্য! এদেশীয় রমণীদের নাক কান ফুঁড়িয়া প্রচুর গহনা পরার রীতিটি বড় অধিক সভ্যতাসূচক নয়। দক্ষিণ সমুদ্রস্থ দ্বীপবাসীরা ও অন্যান্য কতকগুলি অসভ্যজাতি নাক বিঁধিয়া ঐ রূপ গহনা বালাইয়া থাকে। প্রাচীন সিরিয়া দেশের লোক-দের মধ্যেও এইরূপ ব্যবহার ছিল।

আফ্রিকাস্থ কতকগুলি জাতি করাতের দাঁতের মত দাঁত করিয়া থাকে। তাহাদের উদ্দেশ্য এই, ইছুর ধরিবার করাতের কলের দাঁত সকল যেমন পরস্পর দৃঢ়রূপে সংলগ্ন হয়, উপর ও নীচের পাণীর দাঁতও তেমনি করিয়া বসিবে। নিগ্রোদের একে পুরু ঠোঁট ও হাঁ করা গাল, তাহার উপর এইরূপ ভয়ঙ্করাকৃতি দাঁতে যে কি শোভা হয়, একবার চিন্তা করিলেই বুঝা যায়।

ভারতবর্ষের কতকগুলি সন্ন্যাসী কল্পিত ধর্ম্মসাধন উদ্দেশ্যে উর্দ্ধ্ব বাহু হয় এবং মস্তকের উপর অধিকবাল হস্ত উত্তোলন করিয়া রাখাতে ক্রমে বাহু আর নমনীয় হয় না। কেহ কেহ বহুকাল হস্ত মুঠা করিয়া থাকে, তাহাতে নখ রক্ষি হইয়া হাত ফুঁড়িয়া যায় এবং আঙুল আর নড়িতে



পারে না। আর এক জ্রেণী হাত পার নখ কাটে না এবং তাহা পাখির নখরের মত করিয়া ফেলে।

চিনদেশে দীর্ঘ নখ সম্ভ্রান্ত পদস্থ লোকের চিহ্ন। আহাৰ রুত্তি লাভার্থ যে পরিশ্রম করিতে হয় না, তাহা ইহা দ্বারা প্রকাশ পায়। ইংলণ্ডে এইরূপ এক সকের দল আছে, তাহারা বড় নখের জন্য বড় অহঙ্কারী, কেন না তাহাদের হস্ত অবশ্যগা হইয়াছে! চিনদিগের নখ এক বিষত লম্বা হইয়া থাকে, অঙ্গুলির অগ্রভাগ হইতে বংশ শলাকার ঠেকা দিয়া তাহা সোজা করিয়া রাখিতে হয়। ইংলণ্ড ও ফ্রান্সের যুবকেরা ট্রাউসার নামক এক প্রকার শক্ত চামড়ার বন্ধনদ্বারা হাঁটু শক্ত করেন যে, চলিবার সময় পা একটু বেঁকিয়া না যায়। এই বাঁধনে ক্রমে পা ও উরু এক হইয়া পড়ে। যৌবনকালে তত বোধ না হউক, বৃদ্ধকালে ইহার ফলভোগ হয়। হাঁটু না বেঁকিয়া পা একগাছি লাঠি হইয়া থাকিবে ইহা স্বভাবের অভিপ্রেত নয়। সৈনিকেরা যেরূপে চলন অভ্যাস করে, তদ্বারাও তাহাদের শরীর বিকৃত হইয়া যায় এবং বৃদ্ধকালে তাহার কষ্ট বিলক্ষণ অনুভূত হয়।

কেবল নিউ জিলাওবাসী অসভ্যজাতি মুখমণ্ডল চিত্র করিয়া অস্বাভাবিক মূর্তি ধারণ করে এরূপ নয়, সুশিক্ষিত ইউরোপীয় বিবিরাও এ বিষয়ে কোনমতে ন্যূন হইবার নন। ইহারা নানাবিধ পাউডার মাখিয়া মুখ বিকৃত এবং শরীর অসুস্থ করিয়া ফেলেন। মুখে ব্রণাদি কোন রোগ যখন প্রকাশ পায়, তখন জানা উচিত শরীরাত্মান্তরস্থ মহৎ পীড়া নিবারণের জন্য এইরূপ স্বাভাবিক উপায় নির্দিষ্ট হয়! কিন্তু রোগের চিকিৎসা না করিয়া মুখে রঙ মাখিয়া তাহা ঢাকিলে হিতে বিপরীত ঘটিয়া থাকে। ভিতরের রোগ ভিতরে বাড়িতে থাকে, পাউডার মাখিয়া মুখের স্বাভাবিক কান্তি এককালে বিনষ্ট হয়, শেষে অনারত মুখ যার পর নাই কুৎসিত হইয়া পড়ে।

পাকা চুলে কলপ দেওয়ারও দোষ বিস্তর। কলপ কোন প্রকার খাতু হইতে রাসায়নিক কোশলে প্রস্তুত হয়, তাহা চুলের উন্নতিকারী না হইয়া বিলক্ষণ ক্ষতিকারক হয়। অনেক বিচক্ষণ বিবী হানিকারক রঙ না মাখিয়া স্বাভাবিক শাদা চুল ধারণ করিতে আরম্ভ করিয়াছেন। ইহাদের রুচি স্বাভাবিক ও ভদ্র বলিতে হইবে।

## গৃহ-চিকিৎসা ।

### পরীক্ষিত সুলভ ঔষধ ।

আধকপালে মাথাধরার ঔষধ।  
১—শ্বেতচন্দন ও কপূর একত্র খলে মাড়িয়া বেদনার স্থানে দিলে আশু প্রত্যকার হয়। ২—ডালচিনির তৈল দ্বারা মর্দন করিলে উপকার হয়। ৩—ছোট এলাচ খোসার সহিত জল দিয়া বাটিয়া প্রলেপ দিলে আরোগ্য হয়।

মাথাধরার ঔষধ। ১—শীতল জলে নেকড়া ভিজাইয়া মাথায় দিবে। ২—অডিকলম মাথায় দিবে। ৩—এয়ারলোসের ত্রাণ লইবে। এয়ারলোস তৈয়ার করিবার প্রণালী এই, নিশাদল ও কলিচূর্ণ সমান ভাগ মিশ্রিত করিয়া একটা শিশির ভিত্তর রাখিবে, ইহার সহিত কোন স্নগন্ধ দ্রব্য যোগ করিলে ভাল হয়। ইহাতেও রোগ আরোগ্য না হইলে জোলাপ লইতে হইবে।

ছর্দা—অত্যন্ত ছর্দা হইলে প্রাতঃ কালে ও বৈকালে অর্ধ কুচ পরিমাণ কপূর সেবন করিবে ও সর্বকাল কপূরের ত্রাণ লইবে। আর গরম জলে কিয়ৎক্ষণ পা ডুবাইয়া রাখিবে।  
গাত্রবেদনা—কোন স্থানে বেদনা

হইলে প্রথমতঃ গরম জলে ফেলানেল কাপড় ভিজাইয়া তাহা নিংড়াইয়া অর্ধঘণ্টা কাল সেক দিবে। পরে তারপিণ তৈল ও কপূর একত্র মিশ্রিত করিয়া বেদনাস্থানে মালিস করিবে।

অর্জীর্ণ ও পেট ফাঁপার ঔষধ।  
১—সৈন্ধব লবণ, বিটলবণ ও কপূর প্রত্যেক এক কুচ ওজন জুয়ান তিন কুচের সহিত মিশ্রিত করিয়া পাতিলেবুর রস দিয়া রৌদ্রে শুকাইবে। ইহাতে যেরূপ একটা বটিকা হয়, সেইরূপ ২৪টা বটিকা প্রস্তুত করিয়া দিবসের মধ্যে দুই তিন বার সেবন করিতে হইবে। ২—আদা, মৌরী, গোলমরিচ ও লবণ সমান সমান ভাগ লইয়া সেবন করিবে। ৩—সিকি কাঁচা আদার রস ও লবণ ১৫ কুচ ওজনে মিশাইয়া সেবন করিবে।

ভেদবনীর ঔষধ—প্রথমে কপূর আট কুচ, হিঙু ছয় কুচ, শুঁট চূর্ণ চারি কুচ এই তিন দ্রব্য একত্র মিশ্রিত করিয়া আটটা বটিকা প্রস্তুত করিতে হইবেক। ইহার এক একটা বটিকা প্রত্যেকবার ভেদ হইবার সময় অথবা দুই ঘণ্টা অন্তর সেবন করিতে হইবে। কিন্তু যদি অধিক বার ভেদ হইতে থাকে, আর এই ঔষধে ভেদ



বন্ধ না হয়, তবে সিকি কুঁচ ওজনের আফিম একটী একটী বটিকাতে যোগ করিয়া সেবন করিলে আশু প্রতীকার হইবেক। প্রস্রাব বন্ধ হইলে দুই কুচ পরিমাণ সোডা এক ছটাক শীতল জলের সহিত সেবন করিলে উপকার দর্শাবে। এইরূপ চিকিৎসায় অনেক ব্যক্তির পীড়া আরোগ্য হইয়াছে বলিয়া ইহা সাধারণের গোচর করা যাইতেছে।

কুমির উত্তম ঔষধ। পলাস বিচি প্রথমে গরম জলে ভিজাইয়া রাখিবে কিম্বা অল্প সিদ্ধ করিবে। তাহা হইলে তাহার সমুদায় খোসা একেবারে উঠিয়া যাইবে, আর যখন দেখিবে যে উত্তম রূপে শুকাইয়াছে তখন গুঁড়া করিবে। তাহা হইলে ঔষধ ব্যবহার যোগ্য হইবে। ২০ গ্রেণ অর্থাৎ আট রতি নাত্রায় দিবসে তিন বার সেবন করিতে হইবে। এইরূপ চারি দিবস সেবন করিলে সকল কুমি নাশ হইবে। তাহার পর অর্ধ-ছটাক তেরাপ্তার তৈল পান করিতে হইবে।

### নূতন সংবাদ।

১। কলিকাতার গড়ের নাঠে প্রতি বৎসর শীতকালে কয়েকটি আমোদ-

কর ক্রীড়া, হইয়া থাকে। ইউরোপ বা আমেরিকা হইতে কতকগুলি লোক এখানে আসিয়া সকল আমোদকর কার্য করেন এবং যথেষ্ট অর্থ উপার্জন করিয়া গৃহে ফিরিয়া যান।

আমাদিগের পাটিকাগণের মধ্যে কেহ কেহ গড়ের নাঠের সারকন্ অর্থাৎ শারীরিক অদ্ভুত কন্ট সকল দেখিয়াছেন। উহা অপেক্ষাও অধিক আশ্চর্য্য এক প্রকার ভোজ-বাজী হইয়া থাকে এবং নানা বিষয়ক নাটকের মনোহর অভিনয়ও হয়। অধিকাংশ ইংরেজ ঐ সকল আমোদ কর বিষয়ে অর্থ ব্যয় করিয়া দর্শন করিতে গিয়া থাকেন কিন্তু এক্ষণে আমাদিগের দেশীয় শিক্ষিত পুরুষদেরও ঐ সকল আমোদ সম্ভোগ করিতে অভিরুচি দেখা যাইতেছে এবং কেহ কেহ ঐ সকল নির্দোষ আমোদ সম্ভোগ করিতে সপরিবার যাইতে প্রবৃত্ত হইয়াছেন। এবং-সর হেলার সাহেবের অদ্ভুত বাজী লিয়া এক প্রকার ঐন্দ্রজালিক বাজী হইতেছে, তাহা ষাঁহারা দেখিতেছেন ষাঁহারা প্রশংসা করিতেছেন। গলা হইতে পা পর্য্যন্ত একটী ছবী রাইয়াছে কিন্তু মুণ্ডটী জীয়ন্ত পদার্থের ন্যায় নড়িতেছে এবং হাঁসিয়া কথা

কহিতেছে। কখন কখন গান করিতেছে। গাছ হইতে হঠাৎ ফুলফল হইতেছে। পক্ষীকে মারিয়া ফেলিয়া পুনর্বার তাহাকে বাঁচান হইতেছে। সম্মুখে রুমাল ধরিয়া তাহা হইতে ফুলের তোড়া প্রভৃতি দ্রব্য বাহির করা হইতেছে। এই প্রকারে প্রতি সপ্তাহে নূতন নূতন আশ্চর্য্য বাজী দেখান হইতেছে। আমাদিগের দেশের অজ্ঞান লোকদিগের এরূপ সংস্কার আছে যে ষাঁহার ঐ রূপ আশ্চর্য্য বাজী করিতে পারেন, তাঁহার ঐ এক প্রকার মন্ত্র জানেন তাহা দ্বারা উহা হইয়া থাকে। কিন্তু ফলতঃ তাহা নয়। কারণ মানুষের বাক্যের বা কোন শব্দের এমন কি শক্তি থাকিতে পারে যদ্বারা এমন আশ্চর্য্য ঘটনা হইবে? সম্ভ্র ইংরাজ প্রভৃতি বাজীকরণ আমাদিগের দেশের বাজীকরদিগের ন্যায় মন্ত্র ইত্যাদি কোন মিথ্যা কথা দ্বারা লোকদিগকে প্রতারিত করেন না। তাঁহার বালিয়া থাকেন নানাবিধ দ্রব্য-সংযোগ-গুণ ও কৌশল দ্বারা উহা হইয়া থাকে।

২। বিলাতে “ভিক্টোরিয়া তর্ক সভা” নামে বিদ্যালোচনার যে একটী সভা আছে তথায় অনেক

সম্ভ্রান্ত লোক একত্র হইয়া মিস ফেথফুল নামক এক বামাকুল হিতৈষিনী রমণীকে কতকগুলি সুন্দর ও মূল্যবান রৌপ্যনির্মিত বস্তু স্মরণার্থক উপহার দিয়াছেন।

৩। মিস কলেট নাম্নী বিলাতের এক সুবিখ্যাত বিদ্যাবতী ও সাধু-শীলা মহিলা ব্রাহ্ম সমাজের ইতি-বৃত্ত ইংরাজীতে লিখিতেছেন।

৪। উদয় পুরের মহারানী সম্প্রতি গবর্ণমেন্ট কর্তৃক “ফার অভ ইণ্ডিয়া” অর্থাৎ ভারত নক্ষত্র নামক উচ্চ উপাধি প্রাপ্ত হইয়াছেন।

৫। আমোদবাদে সম্প্রতি একটী স্ত্রীবিদ্যালয় হইয়াছে। সুপ্রণালীতে উহার শিক্ষাকার্য্য নির্বাহিত হইবে। এক জন ইউরোপীয় রমণী তত্ত্বাবধানের ভার গ্রহণ করিয়াছেন। ঐ বিদ্যালয়ের নিমিত্ত একটী নূতন গৃহ শীঘ্র নির্মিত হইবে।

৬। বিলাতে একটী মহিলা অনাথ বালকদিগের ভরণ পোষণার্থে স্পারজন্ নামক এক বিখ্যাত ও মাননীয় দেশহিতৈষী সাহেবের হস্তে দুই লক্ষ মুদ্রা প্রদান করিয়া ছিলেন। ঐ অর্থ দ্বারা উক্ত সাহেবের কর্তৃত্বে তাঁহার অভিপ্রেত কার্য্য অতি সুন্দর রূপে নির্বাহ হইতেছে।



সম্প্রতি ঐ সদাশয়া মহিলা অনাথা বালিকাদিগের নিমিত্ত ঐ রূপ প্রচুর অর্থ স্পারজন সাহেবের হস্তে দান করিয়াছেন।

৭। আমাদের পাঠিকাগণ রাণাঘাটের নিকটস্থ হরিবপুরের স্বয়ংবরা কন্যার কথা শুনিয়া থাকিবেন। ঐ কন্যার পিতা উপযুক্ত কুলীন বর না পাওয়াতে বাল্যবস্থায় কন্যার বিবাহ দিতে পারেন নাই। কন্যা ইত্যবসরে বয়ঃপ্রাপ্ত হইয়া মূর্খকুলীনের হস্তে আত্ম সমর্পণ করার দোষ বুঝিতে পারিয়াছিলেন এবং তজ্জন্য পিতার অগোচরে আপন মনোনীত এক যুবকের পানি গ্রহণ করেন। তাঁহার পিতা তজ্জন্য আদালতে বরের নামে নালিশ করিয়াছিলেন। কিন্তু কন্যা উপযুক্ত বয়ঃপ্রাপ্ত হইয়া স্বয়ংবরা হইয়াছেন তন্নিমিত্ত বিবাহ স্থির রাখিয়া জজ সাহেব নালিশ অগ্রাহ করিয়াছেন।

৮। লক্ষ্মী টাইমস নামক সংবাদ পত্রে প্রথমতঃ ইহা লিখিত হয় এবং অন্যান্য সংবাদ পত্র উহা উদ্ধৃত করিয়াছে যে, চিন দেশের রাজধানী পিকিনে সহস্র বৎসরেরও অধিক হইল এক খানি সাপ্তাহিক সংবাদ পত্র চলিয়া আসিতেছে।

উহার আকৃতি অতি সুহৃৎ এবং রেসমের উপরে মুদ্রিত হয়।

৯। সোমপ্রকাশ বলেন “সে দিন কলিকাতায় একটা বালিকা প্রদীপ লইয়া খেলা করিতেছিল এমন সময় তাহার কাপড় ধরিয়া উঠিল। চীৎকার করাতে সকলে আসিয়া আগুন নিবাইয়া ফেলিল বটে, কিন্তু কিয়ৎকাল পরে বালিকাটির মৃত্যু হইয়াছে।”

১০। সংবাদপত্র সকলে লিখিত হইয়াছে আলীগড় জেলার অন্তঃপাতি গোপালপুর গ্রামে এক বনিকের স্ত্রী এককালে ৬টা সন্তান প্রসব করিয়াছে। তন্মধ্যে ২টা পুত্র ৪টা কন্যা। তাহারা জীবিত আছে। এককালে ৬টা সন্তান জন্মিবার কথা পূর্বে শুনা যায় নাই। তবে পুরাণের লেখা সত্য বলিয়া মানিলে এককালে ৬০,০০০ পুত্র প্রসব হওয়াও সম্ভব।

১১। মুসলমান বালিকাদিগের বিদ্যা শিক্ষার্থে সম্প্রতি বোম্বাইয়ে একটা বিদ্যালয় স্থাপিত হইয়াছে। সে দিবস বিদ্যালয় প্রথম খোলা হয়, সেই দিনেই ৫০ টী ছাত্রী উহাতে প্রবেশ করিয়াছে।

১২। সংবাদ পত্র সকলে লিখিত হইয়াছে জেলা রাজসাহীতে একটা

বালক আছে, তাহার শ্রবণেন্দ্রিয় নাই কেবল তাহার স্থানে দুইটা ক্ষুদ্র ছিদ্র আছে, কিন্তু সে বধির নহে। যখন কেহ কথা কহে সে হাঁ করিয়া মুখের দ্বারা কথা শ্রবণ করিয়া থাকে! কর্ণ ও মুখের ছিদ্রের পরস্পর যোগ আছে, এইজন্য শব্দ মুখের ছিদ্রের দ্বারাও শুনা যায়।

১৩। সুলত সমাচার লিখিয়াছে যে সাহেবদের মধ্যে একটা রীতি আছে যে, কোন কোন নিমন্ত্রণ উপলক্ষে সাহেব বিবি সকল হাত ধরাধরি করিয়া মনের খুসিতে মহা নৃত্য করিয়া থাকেন। যে সকল বিবি এই নৃত্যে যোগ দেন তাঁহারা সাধ্যমত বেশ ভূষা করিয়া থাকেন। মার্কিন দেশে এক জন বিবি তাঁহার খোপায় গ্যাসের আলোর বাহুর করিয়া এই নাচে নাচিতে যাইবেন। খোপার ভিতর তিনি পরচুলার বিড়া দিয়া মস্ত একটা খোন্দল করিবেন, তাহার ভিতরে গ্যাসের হাঁড়ি থাকিবে।

১৪। ইঞ্জিয়ান মিরার সংবাদ পত্রে লক্ষ্মী হইতে এক ব্যক্তি লিখিয়াছেন তথায় এক ভদ্র পরিবারে প্রতি দিন ঈশ্বরোপাসনা হইত। ঐ বাটীতে একটা বিধবা পরিচারিকা

ছিল, সে তাহা প্রতি দিন দেখিয়া ও শুনিয়া ক্রমে ক্রমে ঈশ্বর প্রেমে অনুরক্ত হইয়াছিল, কিন্তু বাহ্য ভাবে তাহা কিছু প্রকাশ করিত না। সম্প্রতি সে পীড়িত হইয়া শয্যাগত হওয়ায় তাহার ঈশ্বরোপাসক প্রভুকে সবাক্ভাবে তাহার শয্যার নিকট বসিয়া ঈশ্বরের নাম করিতে অনুরোধ করে। তাহার প্রভু তাহার নিকট তজ্জন্য উপাসনা ও নামগান করেন।

দুঃখিনী বিধবা একবার নাম গান শুনিয়া পুনরায় মধুর ব্রহ্ম নাম পান করিতে বলেন এবং এমনই একান্ত চিন্তে ও কাতর প্রাণে ঈশ্বরের শরণাপন্ন হন যে, মুমূর্ষু অবস্থা উপস্থিত, তখনও “দয়াময় আমার পরিভ্রাণ কর” এই শব্দ কাতর স্বরে পুনঃ পুনঃ বলিতে লাগিলেন। পরিবারস্থ ও উপস্থিত সমস্ত লোক তাহাতে করুণাদ্র হইয়া অশ্রু বিসর্জন করিয়াছিলেন। মৃত্যুর পূর্কক্ষণে তিনি এমনই শান্ত ভাব ধারণ করিয়াছিলেন যে আমার সংসারের সমস্ত বস্তু হইতে মনকে ফিরাইয়া সেই অভয় চরণে তিনি আশ্রয় লইতে সমর্থ হইয়াছেন ইহা সকলেরই প্রতীতি হইল।

১৫। আমাদের মহারাজী



বিক্টোরিয়ার জ্যেষ্ঠ পুত্র প্রিন্স অত ওএলস অতিশয় কঠিন জ্বর বিকার রোগে আক্রান্ত হইয়াছিলেন। পীড়ার অবস্থা এতদূর মন্দ হইয়াছিল, যে কয়েক দিন রাজপুত্র মুমূর্ষু প্রায় হইয়া শয্যাগত ছিলেন। ভার্য্যা ও ভ্রাতা ভগ্নীগণ দিন যামিনী তাঁহার শয্যার পার্শ্বে উপস্থিত থাকিতেন। চতুর্দিকে এমনই আশঙ্কা প্রচারিত হইয়াছিল যে কখন অল্পভ সংবাদ উপস্থিত হয় ইহার জন্য চিন্তা হইয়াছিল। প্রতি দিন তারের খবর দ্বারা পীড়ার অবস্থার সংবাদ কলিকাতায় গবর্ণর জেনারেলের কাছে আসিয়া থাকে। পূর্বপেক্ষা এক্ষণে পীড়ার কিছু প্রতীকার সংবাদ আসিয়াছে। চিকিৎসকেরা এখন আশা করিতেছেন তিনি ক্রমশঃ আরোগ্য লাভ করিবেন।

১৬। কলিকাতা ফ্রি চর্চ ইনষ্টিটিউটসন নামক বিদ্যালয়ের অধ্যক্ষ মিচেল সাহেবের বাটীর উদ্যানে একটা সখের বাজার বসিয়াছিল। অনেক সস্ত্রান্ত সাহেব ও বিবি এবং কয়েক জন দেশীয়া ভদ্র মহিলা ঐ বাজারে উপস্থিত হইয়াছিলেন। ইউরোপীয়দিগের এইরূপ সখের বাজার প্রভৃতি সাধারণের মনো-

রঞ্জন উপায় সকল দ্বারা সংকল্প সাধন অতিশয় প্রশংসনীয়। উক্ত বাজারে সস্ত্রান্ত ভদ্র মহিলা বিবিধ দ্রব্য বিক্রয় করিয়াছিলেন। সেই সকল বিক্রীত দ্রব্যের মূল্য ও দর্শক দিগের নিকট হইতে প্রবেশ টিকিটের অর্থ বাহা সংগৃহীত হইয়াছে সেই সমস্ত টাকা দরিদ্রদিগের উপকারার্থে প্রদত্ত হইবেক।

১৭। লণ্ডনের ভারতবর্ষীয় সামাজিক উন্নতি বিধায়িনী সভা কলিকাতার ভারত সংস্কার সভার অধীন শিক্ষয়িত্রী বিদ্যালয়ের সাহায্যার্থে দেড়শত টাকা প্রেরণ করিয়াছে। বিদেশীয় লোকের এরূপ সাহায্য বিশেষ অনুরাগ প্রদর্শক।

১৮। বিলাতে কনেক্টীকট নামক স্থানে খ্রীষ্টান ধর্মের ইউনিটেরিয়ান নামক সম্প্রদায়ের একটা উপাসনালয়ে একটা স্ত্রীলোক আচার্য্য ও উপদেষ্টার পদ গ্রহণ করিয়াছেন। ঐ উপাসনালয়ের উপাসকগণের মধ্যে এক ব্যক্তি এইরূপ ভাব ব্যক্ত করিয়াছেন যে নারী-জাতির স্বর্গীয় ধর্মভাব পুরুষ জাতির লাভ করা নিতান্ত আবশ্যিক হইয়াছে। পুরুষ জাতির কঠোর প্রকৃতির শিক্ষা অপেক্ষা নারীর

কোমল হৃদয়ের শিক্ষা ধর্মোন্নতির বিশেষ উপযোগী।

১৯। আমাদের রাজকুমারের যে উৎকট পীড়ার সংবাদ পাঠিকাগণ শুনিয়াছেন তাহার আরোগ্য সংবাদ আসিয়াছে। যেখানে চিন্তা ও দুঃখ প্রচারিত হইয়াছিল এখন আনন্দ ধ্বনি হইতেছে।

## বামাগণের রচনা।

### কুলীন বহু বিবাহ।

হালিসহর পত্রিকাতে কোন সু-বিক্ত কুলীন মহাত্মা লিখিয়াছেন যে যাহাদের সর্কনাশ হইতেছে, যাহাদের মান সম্ভ্রম বংশ মর্যাদার মূলে নিদারুণ কুঠারাঘাত করিতে বিদ্যাসাগর মহাশয় উদ্যত হইয়াছেন, বাহাদিগকে চিরকালের জন্য দুঃখ সাগরে নিমগ্ন করিতে যাইতেছেন তাহাদিগকে একবারও এই বিষয় জিজ্ঞাসা করা কি উচিত নহে? কি?

‘কুলীনের কন্যা যত,

বিষাদেতে করে হায় হায়!

কুলীন যাদের পতি,

অসুখেতে জীবন কাটায়।

আমাদের বিবেচনায় হতভাগিনী কুলীনকন্যাগণের প্রতি বিদ্যাসাগর মহাশয় দয়া প্রকাশ করিয়া বহু বিবাহ নিষেধ জন্য যে পুস্তক প্রকটন করিয়াছেন, তাহা তাঁহার পদোপযোগীই হইয়াছে। ঐ পুস্তকের আদ্যোপান্ত পাঠ করিলে বোধ হয়, তিনি কেবল অবলা কুলীন কন্যাগণের হিতসাধন উদ্দেশ্যে ঐ পুস্তক প্রকাশ করিয়াছেন। অধুনা হালিসহর পত্রিকাতে বিদ্যাসাগর মহাশয়ের দোষ উল্লেখ করিয়া কেবল ঘেম ভাব প্রকাশ করা হইয়াছে। দেশের প্রকৃত মঙ্গল সাধনের জন্য বিদ্যাসাগর মহাশয় যে কুরীতি সংস্করণ বিষয়ে সমুৎসুক হইয়াছেন, ইহা কোন ব্যক্তি হৃদয়ঙ্গম না করিবে? কেবল খ্যাতি ও প্রতিপত্তি লাভার্থে ও কুলীনদিগকে খর্ব করিবার মানসে এতদ্ব্যাপারে হস্তক্ষেপ করেন নাই। কেবল স্ত্রী-জাতির মঙ্গল সাধনে ও দেশের কুরীতি দূর করিবার মানসে তাঁহার সরলান্তঃকরণে জগদীশ্বর এতাদিক দয়া প্রদান করিয়াছেন।

চির দিন মান হত,

সুখ নাই এক রতি,



না পেয়ে পতির সুখ, শুষ্ক দেহ শুষ্ক মুখ,  
দিবানিশি ভাবে হা হতাশ।  
জীবন যৌবন ধন, দিয়া সব বিসর্জন,  
দাসী প্রায় গৃহে করে বাস ॥  
চর্কা কাটা টাকা গুলি, যতনে বাঞ্ছিতে তুলি,  
কুলবতী রাখে প্রাণপণে।  
তবু নাহি পায় মন, স্বথায় করে যতন,  
কান্ত নাহি ভোষে আলাপনে ॥  
অবলার গতি পতি, পতির আশায় সতী,  
থাকে সদা চাতকিনী প্রায়।  
সে পতিরে কত নারী, ফেলিয়া নয়ন বারি,  
বৎসরান্তে দেখা নাহি পায় ॥  
পিতার ভবনে বাস, কোন সতী বারো মাস,  
সার করে মাতুল আশ্রয়।  
মনোরথ নাহি পোরে, ভাসে নয়নের নীরে,  
তিল মাত্র নাহি সুখোদয় ॥  
নারীর কপাল মন্দ, কিরূপে হবে আনন্দ,  
নিরানন্দে থাকে সর্বক্ষণ।  
বল্লাল হইয়া কাল, পাতিয়া কোলীন্য জাল,  
নারী নীন বধে অগণন ॥  
তরুহীন হয়ে লতা, আশ্রয় সে পায় কোথা,  
বারিহীন শুষ্ক সরোবর।  
অবলা কমল প্রায়, মাতঙ্গ দলিলে তায়,  
থাকে কি সে শোভার আকর ॥  
সধবা বিধবা বেশ, নাহি দেখি সুখলেশ,  
শতগ্রন্থি অঙ্গে যার বাস।  
কি কষ্টেতে কাটে দিন, কুলবালা দীন হীন,  
চিরদিন পরাধীন বাস ॥

কুলনারী কোন ধনী, ধনী হইয়ে রন্ধনী,  
রন্ধনেতে কাটিতেছে কাল।  
সোণা অঙ্গে কালি মাখা, শশাঙ্কে কলঙ্ক রাখা,  
মুখ বাঁকা কান্ত নন কাল ॥  
লজ্জা মান তেয়াগিয়া, কেহ কুলে কালি দিয়া,  
কুপথেতে করে পদার্পণ।  
কোন সতী শুদ্ধমতি, ধ্যান করে নিজ পতি,  
পাবে পতি এই আকিঞ্চন ॥  
অবলাবান্ধবগণ, অধীনিয় নিবেদন,  
কুলীন কন্টক কর দূর।  
কর কিছু সতুপায়, সতী কিমে পতি পায়,  
আনন্দিত হোক্ অন্তঃপুর ॥

### বর্দ্ধমানের নারীভয় নিবারণার্থ প্রার্থনা।

কোথা ওহে দয়াময়, কোথা ওহে দয়াময়।  
দেখা দেহ দেখা দেহ বিপদ সময় ॥  
বুঝি তব সৃষ্টি যায়, বুঝি তব সৃষ্টি যায়।  
তুমি বিনা কেবা রুখে করে সতুপায় ॥  
একি হল দেশে জ্বর, একি হল দেশে জ্বর।  
জ্বর জ্বর রব সদা স্তনি নিরন্তর ॥  
জ্বরে কেহ নাহি বাকি জ্বরে কেহ নাহি বাকি।  
অচেতন পড়ে আছে কেবা মেলে অঁাথি ॥  
জ্বরে দুঃখী লোক যত, জ্বরে দুঃখী লোক যত।  
মস্তকেতে হাত দিয়া কাঁদে অবিরত ॥  
কোথা পাবে টাকা কড়ি কোথা পাবে টাকা কড়ি।  
একালেতে নাহি খাটে কবিরাজ বড়ি ॥  
চাহি ঔষধের দাম চাহি ঔষধের দাম।  
কোথা পাবে মিক্চর তুমি যারে বাম ॥



কত অকালেতে মলো। কত অকালেতে মলো।  
 দীনের দুর্গতি শুনে চক্ষে আসে জল ॥  
 আছে যত ধনি জন আছে যত ধনি জন।  
 জ্বরে জ্বরে অস্থি চর্ম কালীর বরণ ॥  
 আছে যুবাগণ যত আছে যুবাগণ যত।  
 মদ মাংস প্যাঁজ রুটি নহে মনো মত ॥  
 জ্বরে রুচি নাহি কিছু জ্বরে রুচি নাহি কিছু।  
 বলে ইচ্ছা হয় খেতে আম জাম নিচু ॥  
 যত বালক রতন যত বালক রতন।  
 পিলা পুরাতন জ্বরে হতেছে পতন ॥  
 আহা তাদের জননী আহা তাদের জননী।  
 দিবানিশি করিতেছে হাহাকার ধনি।  
 দেখে ফেটে যায় শ্রাণ দেখে ফেটে যায় শ্রাণ।  
 ওহে নাথ দয়া করে কর রূপা দান ॥  
 কত যুবতী অঙ্গনা কত যুবতী অঙ্গনা।  
 পিলে জ্বরে পাইতেছে বিষম বন্ত্রণা ॥  
 আছে রুদ্ধ যত লোক আছে রুদ্ধ যত লোক।  
 জ্বরে অঙ্গ কাঁপিতেছে পাইতেছে শোক ॥  
 নাহি তাদের মরণ নাহি তাদের মরণ।  
 রোগে শোকে রাত্রি দিন হতেছে দাহন ॥  
 ওহে অনাদি কারণ ওহে অনাদি কারণ।  
 অকাল মরণ নাথ কর নিবারণ ॥  
 হও তুমি পিতা মাতা হও তুমি পিতা মাতা।  
 স্বরাজ্য রাখহে নাথ বিশ্বের বিধাতা ॥  
 আছি ডাক্তরের কাছে আছি ডাক্তরের কাছে।  
 তবু হৃদয়েতে জ্বর গাঢ় পশিয়াছে ॥  
 কত খালি হল শিশু কত খালি হল শিশু।  
 দিবানিশি আছে লোক ভ্রুবেতে শিশু ॥  
 তবু নাহি যায় জ্বর তবু নাহি যায় জ্বর।  
 জীবের আরোগ্য কর দয়ার সাগর ॥

শ্রী লক্ষ্মীমণি।

# বামাবোধিনী পত্রিকা।

“ কন্যায়িত্বং দালনীয়া শিচ্ছন্থীয়াতি যজ্ঞতঃ ।”

কন্যাকে পালন করিবেক ও যত্নের সহিত শিক্ষা দিবেক।

১০২ সংখ্যা { মাঘ বঙ্গাব্দ ১২৭৮ } ৮ম ভাগ

## নারীদিগের ধর্মভাব।

ধর্ম বিষয়ে নরের যেমন, নারীরও তেমনি অধিকার। বিশেষ এই নারীর হৃদয় কোমল, স্মরণ্য ধর্ম তাঁহার পক্ষে অধিক সহজ ও স্বাভাবিক। একজন বহুদর্শী ধর্মোপদেষ্টা বলিয়াছেন ‘ বিশ্বাস, আশা ও দয়া ধর্মের এই তিনটি প্রধান বা সার অঙ্গ। আমরা এই তিন বিষয়েই পুরুষ অপেক্ষা নারীদিগের শ্রেষ্ঠতা দেখিতে পাই। পুরুষেরা শত শত তর্ক ও যুক্তি দ্বারা যে সত্যে বিশ্বাস বন্ধন করিতে পারেন না, নারীগণ তাহা অনায়াসে গ্রহণ করেন এবং যাহা একবার গ্রহণ করিলেন প্রাণান্তে তাহা পরিত্যাগ করেন না। নাস্তিকতা বা অবিশ্বাস তাঁহাদের হৃদয়ে স্থান পায় না। সংসারে দুঃখ কষ্ট ঘটিলে পুরুষদের ন্যায় স্ত্রীগণ যেমন ভাবিয়া ভাবিয়া নিরাশ হন না—ধর্মসাধনে হাতে হাতে ফল না পাইলেও তাঁহারা ভাবী আশা দৃঢ়রূপে ধরিয়া থাকেন, যেন তাহা হস্তগত রহিয়াছে। মানব সমাজে রমণীগণ স্নেহ দয়ার আধার, স্মরণ্য তাঁহাদিগের দয়ার বিকল্পে কোন কথা কেহ কহিতে পারেন না। যে সকল ব্যক্তি পৃথিবীর নানা দেশ ভ্রমণ করিয়াছেন, তাঁহারা সকল দেশেই পুরুষ অপেক্ষা স্ত্রীদিগের অধিক দয়া দেখিয়া যার পর নাই মোহিত হইয়াছেন। অতএব নারীপ্রকৃতি স্বভাবতঃ যে ধর্মসাধনের অল্পকূল, তাহার কোন সন্দেহ নাই।

স্ত্রীলোকদিগের ধর্মপথে দুইটি ভয়ানক শত্রু আছে—সাংসারিকতা ও



কুসংস্কার। তাঁহারা একদিকে যেমন সত্য সহজে প্রত্যক্ষ করেন, অন্যদিকে সংসার বলপূর্বক তাঁহাদিগের হৃদয়কে টানিতে থাকে। সংসারের সুখের আসক্তিতে তাঁহারা ঈশ্বরের চরণে আত্মাকে সম্পূর্ণরূপে সমর্পণ করিতে পারেন না, তাহার মধ্যে সংসারকে স্থান দেন। সংসারও প্রবল হইয়া ক্রমে তাঁহাদিগের হৃদয়কে সম্পূর্ণরূপে অধিকার করে। একমাত্র ঈশ্বরে অনুরাগ প্রদর্শন করিয়া যে প্রকৃত বৈরাগ্য সাধন করিতে হয়, তাহার দৃষ্টান্ত তাঁহাদিগের মধ্যে বড় অধিক দৃষ্ট হয় না। তাঁহারা সংসারকে ধর্মময় না করিয়া ধর্মকে সংসারময় করিয়া ফেলেন। পতি, পুত্র, ঘর, সংসার এইসকল চিন্তাতেই সর্বক্ষণ সুখ অনুভব করেন এবং প্রার্থনাস্থলে 'আয়ু দেও, যশ দেও, ভাগ্য এই' এই সকল সাংসারিক কামনা করিতে ভাল বাসেন। যাঁহার ধ্যানে জ্ঞানে সংসার, তিনি ঘোর সংসারী হইয়া পড়িবেন আশ্চর্য কি? ঈশ্বর তাঁহার নিকট প্রকাশিত হইতে পারেন না। এই কারণে নারীগণ সংসারের শত শৃঙ্খলে বদ্ধ হইয়া ক্লেশ ভোগ করেন।

কুসংস্কারও ধর্মপথের সামান্য কণ্টক নয়। নারীগণের মনে যেমন বিশ্বাস ও আশার সহজে সঞ্চার হয়, তেমনি ভ্রম ও অজ্ঞানতা তাহার সহিত মিশিয়া ধর্মকে বিকৃত করিয়া ফেলে। এত বড় মেয়েলি শাস্ত্র ইহা হইতে রচিত হইয়াছে। ধর্মসাধন করিবার জন্য কতকগুলি মত ও প্রণালী চাই। কিন্তু বাহিরের প্রণালী জ্ঞান, কাল ও পাত্রভেদে ভিন্ন ভিন্ন হয় এবং তাহা কখন আবশ্যিক, কখন অনাবশ্যিক হইয়া থাকে। তাহাকে সার ভাবিয়া চিরকাল সমান ভাবে ধরিয়া থাকিলে সত্য ও ঈশ্বরকে ভুলিতে হয়। তগুলের শাস ফেলিয়া তুষ খাইয়া থাকিতে হয়। কত স্ত্রীলোক এই কারণে ধর্মের কতকগুলি বাহ্য নিয়ম রক্ষা করেন, সে গুলি কি কারণ তত অনুভব করেন না। এই কুসংস্কারকে যত অদের করিয়া গ্রহণ করা হয়, অন্ধতা ততই বাড়ে, সত্যের আলোক চক্ষু হইতে অন্তহিত হয়।

স্ত্রীগণ যদি সংসার ও কুসংস্কারের হস্ত হইতে আপনাদিগকে মুক্ত রাখিয়া ঈশ্বরকে একমাত্র হৃদয়ের প্রিয়ধন ভাবিতে পারেন এবং সকল ধর্ম কর্মের সার গ্রহণ করিতে পারেন, অচিরেই তাঁহাদিগের প্রকৃতি স্বর্গীয় বেশ

ধারণ করে। ঈশ্বরের পূজা ও জগতের কল্যাণব্রতে তাঁহাদিগের জীবন উৎসর্গ হয়, মানব সমাজও পরম পবিত্রভাবে অনুরঞ্জিত হয়।

## দম্পতির প্রতি উপদেশ ।

গ্রীস দেশের প্রসিদ্ধ পণ্ডিত প্লুটার্ক বিবাহিত স্ত্রী-পুরুষের কর্তব্য বিষয়ে কতকগুলি অতি সার উপদেশ প্রদান করিয়াছেন, তদনুসারে চলিলে পারিবার মধ্যে অনেক পরিমাণে সুখশান্তি লাভ করা যাইতে পারে। আমরা তাহা হইতে কয়েকটি সূনীতি নিম্নে সঙ্কলন করিলাম। ইহা পাঠ করিলে যেমন গৃহধর্ম শিক্ষাহয়, তেমনি অতি পুরাকালে গ্রীক জাতির মধ্যে যে সকল আচার ব্যবহার প্রচলিত ছিল তাহাও জানা যায়।

১। প্রাচীন গ্রীকেরা প্রণয়াধিষ্ঠাত্রী বিনস্ (১) দেবীর প্রতিমার নিকট বাগ্‌দেব মারকুরীর (২) মূর্তি স্থাপন করিতেন। ইহাদ্বারা তাঁহারা প্রকাশ করিতেন যে দম্পতির পরস্পরের কথোপকথনেতেই বিবাহের প্রধান সুখ লাভ হয়। তাঁহারা আরও রূপা, অনুরোধ ও বাগ্‌দেবীর মূর্তি একত্র রাখিতেন অর্থাৎ দম্পতি পরস্পর কলহ বিবাদ করিবেন না, কিন্তু কোনল বচন দ্বারা পরস্পরের হৃদয় আকর্ষণ করিবেন।

২। সোলনের উপদেশ, কন্যা বিবাহবন্ধ পরিধান করিবার পূর্বে যেন কিছু সুগন্ধ দ্রব্য আহার করিয়া যায় অর্থাৎ মনুষ্য যেন নববিবাহিত পত্নীর স্বাস প্রস্বাস ও সম্ভাবণে বিবাহের প্রথম মধুরতা সম্ভোগ করিতে পারে। (৩)

৩। বিয়োসিয়াতে একটা প্রথা ছিল, কন্যা যখন বিবাহের অবগুণ্ঠন পরিধান করিত, তখন তাহার মাথার উপর 'আম্পাবেগস্' নামে এক বন্য ফলের ডাল রাখা হইত। এই গাছের ডাল কণ্টকময়, কিন্তু ফল অতি সুমিষ্ট। ইহাদ্বারা বুঝিতে হইবে যে নবোঢ়া যদি ধীরভাবে বিবাহজনিত

( ১ ) আমাদিগের যেমন প্রণয়ের দেবতা কামদেব ও তাহার পত্নী রতি, গ্রীকদের সেইরূপ কিউপিড ও তাহার মাতা বিনস।

( ২ ) মারকুরী অতি সদ্বক্তা ছিলেন বলিয়া দেবগণের দূতের কার্য করিতেন।

( ৩ ) দুঃখের বিষয় হিন্দুদিগের কন্যাগণ বিবাহকালে মুখে 'গো' দিয়া থাকেন এবং পতি পত্নীতে অনেককাল পর্যন্ত সম্ভোগই হয় না ॥



প্রথম কষ্ট সকল বহন করিতে পারেন, পরিণামে অতি সুখকর হইবেন এবং তাহাতে নিজের ও স্বামীর উভয়েরই সুখোদয় হইবে। স্বামীর প্রথম বাগ্‌বিতণ্ডা ও ভৎসনাতে যে স্ত্রী ঘৃণা প্রদর্শন করেন, তিনি মৌমাছির হলের আঘাত খাইলেন, কিন্তু মধু পাইলেন না। সেইরূপ যে স্বামী পত্নীর প্রথম তাচ্ছিল্য ও বিরক্তি সহ্য করিতে না পারেন, তিনি স্নমধুর আঙুর ফল অন্যের তরে রাখিয়া কাঁচা ফল খাইয়া টকে মরেন।

৪। নববিবাহিত দম্পতির মধ্যে যাহাতে কোন বিবাদ বিবসাদ না হয়, তজ্জন্য বিশেষরূপে সচেতন থাকা কর্তব্য। নূতন প্রস্তুত পাত্র সকলে অল্প আঘাত লাগিলেও ভাঙ্গিয়া যাইবার ও কদাকার হইবার বিলক্ষণ সম্ভাবনা। কিন্তু ভাল নমলা সকল কিছুকাল একত্র হইয়া জমাট খাইলে আণ্ডণ ও অঙ্গে সহসা তাহার কিছুই করিতে পারে না।

৫। খড় কুটাতে আণ্ডণ যেমন শীঘ্র ধরে, তেমনি শীঘ্র নির্বাণ হইয়া যায়। যৌবন ও বাহুসৌন্দর্য্যে যে প্রণয় শিখা প্রজ্জ্বলিত হয়, তাহাও অধিককাল স্থায়ী হয় না। পরিণাম দর্শিতা ও সুবিবেচনার সহিত যে প্রণয় সঞ্চারিত হয়, তাহাই চিরস্থায়ী হইয়া থাকে।

৬। চারে মাদক দ্রব্য নিশাইয়া ছিপ ফেলিলে ক্ষুধার্ত মৎস্য শীঘ্র ধৃত করা যায়, কিন্তু তাহা বিসাদ হয় এবং আহার করিলে মৃত্যুর সম্ভাবনা। যে সকল রমণী গুণজ্ঞান করিয়া স্বামীদিগকে আপনাদিগের সম্পূর্ণ বশে আনিতে চান, তাঁহারা সেবিষয়ে কৃতকার্য হইতে পারেন, কিন্তু আপনাদিগকে চিরকালের জন্য পাগল, নির্দোষ ও জড়ের ভার্য্যা করিয়া ফেলেন। (৪)

৭। যে নারী জ্ঞানী ও বিবেচক স্বামীর অল্পগত ভার্য্যা না হইয়া অবিবেচক নির্বোধের শাসনকর্ত্রী হইতে চান, তিনি পথভ্রমণ করিতে গিয়া চক্ষুকর্ণ বিপ্লিস্ট নেতাকে পরিত্যাগ করেন এবং অন্ধের পশ্চাৎ পশ্চাৎ গিয়া বিপথে পতিত হন।

( ৪ ) এদেশেও এমন নির্দোষ অনেক স্ত্রীলোকের কথা শুনা যায়, তাহারা ওষধ খাওয়াই গুণজ্ঞান করিয়া স্বামীর সোহাগিনী হইতে গিয়া শেষে তাহার প্রাণনাশ বা বুদ্ধিভ্রংশ করিয়া আপনারাই চিরদুঃখিনী হইয়াছেন।

৮। কতকগুলি চড়নদার নিজে দুর্বল বলিয়া উচ্চ ঘোড়াকে হাঁটু গাড়িয়া বসাইয়া পিটের উপর চড়ে এবং তাহাকে তেজে চলিতে দেয় না। কতকগুলি স্বামী নিজে অল্পযুক্ত বলিয়া উন্নতপ্রকৃতি ও গুণবতী ভার্য্যার উপর অত্যাচার করে এবং পদে পদে তাহাকে দমন করিয়া আপনার মত হীন করিতে চাহে। ইহা কখনও উচিত নহে। স্বামী আপনি যাহাতে ভার্য্যার উপযুক্ত হইতে পারেন, তাহার চেষ্টা করুন।

৯। চন্দ্র সূর্য্য হইতে যখন অত্যন্ত দূরে থাকে, তখনি পূর্ণ আকার ধারণ করিয়া উজ্জ্বল বেশে প্রকাশিত হয়, কিন্তু যত সূর্য্যের নিকটবর্তী হয় ততই ম্লান হইয়া অবশেষে অদৃশ্য হইয়া যায়। স্বামীর সহিত পতিব্রতা ভার্য্যা ঠিক ইহার বিপরীত ব্যবহার করেন। স্বামী নিকটে থাকিলে তিনি আপনার কান্তি ও সদ্‌গুণের শোভা ধারণ করেন, কিন্তু তাঁহার অসাক্ষাতে গৃহমধ্যে নিস্তব্ধ ও ম্লানভাবে কালযাপন করেন।

১০। একটী বীণাযন্ত্রের উপরের তারের সহিত নীচের তার সকল যখন একতান হয়, তখনি সুস্বর শ্রবণ করা যায়। যে পরিবারে স্বামী ও ভার্য্যা পরস্পরে একমত হইয়া গৃহকার্য্য সকল সম্পাদন করেন, সে পরিবারে সুখশান্তি নিত্যকাল বিরাজ করে। অথচ স্বামী গৃহের কর্তা বলিয়া অধিক প্রশংসা লাভ করেন।

## হিন্দুদিগের বিবাহ প্রণালী ।

( ২৫২ পৃষ্ঠার পর )

হিন্দুশাস্ত্রমতে যে অষ্টপ্রকার বিবাহের উল্লেখ করা গিয়াছে, তাহার প্রত্যেকেই বৈবাহিক ক্রিয়া সম্পাদন করা আবশ্যিক।

বৈবাহিক ক্রিয়ার মধ্যে এই কয়েকটী প্রধানঃ—১ বাগ্‌দান, ২ বিবাহ দিবসের পূর্ব্বাহ্নে নান্দীশ্রাদ্ধ, ৩ রাত্রিতে কন্যাদান, ৪ বিবাহ দিন হইতে চতুর্থ দিবসের মধ্যে কুশাণ্ডিকা। বিবাহের বৈধকার্য্য কয়েকটির বিশেষ বিবরণ লিখিবার পূর্ব্ব হিন্দুদিগের বিবাহের সাধারণ কয়েকটী বিষয়ের আলোচনা করা আবশ্যিক।



হিন্দুশাস্ত্রমতে কি পুত্র কি কন্যা ইহাদের বিবাহের ন্যূনকম্প বয়স কত তাহার কিছুই ঠিক নাই। ‘আমি তোমার পুত্রের সহিত আমার কন্যার বিবাহ দিব’ কেহ কাহার সহিত এইরূপ বাক্যে বন্ধ হইলেই বাগ্‌দান হইল এবং অনেকস্থলে তাহাতেই বিবাহ সিদ্ধ বলিয়া গণ্য হয়। এই কারণে হিন্দুদিগের কোন কোন শ্রেণীর মধ্যে বালক বালিকার জন্মের পূর্বে বিবাহ হইয়া থাকে, একথা বলিলে অত্যাুক্তি হয় না, কেন না তাহাদিগের পিতা মাতা পরস্পরকে বাগ্‌দান করিয়া থাকেন। (১) বাহাংউক বাল্যবিবাহ-রূপ জঘন্য প্রথা ইদানীন্তন কালে যেরূপ প্রচলিত হইয়াছে, হিন্দুদিগের প্রাচীন স্বাধীনতা ও সভ্যতার সময়ে সেরূপ ছিল না বিলক্ষণ বোধ হয়। তখন কন্যাদিগের স্বয়ংবরা হইবার প্রথা ছিল। যেরূপ বয়সে বিবেচনা শক্তি জন্মে, সেইরূপ বয়সে তাঁহারা আপনাপন পতি মনোনীত করিয়া লইতে পারিতেন। আমাদিগের প্রাচীন গ্রন্থ সকলে অনেক স্বয়ংবর সভার বর্ণনা আছে। তাহাতে রাজকন্যাদিগের সহিত বিবাহার্থী হইয়া নানা দেশ হইতে রূপবান্, গুণবান্ ও ঐশ্বর্যশালী ব্যক্তিগণ সমাগত হইতেন, রাজকন্যাগণ সভামধ্যে মাল্যচন্দন হস্তে লইয়া পরিচারিকা সঙ্গে একে একে সকলের পরিচয় লইতেন এবং যিনি মনোনীত হইতেন তাঁহাকে পতিত্ব বরণ করিতেন। রাজাদিগের মধ্যে যে প্রথা ছিল, সাধারণে কোন না কোনরূপে তাহার অনুকরণ করিত, সন্দেহ নাই।

কন্যাদান হিন্দুদিগের বিবাহের একটী প্রধান লক্ষণ। পূর্বকালে যখন স্বয়ংবর প্রথা প্রচলিত ছিল, তখন কন্যা স্বাধীনভাবে আপনাবর যোগ্যবর মনোনীত করিয়া বিবাহ করিতে পারিতেন, ইহা উল্লেখ করা গিয়াছে। অনেকদিনাবধি সে প্রথা এককালে রহিত হইয়াছে। আজিকালি কন্যার শৈশবাবস্থায় বিবাহ দিবার যেপ্রকার নিয়ম প্রবর্তিত হইয়াছে; তাহাতে সে সময়ে তাহাদিগের কিছুমাত্র বিবেচনাশক্তি জন্মিবার সম্ভাবনা নাই, পতিকে মনোনীত করা দূরের কথা। কন্যা স্বয়ং বিবাহ করিতে অক্ষম, এজন্য তাহাকে

(১) দাক্ষিণাত্য বৈদিকদিগের পুত্র কনার জন্মমাত্রই বিবাহসম্বন্ধ স্থির করিতে হয়। এমন কি মাতারা পরস্পরের গর্ভাবস্থায়ও বাগ্‌দান করিয়া থাকেন, তাহাকে পেটে পেটে সম্বন্ধ বল।

পাত্রস্থ করিবার কতকগুলি অধিকারী নির্ণীত হইয়াছে। যাজ্ঞবল্ক্য বলেন—

“ পিতা পিতামহো ভ্রাতা সকুল্যো জননী তথা ।

কন্যাপ্রদঃ পূর্বনাশে প্রকৃতিস্থঃ পরঃ পরঃ ॥”

পিতা, পিতামহ, ভ্রাতা, সকুল্য অর্থাৎ দশম পুরুষ পর্য্যন্ত জাতি ইহারা যথাক্রমে কন্যাদানে অধিকারী অর্থাৎ ইহাদের মধ্যে অগ্রে যাঁহার নাম তিনি প্রথমে পরে অন্যান্য ব্যক্তি অধিকারী।

“ পিতা দদ্যাৎ স্বয়ং কন্যাং ভ্রাতা বাহুমতঃ পিতুঃ ।

মাতামহৌ মাতুলশ্চ সকুল্যো বান্ধবস্তথা ।

মাতাত্বভাবে সর্বেষাং প্রকৃর্তৌ যদি বর্ততে,

তস্যা মপ্রকৃতিস্থায়ঃ কন্যাং দত্বাঃ সজাতয়ঃ”। নারদঃ ।,

প্রকৃতিস্থ থাকিতে পিতা স্বয়ং কন্যাদান করিবেন, অথবা পিতার অনু-মতিতে ভ্রাতা দান করিবেন। তৎপরে মাতামহ, মাতুল, সকুল্য ও বান্ধব; সকলের অভাবে মাতা কন্যাদানের অধিকারিণী। তিনি অপ্রকৃতিস্থ হইলে তাঁহার পিতৃপক্ষ দানে অধিকারী হইবে।

যথাকালে কন্যা সম্প্রদানার্থ হিন্দুদিগের শাস্ত্রে অতি কঠিন শাসন আছে এবং তাহা লঙ্ঘন করিলে ঘোর পাতকে পড়িতে হয় এই তাঁহাদিগের বিশ্বাস।

কালেহদাতা পিতা যস্ত কালেচানুপয়ন্ পতিঃ

মাতুশ্চারক্ষিতা পুত্রঃ দণ্ডোধ্যধর্ম্মেণ পাপভাক্ । বৃহস্পতিঃ ।

কালে যে পিতা কন্যাদান না করে, কালে যে পতি পত্নী সংসর্গ না করে, ও যে পুত্র মাতাকে পালন না করে, তাঁহারা পাপী ও ধর্ম্মশাস্ত্রানুসারে দণ্ডনীয়।

শাস্ত্রে কন্যার ঋতু না হইতে হইতে এবং তাঁহার স্তন উঠিবার পূর্বে বিবাহকাল নির্দিষ্ট হইয়াছে। অবিবাহিতা কন্যা ঋতুমতী হইলে হিন্দু-দিগের নিকট তাহা মহাপাতক বলিয়া গণ্য।

“যাবত্তু কন্যামৃতবঃ স্পৃশন্তি, তুল্যৈঃ সকামামপিষাচ্যমানাং,

তাবন্তি ভূতানি হতানি তাভ্যাং মাতা পিতৃভ্যা মিতি ধর্ম্মবাদঃ ॥”

বশিষ্ঠঃ ॥

সকামা ও তুল্য বরের প্রার্থিতা কন্যা যতবার ঋতুমতী হয়, তাঁহার



পিতা মাতা তত সংখ্যক জীবহত্যার পাত্ৰকী হয়েন, এই ধর্মশাস্ত্রের বাক্য ।  
কত বয়সে কন্যা ঋতুমতী হয়, হিন্দুশাস্ত্রকারদিগের এই বাক্য তাহার  
প্রমাণ বলিয়া গণ্য ।

“ দশমে কন্যাকা প্রোক্তা ততঃ উর্দ্ধং রজস্বলা ।”

দশ বৎসর পর্য্যন্ত কুমারীকে কন্যা বলা যায়, তাহার অধিক হইলে  
রজস্বলা অর্থাৎ ঋতুমতী বিবেচনা করিতে হইবে ।

ত্রীণি বর্ষাণ্যুদীক্ষিত কুমার্যতুমতী সতী

উর্দ্ধক্ক কালাদেতস্মাদ্বিন্দেত সদৃশং পতিং ।

অদীয়মানা ভর্তার মধিগচ্ছেদ্ যদি স্বয়ং

নৈঃ কিঞ্চিদবাপ্নোতি ন চ যং সাধিগচ্ছতি ॥ মনু ॥

মনু বলেন কন্যা ঋতুমতী হইলে তিন বৎসর অপেক্ষা করিবে, তৎপরে  
আপনার যোগ্য পতি বরণ করিবে । কন্যাকে বিবাহ না দিলে সে যদি  
স্বয়ং বরণ করে তাহাতে তাহার বা তৎ পতির কিছুমাত্র পাপ হইবে না ।

বাল্য বিবাহরূপ অনিষ্টকর প্রথা প্রচলিত করিবার জন্য শাস্ত্রের এত  
চেষ্টা কেন ঠিক বুঝিতে পারা যায় না । কন্যা জুষ্চরিত্রা হইয়া পাছে  
কুল কলঙ্কিত হয় এই ভয় একটী কারণ বলিয়া বোধ হয় । কিন্তু শাস্ত্রকার-  
দিগের একটী প্রশংসার বিষয় বলিতে হইবে যে তাহারা বলিয়াছেন যতদিন  
যোগ্যপতি পাওয়া না যায়, ততদিন কন্যা অবিবাহিত থাকিলে দোষ নাই ।

কাম মামরণান্তিষ্ঠেদ্ গৃহে কন্যার্তুমতাপি ।

নচৈবৈনাং প্রযচ্ছেত্তু গুণহীনায় কর্হিচিৎ ॥ ॥ মনুঃ ॥

ঋতুমতী হইলে বরং মরণ পর্য্যন্ত কন্যা গৃহে থাকিবে, তথাপি গুণহী-  
নকে কন্যাদান করিবে না ।

যাহাউক সাধারণতঃ বিচার করিলে দেখা যায়; হিন্দুশাস্ত্রকারেরা বিবাহ-  
বিষয়ে স্ত্রীলোকদিগের স্বাধীনতার পথ বড় রাখেন নাই এবং অধিক বয়স  
না হইয়া যত অল্পবয়সে তাহাদিগকে পাত্ৰস্থ করা যায় তাহার চেষ্টা  
পাইয়াছেন । নিতান্ত নিরুপায় না হইলে হিন্দুকন্যা বহুদিন কুমারী  
অবস্থায় থাকিতে পারেন না এবং চিরজীবন কুমারীব্রত অবলম্বন করিয়া  
থাকিবার কথা প্রায় এদেশে শ্রুতিগোচর হয় না ।

## শব্দবিজ্ঞান ।

### প্রতিধ্বনির গৃহ ও গহ্বর ।

মন্দির ও গিরজাতে শব্দ করিলে উল্টা শব্দ অর্থাৎ প্রতিধ্বনি শুনা  
যায়, পূর্বে বলা গিয়াছে । মনুষ্যেরা আশ্চর্য্য প্রতিধ্বনি শুনিবার জন্য  
মন্দির ও গিরজা স্থানে স্থানে আশ্চর্য্য কৌশলে নিৰ্ম্মাণ করিয়াছেন । ইটা-  
লীর অন্তঃপাতী পিসানগরে একটী প্রসিদ্ধ গিরজা আছে, যুবানী পিসানো  
ইহার নিৰ্ম্মাণ কর্তা । তিনি একরূপ সুন্দর কৌশলে ইহা গঠন করিয়াছেন,  
যে নীচে একটী ছোট শব্দ করিলে উচ্চঃস্বরে ও অনেকক্ষণ ধরিয়া তাহার  
ছুইটী প্রতিধ্বনি হইতে থাকে । দুইব্যক্তি পরস্পরে গিরজার উল্টা দুই  
দেওয়ালের দিকে মুখ করিয়া অস্পষ্টস্বরে পরস্পরের সহিত কথোপকথন  
করিতে পারে, অথচ তাহাদিগের মাঝখানে যত লোক থাকিবে, কেহ  
তাহাদিগের কথাবার্তা শুনিতে পাইবে না । ইহার কারণ এই, গিরজার গুহজ  
অর্থাৎ হাঁড়া ডিম্বাকৃতি, সেই ডিম্বাকৃতি হাঁড়ার দুই কোণে মকল শব্দ  
আসিয়া জমে, এইজন্য তাহার নীচে দাঁড়াইয়া প্রতিশব্দ শুনা যায় ।  
পারিসের মানমন্দির\* এবং লণ্ডনের সেন্টপলের গিরজাতেও এইরূপ প্রতি-  
ধ্বনি হয় । শেষোক্ত গৃহটির বেড় ২৮০ হাত এবং তাহার গুহজের বেড়  
প্রায় ২৮৭ হাত । গৃহের মধ্যে প্রাচীরের কাছে ঘেসিয়া বরাবর পাথরের  
আসন আছে । যে দ্বার দিয়া দর্শকেরা প্রবেশ করে, তাহার ঠিক বিপরীত  
দিকে আসনের কিছু স্থান মাতুরে মোড়া । দর্শক আসনের উপর বসিলে  
প্রদর্শনকর্তা প্রায় ২৮০ হাত দূরে প্রাচীরের কাছে অস্পষ্টস্বরে কথা কয়,  
দর্শকের কানে তাহা অতি উচ্চ শব্দ বোধ হয় এবং দ্বার বন্ধ করিলে বজ্র-  
ধ্বনির মত বাজিতে থাকে । দর্শক গৃহের মাঝখানে দাঁড়াইলে সেরূপ  
শুনিতে পায় না এবং শব্দকারীর কাছে দাঁড়াইলে আরও কম শুনিতে পায় ।

গ্রিসদেশে ট্রোপোনিয়স্ নামে একটী প্রসিদ্ধ গহ্বর আছে, ঐদেশের  
প্রাচীনকালের রাজকেরা তাহাহইতে লোকদিগকে দৈববাণী শুনাইত ।  
গহ্বরটী আশ্চর্য্য কৌশলে নিৰ্ম্মিত এবং তাহার নিকট ফুস ফুস শব্দ করিয়া

\* যে উচ্চ শব্দ হইতে জ্যোতিবিদেরা সূর্য্য চন্দ্র নক্ষত্র আদির বিষয় গণনা করেন ।



যাজকেরা গস্তীরধ্বনি বাহির করিত তাহার আর সন্দেহ নাই । কতস্থানে লোকে প্রতিধ্বনির তত্ত্ব জানে না বলিয়া কতপ্রকার মিথ্যা ভূতের ভয়, দৈব-বাণী ইত্যাদি অমূলক কথায় বিশ্বাস করিয়া প্রতারিত হইয়া থাকে ।

### অন্ধধ্বনি বা আকাশবাণী ।

মানুষ হরবোলারা যেমন অভ্যাস দ্বারা নানা রকম জন্তুর স্বরের নকল করিতে পারে, তেমনি পেটের ভিতর হইতেও এক প্রকারে কথা কহিতে পারে ; তাহাতে এমনি ভ্রম জন্মে যে বোধ হয় শব্দ তাহারা করিতেছে না, অন্য কোন বস্তু বা স্থান হইতে আসিতেছে । শব্দকারী যখন ঠোঁট, মুখ বা কোন অঙ্গভঙ্গী না করিয়া এই শব্দ করে, তখন ভ্রমটী আরও সম্পূর্ণ হয় । এইরূপ শিক্ষা করিতে গেলে শব্দবিজ্ঞানের কতকগুলি মূল নিয়ম জানিতে হয়, অর্থাৎ শব্দের দূরত্ব নিকটত্ব, উচ্চতা মৃদুতা ইত্যাদি জানা চাই এবং তৎসঙ্গে অঙ্গভঙ্গী দমন রাখা চাই ; সুতরাং এ ক্ষমতাটী বহুদিনের অভ্যাস দ্বারা আয়ত্ত করিতে হয় । আর একটী বাহিরের উপায় জানা অতি আবশ্যিক অর্থাৎ যে দিক হইতে শব্দের আগমন অনুমান করাইতে হয়, বাক্য, দৃষ্টি বা অঙ্গচালনা দ্বারা শ্রোতার মন সেই দিকে আকৃষ্ট রাখা আবশ্যিক । এবিষয়টী অতি সহজে বুঝা যাইতে পারে । আমরা একসঙ্গে যদি দশজন থাকি, আর একজন মনোযোগের সহিত কোন দিকে মাথা হেলায়, আমরাও অজ্ঞাতসারে সেইদিকে মাথা হেলাইয়া থাকি । যাহারা পেটে কথা কয়, তাহারা এ কৌশলটী বিলক্ষণ বুঝে । তাহারা হয়ত শ্রোতাদিগকে ভুলাইবার জন্য বলে “ঐ শুন ঘরের ছাদ হইতে কে কি বলিতেছে” অথচ পেটের ভিতর হইতে কথা বলিতেছে লোকে তাহা বুঝিতে পারে না । আজি কালি ইটালী ফ্রান্স এবং ইংলণ্ডে অনেক অন্ধ-ভাষী দেখা যায় । তাহাদের শিক্ষা দেখিয়া যার পর নাই চমৎকৃত হইতে হয় । তাহারা চতুর্দিকস্থ যে কোন পদার্থ হইতে হউক শব্দ শুনাইতে পারে, শব্দের প্রতিধ্বনি ঠিক বলিতে পারে এবং একতান বাচ্য কাছে

আসিতেছে বা দূরে যাইতেছে ঠিক নকল করিতে পারে । বস্তুতঃ তাহাদের কৌশলে অতি চতুর ও সতর্ক ব্যক্তিকেও ঠকিতে হয় ।

পৃথিবীর পূর্বাঞ্চলে বিশেষতঃ ভারতবর্ষে অতি প্রাচীনকাল হইতে অন্ধধ্বনি ( পেটে কথা বলিবার ) বিদ্যার অনুশীলন হইতেছে । এদেশের পুরাণে কত স্থানে আকাশবাণীর বর্ণনা আছে । পূর্বকালের বুদ্ধিমান ব্যক্তির আশ্রয়দিগের কথায় লোকের দৃঢ় প্রত্যয় জন্মাইবার জন্য যে এই-রূপ কৌশল অবলম্বন করিতেন তাহা অসম্ভব নয় । এখনকার ভূতের বোজারা এই বিদ্যার প্রসাদে অল্প করিয়া খায় । তাহারা অন্ধকার ঘরের মেজেতে বসিয়া লোকদিগকে বলে “ঐ শুন চালের মটকা বা ছাদের কড়ী হইতে ভূত বলিতেছে” এই বলিয়া বিকটাকার অনেক শব্দ করে । অর্থাৎ লোক সত্য সত্য উপর হইতে কথা আসিতেছে ভবিয়া ভীত ও অবাঞ্ছিত হইয়া যায়, ভূতড়েদের পেটেতেই যে এত বিদ্যা আছে বুঝিতে পারে না ।

### কৃত্রিম অঙ্গবিকৃতি ।

শিরঃ পীড়ন ।

মস্তক স্বভাবতঃ গোলাকৃতি । ক্র হইতে ব্রহ্মরন্ধু পর্যন্ত মাথার খুলি সম্মুখে ফুলিয়া আছে দেখা যায় । কোন কোন জাতির কপাল অন্যান্য জাতির অপেক্ষা উচ্চ বা নিম্ন দেখা যায় বটে, কিন্তু মস্তকের সাধারণ গোল আকার সকল জাতিতেই লক্ষিত হয় । কোন কোন প্রাচীন গ্রন্থে দেখা যায়, পূর্বকালের কোন কোন জাতি বালকদিগের মাথা দীর্ঘাকার করিবার জন্য পেয়ণ করিত । হিপক্রেটিস্ নামে একজন গ্রীসদেশীয় পণ্ডিত কৃষ্ণ সাগর তীরস্থ দীর্ঘশীর্ষ একজাতির উপাখ্যান বর্ণনা করিয়াছেন । তিনি বলেন “ঐজাতির চক্ষে লম্বাছাঁদের মুখ মহাঙ্গার লক্ষণ । এইজন্য তাহাদের মধ্যে প্রথা ছিল সন্তান জন্মিবা মাত্র তাহার কোমল মস্তকটী তাহারা হস্তদ্বারা চামড়াইয়া লম্বা করিত; পরে কাঠ, দড়ী, চামড়া ইত্যাদি জড়াইয়া রাখিত ; যতদিন গোল আকার মাথা লম্বা না হইত ততদিন খুলিত না । প্রথমে



যাজকেরা গম্ভীরধ্বনি বাহির করিত তাহার আর সন্দেহ নাই । কতস্থানে লোকে প্রতিধ্বনির তত্ত্ব জানে না বলিয়া কতপ্রকার মিথ্যা ভূতের ভয়, দৈব-বাণী ইত্যাদি অমূলক কথায় বিশ্বাস করিয়া প্রতারিত হইয়া থাকে ।

### অল্পধ্বনি বা আকাশবাণী ।

মানুষ হরবোলারা যেমন অভ্যাস দ্বারা নানা রকম জন্তুর স্বরের নকল করিতে পারে, তেমনি পেটের ভিতর হইতেও এক প্রকারে কথা কহিতে পারে ; তাহাতে এমনি ভ্রম জন্মে যে বোধ হয় শব্দ তাহারা করিতেছে না, অন্য কোন বস্তু বা স্থান হইতে আসিতেছে । শব্দকারী যখন ঠোঁট, মুখ বা কোন অঙ্গভঙ্গী না করিয়া এই শব্দ করে, তখন ভ্রমটী আরও সম্পূর্ণ হয় । এইরূপ শিক্ষা করিতে গেলে শব্দবিজ্ঞানের কতকগুলি মূল নিয়ম জানিতে হয়, অর্থাৎ শব্দের দূরত্ব নিকটত্ব, উচ্চতা মৃদুতা ইত্যাদি জানা চাই এবং তৎসঙ্গে অঙ্গভঙ্গী দমন রাখা চাই ; সুতরাং এ ক্ষমতাটী বহুদিনের অভ্যাস দ্বারা আয়ত্ত করিতে হয় । আর একটী বাহিরের উপায় জানা অতি আবশ্যিক অর্থাৎ যে দিক হইতে শব্দের আগমন অনুমান করাইতে হয়, বাক্য, দৃষ্টি বা অঙ্গচালনা দ্বারা শ্রোতার মন সেই দিকে আকৃষ্ট রাখা আবশ্যিক । এবিষয়টী অতি সহজে বুঝা যাইতে পারে । আমরা একসঙ্গে যদি দশজন থাকি, আর একজন মনোযোগের সহিত কোন দিকে মাথা হেলায়, আমরাও অজ্ঞাতসারে সেইদিকে মাথা হেলাইয়া থাকি । যাহারা পেটে কথা কয়, তাহারা এ কৌশলটী বিলক্ষণ বুঝে । তাহারা হয়ত শ্রোতাদিগকে ভুলাইবার জন্য বলে “ঐ শুন ঘরের ছাদ হইতে কে কি বলিতেছে” অথচ পেটের ভিতর হইতে কথা বলিতেছে লোকে তাহা বুঝিতে পারে না । আজি কালি ইটালী ফ্রান্স এবং ইংলণ্ডে অনেক অল্প-ভাষী দেখা যায় । তাহাদের শিক্ষা দেখিয়া যার পর নাই চমৎকৃত হইতে হয় । তাহারা চতুর্দিকস্থ যে কোন পদার্থ হইতে হউক শব্দ শুনাইতে পারে, শব্দের প্রতিধ্বনি ঠিক বলিতে পারে এবং একতান বাচ্য কাছে

আসিতেছে বা দূরে যাইতেছে ঠিক নকল করিতে পারে । বস্তুতঃ তাহাদের কৌশলে অতি চতুর ও সতর্ক ব্যক্তিকেও ঠকিতে হয় ।

পৃথিবীর পূর্বাঞ্চলে বিশেষতঃ ভারতবর্ষে অতি প্রাচীনকাল হইতে অল্পধ্বনি ( পেটে কথা বলিবার ) বিদ্যার অনুশীলন হইতেছে । এদেশের পুরাণে কত স্থানে আকাশবাণীর বর্ণনা আছে । পূর্বকালের বুদ্ধিমান ব্যক্তির আশ্রয়দিগের কথায় লোকের দৃঢ় প্রত্যয় জন্মাইবার জন্য যে এইরূপ কৌশল অবলম্বন করিতেন তাহা অসম্ভব নয় । এখনকার ভূতের বোজারা এই বিচার প্রসাদে অল্প করিয়া খায় । তাহারা অল্পকার ঘরের মেজেতে বসিয়া লোকদিগকে বলে “ঐ শুন চালের মটকা বা ছাদের কড়ী হইতে ভূত বলিতেছে ” এই বলিয়া বিকটাকার অনেক শব্দ করে । অবাধ লোক সত্য সত্য উপর হইতে কথা আসিতেছে ভবিয়া ভীত ও অবাক হইয়া যায়, ভূতদের পেটেতেই যে এত বিদ্যা আছে বুঝিতে পারে না ।

### কৃত্রিম অঙ্গবিকৃতি ।

শিরঃ পীড়ন ।

মস্তক স্বভাবতঃ গোলাকৃতি । জ হইতে ব্রহ্মরন্ধ্র পর্য্যন্ত মাথার খুলি সম্মুখে ফুলিয়া আছে দেখা যায় । কোন কোন জাতির কপাল অন্যান্য জাতির অপেক্ষা উচ্চ বা নিম্ন দেখা যায় বটে, কিন্তু মস্তকের সাধারণ গোল আকার সকল জাতিতেই লক্ষিত হয় । কোন কোন প্রাচীন গ্রন্থে দেখা যায়, পূর্বকালের কোন কোন জাতি বালকদিগের মাথা দীর্ঘাকার করিবার জন্য পেষণ করিত । হিপক্রেটিস্ নামে একজন গ্রীসদেশীয় পণ্ডিত কৃষ্ণ সাগর তীরস্থ দীর্ঘশীর্ষ একজাতির উপাখ্যান বর্ণনা করিয়াছেন । তিনি বলেন “ঐজাতির চক্ষে লম্বাছাঁদের মুখ মহাশ্মার লক্ষণ । এইজন্য তাহাদের মধ্যে প্রথা ছিল সন্তান জন্মিবা মাত্র তাহার কোমল মস্তকটী তাহারা হস্তদ্বারা চাপড়াইয়া লম্বা করিত; পরে কাঠ, দড়ী, চামড়া ইত্যাদি জড়াইয়া রাখিত ; যতদিন গোল আকার মাথা লম্বা না হইত ততদিন খুলিত না । প্রথমে



কষ্ট করিয়া এইরূপ করিতে হইত, কিন্তু ক্রমে অভ্যাসদ্বারা বিকৃত মস্তক স্বাভাবিক হইয়া দাঁড়াইল। তখন আর কোন কষ্ট স্বীকার করিতে হইল না। সন্তান সকল দীর্ঘাকার মস্তক লইয়া ভূমিষ্ঠ হইতে লাগিল।

স্পেনীয় জাতি যখন দক্ষিণ আমেরিকাতে প্রথম বাস করেন, তখন পেক (১) জাতির মধ্যে বলপূর্ব্বক মস্তক দীর্ঘাকার করিবার প্রথা প্রচলিত দেখিতে পান। এই প্রথা এরূপ জঘন্য ও নিষ্ঠুর ছিল যে স্পেনীয় ধর্ম্মযাজকেরা কঠিন আইন প্রচার ও দণ্ড বিধান দ্বারা ইহার নিবারণ করেন। স্পেনীয়েরা যে সকল দেশে প্রবেশ করেন নাই, সেখানে এই কুপ্রথা আরও অধিক দিন প্রবল ছিল। উত্তর আমেরিকার আদিম নিবাসী-দিগের মধ্যে বিশেষতঃ অরিগন ও ভাস্কোবর দ্বীপবাসিদিগের মধ্যে ইহা অত্যন্ত প্রচলিত। তাহারা যেমন অসভ্য ও ছুদর্শাপন্ন, মস্তক বিকৃত করিবার জন্যও সেইরূপ অনুরাগী।

টাউন সেণ্ড নামে এক সাহেব ১৮৩৪ অব্দে আমেরিকার আদিম নিবাসী দিগের অবস্থা দর্শনার্থ গমন করেন। ইহাদিগের মধ্যে অনেক ভিন্ন ভিন্ন জাতি আছে, তন্মধ্যে দশ বারোটা জাতি মস্তক চাপটা করিবার জন্য অনেক ক্রেশ স্বীকার করিয়া থাকে। তাহারা গোল মাথা স্তম্ভজনক বোধ করে এবং যাহার চাপটা মাথা ও চিত-কপাল না হয় তাহাকে কোন উচ্চপদ লাভ করিতে দেয় না। মাথা চাপটা করিবার জন্য ভিন্ন ভিন্ন জাতি ভিন্ন ভিন্ন উপায় অবলম্বন করে। ওয়াল মেট নামক জাতির সন্তান ভূমিষ্ঠ হইবা মাত্র তাহাকে এক খণ্ড তক্তার উপর শোয়াইয়া দেয়। ঐ তক্তার চারিধারে পাট ও চামড়ার দড়ী বাঁধা থাকে, তাহাদ্বারা বালকটিকে জড়াইয়া বাঁধা হয়। তক্তার উপর দিকে বালকটির মাথা রাখিবার উপযুক্ত একটা খোদল করা থাকে, এবং চামড়া বাঁধা ছোট একখানি তক্তাও থাকে। খোদলে মাথার পশ্চাৎভাগ ঠিক হইয়া বসিলে কপালের উপর তক্তাখণ্ড চাপিয়া দেওয়া হয় এবং দড়ী ও চর্ম্ম স্ত্রদ্ধারা বড় তক্তার সহিত দৃঢ়রূপে বন্ধন করা হয়। যতদিন কপালের হাড় শক্ত হইয়া না

(১) ইহাদিগের দেশ হইতে অরয় কুইনাইন উৎপন্ন হয়।

যায়, ততদিন অর্থাৎ চারি হইতে আট মাস পর্য্যন্ত শিশুদিগকে এই অবস্থায় থাকিতে হয়। গুরুতর পীড়া ভিন্ন এ নিয়মের অন্যথা হয় না। যে জাতিরা একটু বুদ্ধিমান তাহারা কপালের উপর তক্তার পরিবর্তে মাদুর খণ্ড দড়ী দিয়া শক্ত করিয়া বাঁধিয়া দেয়। কায়স্ নামে একজাতি দেখিতে দুর্গঠন এবং সমধিক মেধাবী, তাহাদিগের মধ্যে কেবল এই ভয়ঙ্কর প্রথা দেখিতে পাওয়া যায় না।

টাউন সেণ্ড স্বচক্ষে একটা বিকৃত মূর্ত্তি দর্শন করিয়া এইরূপ বর্ণন করিয়াছেন। “আজি দেখিলাম, একটা ছেলের মাথা সবে তক্তা হইতে বাহির করা হইয়াছে। আমি এমন ভয়ঙ্কর ও কদাকার চেহারা কখন দেখি নাই। মাথার সম্মুখ ভাগটা সম্পূর্ণ চাপটাইয়া গিয়াছে। মজ্জার উপর চাপ দেওয়াতে তাহা মাথার পশ্চাৎ দিকে ঠেলিয়া উঁচু হইয়াছে। তাহার ক্ষুদ্র চক্ষু দুটা আধ বুকল উঁচু হইয়া বাহির হইয়াছে। তাহার আকার প্রকার দেখিয়া আমার গায় জ্বর আসিল, কিন্তু আবার তাহার মধ্যে এমনি অঙ্গভঙ্গী দেখিতে লাগিলাম, যে কোনমতে হাস্য সম্বরণ করিতে পারিলাম না। তাহার মাতা তাহাকে আদর করিতে করিতে হাসাইবার চেষ্টা করিল, তাহাতে তাহার মুখভঙ্গী এমন কৌতুকজনক হইল যে আমরা যে কয়জন দেখিতেছিলাম, এককালে বিকট হাস্য না করিয়া থাকিতে পারিলাম না। বালকটা সেই শব্দে ভয় পাইয়া কাঁদিতে আরম্ভ করিল, তখন তাহার মুখশ্রী দেখিতে বরং কিছু ভাল হইল।”

কুসংস্কারের কি প্রভাব! মস্তকের স্বাভাবিক সৌন্দর্য্য কুৎসিত বোধ হইল, আর তাহাকে নানা প্রকারে বিকৃত ও কদাকার করিয়া তুলিয়া শোভা বাহির করিতে হইল। চাপড়াইয়া গাল লম্বা করিলে, চাপিয়া বাঁধিয়া মাথা চাপটা করিলে মজ্জাও যে খারাব হইয়া বুদ্ধিব্রংশ হয় এবং পীড়া জন্মে ইহা বলা বাহুল্য। কিন্তু এসকল বিষয় অসভ্য জাতিদিগের গ্রাহ্য হয় না। আমরাদিগের কয়েকটা আত্মীয় পঞ্জাব অঞ্চলে বেড়াইতে গিয়াছিলেন, তাহার এইরূপ মাথা নষ্ট করিবার একপ্রকার ভয়ঙ্কর প্রথা দেখিয়া আসিয়াছেন। তাহারা বলেন কতকগুলি ব্যক্তির মাথা বাল্যকালে ইচ্ছাপূর্ব্বক বিকড়াইয়া দেওয়া হয়। এই সকল ব্যক্তি চিরকালের মত জড় হইয়া থাকে,



কিছু বুঝিতে স্থবিত্তে পারে না । ইহারা কেবল পশুর মত খাটিয়া বেড়ায়  
এবং সামান্যরূপে জীবন ধারণ করে । হায় ! মনুষ্য ইচ্ছা পূর্বক এমন  
করিয়াও স্বজাতির দুঃখ বাড়াইয়া থাকে, ইহা ভাবিতে গেলে হৃদয় অত্যন্ত  
কাতর হয় ।

## পতি সন্মুখবর্তিনী অনূতাপিতা পত্নীর বিলাপ ।

( ২৪৬ পৃষ্ঠার পর । )

কেমনে সহিব আমি এ বিষম জ্বালা ।  
কে পরায়ে দিল গলে বিষময়ী-মালা ?  
হৃদি-সর হতে ছিঁড়ি স্মৃতি-সরোজিনী ।  
কে আজি করিল মোরে এ হেন দুখিনী ॥  
ডাকি ধনে, ডাকি যশে, ডাকিবন্ধুগণে ।  
কেহ না আইসে মম সান্ত্বনা কারণে ॥  
হৃদ্বিন দেখিয়া দূরে পলাল সবাই ।  
হৃদি গুরু গুরু করে বল কোথা যাই ?  
জানিতাম আগে যদি এরা, প্রবঞ্চক ।  
প্রতারণা বিষপোরা, অবলা নাশক ॥  
তা হলে কি তবদেশ করিয়া হেলন ।  
দাসী ভাবে সেবিতাম তাদের চরণ ।  
ওরে প্রেয় কুহকিনি, কলুষ গেহিনি !  
সখী ভাবে এসে, শেষে বধিলি পাপিনি !  
হা সখি ! সর্ব-মঙ্গলা শ্রেয়ঃ, গুণবতি ।  
তব অপমানে পাই এ হেন দুর্গতি ॥  
করিতে দাসীরে স্মৃতি সৌভাগ্য শালিনী ।  
কত রূপে বুঝাইতে দিবস'যামিনী ॥

প্রেয় পিশাচীর পড়ে মায়া বাণ্ডায় ।  
তোমারে ছাড়িয়া শেষে মরি প্রাণ যায় !  
নাথ হে নিশ্চিত কেন রহিলে বল না ?  
আর যে বাঁচে না তব অভাগী ললনা ॥  
মানিতাম যদি তব হিত উপদেশ ।  
তা হলে কি পোড়া প্রাণ পেত এত ক্রেশ ॥  
উছ উছ জ্বলে মরি পাপাণ্ডণ তেজে ।  
কে আছে এমন বন্ধু, এতেজ নিস্তেজে ॥  
মন রে, মনের মত তবু কি হবে না ।  
আর কি যাতনা পেতে আছে রে বাসনা ?  
সংসারের মুখ পানে আর কেন চাও ।  
শান্তিদাম কোথা তা কি দেখিতে না পাও ?  
কোথা হে কৰুণানিধি, শান্তির আধার !  
অভাগীর দশা প্রভু দেখ একবার ।  
যে ভূষণে বিভূষিত করিয়া আমারে ।  
পাঠাইয়া ছিলে নাথ ভবের মাঝারে ॥  
অবলা দুর্বলা পেয়ে, দুষ্টি ছয় জন ।  
ভুলায়ে লয়েছে মম সে সব রতন ।  
পথ হারা হয়ে নাথ, প্রান্তরে পড়িয়ে ।  
খর তাপে হিয়া মোর যাইছে জ্বলিয়ে ॥  
ক্ষুধায়, তৃষ্ণায় প্রাণ করে হাহাকার ।  
সত্যান্ন, শান্তির জল, দেও কৃপাধার ॥  
সকলিত ছেড়ে পিতা গেল অনাথারে ।  
তুমি কি পারিবে নাথ, ছাড়িতে আমারে ?  
অনন্ত দয়ার উৎস তুমি প্রেমময় !  
শীতল করিবে এই জ্বলন্ত হৃদয় ॥  
স্নেহময়ী মাতা, তব স্নেহে পরাজিত  
হইবে হইবে এই কলুষিত চিত ।—



এই আশা বলবতী হোক মোর হৃদে ।  
অস্থির হবে না প্রাণ সহস্র বিপদে ॥  
ভগ্নীগণ ! কর যোড়ে করি নিদেবন ।  
হওনা হওনা কেহ আমার মতন ॥  
সতর্ক হও গো সবে আমারে দেখিয়ে ।  
কাঁদিতে হবে না শেষে পথ হারাইয়ে !

## পুরাণ কথা ।

### গৌতমী পুত্রক সংবাদ ।

মহাভারত গ্রন্থ পাঠ করিলে প্রাচীন কালে হিন্দুদিগের যে সকল আচার ব্যবহার, রীতি নীতি প্রচলিত ছিল অবগত হওয়া যায় । ইহার মধ্যে অনেক গুলি অতি চমৎকার চমৎকার আখ্যায়িকা আছে, তাহা নীতি ও ধর্ম উপদেশে পরিপূর্ণ । সে কালের পণ্ডিতগণ সাধারণের মনে নীতি শিক্ষা দৃঢ়রূপে মুদ্রিত করিবার জন্য এইরূপ আখ্যায়িকা বর্ণন করিতেন । গৌতমী নাম্নী একটা শান্ত-শীলা ধর্মপরায়াণা রমণীর সহিত একটা ব্যাধের কথোপকথন বলিয়া যে গল্প আছে তাহা আমরা এস্থলে প্রকাশ করিতেছি ।

গৌতমীর পুত্রকে একটা সর্পে দংশন করিয়া মারিয়া ফেলে । সেই সময়ে এক ব্যাধ তথায় উপস্থিত । ব্যাধ গৌতমীকে পুত্রশোকে আকুল দেখিয়া বলিল ‘মা অনুমতি কর, তোমার পুত্রের প্রাণহস্তা এই দুর্ঘট সর্পের প্রাণ সংহার করি । গৌতমী ব্যাধকে ক্ষান্ত হইতে বলিয়া উপদেশ দিলেন:—

‘ন পাপং প্রতি পাপং স্যাৎ সাধুরেব সदा ভবেৎ ।  
আত্মনৈবঃ হতঃ পাপো যঃ পাপং কর্তু মিচ্ছতি ।  
দন্ধং হি সোহুদহতি হতমেবাহুহন্তি চ ।  
মৃতং মারয়তে চাসৌ যঃ পাপে পাপমাচরেৎ ॥

কেহ অপকার করিলে তাহার প্রতিশোধ লইবার জন্য প্রত্যপকার করিবেক না, মনুষ্য নিজে সর্বদা সাধু থাকিবেক । যে অন্যের অনিষ্ট করিতে ইচ্ছা করে, সে পাপাত্মা স্বয়ং মরে । যে ব্যক্তি অনিষ্টকারীর অনিষ্ট করে সে দন্ধকে আবার দাহন করে, হত ব্যক্তিকে হনন করে এবং মৃতব্যক্তিকে পুনরায় মারে । অর্থাৎ শত্রুরও অনিষ্ট ইচ্ছা করিলে পাপ হয়, তাহারও উপকার করিতে হইবে :—

ব্যাধ এই কথা শুনিয়া উত্তর করিল ।

“ন পাপানাং বধে পাপং বিচ্যতে কিল শোভনে ।

তস্মাদেনং বধিষ্যামি নৃশংসং শিশুঘাতিনং ॥”

ভদ্রে ! পাপকারীর বধে কোন পাপ নাই, অতএব এই শিশুঘাতক নিষ্ঠুর সর্পের আমি প্রাণবধ করিব । এবিধে আমাকে নিবারণ করিবেন না ।

গৌতমী ব্যাধকে সান্ত্বনা বাক্যে বুঝাইলেন:—

“স্বলভাঃ পুরুষা লোকে সাধবঃ সাধুকামিনু ।

অসাধুশু পুনঃ সাধু দুর্লভঃ পুরুষোত্তমঃ ॥

তে সাধবঃ স্নজন্মান স্তৈরিয়ং ভূমিতা চ ভূ ।

অপকারিশু ভূতেষু যে ভবন্ত্যপকারিণঃ ॥

দুঃখিতেভ্যোহি ভূতেভ্যো মৃত্যুরোগজরাদিভিঃ ।

ভূয়ঃ কোদুঃখ মপর ময়নো দাতুমহঁতি ॥

দুঃখং দদাতি যোহন্তস্য ধ্রুবং দুঃখং স বিন্দতি ।

তস্মান্ন কস্যচিৎ দুঃখং দাতব্যং দুঃখ ভীষণা ॥”

উপকারীর প্রতি উপকার করেন, জগতে এমন লোক অনেক দেখা যায়, কিন্তু অনিষ্টকারীর ইচ্ছা করেন এরূপ সাধুলোক নিতান্ত দুর্লভ । যাহারা অপকারীর উপকার করেন, সেই সাধুব্যক্তিদিগের জন্ম সার্থক, তাহারা পৃথিবীর ভূষণ স্বরূপ । মৃত্যু রোগ জরাতে যে জীবগণ ক্লেশ পাইতেছে, দয়ালুহৃদয় হইয়া কোন ব্যক্তি আবার তাহাদিগকে দুঃখ দিতে চাহেন ? যে ব্যক্তি অন্যকে দুঃখ দেয়, সে নিশ্চয়ই দুঃখ ভোগ করে । অতএব যিনি দুঃখের ভয় করেন, অপর কাহাকে দুঃখ দেওয়া তাহার উচিত নয় ।

পুত্রশোকাতরা গৌতমীর এইরূপ ধৈর্য দেখিয়া এবং তাহার মুখ



হইতে এইরূপ সাধু উপদেশ শুনিয়া কাহার হৃদয় না সাধুভাবে পূর্ণ হয়? অশ্রায় কার্য দেখিয়া ব্যাধ রাগে উন্নত হইয়া সর্পকে তখনি মারিতে উদ্যত হইয়াছিল, কিন্তু যাহার পুত্রনাশ হইল, তাহার এইরূপ সাধুতা দেখিয়া লজ্জিত হইল এবং ক্রোধ পরিত্যাগ করিল। বস্তুতঃ এরূপ দয়াধর্মের উদাহরণ সচরাচর দেখিতে পাওয়া যায় না। খৃষ্টধর্মাবলম্বীরা বলেন তাঁহাদিগের ধর্মে দয়ার যেরূপ উপদেশ এরূপ আর কুত্রাপি নাই। তাঁহাদিগের ধর্মসংস্থাপক মহর্ষি ঈশা বলিয়া গিয়াছেন “শত্রুকে প্রেম কর, যাহারা তোমাকে ঘৃণা করে তাহাদিগকে ভাল বাস; যাহারা তোমাকে শাপ দেয়, তাহাদিগকে আশীর্বাদ কর; যাহারা তোমাকে কটুবাক্য বলে তাহাদিগের মঙ্গলের জন্য প্রার্থনা কর।” নৃশংস যিহুদীরা ঈশাকে ক্রুশে অর্থাৎ প্রেকে বিদ্ধ করিয়া মখন মারিল, তখনও তিনি হত্যাকারীদিগের জন্য ঈশ্বরের নিকট প্রার্থনা করিয়া বলিলেন “পিতা! ইহাদিগকে ক্ষমা কর, কারণ ইহারা কি করিতেছে জানে না।” এই সকল উন্নত উপদেশের জন্য খৃষ্টধর্মের এত গৌরব! আমরা খৃষ্টধর্মের সুনীতি সকল আদর পূর্বক গ্রহণ করিব। কিন্তু এদেশীয় শাস্ত্রে সেইরূপ উন্নত উপদেশের অভাব নাই দেখিয়া আমাদের মনে কত আনন্দ হয়! এদেশের শাস্ত্রের নীতিরত্ন সকল সংগ্রহ করিয়া তদনুযায়ী চরিত্র গঠন করিতে পারিলে আমাদের জীবন সাধুতার আদর্শ হইতে পারে।\*

### ব্রাহ্মিকা সমাজ ।

প্রায় ৫০ বৎসর হইতে যায়, ভারতবর্ষে ব্রাহ্মসমাজ প্রতিষ্ঠিত হইয়াছে। এতকাল ব্রাহ্মগণ আপনা আপনি অদ্বিতীয় ঈশ্বরের উপাসনা করিতেন, উপাসনালয়ে ভ্রাতায় ভ্রাতায় মিলিত হইয়া আনন্দ লাভ করিতেন। কিন্তু তাঁহাদিগের স্ত্রীগণকে যে সহধর্মিণী করিতে হইবে, তাঁহাদিগের সহিত একত্র হইয়া যে পবিত্র পরিবার বন্ধন করিতে হইবে তাহার প্রতি তাঁহারা এককালে উদাসীন ছিলেন বলিলে অধিক হয় না। স্বার্থপরতা দ্বারাই

\* ১৬ই মাঘের সোমপ্রকাশের আর্ধ্যধর্ম প্রস্তাব অবলম্বন করিয়া লিখিত।

স্বার্থহানি হয়। ব্রাহ্মগণ এতকাল আপনাদিগের স্বার্থপরতার ফল ভোগ করিয়া আসিতেছেন। কত ব্রাহ্ম পৌত্তলিক ও কুসংস্কারাপন্ন ভাষ্যার প্রভাবে স্বয়ং পৌত্তলিক ও কুসংস্কারাপন্ন জীবন বহন করিতে বাধ্য হইলেন, কত ব্রাহ্ম ধর্মের পথে শুল্কতা ও স্ত্রুথের অগ্নিতা দেখিয়া সংসারে আস্তে আস্তে আসিয়া মিশিয়া গেলেন, কত ব্রাহ্ম কক্ষে শ্রেষ্ঠে ক্ষীণভাবে ধর্মজীবন ধারণ করিতে লাগিলেন। বিবেচক ব্রাহ্মগণ আপনাদিগের এই দুর্ভাগ্যের জন্য অনেক ক্ষোভ ও অশ্রুপাত করিয়াছেন। কিন্তু এতদিনের পর তাঁহাদিগের দুঃখের দিন অবসান বোধ হইতেছে। তাঁহারা আপনাদিগের স্ত্রীগণকে সহধর্মিণী করিতে চেষ্টান্বিত হইয়াছেন এবং কতকগুলি সে বিষয়ে কৃতকার্য হইয়াছেন। তাই আজি আমরা ব্রাহ্মিকা সমাজ এই নাম শ্রবণ করিতেছি। এখন এই ব্রাহ্মিকাসমাজদ্বারা ব্রাহ্ম সমাজ দিন দিন স্থায়ী হইবে, আধ্যাত্মিক, পারিবারিক ও সামাজিক উন্নতি লাভ করিবে এরূপ আশা হইতেছে।

ব্রাহ্মিকাদিগের প্রতি আমাদের এত আশা কেন? এদেশের স্ত্রীগণ অত্যন্ত দুর্ভাগ্য। নারী প্রকৃতির যে কতদূর মহত্ব আছে, তাহা তাঁহাদিগের দ্বারা প্রকাশিত হইতে পারে না। বিদ্যার অভাব, চিরাগত কুসংস্কারের সেবা এবং জনসমাজে তাঁহাদিগের অতি নিকৃষ্ট ভাবে অবস্থিতি এই সকল কারণে তাঁহাদের কোনপ্রকার উন্নতিরও সম্ভাবনা দেখা যায় না। ব্রাহ্মগণ যেমন ভারতের সুপুত্র হইয়া তাঁহার সর্বপ্রকার উন্নতির চেষ্টা করিতেছেন, মাতৃভাষা, মাতৃধর্ম, মাতৃরীতি পদ্ধতি সকল যেমন তাঁহাদিগের দ্বারা সংশোধিত হইয়া ভারতবাসী সাধারণের আদর্শস্থল হইতেছে; ব্রাহ্মিকাদিগের দ্বারা সেইরূপ এদেশের আদর্শ নারীসমাজ সংগঠিত হইবে এই আমাদের আশা। তাঁহারা একদিকে বিজাতীয় সভ্যতার বাছাউষ্মর পরিত্যাগ করিয়া তাহার উন্নত ভাব সকল গ্রহণ করিবেন, অন্যদিকে স্বজাতীয় কুসংস্কার ও পাপাচার পরিহার করিয়া তাহার সদগুণ সকল সংরক্ষণ করিবেন। এখন ব্রাহ্মিকা সংখ্যা অতি অল্প এবং তাঁহাদিগের অনেকেই আশীর ব্রাহ্মের স্ত্রী বলিয়াই ব্রাহ্মিকা নামে আখ্যাত। কিন্তু আমরা দিব্যচক্ষে দেখিতেছি সুসময় আসিতেছে। প্রকৃত ঈশ্বরানুগত ভারতকন্যাগণ



সমাজবন্ধ হইয়া আপনাদিগের জ্ঞান ও ধর্মের উন্নতির পথ প্রশস্ত করিবেন এবং তাঁহাদিগের ক্ষমতায় দেশের যতদূর কল্যাণসাধন হইতে পারে তাহার ক্রটি করিবেন না ।

আমাদের পাঠিকাগণের মধ্যে যাঁহারা ব্রাহ্ম সমাজকে আদরের চক্ষে দেখেন, তাঁহাদিগের অবগতির জন্য আমরা আনন্দের সহিত প্রকাশ করিতেছি এদেশীয় নারীগণ ক্রমশঃ ব্রাহ্মসমাজ মধ্যে স্থান লাভ করিতেছেন এবং তন্ম্বারা আপনাদিগের ঐহিক পারত্রিক মঙ্গল সাধন করিতেছেন । কলিকাতায় ভারতবর্ষীয় ব্রাহ্ম সমাজের যে উপাসনা মন্দির সংস্থাপিত আছে, তাহাতে স্ত্রীলোকদিগের উপাসনার একটী স্বতন্ত্র বিভাগ আছে । তথায় ৪০। ৫০ টী ব্রাহ্মিকা সমাগত হন, বর্ষিয়সী হিন্দুরমণীগণও তাহাতে মধ্যে মধ্যে গিয়া যোগ দিয়া থাকেন । তাঁহাদিগের মধ্যে অনেকে কলিকাতায় শিক্ষয়িত্রী বিদ্যালয়ে অধ্যয়ন করেন এবং বামাহিতৈষিনী নামে একটী সভা আছে তাহাতে জ্ঞান ও ধর্ম বিষয় সকল আলোচনা করেন । গত ১১ই মাঘ ব্রাহ্ম সমাজের সাংবৎরিক উৎসব উপলক্ষে ব্রহ্মমন্দিরে যে মহোৎসব হয়, তাহাতে কয়েকদিবস ব্রাহ্মিকাগণ সামাজিক উপাসনার আনন্দ সম্ভোগ করেন । বিশেষ আঙ্কাদের বিষয়, তাঁহারা একদিন সকল স্ত্রীলোকে মিলিয়া স্বতন্ত্র উৎসব করেন । ব্রাহ্মিকা সমাজের এই উৎসব সমস্ত দিবস স্থায়ী হইয়াছিল, তাহাতে স্ত্রীলোকগণ সঙ্গীত সঙ্গীতন পূর্বক উপাসনা করেন এবং অনেকক্ষণ ধরিয়া ধর্মবিষয়ক নানা প্রকার কথোপকথন করিয়া ছিলেন । বৎসর বৎসর ব্রাহ্মিকাদিগের উন্নতি দেখিয়া আমরা স্মৃথী হইতেছি । ঈশ্বর ককন্, ব্রাহ্মিকা সমাজ বন্ধমূল হইয়া এদেশের নারীসমাজের উন্নতির সহায় হউক ।

ব্রাহ্মিকাগণের প্রতি এখন আমাদের বক্তব্য, তাঁহাদের সংখ্যা অল্প বলিয়া তাঁহারা যেন কিছুতেই নিরাশ না হন । ঈশ্বর তাঁহাদের সহায় এবং স্বদেশীয় ও বিদেশীয় অনেক সদাশয় পুরুষ ও রমণী তাঁহাদের উৎসাহদাতা রহিয়াছেন । সদগুণদ্বারা তাঁহারা সমাজমধ্যে একটী গণনাস্থলে আসিলে দেশীয় বহুসংখ্যক মহিলাকে আপনাদিগের দলস্থ দেখিতে পাইবেন । কিন্তু তাঁহাদের প্রতি বিনয় বচনে নিবেদন, কদাচ ভিন্নজাতীয়দিগের অণুকরণ

প্রিয় হইবেন না । অন্য গাছের তুলনা ফুল স্বরায় শুষ্ক হইয়া ও পচিয়া যায় । গাছের নিজের ফুলে যথার্থ শোভা সৌন্দর্য্য এবং তাহাতেই উপাদেয় ফল উৎপন্ন হয় । ব্রাহ্মিকাগণ! তোমরা যতদিন স্বদেশীয় নারীকুলকে জ্ঞান ও ধর্মে উন্নত করিয়া ভারতমাতার হৃদয়ের গভীর দুঃখ দূর করিতে না পার, ততদিন বাহিরে যথা চাক্চিক্য দেখাইয়া বিদেশীয় লোকের নিকট প্রশংসা পাইতে যাইও না । বরং দুঃখিনীর বেশে মাতার সেবায় প্রাণদান কর । তাহাতে তোমাদের প্রাণধারণ সার্থক হইবে, দেশের চিরকালের কল্যাণ হইবে ।

## ভারতবর্ষে ইংরাজদিগের অধিকার বিস্তার ।

(২৪৪ পৃষ্ঠার পর)

ইংরেজেরা কিরূপে বঙ্গদেশ জয় করিলেন ইহা শুনিতে সকলেরই কোঁতূহল হইয়া থাকে এইজন্য সংক্ষেপে ইহার যত্নস্ত লেখা যাইতেছে ।

১৭৫৬ অব্দের ২ই এপ্রেল সিরাজদ্দৌলা তাঁহার মাতামহ আলিবর্দীর উত্তরাধিকারী হইয়া বাঙ্গলা, বেহার ও উড়িষ্যা এই তিন স্খবার অর্থাৎ প্রদেশের নবাব হন । শাস্ত্রে বলে—

“যৌবনং ধন সম্পত্তিঃ প্রভুত্ব মবিবেকতা ।

একৈক মপ্যনর্থায় কিমু তত্র চতুষ্টিয়ং ॥”

যৌবন, ধন, কর্তৃত্ব আর অবিবেচনা ইহার এক একটী অনিষ্টের কারণ, চারিটী একত্র হইলে যে কি হয় বলা যায় না । সেরাজদ্দৌলার ভাগ্যে তাই ঘটিয়াছিল, সূতরাং অল্পদিনের মধ্যে তাঁহার অত্যাচারে দেশ শুষ্ক লোক ত্যক্ত বিরক্ত হইয়া উঠিল । তাঁহার দৌরাণ্যে ধনীর ধন, মানির মান ও সতীর সতীত্ব রক্ষার উপায় নাই দেখিয়া তাঁহার কর্মচারী এবং অধীনস্থ জমীদার প্রভৃতি বড় বড় লোক তাঁহার বিরুদ্ধে ষড়যন্ত্র করিতে লাগিলেন । এই সময়ে ইংরেজবণিকেরা তাঁহার অত্যাচারে জ্বালাতন হইয়া তাঁহার



বিক্রমে সাহসপূর্বক দণ্ডায়মান হইলেন, এবং ছলে বলে কৌশলে এত বড় রাজ্য হস্তগত করিলেন ।

ইংরেজদিগের সহিত নবাবের বিবাদের প্রথম সূত্র এই, ঢাকার শাসন-কর্তা রাজা রাজবল্লভের কিছু সঞ্চিত অর্থ ছিল । তৎপ্রতি সেরাজউদ্দৌলার লোভদৃষ্টি পড়াতে তিনি আপন পুত্র কৃষ্ণদাসের সঙ্গে সমুদায় অর্থ গোপনে পাঠাইয়া দিলেন । কৃষ্ণদাস জগন্নাথ যাত্রার ছলে কলিকাতায় আসিয়া ইংরেজ বণিকদের অধ্যক্ষ ড্রেক সাহেবের শরণাপন্ন হন । নবাব এই বৃত্তান্ত শুনিয়া ক্রুদ্ধ হইলেন এবং সমুদায় অর্থ সমেত কৃষ্ণদাসকে তাঁহার নিকট সমর্পণ করা হয় এই বলিয়া ড্রেক সাহেবকে পত্র লিখিলেন । ইংরেজেরা তখন নবাবকে ভয় করিতেন, কিন্তু শরণাগত ব্যক্তিকে পরিত্যাগ করিলেন না । এই সাধু কার্য করিয়া তাঁহারা আপাততঃ নবাবকে বিজাতীয় ক্রোধে প্রজ্বলিত করিয়া তুলিলেন, কিন্তু পরিণামে ভারত সাম্রাজ্য লাভ যে ইহার ফল কিছুই জানিতেন না । এই সময়ে বাঙ্গালায় ফরাসীদের সঙ্গে ইংরাজদিগের বিবাদ চলিতেছিল, তাহাতে ইংরেজেরা কলিকাতার দুর্গ ভাল করিয়া মেরামত করিতেছিলেন । নবাব ইংরেজদের এইপ্রকার ব্যবহারে ক্রোধে অধৈর্য হইয়া কলিকাতা আক্রমণ করিতে আসিলেন । ইংরেজদের না ছিল যথেষ্ট সৈন্যসামন্ত, না ছিল ভালরূপ অস্ত্রশস্ত্র । তাহার উপর ড্রেক প্রভৃতি কর্তা সাহেবেরা নবাবের আগমন শুনিয়াই ভয়ে জাহাজে পলাইলেন । এই সময়ে সাহসী হলওয়েল সাহেব ইংরেজদের সেনাপতি হইয়া দুইদিন যুদ্ধ করিলেন, অবশেষে পরাস্ত মানিয়া সন্ধি প্রার্থনা করিলেন । দুর্গে সমুদায় ১৪৬ জন ইংরেজ ছিল, নবাব দুর্গ অধিকার করিয়া সেনাপতি মানিকচাঁদের হস্তে তাহাদিগের রক্ষার ভারার্পণ করিয়া গেলেন । মানিকচাঁদ রাত্রিকালে সুবিধামত অন্য স্থান না পাইয়া ১২ হাত দীর্ঘ ও ৮ হাত প্রশস্ত একটী কয়েদঘরে এতগুলি লোককে বদ্ধ করিলেন । একে দারুণ গ্রীষ্মকাল, তাহাতে গৃহের দুইদিকে দুইটি মাত্র গবাক্ষ, ইংরেজেরা সমস্ত রাত্রি তৃষ্ণার কাতর হইয়া ও ঠেসাঠেসি করিয়া মৃত্যুমুখে পতিত হইতে লাগিলেন । প্রহরীরা তাঁহাদের দুঃখে দুঃখী হওয়া দূরে থাকুক আমোদ করিতে লাগিল । প্রাতঃকালে সেরাজউদ্দৌলার আদেশে কারাগারের দ্বার

খোলা হইল, ১৪৬ জনের মধ্যে ২৩ জন মাত্র ইংরাজ মৃতকল্প হইয়া বাঁচিয়া আছে দেখা গেল । এই নিষ্ঠুর হত্যাকাণ্ড অন্ধকূপহত্যা বলিয়া প্রসিদ্ধ আছে । নবাব অতঃপর ইংরেজদের ধনাগার হইতে পঞ্চাশ হাজার টাকা মাত্র পাইয়া বিরক্ত হইলেন । যাহাহউক বঙ্গদেশে ইংরেজদিগকে নিশ্চূল করিয়া তিনি পরমসুখী হইলেন এবং কলিকাতার নাম আলীনগর রাখিয়া রাজধানীতে প্রস্থান করিলেন ।

এই সময়ে মাদ্রাজে ইংরেজদের ক্ষমতা বিস্তারিত হইতেছিল । তথায় অসাধারণ যুদ্ধবুদ্ধি-সম্পন্ন ক্লাইব নামে এক বীরপুরুষ সেনাধ্যক্ষ ছিলেন । ইনি ১৭ বৎসর বয়সে সামান্য কেরাণী হইয়া বিলাত হইতে এদেশে আসেন, কিন্তু অল্পদিন পরে যুদ্ধবিদ্যা ভাল লাগাতে তাহাতে প্রবৃত্ত হন এবং যে যুদ্ধে যাত্রা করিলেন তাহাতেই জয় লাভ করিতে লাগিলেন । মাদ্রাজে অন্ধকূপহত্যার সংবাদ গেলে তথাকার কর্তা সাহেবেরা ১০০ ইউরোপীয় ও ১৫০০ সিপাই সেনা সেনাপতি ক্লাইব ও জাহাজ অধ্যক্ষ ওয়াটসনের সঙ্গে দিয়া বঙ্গদেশে পাঠাইলেন । ইঁহারা অল্পদিন মধ্যে নবাবের সৈন্যদিগকে তাড়াইয়া দিয়া কলিকাতা পুনরায় অধিকার করিলেন । নবাব সসৈন্যে যুদ্ধ করিতে আসিলেন, কিন্তু শত্রুদিগের বিক্রমে ভীত হইয়া সন্ধি করিলেন । তাহাতে ইংরেজদের অনেক লাভ হইল । তাঁহারা মুরসিদাবাদের টেকশালে কোম্পানির টাকা ছাপিবার অধিকার পাইলেন, যে সকল স্থান ও স্বত্ব হারাঁইয়াছিলেন ফিরিয়া পাইলেন এবং যুদ্ধের ক্ষতি পূরণের টাকা পাইবার আশ্বাস পাইলেন ।

নবাবের কিন্তু আসন্নকাল উপস্থিত, সুতরাং বিপরীত বুদ্ধি ঘটিতে লাগিল । তিনি একবার ইংরেজদিগের প্রতি আদর করেন, আবার তাহাদের প্রতি রাগ করিয়া তাহাদের বিপক্ষ ফরাসীদিগকে আহ্বান করেন । একবার ক্লাইবের নিকট ক্ষমা চান, আবার তাঁহার পত্র খণ্ড খণ্ড করিয়া ছিঁড়িয়া ফেলেন । ক্লাইব বুঝিলেন ইংরাজদের প্রতি তাঁহার মর্মান্তিক রাগ ও ঘৃণা, তিনি থাকিতে তাহাদের ভদ্রস্বতা নাই । এই সময়ে সেরাজউদ্দৌলার অত্যাচারে দেশের বড় বড় লোক তাহাকে পদচ্যুত করিবার জন্য এক ভয়ানক ষড়যন্ত্র করিয়াছিলেন । নবাবের প্রধান সেনাপতি মিরজা



ফর, দেওয়ান রায়চুলভ এবং অতুল ধনশালী জগৎ শেঠ, উমীচাঁদ প্রভৃতি ইহার মধ্যে ছিলেন। ইহারা এই ষড়যন্ত্রে ইংরাজদিগের সাহায্য চাহিলেন এবং ইংরেজেরাও ব্যগ্র হইয়া ইহাদের সহিত যোগ দিলেন। স্থির হইল ইংরেজেরা নবাবের বিরুদ্ধে যুদ্ধে অগ্রসর হইবেন, মিরজাফর অধীনস্থ সৈন্যগণকে লইয়া তাহাদের সহকরিতা করিবেন, যুদ্ধে জয়লাভ হইলে মিরজাফর নবাব হইবেন এবং ইংরেজেরা নবাবের অত্যাচারে যে ক্ষতি সহ করিয়াছেন তাহার পূরণ করিয়া দেওয়া হইবে।

১৭৫৭ অব্দের ২৩ এ জুন অর্থাৎ অন্ধকূপ হত্যার একবৎসর পরে বিখ্যাত পলাসীর যুদ্ধ সংঘটন হইল। ক্লাইবের সৈন্য তিন হাজার মাত্র, নবাবের প্রায় তাহার সতর গুণ। কিছুক্ষণ দুইদলে জয়পরাজয় হইয়া মধ্যাহ্ন-সময়ে নবাবের প্রধান সেনাপতি মীর মদন হত হইলেন। নবাব তদর্শনে ভীত হইয়া সর্বাগ্রে পলায়ন করিলেন, তাহার সৈন্যগণও ভঙ্গ দিয়া চারিদিকে বিস্তারিত হইয়া পড়িল। ক্লাইব অনায়াসে জয় লাভ করিলেন। এই সামান্য যুদ্ধদ্বারা এদেশে ইংরেজদিগের আধিপত্য স্থাপিত হইল। মিরজাফর সাক্ষাৎ ভাবে ইংরেজদিগের সহকারিতা করিতে পারেন নাই, তাহার কারণ এই সিরাজউদ্দৌলা ইংরেজদের সহিত যুদ্ধের কিছু পূর্বে ষড়যন্ত্রের সংবাদ পান। তিনি মিরজাফরের পায় পড়িয়া অনেক ক্রন্দন ও স্তব স্তুতি করেন এবং 'তিনি নবাবের বিরুদ্ধে যুদ্ধ করিবেন না' এই কথাটি কোরাণ ছুঁইয়া শপথ করাইয়া লন। মিরজাফর ধর্ম-প্রতিজ্ঞায় বদ্ধ হইয়া যুদ্ধক্ষেত্রে ইংরেজদের সাহায্য করিতে যাইতে পারেন নাই। যাহাহউক তিনি যদি নবাবের পক্ষে থাকিতেন, ইংরেজদের জয়ের আশা তুরাশা হইতে সন্দেহ নাই। এই যুদ্ধে ইংরেজদের জয় লাভ সম্পূর্ণ ঈশ্বর প্রদত্ত বলিতে হয়। ক্লাইব এতবড় সাহসী বীর হইয়াও নিরাশ হইয়া যুদ্ধের ইচ্ছা প্রায় পরিত্যাগ করিয়াছিলেন, বস্তুতঃ তাঁহার তৎকালে যে ক্ষমতা ছিল তাহাতে একটা রাজত্বের বিরুদ্ধে কোনক্রমেই দণ্ডায়মান হইতে পারিতেন না। এদিকে দেশের প্রধান প্রধান লোক নবাবের বিরোধী এবং ইংরাজদিগের পক্ষ ছিলেন। তাহার উপর নবাব আপনার সমুদয় সেনাদল লইয়া যুদ্ধ করিতে পারিলেন না। ইহাতে ইংরেজেরা সম্পূর্ণ

বাহুবলে বঙ্গদেশ জয় করিয়াছেন, যদি বলেন সে তাহাদের অনেকটা ভ্রম ও জোরের কথা। তাহার সামান্য বণিক হইয়া আসিয়া স্বদেশ অপেক্ষা একটা বৃহৎ রাজ্যের আধিপত্য অন্বেষণে লাভ করিবেন ইহা তাঁহাদিগের স্বপ্নেরও অগোচর ছিল। যাহাহউক তাঁহারা ঈশ্বরের আশ্চর্য্য কৌশলে মুসলমান দিগের অত্যাচার হইতে বঙ্গদেশকে উদ্ধার করিয়াছেন ইহা মুক্তকণ্ঠে স্বীকার করিতে হইবে। এ কার্যে এদেশীয় লোকেরা তাঁহাদিগকে আহ্বান ও সাহায্যদান করেন তজ্জন্য এদেশের প্রতি জেতার ন্যায় অত্যাচার না করিয়া বন্ধুর ন্যায় ব্যবহার করা তাঁহাদের পক্ষে সর্বতোভাবে কর্তব্য।

## গার্হস্থ্য চিকিৎসা প্রণালী।

### শিশুদিগের উদরের পীড়া।

দিনের মধ্যে ৬৭ বার তরল মল নির্গত হয়, শিশুও ক্রমে ক্রমে দুর্বল হইয়া পড়ে। বালকের উদরের পীড়া হইলে দুঃখিনী মাতার কষ্টের সীমা পরিসীমা নাই। বালকের মল পরিষ্কার করিতে করিতে কোন কোন মাতা এত বিরক্ত হইয়া উঠেন যে ক্রোধে অধীরা হইয়া বালকের মৃত্যু পর্যন্ত কামনা করেন। কিন্তু বালক যে তাঁহারই অসাবধানতায় ও অবিবেচনায় কষ্ট পাইতেছে তাহা একবারও চিন্তা করেন না। পূর্বেই উল্লেখ করা হইয়াছে যে, আহারের দোষে বালকের উদরের পীড়া হয়। বালকের অনিচ্ছায় বলপূর্বক পুনঃ পুনঃ আহার দেওয়া, বাসি দুগ্ধ প্রদান করা, অধিক মিষ্ট দ্রব্য আদর পূর্বক দেওয়া এই সকল কারণে বালকের উদরের পীড়া হয়। মাতার পীড়া থাকিলে সেই পীড়িতা মাতার স্তনদুগ্ধ পান করিয়া অনেক বালক পীড়িত হয়। পূর্বে এই সকল কারণের প্রতি দৃষ্টি রাখিলে বালকও কষ্ট পায় না, মাতাও শোক দুঃখে কাতর হইয়া অধীরা হন না।

এ সকল গুরুপাক বস্তু আহার করিয়া বালকের উদরের অঙ্গরসের বৃদ্ধি হইয়া উদরের পীড়া হইয়া থাকে। কোন কোন বালকের উদরে কুমীর



রুদ্ধি হইয়াও উক্ত পাড়ার প্রাদুর্ভাব হয় । এজন্য রোগের কারণ নির্দেশ করিয়া চিকিৎসা করা কর্তব্য । মল ছেঁকড়া ছেঁকড়া, জমা জমা, দুধতোলা মত, সাদা বর্ণের হইলে অঙ্গরসের আধিক্যই বিবেচনা করিতে হইবে ।

মল ত্যাগের সঙ্গে পেট কামড়ানি, দাঁত কিড়ি মিড়ি, নাক চুলকানি, ঘূমের ঘোরে মধ্যে মধ্যে চম্কে উঠা, এসকল লক্ষণ থাকিলে কুম্বীই স্থির করিতে হইবে ।

### চিকিৎসা ।

অল্পাধিক্য বশতঃ হইলে, বয়স বিবেচনা করিয়া ক্যাফর অয়েল্ কিধা হরিতকীর জোলাপ দিবে । ইহাতে ভয় পাওয়া উচিত নহে । জোলাপে বিশেষ উপকার বোধ না হইলে চুনের জল খাদ্য বস্তুর সঙ্গে দিবে । বোন-সুট সিদ্ধ করিয়া তাহার জল খাওয়াইবে । কম্পাউণ্ড চকুপাউডার উইথ-ওপিয়ম্—৫ গ্রেন্ ( ২৥ রতি ) ইহাতে এক পুরিয়া হইবে, এরূপ তিন পুরিয়া দিনে সেবন । অথবা টিং ওপিয়াই ৩ ফোঁটা সোডি বাইকার্ক্ ১ গ্রেন্ ( আধ-রতি ), বিস্মথ্ কার্ক ৥ আধ্গ্রেন্, জল ২ ড্রাম ইহাতে একমাত্রা হইবে এরূপ তিন মাত্রা দিনে সেবন ।

কুম্বী জন্ম হইলে, সেন্টুনাইন ১ গ্রেন্ অথবা বন্ বন্ ১ টা খাওয়াইয়া জোলাপ দিবে । ইহাতে কুম্বী নির্গত হইয়া আরাম না হইলে উপরোক্ত ঔষধ সেবন করাইবে । উপরে যে ঔষধের পরিমাণ লেখা হইল তাহা এক বৎসরের বালকের জন্য । বয়স বিবেচনা করিয়া পরিমাণের হ্রাস বৃদ্ধি করিবে । পথ্য—এরাবুট্, সাবুদানা, গাধার দুগ্ধ বা গোকর দুগ্ধে জল মিশ্রিত করিয়া । মাতার পীড়া থাকিলে প্রাণান্তেও মাতৃস্তন্য প্রদান করিবে না । মাতৃস্তন্য রহিত করাতে অনেক শিশু আরোগ্য লাভ করিয়াছে । দুধছাড়ার সময় বালক অত্যন্ত ক্রন্দন করে, তাহা সহ করিতে না পারিয়া অনেক প্রসূতি স্তন্যদুগ্ধ দিয়া বালকের প্রাণ নাশ করেন । স্তনে কুইনাইন মাখাইয়া রাখিলে, অথবা টিং আইওডিন্ মাখাইলে বিশ্বাস প্রযুক্ত বালক, স্তন মুখে দিতে চাহিবে না ।

উদরের পাড়া অনেক দিনের হইলে ফ্লানালের দ্বারা সর্বদা বালকের উদর জড়াইয়া রাখিবে ।

এই সকল উপায়ে রোগ উপশম নাহিলে উত্তম সুবিজ্ঞ কবিরাজ দ্বারা চিকিৎসা করাইবে । উদরের পীড়া, আমাশয়, কাশি, পুরাতন জ্বর এসকল রোগে কবিরাজ দিগের চিকিৎসা সর্বোৎকৃষ্ট । অনেক বিজ্ঞ সাহেব ডাক্তারও ইহা স্পষ্টাক্ষরে স্বীকার করিয়াছেন । অতএব কবিরাজ দিগকে অবজ্ঞা না করিয়া তাঁহাদের সাহায্য লওয়া নিতান্ত প্রয়োজনীয় ।

### নূতন সংবাদ ।

১। যাহাতে জীর্ণের পরিচ্ছদ বিষয়ক অপব্যয় নিবারণ ও মিতাচার অভ্যাস হয় তজ্জন্য ইংলণ্ডে একটা সভা স্থাপিত হইয়াছে ।

২। নাটোরের মহারণী শিবে-ধরী ভবানীপুরস্থ এক বিদ্যালয়ে দুইশত টাকা দান করিয়াছেন ।

৩। স্থলভ সমাচারে লিখিত হইয়াছে বিলাতের খবরের কাগজে একটা বিজ্ঞাপন বাহির হইয়াছে যে একটা নূতন যন্ত্র খাঁদা নাকে প্রতি দিন একঘণ্টা করিয়া রাখিলে তাহা শীঘ্রই সুডোল এবং টিকল হয় । মূল্য আনা বার মাত্র ।

৪। কুপথ গামিনী বিবি দিগকে সৎপথে আনয়নার্থে কলিকাতাস্থ কতকগুলি ধার্মিক ইংরাজ পুরুষ উদ্যোগী হইয়া একটা অনাথিনী

আলয় স্থাপিত করিয়াছেন । কতক গুলি সাধুশীলা সৎশীয়া মহিলা দুশ্চারিণী ভগ্নীদিগকে পাপ পথ হইতে উদ্ধার করিবার নিমিত্ত এই অনাথিনী আলয়ের মহৎ ও পবিত্র কার্যে ব্রতী হইয়াছেন । যাহাতে সেই অপবিত্র অবলাগণ অসৎ স্থান ও অসৎ সংসর্গ পরিত্যাগ করিয়া এই পবিত্র আলয়ে অবস্থিতি করত সৎ সহবাস, উপদেশ, দৃষ্টান্ত ও শিক্ষা দ্বারা সচ্চরিত্রা হন এবং ঈশ্বরের পবিত্র কন্যা হইয়া আপ-নার ও সংসারের মঙ্গল সাধন করেন ইহাই তাঁহাদিগের মহা ব্রত । হায়! কত সহস্র সহস্র বঙ্গ কুলাঙ্গনা কুসংসর্গ, পাপের প্রলোভন, দোষ-কর দেশাচারের কঠিন শাসন ও দ্রাবিড়্য নিবন্ধন নরক সদৃশ পাপ পক্ষে পতিত হইয়া হাহাকার করিতে ছে! কবে এমন পুণ্যবতী সতী সকল ভারতে জন্ম গ্রহণ করিয়া এই সকল পাপীয়সীর নিমিত্ত



ইউরোপীয় ভগ্নীদিগের ন্যায় মহাব্রতে ব্রতী হইবেন ?

৫। অবলাবান্ধবে এই সংবাদটি দৃষ্ট হইল :—“আমরা কোন বিশ্বস্ত আত্মীয়ের পত্রে অবগত হইলাম, অত্রত্য বিখ্যাত দস্তপরিবারের বাবু গোবিন্দচন্দ্র দত্তের কন্যাদ্বয় কেশুজ বিশ্ববিদ্যালয়ে প্রবেশ করিয়াছেন। ইহারা প্রায় তিন বৎসর হইল বিদ্যাভ্যাসের নিমিত্ত পিতার সহিত ইংলণ্ডে গমন করেন। অজ্ঞানাম্ভন্ন বন্ধবানাদিগের পক্ষে কি এত দূর সৌভাগ্য হইবে যে তাহারা বিশ্ববিদ্যালয়ের উদার শিক্ষা লাভ করিয়া বঙ্গান্ধনাগণের মুখোজ্জ্বল করিবেন ?

৬। আমরা এক ভদ্র ব্যক্তির মুখে শুনিলাম জেলা চর্কিশ পরগণার অন্তঃপাতী বশীর হাট সবডিবিজনের অন্তর্গত ঘোড়া ডাঙ্গা নামক গ্রামে এক জন বাগদির বাটীতে প্রায় এক মাস হইল একটা গাভী প্রসব হইয়াছে। বৎসটীর চারিটা মাথা ; সম্মুখের দিকে দুইটা পশ্চাতে পায়ের দিকে দুইটা, ইহার মধ্যস্থলে একটা লেজ ঝুলিতেছে।

৭। ভারত সংস্কার সভার অধীনস্থ শিক্ষয়িত্রী বিদ্যালয়ের

ছাত্রী সংখ্যাক্রমশঃ অধিক হইতেছে। গবর্ণমেন্ট হইতে ইহার সাহায্যদান করিবার জন্য আমাদের লেপ্টনেন্ট গবর্ণর কেম্বেল সাহেব বাবু কেশবচন্দ্র সেনকে একখানি পত্র লিখিয়াছেন। এই বিদ্যালয়ে সূচাক্রমে শিক্ষাদিবার জন্য বিলাত লইতে একটা সুশিক্ষিতা বিবী আসিতেছেন।

৮। আমেরিকার এক সংবাদ পত্রে লিখিয়াছে, অনেক স্থানে পায়রা চিটী পত্র বহিয়া লইয়া যায় ইহা সকলে জানে, কিন্তু এখানে একটা পায়রা একঘণ্টার মধ্যে প্রায় ২০০ ক্রোশ দূরে সংবাদ লইয়া গিয়াছিল এমন আশ্চর্য ব্যাপার কখন হয় নাই। পক্ষীটী তীরের মত ছুটিয়াছিল, বাতাসের ঘর্ষণে তাহার সমুদায় পালক উঠিয়া যায়। কিন্তু তাহার গলায় চিটী খানি যেমন বাঁধা তেমনি ছিল। পক্ষী তথাপি বেদম হইয়া পড়ে নাই !

৯। পৃথিবীর উত্তর কেন্দ্রে লাপলও প্রভৃতি দেশের লোকেরা শীতকালে যেমন অরিও বোরিয়া-লিস্ নামে এক প্রকার উত্তরীয় আলোক দেখিতে পায়, মধ্যে ভারত-বর্ষের উত্তরাংশের লোকেরা একদিন সেইরূপ আলোক দেখেন।

রাত্রি প্রায় ১১ টার সময় উত্তরের সমুদায় আকাশটি হঠাৎ অতি সুন্দর উজ্জ্বল রক্তবর্ণ আলোকে সুশোভিত হইয়া উঠিল। সূর্য্য পাটে বসিলে পশ্চিমের আকাশ যেরূপ উজ্জ্বল হয়, ইহা তদপেক্ষাও প্রভাময় হইয়াছিল। কিছুক্ষণ পরে ইহা পাণ্ডুবর্ণ ও ক্রমে ক্রমে বায়লেট অর্থাৎ পীতের আভাযুক্ত গাঢ় নীল হইয়া উঠিল। আলোকের কিরণ সকল এক কেন্দ্র হইতে বিকীর্ণ হইয়া লড়িয়া বেড়াইতে লাগিল। পরে দক্ষিণ ভাগ গাঢ় কৃষ্ণবর্ণ এবং উত্তর অংশ আশ্চর্য্য লালবর্ণ ধারণ করিয়া ক্রমে ক্রমে অদৃশ্য হইল। এরূপ ঘটনা আর কখন হয় নাই। ইহার প্রকৃত কারণ না জানাতে মূর্খ লোকেরা নানা অমঙ্গলের আশঙ্কা করিতেছে।

১০। কাগমারীর জমীদার শ্রীমতী জাহ্নবী চৌধুরানী মহোদয় ভারত সংস্কার সভার দাতব্য বিভাগে ৫০ পঞ্চাশ টাকা দান করিয়াছেন।

১১। গত ১১ই মাঘ ব্রাহ্মসমাজের দ্বাচত্রিংশ সাংবৎসরিক মহোৎসব অতি সমারোহে সম্পন্ন হইয়াছে। প্রাচীন সমাজে স্ত্রী জাতির ধর্মোন্ন-

তির জন্য বিশেষ চেষ্টা নাই বলিয়া বাবু সত্যেন্দ্র নাথ ঠাকুর তাহার বক্তৃতায় বিশেষ আক্ষেপ ও অনুরোধ করিয়াছেন। ভারতবর্ষীয় ব্রাহ্মসমাজে এবারকার নূতন ব্যাপারের মধ্যে কয়েকটা বিশেষ প্রয়োজনীয়। আচার্য্য শ্রীযুক্ত বাবু কেশবচন্দ্র সেন পটল ডাক্তার গোলদীঘির ধারে চারি পাঁচ সহস্র সমাগত ব্যক্তির সম্মুখে অতি উচ্চ ও গম্ভীরস্বরে সংক্ষেপে ব্রাহ্মধর্ম বিষয়ে একটা মনোহর বক্তৃতা করেন, তাহার তৎকালীন মূর্তি ও ভাব দেখিয়া বোধ হইতেছিল তিনি যেন আকাশের সূর্য্য ও বায়ুর সহিত একত্র হইয়া স্পর্শরূপে চন্দ্রকে দেখাইয়া দিতেছেন। ব্রহ্মমন্দিরে ১১ই মাঘের রাত্রি ‘কাঙ্গালের ধন কোথায় তুমি’ এই গানটী অতি কোমল বামাস্বরে গীত হইয়া শ্রোতা-দিগের হৃদয় সুধাভিষিক্ত করিয়াছিল। জগদীশ্বর নারী গণের কোমল কণ্ঠে যে স্বর্গীয় সুখের আকর করিয়াছেন ইহাতে তাহা বিলক্ষণ প্রতীত হইল। ১৪ই মাঘ শুক্রবার ভারতবর্ষীয় ব্রহ্মমন্দিরে ব্রাহ্মিকাদিগের বিশেষ উৎসব কার্য্য সম্পন্ন হয়। তৎপূর্ব্ব দিন টাউন হলে কেশব



বাবুর একটি ধর্মবিষয়ক ইংরাজী বক্তৃতা হয়, তাহাতে কতক গুলি বঙ্গীয় মহিলা প্রকাশ্যরূপে সভা-স্থলে গমন করেন। ভগিনীদিগের অধিকাংশ ইংরাজী বুদ্ধিতে অসমর্থ এবং পুরুষ সমাজে এপ্রকার আক-স্মিক গমনে অপদস্থ-প্রায় হইয়াছেন দেখিয়া আমরা বড় দুঃখিত হই-য়াছি। বোধ হইল তাঁহারা অন্যের উদ্ভেজনায় বা সামান্য কৌতুহল চরিতার্থ করিবার বাসনায় বৃথা অনেক কায়ক্লেশ ও ত্যাগ স্বীকার করিয়াছেন। তাঁহারা অধিক বিবে-চক হন এবং উদ্দেশ্যহীন ও অপ্র-স্তুত হইয়া অন্ধজড়ের ন্যায় কোন কার্য না করেন ইহাই আমাদের একান্ত অভিলাষ। যাহা হউক, বামাগণ এস্থলে বাঙ্গলায় যে একটি সঙ্গীত করেন তাহা সুন্দর হইয়াছিল এবং এবারে ব্রাহ্মেরা স্ত্রীগণের উন্নতির জন্য বিশেষ চেষ্টাশীত হইয়াছেন ইহা দেখিয়া আমরা সুখী হইয়াছি।

১২। সম্প্রতি কলিকাতার নিকট বেলঘরিয়াতে ভারত আশ্রম নামে একটি আশ্রম প্রতিষ্ঠিত হইয়াছে। ইহার সবিশেষ বৃত্তান্ত আমরা পশ্চাৎ লিখিব। অনেকগুলি ব্রাহ্মপরিবার এখানে একত্র হইয়াছেন। একটি অতি মনোহর উদ্যান বাসস্থান মনোনীত হইয়াছে। আশ্রমবাসী পুরুষ ও স্ত্রীগণের সাধারণ দৈনিক কার্যপ্রণালী এইরূপ চলিতেছে—

প্রাতে ৬। টার সময় ভ্রমণ, ৮টা স্নান, ৯টা উপাসনা, ১১টা ভোজন, ১২টায় ৪।। কর্মকার্য ও পাঠ, ৫টা সন্ধ্যাভ্রমণ, রাত্রি ৭টা উপাসনা, ৯টা ভোজন, ১১টা শয়ন। শ্রদ্ধাস্পদ বাবু কেশবচন্দ্র সেন আশ্রমের অধ্যক্ষ-তার ভারগ্রহণ করিয়া সপরিবারে তথায় অবস্থিতি করিতেছেন।

## বামাগণের রচনা।

### বিদ্যার সমান বন্ধু নাই।

বিদ্যার সদৃশ অমূল্য ধন এই পৃথি-বীতে আর দৃষ্টিগোচর হয় না। দেখুন এক বিদ্যাতে ইংরাজেরা কত কত আশ্চর্য্য আশ্চর্য্য সুকৌশল কল বাহির করিতেছেন, স্থলের মধ্য দিয়া বাস্পীয় রথে গমনাগমন করিতেছেন, টেলিগ্রাফ প্রস্তুত করিয়া কত দেশ দেশান্তরের সংবাদ আনিয়া দিতেছেন, আর অস্থ অস্থ প্রদেশে নানা প্রকার ক্ষমতা বিস্তারিত করিয়া মানুষের উপকার করিতেছেন। অতএব বিবে-চনা করিয়া দেখিলে বিদ্যার সমতুল্য সহকারী আর কেহই হইতে পারেন না। পিতা মাতা ভ্রাতা পুত্র প্রভৃতি কেহই ইহার স্থায় বন্ধু হইতে পারে-ন না, যেহেতু যতক্ষণ মানুষের আপ-নার অর্থ উপার্জনের ক্ষমতা থাকে ততক্ষণ পরিবারবর্গ তাঁহার অধীনে থাকে ও তাঁহাকে যথাসাধ্য মান্য

করে, কিন্তু যখন আপনি নিতান্ত অক্ষম হইয়া পড়েন তখন আর কেহই তাঁহার বাক্য গ্রাহ্য করেনা এবং সক-লেই তাঁহাকে ঘৃণা করিতে থাকে। কিন্তু দেখুন দুঃসময় হইলে বিদ্যা কখনই পরিত্যাগ করেন না। বিদ্যা আমরণ কাল সঙ্গে সঙ্গে থাকিয়া নানা প্রকার সচুপদেশ প্রদান করিয়া মানুষের মঙ্গল সাধন করেন, যদ্যপি দৈবাৎ ভয়ানক মনুষ্যরহিত স্থানে কেহ উপস্থিত হন, তবে বিদ্যা দেহে থাকিলে কোন ক্লেশ অনুভব করিতে হয় না। বিদ্যাধন যত পরিমাণে দান করা যায় তত পরিমাণে বুদ্ধি হইতে থাকে। বিদ্যা ধনকে কেহ অপ-হরণ করিতে পারেন না, যে স্থানে ইচ্ছা সেই স্থানে নির্ভয়ে লইয়া ভ্রমণ করা যায়। কিন্তু অন্য অন্য যত ধন আছে সকলই দানে ক্ষয় প্রাপ্ত হয় ও যথা তথা সঙ্গে লইয়া গমন করা যায় না, কেননা চোরের ভয়টি অগ্রেই করিতে হইবে। আহা! বিদ্যা যে এমন বস্তু ইহা আবার কেহ কেহ অনাদর করিয়া

থাকেন। হতভাগ্য মুর্খেরা বিদ্যা-ধনে বঞ্চিত হইয়া যাবজ্জীবন অতি-বাহিত করে। আহা! অসত্যকে সভ্য, নীচকে উচ্চপদস্থ এবং জঙ্গলময় অরণ্যকে উত্তম সহর বিদ্যা বিনা কেহই করিতে পারে না। অতএব হে মহাশয়গণ, এমন যে অমূল্য ধন বিদ্যা, ইহাতে বঞ্চিত হইয়া আমি কত যে যন্ত্রণা সহ করিতেছি ও দিবা নিশি মনোমধ্যে অনিত্য চিন্তা-করত অনর্থক কাল হরণ করিতেছি তাহা এস্থলে লেখা বাহুল্যমাত্র। কি করি এ আক্ষেপ করা আমার বৃথা, তবে যদি বালিকাবস্থায় বিদ্যা শিক্ষা করিতাম তাহা হইলে এই দুঃসহ বিদ্যাবিরহ যন্ত্রণাতে দগ্ধ হইতাম না। এক্ষণে সেই জগৎ পিতা জগদীশ্বরের নিকটে এই প্রার্থনা করি, যেন মুর্খা স্ত্রীলোকের ন্যায় কোন জঘন্য কার্যে প্রবৃত্ত না হই।

শ্রীনিস্তারিণী দেবী  
কুমারহট্ট খাষবাটী।

### ঈশ্বর এক মাত্র গতি।

এস এস সবে মেলি, যত ভগ্নী গণে।  
লইব শরণ গিয়া, অনাথ শরণে ॥  
দয়াময় দীন নাথ, দয়ার সাগর।  
করিবেন আমাদের ঈশ্বরী অন্তর ॥  
আমরা অবলা অতি, হই জ্ঞান হীনা।  
কেবা আছে জ্ঞান বুদ্ধি দিতে তিনি বিনা ॥  
মুক্তি দাতা, বুদ্ধি দাতা, সকলি সেজন।  
করিবেন দুঃখ নাশ, ডাক অনুক্ষণ ॥



লোক নিন্দা, লজ্জা ভয়ে, কেমন করিয়া ।  
 গরল খাইব বল, হস্তেতে তুলিয়া ॥  
 সত্য সনাতন যিনি, অখিল তারণ ।  
 তাঁহারে ছাড়িয়া কারে, করিব ভজন ॥  
 মিথ্যা কাপ্পনিক লয়ে, করিলে পূজন ।  
 সময় যাইবে বয়ে, নিকট মরণ ॥  
 মরণান্তে তথায়, কিবলে দাঁড়াইব ।  
 কি বলে পিতার কাছে, উত্তর করিবো ॥  
 তাই বলি সবে মেলি, এস ভয়ীগণ ।  
 কৰুণা ময়ের পদে, লইগে শরণ ॥  
 কাতর হইয়ে গিয়া, পাড়ি তাঁর পদে ।  
 অবলার বল, তিনি, জানি পদে পদে ॥  
 মাতা হতে শ্লেহ বড়, আমাদের প্রতি ।  
 সে শ্লেহ তুলনা দেয়, কাহার শক্তি ॥  
 তুলনা মিলেনা, তার জগতের মাঝে ।  
 মৃত্তিকা পুতুলে, তাঁর তুলনা কি সাজে ?  
 ভয়ঙ্কর কথা বড়, ভয় হয় অতি ।  
 ঈশ্বরে করিলে ব্যঙ্গ কি হইবে গতি ?  
 যিনি সৃষ্টি কর্তা, যিনি সৃষ্টির কারণ ।  
 তাঁহারে স্বহস্তে কেবা করিবে গঠন ?  
 সূর্য্য হতে তীক্ষ্ণ, চন্দ্র হতে স্নিগ্ধকর ।  
 সে জ্যোতি তুলনা করে, বল কোন নর ?  
 ধরা হতে ধৈর্য্য তাঁর, অনন্ত মহিমা ।  
 অসীম তাঁহার দয়া, কে করিবে সীমা ॥  
 থাকেন হইয়ে ব্যাপ্ত সমস্ত ভুবন ।  
 অদৃশ্য রূপেতে, সবে করেন রক্ষণ ॥  
 সে জ্যোতি প্রকাশ হয়, হৃদয় আগারে ।  
 ভক্তি ভাবে ডাকে সদা, যেজন তাঁহারে ॥  
 কি বলে ডাকিব মোরা, না জানি ডাকিতে ।  
 অবলারে হবে নাথ, কৰুণা করিতে ॥  
 ধন্য ধন্য জগদীশ, কৰুণা নিধান ।  
 প্রণতি করিহে পদে, কর ভক্তিদান ॥

শ্রীমতী কমলীয়া কান্তা সেন ।

# বামাবোধিনী পত্রিকা ।

“ কন্যায়ৈব দালনীয়া শিচ্ছল্যায়াতিযন্ততঃ ”

কন্যাকে পালন করিবেক ও যত্নের সহিত শিক্ষা দিবেক ।

১০৩ সংখ্যা { ফাল্গুন বঙ্গাব্দ ১২৭৮, } ৮ম ভাগ

## গবর্ণর জেনারেল লর্ড মেয়োর শোচনীয় মৃত্যু ।

গত আশ্বিন মাসে যে নিদারুণ হত্যাকাণ্ডটি এই কলিকাতা মহানগরীর বক্ষঃস্থলে দিবা দ্বিপ্রহরের আলোক মধ্যে সংঘটিত হইয়া গিয়াছে তাহা আমাদের পার্থক্যগণের অবিদিত নাই । এই শোচনীয় ঘটনাটির চারি মাস কাল গত না হইতে হইতে পুনর্বার আর একটি সমধিক ভয়ঙ্কর ও আকস্মিক মৃত্যু ঘটনার সমস্ত ভারতবর্ষকে শোকাচ্ছন্ন করিয়াছে । যিনি আমাদের মহারাজ্য ভারতেশ্বরীর প্রতিনিধি স্বরূপ হইয়া এই সুবিস্তীর্ণ ভারতরাজ্যের সর্বোচ্চ আসনে অসীন হইয়া বহু সংখ্যক প্রজাপুঞ্জের ধন সম্পত্তি, মান মর্যাদা, শরীর মন রক্ষা করত রাজ্যের কুশল ও কল্যাণ সাধন করিতেছিলেন ; যিনি শাসনকর্তৃগণের মস্তক স্বরূপ হইয়া সমস্ত গুরুতর ব্যাপারের মীমাংসা ও নিষ্পত্তির ভার গ্রহণ করিয়াছিলেন ; যিনি একাকী সর্বোপরি উচ্চ দায়িত্ব গ্রহণ পূর্বক ভারতবাসী বিবিধ জাতি ও সম্প্রদায়ের অভাব অবস্থা প্রভৃতি জ্ঞাত হইয়া সমস্ত প্রজাবর্গের সন্তোষ সাধন ও উন্নতি বিধানের গুরুচিন্তাভার বহন করিতে ছিলেন ; যিনি সেই সৎ সঙ্কল্প ও কর্তব্য কার্য্য সম্যক্রূপে সাধনাতিপ্রায়ে দেশ দেশান্তরে নিরন্তর ভ্রমণ করত প্রজাবর্গের অবস্থা ও অভাব স্বচক্ষে দর্শন করিতেছিলেন ; যাহার সর্বোচ্চ পদ মর্যাদা রক্ষার্থে ভারতের সর্বস্থান শকট, অশ্ব, হস্তী,



সৈনিক প্রভৃতি দ্বারা শোভিত হইয়া রহিয়াছে; যাঁহার আগমনবার্তা শ্রবণ মাত্র মহামান্য ভারতভূপতিদিগকে রাজভক্তি প্রকাশার্থে দিগদিগন্ত হইতে তাঁহার সম্মুখে উপনীত হইয়া যথোচিত সম্মান প্রদান করিতে হয়; যাঁহার দর্শনে সমস্ত ভারতবাসী অবনতশির হইয়া সম্মান প্রকাশ করেন; যাঁহার শরীর রক্ষার্থে ভীমদর্শন বীরপুরুষগণ অস্ত্রধারণ পূর্বক অহর্নিশ শরীর বেষ্টিত করিয়া রহিয়াছেন, এমন পরাক্রমশালী সর্বজন-সম্মানিত ভারতবর্ষের সর্বপ্রধান শাসনকর্তা এক অতি সামান্য কারাদ্বীপবাসী ব্যক্তির হস্তে নিহত হইয়াছেন!!! ব্রহ্মদেশ পরিদর্শন করিয়া উড়িষ্যা যাইবার নিমিত্ত গবর্নর জেনারেল (প্রধান শাসন কর্তা) গত মাঘ মাসে কলিকাতা হইতে যাত্রা করেন। ব্রহ্মদেশ হইতে উড়িষ্যায় যাইবার পথে দক্ষিণ পূর্বদিকে সমুদ্রের মধ্যে এণ্ডামান নামক এক দ্বীপপুঞ্জ ও তন্মধ্যে পোর্ট ব্লোর নামে একটা প্রশস্ত দ্বীপ আছে। যে সকল ব্যক্তি কোন অপরাধে দ্বীপান্তর বাসের দণ্ডপ্রাপ্ত হয়, তাহাদিগকে ঐ দ্বীপে প্রেরণ করা হয়। ঐ দ্বীপের কয়েদীদিগের অবস্থা ও রাজকার্য্য দর্শন করিবার অভিপ্রায়ে গবর্নর জেনারেল গত ২৭ শে মাঘ বেলা ৯।০ টার সময় জাহাজ হইতে ঐ স্থানে অবতরণ করেন। দ্বীপস্থ দর্শনীয় বস্তু সকল দর্শন করিয়া অপরাহ্নে তিনি তত্রত্য হারিয়েট নামক পর্বতে উঠিয়া সূর্যাস্তের শোভা দেখিবার উদ্যোগ করিলেন। কয়েকজন রাজকর্মচারী ও আটজন প্রহরী তাঁহার সহিত পর্বতে গমন করিলেন এবং তথায় উপস্থিত হইয়া পর্বত প্রদেশের উচ্চস্থান হইতে গভীর সাগর বক্ষে সূর্যাস্তের অপূর্ব শোভা সম্ভর্শন করিয়া বিশ্রান্ত ও পুলকিত হইলেন। অতঃপর পারিষদবর্গ ও প্রহরীগণের সহিত তিনি পর্বত হইতে নামিতে আরম্ভ করিলেন। যখন পর্বতের নিম্নদেশে আসিলেন, তখন সাংকালীন অন্ধকার চতুর্দিক আচ্ছন্ন করিল। তজ্জন্ম কয়েকটা মসাল জ্বালিয়া আনয়ন করা হইল। পারিষদবর্গ প্রহরীগণ এবং মসালধারী ব্যক্তির গবর্নর জেনারেলের সঙ্গে সঙ্গে সমুদ্রাভিমুখে গমন করিতে লাগিলেন। কিয়দূর গমনপূর্বক গবর্নর জেনারেল জাহাজের নিকটবর্তী কাঠের দেতুর উপর উপস্থিত হইয়া একটা দ্রুতপদ হইলেন এবং পারিষদ-

বর্গ একটু পশ্চাতে পড়িলেন। প্রহরীগণ কয়েকপদ দূরে থাকিয়া তাঁহার পশ্চাৎ পশ্চাৎ চলিতে লাগিল এবং দুইজন মসালধারী অগ্রে যাইতে লাগিল। এমন সময় হঠাৎ এক ব্যক্তি পশ্চাৎ দিক হইতে লক্ষ্য দিয়া উঠিয়া একখান ছুরী দ্বারা গবর্নর জেনারেলের বামশুদ্ধে আঘাত করিল এবং তৎক্ষণাৎ দক্ষিণ শুদ্ধে আর এক আঘাত করিল। সহচরগণ এই আকস্মিক ঘটনা দেখিবাত্র দৌড়িয়া আসিয়া শত্রুকে আক্রমণ করত ভূতলে ফেলিল। গবর্নর জেনারেল আঘাত প্রাপ্ত হইয়া তৎক্ষণাৎ সম্মুখে দৌড়িয়া গিয়া জলে পড়িলেন। সহচরগণ অবিলম্বে তাঁহাকে জল হইতে উঠাইয়া একখান খোলা গাড়ীতে বসাইলেন এবং যে জাহাজে তাঁহার পত্নী ছিলেন, অতি দ্বরিত হইয়া তদভিমুখে যাইতে লাগিলেন, কিন্তু পথে যাইতে যাইতেই দেখিলেন আর তাঁহার কোন চৈতন্য নাই। যে সময় তিনি আহত হইয়া জলে পড়িয়াছিলেন, তখন অস্পষ্টস্বরে কয়েকটা কথা বলিয়াছিলেন তাহা প্রায় কেহ বুঝিতে পারেন নাই। তৎপরে জল হইতে তাঁহাকে উঠাইলে আর কোন কথা বলেন নাই। বোধ হয় তৎক্ষণাৎ তাঁহার মৃত্যু হইয়াছিল। স্বামীর জাহাজে আসিতে বিলম্ব হইতেছে দেখিয়া তাঁহার ভাৰ্য্যার চিত্ত চঞ্চল হইয়াছিল, তিনি তজ্জন্য তাঁহার আগমন প্রতীক্ষা করিয়া পথের দিকে তাকাইয়া ছিলেন। এমন সময় লর্ডমেওকে লইয়া অমাত্যগণ ব্যস্তমস্ত ভাবে জাহাজে উপস্থিত হইলেন। তাঁহাদিগের দর্শন মাত্র লেডী মেও ব্যাকুলচিত্তে লর্ডমেও কৈ? বলিয়া দেখিতে আসিলেন এবং তাঁহার অবস্থা দেখিয়াই লর্ডমেও নাই এই কথা বলিয়া নিস্তর হইলেন! জাহাজস্থ সমস্ত লোক বিস্ময় সাগরে নিমগ্ন হইল! তৎক্ষণাৎ অস্তচিকিৎসকগণ আসিয়া প্রাণ রক্ষার্থে যথাসাধ্য উপায় গ্রহণ করিলেন, কিন্তু দেখিলেন তাঁহাদের প্রভু এককালে নির্ঝাঁক ও নিষ্পন্দ, আর তাঁহার চৈতন্য নাই। গভীর শোকবেদনার সমস্ত অমাত্য ও আত্মীয়-বর্গ এককালে অভিভূত হইলেন। আকস্মিক বজ্রপাতস্বরূপ এই পতিবিরোগ যজ্ঞলা ললনার কোমলচিত্তকে শতধা বিদীর্ণ করিয়া ফেলিল। হায়! তাঁহার পরম সুহৃদ প্রিয়তম স্বামী তাঁহার জন্য কোন চিন্তা করিলেন না, একটা কথাও কহিলেন না। সেই অপরিচিত স্থানে তাঁহাকে অনাথিনীকরিয়া ইহ



জীবনের মত তিনি এক বারে চলিয়া গেলেন। যথার্থই তিনি প্রাণপতি হারাইয়া সেই সাগরজলে অর্ধবপোতে একাকিনী ভাসিতে লাগিলেন। চিকিৎসক গণ দেহ পরীক্ষা করিয়া দেখিলেন দুঃখ দস্য এক আঘাতে তাঁহার হৃদয়স্থ শেণিত স্থান অবধি বিদ্ধ করিয়া তৎক্ষণাৎ প্রাণ সংহার করিতে কৃতকার্য হইয়াছিল। তখন প্রাণ শূন্য দেহ মাত্র বলিয়া তাঁহারা সেই চিরমাননীয় রাজপ্রতিনিধিকে পরিত্যাগ করিলেন। কিন্তু তাঁহার সহধর্মিণী প্রাণকান্তের মৃত দেহ সেই বিদেশে পরিত্যাগ করিতে পারিলেন না। তিনি পতির দেহ সঙ্গে লইয়া স্বদেশে গমন করিবার সঙ্কল্প করিলেন। তজ্জন্য গত ৬ ই ফাল্গুন সেই মৃত দেহ কলিকাতায় আনয়ন করা হয় এবং তাহার প্রতি যথোচিত সম্মান প্রকাশার্থে অতি সমারোহ পূর্বক শোক চিহ্ন ধারণ করত গঙ্গার ঘাট হইতে গবর্ণমেন্টের গৃহে দেহ আনীত হয়। যাঁহারা সেই শোকাবহ ব্যাপার সে দিবস দেখিতে গিয়াছিলেন, তাঁহারা জানেন যে কি বিষাদের অন্ধকার সে দিবস সমস্ত জগৎকে আচ্ছন্ন করিয়াছিল। মৃত মহাত্মার শিশুসন্তানের পিতৃহীন অসহায় ভাব, আত্মীয়গণের বিষণ্ণ বদন, শোক উদ্দীপক বাদ্যের সঙ্গে সঙ্গে শোকাবনত মস্তকে ভদ্র সৈনিক পুরুষদিগের মন্দ মন্দ পদ সঞ্চারণ, অপর সাধারণ ব্যক্তিদিগের জ্ঞান বদন এবং স্বামি শূন্য রাজপ্রাসাদের শোকাচ্ছন্ন দৃশ্য দর্শন করিয়া অনেকের অশ্রুপাত হইয়াছিল।

সুলভ সমাচার নামক সংবাদ পত্রে এই শোচনীয় মৃত্যু সম্বন্ধীয় সবিশেষ সমস্ত বিবরণ যথাসময়ে প্রকাশিত হইয়াছিল, যাঁহারা তাহা পাঠ করিয়াছেন বিশেষ রত্নাস্ত্র সকল জ্ঞাত হইয়া থাকিবেন। যাঁহারা তাহা পাঠ করেন নাই, এখন পাঠ করিলে আদ্যোপান্ত বিবরণ জানিতে পারিবেন। যে সময়ে এই শোকাবহ ভয়ঙ্কর সংবাদটী কলিকাতায় আসিয়া উপস্থিত হইল, অনেকেই এই অভূতপূর্ব আকস্মিক ঘটনায় বিশ্বাস করিতে পারেন নাই। ফলতঃ আমরা প্রথমতঃ ইংরাজী সংবাদ পত্রে উহা পাঠ করিয়া মনে মনে সন্দেহ করিতে লাগিলাম, সহসা বিশ্বাস করিতে পারি নাই এবং সম্মুখবর্তী বন্ধুদিগকে উহা একবার বলিয়া দ্বিতীয়বার সংশয় করিতে লাগিলাম। অগ্গপক্ষণ মধ্যে মহানগরীর

জনসাধারণের মধ্যে সংবাদটী প্রচারিত হইল। সকলেই পরস্পরকে সতয়চিত্তে সংবাদটীর কথা জিজ্ঞাসা করিতে লাগিল, কিন্তু প্রায় কেহ কাহার কথায় সম্পূর্ণ বিশ্বাস করিতে পারিলেন না। পরদিন সুলভ সমাচার প্রভৃতি কাগজে ইহা প্রকাশিত হইল। তখন তাহাদিগের বিশ্বাস হইতে লাগিল। সুলভ সমাচার গ্রহণ জন্য সমস্ত সহরের সাধারণ লোক ব্যগ্র হইয়া বেড়াইতে লাগিল এবং সুলভ সমাচার কার্যালয়ে এত লোকের জনতা হইল, যে গ্রাহক দিগকে দিয়া উঠা কষ্টকর হইল। হাজার হাজার সুলভ ছাপা হইতে লাগিল তথাপি সংকুলন হইল না। পরিশেষে লোক সকল সুলভ না পাইয়া ফিরিয়া যাইতে লাগিলেন। নগরের চতুর্দিকে বিষম ভয় ও শোকের হাহাকার ধ্বনি উঠিল। রাজভক্তিপরায়ণ প্রজাগণ গৃহে ভ্রাতা ভগিনী, স্ত্রী জননী ও আত্মীয় স্বজন সহিত শোকার্ভ হইলেন এবং কত কোমলহৃদয়া অবলা নিজ পরিবারের শোকের ন্যায় শোকাদ্র হইয়া অশ্রু বিসর্জন করিতে লাগিলেন। পারিবারিক উপাসনা স্থানে, প্রকাশ্য মন্দির সকলে পরলোকগত মহাত্মার আত্মার মঙ্গলের নিমিত্ত এবং তাঁহার শোকাকুলিত বিধবা পত্নীর হৃদয়ের সান্ত্বনার জন্য শোকসস্তাপ-হরণ দীনশরণের নিকট হৃদয়ের প্রার্থনা বিনির্গত হইতে লাগিল। যেন ভারত মাতা স্বামিশূন্য হইয়া বিধবা ভগ্নীর দুঃখে সহানুভূতি প্রকাশ করিতে লাগিলেন। ভারতবর্ষস্থ সমস্ত সম্প্রদায়ের লোক একে একে আপন আপন হৃদয়স্থ শোকসূচক পত্র মাননীয় লেডি মেওয়ার সমীপে বিষণ্ণ ভাবে প্রেরণ করিতে লাগিলেন। অতঃপর গত ১০ই ফাল্গুন প্রকাশ্যরূপে গবর্ণমেন্ট বাটীর বৃহৎ সোপান শ্রেণীর উপর অতি প্রত্যাঘে গম্ভীর ভাবে তাঁহার অন্ত্যেষ্টিক্রিয়া সম্পন্ন করিয়া অমাত্যবর্গ, আত্মীয় স্বজন, স্বদেশী বিদেশী সকলেই সাক্ষরনয়নে তাঁহাকে বিদায় দান করত পূর্বের ন্যায় মহাসমারোহে শোকচিহ্ন ধারণ পূর্বক তাঁহাকে ইংলণ্ডে প্রেরণ করিলেন। সেই প্রাতঃকালীন শান্ত নিস্তন্ধতার মধ্যে যখন অন্ত্যেষ্টিক্রিয়া শোকজনক অনুষ্ঠান আরম্ভ হইল এবং সম্বরে পুরোহিত গণের সহিত দর্শকগণ ক্রন্দন সুরে শোকসঙ্গীত মৃদুসুরে গান করিতে লাগিলেন তখন বোব হইতে লাগিল যেন স্বভাবের সমস্ত বস্তু শোকাদ্র হইয়া নীরব হইয়া



পড়িল। ফলতঃ তখন পাষণসম কঠোর হৃদয়ও বিগলিত হইয়া গেল।

এই প্রকারে স্বামীর দেহ সর্বসাধারণ শোক ও সম্মান পূর্বক বিলাতে প্রেরিত হইলে পতিশোকাতুরা বিধবা রমণী কয়েক দিবস নির্জনবাসে অবস্থিতি করত দীনবেশে ভারতবর্ষের নিকট হইতে বিদায় গ্রহণ করিয়াছেন। তিন বৎসরকাল পূর্বে যে দিবস স্বামীর সহিত রাজকীয় মর্যাদায় সুশোভিত হইয়া এই ভারতবর্ষে তিনি আগমন করেন, সে দিবস তাঁহার অস্ত্র-করণ কিরূপ উৎসাহ ও আনন্দে উৎফুল্ল হইয়াছিল, আর সেই নৃপতি-সদৃশ স্বামীকে হারাইয়া যে দিবস ভারতবর্ষ পরিত্যাগ করিলেন সে দিন তাঁহার হৃদয় কিরূপ শোকভরে মুহমান হইল! যে ভারতবর্ষকে তিনি সুখ সম্পদ ও আনন্দের ভূমি বলিয়া আলিঙ্গন করিয়াছিলেন, তাহাই তাঁহার অবশিষ্ট জীবনের চির শোক বিষাদের নিদান হইল। তিনি স্বামীর মৃতদেহ ইংলণ্ডে সমাহিত করিয়া যে সমাধিস্থান নির্মাণ করিবেন, ভারত-বাসিকৃত মিঠু রতা ও রুতবতার হস্তস্বরূপ হইয়া তাহা চিরদিন বিরাজ করিবে। হায়! হতভাগ্য ভারতের কি দুর্দশা! কোথায় আমরা আজ রুতজ্ঞতাপূর্ণচিত্তে অভিনন্দনপূর্বক আমাদের প্রজাবৎসল কর্তব্যপরায়ণ রাজপ্রতিনিধিকে বিদায় দান করিব, না মহা অপরাধে কলঙ্কিত হইয়া লজ্জাবনতমুখে রোদন করিতে হইল। হায়! কেন এমন নরকুলকলঙ্ক-স্বরূপ দুর্ভুক্ত পিশাচ সকল মনুষ্যবংশে জন্ম গ্রহণ করে?

ইহা প্রকাশিত হইয়াছে যে ঐ নরহত্যাকারী পাপাত্মা ভারতবর্ষের উত্তর পশ্চিম সীমাস্থিত পেনোয়ার প্রদেশ নিবাসী এক মুসলমান বংশজাত। বাল্যকাল হইতে ঐ নরাধম দুইটী নরহত্যা মহাপাতকে কলঙ্কিত হইয়াছিল। পরিশেষে এক জন আত্মীয় লোকের প্রাণ নাশ করিয়া পেনোয়ারের কমিসনার (শাসন কর্তা) কর্তৃক দ্বীপান্তর বাসের দণ্ডপ্রাপ্ত হয় এবং তদবধি পোট ব্লেয়ার নামক দ্বীপে বাস করিতেছিল। উহার বয়ঃক্রম প্রায় ত্রিশ বৎসর; ইংরাজ দিগের ন্যায় দেখিতে গৌরব। সুশ্রী এবং অতিশয় সাহসিক ও বলবান। গবর্নর জেনারেল ঐ দ্বীপে গমন করিবেন ইহা শুনিয়া অগ্র হইতে সে তাঁহার প্রাণ বিনাশের সংকল্প

করিয়াছিল; পরে সায়ং কালে কোন নিভৃত স্থানে লুক্কায়িত থাকিয়া সুযোগ-গ্রহণপূর্বক এই চিরস্মরণীয় পশুবৎ নির্দয় কার্যের দ্বারা আপনাকে মহাপাতকী বলিয়া জগতে পরিচয় দান করিল এবং ভারতবাসী নিরীহ প্রজাদিগকে দুর্ভিবহ ও দুঃপনের কলঙ্কে কলঙ্কিত করিয়া গেল!!!

## বামাগণের মানসিক উন্নতি ।

কঙ্কণাময় জগদীশ্বরের কৃপায় এদেশে নারীশিক্ষা প্রচলিত হইয়াছে এবং উত্তরোত্তর তাহার ত্রীভুঙ্গি হইতেছে; পূর্বের অজ্ঞানান্ধকারের সহিত তুলনা করিয়া দেখিলে স্ত্রীশিক্ষার ইদানীন্তন অবস্থা আমাদের মনে যথেষ্ট আশা সঞ্চারিত করিয়া দেয়। এদেশের দুঃখের নিশি অবসান করিবার নিমিত্ত সর্বশক্তিমান পরমেশ্বর আমাদের উন্নত জ্ঞানশালী ইংরাজদিগের রাজত্বের অধীন করিয়া দিলেন; তাঁহাদিগের দৃষ্টিান্ত, সাহায্য ও উৎসাহে যেরূপ পুরুষেরা জ্ঞানলাভ করিতে যত্নবান হইতেছেন, সেইরূপ ঈশ্বরের কন্যাগণও জ্ঞান ধর্ম্মে আপনাদিগকে উন্নত করিবার নিমিত্ত চেষ্টা করিতেছেন। যে সকল পল্লীগ্রামের লোকে পূর্বে স্ত্রীশিক্ষার নাম শুনিলে খজাহস্ত হইতেন, সে সকল স্থানেও এক্ষণে বালিকাবিদ্যালয় স্থাপিত হইতেছে। চতুর্দিকেই উন্নতি ও উৎসাহের লক্ষণ। কিন্তু এমন উৎসাহ ও উন্নতির মধ্যেও আমরা দুঃখবিপদের কারণ দেখিতে পাই। যদিও একদিকে অনেক গুণবতী ভগিনী জ্ঞানালোচনায় সাতিশয় অমুরক্ত, তথাপি অন্যদিকে শত শত নারী জ্ঞান লাভের জন্য কিছুমাত্র লালায়িত নহেন। হিন্দু স্ত্রীলোকদিগের মধ্যে কেহ কেহ বিদ্যালয়ে কেহ বা পিতৃ-ভবনে কিঞ্চিৎ কিঞ্চিৎ অধ্যয়নাদি করিতে শিক্ষা করিয়া রামায়ণাদি পুস্তকই আপনাদের জ্ঞানের শেষ সীমা করেন। তাঁহাদিগের যেমন একদিকে অবিবাহিতাবস্থার শেষ হয়, অন্যদিকে তাহার সঙ্গে সঙ্গে উন্নতিরও শেষ হয়। কাহারও বা স্বামী উপযুক্ত উৎসাহ প্রদান করেন না, কোন কোন স্থলে উৎসাহ দেওয়া দূরে থাকুক বাধা প্রদান করেন; কাহারও পরিবারস্থ অন্য স্ত্রীলোকগণ বিঘ্নস্বরূপ হইয়া পড়েন; কেহ বা সময়ের



উপযুক্ত ব্যবহার না জানাতে সাংসারিক কার্যের স্রোতে বিদ্যানুশীলনকে ভাসাইয়া দেন; কেহ বা অসৎ সংসর্গে পড়িয়া আপনাদিগের অসৎ-বিদ্যাকে অসৎ পুস্তকালোচনার উপায় স্বরূপ করেন। এই রূপে বর্ষে বর্ষে কত বুদ্ধিমতী নারী যে ঈশ্বরপ্রদত্ত বুদ্ধিশক্তির অপব্যবহার করিয়া আপনাদের ও বঙ্গদেশের উন্নতির পথ রোধ করিতেছেন তাহা বলা যায় না। এই জন্যই আমাদের বিষাদ, এই জন্যই আমাদের দুঃখ।

স্ত্রীশিক্ষা দ্বারা কি কি উপকার হইতে পারে, ইহা না থাকিলে কত অপকার হয় এইরূপ বিষয় অনেকবার আলোচিত হইয়াছে। এক্ষণে কিরূপে বামাগণ জ্ঞান ধর্ম্মে উন্নত হইতে পারেন, তাহা বিশেষরূপে বিবেচনা করা আবশ্যিক। স্ত্রীলোকদিগের লেখাপড়া করা উচিত বলিয়া লিখিতে শিখিলাম ও কতকগুলি পুস্তক পাঠও করিলাম, দুই চারিটি কবিতা প্রস্তুত করিতেও শিখিলাম, কিন্তু বিদ্যাশিক্ষার প্রধান উদ্দেশ্য যে জ্ঞান ও ধর্ম্ম লাভ করিয়া মনের উন্নতি সাধন করা তাহা যদি না হইল তবে সে পুস্তক পাঠের ফল কি? কবিতা প্রস্তুত করিয়াই বা উপকার কি? লেখা পড়া কি হাস্যরসোৎপাদক কতকগুলি পুস্তক পড়িয়া বৃথা আমোদ করিবার জন্য, না বন্ধুবান্ধব দিগকে পত্র লিখিয়া তাঁহাদিগের নিকট কেবল প্রশংসিত হইবার জন্য? এ উভয়ের কোনটাই বিদ্যানুশীলনের যথার্থ উদ্দেশ্য হইতে পারে না। উন্নতিশীল মানব প্রকৃতি নিতান্ত বিকৃত না হইলে ইহাতে সন্দেহ থাকিতে পারে না। এই জগতের চতুর্দিকেই উন্নতির ব্যাপার। বিশেষতঃ জগদীশ্বর মনুষ্যের মন ও আত্মাতে এরূপ আশ্চর্য্য ভাব সকল প্রদান করিয়াছেন, যে তাহারা উন্নত না হইলে যথার্থ সুখের অধিকারী হওয়া যায় না। জ্ঞানের উন্নতিতেই মনের প্রকৃত সুখ, ধর্ম্মের উন্নতিতেই আত্মার প্রকৃত শাস্তি। যদি আমরা এই উভয়ের উন্নতিসাধন করিতে না পারি, তাহা হইলে আমরা মনুষ্য নামের যোগ্য হইতে পারি না। বহুবিধ পুস্তক পাঠে অনেক সত্বপদেশ পাইলাম, কিন্তু সেই উপদেশের অনুরূপ কিছুই কার্য করিলাম না, তবে সে পুস্তক পাঠ করা না করা, সে সত্বপদেশ পাওয়া না পাওয়া উভয়ের কোন প্রভেদ রহিল না। যদি পুস্তকলব্ধ উপদেশ কার্যে পরিণত করিতে না পারিলাম; শত সহস্র জ্ঞানগর্ভ বিষয় পাঠ করিয়াও

যদি মনের অন্ধকার দূর না হইল, মনের সঙ্কীর্ণতা পূর্ব্বের ন্যায়ই রহিল তবে অশিক্ষিতা ও অশিক্ষিতার কি প্রভেদ রহিল? তবে মৃত্যু ও জ্ঞান যে তুল্যমূল্য হইল। যিনি শত শত পুস্তক পাঠ করিয়াও উপার্জ্জিত জ্ঞান কার্যে পরিণত করিতে না পারিলেন, তাহা অপেক্ষা যিনি একখানিমাত্র পুস্তকের উপদেশ জীবনের কার্যে নিয়োজিত রাখিয়াছেন, তিনি অধিক জ্ঞানবতী ও অধিক আদরণীয়। যখন যে উপদেশ পাঠ বা শ্রবণ করিবে তাহাই জীবনের উদ্দেশ্য কর, মনের যথার্থ উন্নতি হইবে। ঈশ্বর পুরুষদিগের সহিত নারীদিগকে হিতাহিত জ্ঞানে সমান অধিকার দিয়াছেন; অতএব ভগিনীগণ! তোমাদের সকলেরই পুস্তকের সার উপদেশ নির্বাচন করিবার ক্ষমতা আছে, সেই ক্ষমতার—সেই শক্তির উপযুক্ত ব্যবহার কর। প্রত্যেক পুস্তক পাঠের সময় তাহার সত্বপদেশ সঙ্কলিত করিয়া কোন স্থানে লিখিয়া রাখ, সেই উপদেশানুযায়ী কার্য করিতে প্রাণপণে যত্ন কর। তোমাদিগের মনে সাধু উদ্দেশ্য থাকিলে ঈশ্বর তাহা সফল করিবেন; তোমাদের নিজের কেবল যত্ন ও পরিশ্রম আবশ্যিক। ভগিনীগণ! তোমাদিগের মধ্যে কি কেহ এরূপ আছ যে মনের উন্নতির জন্য সাংসারিক কার্যের সময় হইতে কিছু সময় কর্তন করিয়া নিজে কিছু পরিশ্রম ও যত্ন করিবে না? “সমুদায় জীবের মধ্যে মনুষ্য শ্রেষ্ঠ এবং মনুষ্যের মধ্যে মন শ্রেষ্ঠ পদার্থ।” এরূপ শ্রেষ্ঠ মনের উন্নতি সাধনের জন্য কে না অগ্রসর হইবে? মনকে সর্ব্বাপেক্ষা শ্রেষ্ঠ জানিয়া এবং ইহার উন্নতি করা কর্তব্য জানিয়া কে আর সে বিষয়ে উদাসীন থাকিতে পারে?

এক্ষণে মানসিক উন্নতির পক্ষে কোনটী প্রধান উপায় দেখা আবশ্যিক। কেহ কেহ মনে করেন অনেক পুস্তক পড়িলেই যথার্থ উন্নতি হয়। কিন্তু সেই পুস্তক গুলি কিরূপ মনোযোগের সহিত পাঠ করা হইয়াছে তাহাই বিবেচনা করা উচিত। অনিয়মিত রূপে কতক গুলি পুস্তক পাঠ করিলে তাহাতে বিশেষ ফল দর্শে না, বরঞ্চ অপকারেরই সম্ভাবনা। সেরূপ পাঠের যেমন সারস্ব নাই, তাহাতে কোন বিশেষ জ্ঞান লাভ করাও যায় না। মনে যদিও অনেক ভাব সঞ্চিত হইতে পারে বটে, কিন্তু সেরূপ ভাব সঞ্চারে লাভ কি? অনিয়মিত পাঠে পুস্তকের সার সত্য সকল উত্তম



নিন্দনীয়! উভয়স্থলেই লোককে জানাইবার সুখেচ্ছাটী পরিত্যাগ না করিলে প্রকৃত প্রণয় রক্ষা পায় না।

১৩—দর্পণ মণিমুক্তা বাঁধান হইলেও যদি তাহাতে মুখের ঠিক প্রতিবিম্ব দেখা না যায়, তাহা রাখিবার প্রয়োজন কি? যে স্ত্রীতে সমবেদনা এবং আপনার অনুরূপ ভাব লক্ষিত না হয়, ধনাঢ্য্য বলিয়া তাহার পাণিগ্রহণে কি ফল? কতক গুলি স্ত্রীলোকের এরূপ স্বভাব, তাঁহাদের নিকট স্বামী যখন একটু মেহ সাধনার আশা করেন, উগ্রমূর্ত্তি ধরিয়া তিরস্কার পূর্ব্বক তাহাকে বিদায় করেন; কিন্তু তিনি যখন গুরুতর কার্যে নিযুক্ত থাকেন, সামান্য পরিহাসআমোদে তাহাকে বিরক্ত করিতে যান। যে দর্পণে হাসিবার সময় কান্নামুখ এবং কাঁদিবার সময় হাস্য মুখ দেখায়, তাহা নিকটে রাখিয়া কে স্থখী হইতে পারে?

১৪—যুবক যুবতীগণ কি ভাবে দর্পণে মুখ দেখিবেন তাহা শিক্ষা দিবার জন্য মহাত্মা সক্রেটিস্ উপদেশ দিয়াছেন “যদি সুন্দর না হও, ধর্ম্মভূষণে ভূষিত হইয়া আপনাকে সুন্দর করিতে চেষ্টা কর। যদি অরূপ হও, দেখিও অধর্ম্ম কলঙ্কে যেন কুরূপ করিয়া না ফেলে।”

১৫—যে সকল ব্যক্তি পত্নীদিগকে এক সঙ্গে মনের সুখে আহার করিতে না দেয়, তাহাদের স্ত্রীরা কোণে বসিয়া অধিক করিয়া আহার করে। যে রমণীরা গৃহে আমোদ করিবার সুবিধা না পান, তাঁহারা আমোদ সন্তোষ জন্ম বাহিরে পর্য্যটন করিতে উৎসুক ও বাধ্য হন। ভার্য্যা ও ভর্ত্তা পরস্পর সন্তুষ্ট হইতে না পারিলে পরস্পরে অন্য সুখের উপায় চিন্তা করিয়া থাকেন।

## গার্হস্থ্য চিকিৎসা প্রণালী।

আমাশয়ের পীড়া।

কফের মত মন-নির্গত, উদরে বেদনা, বেদনাকালে অত্যন্ত শূলনী, ইটু চামড়ানি এই সকল থাকিলে আমাশয় পীড়া স্থির করিতে হইবে।

ইহার সঙ্গে রক্ত থাকিলে তাহাকে রক্তামাশয় বলে। যে নাড়ীদ্বারা মলতাগ হয় তাহাকে অন্ত্র বলে। সেই অন্ত্রে প্রদাহ অর্থাৎ রক্তাধিক্য বশতঃ বেদনা হইয়াই এই রোগের উৎপত্তি হয়। এ রোগ অনেক দিন থাকিলে অন্ত্রের মধ্যে গোল গোল ক্ষত (ঘা) হয়। সেই সকল ক্ষত হইতে আম ও রক্ত নির্গত হয়। এই ক্ষত রুদ্ধ হইলে অন্ত্র পচিয়া খসিয়া পড়ে, সে অবস্থায় প্রায় কেহ রক্ষা পায় না। অনেক স্থলে দেখা যায় যে, প্রথমে উদরের পীড়া হইয়া তাহার পর আমাশয় হয়। এজন্য উদরের পীড়া হইবার যে সকল কারণ, আমাশয়েরও সেই কারণ বলিতে হইবে। চিকিৎসা। প্রথমেই জ্বোলাপ দিবে। আমাশয়ে হরিতকীর জ্বোলাপ সর্ব্বোত্তম, ইহাতে কিছুমাত্র উদ্বেগ হয় না অথচ উত্তমরূপে দান্ত হয়।

সোডিবাইকার্ক ১ গ্রেন্, পল্ভইপিক্যাক্ ১ গ্রেন্, ডোভার্স পাউডর ১ গ্রেন্ ইহাতে এক পুরিয়া হইবে এরূপ তিন পুরিয়া দিনে সেবন। ইহাতে বমন হইলে ইপিক্যাকের ভাগ কিছু কমাইয়া দিবে। রক্ত থাকিলে গ্যালিক এসিড্ ১ গ্রেন্, ইপিক্যাক্ ১ গ্রেন্, ডোভার্স পাউডর ১ গ্রেন্ ইহাতে এক পুরিয়া হইবে এরূপ তিন পুরিয়া দিনে সেবন। তেলাকুচার পাতার রস বড় চামচের এক চামচে চিনির সঙ্গে সেবন করিলে রক্তামাশয় ভাল হয়।

পথ্য, উদরের পীড়াতে যে সকল পদার্থ নির্দেশ করা হইয়াছে, আমাশয়েও সেই সকল দ্রব্যই পথ্য।

এ রোগেও ফ্লানেল দিয়া উদর জড়াইয়া রাখিতে হইবে।

আমাশয় অনেক দিন থাকিয়া অন্ত্র পচিবার উপক্রম হইলে উত্তম তুতে সিকি গ্রেন্, ১ গ্রেন্ ডোভার্স পাউডরের সঙ্গে দিনে ৩ বার প্রদান করিবে।

পূর্বেই উল্লেখ করিয়াছি এ সকল রোগে কবিরাজি চিকিৎসা সর্ব্বোৎকৃষ্ট। আমাদের মতে প্রথম হইতেই কবিরাজ দ্বারা চিকিৎসা করান আবশ্যিক। রোগ রুদ্ধ হইলে যখন নিতান্ত অসাধ্য হয় তখন স্বয়ং ধনুস্তরিও আরাম করিতে অক্ষম হন। আমাশয় পীড়াকে কখনই সামান্য মনে করিবে না। অনেক বালক এইরূপ ভয়ানক যন্ত্রণা পাইয়া অকালে প্রাণত্যাগ করিয়া পিতামাতাকে শোকমাগরে নিমগ্ন করে।



## কাস ।

কাস রোগ বালকের প্রাণনাশক । কিন্তু আমাদের দেশের স্ত্রীলোকদিগের এ বিষয়ে দৃষ্টি নাই বলিলে অভ্যক্তি হয় না । বালক বালিকা খালি গায়ে খালি পায়ে শীতে হিমে জলে বিচরণ করে । সেই সকল হিম, জল শরীরে প্রবেশ করিয়া কাসরোগকে আনয়ন করে ; একটু সাবধান থাকিলে বালক এই ছুঃসহ রোগযন্ত্রণা ভোগ করে না ।

কানীর বৃদ্ধি হইলে অনেক বালকের নিশ্বাস বন্ধ হইয়া প্রাণ বিয়োগ হয় । কানীর সঙ্গে একজ্বর থাকিলেই প্রায়ই বালকের প্রাণনাশক শ্বাস-রোধ রোগের উৎপত্তি হয় । প্রথমাবধিই চিকিৎসা করিবে ।

চিকিৎসা । প্রথমে জোলাপ দিবে । উত্তম রূপে কোফ্ট পরিষ্কার হইয়া গেলে বমন করাইবার ঔষধ দিবে । পল্ভইপিক্যাক্ ৪ গ্রেন্, ইহাতে এক পুরিয়া হইবে, বমন না হওয়া পর্যন্ত ১৫ মিনিট্ অন্তর ইহার এক একটা পুরিয়া সেবন করাইতে হইবে । পুরিয়া খাওয়াইয়া কিছু দুগ্ধ খাইতে দিবে তাহা হইলে শীঘ্র বমন হইবে । বমন হইয়াও নিশ্বাস প্রাণাসের কষ্ট থাকিলে বুকে ব্লিফ্টার্, অথবা মফ্টার্ড্, প্লাফ্টার্ দিবে । বুকের ভার ও বেদনা অগ্নি থাকিলে এমনিয়া লিনিমেন্ট কিম্বা ক্যান্ফার লিনিমেন্ট দ্বারা বুকে মালিস করিবে । টিং ক্যান্ফার্ কম্পাউণ্ড ৫ ফোঁটা, ভাইনম ইপিকাক ৫ ফোঁটা, ক্যান্ফারমিক্শচর্ ২ ড্রাম ইহাতে একমাত্রা হইবে, এরূপ তিন মাত্রা দিনে সেবন । একষ্ট্রাক্ট অফ্ বেলেডনা ॥ আধ গ্রেন্, সাল্ফেট অফ্ জিঙ্ক ৪ গ্রেন্, জল ২ আউন্স ; ২ ড্রাম মাত্রায় দিনে ৩ বার সেবন ।

মুক্তবুরীয় পাতার রস একচাম্চে পরিমাণে ২৩ বার খাওয়াইলে ভেদ বমন হইয়া কাসের উপকার হয় । দুগ্ধ, এরাবকট্, প্রভৃতিই পথ্য ।

ফুনেল দ্বারা সমস্ত শরীর ঢাকিয়া রাখিবে । সর্বদা পায়ে মোজা রাখিবে । যাহাতে কিছুমাত্র হিম না লাগে তাহার প্রতি বিশেষ মনোযোগ রাখিতে হইবে । যাহাতে রোগের উৎপত্তি না হয় তাহারই প্রতি দৃষ্টি রাখা কর্তব্য । রোগ হইলে চিকিৎসা করান উত্তম ব্যবস্থা নহে, কিন্তু যাহাতে রোগ না হয় তাহাই উত্তম ব্যবস্থা । সাবধান থাকিলে যে, রোগ অগ্নি হয়

তাহার অনেক প্রমাণ পাওয়া যায় । বাটী পরিষ্কার, গৃহ পরিষ্কার, বস্ত্র পরিষ্কার, শরীর পরিষ্কার, বিশুদ্ধ জলবায়ু, সুপাচ্য খাদ্যাদ্য আহার এই সকলের প্রতি দৃষ্টি রাখিলে প্রায় রোগ হয় না । অনেক দৃষ্টিক্রপণ লোক পরিষ্কার থাকিতে প্রথমে ব্যয় করেনা, পরে ঔষধের ব্যয় বহন করিতে অসমর্থ হইয়া পড়ে । দয়াময় পরমেশ্বর মনুষ্যের সুখস্বাস্থ্যের জন্য বিশেষ উপায় বিধান করিয়াছেন । মনুষ্য তাহাতে অবহেলা করিয়া কষ্ট পায় ।

## গাহস্থ্য দর্পণ ।

গৃহিণীর গুণদোষে সংসারের সুখসুখ । তাহার কার্য্য সুসম্পাদিত হইলে তাহার স্বামী, পুত্রকন্যা, অনুচরবর্গ সকলে সুখস্বচ্ছন্দতা লাভ করিয়া তাহাদিগের স্বীয় স্বীয় কর্তব্যানুষ্ঠান করিতে মনোযোগী ও যত্নশীল হইবেন । গৃহিণীর কার্য্যদোষে ক্লেশ বা অসুখ হওয়াতে কখন কখন সচ্চরিত্র গৃহস্বামীও ক্রমে অসচ্চরিত্র হইয়া পড়েন, কেননা যে পরিমাণে তাহার মন সংসারে পরিতৃপ্ত থাকে সেই পরিমাণে সংসারের সুখবর্দ্ধনেও তাহার মনোযোগ হয়, এবং সংসারের বিশৃঙ্খলাবশতঃ তাহার মনে ইহার প্রতি যতদূর বিতৃষ্ণা জন্মে, ততই তাহার নিজস্বভাবানুসারে হয়ত তিনি সুরাপায়ী বা বেশ্যাসক্ত হইবেন অথবা বৈরাগ্যবশতঃ উদাসীনের ন্যায় সংসারে বাস করেন । গৃহিণীর ব্যবহার দোষে যদি গৃহস্বামীর এমন দশা ঘটনার সম্ভাবনা, তবে যে সকল সমস্তানসন্ততির লালন পালন শিক্ষাদির সমস্ত ভারই গৃহিণীর হস্তে, তাহাদিগের যে কতদূর দুর্দশা ঘটতে পারে তাহার সীমা করা যায় না । সন্তানাদি শিক্ষিত, বাধ্য, সুশিক্ষিত ও সচ্চরিত্র হইয়া কুলের গৌরব ও দেশের শ্রীর্দ্ধি করে, অথবা তাহারা দুষ্টি, অবাধ্য, মূর্থ ও দুষ্চরিত্র হইয়া কুলের কলঙ্ক ও দেশের কণ্টকস্বরূপ হইয়া উঠে । ইহার কারণও গৃহিণীর গুণদোষ । গৃহিণীর উপরেই তাহার নিজের, তাহার স্বামী প্রভৃতি সকল গুরুজনের এবং তাহার পুত্রকন্যা প্রভৃতি প্রতিপালিত সকলের হিতাহিত ও সুখস্বচ্ছন্দতা অনেক পরিমাণে নির্ভর করে । সাংসারিক সুখ তাহারই হাত ; তিনি কার্য্যে পটু ও আচারে লক্ষ্মী হইলে সংসারের সুখ ত্রিহিকের পরমসুখ বলিয়া বোধ হয় ।



রূপে নির্বাচন করা যায় না, স্তুরাং সারবান জ্ঞানও লাভ করা যায় না। নিয়মিতরূপে মনোযোগের সহিত যদি সমস্ত জীবনে কেবল দশখানি মাত্র সংপুস্তক পাঠ করা যায় তাহাতে যে উপকার হয়, একবৎসরে অনিয়মিতরূপে শত শত পুস্তক পাঠ করিলেও সে ফল দর্শে না। অতএব ভগিনীগণ! অল্প পুস্তক পাঠ কর তাহাতে ক্ষতি নাই, কিন্তু যাহা পাঠ করিবে তাহা মনোযোগের সহিত হৃদয়ে গ্রথিত করিতে চেষ্টা কর। পুস্তকলব্ধ জ্ঞান তাহা হইলে যথার্থ সারবান হইবে। পাঠিত সত্য সকল জীবনের কার্য্য যদি দেখাইতে না পার, তাহাহইলে অধ্যয়নাদি সকলই বৃথা।

অনেক স্ত্রীলোক জ্ঞানলাভের জন্য স্বামী কিম্বা শিক্ষকের উপর নির্ভর করেন। কিন্তু সেই নির্ভরের ভাব যত অল্প হয় ততই ভাল। অন্যের উপর সম্পূর্ণ নির্ভর করিলে কোন কালেই উন্নতি হইবে না। কোন কোন ছুরুছ বিষয় বুঝিবার জন্য অন্যের সাহায্য আবশ্যক বটে, কিন্তু নিজের চেষ্টা, নিজের যত্ন ও নিজের পরিশ্রম ভিন্ন যথার্থ জ্ঞান লাভে সমর্থ হওয়া যায় না। আত্মনির্ভর ও আত্মচেষ্টা ভিন্ন জ্ঞান লাভ করা যায় না। যদি নিজে প্রাণ পণে চেষ্টা না করা যায়, কোন মহৎ কর্মই সফল হয় না। পরের নিকট উপদেশ লইব, সন্দেহ দূর করিয়া লইব, কিন্তু কার্য্য নিজে করিতে হইবে। এই পৃথিবীতে যিনি কোন মহৎকর্ম সাধন করিয়াছেন, তাঁহাকেই নিজের যত্ন ও পরিশ্রমের উপর নির্ভর করিতে দেখা গিয়াছে, এরূপ কোন ব্যক্তি অন্যলোকের উপর নির্ভর করেন নাই। অন্যে ছুরুছ স্থল বুঝিতে সাহায্য করিতে পারেন বটে, কিন্তু কেহ কাহার হইয়া কি পাঠ অভ্যাস করিয়া দিতে পারে? মূর্খের নামে সঙ্কল্প করিয়া কেহ জ্ঞানলাভ করিলে কি মূর্খ ব্যক্তির মানসিক উন্নতি হইতে পারে? জ্ঞানলাভ বিষয়ে প্রতিনিধি দিলে চলে না। জ্ঞানের পথ বড় সহজ নয়। এই পথে যাইতে হইলে কার্যিক মানসিক উভয় প্রকার পরিশ্রম আবশ্যক। অন্যান্য সাংসারিক কর্মের ন্যায় ইহাতে একজনের পরিবর্তে অন্যে পরিশ্রম করিলে কার্য্য সিদ্ধি হয় না। জ্ঞানলাভ স্বায়াসসিদ্ধ, অতএব সকলে নিজে নিজে যত্নবতী হও, ঈশ্বরের কন্যা হইবার উপযুক্ত হও। জ্ঞান ধর্মপথের এক প্রধান সাধন এবং ধর্মই মনুষ্যের যথার্থ মহত্বের নিদান।

## দম্পতির প্রতি উপদেশ।

(২২৭ পৃষ্ঠার পর।)

১১। একটী উপন্যাস আছে এক সময়ে সূর্য ও পবন আপনাদিগের মধ্যে কে বড় এই কথা লইয়া বিবাদ করিতেছিলেন। পথে একজন লোক চলিতেছে দেখিতে পাইয়া, তাঁহারা প্রতিজ্ঞা করিলেন, আমাদিগের মধ্যে যিনি উহার শরীর হইতে বস্ত্র ছাড়াইয়া লইতে পারিবেন তাঁহাকে শ্রেষ্ঠ বলিয়া মানিব। প্রথমতঃ পবন দেব আশ্ফালন করিয়া প্রবল ঝড় বহিতে আরম্ভ করিলেন। কিন্তু তাহাতে পথিক গাত্র বস্ত্র পরিত্যাগ না করিয়া শীত প্রযুক্ত শরীরে আরো দৃঢ়রূপে জড়াইতে লাগিল। পবন কিছুতেই কিছু করিতে না পারিয়া অবশেষে পরাস্ত মানিলেন। তৎপরে সূর্যদেব কিছুমাত্র দম্ব না করিয়া শান্তভাবে আপনার প্রথর কিরণ বর্ষণ করিতে লাগিলেন, পথিক দাক্ষণ গ্রীষ্মে ঘর্ম্মাক্ত-কলেবর হইয়া কেবল গাত্রবস্ত্র দূরে নিক্ষেপ করিয়া নিরস্ত হইল না—জামা ও পরিধের কাপড় পর্যন্ত তৎক্ষণাৎ খুলিয়া ফেলিল। ইহা হইতে দম্পতি একটী বিশেষ উপদেশ শিক্ষা করিতে পারেন। কাহার পত্নী অবাধ্য, অতিব্যরশীলা বা আড়ম্বরপ্রিয়া হইলে স্বামী যদি কঠিন শাসনে নিবারণ করিতে যান, বিপরীত ফল ফলিয়া থাকে। স্বামীও ছুরস্ত একগুঁয়ে হইলে স্ত্রীর গঞ্জনাতে তাঁহার চরিত্র সংশোধন হয় না। এরূপ স্থলে সদ্যুক্তি ও অনুযোগ ধীরভাবে প্রয়োগ করিলে কি স্ত্রী কি পুরুষ আপনাদের নির্দোষতা বুঝিয়া নিতান্ত লজ্জিত হন এবং কেবল বড় দোষ নয়, সকল কু অভ্যাস অচিরে পরিত্যাগ না করিয়া থাকিতে পারেন না।

১২—রোমদেশীয় কোন সম্ভ্রান্ত লোক কন্যার সম্মুখে স্ত্রীর প্রতি প্রণয় নিদর্শন প্রকাশ করাতে সভাধ্যক্ষ কেটো তাহাকে সেনেট সভা হইতে বহিস্কৃত করিয়া দেন। স্ত্রীপুরুষের নিগূঢ় স্নেহ নিদর্শন অন্যের সম্মুখে না হইয়া নিজনেই শোভা পায়। ইহা জনতার মধ্যে হইলে আরও দূষণীয়। অপরের সম্মুখে স্ত্রীপুরুষের পরস্পরের স্নেহ প্রদর্শনে যখন এত দোষ, তাহাদিগের পরস্পরের ক্রোধ বিরক্তি প্রকাশ কত না



গৃহিণীর গুণেই কোন কোন লোক সামান্য আয় দ্বারা বৃহৎ সংসারের ভরণ পোষণ করিয়া নির্বিঘ্নে বহুসন্তানদিগকে লালনপালন ও কৃতবিদ্যা করিতে সমর্থ হইলেন । তাঁহার সংসারের এমন স্বজলা এবং সন্তানাদির একরূপ সচ্ছরিত্র যে, তাহা দেখিয়া তাঁহার চতুর্গুণ ধনশালী ব্যক্তিও সেরূপ গুণশালিনী গৃহিণীর অভাবে সকল বস্তুরই অভাব ও বিশৃঙ্খলাবশতঃ অল্প পরিবার হইলেও সকলকে স্বচ্ছন্দে রাখিতে বা সন্তানাদিকে সুশিক্ষিত করিতে না পারিয়া ঐ সুভাগ্যপুরুষকে আপন অপেক্ষা সহস্রগুণে ধনী বলিয়া বিবেচনা করেন ।

গৃহিণীর স্বভাব ও কার্যদক্ষতা এবং সংসারের অবস্থা একরূপ সূত্রে আবদ্ধ যে গৃহিণী ভাল হইলেই পরিবারের সকলে সুখী হইবে এবং সন্তানাদি সুশীল হইবে, তাহার কোন সংশয় নাই ।

ধন অধিক হইলে সামান্য অল্পস্থানে পলায়ন বা মোটা চাদরের স্থানে শাল এইমাত্র বিশেষ হয়, অথবা বই বগলে ছাতি হাতে বিদ্যালয়ে না যাইয়া সন্তানাদি গাড়ি বা পালকিতে যাইতে পারে । কিন্তু সে ভিন্নতা দ্বারা মনে ক্ষুব্ধ না হইয়া বরং সুখী হওয়া উচিত, কেননা নিয়তই দেখা যায় যে স্ববোধ মাতা যে বালকদিগকে কষ্টে প্রতিপালন করেন, তাহারাই বয়ঃপ্রাপ্ত হইয়া দেশের অলঙ্কারস্বরূপ হইলেন ও যথার্থ মঙ্গলসাধন করিয়া থাকেন । প্রচুর ধন না থাকিলে এবং দাস দাসী অনেক রাখিতে না পারিলে যে সংসারের কর্ম সুচারুরূপে চলে না, অথবা পণ্ডিত শিক্ষক রাখিতে না পারিলে যে সন্তানাদির বিদ্যাভ্যাস ভাল হয় না, এসকল কথা নিতান্ত ভ্রান্তিমূলক । অল্পধন বা অপরের অল্প সাহায্যে যে গৃহিণী স্বীয় কার্যকৌশল ও সুনিয়মদ্বারা সুন্দররূপে সংসার যাত্রা নিরীহ করিতে পারেন, তাঁহারই যথার্থ গুণ এবং তাঁহারই যথার্থ সুখ । দরিদ্রপত্নী হইয়া কেহ রাজার মার মায় শেষদশায় সুখে থাকেন, কেহ বা রাণীর মায় সুখের অবস্থায় পড়িয়াও শেষে দুর্দশাগ্রস্ত হইয়া থাকেন । এই ভাগাচক্র যেমন পুরুষের দোষগুণে, তেমনি অনেক স্থলে গৃহিণীর দোষগুণেও পরিবর্তিত হইয়া থাকে । স্ত্রীলোকদিগের মধ্যে এমন কথা কখন কখন শুনা যায়, যে অমূকের ধনস্থানে শনির দৃষ্টি আছে কিছুতেই কুলান হয় না, সন্তানের স্থানে দোষ আছে তাই ছেলেরা ঝগড়া বা দুশ্চরিত্র, অথবা অমূকের ধনভাগ্য ও সন্তানভাগ্য উত্তম, ছেলেগুলি দেখিলে চক্ষু জুড়ায়, ও ঘরে বসিয়া ঘৃদণ্ড

তাদের সঙ্গে কথা कहিলে কেমন তৃপ্তি হয় ! বিবেচনা করিয়া দেখিলে জানা যায় যে ভাগ্যের দোষগুণ অপেক্ষা কর্মেরই দোষগুণ অধিক । কোন কোন সংসারে অনেক জাতি কুটুম্ব একত্রে বাস করিয়াও নির্বিঘ্নে কালযাপন করিতেছে, আবার কোন কোন সংসারে কেবল ভর্তা ও ভাৰ্য্যায় পরস্পর শাপে নেউলের মত বিবাদ বিষম্বাদ নিত্য ঘটতেছে । ইহারও কারণ অনুসন্ধান করিলে কেবল গৃহিণীর দোষগুণমাত্র লক্ষিত হইবে । কোন নির্ধনী পুরুষের সংসারেও আবশ্যিক বস্ত্র চাহিবামাত্র পাওয়া যায়, কোন কোন ধনবানের ঘরেও হয়ত সামান্য জিনিশের আবশ্যিকতা হইলেই দোকানে লোক পাঠাইতে হয়—তাঁহার প্রয়োজন শেষ হইলে জিনিশে আর যত্ন থাকে না, দুদিন পরে আবার কিনিতে হয় । কোন কোন সংসারে শুনিবে যে অমুক জিনিশটি তিন পুরুষ ব্যবহার হইতেছে, কোন কোন সংসারে আজ সমুদার জিনিশ হুতন বন্দোবস্ত করিয়া সংগ্রহ করিয়া দিলে, পর বৎসর বা পর মাসে হয়ত তাহার দশটার মধ্যে একটা দেখিতে পাওয়াও ভার । এসকল কেবল গৃহিণীর দোষ গুণের ফলমাত্র । ক্রিয়াকাণ্ডেও দেখা যায় কোন কোন স্থলে অল্প ব্যয়ে কত লোক আহাৰ করিয়া তৃপ্তিলাভ করে, কোথাও বা চতুর্গুণ খরচে তাহার অর্দ্ধেক লোককেও ভাল করিয়া ভোজন করাইতে পারা যায় না, প্রাত্যহিক আহাৰের আয়োজনেও সেইরূপ ঘটয়া থাকে । এইরূপ নানাবিধ সাংসারিক সামান্য ঘটনা বিবেচনা করিয়া দেখিলে গৃহিণীর গুণেই কি সুখের সংসার হয় তাহা স্পষ্টই প্রতীয়মান হইবে । গৃহিণীর গুণ না থাকিলে সংসারে কি স্বামী, কি সন্তান সন্ততির, কি অপরের না আহাৰ করিয়া, না আরাম করিয়া, না কোন কার্য করিয়া সুখ লেশমাত্র অনুভব হয়, কিন্তু গুণবতী গৃহিণী থাকিলে সংসারই স্বর্গতুল্য স্থান বোধ হয় ।

স্বামী যদি যথেষ্ট ধনবান না হইলেন, তথাপি সমস্ত দিনের পরিশ্রমের পর যখন তিনি ঘরে আসিয়া ক্লান্ত হইয়া পড়েন, তখন গুণবতী গৃহিণীর ক্ষুদ্র কুটীরের পারিপাট্য দেখিয়া ও তাঁহার নিরলঙ্কার বদনশোভা, কমলীয়তা ও মধুরতাগুণে সস্তাপিত হৃদয়কে সুশীতল করিয়া যেরূপ সুখে কালাতিপাত করেন অনেক ধনবানের ভাগ্যে সেরূপ হয় না ।



সন্তানাদি যদিও অবস্থাক্রমে স্মদূরস্থ বিদ্যালয় হইতে পুস্তকাদি ভায়ে ও আগমন ক্রমশে ক্রমে গৃহে প্রত্যগত হয়, তথাপি তাহার মাতার স্নেহপূর্ণ সন্তাষণে তাবৎ ক্রমশে বিম্মত হয় এবং যথাস্থিত সামান্য আহারে পরি-  
তৃপ্ত বোধ করিয়া নিজ নিজ পুস্তকালপ বা নানা হিতগর্ভ বাক্যালাপে মনোনিবেশ করে—কাহারও অণুমাত্র ক্রমশের কারণ থাকে না। পণ্ডিতেরা কহিয়া থাকেন জন্মভূমি স্বর্গ হইতেও গরীয়সী, তন্মধ্যে গুণবতী গৃহিণী থাকিলে নিজ নিজ গৃহকে ইন্দ্রভবন বলিলেও অত্যুক্তি হয় না। নারীগুণ বিষয়ে মহাভারতে কথিত আছে। যথা—

“ সংসারের মধ্যে নারী হয় শ্রেষ্ঠতর ।

সর্বস্থখে সুখী নারী না জানে পামর ॥

নারী লয়ে নরলোক সংসারী বলায় ।

নানাধন উপার্জয় নারীর সহায় ॥

দান বজ্র ব্রত সঞ্চে সস্ত্রীক হইয়া ।

পিভুলোক তুষ্ট করে পুত্র জন্মাইয়া ॥

রাজ্য ধন অট্টালিকা আছয়ে যাহার ।

নারীশূন্য গৃহ তার শ্মশান আকার ॥

সংসার অসার সার রমণীর সঙ্গ ।

যেহেতু পুরুষ নারী হয় এক অঙ্গ ॥

গ্রহবশে নিজবাসে দুঃখী যেই জন ।

কোন রূপে করে যেই উদর ভরণ ॥

গুণবতী নারীসহ যদি করে বাস ।

তাহার নিকট স্বর্গবাস উপহাস ॥

ইহকালে ভার্য্যা হৈতে বঞ্চে নানা সুখ ।

পরকালে কতু তার নাহি হয় দুখ ॥,,

## হিন্দুদিগের বিবাহ প্রণালী ।

(৩০০ পৃষ্ঠার পর)

কিরূপ স্ত্রী ও কিরূপ পুরুষ পরস্পরকে বিবাহ করিতে পারেন, তদ্বিষয়ে হিন্দুশাস্ত্রে যেরূপ শাসন দেখা যায় এরূপ আর কোত্রাপি নহে। সত্য, ত্রেতা, দ্বাপর তিনযুগে হিন্দুরা অন্যজাতির সহিত বিবাহ বন্ধন করিতেন এবং ব্রাহ্মণ ক্ষত্রিয় বৈশ্য শূদ্র চারি শ্রেণীর পরস্পরের মধ্যেও বিবাহ প্রচলিত ছিল। মনুর মতে উচ্চশ্রেণীর পুরুষ নীচ শ্রেণীর কন্যাকে বিবাহ করিলে দোষ হয় না, কিন্তু নীচশ্রেণীর পুরুষ উচ্চশ্রেণীর কন্যাকে বিবাহ করিবে না। পুরাণাদি পাঠ করিলে দেখা যায় পূর্বকালে হিন্দুদিগের মধ্যে বিবাহ বিষয়ে জাতিবিচার ছিল না। জনকনন্দিনী সীতাকে বিবাহ করিবার জন্ত পরশুরাম প্রভৃতি ব্রাহ্মণ প্রার্থী হইয়াছিলেন এবং দ্রৌপদীর স্বয়ম্বর সভায় ক্রপদরাজ প্রতিজ্ঞা করেন, ব্রাহ্মণ ক্ষত্রিয় বৈশ্য শূদ্র যে জাতীয় ব্যক্তি হউক লক্ষ্য বিদ্ধ করিলে তাহাকে কন্যাদান করিবেন। কলিযুগে পূর্বপ্রথা অনেকগুলি রহিত হয় এবং তৎসঙ্গে এই অসজাতীয় ও অসবর্ণ বিবাহ নিষিদ্ধ হইয়াছে ;—

সমুদ্র যাত্রা স্বীকারঃ কমণ্ডলু বিধারণঃ ।

দ্বিজানা মনবর্ণাতু কন্যাসুপযম স্তথা ॥

ইমান্ ধর্ম্যান্ কলিযুগে বর্জ্যানাহর্মণীবিণঃ ॥

বৃহন্নারদীয় পুরাণ ।

সমুদ্র ভ্রমণ, গৃহস্থের সম্যাসব্রত গ্রহণ, ব্রাহ্মণ ক্ষত্রিয় বৈশ্যের অসজাতীয় কন্যার সহিত বিবাহ ইত্যাদি কর্ম পণ্ডিতেরা কলিযুগে নিষেধ করিয়াছেন।

ইহা দ্বারা বোধ হইতেছে অসবর্ণ বিবাহ না হওয়া একটা নূতন প্রথা এবং ইহা দ্বারা হিন্দুদিগের জাতিবিভাগ দৃঢ়তররূপে স্থাপিত হইয়া পরস্পরের মধ্যে অল্পদারতা বৃদ্ধি করিয়াছে। যাহা হউক এক বংশীয় ও নিকট সম্পর্কীয় ব্যক্তিদিগের মধ্যে বিবাহ নিষেধ করিয়া হিন্দুশাস্ত্রকারেরা অতি যুক্তিসিদ্ধ কার্য্য করিয়াছেন। একক্ষেত্রে একপ্রকার শস্য বপন করিলে



যেমন কৃষিকার্যের উন্নতি হয় না, যাহাদিগের পরস্পরের সঙ্গে রক্তের সংস্রব তাঁহাদিগের পরস্পরের বিবাহে বংশ ক্রমে দুর্বল ও হীনবীর্য্য হইয়া পড়ে এবং তাহার কোন দোষ ও হীনতা থাকিলে চিরকাল থাকিয়া যায়। এইরূপে অনেক বংশ লোপ পাইয়াছে। বহুকাল পূর্বে হিন্দুগণ ইহা বুঝিয়া যে স্ত্রনিয়ম করিয়াছেন তজ্জন্য তাঁহাদিগের প্রশংসা করিতে হয়।

পিতার সপিও (১) সগোত্র (২) ও সমান প্রবরদের (৩) মধ্যে এবং মাতামহের সপিও ও সমানোদকের (৪) মধ্যে বিবাহ নিষিদ্ধ।

বৌধায়ন ঋষির মতে কেহ না জানিয়া যদি পিতার সগোত্রকে বিবাহ করে, জানিতে পারিলেই আর তাহার সহিত সংসর্গ করিবেক না, মাতার ন্যায় তাহাকে পালন করিবেক।

উদ্ধাহতত্বে বলে—

সমান গোত্র প্রবরাং সমুদ্বাহোপগম্যাচ ।

তস্যামুৎপাদ্য চণ্ডালং ব্রাহ্মণ্যাদেব হীয়তে ॥

এক গোত্রা কিম্বা এক প্রবরার সহিত বিবাহ কি সংসর্গ করিলে ব্রাহ্মণত্ব যায় এবং তদুৎপন্ন সন্তান চণ্ডাল হয়।

এ বিষয়ে মনুর ব্যবস্থা এই,—

অসপিণ্ডাচ যা মাতু রসগোত্রাচ যা পিতুঃ ।

সা প্রশস্তা দ্বিজাতীনাং দার কৰ্ম্মণি মৈথুনে ॥

যে কন্যা মাতার অসপিণ্ডা অর্থাৎ মাতা যাহাকে পিণ্ড দেন তাহাকে পিণ্ড দেন না এবং পিতার গোত্রের নহেন, সেই কন্যাই দ্বিজদিগের বিবাহ ও সংসর্গের উপযুক্ত।

(১) পিণ্ডদাতা হইতে সান্তপুরুষ অর্থাৎ অতি বৃদ্ধ প্রপিতামহের পিতা পর্যন্তকে সপিণ্ড বলে।

(২) কাশ্যপ, গৌতম প্রভৃতি এক পূর্বপুরুষ যাহাদিগের তাঁহারা সগোত্র।

(৩) গোত্রের মধ্যে নানা বিভাগ আছে তাহার নাম প্রবর, ইহা এক পূর্বপুরুষের ভিন্ন ভিন্ন সন্তান হইতে হয়।

(৪) যাহারা একজনকে শ্রাদ্ধ তর্পণ করিবার অধিকারী।

নারদ বলেন,—

আসপ্তমাং পঞ্চমাচ্চ বন্ধুভ্যঃ পিতৃমাতৃতঃ ।

অবিবাহো সগোত্রাচ সমান প্রবরা তথা ॥

পিতামাতার বন্ধু হইতে সপ্তম ও পঞ্চম পর্যন্তকে এবং সগোত্রা ও সমান প্রবরাকে বিবাহ করিবে না।

এইরূপ সকল ব্যবস্থাপকগণই প্রায় একবাক্য হইয়া নিকট সম্পর্কীয় ব্যক্তিদিগকে বিবাহ করিতে নিষেধ করিয়াছেন। কেবল নিষেধ করিয়াছেন এরূপ নহে, তাহা পাপ বলিয়া প্রায়শ্চিত্ত করিবার বিধি দিয়াছেন।

পরিণীয় সগোত্রান্ত সমান প্রবরান্তথা ।

তস্যাম্ কৃত্বা সমুৎসর্গ দ্বিজশ্চান্দ্রয়ণং চরেৎ ॥

মাতুলস্য স্তুতাক্ষেব মাতৃগোত্রান্তথৈবচ ॥ বশিষ্ঠঃ ॥

কোন দ্বিজ সগোত্রা, সমান প্রবরা, মাতুলস্তুতা এবং মাতৃ সগোত্রাকে বিবাহ করিলে তাহাকে পরিত্যাগ করিয়া চান্দ্রয়ণ করিবে। (৫)

এইরূপ পিসীর কন্যা বা মাসীর কন্যাকে, মাতার সগোত্রা ও সমান প্রবরাকে বিবাহ করিলে চান্দ্রয়ণ করিবে ও তাহারে পরিত্যাগ করিয়া প্রতিপালন করিবে।

## প্রিয়সখীর প্রতি কোন অবলার খেদোক্তি ।

প্রাণসখি, একি দেখি ঘোর অমঙ্গল ।

সুশিক্ষা প্রদবে কি গো বিষময় ফল ?

সুবাধার চন্দ্রমার স্তবিসল ভাস ।

তামসীর তমোজাল করে না কি নাশ ?

(৫) ব্রাহ্মণ ও দ্বিজদিগের প্রতি যে বিধি তাহা শূদ্রেতেও বর্তে।



ব্রততী\* সফল পুঞ্জ হইলে শোভন ।  
 আর কি বিনম্র ভাব করে না ধারণ ?  
 ছিলাম ভাল হে মোরা যখন অজ্ঞান ।  
 জ্ঞান আশে হত হলো হিতাহিতজ্ঞান ॥  
 অজ্ঞানতা অন্ধকারে ছিলাম যখন ।  
 প্রগল্ভতা দোষ এত ছিল না তখন ॥  
 না ছিল এতেক গর্ব্ব এত অহঙ্কার ।  
 দয়া, মায়া, স্নেহ শূন্য হৃদয় আগার ॥  
 ভয়ে ভয়ে কত কাজ করেছি সাধন ।  
 লজ্জাসখী ছিল সদা হৃদয়ে গোপন ॥  
 জ্ঞানী কি অজ্ঞানী যত নিজ পরিজন ।  
 সকলের প্রতি ছিল স্নেহাস্থিত মন ॥  
 শশুর ভাশুর স্বামী দেবর সোদর ।  
 হতেন সকলে সুখী না ভাবিয়া পর ॥  
 জেনেছি জেনেছি ওগো জেনেছি নিশ্চয় ।  
 সামান্য জ্ঞানের ফল হয় বিষময় ॥  
 তুই, চারি পাতা পড়ে জ্ঞানী হতে চাই ।  
 তাই জ্ঞান-মুখে ভাল পড়িয়াছে ছাই ।  
 তাই এত বাহু শোভা তাই এত ভাগ ।  
 ঠেকারে গগণ ফাটে কে আছে সমান ?  
 ছাড়ি অন্তরের বল, ত্যজি গুরুভয় ।  
 স্বেচ্ছাচারী হয়ে ফিরি, না করি সংশয় ॥  
 খেটে খেটে যদি পতি যায় যমালয় ।  
 বসন ভূষণ সাধ তবু না মিঠয় ।  
 লজ্জা নাই মা রাধুনী শশুরহলে দাসী ।  
 কড়ার গতির নাই ভোজনে বিলাসী ॥

কখন বা উন্নতির করি একশেষ ।  
 দেশী বেশ ছাড়ি—ধরি বিবিয়ানা বেশ,  
 বিলাতী রমণী সহ থাকি দিবা নিশি ।  
 দেশীয় আচারে ক্রমে হইতেছি দ্বেষী ॥  
 এই কি উন্নতি চিহ্ন একি স্বাধীনতা ?  
 এতে কি হইবে শুভ থাকিবে ভদ্রতা ?  
 যে যায়, যাউক হেন উন্নতি সাধনে ।  
 আমিত যাব না কতু অবুঝের সনে ।  
 অনুকরণেতে আর নাহি প্রয়োজন ।  
 বাহিরের সভ্যতায় নাহি ভিজে মন ॥  
 ইচ্ছা হয় ত্যজিয়া এ বিলাস নগরী ।  
 বনের হরিণী হয়ে থাকি, সহচরি ॥  
 কক্ষম-বেশ ধারী হন্য করি পরিহার ।  
 কুটীরবাসিনী হয়ে থাকিব আবার ॥  
 সামান্য অমন আর সামান্য বসনে ।  
 কাটাব জীবন-কাল পল্লি-বালা সনে ॥  
 স্বভাবের শোভা হেরি জুড়াব নয়ন ।  
 পাইব স্বভাব হতে শিক্ষা অগণন ॥  
 শুনী শিখাইবে সখি রুতজ্ঞতা বল !  
 পিপীলিকা শিখাইতে সঞ্চয় কৌশল ॥  
 আলস্য ঘুচিবে, দেখি মধু মক্ষিকারে ।  
 উপদেশ দিবে সদা শ্রম করিবারে ॥  
 বিশুদ্ধ দাম্পত্য-প্রেম যতন করিয়া ।  
 কপোত মিথুন হতে লইব বাছিয়া ॥  
 দয়াবতী কুকুটীকে হেরিলে স্বজনি !  
 অপত্য স্নেহের বল বাড়িবে অমনি ॥  
 ফলভারাক্রান্ত তরু পাশে সদা দিয়া ।  
 বিনম্রতা উদারতা লইব শিখিয়া ।



লজ্জাবতী হব সখি, হেরি লজ্জাবতী ।

লজ্জার আদর্শ কিবা সেই লতা সতী !!

ধীরতার শিক্ষা দিবে ধরনী আপনি ।

পৃথী সম ধীরা আর কে আছে এমনি ?

পরিমলময় ফুল গুলাব প্রস্থন ।

পবিত্রতা হৃদয়ের বাড়াবে দ্বিগুণ !

বিমল নির্ঝর হেরি দয়া স্নোতস্বতী

শুষ্কভাব পরিহরি হবে বেগবতী ।

বিভুপ্রেমে ভাসিবে এ মলিন হৃদয় ।

ফুটিবে ভক্তির ফুল যুচিবে সংশয় ॥

এই রূপে শিক্ষা গুরু স্বভাবের স্থান !

শিথিব সকল ধর্ম পাব তত্ত্বজ্ঞান ॥

## কৃত্রিম অঙ্গবিকৃতি ।

পদ-পীড়ন ।

পার চেটো কতকগুলি ছোট ছোট হাড় বন্ধনী দ্বারা একত্র করিয়া তৈয়ার হইয়াছে। পার গুল্ফ (গোড়ালি) হইতে বুড়ো আঙ্গুলের আগা পর্যন্ত অতি সুন্দর বক্ররেখা দেখা যায়, চলিবার সময় ইহা হ্রস্ব দীর্ঘ এবং নমনশীল হইয়া থাকে। চলিতে চলিতে যতবার ভূমির উপর পার চাপ দেওয়া যায়, শরীরের ভরে এবং অগ্রসর হইবার বেগে ইহা ততবার কিয়ৎ পরিমাণে বাড়িয়া থাকে। ইহা সত্য কি না যদি বুঝিতে চাও, প্রথমে বসিবার সময় পার চেটোর দীর্ঘতা মাপ, পরে দাঁড়াইবার সময় কত পরিমাণ হয় দেখ। একখানি কাগজের উপরে পা রাখিয়া গোড়ালি এবং পার অঙ্গুলির অগ্রভাগের দাগ করিয়া লইলেই হয়। ইহাতে বসিবার অপেক্ষা দাঁড়াইবার সময় পার পরিমাণ আধ বুকুল অধিক দেখিতে পাইবে।

যাঁহারা জুতা পরিধান করেন, পার এই স্থিতিস্থাপকতা অথাৎ হ্রাস বৃদ্ধি হইবার শক্তিটী যাহাতে রক্ষা পায়, এমন আল্গা ও নমনীয় জুতা

পরিধান করা তাঁহাদের কর্তব্য। যদি পা জুতার মধ্যে কুড়িয়া থাকে এবং সচ্ছন্দরূপে চলিতে না পারে অনেক অসুবিধা ও কষ্ট ভোগ করিতে হয়। যুবা ব্যক্তির পা তুখানি খুট খুট করিয়া চলিবে বলিয়া ছোট ছোট হুট ও জুতা পরিতে ভাল বাসে। এক সময়ে উচ্চ হিলওয়াল পাছুকা পরিবার জন্য বিবীদিগের অত্যন্ত সখ ছিল। ইহাতে শরীরের সমুদয় ভার সম্মুখের দিকে ঝুঁকিয়া পড়িয়া অনর্থক অনেক কষ্ট দিত এবং চলন যার পর নাই কদাকার দেখাইত। সৌভাগ্য ক্রমে এ কুৎসিত প্রথা এখন রহিত হইয়াছে।

পার গোড়ালি এবং অঙ্গুলির অগ্রভাগ সমতল হইবে ইহাই ঈশ্বরের অভিপ্রায়, স্তবরাং জুতার হিল অত্যন্ত উচ্চ করিয়া পরা স্বাভাবিক স্বাভাবিক নিয়ম ভঙ্গ করিলে স্বর্কস্থলেই কষ্ট, অঙ্গবিকৃতি এবং অন্যপ্রকার দগুভোগ করিতে হয়, এস্থলেও তাহার অন্যথা হয় না।

চিনদেশে স্ত্রীলোকদিগের পা বিকৃত করা একটী প্রচলিত নিয়ম বোধ হয়। সে দেশে স্ত্রীলোকের পা গরুর খুরের মত ক্ষুদ্র গোলাকার হইলে রূপের আদর্শ বলিয়া পরিগণিত হয়। এরূপ ভয়ানক কদাকার চিনদিগের চক্ষে কিরূপে সৌন্দর্যের আধার হইল তাহার কারণ বুঝা যায় না। সকল দেশেই ফ্যাসন যুক্তি তর্কের অধীন নয়। আট নয় শত বৎসর পূর্বে চিন রমণীগণের পা অন্যদেশীয় দিগের ন্যায় স্বাভাবিক ছিল। সকল দেশে রাজ-বাটী হইতে ফ্যাসনের (নুতন ধরণ) সৃষ্টি। ইংলণ্ডের এক রাজার গোদা পা থাকাতে চাপসা জুতা পরিতেন, একসময়ে ইংলণ্ডের সকল লোকে সেইরূপ জুতা সভ্যতার চিহ্ন বলিয়া পরিতে লাগিল। চিনদিগের রাজ পরিবারের কোন সোহাগিনী রমণীর ক্ষুদ্র পা ছিল, তাহার দেখা দেখি অন্য মহিলারা তাহাই সৌন্দর্যের কারণ বলিয়া চাটুবাদ করিতে লাগিল। চাটুকারণেরা যেমন প্রভুর ঘোষণা গুণ বলিয়া তাহার নকল করে, চাটুকারণীরা কত্রী ঠাকুরাণীর সেইরূপ অঙ্কুরণ করিতে লাগিল। বড় দলের রমণীদিগের আচার ইতর রমণীরা সহজে অবলম্বন করিল। ইহাতে ক্রমে ক্রমে চিন রমণীদিগের কচি বিকৃত হইয়া পড়িয়াছে।

চিনদিগের মধ্যে যে কারণে এ প্রথা প্রবর্তিত হউক, ইহা সর্বসাধারণ



রূপে প্রচলিত, এবং উক্ত জাতির আচার সকল হিন্দুদিগের ন্যায় অপবি-  
বর্তনীয়, সুতরাং ইহা যে বহুকাল স্থায়ী হইবে তাহার সন্দেহ নাই।  
ইউরোপীয় ভ্রমণকারীরা এই প্রথা স্বচক্ষে দর্শন ও পরীক্ষা করিয়া যে  
বিবরণ লিখিয়াছেন তাহা পাঠ করিলে হৃদয় ব্যথিত হয়।

সন্তান গরে একটি কন্যা সন্তান জন্মিলেই মাতা তাহার পা কিকুপে  
কুকড়াইয়া ছোট করিবেন এই ভাবনায় আকুল হন। তিনি কুমারীর  
পার অঙ্গুলি গুলি পার তলার দিকে মুড়িয়া শক্ত ফিতা দিয়া বাঁধিয়া  
দেন, ইহাতে পা একখানি খুরের ন্যায় হইয়া থাকে। প্রতিদিনই নূতন  
বাঁধন দেওয়া হয়, নূতন ফিতা দিয়া বাঁধবার সময় পা যা কিছু খোলসা  
পায়। এইরূপ চাপে সন্তানের অনেক ব্যথা লাগে সন্দেহ নাই, কিন্তু  
কে তার প্রতি ক্ষেপ করে? সন্তান কাঁদুক, মুচ্ছা যাউক, খেঁচুনি  
হইয়া মরুক, কিছুই প্রতি দৃকপাত নাই। যত চাপ যাউক না কেন তথাপি  
স্বাভাবিক নিয়মে পা কিছু না কিছু না বাড়িয়া থাকিতে পারে না, সুতরাং  
যত বাড়ে তত চাপ দেওয়া হয়, ইহাতে সন্তানের ক্রেশের আর বিরাম হয়  
না। পাঁচ ছয় বৎসর যন্ত্রণা সহিয়া সন্তানের মজুক বিকড়াইয়া যায়। পার  
বৃদ্ধি যত বন্দ হয়, যাতনা তত কমিতে থাকে। পাঁচ ছয় বৎসর শেষ  
হইলে পা দুখানি যেন পেয়া ও কোঁকড়ান ছুটী মাংসপিণ্ড হয়। আঙ্গুল  
গুলি পার তলায় কুকড়িয়া চাপটিয়া থাকে, পার উপরি ভাগ নবম  
মাংসের ডেলা এবং তাহার মধ্যে পার নলি যেন গুঁজিয়া দেওয়া হইয়াছে  
বোধ হয়।

ছূর্তাগ্য বালিকা এত কষ্ট সহিয়া যখন বড় হয়, তখন তাহার পা ৩  
অথবা ৫ বুকুল মাত্র হয়। ছুগাছি কাঠির উপর ধড়টী রাখিয়া সে যেন  
বেড়াইতে থাকে। এইরূপ ঠুটো পা চিন দিগের চক্ষে যার পর নাই  
সুন্দর। পা দু বুকুল হইলে চিনেরা তাহা দেবতা বলিয়া পূজা করে,  
শত মুখে তাহার প্রশংসা করিয়া শেখ করিতে পারে না। কিন্তু ইহার  
সৌন্দর্য্য কাঙ্ক্ষনিক। ইহার উপর হইতে চাক্চিক্য পোসাক যদি খুলিয়া  
ফেলা যায়, ইহা মড়ার মাংসের মত নির্জীব এবং ধোবানীর হাতের মত  
পাঙ্গাশ দেখায়। কিন্তু কল্পনার এমনি বল যে, যে বিকৃত অঙ্গ মানুষের

চক্ষে কখন পড়ে না তাহাই স্ত্রীজাতির সৌন্দর্য্যের একশেষ ও প্রধান লক্ষণ  
বলিয়া আদৃত হয়। চিন রমণীরা ভ্রমণের সময়ও মাতালের মত এ পাশ  
ও পাশ চলিতে থাকে এবং লাঠি অথবা ছোট বালিকার স্কন্ধ না ধরিয়া  
চলিতে পারে না। “সুখে থাকিতে ভুতে কিলোয়” ইহাকেই বলে।

পদপীড়নরূপ ঘৃণিত ব্যবহার চিনদিগের সন্তান শ্রেণীর মধ্যে অধিক  
চলিত। নিম্ন শ্রেণী অথবা চিন দেশবাসী তাতার দিগের মধ্যে ইহার  
বড় প্রাদুর্ভাব দেখা যায় না। তাহারা যখন একরূপ করে, সন্তান গরে  
বিবাহ দিবে এই তাহাদের লক্ষ্য। ধনী ও বিলাসী লোকেই স্বভাবকে  
অধিক বিকৃত করেন এবং যেমন কষ্ট তেমন ফলও ভোগ করিয়া থাকেন।

## বিজ্ঞান বিষয়ক কথোপ কথন।

( মাতা সুশীলা ও সত্যপ্রিয় )

সত্য। মা! আমাদের কি খিদে  
পায় নি? তোমার ভাত রাঁধিতে  
এত দেরি হয় কেন?

মা। বাছা! তোমরা এইখানে  
একটু বসো। কেন দেরী হয় বুঝিতে  
পারিবে।

সু। মা! এই যে চাল এক ফুট  
হয়েছে। আচ্ছা, জলটা একবার  
উঠছে, আবার নামছে কেন?

সত্য। তা না হলে সব চাল  
ফুটবে কেন?

মা। সত্য যা বলছে ঠিক বটে,  
কিন্তু এর ভিতর বড় আশ্চর্য্য কৌশল  
আছে। তোমরা হয়ত মনে কর  
একটী লোহার শিকের এক দিক  
আগুণে ধরিলে যেমন সব শিকটা  
তপ্ত হয়, তেমনি এক হাঁড়ি জলের  
নীচে জ্বাল দিলে তার তাত নীচে  
হইতে ক্রমে উপরের জলে উঠিবে।

তা হয় না। আগুণে হাঁড়ীর তলা  
তাতে, সেই তলায় যে জল লাগিয়া  
থাকে তাই তলা তাতিয়া গরম হয়,  
উপরের জল যেমন শীতল তেমনি  
থাকে। এটা কেন হয় বলিতে পার?

সু। হাঁ মা! তুমি আকর্ষণ বুঝা-  
ইবার সময় বলিয়াছিলে, সোণা  
লোহা ইত্যাদি ধাতু পরিচালক অর্থাৎ  
তাড়িত কিম্বা উত্তাপ তাহার এক-  
দিকে লাগিলে অপর দিক পর্য্যন্ত  
চালাইয়া দেয়, কিন্তু কাচ জল  
ইত্যাদি অপরিচালক অর্থাৎ তাড়িত  
ও উত্তাপ চালাইয়া দিতে পারে না।

সত্য। জল যে পরিচালক নয়,  
তা আমি দেখিয়াছি। দেখ মা, এক  
একটা পুকুরে ছুপার বেলা রৌদ্রের  
তাতে উপরের জল যেন ফুটিতে  
থাকে, কিন্তু খুব নীচে হাত দিয়া  
কি ডুব দিয়া দেখিলে কেমন ঠাণ্ডা  
বোধ হয়। জল যদি পরিচালক  
হইত, উপরের তাত নীচে গিয়া সব  
জল গরম করিয়া দিত।

মা। এখন বুঝিলে ত হাঁড়ীর  
তলা তাতিলে এককালে সব জল



তাতে না, তা হলে ভাত অতি শীঘ্র  
রাঁধিয়া ফেলিতাম।

সু। তবে মা, শেষকালে হাঁড়ীর  
সব জল তাতে কেন?

মা। আমার বোধ হয়, নীচে  
অনেকক্ষণ ধরিয়া তাতে দিলে একটু  
একটু করিয়া ক্রমে উপরের জলও  
গরম হইয়া যায়।

মা। আমল কারণে তোমরা  
এখনও বুঝ নাই। জল যেমন  
অপরিচালক, এইজন্য নিজের উত্তাপ  
অন্য বস্তুতে চালাইয়া দিতে পারে  
না; সেইরূপ হাঁড়ীর আর একটা গুণ  
আছে গরম করিলে হালকা হইয়া যায়।

স। তা আমি দেখিছি। আমি  
জল গরম করিয়া এত হালকা করিতে  
পারি যে ধোঁয়া হইয়া উড়িয়া  
যাইবে।

সু। জলইত হালকা হইয়া ধোঁয়া  
হয়। আচ্ছা মা তার পর কি বল?

মা। হালকা জিনিষ উপরে উঠে  
ও ঘন জিনিষ নীচে থাকে ইহা  
তোমরা জান?

সু। হাঁ মা! বাতাসের চেয়ে ধোঁয়া  
হালকা বলিয়া উপরে উঠিয়া যায়।

মা। ঘন বস্তু হালকা জিনিষকে  
নীচে থাকিতে দেয় না ঠেলিয়া  
উপরে তুলিয়া দেয়। তাই দেখ  
হাঁড়ীর তলার জল প্রথমে তাতিয়া  
হালকা হইল। উপরের জল  
ঠাণ্ডা স্তরভাং ভারী এই জন্য নীচে  
নামিয়া হালকা গরম জলকে উপরে  
তুলিয়া দিল। তাহা আবার ঠাণ্ডা  
হইয়া নীচে নামে এবং গরম জল

উপরে উঠিয়া যায়। এইরূপে যত  
তাত দিবে, জলের মধ্যে ততই উঠা  
নামা ও তোল পাড় হইতে থাকে।  
এইরূপ করিয়া উপরের জল নীচে  
নামিয়া ও নীচের জল উপরে উঠিয়া  
সমুদায় জল গরম করিয়া দেয়।

সু। পুকুরের জল সেরূপ করিয়া  
গরম হয় না কেন?

মা। পুকুরের জলের উপরে সূর্যের  
তাপ পড়ে, ইহাতে উপরের জল  
গরম হইয়া হালকা হয়। হালকা জল  
আরো গরম হইলে বাষ্প হইয়া  
উপরে উঠিয়া যায়, নীচে নামে না।  
নীচের জল ঠেঁক ঠাণ্ডা তেমন  
থাকে। অধিক তাপ ক্রমাগত  
লাগিলে জলের অধিক থাক গরম  
হয় এই মাত্র।

সত্য। মা এই বারে ভাত টগ বগ  
করিয়া ফুটিতেছে। এক হাঁড়ী জল  
সব কোথায় গেল?

মা। তুমি যে জল ধোঁয়া করে  
উড়িয়ে দিতে পার বলে ছিলে তা,  
কতক জল ধোঁয়া হয়ে উড়ে গেছে।  
কতক জল চালের মধ্যে গিয়া দেখ  
বড় বড় ভাত করিয়াছে। আর  
কতক জল ঘন হইয়া ফেণ হইয়া  
ছে। এখনও দেখ জলের সঙ্গে তা  
তের কেমন গুণ। এখনও নীচের  
জল উপরে, উপরের জল নীচে  
তাড়া তাড়ি যাইতেছে, ইহাতেই টগ-  
বগ শব্দ হইতেছে। সত্য! ভাত  
হয়েছে খেতে বসো।

স। মা! জল গরম হবার এমন  
আশ্চর্য্য কল আমরা জানিতাম না।

## নূতন সংবাদ।

১। আহম্মদাবাদে একজন আশীর্ষ  
বয়স্ক বৃদ্ধ, দশম বর্ষীয়া এক বালি-  
কাকে বিবাহ করিয়াছে। এরূপ  
বিবাহের অনিষ্ট ফল এদেশের লোক  
দেখিয়াও দেখে না। কুসংস্কার ও  
দেশাচার লোকের বুদ্ধি বিবেচনা  
এককালে লোপ করিয়া দেয়!

২। মহারাণীর জ্যেষ্ঠ পুত্রের পীড়া  
আরোগ্য জন্য ২৭ শে ফেব্রুয়ারী  
মঙ্গলবার মহারাণীর অধিকৃত ভারত  
বর্ষ প্রভৃতি সমস্ত রাজ্যের প্রজাগণ  
স্ব স্ব ধর্মমন্দিরে ঈশ্বরোপাসনা  
করিয়াছিলেন এবং সে দিবস  
সকল স্থানের কার্যালয়ে আনন্দের  
অবকাশ দানের আদেশ হইয়াছিল।  
আমরাও ঈশ্বরের নিকট প্রার্থনা করি  
‘রাজপুত্র’ দীর্ঘজীবী হউন।

৩। আমাদিগের মহারাণীর জ্যেষ্ঠ  
পুত্রের পীড়া হইতে আরোগ্যলাভে  
বাবু কেশবচন্দ্র সেন আনন্দ প্রকাশ  
করিয়া মহারাণীকে যে পত্র লিখি-  
য়াছিলেন রাজ্ঞী প্রগম্ন হইয়া নিজ  
কার্য্য সম্পাদক দ্বারা তাহার এইরূপ  
উত্তর দান করিয়াছেন।

“প্রিয় মহাশয়! আপনি আমাকে  
যে প্রীতিকর পত্র খানি লিখিয়া-  
ছিলেন আমি অবিলম্বে তাহা রাজ্ঞীর  
গোচর করিয়াছি। রাজকুমারের  
শুভ আরোগ্যলাভে আপনি যেরূপ  
তান্তরিক প্রীতি ও রাজভক্তি সূচক  
শব্দ সকল ব্যবহার দ্বারা আনন্দ  
প্রকাশ করিয়াছেন, রাজ্ঞী তাহাতে

সান্তিশয় প্রীত হইয়াছেন। আমি  
আহ্লাদের সহিত বলিতেছি রাজ-  
কুমার এখন দিন দিন বল লাভ  
করিতেছেন এবং যদি সুস্থ থাকেন  
২৭ শে মার্চে ঈশ্বরের নিকট কৃত-  
জ্ঞতা প্রকাশের মহোৎসবে যোগদান  
করিবেন।,

৪। আমাদিগের মহারাণী ভিক-  
টোরিয়ার একটা সুন্দর পাথরের  
প্রতিমূর্তি বোম্বাই নগরে আনীত  
হইয়াছে। ইহা ইংলণ্ডে প্রস্তুত  
করিতে এক লক্ষ পঞ্চাশ হাজার  
টাকা ব্যয় হইয়াছে। প্রতিমূর্তিটিকে  
কৃতকগুলি উন্নত ভাবসূচক মনোহর  
কাঞ্চ কাষ্ঠ দ্বারা শোভিত করা  
হইয়াছে।

কলিকাতাস্থ রাজভক্তিপায়ণ  
প্রজাগণ কর্তৃক এরূপ একটা মূর্তি  
আনীত হইয়া রাজধানীতে স্থাপিত  
হয় ইহা আমাদিগের প্রার্থনা।

৫। গবর্ণর জেনারালের হত্যাকারী  
ডুর্ভুদ্বি যবন সিয়র আলির পোর্ট  
বেয়ার দ্বীপে ফাঁসী হইয়াছে। সে  
কি জন্য লর্ড মেওর প্রাণনাশ করি-  
য়াছে ইহা জিজ্ঞাসা করাতে বলি-  
য়াছে ঈশ্বর আমাকে হত্যা করিতে  
আদেশ দিয়াছিলেন। যখন তাহার  
ফাঁসী দিবার সমস্ত উদ্যোগ হয়,  
তখন অবধি সে কোন ভয় বা অস্থ-  
তাপ প্রকাশ করে নাই। বরঞ্চ সেই  
সময় উচ্চৈশ্বরে কোরান ধর্ম শা-  
স্ত্রের বাক্য সকল বলিয়াছিল এবং  
মুসলমানদিগকে সম্মুখে রাখিয়া  
আর সকলকে (কাফারদিগকে)



সম্মুখ হইতে যাইতে বলিয়া ঈষৎ হাস্যের সহিত ক্রোধ ও ঈর্ষ্যার ভাব প্রকাশ করিয়াছিল। এমন কথাও বলিয়াছিল যে “কুমাল দিয়া আমার চক্ষু ঢাকিয়া দেও, আমি মৃত্যুর সময় কাফেরদিগকে দেখিব না।” ঐ ছুরাত্মা এমনই নরশোণিত লুক্ক ছিল যে সর্বপ্রধান শাসনকর্তাকে হনন করিয়াও তাহার হিংসু প্রকৃতি নিবৃত্ত হয় নাই। হাতকড়ি দ্বারা দুইজন প্রহরীকে আঘাত করিয়া তাহাদিগের প্রাণনাশ করিতে উদ্যত হইয়াছিল।

হায়! মনুষ্য হৃদয় কিরূপে এমন হিংসুক পশুবৎ ভাব ধারণ করে!

৬। গবর্ণর জেনারেলের মৃত্যু হওয়ায় ভারতবর্ষীয় ব্যবস্থাপক সভার অন্যতর সভ্য মান্যবর ষ্ট্রাচি সাহেব কয়েক দিবসের নিমিত্ত গবর্ণর জেনারেলের কার্যভার গ্রহণ করেন, তৎপরে মান্দ্রাজের শাসনকর্তা লর্ড নেপিয়র মান্দ্রাজ হইতে কলিকাতায় আসিয়া কয়েক মাসের নিমিত্ত প্রতিনিধি প্রধান শাসনকর্তা হইয়াছেন। সংবাদ পত্র সকলে প্রকাশিত হইয়াছে বিলাতস্থ পালের্‌মেণ্ট নামক মহাসভার একজন প্রবীণ রাজনীতিজ্ঞ ও ধনাঢ্য সভ্য ভারতবর্ষের প্রধান শাসনকর্তৃ পদে নিযুক্ত হইয়াছেন। তিনি শীঘ্র ভারতবর্ষে আগমন করিবেন।

৭। আমাদিগের বর্তমান গবর্ণর জেনারেলের সহধর্মিণী লেডি নেপিয়র মান্দ্রাজে অবস্থিতিকালে তত্রত্য স্ত্রীশিক্ষার উন্নতি সাধনে যথেষ্ট

যত্ন ও অনুরাগ প্রকাশ করিতেন। তিনি কলিকাতায় আসিবার সময় ঐ নগরস্থ একটা বালিকাবিদ্যালয়ে এইরূপ পত্র লিখিয়া আসিয়াছেন,— “একটা আকস্মিক শোচনীয় ঘটনা বশতঃ স্বামীর সহিত আমার হঠাৎ কলিকাতায় গমন করিতে হইল। ইহা অতিশয় দুঃখের বিষয় যে তোমাদিগের নিকট হইতে যথারীতি বিদায় গ্রহণেরও আমি সময় পাইলাম না। যে সকল স্নেহের দিন তোমাদিগের মধ্যে যাপন করিয়াছি তাহা কখনই ভুলিতে পারিব না। তোমরা প্রত্যেকে আমার প্রীতি গ্রহণ কর। ঈশ্বর তোমাদিগের বিদ্যালয়ের মঙ্গল ককন এবং তোমাদিগের প্রত্যেককে আশীর্বাদ ককন।”

৯। ইহা অতিশয় আশ্চর্যের বিষয় যে ভারতবর্ষের সহিত ইংলণ্ডের যোগ নিকটতর হইবার সূত্রপাত হইতেছে। স্ত্রীকুলহিতৈষণী কতকগুলি ইউরোপীয় মহিলা তাহাদিগের ভারতবর্ষীয় ভগ্নীদিগের সহিত যোগ স্থাপনে এতদূর যত্নবতী হইয়াছেন যে অনেক পরিশ্রমে বাঙ্গালাভাষা শিক্ষা করিয়া বাঙ্গালায় পত্র লিখিতে শিখিয়াছেন। তাহাদিগের নিকট হইতে কতকগুলি বাঙ্গালা পত্র আসিয়াছে তাহা দেখিলে আনন্দ হয়। বিশেষতঃ হস্তাক্ষর অতি প্রশংসনীয়। এ দেশীয় মহিলারা এতেও কি লজ্জিত হইয়া আপনাদের উন্নতির জন্য যত্নবতী হইবেন না?

৮। পারিস নগরে এক ব্যক্তি তাহার পালিত একটা কুকুরকে এত ভাল বাসিত যে তাহার মৃত্যুতে সে আত্মহত্যা করিয়া কুকুরের সহমরণে গিয়াছে। ইতর জন্তুর প্রতিও মানুষের এত স্নেহ সম্ভব।

৯। শ্যামের রাজা ভারতবর্ষ দর্শন করিতে আসিয়াছেন। একখান সংবাদ পত্রে লিখিত হইয়াছে ইহার ৬০টা ভ্রাতা এবং ৪০টা ভগ্নী আছেন। ইহার পিতার ৩০০ মহিষী ছিলেন। ইহার নিজের ৩২ টি আছেন। ইহার বয়স সবে সতর বা আঠার বর্ষ হইবে।

১০। মেদিনীপুরের একটা ভদ্রকুলোদ্ভবা স্ত্রীলোক স্বামী ও ছয় বৎসরের একটা পুত্র সন্তান পরি-

ত্যাগ করিয়া পতিগৃহ হইতে খুঁটানদিগের নিকট গমন করিয়াছেন এবং খুঁটানদিগের সহিত হইয়াছেন।

১১। এডুকেশন গেজেটে এক ব্যক্তি লিখিয়াছেন “রঙ্গপুরের অন্তঃপাতী কোন গ্রামে বিবাহ উপলক্ষে মনসার পূজাস্থলে রাত্রিতে গাওনা হইতেছিল। সেই আসরে এক ব্যক্তি বানর সং সাজিয়া বিবিধ রঙ্গে নৃত্য করিতেছিল, এমন সময় দৈবাৎ তাহার গায়ের লম্বা লম্বা রোমে অগ্নি ধরিয়া গিয়া লম্বাকাণ্ড উপস্থিত হয়। ভাগ্যক্রমে হনুমানটাই পুড়িয়া লম্বা রক্ষা হইয়াছে।” দাছ পদার্থ লইয়া আগুনের কাছে খেলা করা কোন ক্রমে উচিত নয়।

## বামাগণের রচনা ।

মহাত্মা লর্ডমেয়োর মৃত্যুতে খেদ ।

ভারতের অমঙ্গল শুনে প্রাণাকুল ।  
একি সর্কনাশ চারিদিক হুলস্থূল ॥  
শূলভে করিয়া পাঠ লর্ডের মরণ ।  
বজ্রাঘাত সম হৃদে লাগিল বেদন ॥  
দিবা নিশি কাঁদে প্রাণ বরে ছুনয়ন ।  
লেখনী অশক্ত শোক করিতে বর্ণন ॥  
সে দিন জজের মৃত্যু করিয়া শ্রবণ ।  
ভাবিতাম মনে এই অনিত্য জীবন ॥  
এবার শুনিয়া হলো ব্যাকুল হৃদয় ।  
নরহত্যাকারি মূল কে করিবে ক্ষয় ॥  
আহা ভগ্নি লেডী মেয়ো মৃতপতি লয়ে ।  
সতত ভাবিছ মনে বিষাদিত হয়ে ॥



কি বলে বুঝাব ভগ্নি সাধা কিছু নাই ।  
 কেবল তোমার শোকে পরিতাপ পাই ॥  
 বৈধব্য বিরূপ বেশ করিয়া ধারণ ।  
 কিরূপেতে দেশে যাবে ভাবি অতুষ্ণ ।  
 ইচ্ছা করে নেতী তব নিকটেতে যাই ।  
 নয়নের নীর নিজ অঞ্চলে মুছাই ॥  
 তু জনে আসিলে ভগ্নি আমাদের তরে ।  
 ভাসিলে ভারতে আজি দুঃখের সাগরে ॥  
 আহা চন্দ্রমুখী সূখী হইবে কেমনে ।  
 নিয়ত বরিষে ধারা আয়ত নয়নে ॥  
 আহা ধনী কুশাঙ্গিনী কনক বরণী ।  
 কে হরিয়া নিল তব হৃদয়ের মনি ?  
 যে হেরিছে তোমারও মলিন বদন ।  
 সেই জন করিতেছে অশ্রু বরিষণ ॥  
 পতি হীনা হয়ে সতী যাইতেছ ফিরে ।  
 ভারতেরে ভাসাইয়া শোক দিন্দু নীরে ।  
 চারি দিকে শূন্যাকার হেরিতেছ সতী ।  
 মুচ্ছাপন্ন অবসন্ন বিনা প্রাণপতি ॥  
 পতি বিনা দেখিতেছ সব অন্ধকার ;  
 সিংহকে শৃগালে বধে একি চমৎকার ॥  
 হা ভগ্নি ! তব এই শোকের সময় ।  
 কেবা না হইছে বল দুঃখিত হৃদয় ॥  
 কি আর কহিব ভগ্নি সাত্ত্বনা বচন ।  
 আর কি সন্তাপ তব হবে নিবারণ ?  
 চাক্ষুশীলা পতিরতা হয়ে বিষাদিনী ।  
 শোক বহু পরে দেশে যাবে একাকিনী ॥  
 হাহাকার করিবে গো আত্ম পরিজন ।  
 স্বামী শোকে আরো কত ভাসিবে নয়ন ॥  
 মনুষ্যের সাধা নাই করিতে সাত্ত্বনা ।  
 তব প্রতি জগদীশ ককন্ ককণা ॥  
 পবিত্র রাখুন তিনি তোমার অন্তর ।  
 শোক তাপ দুর্ভাগতা ইউক অন্তর ॥

শ্রীলক্ষ্মীমণি

# বামাবোধিনী পত্রিকা ।

“ কন্যাদ্ৰবং দালনীয়া শিচ্ছন্যাত্যতিয়ন্নতঃ ”

কন্যাকে পালন করিবেক ও যত্নের সহিত শিক্ষা দিবেক ।

১০৪ সংখ্যা { চৈত্র বঙ্গাব্দ ১২৭৮ } ৭ম ভাগ

## সূচীপত্র ।

১। মির্জার স্বপ্ন	৩৫৭	সাংবাৎসরিক পারি-
২। গার্হস্থ্য দর্পণ	৩৬৩	তোষিক বিতরণ
৩। হিন্দুদিগের বিবাহ		৩৭৩
প্রণালী	৩৬৬	৭। সমুদ্র তল অনেষণ
৪। প্রিয় সখীর প্রতি কোন		৩৭৮
অবলার খেদোক্তি	৩৬৯	৮। বসন্ত বর্ণনা (পদ্য)
৫। কৃত্রিম অঙ্গবিকৃতি-কটি-		৩৮০
বন্ধন	৩৭১	৯। নূতন সংবাদ
৬। শিক্ষয়িত্রী বিদ্যালয়ের		৩৮২
		১০। বামাগণের রচনা
		১১। ৭ম ভাগ বামাবোধিনীর
		সংখ্যা অনুসারে সূচীপত্র ৩৮৩
		১২। ঐ বিষয় অনুসারে সূচীপত্র ৩৮৬

কলিকাতা বামাবোধিনী সভার সাহায্যে

ভারত সংস্কার সভাস্তম্ভ

বামাকুলোন্নতি বিভাগ হইতে

প্রকাশিত ।

কলিকাতা ।

বামাবোধিনী কার্যালয়—কলিকাতা মির্জাপুর ষ্ট্রীট


১৩ সংখ্যক ভবন ।

মূল্য চারি আনা ।



কি বলে বুঝায় স্মৃতি যাহা কিছু নাই ।  
 কেবল মোক্ষের পোষক পরিগ্রহে পাই ॥  
 বৈষ্ণব বিরূপ বেশ করিয়া বারণ ।  
 কিরূপেতে বেশে নারি তা'বি অক্ষয় ॥  
 উদ্ভা করে মেতী তব নিষ্কটোত্ত দাউ ।  
 মর্যাদায় মীর নিচ অকালে মড়াই ॥  
 হু তামে জা'রিনে ত'রি আনন্দের তরে ।  
 বাসিন্দে ভারতে আজি চূড়ামণি মাগরে ॥  
 মাদ্য চন্দ্রমণী কণী উইবে কেমনে ।  
 নিরুত খায়ে দাতা আশ্রিত নরনে ॥  
 সোহা বনী কৃশাঙ্গিনী কনক বরনী ।  
 কে করিয়া নিম তব স্নানের মণি ॥  
 যে দেবিছে হোমোরও মসিন বসম ।  
 সেই তম করিছেছে অশ্রু বরিনে ॥  
 পতি ধীনা হবে সতী সারিছেছ কিরে ।  
 ভারতের সামাইয়া শোক বিহু নীরে ॥  
 চারি দিকে শূন্যকার হেরিছেছ বতী ।  
 মুচ্ছা'রম অবসন্ন সিনা জাগপতি ॥  
 পতি বিদ্যে দেবিছেছ দব অঙ্ককার ।  
 সিংহকে শূন্যানে বধে একি চন্দ্রকার ॥  
 হা তগিনি । তব এই শোকের সমর ।  
 কেনা না উইছে বস স্মৃতিত করব ॥  
 কি আর করিব ত'রি মাগণ্য বচন ।  
 আর কি সতাপ তব হয়ে নিবারণ ॥  
 চাক্ষুশীনা পতিরতা হয়ে বিদ্যাবিনী ।  
 শোক বস পত্র বেগে খাবে একাকিনী ॥  
 হাঙ্গলার করিনে মো অশ্রু পরিচয় ।  
 সানী শোক আনন্দে কত জা'রিনে ময়ন ॥  
 মক্কেলর মাগে তাই করিছেছ মাগণ্য ।  
 তব প্রতি অমরীণ ককল ককণ্য ॥  
 পবিত্র কাপন তিমা হোমোর আশ্রয় ।  
 বোক জাপ সুরিনতা উত্তর আশ্রয় ॥

বামাবোধিনী ।



# বামাবোধিনী পত্রিকা ।

“ কন্যাশ্রেয়ং যালনীয়া শিল্পশায়াতিযলতঃ ”

কন্যাকে পালন করিবেক ও যত্ন সহিত শিক্ষা দিবেক ।

১০৪ সংখ্যা { চৈত্র বঙ্গাব্দ ১২৭৮ } ৭ম ভাগ

### সূচীপত্র ।

১। মির্জার স্বপ্ন	৩৫৭	সাংবাৎসরিক পারি-
২। গার্হস্থ্য দর্পণ	৩৬৩	তোষিক বিতরণ
৩। হিন্দুদিগের বিবাহ		৭। সমুদ্র তল অনুমোহণ
প্রণালী	৩৬৬	৮। বসন্ত বর্ণনা (পদ্য)
৪। তির সখীর প্রতি কোন		৯। সূতন সংবাদ
অবলাব খেদোক্তি	৩৬৯	১০। বামাগণের রচনা
৫। কৃত্তিম অঙ্গবিকৃতি-কটি-		১১। ৭ম ভাগ বামাবোধিনীর
বন্ধন	৩৭১	সংখ্যা অনুসারে সূচীপত্র ৩৮৩
৬। শিক্ষয়িত্রী বিদ্যালয়ের		১২। ঐ বিষয় অনুসারে সূচীপত্র ৩৮৬

কলিকাতা বামাবোধিনী সভার সাহায্যে  
 ভাবত সংস্কার সভাসংগত  
 বামাকুলোন্নতি বিভাগ হইতে  
 প্রকাশিত ।

কলিকাতা ।  
 বামাবোধিনী কার্যালয়—কলিকাতা মির্জাপুর ষ্ট্রীট  
 ১৩ সংখ্যক ভবন ।

মূল্য চারি আনা ।



## বামাবোধিনী পত্রিকার কয়েকটা বিশেষ নিয়ম।

১। মফঃস্বলস্থ নূতন গ্রাহক  
দিগের নিকট হইতে ডাকমাসুল  
সমেত অগ্রিম মূল্য প্রাপ্ত না হইলে  
পত্রিকা প্রেরিত হইবে না।

২। বাকী মূল্য প্রদান করিতে  
একমাসের অধিক বিলম্ব হইলে  
মফঃস্বলের পত্রিকা বন্ধ হইবে।

৩। প্রথম ৩৪ মাসের মধ্যে  
বার্ষিক অগ্রিম মূল্য প্রদত্ত না  
হইলে প্রতি খণ্ডের হিসাবে মূল্য  
গৃহীত হইবে।

৪। মাগামাসিকের ন্যূনে অগ্রিম মূল্য  
গৃহীত হইবে না এবং বৈশাখ হইতে  
আশ্বিন ও কার্তিক হইতে চৈত্র  
মাগামাসিকের এই দুই মাত্র সময়  
থাকিবে।

## বামাবোধিনী পত্রিকার মূল্য।

অগ্রিম বার্ষিক মূল্য।

বৈশাখ হইতে চৈত্র পর্যন্ত।

কলিকাতার জন্য ... ২১০

মফঃস্বলের (ডাকমাসুল সমেত) ২১৫

অগ্রিম মাগামাসিক মূল্য।

কলিকাতার জন্য ... ১০০

মফঃস্বলের (ডাকমাসুল সমেত) ১০৫

প্রতিখণ্ডের মূল্য ... ১০

এককালে ১২ খণ্ডের মূল্য ... ২১০

ক্র ৬ ... ১০

## টাকপড়ার ঔষধ।

আমাদের নিকট একটা উৎকৃষ্ট  
টাক পড়ার ঔষধ বিক্রয় হইতেছে,  
যত দিনের টাক হউক অথবা যে  
কোন প্রকারে চুল উঠিয়া যাউক  
এই ঔষধ ব্যবহার করিলে নূতন  
চুল জন্মিবে। পরীক্ষা দ্বারা দৃষ্ট হই-  
রাছে, এ পর্যন্ত যত লোক ইহা  
ব্যবহার করিয়াছেন প্রায় সকলেরই  
১৫ দিনের মধ্যে নূতন চুল জন্মি-  
য়াছে। ইহা একটি সুগন্ধি তৈল, ইহার  
ব্যবহার প্রণালী শিশির সহিত  
নিখিত আছে। মূল্য ২ আউন্স  
শিশি একটাকা। বিদেশস্থ গ্রাহক-  
গণের ডাক মাসুল দিতে হইবে।

১৪ নং কলেজ স্কো- } মহানগরবিশ  
য়ার। কলিকাতা। } এণ্ড কোং

## বিজ্ঞাপন।

এতদেশীয় স্ত্রীজাতির উন্নতি  
বিষয়ক প্রস্তাব।

বাবু কেশবচন্দ্র সেনের ইংরাজী  
বক্তৃতার বাঙ্গলা অনুবাদ পুস্তকা-  
কারে মুদ্রিত হইয়া আমাদের  
কার্য্যালয়ে বিক্রয়ার্থ প্রস্তুত আছে।  
মূল্য দুই আনা মাত্র।

## বিশেষ বিজ্ঞাপন।

১২৭৭ সালের বামাবোধিনী ভাল  
বাঁধাই হইয়া বিক্রয়ার্থ প্রস্তুত  
আছে। মূল্য ২৬০ মাত্র।

১ম ভাগ হইতে ৫ ম ভাগ পর্যন্ত  
এক একখণ্ড বামাবোধিনী স্বতন্ত্র  
ভাল বাঁধান হইয়াছে। প্রত্যেক  
খণ্ডের মূল্য পূর্বোপেক্ষা ১০ চারি  
আনা অধিক লাগিবে।

## বামাবোধিনী পত্রিকা।

“স্বাধীনতার বাস্তবায়ন”

কল্যাণকে পালন করিবেক ও স্বাধীনতার সহিত শিক্ষা দিবেক।

১০৪ সংখ্যা { চৈত্র বঙ্গাব্দ ১২৭৮ } ৮ম ভাগ

## বিজ্ঞাপন। (১)

মুসলমান ধর্মের সম্বন্ধে পঞ্চমী তিথি অতি পবিত্র দিন। সেই তিথিতে  
আমি একদা যখন মিরনামাছানের হস্ত মুগ্ধ প্রকাশন করিয়া প্রাতঃকালীন  
উপাসনা সমাপন করিলাম। অনন্তর ঈশ্বরের দান ও আরাধনার সমস্ত  
দিন অতিবাহিত করিবার জন্য মোদাদেবের এক উদ্ভূত নিভৃত গর্ভভ্রমণ  
উপস্থিত হইল। পর্ষৎ পূর্বোপরি বায়ু সেবন করিতে করিতে আমি জীবনের  
অনারতা চিন্তায় নিমগ্ন হইয়া অস্বস্তি বিধান বৈরাগ্য ও নিরাশার উদয় হইল।  
তখন ভাবিতে লাগিলাম ‘রূপের স্বপ্নপ্রায় অস্বস্তি জীবনরে।’ ভাবিতে  
ভাবিতে একটা নিকটস্থ পূর্বোপরি বৃত্তিপাত হওয়ায় বীণারূপ একজন  
মেঘপালকে দেখিতে পাইলাম। তাহার প্রতি দৃষ্টিক্ষেপ হইয়া মাত্র সেই  
মেঘপালবিশেষেরই আমি বীণা বাজাইতে আরম্ভ করিলাম। দেহরূপ  
স্বপ্নের বীণাবাদনি আমি পূর্বে কখন শ্রবণ করি নাই। তখন আমার বোধ

(১) সুবিখ্যাত ইংরাজী লেখক স্যার ডব্লিউ. মিলার দেহরূপ কোরো নামের ভ্রমণ  
করিতে গিয়া দত্তকপুত্রি পুরাতন হস্তলিখিত রচনা পান। তদনুযায়ী ‘বিজ্ঞাপন’ নামে এক  
মুসলমানের রচিত ‘বিজ্ঞাপন’ প্রস্তাবসী ভূমি ইংরাজীতে অনুবাদ করেন,  
ইহা তাহারই ভাষাভাষ্য।



## বামাবোধিনী পত্রিকার কয়েকটি বিশেষ নিয়ম।

১। মফঃস্বলস্থ নূতন গ্রাহক  
দিগের নিকট হইতে ডাকমাসুল  
সমেত অগ্রিম মূল্য প্রাপ্ত না হইলে  
পত্রিকা প্রেরিত হইবে না।

২। বাকী মূল্য প্রদান করিতে  
একমাসের অধিক বিলম্ব হইলে  
মফঃস্বলের পত্রিকা বন্ধ হইবে।

৩। প্রথম ৩।৪ মাসের মধ্যে  
বার্ষিক অগ্রিম মূল্য প্রদত্ত না  
হইলে প্রতি খণ্ডের হিসাবে মূল্য  
গৃহীত হইবে।

৪। ষাণ্মাসিকের ন্যূনে অগ্রিম মূল্য  
গৃহীত হইবে না এবং বৈশাখ হইতে  
আশ্বিন ও কার্তিক হইতে চৈত্র  
ষাণ্মাসিকের এই দুই মাত্র সময়  
থাকিবে।

## বামাবোধিনী পত্রিকার মূল্য।

অগ্রিম বার্ষিক মূল্য।

বৈশাখ হইতে চৈত্র পর্যন্ত।

কলিকাতার জন্য	২।০
মফঃস্বলের (ডাকমাসুল সমেত)	২।৫
অগ্রিম ষাণ্মাসিক মূল্য।	
কলিকাতার জন্য	১।০
মফঃস্বলের (ডাকমাসুল সমেত)	১।৫
প্রতিখণ্ডের মূল্য	।০
এককালে ১২ খণ্ডের মূল্য	২।০
ঐ	১।০

## টাকপড়ার ঔষধ।

আমাদের নিকট একটা উৎকৃষ্ট  
টাক পড়ার ঔষধ বিক্রয় হইতেছে,  
যত দিনের টাক হউক অথবা যে  
কোন প্রকারে চুল উঠিয়া যাউক  
এই ঔষধ ব্যবহার করিলে নূতন  
চুল জন্মিবে। পরীক্ষা দ্বারা দৃষ্ট হই-  
য়াছে, এ পর্যন্ত যত লোক ইহা  
ব্যবহার করিয়াছেন প্রায় সকলেরই  
১৫ দিনের মধ্যে নূতন চুল জন্মি-  
য়াছে। ইহা একটি সুগন্ধি তৈল, ইহার  
ব্যবহার প্রণালী শিশির সহিত  
লিখিত আছে। মূল্য ২ আউন্স  
শিশি একটাকা। বিদেশস্থ গ্রাহক-  
গণের ডাক মাসুল দিতে হইবে।

১৪ নং কলেজ স্কো- } মহলানবিশ  
য়ার। কলিকাতা। } এণ্ড কোং

## বিজ্ঞাপন।

এতদেশীয় স্ত্রীজাতির উন্নতি  
বিষয়ক প্রস্তাব।

বারু কেশবচন্দ্র সেনের ইংরাজী  
বক্তৃতার বাঙ্গলা অনুবাদ পুস্তকা-  
কারে মুদ্রিত হইয়া আমাদের  
কার্যালয়ে বিক্রয়ার্থ প্রস্তুত আছে।  
মূল্য দুই আনা মাত্র।

## বিশেষ বিজ্ঞাপন।

১২৭৭ সালের বামাবোধিনী ভাল  
বাঁধাই হইয়া বিক্রয়ার্থ প্রস্তুত  
আছে। মূল্য ২।৫০ মাত্র।

১ম ভাগ হইতে ৫ম ভাগ পর্যন্ত  
এক একখণ্ড বামাবোধিনী স্বতন্ত্র  
ভাল বাঁধান হইয়াছে। প্রত্যেক  
খণ্ডের মূল্য পূর্বাপেক্ষা ১০ চারি  
আনা অধিক লাগিবে।

# বামাবোধিনী পত্রিকা।

“কন্যাঈবং দালনীয়া শিচ্ছশায়াতিয়ন্নতঃ”

কন্যাকে পালন করিবেক ও যত্নের সহিত শিক্ষা দিবেক।

১০৪ সংখ্যা { চৈত্র বঙ্গাব্দ ১২৭৮ } ৮ম ভাগ

## মিজার স্বপ্ন। (১)

মুসলমান ধর্মের মতে পঞ্চমী তিথি অতি পবিত্র দিন। সেই তিথিতে  
আমি একদা যথা নিয়মানুসারে হস্ত মুখ প্রক্ষালন করিয়া প্রাতঃকালীন  
উপাসনা সমাপন করিলাম। অনন্তর ঈশ্বরের ধ্যান ও আরাধনায় সমস্ত  
দিন অতিবাহিত করিবার জন্য বোগদাদের এক উত্তম নিভৃত পর্বতদেশে  
উপস্থিত হইলাম। পর্বত শৃঙ্গোপরি বায়ু সেবন করিতে করিতে মানব জীবনের  
অসারতা চিন্তায় নিমগ্ন হইয়া অন্তরে বিষম বৈরাগ্য ও নিরাশার উদয় হইল।  
তখন ভাবিতে লাগিলাম ‘স্থায় স্বপনপ্রায় মানব জীবনরে।’ ভাবিতে  
ভাবিতে একটা নিকটস্থ শৃঙ্গোপরি দৃষ্টিপাত হওয়াতে বীণাহস্ত একজন  
মেঘপালকে দেখিতে পাইলাম। তাহার প্রতি দৃষ্টিক্ষেপ হইবা মাত্র সেই  
মেঘপালবেশধারী অমনি বীণা বাজাইতে আরম্ভ করিলেন। সেরূপ  
সুসধুর বীণাধ্বনি আমি পূর্বে কখন শ্রবণ করি নাই। তখন আমার বোধ

(১) সুবিখ্যাত ইংরাজী লেখক আডিসন মিসর দেশের কেরো নগরে ভ্রমণ  
করিতে গিয়া কতকগুলি পুরাতন হস্তলিখিত রচনা পান। তন্মধ্যে মিজার নামে এক  
মুসলমানের রচিত “মিজার স্বপ্ন” প্রস্তাবটি তিনি ইংরাজীতে অনুবাদ করেন,  
ইহা তাহারই ভাষান্তর।



হইতে লাগিল আমি যেন দেবলোকে উপস্থিত হইয়াছি। আমার মন বিগলিত হইল, আমি অভূতপূর্ব আনন্দ অনুভব করিতে লাগিলাম।

শুনিয়াছিলাম ঐ শৃঙ্গদেশ কোন উপদেবতার আবাস স্থান। আমার মত অনেকেই সেই স্থলে ঐরূপ বীণাধ্বনি শ্রবণ করিয়াছিল, কিন্তু ইতিপূর্বে কাহার সমক্ষে সেই উপদেবতা দৃশ্যমান হয়েন নাই। আমাকে মোহিতপ্রায় দেখিয়া তিনি সঙ্কেতপূর্বক আহ্বান করিলেন। সসন্ত্রম ও শঙ্কাকুল চিত্তে আমি তাঁহার সমীপস্থ হইলাম। সুমধুর সঙ্গীত শ্রবণে আমি এরূপ মুগ্ধ হইয়াছিলাম, যে তাঁহার সমীপে উপস্থিত হইয়াই সহসা তাঁহার পাদদেশে সাক্ষাৎ পতিত হইয়া অশ্রুবারি বিসর্জন করিতে লাগিলাম। সেই উপদেব সহাস্যমুখে আদরের সহিত আমার সঙ্গে সম্ভাষণ করিতে লাগিলেন। অবিলম্বে তাঁহার সহিত আমার সৌহার্দ জন্মিল এবং তদীয় প্রফুল্লবদন অবলোকন করিয়া চিত্ত হইতে সমুদায় শঙ্কা দূরীভূত হইল। তখন তিনি আমার হস্তধারণ করিয়া আমাকে উত্তোলন করিলেন এবং কহিলেন “মির্জা, আমি তোমার নির্জ্জনভাষ শ্রবণ করিয়াছি, আমার পশ্চাৎ পশ্চাৎ আইস।”

তাঁহার আদেশানুসারে সেই পর্বতের সর্বোচ্চ চূড়ায় উথিত হইলাম। তখন তিনি আমাকে বলিলেন ‘ঐ পূর্বদিকে চাহিয়া বল দেখি, তুমি কি দেখিতেছ?’ আমি কহিলাম তথায় একটা সুবিস্তৃত উপত্যকা প্রসারিত রহিয়াছে, এবং তাহার মধ্য দিয়া একটা স্নোতস্বতী প্রবাহিত হইতেছে। তিনি কহিলেন ঐ উপত্যকার নাম দুঃখভূমি, এবং ঐ নদী অনন্তকালের অংশ মাত্র। আমি জিজ্ঞাসা করিলাম ‘ঐ নদীর দুই প্রান্তদেশ কুজ্বাটিকায় আরত কেন? উহার উৎপত্তি ও পতন কিছুই স্পষ্ট দৃষ্টিগোচর হয় না কেন?’ মেঘপালবেশধারী উত্তর করিলেন ‘নদীর এই অংশকে কাল কহে, সূর্য্য উহার পরিমাণকর্তা, পৃথিবীর উৎপত্তি উহার আদি, পৃথিবীর বিনাশ উহার শেষ।’ অনন্তর, তিনি কহিলেন ‘ঐ জলরাশি ভালরূপ পর্য্যবেক্ষণ করিয়া দেখ দেখি কি দেখিতেছ?’ আমি বলিলাম ‘একটা সেতু দেখিতেছি।’ এই বাক্যের প্রত্যুত্তরে তিনি কহিলেন ‘ঐ সেতু মনুষ্য জীবন, অবধান সহকারে উহা পরিদর্শন কর।’ স্থিরনেত্রে দর্শন করিয়া

প্রতীত হইল ঐ সেতুতে সত্তরটি অভয় এবং কতকগুলি ভয় খিলান রহিয়াছে। খিলান সমুদায়ে প্রায় একশত। যখন আমি এই খিলানগুলি গণনা করিতে ছিলাম, উপদেব কহিলেন, ‘পূর্বে এই সেতু প্রায় সহস্র খিলানে নিশ্চিত ছিল, কিন্তু বন্যাস্রোতে অধিকাংশ বিনষ্ট হইয়া গিয়াছে, অবশিষ্ট কয়েকটা তোমার সমক্ষেই রহিয়াছে। (২) এখন বল দেখি আর কি দেখিতেছ?’ প্রত্যুত্তরে কহিলাম ‘অবিশ্রান্ত লোকপ্রবাহ ঐ সেতু দিয়া কোথায় যাইতেছে। তাহারা ঐ অক্ষুট তমসচ্ছন্ন নদীমুখ হইতে বহির্গত হইয়া উহার অপর প্রান্তাভিমুখে গমন করিতেছে।’ অভিনিবিষ্টচিত্তে যত দেখিতে লাগিলাম, বোধ হইল, অনেক লোক সেতুর মধ্য দিয়া নিম্নস্থ নদীস্রোতে পতিত হইয়া অদৃশ্য হইতেছে। সেই সেতুর মধ্যে মধ্যে সর্বস্থানেই অসংখ্য গুপ্তদ্বার লুক্কায়িত আছে। বহুসংখ্যক লোকই কুজ্বাটিকা হইতে বহির্গত হইয়াই এই প্রকার গুপ্তদ্বার দিয়া নদীস্রোতে নিপতিত হইতেছে। সেতুর মধ্যস্থলে লোক সংখ্যা কিছু অধিক। জনপ্রবাহ যতই সেতুর প্রান্তাভিমুখে যাইতেছে, ততই সংখ্যা হ্রাস হইয়া আসিতেছে। অতি অল্প সংখ্যক লোককে অভয় সেতুগুলি অতিক্রম করিয়া ভয় সেতু দিয়া যাইতে দেখিলাম। ইহাদিগের পদ প্রায়ই স্থলিত হইতেছিল। প্রতিক্ষণেই পতনের আশঙ্কা! দেখিলাম বহুদূরের পথশ্রান্তিতে ক্লান্ত হইয়া একে একে সকলেই পদস্থলিত হইয়া পড়িতেছে। (৩)

(২) পুরাতন বাইবেল ইহুদী, খৃষ্টান ও মুসলমানেরা মানিয়া থাকেন। তাহার মতে মনুষ্যেরা আদি কালে একহাজার বৎসর বাঁচিত। পরে তাহারা অত্যন্ত পাপী হওয়াতে ঈশ্বর এক মহা জলপ্লাবনে সক কে বিনষ্ট করেন। নোয়া নামে এক জন ধার্মিক ছিলেন, তিনিই সপরিবারে রক্ষা পান। জলপ্লাবনের পর মনুষ্যের পরমায়ু কমিয়া মোটে ৭০ বৎসর দাঁড়াইয়াছে। অল্পলোক ১০০ বৎসর বাঁচে অতএব বাকী ৩০ বৎসর ভাঙ্গা চুরার মধ্যে।

(৩) সেতুর মধ্যে গুপ্তদ্বার, অর্থাৎ অকাল মৃত্যুর কারণ অনেক আছে, শৈশব অবস্থায় অকাল মৃত্যু ঘটনা অধিক হয়। মধ্যম বয়সে মৃত্যু সংখ্যা কম এবং অধিক বয়সে আবার সংখ্যা অধিক হয়। ৭৩ বৎসরের পর অল্প লোক বাঁচে এবং তাহারা জীবনমুত প্রায় হইয়া থাকে।



এই সমস্ত বিষয় আলোচনা করিতে করিতে আমার মন অতি ক্ষুব্ধ হইল। ভাবিলাম হায়! কত লোক আমোদ প্রমোদের মধ্য হইতে বিচ্ছিন্ন হইয়া জলসাৎ হইয়া যাইতেছে, এবং জলসাৎ হইয়া আত্মরক্ষার্থ নিকটস্থ আশ্রয় গ্রহণ করিয়াও বিফল হইতেছে! কত লোক উর্দ্ধদৃষ্টি গগণের দিকে চাহিয়া ভাবিতে ভাবিতে যেমন পদস্থলিত হইল, অমনি কোথায় অদৃশ্য হইয়া গেল। অসংখ্য যাত্রিগণ নানাবিধ সূচিকণ দ্রব্য লাভার্থ ব্যস্ত সমস্ত হইয়া নৃত্য করিতে করিতে যেমন সেই সমস্ত বস্ত্র গ্রহণ করিতে যাইবে, অমনি তাহারা নিপতিত হইয়া জলসাৎ হইয়া গেল! কেহ তরবারি ধারণ করিয়া অপর লোককে বলপূর্বক গুপ্ত দ্বার দিয়া পাতিত করিল। হায়! এরূপ না হইলে ইহারা হয়তো আরও কিয়ৎক্ষণ জীবিত থাকিত! (৪)

মেঘপালবোধধারী আমার মলিন বদন দেখিয়া আমাকে আদেশ করিলেন 'মির্জা! তোমার নয়নদ্বয় ঐ সেতু হইতে প্রত্যাবর্তন কর, এবং উর্দ্ধদিকে দৃষ্টিক্ষেপ করিয়া বল দেখি কি দেখিতেছ?' আমি উপরে চাহিয়া দেখি নানাবিধ বিহঙ্গমগণ সেতুর উপর উড়িয়া বেড়াইতেছে। কোথাও গৃধ্রী-দল, কোথায় বায়স শ্রেণী, স্থানান্তরে বকমালা, এবং কোন স্থানে কতিপয় পক্ষযুক্ত শিশু উড়িয়া আসিয়া একবার সেতুর মধ্যদেশে উপবেশন করিতেছে, পরক্ষণে আবার আকাশে উড়ীন হইতেছে। (৫) ইহাদিগের বৃত্তান্ত জিজ্ঞাসা করিতে উপদেব কহিলেন, ঐ পক্ষিগণের নাম হিংসা, দ্বেষ, কাম, ক্রোধ, লোভ মোহ, ভ্রম ও নৈরাশ্র। ইহারা নিয়তই মানবজীবনকে পরিবৃত্ত করিয়া রহিয়াছে।'

এই স্থলে আমি একটি দীর্ঘ নিশ্বাস পরিত্যাগ করিলাম।

(৪) মৃত্যু আমোদের মধ্যে ঘুবাঙ্গিকে আক্রমণ করে, তাহারা চিকিৎসকের সাহায্য লইয়াও নিস্তার পায় না! কত লোক জ্যোতির্বিদ্যা আলোচনা ও ধর্ম চিন্তা করিতে করিতে মরিয়া যান। পৃথিবীর ধন মান সুখ ঐশ্বর্য ই সুচিকণ বস্ত্র, কত লোক অনেক কষ্টে তাহা সন্তোষ করিতে গিয়া মৃত্যুমুখে পতিত হয়। যুদ্ব মৃত্যুদ্বারা অনেক অকাল মৃত্যু সংঘটিত হয়।

(৫) যৌবন কালে কাম কুপ্রবৃত্তি মনুষ্যের হৃদয়কে অধিক আক্রমণ করে। গ্রীক-দিগের পুরাণে কামদেব পক্ষযুক্ত বালক বলিয়া বর্ণিত আছে।

আমি বলিলাম "যথার্থই মানব জীবন নিতান্ত অসার। শোক তাপ, দুঃখরাশি ও মৃত্যু তাহার চারিদিক ঘেরিয়া আছে, জীবিত-কাল দুঃখে অতিবাহিত করিয়া অবশেষে তাহাকে কালের করালগ্রাসে নিপতিত হইতে হয়।" আমার এই সমস্ত বচন শ্রবণে উপদেব ককণাদ্র হইয়া আমাকে সেই দুঃখভূমি হইতে লোচনদ্বয় ফিরাইয়া লইতে কহিলেন। তাহার আদেশানুসারে অপর দিকে নয়ন নিক্ষেপ করিয়া দেখি ঘন কুজ্বাটিকাবলী সহসা তিরোহিত হইতে লাগিল। তখন দর্শন করিলাম পূর্বকার সেই উপত্যকা ভূমি বিস্তৃত হইয়া এক মহা সমুদ্রের তীরভূমি হইয়াছে। একটি প্রস্তরময় প্রাচীর এই সমুদ্রকে দুইভাগে বিভক্ত করিয়াছে। (৬) একাঙ্গ ঘন কুজ্বাটিকায় আবৃত, তাহার মধ্যে কিছুই লক্ষিত হয় না, অপরাঙ্গ একটি বৃহৎ সাগর বলিয়া প্রতীয়মান হইল। তাহার মধ্যে মধ্যে নানাবিধ ফলফুলশোভিত দ্বীপাবলী স্থাপিত রহিয়াছে এবং দ্বীপাবলীর চারি পার্শ্বে বারিরাশির স্রোত বহিতেছে। দর্শন করিলাম, সুন্দর দ্বীপবাসিরা কখন নির্ঝরের শোভা দর্শন করিতেছে, কখন বৃক্ষতলে সুরম্য ছায়া সন্তোষ, কখন বা পুষ্পবন মধ্যে বিচরণ, কখন কুঞ্জবনের মধুর সঙ্গীত শ্রবণ করিয়া বেড়াইতেছে। এই সমস্ত মনোহর প্রদেশ দর্শন করিয়া আমার নয়ন পরিতৃপ্ত হইল, মনে আনন্দের উদয় হইল। দেখিলাম এখানে লোকের রোগ নাই, শোক নাই, সদাই আনন্দ ও পরিতোষ। আমার ইচ্ছা হইল আমি উড়ীন হইয়া তথায় উপনীত হই। কিন্তু উপদেব কহিলেন তথায় গমন করিবার কোন পন্থা নাই। মৃত্যু নামে একটি মাত্র সঙ্কীর্ণ পথ সেই দ্বীপাবলীকে সংযুক্ত করিয়াছে। দেখিলাম এই পথের দ্বারদেশ অহরহ উন্মুক্ত ও আবদ্ধ হইতেছে। পূর্বকার সেই সেতু শ্রেণীর সহিত এই দ্বার দেশের সংযোগ রহিয়াছে। তীরভূমির বালুকাপুঞ্জের যেমন সংখ্যা নাই, এই দ্বীপাবলীও তদ্রূপ

(৬) পরলোকে ধার্মিক ও অধার্মিক এই দ্বিবিধ লোকের দ্বিবিধ বাসস্থান। ধার্মিকেরা সর্বসুখপূর্ণ আনন্দ রাজ্যে এবং পাপীরা অন্ধকার নয় দুঃখের রাজ্যে বাস করে।



অসংখ্য। একদৃষ্টি দেখিলে যেমন সূক্ষ্ম তারকারাজির মধ্য হইতেও নানা অক্ষুট ক্ষুদ্র ক্ষুদ্র তারকা অনুদৃষ্ট হয়, যেমন দৃষ্টির অতীত গগন ক্ষেত্রের দূর দেশ হইতেও এক একটা তারকা লক্ষ্যস্থলে পতিত হইতে থাকে; তদ্রূপ এই সমুদ্র মধ্যে দর্শনাতীত দূর দেশ হইতেও এক একবার যেন এক একটা দ্বীপ দৃষ্ট হইতে লাগিল। এই সমস্ত দ্বীপ গতাত্ম ধর্মাত্মাদিগের আবাস ভূমি। প্রতি দ্বীপই নিবাসিগণের উপযোগী। কিন্তু কোন দ্বীপের সুখস্বচ্ছন্দ অন্য দ্বীপের সহিত সমান নহে। বিভিন্ন প্রকার সুখ ও আনন্দে এই সকল দ্বীপ পরিপূর্ণ। যিনি যে পরিমাণে ধার্মিক, তিনি তদ্রূপ আনন্দ প্রাপ্ত হইয়াছেন। উপদেব আমাকে সম্বোধন করিয়া কহিলেন, ‘মির্জা! তোমার কি ইচ্ছা হয় না, একরূপ একটা দ্বীপে আসিয়া তুমি বাস কর? জীবন কি দুঃখময়! কিন্তু সেই জীবনই একরূপ, সুখলাভের উপায় স্বরূপ। মৃত্যু একরূপ শান্তিধামে যাইবার দ্বার স্বরূপ, অতএব তাহাকে কি ভয়ানক বলিয়া জ্ঞান করা উচিত? যে মানবের পরিণাম একরূপ সুখময়, সে স্বথা সৃষ্ট হইয়াছে মনে করিও না। আমি কতক্ষণ ধরিয়া আনন্দের সহিত সেই সমস্ত দ্বীপের প্রতি চাহিয়া রহিলাম। পরে কহিলাম, ‘হে দেব! যদি আমার প্রতি স্নেহ প্রসন্ন হইয়াছ, তবে এই সমুদ্রের ঐ তমসাচ্ছন্ন অপরভাগে কি আছে, অনুগ্রহ করিয়া দেখাইলে পরম চরিতার্থ হই।’ এই কথা বলিয়া যেমন তাহার প্রতি দৃষ্টিক্ষেপ করিলাম, অমনি তিনি অদৃশ্য হইলেন। ফিরিয়া অপর দিকে দেখি, সে উপত্যকা ভূমিও নাই, সে স্রোতস্বতীও নাই, সে সমুদ্রও কোথায় গিয়াছে। তৎপরিবর্তে দেখি, পূর্বে আমি বোগদাদের (৭) যে পর্বত দেশে বসিয়া ছিলাম, সেই স্থলেই উপবিষ্ট রহিয়াছি; চারিপার্শ্বের পর্বতে হরিণ, মেঘ, রূষ এবং উষ্ণাদি বিচরণ করিতেছে।

মির্জার প্রথম স্বপ্ন সমাপ্ত।

(৭) আসিয়ার তুরস্কের প্রাচীন নগর বোগদাদ টাইগ্রিস নদীর উপর স্থাপিত।

কালিক নামে মুসলমান সম্রাটেরা তথায় রাজত্ব করিতেন।

## গার্হস্থ্য দর্পণ।

গৃহিণীর কি ২ গুণ থাকা আবশ্যিক এবং কি ২ কর্তব্য এক্ষণে তাহা নিরূপণ করা যাইতেছে। কিন্তু প্রথমত কিসে সংসারের সুখ হয় তাহা বিবেচনা করা উচিত।

সংসারের সকলে সুস্থ থাকিয়া নির্বিঘ্নে আহারবিহারাদি ও স্বীয় ২ কর্ম সম্পাদন করিতে পারিলে ও পরস্পরে সদ্ভাব থাকিলে সংসারের সুখ হয়। অতএব সকলকে সুস্থ রাখিবার নিমিত্ত, সকলের আহারাদি ক্রিয়া সুসম্পন্ন করণার্থ এবং পরস্পরের মধ্যে সদ্ভাব রাখিবার নিমিত্ত যে সকল কার্য গৃহিণীকে করিতে হয় তাহাই তাহার কর্তব্য কর্ম। সেইসকল কর্ম শিক্ষা করিতে গেলে অন্য কোন স্থনিপুণ গৃহিণীর কার্য নিরীক্ষণ করিয়া সেইরূপ কার্য করিতে হয়, তৎ কার্যসমুদয় সাধনার্থ যে ২ গুণ থাকা আবশ্যিক সেইসকল গুণ নিজের স্বভাবের সহিত সংতুল্য করিয়া লইতে হয় এবং সেইসকল কার্য বিষয়ক কোন গ্রন্থ থাকিলে তাহাও পাঠ করিতে হয়। পুস্তক পাঠে সাংসারিক কার্যপ্রণালীর সাধারণ নিয়ম শিক্ষা করিবার প্রত্যাশা করা যায় বটে, কিন্তু নিজের বুদ্ধিঅনুসারে নিজের অবস্থা বিবেচনা পূর্বক সেই সকল নিয়মের তারতম্য করিয়া না লইলে কিছুই ফললাভ হয় না। কার্যের নিয়ম করাই কার্যসিদ্ধির নিগূঢ় উপায়, সেই নিয়ম গুলি স্থির করাই গৃহিণীর বুদ্ধির প্রধান কার্য; তাহা করিবার সময় তাহার দেশ কাল অবস্থা এবং সংস্থান সমুদয় বিবেচনা করিতে হয়।

কাহাকে বা দুই একটি কুটীরের মধ্যেই সমস্ত কার্য করিতে হয়, কাহার বা বহু অট্টলিকা। কাহার বা অনেক দাস দাসী রাখিবার ক্ষমতা, কেহ বা স্বয়ং যাহা না করিবেন তাহা করিবার আর কেহ নাই। কেহ বা কার্যক্ষম আত্মীয়বর্গ হইতে অনেক সাহায্য পাইতে পারেন, কাহার বা সেরূপ হয় না। কাহার প্রতি ষষ্ঠীর অনুগ্রহ লক্ষ্মীর নিগ্রহ, কাহার প্রতি বা লক্ষ্মীর অনুগ্রহ ষষ্ঠীর নিগ্রহ, কাহার প্রতি উভয়েরই অনুগ্রহ, কাহারও প্রতি উভয়েরই নিগ্রহ। অবস্থা ও সংস্থান যেমনই হউক



গৃহিণী যদি সে সকল বিবেচনা করিয়া কার্যের নিয়ম করেন এবং যত্ন করিয়া তাহা পালন করেন তাহা হইলেই তাঁহার যথা কৰ্তব্য সাধন হইবে। কার্যের নিয়ম করিবার পূর্বে সেই কার্যটি কি, তাহা প্রথমতঃ নির্ণয় করা আবশ্যিক। এইটি বড় সহজে বলা যায় না। যেমন রাজার কার্য প্রজাপালন, তেমনি গৃহিণীর কার্য সংসার প্রতিপালন। কি করিলে প্রজাপালন করা হয় তাহা নির্ণয় করাও যেমন, সংসার প্রতিপালন করাও তেমনি সহজ নহে। প্রজাপালনের নিমিত্ত এত অসংখ্যপ্রকার কার্য আবশ্যিক যে রাজকর্মচারিসমূহের সংখ্যা বিবেচনা করিলে এবং তজ্জন্য কত ভূরি ২ নিয়ম আবশ্যিক তাহা বিচারালয়ের পুস্তকাগারে দেখিলে অনুভব করা যায়। সংসার প্রতিপালনের নিমিত্তও সেইরূপ অসংখ্যপ্রকার কার্য করিতে হয়। গৃহস্বামীর কৰ্তব্য যে তিনি যথাসাধ্য অর্থ উপার্জন করেন। গৃহিণীর কৰ্তব্য যে তিনি সেই অর্থের আবশ্যিক অংশ গ্রহণ করিয়া সংসারের সকলের যথাযোগ্য আহারাচ্ছাদন প্রদান পূর্বক ভরণপোষণ করেন এবং সকলকে সুখী রাখেন। শরীর রক্ষার নিমিত্ত স্নানাহার শয়নাদির উপযোগী দ্রব্য সকল আহরণ করা, প্রস্তুত করা ও যত্নে রক্ষা করা সকলের জন্যেই আবশ্যিক। শিশুদিগকে সুনীতি শিক্ষাদান ও বিদ্যাধ্যয়নের সহায়তা করা বিশেষ আবশ্যিক, এই সকল ক্রিয়া সম্পাদনার্থে যে সকল বস্তুর আয়োজন করিতে হয়, সে সকল যত্ন করিয়া রাখাও তাঁহার একটি প্রধান কার্য।

এইস্বলেই দুই প্রকার কার্য লক্ষিত হইতেছে; এক প্রকার কার্যের অভিপ্রায় আহারাদি ক্রিয়ার দ্রব্য সামগ্রী প্রস্তুত করণ, অপর প্রকার কার্যের অভিপ্রায় প্রয়োজনীয় বস্তুসমূহের সংগ্রহ ও সংরক্ষণ। কিন্তু সকল কার্যের পূর্বে কাহার প্রতি কেমন ব্যবহার করিতে হয় সে বিষয়ে বিশেষ যত্নশীল হওয়া আবশ্যিক। একেবারে সমুদয় বিষয় শিক্ষাকরা যায় না, অতএব গৃহিণীরা মনে করিয়া রাখুন একে একে এই সকল বিষয় তাঁহাদিগকে শিক্ষা করিতে হইবে। যথা, প্রথমতঃ কাহার প্রতি কিরূপ ব্যবহার কর্তব্য; দ্বিতীয়তঃ শরীর রক্ষার্থে যে সকল কার্য আবশ্যিক; তৃতীয়তঃ উক্ত কার্যসকল নির্বিঘ্নে ও সহজে সম্পাদন করিবার নিয়ম; চতুর্থতঃ রোগাদি বিশেষ ঘটনা কালীন কৰ্তব্য-

বিধান। গৃহিণীরা এইসকল বিষয় মনে রাখিয়া কর্ম করিতে পারিলেই সংসারের সকলে সম্ভাবে ও সুস্থশরীরে থাকিয়া সচ্ছন্দে স্বীয় ২ কৰ্তব্যানুষ্ঠান করিতে সমর্থ হইবেন। এজন্য গৃহিণীর যে সকল গুণ থাকা অত্যাবশ্যিক তন্মধ্যে প্রধান গুণভক্তি, পতিপরায়ণতা, স্নেহ, সহিষ্ণুতা, দয়া ও সুশীলতা। এই কতিপয় গুণ থাকিলে তিনি সকলের প্রতি সম্ভাব রাখিয়া সকলের প্রীতিভাজন হইতে পারেন। পরে সংসারের কর্ম সুসম্পন্ন করণার্থে যে সকল গুণ থাকা বিশেষ আবশ্যিক তন্মধ্যে প্রধান পরিশ্রমশীলতা, পরিষ্কার প্রিয়তা, মিতাচার ও মিতব্যয়িতা। এই সকল গুণ থাকিলে তাঁহার সাংসারিক কার্য সাধনে সক্ষম হইতে পারেন। সংসারের সকলকে সুখী করিব এইটি মনে সঙ্কল্প করিয়া, এবং নিয়মই সকল কার্যের প্রধান সাধন এইটি মনে দৃঢ় বিশ্বাস করিয়া কর্ম করিলেই সাংসারিক কার্য সুসম্পাদিত হইবে। সামান্যতঃ যে চারিটি বিষয় গৃহিণীদিগের শিক্ষাকরা কৰ্তব্য বলিয়া নির্দ্ধারিত হইল, তাহাদিগের বিশেষ বিবেচনা করিলে পঞ্চাঙ্গিথিত রূপে বিভাগ করা যাইতে পারে। প্রথমতঃ, কাহার প্রতি কিরূপ ব্যবহার করা কৰ্তব্য এইটি ধর্মনীতির বিষয় এবং ইহার অন্তর্গত বিষয় সকলের মধ্যে বিশেষ আবশ্যিক এই কয়েকটি—১ গুরুলোকের সেবাশুক্রবা, ২ স্বামিসেবা, ৩ শিশুপালন, ৪ আত্মীয়দের প্রতি সদ্যবহার ও লোকাচার, ৫ অধীনস্থ ব্যক্তিদিগের প্রতি সদ্যবহার, ৬ দয়াপ্রকাশ ও দান।

দ্বিতীয়তঃ। সংসারের সকল লোকের স্বাস্থ্যরক্ষার্থে যে সকল কার্য আবশ্যিক তাহা স্বাস্থ্যরক্ষার বিষয় এবং তদন্তর্গত বিষয় সকলের মধ্যে বিশেষ আবশ্যিক শিশু, বালক, যুবা, বৃদ্ধ এপ্রকার বয়স ভেদে স্নান বিধি, আহার বিধি, ও শয়ন বিধি। ইহার মধ্যে আহার বিধি শিক্ষা করণ কালীন আহারীয় বস্তুসকলের গুণ, পাকক্রিয়া ও বহুবিধ খাদ্য প্রস্তুতকরণ বিধি শিক্ষা করা কৰ্তব্য।

তৃতীয়তঃ। উক্ত কার্য সকল নির্বিঘ্নে ও সহজে সম্পাদন করিবার নিয়ম। এই বিষয়টি সাংসারিক কার্যপ্রণালী পক্ষে গৃহিণীদিগের বিশেষ মনোযোগের যোগ্য এবং ইহার অন্তর্গত বিষয় সকল এইকয়েকটিঃ—১ গৃহসজ্জা



অর্থাৎ কি ২ দ্রব্য সামগ্রী কি ২ কর্মের নিমিত্ত আবশ্যক এবং কিরূপ নিয়মে সেইসকল দ্রব্য রাখিতে হয়; ২ পরিষ্কার বিধি অর্থাৎ কি নিয়মে বাটীর সমুদয় স্থান পরিষ্কার থাকে এবং কি ২ দ্রব্য কিরূপে পরিষ্কার করিতে হয়; ৩ সময়ের নিয়ম অর্থাৎ কোন সময়ে কিরূপ কার্য করিলে সুবিধা হয়; ৪ পরিমিতাচরণ বিধি অর্থাৎ পুরাণ জিনিশের ব্যবহার, ছেঁড়া ও ভাঙ্গা জিনিশের মেরামত, নানাপ্রকার সামান্য অথচ অতি প্রয়োজনীয় বস্তু প্রস্তুত করণ বিধি; ৫ হিসাব রাখিবার নিয়ম ।

চতুর্থতঃ । রোগাদি বিশেষ ঘটনাকালীন কর্তব্য বিধান । ইহার অন্তর্গত বিষয় সকল যথা, ১ সামান্যতঃ রোগীর প্রতি যত্ন; ২ যে সকল রোগ অকস্মাৎ প্রকাশ পায় এবং শীঘ্র প্রতিকার না করিলে হানি হইতে পারে সে সকল রোগের প্রতিকার; ৩ আইন সংক্রান্ত যে সকল বিষয় সকল লোকের জানা আবশ্যক; ৪ ক্রিয়া কাণ্ডাদি উপস্থিত হইলে কি রূপ নিয়মাবলম্বন করিলে কার্য সুসম্পাদিত হয় ।

যাঁহারা গৃহিণীর কার্য শিক্ষা করিতে ইচ্ছা করেন, তাঁহারা উক্ত বিষয় সকলের মধ্যে এক একটি বিষয়ে এক এক সময় বিশেষ মনোযোগ করিলে শীঘ্র সমস্ত বিষয়ই অনায়াসে শিক্ষা করিতে পারিবেন ।

## হিন্দুদিগের বিবাহ প্রণালী ।

( ৩৪৫ পৃষ্ঠার পর )

দত্তক পুত্র নিজ গ্রহীতা গ্রহিত্রীর এবং জনক ও জননীর সগোত্রা বা সপিণ্ডা কন্যাকে বিবাহ করিবে না । গ্রহীতা ও গ্রহিত্রীর সহিত পিণ্ডের এবং জনকজননীর সহিত রক্তের সম্বন্ধ, হিন্দুশাস্ত্রে এ উভয় সমান বলিয়া মান্য । কিন্তু নিকট সম্বন্ধের কন্যা তিন গোটের মধ্যে না পড়িলে তাহাকে বিবাহ করা যাইতে পারে ।

অসম্বন্ধা ভবেদ্যাতু পিণ্ডেনৈনোদকেন বা ।

সম বিবাহা দ্বিজাতীনাং ত্রিগোত্রান্তরিতা চ বা ॥

যে কন্যার সহিত জল বা পিণ্ডদ্বারা সম্পর্ক না থাকে অথবা যে ত্রিগোত্রান্তরিতা তাহাকে বিবাহ করা যাইতে পারে ।\*

জননীর সপত্নীর ভ্রাতৃকন্যা এবং ঐ কন্যার কন্যা বিবাহ্য নয় । মাতৃনাম্নী কন্যা অবিবাহ্য ।

মাতুর্নাম গৃহস্যং সুপ্রসিদ্ধ মথাপি বা ।

তন্নাম্নী যা ভবেৎ কন্যা মাতৃনাম্নীং প্রচক্ষতে ॥

প্রমাদাদ্ যদি গৃহীয়াৎ প্রায়শ্চিত্তং সমাচরেৎ ।

ততশ্চান্দ্রায়ণং কৃত্বা তাং কন্যাং পরিবর্জয়েৎ ॥

মাতার যে নাম গুপ্ত বা সুপ্রসিদ্ধ, সে নামের কন্যাকে মাতৃনাম্নী বলা যায় । ভ্রমক্রমে তাহাকে যিনি বিবাহ করেন, প্রায়শ্চিত্ত ও চান্দ্রায়ণ করিয়া পরিত্যাগ করিবেন ।

বাগ্দানের পর কন্যা মাতৃনাম্নী জানিতে পারিলে,

মাতৃনাম্নী যদা কন্যা বিবাহে কুলজা হি সা ।

বিপ্রে নানামন্তরং কার্যং তম্যাঃ পিত্রোরনুজয়া ॥

তাহার পিতামাতার অনুজায় বিপ্রগণদ্বারা অন্য নাম রাখিতে হইবে । নামের সঙ্গে ব্যক্তিগত অনেকটা যোগ আছে । মাতার নামে স্ত্রীর নাম হইলে তাহা লোকত লজ্জাস্কর এবং তাহাদ্বারা মনোবিকারের সম্ভাবনা । অতএব এস্থলে পত্নীর অন্য নাম দেওয়া উত্তম ব্যবস্থা ।

সমান প্রবরা চাপি শিষ্যসন্ততি রেব চ ।

ব্রহ্মদাতু গুরোশ্চৈব সন্ততি প্রতিষিদ্ধাতে ॥ উদ্ধাহতুত্ব ।

সমান প্রবরা, শিষ্যের কন্যা এবং বেদোপদেষ্টা গুরুর কন্যা বিবাহে নিষিদ্ধ । শিষ্যের কন্যা পুত্রের কন্যার ন্যায় এবং গুরুর কন্যা ভগিনী তুল্য, অতএব তাহাদের সহিত বিবাহ অবিধেয় ।

মহু নিম্নলিখিত কয়েক কুলের কন্যাগণকে দৃষ্টদোষা বলিয়া তাহাদিগের সহিত বিবাহ নিষেধ করিয়াছেন ।

\* প্রপিতামহ কাশ্যপগোত্র (১), তৎকন্যা সান্তিল্য গোত্র (২), তৎকন্যা সার্বণ গোত্র (৩) তৎকন্যা বাস্য গোত্র (৪) হইলে এই শেষোক্ত কন্যার অবিবাহিত্য কুমারী বাৎস্য গোত্র হওয়াতে ত্রিগোত্রান্তরিতা অতএব বিবাহ যোগ্য ।



মহাস্ত্যপি সমৃদ্ধানি গোজাবি ধন ধান্যতঃ ।  
 স্ত্রীসম্বন্ধে দশৈতানি কুলানি পরিবর্জয়েৎ ॥  
 হীনক্রিয়াং নিস্পৃহং নিশ্চন্দো রোমশার্শসম্ ।  
 ক্ষয়্যাময়া ব্যপস্মারি শ্বিত্রি কুষ্টি কুলানি চ ॥  
 নোদ্বহেৎ কপিলাং কন্যাং নাধিকাঙ্গীং ন রোগিণীং ।  
 নালোমিকাং নাতিলোমাং ন বাচাটাং ন পিঙ্গলাং ॥  
 যস্যাস্তু ন ভবেদ্ভ্রাতা ন বিজ্ঞায়েত বা পিতা ।  
 নোপযচ্ছেত তাং প্রাজ্ঞঃ পুত্রিকা ধর্মশঙ্কয়া ॥

গো, অজা, মেঘ ও ধর্মধান্যে মহাসমৃদ্ধ হইলেও স্ত্রীসম্বন্ধে এই দশকুল পরিত্যাগ করিবে। যে কুলে বেদবিহিত ক্রিয়ানুষ্ঠান হয় না, পুত্র সন্তান জন্মে না, যাহাতে বেদাধ্যয়ন নাই, যাহা ঘনলোমযুক্ত, অর্শ ক্ষয় আমাশয় মৃগি বা শ্বিত্র কুষ্ঠ রোগযুক্ত, তাহা ত্যাগ করিবে। তাত্রকেশা, অধিকাঙ্গী, চিররোগিণী, লোমহীনা, বা অধিক লোমযুক্তা, বাচালা অথবা পিঙ্গলাঙ্গী কন্যাকে বিবাহ করিবে না। যাহার ভ্রাতা হয় নাই, ও পিতা কে তাহা জানা যায় না সন্তানোৎপত্তি ও অধর্মশঙ্কায় প্রাজ্ঞ ব্যক্তি তাহাকে বিবাহ করিবেন না।

পিতামাতার দোষগুণ অনেক পরিমাণে সন্তানে বর্তে, অতএব যে কুলে শারীরিক অঙ্গবিকৃতি স্পষ্ট দেখা যায়, তদুৎপন্ন সন্তান সকলেও সেই সকল দোষ ঘটিবার সম্ভাবনা। যে পরিবারে ধর্মকার্যের অনুষ্ঠান বা সমাদর নাই, তদুৎপন্ন সন্তানেরা যে সুশীল, সচ্চরিত্র ও ধর্মপরায়ণ হইবে এরূপ আশা করা যায় না। অতএব এরূপ স্থলে বিবাহ বিষয়ে সতর্ক হওয়া অবশ্য কর্তব্য।

নক্ষত্র নদী নাম্নীং নাস্ত্য পর্বত নামিকাং

ন পক্ষ্যাহি প্রেম্য নাম্নীং নচ ভীষণ নামিকাং ॥

মনুর মতে নক্ষত্র নক্ষ বা নদী নাম্নী অথবা নীচজাতির নামধারিণী পর্বত নাম্নী অথবা পক্ষীর সর্পের বা দাস দাসীর নামধারিণী কিম্বা ভীষণ নাম্নী কন্যা বিবাহ যোগ্য নয়।

নামের জন্য কাহাকে জঘন্য বলিয়া পরিত্যাগ করা বিধেয় নহে।

এইজন্য এসকল কন্যাকে বিবাহ করিলে বিবাহ অসিদ্ধ হয় না। তবে ইতর ও ভয়ঙ্কর নাম ভদ্রকটির অনুমোদিত নয় বলিয়া তাহা আদরণীয় নহে।

## প্রিয়সখীর প্রতি কোন অবলার খেদোক্ত।

এস এস প্রাণ সখি ! কি কর বসিয়া ।  
 দেখিছি না দিন সব যাইছে চলিয়া ?  
 যে কিছু করিতে পার কর এই বেলা ।  
 আর কি করিতে সাধ মিছে ছেলেখেলা ?  
 বাহিরের চাক চিক্যে ভুল না ভুল না ।  
 ভিতরে প্রবেশ করি দেখ হে আপনা !  
 কি দেখিবে ?—দেখিতেছি আমি হে যেমন ।  
 অন্ধকার কারাগারে আত্মার ভবন !  
 পাপের কঠোরঘাত সহিতে না পারি ।  
 উঠিছে আত্মার নাদ অম্বর বিদারি ॥  
 না পেয়ে সত্যের অন্ন শান্তির জীবন ।  
 মৃত প্রায় হয়ে দেখ করিছে রোদন ॥  
 স্থির কর্ণে শুনিতাম যদি এ বিলাপ ।  
 তা হলে কি পেতে হতো এত মনস্তাপ !  
 নিরন্তর সংসারের কলহ ভীষণ ।  
 শুনিতে না দেয় কভু আত্মার ক্রন্দন ॥  
 ক্ষণে ক্ষণে ব্যাকুলতা ক্ষণপ্রভা প্রায় ।  
 হৃদয়ে উদিত হয়ে কোথায় লুকায় ॥  
 বাহিরের ভাবে মগ্ন আছে সদা চিত ।  
 চাহে না অন্তর ভাব হইতে বিদিত ॥  
 ঘুরে ঘুরে মরিতেছে বিষয়ের বনে ।  
 হিত উপদেশ তবু না লয় শ্রবণে ॥  
 দোষ কি তাঁদের ?—যাঁরা, নারী-হিত ব্রত



সাধন করিতে সদা আছেন বিব্রত ॥  
 কত করিলেন করিছেন দিবানিশি ।  
 তথাপি না প্রকাশিত হলো জ্ঞান শশী ॥  
 সরলা অবলা যাঁরা স্মৃশিক্ষার বলে ।  
 জ্ঞান দীপ হস্তে লয়ে অতি কুতূহলে ।  
 যেতেছেন পথ দেখি নাহি কোন ভয় ।  
 আলোকের তেজে তম হইয়াছে লয় ॥  
 নাহি সে আলোক সখি নাহি ধর্মবল ।  
 চলিতে চরণ কাঁপে, হৃদয় বিকল ॥  
 জ্ঞানালোকে আলোকিত যাঁহাদের মন ।  
 পবিত্রতা যাঁহাদের হৃদয় ভূষণ ॥  
 ধরম কবচে যাঁরা সদা আবরিত ।  
 কি ভয় তাঁদের সখি? সদা দৃঢ়চিত ॥  
 সংসারের জ্বলন্তিত না হয়ে কাতর ।  
 অটল অচল সম রহে নিরন্তর ॥  
 পর্কত প্রমাণ বাধা দলিয়া চরণে ।  
 নির্ভীক হৃদয়ে চলে আশ্বাসিত মনে ॥  
 অবশেষে আশার রতন হৃদে পেয়ে ।  
 প্রেমাম্বলে নৃত্য করে প্রেমোন্মত্ত হয়ে ॥

এসো না প্রাণের বোন্ মিলে দুই জনে ।  
 দীনবেশে কাঁদি দীননাথের চরণে ।  
 জীবন রতনে ছাড়ি এ মৃত জীবন  
 কত কাল দেহে আর করিব বহন ॥  
 শুকাইয়া গেছে কি রে ভকতির ফুল ?  
 বিশ্বাসের লতা বুঝি হয়েছে নির্মল ?  
 না সখি—নিরাশ কভু হওনা হওনা ।  
 কাঁদিলে মা কাছে আসি দিবেন সাহসনা ॥  
 ত্রিতাপ অনলে পুড়ি অতি সকাতারে

যে ডাকে তাঁহারে সখি, সরল অন্তরে ॥  
 স্নেহময়ী মা মোদের আর কি তখন ।  
 থাকিতে পারেন, শুনি ভকত রোদন ॥  
 প্রেম-সুখা দানে তারে শীতল করিয়া ।  
 চির শান্তি সুখ-ধাম দেন দেখাইয়া ॥  
 তাই বলি তেয়াগিয়া গর্ভ অহঙ্কার ।  
 নত হই এস সই চরণে সবার ॥  
 সরল পবিত্র ভাব করিয়া ধারণ ।  
 সাধু ভাই, ভগ্নী সনে করি সন্মিলন ॥  
 কাঁদিতে কাঁদিতে চল মার কাছে যাই ।  
 ব্যাকুল হইয়া তাঁর চরণে লুটাই ॥  
 দিবেন আনন্দময়ী আনন্দ অপার ॥  
 দূরে যাবে হৃদয়ের বিষাদ আঁধার ॥

## কৃত্রিম অঙ্গবিকৃতি ।

### কটিবন্ধন ।

ইংলণ্ডে জন্মমৃত্যুর এক বার্ষিক বিবরণে লিখিত হইয়াছে যে ১৮৩৯ অব্দে ৩১৯০ একত্রিশ হাজার নব্বইটি ইংরেজ রমণী যক্ষ্মাকাস হইয়া মরিয়া যায়। ক্ষুদ্র গৃহে বদ্ধ ভাবে থাকা এবং পরিচ্ছদ দ্বারা বন্ধ দৃঢ়রূপে বাঁধিয়া রাখা এই দুইটি এই ভয়ঙ্কর অকাল মৃত্যুর কারণ বলিয়া নির্দিষ্ট হইয়াছে। পরিচ্ছদ পরিধানের দোষে অর্থাৎ শক্ত বন্ধনী দ্বারা কাঁকাল বাঁধাতে প্রতি বৎসর অন্যান পনের হাজার স্ত্রীলোকের মৃত্যু হইতেছে ডাক্তরেরা সপ্রমাণ করিয়াছেন। ইংলণ্ডের ন্যায় আমেরিকাতেও এই কুরীতির বিলক্ষণ প্রাদুর্ভাব, সুতরাং ইহা দ্বারা আরও কত অকাল মৃত্যু ঘটতেছে। বস্তুতঃ ইহা দ্বারা যত স্বাস্থ্য ও প্রাণ হানি হয় এমন আর কোন অঙ্গ বিকৃতি দ্বারা নহে। আমেরিকার আদিম নিবাসীরা মাথা চাপিয়া দেখিতে, কুৎসিত হয় বটে, কিন্তু



সচরাচর পীড়াক্রান্ত হয় না। চিনদের স্ত্রীলোকের পা কুঁকড়িয়া দেওয়াতে বাল্যকালে খিট খিটে স্বভাব হয় বটে, কিন্তু তাহাতে তাহাদের শারীরিক বলের কোন ব্যাঘাত ঘটে না। ইংরেজ রমণীরা সভ্য নাম ধারণ করিয়া শরীর অসুখী ও বিকৃত করিবার সর্ব প্রধান উপায় অবলম্বন করিয়াছেন।

চিন রমণীদিগের পা চাপিবার যে কারণ, বিবীদের শত্রু করিয়া কোমর বাঁধিবারও সেই কারণ। উভয় স্থলেই অঙ্গকে সুরূপ করাই উদ্দেশ্য। উদ্ভ্রমের মত সৰু কোমর সুন্দর, সুদৃশ্য এবং চমৎকার গঠন বলিয়া বিবেচনা করা হয়। এরূপ বিবেচনা সৌন্দর্যের প্রকৃত জ্ঞান হইতে উৎপন্ন হয় নাই—বিকৃত রুচি হইতেই উৎপন্ন। কম্পনা এবং অজ্ঞানতা ইহার মূল! হয়ত কোন রাজবনিতা ক্ষীণ মাঝার জন্য প্রসিদ্ধ ছিলেন। অন্যান্য রমণীরা তাঁহার ন্যায় সুন্দরী দেখাইবার জন্য ফিতা দিয়া কোমর বাঁধিতে আরম্ভ করিলেন, নিজের শরীরের আকৃতি ও পরিমাণের বিষয় কিছু ভাবিলেন না। যাহা হউক কোমর সৰু করা রোগটী এখন কি ধনী, কি নির্দীন সকল শ্রেণীর লোকদিগের মধ্যে প্রবিষ্ট হইয়াছে। ইহা দ্বারা সুখ ও স্বাস্থ্যের কতদূর হানি হয় তাহা পশ্চাৎ প্রদর্শিত হইতেছে।

শরীরের অভ্যন্তরে উপরি উপরি দুইটী গহ্বর আছে—উদর ও বক্ষো-গহ্বর। উপরিস্থ অর্থাৎ বক্ষো গহ্বরে হৃদয় ও ফুস ফুস\* আছে। হৃদয় রক্ত চালনার যন্ত্র স্বরূপ হইয়া শরীরের নানা অংশে রক্ত সঞ্চারিত করিয়া দেয়। ফুস ফুস শ্বাসযন্ত্র, ইহার মধ্যে অসংখ্য ক্ষুদ্র ক্ষুদ্র বায়ু কোশ ও প্রণালী আছে, প্রত্যেক নিশ্বাসে ইহাদের মধ্যে বায়ু প্রবিষ্ট হয়। উদর ও বক্ষো গহ্বরের মধ্যে এক খানি চামড়ার পর্দা আছে তাহাকে মধ্যাবরণ কহে। নিম্নস্থ গহ্বরে পাকস্থালী আছে। ইহা আহার গ্রহণ ও পরিপাক করিবার যন্ত্র। পাকস্থালীর উপরেই যকৃৎ, তাহা হইতে পিত্তরস বহির্গত হয়। এই গহ্বরে আরও কয়েকটি প্রয়োজনীয় যন্ত্র আছে।\* সংক্ষেপে বলিতে গেলে হৃদয় যন্ত্র, শ্বাস যন্ত্র,

\* ১১ ও ১৬ সংখ্যা বামাবোধিনীর ৫১ ও ১২৩ পৃষ্ঠার ছবি দেখ।

পাক যন্ত্র এ সকলি অতি পরিপাটীরূপে শরীরস্থ গহ্বর মধ্যে সন্নিবেশিত হইয়াছে, তাহাতে তিলমাত্র শূন্য স্থান নাই! আবার একটী যন্ত্র অপরিপাটীর উপর গুরুতর পেষণ করিতেছে এমতও নহে। সকল যন্ত্রের আবশ্যিক মত পরিমিত স্থান আছে একটু বেশী নাই, কমও নাই। এখন যদি কেহ বাহির হইতে চাপ দিয়া এমত সুন্দররূপে সজ্জিত যন্ত্র সকলকে বিকৃত করিয়া ফেলে তাহাকে নিতান্ত নিরর্থক ভিন্ন আর কি বলা যাইবে? চাপ দ্বারা যন্ত্র সকল যে স্থানভ্রষ্ট এবং পরস্পর পেষিত হইবে তাহার সন্দেহ কি? ইহাতে তাহাদিগের কার্য সকল সম্ভুলরূপে চলিতে পারে না; হৃদয়ে রক্তস্রোত অনায়াসে প্রবাহিত হইতে পারে না, শ্বাস যন্ত্রে বায়ুর গতিবিধি সহজে হয় না, পাকস্থালীর জীর্ণ করিবার শক্তি কমিয়া যায়, যকৃৎ প্রভৃতিও ক্ষতিগ্রস্ত হয়, সমুদায় যন্ত্রটী বিকল হইয়া পড়ে।

## শিক্ষয়িত্রী বিদ্যালয়ের সাংবৎসরিক পারিতোষিক বিতরণ।

ভারতসংস্কার সভা ১৮৭১ অব্দের ফেব্রুয়ারি মাসে যে শিক্ষয়িত্রী বিদ্যালয় সংস্থাপন করেন তাহার ষাণ্মাসিক পরীক্ষা, পরীক্ষক গণের মন্তব্য ও পারিতোষিক বিতরণের সংবাদ অনেক দিন হইল আমরা পাঠিকাগণের গোচর করিয়াছি। অগ্গদিনের মধ্যে এই পরম হিতকর বিদ্যালয়টির যেরূপ উন্নতি হইয়াছে তাহাতে সকলেই সন্তোষ লাভ করিয়াছেন সন্দেহ নাই। গত ডিসেম্বরের শেষে এই বিদ্যালয়ের ছাত্রীদিগের সাংবৎসরিক পরীক্ষা হয়। পূর্ব পরীক্ষকগণের অনেকে এবারও পরীক্ষার ভার গ্রহণ করেন, আরও কয়েকজন সুবিখ্যাত কৃতবিদ্য ব্যক্তি নূতন পরীক্ষক হন। পরীক্ষকদিগের মন্তব্য হইতে কিছু কিছু অংশ উদ্ধৃত করা যাইতেছে এবং পাঠিকাগণের গোচরার্থে তাহার বাঙ্গলা অনুবাদ নিম্নে প্রকাশিত হইতেছে।



I return the Bengali exercises of the students of the Female School of the I. R. Association.

They have all done very well indeed. I do not at this moment remember any Bengali Mss. written by Hindoo ladies with the accuracy and correction which characterize the enclosed papers. I have never seen any female's unassisted Bengali production so free from mistakes as these.

(REVD.) K. M. BANERJEE.

ভারত সংস্কার সভাস্তম্ভগত স্ত্রী বিদ্যালয়ের ছাত্রীগণের বাঙ্গলা উত্তর সকল আমি প্রতিপ্রেরণ করিতেছি ।

তাঁহারা সকলেই বাস্তবিক অতি সুন্দর রূপে প্রশ্নের উত্তর সকল লিখিয়াছেন । এই উত্তর সকল যেরূপ ঠিক এবং বিশুদ্ধ দেখিলাম, হিন্দুরমণীগণপ্রণীত কোন হস্ত লিখিত পুস্তক যে তদ্রূপ দেখিয়াছি এমন স্মরণ হয় না । অন্যের সাহায্য নিরপেক্ষ হইয়া কোন স্ত্রীলোক যে এমন নিতুল লিখিতে পারেন ইহা কখন আমার দৃষ্টিগোচর হয় নাই ।

বেবরেণ্ড কৃষ্ণ মোহন বন্দ্যোপাধ্যায় ।

THE first class pupils have done exceedingly well. I do not think they are in any way inferior to the generality of Pandits of Vernacular Schools.

MOHES CHANDRA SARMA.

প্রথম শ্রেণীর ছাত্রীরা যার পর নাই উৎকৃষ্ট পরীক্ষা দিয়াছেন । সচরাচর বঙ্গ বিদ্যালয়ে যে সকল পণ্ডিত শিক্ষা দিয়া থাকেন, ইহারা যে তদপেক্ষা কোন অংশে নিকৃষ্ট এমন আমার বোধ হয় না ।

শ্রী মহেশ চন্দ্র শর্মা ।

সংস্কৃত কলেজের অধ্যাপক ।

I have much pleasure to state that the result of the examination reflects much credit on the pupils and the teachers. A practical subject like Natural Philosophy is not likely soon to find favor with our ladies, but the marks I have assigned to each paper conclusively shew that the subject has received a fair share of attention, in as much as, one of the pupils has obtained  $\frac{3}{4}$ ths and the other two each above  $\frac{1}{2}$  the maximum number of marks.

RADHICA PROSANNO MUKERJEE.

Deputy Inspector of Schools.

আমি আনন্দ সহকারে প্রকাশ করিতেছি যে পরীক্ষা ফল ছাত্রী ও শিক্ষকগণ উভয় পক্ষেরই গৌরবসূচক হইয়াছে । পদার্থ বিদ্যার ন্যায় কঠিন বিষয় আমাদিগের মহিলাগণের সহজে প্রীতিকর হইবার নহে । কিন্তু প্রত্যেক কাগজে আমি যেরূপ সংখ্যা দিয়াছি, তাহাতে নিঃসংশয়ে সপ্রমাণ হইতেছে যে এবিষয়ে ছাত্রীরা সবিশেষ মনোযোগ প্রদান করিয়াছেন । একটা ছাত্রী পূর্ণ সংখ্যার ৩-৪ ( বারো আনা ) এবং আর দুইটা প্রত্যেকে অর্ধেকের অধিক সংখ্যা প্রাপ্ত হইয়াছেন ।

রাধিকা প্রসন্ন মুখোপাধ্যায় ।

ডেপুটী ইনস্পেক্টর ।

In compliance with your request I had the pleasure of examining the three students of your Normal School in Physical Geography. I am happy to state that I have been very well satisfied with their performances.

GOPAL CHANDRA BANARJEE.

Superintendent Govt. Normal School.

আপনার অনুরোধ ক্রমে আমি আপনার শিক্ষয়িত্রী বিদ্যালয়ের তিনটা ছাত্রীর প্রাকৃতিক ভূগোলের পরীক্ষা গ্রহণ করিলাম । আমি আনন্দচিত্তে



প্রকাশ করিতেছি, আমি তাহাদিগের কৃতকার্যতা দেখিয়া অতিশয় সন্তোষ লাভ করিয়াছি।

শ্রী গোপাল চন্দ্র বন্দ্যোপাধ্যায় ।  
গবর্ণমেন্ট নর্ম্মাল বিদ্যালয়ের অধ্যক্ষ ।

In conclusion I beg to state for the information of the association that I am highly pleased with the performances of the candidates.

PRASANNA KUMARA SARBADHIKARI.  
Principal Sanskrit College.

উপসংহার কালে ভারত সংস্কার সভার গোচরার্থে লিখিতেছি যে পরীক্ষার্থীদিগের উত্তর সকল দেখিয়া আমি যার পর নাই সন্তুষ্ট হইয়াছি।

শ্রী প্রসন্ন কুমার সর্বাধিকারী ।  
সংস্কৃত কলেজের অধ্যক্ষ ।

The three students forming the first class are very intelligent and I was surprised at their attainment in English.

MARY CHAMBERLAIN.

প্রথম শ্রেণীস্থ তিনটি ছাত্রী অত্যন্ত বুদ্ধিমতী এবং আমি তাহাদিগের ইংরাজীতে ব্যুৎপত্তি দেখিয়া আশ্চর্যান্বিত হইয়াছি।

মেরী চেম্বারলেন ।  
আমেরিকার ধর্ম্মপ্রচারিকা ।

গত ২৫ চৈত্র শনিবার কলিকাতার নিকটবর্তী কাঁকুড়াগাছী নামক স্থানে মহারানী স্বর্ণময়ীর উদ্যান বাগীচে ষাৎসরিক পারিতোষিক বিতরণ সম্পন্ন হয়। বাগীচী রাজপ্রাসাদ তুল্য, এই উপলক্ষে আবার সুন্দররূপে

সজ্জিত হইয়াছিল। আমাদিগের বর্তমান গবর্ণর জেনেরলের সহধর্ম্মিণী লেডি নেপিয়র স্বহস্তে পারিতোষিক বিতরণ করেন। সভাস্থলে বহু-সংখ্যক সম্ভ্রান্ত বিবী এবং ভদ্র হিন্দুমহিলা উপস্থিত ছিলেন। ছাত্রী-গণকে পরীক্ষা করিয়া এবং এত গুলি এদেশীয় রমণীগণকে এরূপ সৎউদ্দেশ্যে সমবেত দেখিয়া লেডি নেপিয়র অত্যন্ত আহ্লাদ প্রকাশ করিয়াছেন। তাঁহার শুভাগমনে ছাত্রীগণও যথেষ্ট উৎসাহ প্রাপ্ত হইয়াছেন তাহার সন্দেহ নাই। পারিতোষিক বিতরণ সমাধা হইলে রোমান কাথালিক ধর্ম্মপ্রচারক ফাদার লেফট ছাত্রীদিগকে কতকগুলি বিজ্ঞান তত্ত্ব পরীক্ষাদ্বারা বুঝাইয়া দিয়া সকলের চিত্তবিনোদন করিলেন। তাড়িত অর্থাৎ বিদ্যুৎ কেমন করিয়া ধরা যায়, তাহার শক্তি কীদূশ, তাহা দ্বারা কলের গাড়ী কিরূপে চালান যায়, তারের খবর কি প্রকারে চলে, অল্পজন ও জলজন দুইপ্রকার বায়ু একত্র করিয়া কিরূপে জল হয় ইত্যাদি অনেক বিষয় আনন্দচিত্তে ও বহু পরিশ্রম সহকারে বুঝাইয়া দিয়াছিলেন।

গত ডিসেম্বরে এই বিদ্যালয়ে ২৪ জন বয়স্ক ছাত্রী এবং ছয়জন বালিকা মোটে ৩০জন অধ্যয়ন করিয়াছেন। সম্বৎসরে বিদ্যালয়ের আয় প্রায় ২১০০ টাকা ব্যয় ১৭৬৩৯ স্থিতি ৩৩৬৬৯ টাকা প্রদর্শিত হইয়াছে। এই বিদ্যালয়টী এদেশীয় দিগের যত্নে যেমন স্থাপিত, ইহার অধিকাংশ ব্যয় এদেশীয় দিগের সাহায্যে নির্বাহ হইয়াছে দেখিয়া আমরা যার পর নাই সন্তুষ্ট হইয়াছি। বয়স্ক হিন্দুরমণীগণ ছাত্রীভাবে বিদ্যালয়ে প্রবিষ্ট হইয়া পাঠোন্নতি করিবেন এটি অনেকের নিকট এখনও কল্পনার কথা ও অসম্ভব ব্যাপার বোধ হয়, কিন্তু ইহা বাস্তবিক সম্ভব হইল স্বচক্ষে দেখিয়া আমরা যে পরিমাণে চমৎকৃত ও আনন্দিত হইয়াছি বলিতে পারি না। এখন ঈশ্বর প্রসাদে বিদ্যালয়টী স্থায়ী হয় এই আমাদিগের হৃদয়ের প্রার্থনা। এই বিদ্যালয়টী এদেশীয়দিগের গৌরবের একটি প্রধান স্তম্ভ, এবং ইহাদ্বারা সাম্রাজ্য ও পরোক্ষ ভাবে এ দেশের যে অশেষ কল্যাণ সাধিত হইবে তাহা আমরা দিব্য চক্ষে দেখিতেছি। এখন দেশীয় সহৃদয় ব্যক্তিগণ ইহাকে সাধ্যমত কোন সাহায্য দানে কুণ্ঠিত না হন এই আমাদের অনুরোধ। তাহারা যদি ইহাকে সংরক্ষিত ও বর্দ্ধিত করিতে



পারেন, কেবল আপনারা নয়, তাঁহাদের ভাবী বংশীয়েরাও ইহার উপাদেয় ফলভোগ করিবেন তাহার আর কোন সংশয় নাই ।

### সমুদ্র তল অন্বেষণ ।

সমুদ্রের একটা নাম অতলস্পর্শ, অর্থাৎ তাহার তলা স্পর্শ করা যায় না । এই জন্য অজ্ঞান লোকে মনে করে সমুদ্রের তলা নাই । কিন্তু পৃথিবীর যখন সীমা আছে, তখন পৃথিবীর মধ্যে যে সমুদ্র আছে তাহার পরিমাণ নাই এমন কখনই হইতে পারে না । সমুদ্র অত্যন্ত গভীর বলিয়া তাহার তলা মাপা সহজ নহে । যে ওলনদড়ী দিয়া জল মাপা যায়, তাহা সমুদ্র গর্ভে কিয়ৎ দূর নিমগ্ন হইয়া চারিদিকের জলের সহিত সমভার হইয়া যায় ; সুতরাং সহজে আর অধিক দূর নামিতে পারে না ! কিন্তু এখন বিজ্ঞান প্রভাবে এমন কল হইয়াছে যাহাতে অনেক স্থানে অতলস্পর্শ সমুদ্রেরও তল স্পর্শ করা যায় । এমন কি, স্থলে যেমন ফটোগ্রাফী\* দ্বারা মনুষ্য বা বস্তু সকলের ছবি তোলা যায়, জলের মধ্যস্থ জন্তু ও পদার্থ সকলের তেমনি ফটোগ্রাফি দ্বারা ছবি তৈয়ার হইতেছে । এক প্রকার ঘণ্টার মধ্যে বসিয়া নিরাপদে সমুদ্রের তলে নামা যায় এবং জাহাজাদি ভগ্ন হইয়া জিনিষ পত্র ডুবিয়া গেলে উদ্ধার করা যায় । গত গ্রীষ্মকালে কতকগুলি ইউরোপীয় পণ্ডিত ক্যান্সের পশ্চিমস্থ বিস্কে উপসাগর হইতে ফেরো দ্বীপ পর্য্যন্ত আর্টলাণ্টিক মহাসাগরের তলা অনুসন্ধান করেন । তাঁহারা ৬০০ হস্তের উপর দিকে গরম জলের থাক, ১২০০ হস্তের নীচে বরফের ন্যায় শীতল জল এবং মধ্যস্থলে উভয় মিশ্রিত জল দেখিতে পান । লোকে পূর্বে অনুমান করিত ১২০০ হস্তের নীচে কোন জন্তু বাস করিতে পারে না, কিন্তু তদপেক্ষা অধিকতর নিম্নদেশ হইতে অনেক জলজন্তু প্রাপ্ত হওয়া গিয়াছে । তাহার মধ্যে কয়েক জাতীয় জীব সম্পূর্ণ নূতন । প্রায় এক ক্রোশ গভীর স্থান হইতে যে সকল জন্তু উত্তোলিত হইয়াছে, তাহাদের

\* চিত্র করিবার একপ্রকার কল ।

চক্ষুরিঙ্গিয় সম্পূর্ণ দেখা গিয়াছে এবং কতকগুলির গায়ের রঙ দেখিয়া স্পষ্ট বুঝা যায়, সমুদ্রের এত নিম্ন দেশেও সূর্যালোক প্রবেশ করিয়া থাকে ! কঙ্কণাময় জগদীশ্বরের স্নেহ সকল প্রাণীর প্রতিই সমান রহিয়াছে । যে সমুদ্র গর্ভ এতকাল আমাদের নিকট অজ্ঞাত ছিল, যে সকল স্থান এখনও আমাদের দৃষ্টির অগোচর রহিয়াছে, সেখানেও তিনি তাঁহার জীব-গণকে আপনার ক্রোড়ে রক্ষা করিয়া আশ্চর্য্য কৌশলে পালন করিতেছেন ।

### বসন্ত বর্ণনা ।

শীত ঋতু করিল গমন  
প্রফুল্লিত বসুধা-আনন ।  
তাজি মলিন ভূষণ,  
নব সাজে স্মশোভন,  
মরি মহী সেজেছে কেমন !

দেখ ওই বসন্ত-স্বৈরিনী\*  
রূপে যেন স্থির সৌদামিনী !  
স্থির ভাবে ধীরে ধীরে,  
নানা রাগে ধরণীরে,  
রঞ্জিতেছে ভুবনমোহিনী ।

কুসুম কাননে মরি হায় !  
কিবা শোভা পুষ্পিত লতায় !  
যেন কোন সুরূপসী,  
হাসিছে বিরলে বসি,  
হাব, ভাব, বিভ্রম ছটায় ।

\* সজ্জা কারিণী, যে সাজায় ।

ফুটেছে গুলাব গন্ধরাজ,  
ভ্রমরের আর নহি কাজ—  
সদা গুণ গুণ স্বরে,  
প্রসূনের মধু হরে,  
দলোপরি করিছে বিরাজ !

চেয়ে দেখ মল্লিকার পানে,  
হাসিছে কেমন উপবনে !  
রূপে দিক আলো করি,  
স্নিগ্ধ স্নগন্ধ বিতরি,  
তুষিতেছে মলয় পবনে ।

গুণবতী সুরূপা কামিনী  
মল্লিকা সমানা সে ভমিনী  
রূপে আঁখি মুগ্ধ করে,  
গুণে মন প্রাণ হরে,  
নারীকুল উজ্জ্বল-কারিণী !

সরস হয়েছে তরুণের,  
বিশীর্ণতা হইল অন্তর,



বাল-পল্লবে ভূষিত,  
নব লতিকা জড়িত,  
হেরি তক জুড়ায় অন্তর ।

স্বক্ষোপরে বিহঙ্গম গণ,  
করিতেছে মধুর কুজন,  
বসি সহকারে শিরে,  
বনপ্রিয় † সুধাস্বরে  
জগজন করিছে মোহন ॥

শোভে কিবা বসন্ত-পূর্ণিমা !  
ধরাধামে স্বর্গের প্রতিমা !  
পূর্ণকলা শশধর,  
বিতরি শীতল কর,  
গাইতেছে বিভুর মহিমা !

সুধা পিয়ে চকোরী চকোরে  
নৃত্য করে প্রফুল্ল অন্তরে,  
যেমন সাধুর চিত  
পিয়ে বিভু নামামৃত,  
ভাসে সদা প্রেম সরোবরে ।

মধুকাল করি আগমন  
মোহিতেছে জগতের মন,  
জীব জন্তু অগণন,  
প্রীতি রসে নিমগন,  
ঝরিছে শান্তির প্রসুৰণ ।

† কোকিল ।

বসন্তের প্রেরয়িতা যিনি,  
পবিত্র প্রেমের সিন্ধু তিনি ।  
এস এস ভগ্নীগণ,  
ঐক্য করি হৃদি মন,  
ডাকি তাঁরে দিবস যামিনী ।

## নূতন সংবাদ ।

১। আমাদের পাঠিকাগণের মধ্যে অনেকে জ্ঞাত আছেন আমাদের দেশের যে সকল সুশিক্ষিত ও উন্নত-ভাব সম্পন্ন ব্যক্তি হিন্দুধর্ম প্রচলিত দূষিত নিয়ম ও কুসংস্কার মূলক আচার ব্যবহার পরিত্যাগ পূর্বক স্বাধীনভাবে উপযুক্ত বয়সে বিশুদ্ধ পদ্ধতি অনুসারে বিবাহ করিতেছেন, তাঁহাদিগের বিবাহ যাহাতে আইন অনুসারে বৈধ হয় তজ্জন্য প্রায় চারি বৎসর কাল হইল গবর্ণর জেনারেলের আইনের সভায় (যাহাকে ভারতবর্ষীয় ব্যবস্থাপক সভা বলে) এদেশীয় বিবাহের আইন বিষয়ে একটা আলোচনা আরম্ভ হয়। এতাবৎ কাল ঐ নূতন ব্যবস্থা লইয়া সভায় মধ্যে মধ্যে তর্ক বিতর্ক ও আলোচনা চলিতেছিল, সম্প্রতি গত চৈত্রের ব্যবস্থাপক সভায় ঐ বিষয় সম্বন্ধে অনবরত পাঁচ ঘণ্টা কাল সভ্যদিগের

তর্ক বিতর্কের পর বিবাহের একটা নূতন রাজবিধি হইয়াছে। যাহারা ঐ আইনের অধীন হইবেন, তাঁহারা আপনাদিগের বিশুদ্ধ সংস্কার ও উন্নত মতানুসারে নির্বিঘ্নে বিবাহ কার্য সম্পন্ন করিতে পারিবেন এবং বহুবিবাহ বাল্যবিবাহ প্রভৃতি উদ্বাহ সম্বন্ধীয় সমস্ত অনিষ্টকর ব্যবহার পরিত্যাগ করিয়া তাঁহাদিগকে সমস্ত হিতকর নিয়ম পালন করিতে হইবে।

২। খাঁটুরাগ্রাম হইতে আমাদের এক বন্ধু ব্যক্তি লিখিয়া পাঠাইয়াছেন “অগ্নি দিন হইল খাঁটুরাস্থ যক্ষীর কলু নামক এক ব্যক্তির ভগ্নী উদ্বন্ধনে প্রাণত্যাগ করিয়াছে। কারণানুসন্ধানে জানা গেল যে ঐ স্ত্রীলোকটি নিঃসন্তান ছিল, কয়েক মাস হইল পতিহীনা হইয়া অবধি সর্বদাই বিমনা হইয়া থাকিত।”

খাঁটুরা এবং উহার সন্নিহিত কয়েকটা গ্রামে বৈধব্য যন্ত্রণা ঘটিত অনেক গুলি স্ত্রীহত্যার রুভান্ত আমরা শ্রুত আছি। বঙ্গদেশের অনেক স্থানই এই মহা কলঙ্কে কলঙ্কিত। আর কত দিনে আমরা দেশাচারের মস্তকে পদাঘাত করিয়া স্ত্রীহত্যার পাতক হইতে নিস্তার পাইব ?

৩। আমাদের গবর্ণর জেনারেল লর্ড মেওর মৃত্যুর জন্য শোক প্রকাশার্থে কলিকাতাস্থ ভারত সংস্কার সভার এক দিবস বিশেষ অধিবেশন হইয়াছিল। উক্ত সভার সভাপতি বাবু কেশবচন্দ্র সেন মৃত মহাত্মার শো-

কার্তা পত্নীকে সভা হইতে যে শোক সূচক পত্র প্রেরণ করিয়াছিলেন, তিনি তাহা গ্রহণ করিয়া তাঁহার স্বর্গীয় পতির কার্য সম্পাদক দ্বারা এই উত্তর দান করিয়াছিলেন :— “মহাশয়! আপনি ভারত সংস্কার সভার যে সান্ত্বনা-পত্র খানি আমার নিকট প্রেরণ করিয়াছিলেন, আমি তাহা লেডী মেওর গোচর করিয়াছি। তিনি আমার নিকট এই ইচ্ছা প্রকাশ করিলেন যে সভা সান্ত্বনা পত্রে যে রূপ শোক সূচক শব্দ ব্যবহার করিয়াছেন তজ্জন্য তাঁহার আন্তরিক কৃতজ্ঞতা আপনি সভাকে দিবেন।”

৪। যিনি আমাদের ভারতবর্ষের নূতন গবর্ণর জেনারেল (বড় লর্ড সাহেব) হইয়াছেন তাঁহার নাম টি জি বেরিং সাহেব। উপাধি লর্ড নর্থ ক্রক। ইনি ২ই চৈত্র ইংলও হইতে ভারতবর্ষাভিমুখে যাত্রা করিয়াছেন।

৫। স্থলভ সমাচারে দেখা গেল কলিকাতার যে সকল ইংরাজ ও ফিরিঙ্গিদিগের বিবিরা কোন কোন কারণ বশত ছুঃখের অবস্থায় পড়িয়াছেন এবং ভরণ পোষণের অভাবে কষ্ট পাইতেছেন, তাঁহাদিগকে একটা কার্যে নিযুক্ত করিয়া তাহাদিগের জীবিকা নির্বাহের উপায় করিবার নিমিত্ত কলিকাতাস্থ কতকগুলি সম্ভ্রান্ত ও দয়াশীলা মহিলা একটা সভা করিয়া তাহার তত্ত্বাবধানে একটা দরজির দোকান খুলিয়াছি-



লেন। দুই বৎসর কাল সাধারণের অগোচরে কোন স্থানে ঐ কার্যটি তাঁহার চালাইতেছিলেন এবং অনেক গুলি বিবি তাহাতে নিযুক্ত হইয়া প্রতিপালিত হইতে ছিলেন। এক্ষণে ঐ কার্যালয়ে এত দুঃখিনী আসিয়া আশ্রয় লইয়াছেন যে কার্য অপেক্ষা লোক অধিক হইয়াছে। তজ্জন্য ইংরাজ টোলার একটা প্রকাশ্য স্থানে এখন দোকানটী খোলা হইয়াছে। ঐ সকল পরোপকারিণী মহিলাগণের প্রার্থনা এই যে সাধারণে ঐ দোকানে অধিক সেলাইয়ের কাজ জুটাইয়া দিয়া দুঃখিনী অবলাদিগকে প্রতিপালন করেন।

কবে এদেশী সঙ্গীগণ ইংরাজ রমণীদিগের এই সকল মহৎ গুণের অনুকরণ করিয়া প্রকৃত সভ্যতার পরিচয় দিবেন?

## বামাগণের রচনা।

### ঈশ্বরই প্রকৃত বন্ধু।

ঈশ্বর আমাদের মাতৃ গর্ভে সেই জরায়ু অবস্থায় কি আশ্চর্য্য কোশলে ও অপার মেহে রক্ষা করিয়াছেন! তাঁহার গুণের সীমা নাই—অসীম তাঁহার দয়া, অনন্ত তাঁহার করুণা। তিনি যে কেবল সেই অবস্থায় আমাদের রক্ষা করিয়া ক্ষান্ত হইয়াছেন এমত নহে, যখন নিতান্ত অজ্ঞান শিশু ছিলাম তখন মাতা পিতার হৃদয়ে স্নেহ

এবং মাতার স্তনে দুগ্ধ দিয়া আমাদের বাঁচিবার উপায় করিয়া দিয়াছিলেন। রজনীতে যখন মাতা পিতা নিদ্রায় অচেতন থাকিতেন, তখন সেই পরম পিতা পরমেশ্বর জাগ্রত থাকিয়া আমাদের রক্ষা করিয়াছেন, তাহার পর যখন ক্রমে ক্রমে বড় হইতে লাগিলাম, ততই ভাল মন্দ জানিবার জ্ঞান প্রদান করিতে লাগিলেন। অজ্ঞান অবস্থা দূর হইয়া যখন ক্রমে জ্ঞানের উদ্ভব হইতে লাগিল, তখন হইতে একাল পর্যন্ত তিনি কতবার আমাদের হৃদয়ের পাপরাশি বিনাশ করিয়াছেন, অসত্য হইতে মুক্ত করিয়া সত্য পথে আনিবার জন্য আহ্বান করিয়াছেন! আমাদের অকৃতজ্ঞ মন, আমরা তাঁহার হিত বাক্য সকলে অবহেলা করিয়া বার বার পাপাচরণ করিতেছি, পাপ পথে অগ্রসর হইতেছি, তাঁহার আজ্ঞা সকল লঙ্ঘন করিয়া বিষয় বিষ পানে মত্ত হইয়া জীবনকে কলঙ্কিত করিতেছি, হৃদয়কে অপবিত্রতাতে পূর্ণ করিতেছি; তথাপিও দীনবন্ধু দীনের প্রতি অতুল করুণা বিতরণ করিতেছেন, একবারের জন্যও তিনি রাগের বশীভূত হইয়া তাঁহার নয়নের অন্তর করেন না। আমরা যতই তাঁহার নিকট হইতে দূরে যাইবার উপক্রম করিতেছি ততই তিনি আমাদের নিকটবর্তী হইয়া বলিতেছেন যে "হে নিরোধ সন্তানগণ তোমরা ঐ বিষময় পথে যাইয়া বিষ পানে প্রাণ

হারাই ও না। হে নিরোধ গণ! আমার হিত বাক্য শ্রবণ কর, আমি যে পথেতে যাইবার জন্য বলিতেছি সেই পথে এস, তোমাদের চিরকালের মঙ্গল হইবে। আমার আদেশ মত চলিলে আর তোমাদের চিন্তা ভয় অসুখ কিছুই থাকিবে না।" তথাপিও আমরা সেই পরম বন্ধু ঈশ্বরের আজ্ঞা সকল লঙ্ঘন করিয়া অসত্যের পথেই পদার্পণ করিতেছি। কিন্তু তাঁহার এমনি অতুল করুণা যে আমরা যত বার পাপ পথে অগ্রসর হইব তিনিও ততবার আমাদের সম্মুখীন হইয়া অসত্য হইতে সত্যেতে উদ্ধার করিতে চেষ্টা করি-

বেন! আমরা অবাধ্য বলিয়া তাঁহার মেহের কিছু মাত্র হ্রাস হয় না। তাহার পরে যখন ইহলোক হইতে অবস্থত হইয়া পরলোকে গমন করিব, তখন তিনি তাঁহার শাস্তিময় ক্রোড়ে লইয়া পাপী তাপী সাধু অসাধু সকলকেই শাস্তি দান করিবেন এই বলিয়া আশ্বাস দিতেছেন। তিনি সতত আমাদের এই পাপপূর্ণ হৃদয়ে থাকিয়া সদ উপদেশ দিতেছেন। আমাদের প্রতি যাহার এত অপার করুণা, তাঁহার অপেক্ষা প্রকৃত বন্ধু আর কে আছে?

ভারত সংস্কার সভার  
শিক্ষায়ত্নী বিদ্যালয়ের ছাত্রী।

## ৭ম ভাগ বামাবোধিনীর সংখ্যা অনুসার সূচীপত্র।

### বৈশাখ—৯৩ সংখ্যা।

১। নববর্ষ	৩৭৩
২। নারীচরিত-মীরা বাই	৩৭৫
৩। মহারাজী ভিক্টোরিয়ার সহৃদয়তা	৩৮১
৪। কারা-কুম্বিকা	৩৮৪
৫। ইংরাজদিগের ভারতবর্ষে আগ- মন ও অধিকার বিস্তার	৩৮৮
৬। ইনস্পেক্টে স্ নিয়োগের আবশ্যকতা	৩৯০
৭। বামাহিতৈষিনী সভা	৩৯২
৮। ভারত কামিনী (পদ্য)	৩৯৩
৯। গ্রন্থ সমালোচনা	৩৯৫
১০। নূতন সংবাদ	৪০১
১১। বামাগণের রচনা	৪০২

### জ্যৈষ্ঠ—৯৪ সংখ্যা।

১। স্ত্রী জাতির সামাজিক উন্নতি	৩৩
২। নারীচরিত—আবিয়ার	৩৬
৩। কারা কুম্বিকা	৩৮
৪। স্ত্রীজাতির বিভাগ	৪৫
৫। আশ্চর্য্য রক্ষ	৪৮
৬। পরিপাক ক্রিয়া	৫০
৭। রাজকন্যা লুইসের শুভ বিবাহ	৫৪
৮। হিন্দু শাস্ত্র	৫৬
৯। মাতৃশিক্ষা হইতে উদ্ধৃত	৫৯
১০। নূতন সংবাদ	৬০
১১। বামাগণের রচনা	৬১

### আষাঢ়—৯৫ সংখ্যা।

১। উন্নতি ও স্বাধীনতা	৬৫
-----------------------	----



২। স্ত্রী ধন	৭০
৩। কারাকুসুমিকা	৭২
৪। সরলা ও সুশীলার কথোপ- কথন	৭৮
৫। সাঁওতাল জাতির বিবাহ প্রণালী	৮২
৬। স্ত্রীলোকদিগের বিবাহ যোগ্য বয়ঃক্রম	৮৬
৭। বাগ্ যন্ত্র	৮৯
৮। গৃহ চিকিৎসা	৯৪
৯। অবলাবান্ধব	৯৬
১০। নূতন সংবাদ	৯৮
১১। বামাগণের রচনা	৯৯

## শ্রাবণ—৯৬ সংখ্যা ।

১। বামাবোধিনীর পূর্ণাষ্ট বর্ষ	১০১
২। বিনয়	১০২
৩। কারাকুসুমিকা	১০৬
৪। স্ত্রীলোকদিগের বিবাহ যোগ্য বয়ঃক্রম	১১১
৫। শিক্ষয়িত্রী বিদ্যালয়ের পরীক্ষা ও পারিতোষিক	১১৪
৬। স্বাসক্রিয়া	১২১
৭। গৃহ চিকিৎসা	১২৬
৮। নূতন সংবাদ	১২৯
৯। বামাগণের রচনা	১৩১

## ভাদ্র—৯৭ সংখ্যা ।

১। বামাবোধিনীর নূতন ব্যবস্থা	১৩৩
২। বামাবোধিনী পত্রিকার নবম বর্ষ	১৩৪
৩। সরলতা ও পবিত্রতা	১৩৮
৪। কারা কুসুমিকা	১৪৩

৫। বঙ্গাঙ্গনাগণের পরিচ্ছদ	১৪৮
৬। শিক্ষয়িত্রী বিদ্যালয়ের পরী- ক্ষার ফল	১৫৩
৭। পুঁটিয়ার রাণী শরৎসুন্দরী	১৬১
৮। নূতন সংবাদ	১৬৪

## আশ্বিন—৯৮ সংখ্যা ।

১। প্রধান বিচারপতি নর্মাণ সাহেবের মৃত্যু	১৬৫
২। মহাত্মা নর্মাণের সংক্ষেপ জীবন চরিত	১৬৯
৩। কারাকুসুমিকা	১৭০
৪। স্ত্রীজাতির আদর্শ	১৭৫
৫। ক্রোধ	১৭৮
৬। সৌর জগৎ	১৮২
৭। এদেশীয় বামাগণের বহি- ভ্রমণ	১৮৫
৮। কুসস্তান ( পদ্য )	১৯০

## কার্তিক—৯৯ সংখ্যা ।

১। প্রাণি-বিদ্যা—সরীসৃপ জাতি	১৯৭
২। স্ত্রীজাতির বাগ্মিতা	২০২
৩। কারাকুসুমিকা	২০৬
৪। এদেশীয় বামাগণের বহিভ্রমণ	২১১
৫। নারীদিগের কোমলতা	২১৪
৬। মহাত্মা নর্মাণ ও মৃত্যু	২১৬
৭। খদ্যোতিকা ও পক্ষী (পদ্য)	২২০
৮। ভিন্ন ভিন্ন দেশের নমস্কার প্রণালী	২২১
১০। নূতন সংবাদ	২২৩
১১। প্রেরিত	২২৪
১২। বামাগণের রচনা	২২৫

## অগ্রহায়ণ—১০০ সংখ্যা ।

১। পঞ্জাব বাসিনীদিগের সহিত বঙ্গীয় নারীদিগের শুভ সাক্ষাৎ	২২৯
২। নারী প্রকৃতির হীনবস্থা	২৩২
৩। অদ্ভুত বিবরণ ( গুহ পানি জন প্রপাত )	২৩৬
৪। সরীসৃপ	২৩৭
৫। গার্হস্থ্য চিকিৎসা প্রণালী	২৪০
৬। ভারতবর্ষে ইংরাজদিগের অধিকার বিস্তার	২৪২
৭। পতি সম্মুখবর্তিনী অনুতা- পিতা পত্নীর বিলাপ (পদ্য)	২৪৪
৮। আদর্শ রমণী	২৪৭
৯। হিন্দুদিগের বিবাহ প্রণালী	২৪৯
১০। কুসংস্কার	২৫২
১১। নূতন সংবাদ	২৫৫
১২। বামাগণের রচনা	২৫৬

## পৌষ—১০১ সংখ্যা ।

১। আদর্শ জননী	২৬১
২। গার্হস্থ্য চিকিৎসা প্রণালী	২৬৪
৩। বিবিধ শিক্ষা	২৬৮
৪। মহারাজী ভিক্টোরিয়ার দয়া	২৭২
৫। উপন্যাস	২৭৪
৬। জিয়ঃ শ্রিয়শ্চ গেহেষু	২৭৫
৭। শব্দ বিজ্ঞান	২৭৭
৮। কৃত্রিম অঙ্গ বিকৃতি	২৮০
৯। গৃহ-চিকিৎসা	২৮৩
১০। নূতন সংবাদ	২৮৪
১১। বামাগণের রচনা	২৮৯

## মাঘ—১০২ সংখ্যা ।

১। নারীদিগের ধর্ম ভাব	২৯৩
২। দম্পতির প্রতি উপদেশ	২৯৫
৩। হিন্দুদিগের বিবাহ প্রণালী	২৯৭
৪। শব্দ বিজ্ঞান	৩০১
৫। কৃত্রিম অঙ্গ বিকৃতি	৩০৩
৬। পতি সম্মুখবর্তিনী অনুতা- পিতা পত্নীর বিলাপ (পদ্য)	৩০৬
৭। পুরাণকথা-গোতমীলুক্ক সংবাদ	৩০৮
৮। ব্রাহ্মিকা সমাজ	৩১০
৯। ভারতবর্ষে ইংরাজদিগের অধিকার বিস্তার	৩১৩
১০। গার্হস্থ্য চিকিৎসা প্রণালী	৩১৭
১১। নূতন সংবাদ	৩১৯
১২। বামাগণের রচনা	৩২২

## ফাল্গুন—১০৩ সংখ্যা ।

১। গবর্ণর-জেনারেল লর্ড মেয়োর শোচনীয় মৃত্যু	৩২৫
২। বামাগণের মানসিক উন্নতি	৩৩১
৩। দম্পতির প্রতি উপদেশ	৩৩৫
৪। গার্হস্থ্য চিকিৎসা প্রণালী	৩৩৬
৫। গার্হস্থ্য দর্পণ	৩৩৯
৬। হিন্দুদিগের বিবাহ প্রণালী	৩৪৩
৭। প্রিয় সখীর প্রতি কোন অবলার খেদোক্তি (পদ্য)	৩৪৫
৮। কৃত্রিম অঙ্গ বিকৃতি	৩৪৮
৯। বিজ্ঞান বিষয়ক কথোপ- কথন	৩৫১
১০। নূতন সংবাদ	৩৫৩
১১। বামাগণের রচনা	৩৫৫







ঐ	১৪৩	বসন্তবর্ণনা ( পদ্য )	৩৭৯
ঐ	১৭০	গ্রন্থ সমালোচনা	৩৯৫
ঐ	২০৬		
উপন্যাস	২৭৪	১২ । বামাগণের রচনা ।	
গৌতমী লুক্ক সংবাদ	৩০৮	দয়া	৪০২
		বঙ্গদেশীয় মহিলাগণের স্বাধীন- তার বিষয়	৬২
৯ । অদ্ভুত বিবরণ ।		লজ্জা	৯৯
আশ্চর্য্য বৃক্ষ	৪৮	বর্তমান বর্ষ ( পদ্য )	১৩১
সরীসৃপ জাতি	১২৭	কৌলীন্য প্রথা	১৯৬
ঐ	২৩৭	বঙ্গদেশনাগণের পরিচ্ছদ	২২৫
গুহপানি জলপ্রপাত	২৩৬	স্বদেশের দুর্বস্থা	২২৭
		অবলার রোদন	২২৮
১০ । গৃহ চিকিৎসা ।		সন্ন্যাসীর উপাখ্যান ( পদ্য )	২৫৬
গৃহ চিকিৎসা	৯৪	কুলীন বহুবিবাহ	২৮৯
ঐ	১২৬	বর্দ্ধমানের স্ত্রীভয় নিবারণার্থ প্রার্থনা	২৯১
ঐ	১৯২	বিদ্যার সমান বন্ধু নাই	৩২২
ঐ	২৮৩	ঈশ্বর একমাত্র গতি	৩২৩
গার্হস্থ্য চিকিৎসা প্রণালী	২৪০	মহাত্মা লর্ড মেওর মৃত্যুতে খেদ	৩৫৫
ঐ	২৬৪		
ঐ	৩১৭	১৩ । নূতন সংবাদ ।	
ঐ	৩৩৬	বৈশাখ	৪০৯
শিশুর ক্রন্দন ( মাতৃশিক্ষা হইতে উদ্ধৃত )	৫৯	জৈষ্ঠ	৬০
		আষাঢ়	৯৮
১১ । বিবিধ ।		শ্রাবণ	১২৯
রাজকন্যা লুইসের শুভ বিবাহ	৫৪	ভাদ্র	১৬৪
অবলাবান্ধব	৯৬	আশ্বিন	১৯৩
প্রধান বিচারপতি নর্মাণ সাহেবের মৃত্যু	১৬৫	কার্ত্তিক	২২৩
মহাত্মা নর্মাণের সংক্ষেপ জীবন চরিত	১৬৯	অগ্রহায়ণ	২৫৫
প্রেরিত	২২৪	পৌষ	২৮৪
গুবর্ণর জেনারেল লর্ড মেওর শোচ- নীয় মৃত্যু	৩২৫	মাঘ	৩১৯
		ফাল্গুন	৩৫৩
		চৈত্র	৩৮০

## গ্রাহক গণের প্রতি ।

যাঁহাদিগের নিকট বামাবোধিনীর বর্তমান বর্ষের (১২৭৮ সাল) অগ্রিম মূল্য পাওয়া যায় নাই, তাঁহাদিগের স্মরণার্থ জ্ঞাত করা যাইতেছে যে দেয় মূল্য প্রতিখণ্ড হিসাবে ডাক মাশুল সমেত মনি অর্ডার কিম্বা অর্ক্ট আনার ডাক টিকিট দ্বারা পাঠাইয়া বাধিত করিবেন ।

চৈত্র মাসে যাঁহাদিগের অগ্রিম মূল্য শেষ হইবে, তাঁহারা অনুগ্রহ পূর্বক আগামী বর্ষের (১২৭৯ সালের) অগ্রিম মূল্য প্রেরণ করিবেন ।

যে সকল গ্রাহক মহাশয়ের নিকট ১২৭৮ সালের পূর্বের মূল্য প্রাপ্য আছে এবং পুনঃ পুনঃ পত্রাদি লিখিয়াও যাঁহাদিগের নিকট কোন সছুত্তর না পাওয়াতে বামাবোধিনী অত্যন্ত ক্ষতিগ্রস্ত হইতেছে, তাঁহাদিগের জন্য আমরা আগামী বৈশাখ পর্যন্ত অপেক্ষা করিব । তৎপরে তাঁহাদিগের বিশেষ দৃষ্টি পড়িবে বলিয়া তাঁহাদিগের নামের তালিকা পত্রিকাতে প্রকাশ করিতে বাধিত হইব ।

## ক্ষমা প্রার্থনা ।

অনবধানতা বশতঃ ১২৭৮ সালের বামাবোধিনী ৭ম ভাগ না হইয়া স্থানে স্থানে ৮ম ভাগ এবং বৈশাখ মাসের পত্রিকায় পত্রাঙ্ক ও ভাগ উভয়েরই গোলযোগ হইয়াছে, গ্রাহকগণ তাঁহা অনুগ্রহ পূর্বক সংশোধন করিয়া লইবেন ।

## মূল্য প্রাপ্তি ।

১২৭৮ সাল বৈশাখ হইতে চৈত্র ।

ঈশ্বরচন্দ্র ঘোষ, মেদিনীপুর (১)	৫
উপেন্দ্রচন্দ্র মিত্র, ঢাকা	৩১/১০
গোলাপ কুমারী, কালনা	৩১/১০
গোকুল কৃষ্ণ সিংহ, হুগলি	৩১/১০
বৈকুণ্ঠ নাথ সেন, নাটোর	২১/১০
বনমালী চট্টো, দানাপুর (২)	৭/০
রাজা প্রমথনাথ, রায় বাহাদুর দিবা- পাতিয়া	৩১/১০
রাম শঙ্কর সেন, রাণাঘাট	৩১/১০
প্রমত্ত কুমার চক্রবর্তী দিল্লি (৩)	৬/১০
যোগেন্দ্র নাথ সেন, জয়পুর	২১/১০
গৌরমণি দাসী, যশোহর	৩১/১০
গোবিন্দচন্দ্র চক্র, দিনাজপুর	২১/১০
শিবচন্দ্র সেন, লাহোর (৪)	৫/০
যতুনাথ ঘোষ, এলাহাবাদ	৩১/১০
রাজেন্দ্র নাথ মুখো, ভাগলপুর	৩১/১০
কৃষ্ণ বিহারী সেন, কলিকাতা	৩
মিস্ নাইট ঐ	৩

## কার্ত্তিক হইতে চৈত্র ।

গোবিন্দচন্দ্র বসু, হাবড়া	১৬/০
গুরুচরণ মুখো, রান্চি (৫)	২৬/০
“ গোপাল বিদ্যাস্ত, লাহোর (৬) ৪১/১০	
কালীনারায়ণ রায়, সুলতানপুর (৭) ২১/১০	
কৃষ্ণকুমার গুহ, ঢাকা (৮) ২১/১০	
মণিসিংহ বয়দ, জিষগঞ্জ (১০) ২১/১০	
অপূর্ব কৃষ্ণ পাল, মির্জাপুর (১১) ৩	
তারকচন্দ্র দাস, চট্টগ্রাম	১১/০
রতনমণি দাসী, ঐ (১২) ২১/১০	
নিরুপমা বসু, বাঙ্গা (১৩)	৩

গচ্ছিত ১২৭৯ সাল নিমিত্ত (১) ১১/০ (২) ১১/০ (৩) ২১/১০ (৪) ১১/১০ (৫) ১১/০ (৬) ৩ (৭) ১১/০ (৮) ১১/০ (৯) ১১/০ (১০) ১১/০ (১১) ১১/০ (১২) ১১/০ (১৩) ১১/০



৩৮-৮	বামাবোধিনী পত্রিকা ।	৭ম ভা
ঐ	১৯৩	বসন্তবর্ণনা ( পদ্য ) ৩৭৯
ঐ	১৭০	গ্রন্থ সমালোচনা ৩২৫
ঐ	২০৬	১২ । বামাগণের রচনা ।
উপন্যাস	২৭৪	দয়া ৩০২
গৌতমী স্কুলক সংবাদ	৩০৮	বঙ্গদেশীয় মহিলাগণের স্বাধীনতার বিষয় ৩২
৯ । অদ্ভুত বিবরণ ।		লজ্জা ৯৯
আশ্চর্য্য রক্ষ	৯৮	বর্তমান বর্ষ ( পদ্য ) ১৩১
সদীক্ষপ জাতি	১২৭	কৌশল্য প্রণা ১২৬
ঐ	২৩৭	বঙ্গদেশনাগণের পরিচ্ছদ ২২২
শুভপাণি জনপ্রপাত	২৩৬	স্বদেশের দুঃস্বপ্ন ২২৭
১০ । গৃহ চিকিৎসা ।		অবলার রোজন ২২৮
গৃহ চিকিৎসা	৯৬	সন্ন্যাসীর উপাখ্যান ( পদ্য ) ২৫৬
ঐ	১২৬	কুদীন বহুবিবাহ ২৮৯
ঐ	১৯২	বন্ধনানের স্ত্রীভয় নিবারণার্থ প্রার্থনা ২৯১
ঐ	২৮৩	বিদ্যার সমান বন্ধু নাই ৩২২
গার্হস্থ্য চিকিৎসা প্রণালী	২৪০	ঈশ্বর একমাত্র গতি ৩২৩
ঐ	২৬৪	মহাত্মা লর্ড মেওর মৃত্যুতে খেদ ৩৫৫
ঐ	৩১৭	১৩ । নূতন সংবাদ ।
ঐ	৩৩৬	বৈশাখ ৪০৯
শিশুর ক্রন্দন ( মাতৃশিক্ষা হইতে উদ্ধৃত )	৫৯	জ্যৈষ্ঠ ৬০
১১ । বিবিধ ।		আষাঢ় ৯৮
রাজকন্যা লুইসের শুভ বিবাহ	৫৪	শ্রাবণ ১২৯
অবলাবান্ধব	৯৬	ভাদ্র ১৬৪
প্রধান বিচারপতি নন্দীনাথ সাহেবের মৃত্যু	১৬৫	আশ্বিন ১৯৩
মহাত্মা নন্দীনাথের সংক্ষেপ জীবন চরিত	১৬৯	কার্তিক ২২৩
প্রেরিত	২২৯	অগ্রহায়ণ ২৫৫
গবর্ণর জেনারেল লর্ড মেওর শোচনীয় মৃত্যু	৩২৫	পৌষ ২৮৮
		মাঘ ৩১৯
		ফাল্গুন ৩৫৩
		চৈত্র ৩৮০

## গ্রাহক গণের প্রতি ।

বাহাদিগের নিকট বামাবোধিনীর বর্তমান বর্ষের ( ১২৭৮ সাল ) অগ্রিম মূল্য পাওয়া যায় নাই, তাহাদিগের স্মরণার্থ জ্ঞাত করা যাইতেছে যে দেয় মূল্য প্রতিখণ্ড হিসাবে ডাক মাসুল সমেত মনি অর্ডার কিম্বা অর্ক্ট আনার ডাক টিকিট জরায় পাঠাইয়া বাধিত করিবেন ।

চৈত্র মাসে বাহাদিগের অগ্রিম মূল্য শেষ হইবে, তাহারা অনুগ্রহ পূর্বক আগামী বর্ষের ( ১২৭৯ সালের ) অগ্রিম মূল্য প্রেরণ করিবেন ।

যে সকল গ্রাহক মহাশয়ের নিকট ১২৭৮ সালের পূর্বের মূল্য প্রাপ্য আছে এবং পুনঃ পুনঃ পত্রাদি লিখিয়াও বাহাদিগের নিকট কোন মতান্তর না পাওরাতে বামাবোধিনী অত্যন্ত ক্ষতিগ্রস্ত হইতেছে, তাহাদিগের জন্য আমরা আগামী বৈশাখ পর্যন্ত অপেক্ষা করিব । তৎপরে তাহাদিগের বিশেষ দৃষ্টি পড়িবে বলিয়া তাহাদিগের নামের তালিকা পত্রিকাতে প্রকাশ করিতে বাধিত হইব ।

## ক্ষমা প্রার্থনা ।

অনবধানতা বশতঃ ১২৭৮ সালের বামাবোধিনী ৭ম ভাগ না হইয়া স্থানে স্থানে ৮ম ভাগ এবং বৈশাখ মাসের পত্রিকায় পত্রাঙ্ক ৩ ভাগ উভয়েরই গোলযোগ হইয়াছে, গ্রাহকগণ তাহা অনুগ্রহ পূর্বক সংশোধন করিয়া লইবেন ।

## মূল্য প্রাপ্তি ।

১২৭৮ সাল বৈশাখ হইতে চৈত্র ।

ঈশ্বরচন্দ্র ঘোষ, মেদিনীপুর (১)	৫
উপেন্দ্রচন্দ্র মিত্র, ঢাকা	৩১/১০
গোলাপ কুমারী, কালনা	৩১/১০
গোকুল কৃষ্ণ সিংহ, হুগলি	৩১/১০
বৈকুণ্ঠ নাথ সেন, নাটোর	২১/১০
বনমালী চট্টো, দানাপুর (২)	৯
রাজা প্রমথনাথ, রায় বাহাদুর দিঘা-পাতিয়া	৩১/১০
রাম শঙ্কর সেন, রাণাঘাট	৩১/১০
প্রসন্ন কুমার চক্রবর্তী দিল্লি (৩)	৩/১০
যোগেন্দ্র নাথ সেন, জয়পুর	২১/৯
গৌরমণি দাসী, যশোহর	৩১/১০
গোবিন্দচন্দ্র চক্র, দিনাজপুর	২১/৯
শিবচন্দ্র সেন, নাহোর (৪)	৫/১০
বহুনাথ ঘোষ, এলাহাবাদ	৩১/১০
বাজেন্দ্র নাথ মুখো, ভাগলপুর	৩১/১০
কৃষ্ণ বিহারী সেন, কলিকাতা	৩
মিস্ নাইট ঐ	৩

## কার্তিক হইতে চৈত্র ।

গোবিন্দচন্দ্র বসু, হাবড়া	১/৯
শুকচরণ মুখো, রান্টি (৫)	২/৯
গোপাল বিদ্যাস্ত, নাহোর(৬)	৪১/১০
কালীনারায়ণ রায়, সুলতানপুর(৭)	২১/৯
কৃষ্ণকুমার গুহ, ঢাকা (৮)	২১/৯
মণিসিংহ রয়দ, জয়গঞ্জ (১০)	২১/৯
অপূর্ব কৃষ্ণ পাল, নিজাপুর (১১)	৩
তারকচন্দ্র দাস, চট্টগ্রাম	১/৯
রতনমণি দাসী, ঐ (১২)	২১/৯
নিকুপমা বসু, বাঙ্গা (১৩)	৩

গচ্ছিত ১২৭৯ সাল নিম্নলিখিত (১) ১১/১০ (২) ১১/১০ (৩) ২১/১০ (৪) ১১/১০ (৫) ১/১০ (৬) ৩ (৭) ১/১০ (৮) ১/১০ (৯) ১/১০ (১০) ১/১০ (১১) ১১/১০ (১২) ১/১০ (১৩) ১১/১০



# EAST INDIA PRESS.

## প্রাচীন ভারত যন্ত্র ।

২২২ নং কর্ণওয়ালিস্ স্ট্রীটে ইংরাজী ও বাঙ্গলা পুস্তক, পত্রিকা ও জব ওয়ার্ক অল্পমূল্যে উত্তম অক্ষরে বিশেষ যত্ন পূর্বক মুদ্রিত হইতেছে ।

## নূতন পুস্তক ।

### বাগারচন্দাবলী ।

এদেশীয় বামাগণের নানা বিষয়িণী উৎকৃষ্ট রচনা সকল সংগৃহীত হইয়া হেয়ার প্রাইজ ফণ্ডের সাহায্যে মুদ্রিত হইয়াছে । পুস্তক খানি ২৫ ফরমা এবং উত্তম অক্ষরে মুদ্রিত । ভাল বাঁধান মূল্য ১ টাকা । সামান্য বাঁধান মূল্য বার আনা । মফঃস্বলের নিমিত্ত ডাক মাসুল ২/০ আনা ।

### স্ত্রীলোকদিগের বিদ্যাশিক্ষার আবশ্যিকতা ।

স্ত্রীলোকদিগের বিদ্যাশিক্ষার আবশ্যিকতা—বামাবোধিনী পত্রিকার ১ম সংখ্যায় প্রস্তাবের ছলে যে প্রস্তাব মুদ্রিত হয়, তাহা মফঃস্বলের অশিক্ষিত স্ত্রীলোকদিগের মনে বিদ্যাচুরাগ জন্মাইবার বিশেষ উপযোগী বলিয়া স্বতন্ত্র পুস্তিকাকারে প্রকাশিত । মূল্য ৫০ দুই পয়সা মাত্র ।

### গৃহ চিকিৎসা ।

১ম ভাগ—মূল্য ৮/০ আনা ।

কলিকাতা বামাবোধিনী কার্যালয়, সংস্কৃত পুস্তকালয় এবং যদুগোপাল চট্টোপাধ্যায় কোম্পানির যন্ত্রালয়ে পাওয়া যায় ।

বামাবোধিনী কার্যালয় ।

১৩ নং মূর্জাপুর স্ট্রীট ।

PRINTED AT THE EAST INDIA PRESS, 222, CORNWALLIS STREET.

Registered No. 45.